


R. 7.10. ~~11~~

11. 11. 11

9

11. 11. 11





INSTRUCTIO  
PRACTICA  
THEOLOGICÆ MYSTICÆ,

Facilem & practicū modum Exercitia Spiritualia  
S. P. IGNATHI LOYOLÆ per octiduum  
faciendi; item triduanam recollectionem  
fructuose instituendi complectens;

SACERDOTIBUS PRÆCIPUE,  
*aut de Sacerdotali Statu suscipiendo deliberantibus*  
*accommodata.*

AUCTORE  
R. P. TOBIA LOHNER,  
SOC. JESU PRESBYTERO.




VENETIIS

Excudebat JO: BAPTISTA ALBRIZZI HIER. FIL.

M D C C X X V I.

CUM SUPERIORUM PERMISSU, AC PRIVILEGIO.



# PRÆFATIO AD LECTOREM.

**N**E ipso statim in limine odiosum & ingratum tibi Theologiæ Mysticæ nomen accidat, amice Lector, scire te velim, non presse me Theologiam Mysticam hoc loco sumere pro illo Habitu, qui in sublimi & Extatica contemplatione rerum celestium occupatur, & a Maximiliano Sandæo & aliis Notitia Contemplativa Sapida Dei & Divinorum definitur, nec nõ varios post se effectus admirandos, paucissimisque puta secessum, intuitionem, silentium, suspensionem, quietē, ebrietatē, rictum, unionem, mortem, liquefactionem, fervorem, languorem, osculum, illapsum, tactum, amplexum, locutionem, auditionem, Extasim, raptum, apparitionem mysticam, trahit. Hæc enim uti non nisi iis ordinariè cõmunicatur, qui in sublimi perfectionis gradu constituti, per intimam cum Deo familiaritatem se ad ejusmodi donum & favorem extraordinarium percipiendum disposuerunt, ita Divino potius, quam humano Magisterio addiscitur. Latius ergo nomen Theologiæ Mysticæ hic accipitur, pro illa Theologiæ parte, quæ in Mysteriorum Divinorū affectuosa Meditatione occupatur, ita ut ex cõsideratione Mysteriorum non spirituales dumtaxat sensus, & doctrinas ad Intellectum illustrandum pertinentes eruat, sed variis etiam motivis ad easdē doctrinas in praxin redigendas voluntatem impellat. Qua in acceptione secutus sum præcipue Philippum Alegambē, qui in Bibliotheca Scriptorum Societ. J. inter alios Titulos in Indice Materiarum positos, etiam hunc Titulum, Theologia Mystica seu Meditationes & Preces, ponit; ubi, ut patet utiq; Theologiæ Mysticæ vocabulū latius accipit pro ea dumtaxat Theologiæ parte, quæ in Meditationibus & Precibus rite perficiendis dirigit.

Quia vero ad ejusmodi Meditationes fructuose instituendas nusquam melior, quam in secessu spirituali, seu Exercitiis spiritualibus a S. Patre nostro ex singulari Divini Spiritus instinctu excogitatis offertur occasio; hæc guttım Sacerdotibus ad anti-

*marum curam incumbenſibus vel maxime ſuadēda ſunt (qua de cauſa variis in locis etiā Congreg. Sacerdotum erectæ ſunt, in quibus omnes inſcripti Sacerdotes ſingulis annis per 8. dies Exercitiis Spiritualibus vacare jubetur) ideo ut ejuſmodi Sacerdotes, uti & alii ſponte ea facere volentes, nec ſemper Directorem ad manum habentes, hoc ſuum ſaluberrimum propoſitū tanto facilius, fructuoſuſq; exequantur; viſum eſt opera pretiū futurum, ſi uti in aliis ad eorum functiones pertinentibus materiis breves Inſtructiones ſubminiſtravi, & adhuc, ſi Superiores annuerint, ſubminiſtrare cogito, ita pro hac quoq; ſaluberrima exercitatione ſuccinctam, ſed accuratam tamen, & dilucidam inſtructionem componerem, in qua non generalia dumtaxat principia Exercitiorum Spiritualium, ſed ipſa quoque earundem praxiſ practica digeſtione materiæ traderentur.*

*Non ignoro equidem quamplurimos a variis Auctoſibus tractatus de hac materia fuiſſe compoſitos, ſed qui plerumq; jam ſupponant rudem ſaltem eorum, quæ ad Exercitia Spiritualia pertinet, cognitionem; nec facile etiam Meditationes ad certos Hominum Statu, & ſpecies accommodant. Quare ut etiam quoad utrumq; hoc caput nonnullum ſubſidium offeram Sacerdotibus, junioribus maxime, & in hac Theologia Myſtica parū exercitatiſ, duas in partes totū hunc Tractatum dividam; in quarum priore generalia principia ad cognoscendam Exercitiorum Spiritualium Formam, dignamq; de iis æſtimationem concipiendam pertinentia paullo ſuſius explicabo; in poſteriore vero, quomodo illa ipſa principia in particulari ad varios Hominum Status applicari poſſint, dilucide oſtendam; ut, quemadmodum in aliis, ita etiam in hac materia varietas Sacerdotes delectet, & excitet. Ideo in duas partes totam Inſtructionem dividam, quarum prior ſæcularibus, poſterior Religioſis ſerviet. Faxit Deus, ut, quem fructum Exercitia Spiritualia ab aliis impoſita in aliis multis pepererunt, eundem etiam ſimplex iſta & brevis Inſtructio ad Dei majorem gloriam, Sacerdotum ſolatium, ac animarum ſalutem directæ reportet.*

# INDEX TITULORUM.

## PARS I.

De Exercitiis Spiritualibus in genere.

### CAPUT I.

*De Natura Exercitiorum Spiritualium.* fol. 1

§. 1. De causa finali Exercitiorum. 2

§. 2. De causa Materiali seu subiecto Exercitiorum. 6

§. 3. De causa formali Exercitiorum. 8

*Membrum I. De Ordine in Exercitiis observando.* 9

*Membrum II. De Meditatione.* 10

*Membrum III. De Consideratione.* 19

*Membrum IV. De vocali Oratione.* 21

*Membrum V. De Lectione Spiritualis.* 23

*Membrum VI. De Examine generali.* 25

*Membrum VII. De particulari examine.* 29

*Membrum VIII. De Confessione generali.* 31

*Membrum IX. De collatione Spiritualis.* 34

*Membrum X. De Electione.* 36

§. 4. De Causa efficiente Exercitiorum. 41

*Membrum I. De Directione.* ibid.

*Membrum II. De Ministro.* 44

*Membrum III. De Collocutoribus.* 45

*Membrum IV. De Loco.* ibid.

### CAPUT II.

De præstantia Exercitiorum Spiritualium.

### TITULUS I.

*De præstantia Exercitiorum ex intrinsecis prædicatis.* 46

§. 1. De necessitate Exercitiorum. ibid.

§. 2. De utilitate Exercitiorum. 50

*Fructus I. Temporis fructuosa collocatio.* ibid.

*Fructus II. Peccatorum conversio.* 51

*Fructus III. Confessionis integritas.* 52

*Fructus IV. Pænæ temporalis remissio.* 53

## Index Titulorum.

|  |       |
|--|-------|
| <i>Fruſtus V. Virtutum ſtudium , &amp; augmentum .</i>                         | 54    |
| <i>Fruſtus VI. Meritorum incrementum .</i>                                     | 56    |
| <i>Fruſtus VII. Præparatio ad officia vite obeunda .</i>                       | 57    |
| <i>Fruſtus VIII. Zelus animarum .</i>  | 59    |
| <i>Fruſtus IX. Perfectionis aſſecutio .</i>                                    | 62    |
| <i>Fruſtus X. Diſpoſitio optima ad mortem pie , &amp; feliciter obeundam .</i> | 63    |
| <i>Fruſtus XI. Eccleſiæ , &amp; Familiarum Religioſarum incrementum .</i>      | 65    |
| <i>Fruſtus XII. Majus divinæ gloriæ incrementum .</i>                          | 67    |
| §. 3. De jucunditate Exercitiorum .  | ibid. |

## TITULUS II.

|   |       |
|---|-------|
| De præſtantia Exercitiorū ex entrinſecis testimoniis.                               | 72    |
| §. 1. Quanti DEUS faciat Exercitia .  | ibid. |
| §. 2. Quantopere Chriſtus Exercitia æſtimarit , & commendarit .                     | 73    |
| §. 3. Quam æſtimationem B. Virgo de Exercitiis habuerit .                           | 75    |
| §. 4. Quid SS. Patres de Exercitiis ſenſerint .                                     | 77    |
| §. 5. Quid ſummi Pōtices de Exercitiis ſenſerint .                                  | 80    |
| §. 6. Quid Cardinales de Exercitiis ſenſerint .                                     | 81    |
| §. 7. Quid Epifcopi de Exercitiis ſenſerint .                                       | 83    |
| §. 8. Quid DD. Theologiæ de Exercitiis ſenſerint .                                  | 84    |
| §. 9. Quid S. Ignatius , & alii Religioſi Societatis JESU de Exercitiis ſenſerint . | 85    |
| §. 10. Quid alii Religioſi de Exercitiis ſenſerint .                                | 87    |
| §. 11. Quid Sæculares Catholici de Exercitiis ſenſerint .                           | 88    |
| §. 12. Quid Hæretici & Ethnici de Exercitiis ſenſerint .                            | 89    |

## CAPUT III.

|   |  |
|---|--|
| De Mediis quibuſdam ad Exercitia fruſtuofe faciendæ conducentibus . |  |
| §. 1. Quæ media poſitiva adhibenda ſint ad Exercitia                |  |

# Index Titulorum.

|   |       |
|---|-------|
| fructuose peragenda .   | 91    |
| §. 2. Quæ media negativa adhibenda sint ad Exercitia fructuose obeunda .            | 96    |
| §. 3. Qualis Ordo Diurnus in Exercitiis sit observandus .                           | 100   |
| <i>Membrum I. Monita generalia pro Ordine Diurno conficiendo, &amp; observando.</i> | ibid. |
| <i>Membrum II. Monita specialia de Ordine Diurno in Exercitiis observando .</i>     | 104   |
| §. 4. Modus facillimus meditandi paulo fusius proponitur .                          | 109   |

## P A R S II.

|   |     |
|---|-----|
| Practica Exempla Meditationum pro secessu a Sacerdotibus instituendo completens . | 120 |
|---|-----|

## C A P U T I.

|   |            |
|---|------------|
| <u>Practica Exempla pro ostiduo secessu .</u> | <u>121</u> |
|---|------------|

## D I V I S I O I.

|   |            |
|---|------------|
| <u>Pro ostiduo secessu juxta normam a S. Ignatio assignatam facta .</u> | <u>122</u> |
|---|------------|

|  |  |
|--|--|
| <u>Meditatio præmialis pridie Exercitiorum peragenda .</u> |  |
|--|--|

|   |            |
|---|------------|
| <u>De Fine, &amp; Scopis horum Exercitiorum .</u> | <u>123</u> |
|---|------------|

|                           |            |
|---------------------------|------------|
| <u>Materia Lætionis .</u> | <u>125</u> |
|---------------------------|------------|

|                       |            |
|-----------------------|------------|
| <u>Annotationes .</u> | <u>127</u> |
|-----------------------|------------|

|                     |            |
|---------------------|------------|
| <u>Additiones .</u> | <u>132</u> |
|---------------------|------------|

|  |            |
|--|------------|
| <u>Alia tria puncta Sacerdoti specialiter observanda ad felicem Exercitiorum successum consequendum.</u> | <u>137</u> |
|--|------------|

## EXERCITIA PRIMÆ HEBDOMADÆ.

### PRIMA DIES .

|                                    |            |
|------------------------------------|------------|
| <u>Medit. I. De fine hominis .</u> | <u>140</u> |
|------------------------------------|------------|

|   |            |
|---|------------|
| <u>Medit. II. De peccatis alienis .</u> | <u>144</u> |
|---|------------|

|   |            |
|---|------------|
| <u>Confideratio de inspectione status .</u> | <u>149</u> |
|---|------------|

|   |            |
|---|------------|
| <u>Medit. III. De peccatis propriis .</u> | <u>151</u> |
|---|------------|

|                           |            |
|---------------------------|------------|
| <u>Materia Lætionis .</u> | <u>155</u> |
|---------------------------|------------|

**Regulæ De discretione Spirituum.** 156

**SECUNDA DIES.**

Medit. I. De morte Sacerdotis. 162

Medit. II. De extremo iudicio. 165

Consideratio de Linguæ custodia. 169

Medit. III. De inferno. 171

Materia Læctionis. 176

Materia scriptionis. 177

**EXERCITIA SECUNDÆ HEBDOMADÆ.**

Proœmium. 180

**TERTIA DIES.**

Medit. I. De regno Christi. 183

Medit. II. De Nativitate Christi. 189

Consideratio de Cura sui ipsius. 193

Medit. III. De Vita privata Christi. 197

Materia Læctionis. 201

Materia scriptionis. *ibid.*

**DIES QUARTA.**

Medit. I. De duobus vexillis. 203

Medit. II. De tribus Clafibus. 210

Consideratio de cura animarum. 214

Medit. III. De vita publica Christi. 215

Materia Læctionis. 218

Tres gradus humilitatis. *ibid.*

Materia scriptionis. 219

**EXERCITIA TERTIÆ HEBDOMADÆ.**

Monita circa illam. 223

**DIES QUINTA.**

Medit. I. De Lotione pedum, fuminaque humilitate per eam a Christo exercita. 226

Medit. II. De SS. Eucharistiæ institutione. 230

Medit. III. De Agonia Christi, & oratione in horto. 233

Consideratio de charitate erga alios homines curæ Pa-



*Index Titulorum.*

|  |       |
|--|-------|
| florali non subjectos.                       | 236   |
| Materia Lectionis.                           | 238   |
| Regulæ posteriores de discretione Spirituum. | ibid. |
| Materia Scriptionis.                         | 240   |

**DIES SEXTA.**

|  |     |
|--|-----|
| Medit. I. De primo Christi comite seu indigentia summa.    | 242 |
| Medit. II. De secundo Christi comite seu dolore summo.     | 246 |
| Medit. III. De tertio Comite Christi, seu contemptu summo. | 250 |
| Consideratio de Mortificatione interna, & externa.         | 252 |
| Materia Lectionis.   | 253 |
| Materia Scriptionis.                                       | 256 |

**EXERCITIA QUARTÆ HEBDOMADÆ.**

**DIES SEPTIMA.**

|  |     |
|--|-----|
| Medit. I. De gloriosa resurrectione Christi.         | 260 |
| Medit. II. De Ascensione gloriosa Christi.           | 264 |
| Medit. III. De Spiritus Sancti missione.             | 266 |
| Consideratio de actionibus quotidianis rite obeūdis. | 269 |
| Materia Lectionis.                                   | 274 |
| Materia Scriptionis.                                 | 275 |

**DIES OCTAVA.**

|   |       |
|---|-------|
| Medit. I. De gloria, & cultu Beatorum.          | 279   |
| Medit. II. De gloria, & cultu B. Virginis.      | 282   |
| Medit. III. De amore DEI.                       | 286   |
| Consideratio de propositorum executione.        | 292   |
| Materia Lectionis.                              | 294   |
| Regulæ de scrupulis cognoscendis, & deponendis. | ibid. |
| Materia Scriptionis.                            | 295   |

**NONA DIES.**

|  |     |
|--|-----|
| Medit. Unica De gratiis pro felici Exercitiorum successu referendis. | 297 |
|--|-----|

|                            |              |
|----------------------------|--------------|
| <u>Materia Lectionis .</u> | <u>399</u>   |
| <u>Tres modi orandi .</u>  | <u>ibid.</u> |

**DIVISIO SECUNDA .**

**PRO OCTIDUANO SECESSU .**

|  |     |
|--|-----|
| Meditatio Proœmialis pridie Exercitiorum perage-<br>da . | 303 |
|--|-----|

**PRIMÆ HEBDOMADÆ .**

*Dies Prima .*

|   |            |
|---|------------|
| <u>Medit. I. De fine Hominis .</u>  | <u>305</u> |
| <u>Medit. II. De fine Sacerdotis .</u>  | <u>309</u> |
| Consideratio de peccatis in specie , quæ a Sacerdotibus<br>committi possunt .               | 313        |
| <u>Medit. III. De indifferentia in usu rerum creatarum<br/>summe Sacerdoti necessaria .</u> | <u>317</u> |

**SECUNDA DIES .**

|  |            |
|--|------------|
| Medit. I. De peccati mortalis a Sacerdote commissi<br>gravitate .            | 321        |
| <u>Medit. II. De peccati venialis a Sacerdote commissi<br/>gravitate .</u>   | <u>324</u> |
| Consideratio de actionibus quotidianis in genere re-<br>cte obeundis .       | 328        |
| <u>Medit. III. De vera pœnitentia , &amp; conversione Sacer-<br/>dotis .</u> | <u>331</u> |

**TERTIA DIES .**

|   |     |
|---|-----|
| Medit. I. De morte Sacerdotis .               | 335 |
| Medit. II. De Iudicio extremo .               | 338 |
| Confid. de actionibus ad Deum pertinentibus . | 341 |
| Medit. III. De Purgatorio , & Inferno .       | 344 |

**QUARTA DIES .**

|  |            |
|--|------------|
| <u>Medit. I. De duobus vexillis .</u>  | <u>348</u> |
| <u>Medit. II. De Incarnatione , Nativitate , &amp; Circumci-<br/>sione Christi .</u> | <u>351</u> |
| Consideratio de actionibus ad B. Virginis , & alio-                                  |            |

*Index Titulorum.*

|  |            |
|--|------------|
| rum Sanctorum cultum pertinentibus .                 | 354        |
| <u>Medit. III. De reliqua Christi vita occulta .</u> | <u>358</u> |

QUINTA DIES.

|   |            |
|---|------------|
| <u>Medit. I. De Christi Baptismo, Jejunio, &amp; tentationibus .</u>  | <u>361</u> |
| <u>Medit. II. De Vocatione Apostolorum .</u>                          | <u>365</u> |
| <u>    Consideratio de actionibus ad proximum spectantibus .</u>      | <u>368</u> |
| <u>Medit. III. De triennio ultimo Christi ante Passionem exacto .</u> | <u>373</u> |

SEXTA DIES.

|  |            |
|--|------------|
| <u>Medit. I. De lotione pedum .</u>  | <u>377</u> |
| <u>Medit. II. De SS. Eucharistiæ Institutione .</u>                        | <u>380</u> |
| <u>    Consideratio de actionibus ad Officium Pastorale spectantibus .</u> | <u>383</u> |
| <u>Medit. III. De agonia, &amp; oratione Christi in horto .</u>            | <u>387</u> |

SEPTIMA DIES.

|  |            |
|--|------------|
| <u>Medit. I. De Passione Christi .</u>                                   | <u>390</u> |
| <u>Medit. II. De crucifixione, &amp; morte Christi .</u>                 | <u>393</u> |
| <u>    Consideratio de actionibus ad ipsum Sacerdotem spectantibus .</u> | <u>396</u> |
| <u>Medit. III. De Christi sepultura, &amp; descensu ad Inferos .</u>     | <u>400</u> |

QUARTA HEBDOMAS.

OCTAVA DIES.

|  |            |
|--|------------|
| <u>Medit. I. De gloriosa Christi Resurrectione .</u>           | <u>404</u> |
| <u>Medit. II. De Ascensione Christi .</u>                      | <u>407</u> |
| <u>    Consideratio de Negotiatione spiritali Sacerdotis .</u> | <u>410</u> |
| <u>Medit. III. De Missione Spiritus Sancti .</u>               | <u>413</u> |

NONA DIES.

|   |            |
|---|------------|
| <u>Medit. Unica . De gratitudine pro acceptis in secessu Beneficiis exercenda .</u> | <u>417</u> |
|---|------------|

DIVISIO TERTIA.

Ostiduanæ Recollectionis per Parabolarum considerationem faciendæ. 421

PRIMA DIES.

Medit. I. De fine hominis, & Sacerdotis. 425

Medit. II. De peccatis. 428

Consideratio de radice peccatorum seu Concupiscentia. 432

Medit. III. De Morte Justorum, & Peccatorum. ibid.

SECUNDA DIES.

Medit. I. De extremo Judicio. 438

Medit. II. De Purgatorio. 441

Consideratio de Custodia sensuum. 444

Medit. III. De inferno. 446

TERTIA DIES.

Medit. I. De regno Christi. 449

Medit. II. De abnegatione omnis amoris inordinati erga res creatas. 452

Consideratio de linguæ custodia. 454

Medit. III. De fervore in perfectionis studio. 457

QUARTA DIES.

Medit. I. De Paupertate Spirituali. 460

Medit. II. De Castitate. 463

Consideratio de regularum, & constitutionum Ecclesiasticarum accurata custodia. 465

Medit. III. De obedientia. 468

QUINTA DIES.

Medit. I. De oratione. 471

Medit. II. De humilitate. 474

Consideratio de frequenti recollectione sui. 477

Medit. III. De pura intentione. 480

SEXTA DIES.

Medit. I. De Zelo animarum. 483

*Index Titulorum .*

Medit. II. De indifferentia Religiosi , vel Sacerdotis . 486

Consideratio de sedula administratione officii . 488

Medit. III. De Cautela Operarii. 491

SEPTIMA DIES.

Medit. I. De Beneficio Redemptionis . 494

Medit. II. De fructibus ex Passionis Dominicæ consideratione referendis . 497

Consideratio de tribulationum utilitate , iisque rite ferendis . 500

Medit. III. De constantia inter aduersa . 503

OCTAVA DIES.

Medit. I. De cœlesti gloria . 505

Medit. II. De cultu SS. Patronorum . 508

Consideratio de ordine diurno ordinando . 511

Medit. III. De amore Dei . 513

NONA DIES.

Medit. finalis De gratiarum actione pro felici successu Exercitiorum . 516

C A P U T I I.

DE TRIDUANA RECOLLECTIONE A  
Sacerdotibus , & Clericis instituenda .

*Primum Exemplar*

Recollectionis triduanæ instituendæ . 519

PRIMA DIES.

Medit. I. De fine hominis . 521

Medit. II. De vocatione cœlesti inquirenda . 524

Examen per reliquum hujus diei tempus instituentium . 527

Materia lectionis . 532

SECUNDA DIES.

Medit. I. De dotibus ad Sacerdotem necessariis . 533

Medit. II. De fructibus , & commodis status Sa-

*Index Titulorum.*

|  |     |
|--|-----|
| cerdotalis .                           | 535 |
| Examen per reliquum diem instituendum. | 539 |

**TERTIA DIES.**

|  |     |
|--|-----|
| Medit. I. De incommodis, & periculis status Sacerdotalis . | 547 |
| Medit. II. De executione vocationis .                      | 552 |

**E X A M E N,**

*Reliquo hujus diei tempore instituendum.*

|                              |     |
|------------------------------|-----|
| Observanda ante electionem . | 556 |
| Observanda in electione .    | 558 |
| Observanda post electionem . | 559 |

*Secundum Exemplar*

**TRIDUANÆ RECOLLECTIONIS.**

**DIES PRIMA.**

|  |     |
|--|-----|
| Medit. I. De officio, & dignitate Sacerdotis .                           | 565 |
| Medit. II. De primo Sacerdotis Officio, seu Missæ Sacrificio offerendo . | 568 |
| Occupationes per reliquum tempus .                                       | 573 |

**DIES SECUNDA.**

|   |     |
|---|-----|
| Medit. I. De secundo Sacerdotis Officio, seu horarum Canonicarum devota recitatione .             | 575 |
| Medit. II. De tertio Sacerdotis Officio, videlicet administratione Sacramentorum, & verbi divini. | 579 |
| Occupationes per reliquum hujus diei tempus .   | 583 |

**DIES TERTIA.**

|   |     |
|---|-----|
| Medit. I. De triplici Zelo Sacerdotis .                                 | 585 |
| Medit. II. De Mediis ad Sacerdotis Officium rite obeundum necessariis . | 590 |
| Occupationes reliquæ diei .   | 594 |

*Tertium Exemplar*

**TRIDUANÆ RECOLLECTIONIS,**

|   |     |
|---|-----|
| Pro iis, qui post animarum curam aliquamdiu exercitam recolligere se desiderant . | 598 |
|---|-----|

*Index Titulorum.*

**DIES PRIMÆ.**

|                                       |     |
|---------------------------------------|-----|
| Medit. I. De corde novo procurando.   | 600 |
| Medit. II. De corde mundo procurando. | 604 |
| Occupationes reliquæ hujus diei.      | 607 |

**DIES SECUNDA.**

|   |     |
|---|-----|
| Medit. I. De corde recto procurando.    | 609 |
| Medit. II. De corde ardente procurando. | 613 |
| Occupationes reliquæ diei.              | 617 |

**DIES TERTIA.**

|                                       |     |
|---------------------------------------|-----|
| Medit. I. De corde carneo procurando. | 619 |
| Medit. II. De corde alto procurando.  | 621 |
| Occupationes reliquæ diei.            | 624 |

*Quantum Exemplar*

**TRIDUANÆ RECOLLECTIONIS,**

|  |     |
|--|-----|
| Pro Sacerdote seriam pœnitentiam facere volente. | 625 |
|--|-----|

**DIES PRIMA.**

|                                 |     |
|---------------------------------|-----|
| Medit. I. De Petro delinquente. | 626 |
| Medit. II. De Petro pœnitente.  | 628 |

**DIES SECUNDA.**

|  |     |
|--|-----|
| De Petro respecto a Christo, seu de adjumentis ad veram pœnitentiam agendam. | 630 |
|--|-----|

|  |     |
|--|-----|
| Medit. II. De Petro vincente, seu de impedimentis pœnitentiæ removendis. | 632 |
|--|-----|

**DIES TERTIA.**

|  |     |
|--|-----|
| Medit. I. De Petro fervente.   | 635 |
| Medit. II. De Petro constante, id est perseverantia pœnitentiæ procurando. | 637 |
| Occupationes reliquæ pro hoc triduo.                                       | 639 |

# NOI RIFORMATORI

## DELLO STUDIO DI PADOVA.

**A** Vendo veduto per la Fede di Revisione, ed Approvazione del P. F. Tommaso Maria Gennari Inquisitore nel Libro intitolato : *Instructio Practica Theologiae Mysticae , facilem & practicum modum Exercitia Spiritualia S. P. Ignatii Loyolae , &c. Auctore R. P. Tobia Lobner , Soc. Jesu Sacerdote* , non vi essere cosa alcuna contro la Santa Fede Cattolica , e parimente per Attestato del Segretario Nostro , niente contro Principi , e buoni costumi , concediamo Licenza a *Giambatista Albrizzi q. Girolamo Stampatore* , che possa essere stampato, osservando gli ordini in materia di Stampe, e presentando le folite copie alle Pubbliche Librerie di Venezia, e di Padova.

Dat. li 28. Agosto 1736.

( Gio: Emo Kav. Proc. Rif.

( Pietro Grimani Kav. Proc. Rif.

Agostino Gadaldini Segr.



# P A R S I.

## De Exercitiis Spiritualibus in Genere.

**T**Ria præcipuè capita de Exercitiis Spiritualibus in genere tractanda sunt; videlicet Natura, & Præstantia eorundem, ac media, quorum auxilio optatus Exercitiorum successus facilius obtinetur. De singulis paulo fufius in hac parte agetur.

### C A P U T I.

#### *De Natura Exercitiorum Spiritualium.*

**Q**uid nomine Exercitiorum Spiritualium intelligatur; ipse eorum Auctor S. Ignatius ann. 1. sat clare indicavit, dum dixit, intelligi per ea modum quemlibet examinandi propriam Conscientiam; item meditandi, contemplandi, orandi secundum mentem, & vocem; ac postremo alias quascumque Spirituales operationes. Sicut enim deambulare, iter facere, & currere, exercitia sunt corporalia; ita quoque præparare, & disponere animam ad tollendas affectiones omnes male ordinatas, & iis sublati ad quærendam, & inveniendam voluntatem DEI, circa vitæ suæ institutionem, & salutem animæ, Exercitia Spiritualia vocantur. Unde colligitur, dicta Exercitia paulo fufius sic describi posse, quod scilicet sint *Exercitationes piæ in secessu Spiritualia ad finem ultimum, atque perfectionem certius, facilius, & abundantius consequendam assumptæ*; id, quod ipse Christus sua Incarnatione, & adventu potissimum intendit, dum ideo venit in Mundum, ut vitam homines habeant, & abundantius habeant. Quæ tota descriptio clarius patebit, si omnia, quæ de his exercitiis dici possunt, ad quatuor suas causas revocentur, ut in sequentibus paragraphis præstabitur.

## S. I.

## De Causa finali Exercitiorum Spiritualium.

I. Ut facilius, clariusque finis horum Exercitiorum cognoscatur, supponendum est primo ex S. Thoma 2. 2. q. 81. a. 8. perfectionem in duobus potissimum capitibus consistere; in puritate scilicet, & immobili unione cum DEO; per hanc enim DEO velut summo bono, & fini ultimo Homo conjungitur, atque adeo veram felicitatem, qualis in hac vita mortali haberi potest, assequitur. Quia vero Homo cum DEO uniri non potest, nisi ab omnibus inferioribus objectis seu creaturis penitus sit separatus; ideo puritas requiritur, cujus proprium est officium, mentem ab omni inordinato erga res creatas amore abstrahere, atque ad solum Deum amandum, atque fruendum convertere.

II. Secundo supponendum est, duplicem esse charitatem, seu unionem cum DEO; *affectivam* scilicet, & *effectivam*, quarum prior in solis actibus internis complacentiæ, congratulationis, & laudis ob summam ejus bonitatem consistit; posterior vero etiam ad opera DEO placentia, gloriamque ejus manifestandam, atque augendam impellit; ad quam proinde S. Joannes 1. Jo: 3. horatus est dicens: *Filioli mei, non diligamus verbo, neque lingua, sed opere, & veritate.* De eadem etiam locutus est S. Ignatius, dum in Contemplatione de amore dixit, amorem magis in operibus, quam verbis consistere.

III. Atque hinc videlicet totus virtutum tam Theologicarum, quam Moralium apparatus originem suam trahit; cum enim nihil amari possit, nisi præcognitum, nec voluntas ad prosecutionem alicujus objecti media, viresque applicet, nisi possibilem illius consecutionem esse sciat; hinc Fidei, & Spei supernaturalis necessitas oritur, quarum illa DEUM saltem in ænigmate cum suis perfectionibus ostendit; ista vero possessionem illius per media convenientia obtineri posse demonstrat. Quia autem, ut recte D. Augustinus in epist. ad Maced. advertit,

tit, *Ad DEUM*, qui ubique præsens est, non pedibus licet ire, sed moribus; mores autem nostri non ex eo, quod quisque novit, sed ex eo, quod diligit, dijudicari solent; hinc ante omnia prima virtus moralis, nempe Prudentia est necessaria, quæ media ad finem propositum convenientia eligere doceat. Post hanc vero Justitia requiritur, quæ ad jus suum cuique tribuendum inclinet. A quo exercitio, cum duo potissimum impedimenta, teste S. Augustino in Pl. 38. impediunt, nempe male ardens cupiditas, & male jacens timiditas (quam ob causam jam olim antiqui Philosophi totam suam Philosophiam in geminis vocibus *abstine*, & *sustine*, constituerunt) hinc reliquarum duarum moralium virtutum, videlicet *Temperantia*, & *Fortitudinis*, necessitas oritur; quarum prior cupiditatem inordinatam refrenat: posterior vero nimiam inter pericula, & difficultates timiditatem mitigat. Atque ex his modo non difficile erit, finem, & scopum, imo totum Sistema Exercitiorum Spiritualium per sequentia Corollaria cognoscere. Itaque

IV. Colligitur primo. Rectè ab Ascetis & Patribus Spiritualibus vitam hominis peregrinationi, seu itineri comparari; ut enim is, qui iter facit, tria sibi proposita habere, & præstare debet, nempe Terminum, seu locum, a quo recedendum est: Terminum seu viam, per quam incedendum est: & Terminum denique seu locum, ad quem accedendum est, ac in eo quiescendum; ita simili quoque modo eadem tria is, qui hanc vitam ingressus est, atque ad ultimum suum finem tendit, sibi proponere debet. Et Terminus quidem, ad quem assequendum tendere oportet, non alius est, quam ipsa Charitas, seu unio cum DEO, quæ est perfectio hominis, & ultimus finis, in quo finaliter quiescendum est. Quia vero ab hoc Termino per solum inordinatum amorem sui ipsius, & aliarum creaturarum, atque adeo per peccatum receditur, ideo Terminus, a quo discedendum est, rectè prædictus amor inordinatus, & peccatum statuitur. Cum vero ad peccatum vitandum oppositarum virtutum exercitium requiratur, ideo rectè quoque pro via, per quam ad DEUM accedendum est, virtutes, quas DEUS a

quovis homine secundum Statum suum requirit ; assignantur ; quam totam doctrinam ipse Spiritus Sanctus per Prophetam Davidem Psal. 33. indicasse videtur , dum dixit : *Quis est homo , qui vult vitam , diligit dies videre bonos ? Diverge a malo , & fac bonum : inquire pacem ( seu perfectionem & finem ultimum , in cujus adeptione pax vera animi consistit ) & persequere eam .*

V. Colligitur secundo . Recte ab iisdem Ascetis in studio perfectionis tres vias triplici , de quo modo diximus , Termino correspondentes assignari ; quarum primam *Purgativam* vocant , eo quod proprium illius officium sit , animam purgare , id est , ab omni amore inordinato rei terrenæ , atque peccato abstrahere , in qua vera animæ puritas consistit . Alteram *illuminativam* vocant , eo quod anima e tenebris peccati liberata fiat habilis , & apta ad Divinas illustrationes , & ad illapsum interni luminis recipiendum ( juxta illud Christi ) *Beati mundo corde : quoniam DEUM videbunt* . Matth. 5. imo in ipsa luce & die virtutum & operum bonorum ambulare incipiat , sicque adimpleat consilium Apostoli dictis Rom. 13. *Nox præcessit , dies autem appropinquavit . Abjiciamus ergo opera tenebrarum , & induamur arma lucis . Sicut in die honeste ambulemus* . Alii non incongrue hanc viam ideo illuminativam dici existimant , quod homo in hac via constitutus pro fine exercitium virtutum sibi propositum habeat , atque ut hunc finem facilius , perfectiusque assequatur , Christum , qui est lux vera illuminans omnem hominem venientem in hunc mundum , & absolutissima omnis virtutis , ac sanctitatis Idea , in tali exercitio imitandum assumat , atque adeo ab illo illuminetur ad dictas virtutes perfectissimo modo exercendas . Tertiam deinde viam *Unitivam* appellant , eo quod per illam homo ipsam Charitatis Divinæ perfectionem , atque adeo etiam unionem cum DEO assequatur ; sicque Terminum sui itineris seu tendentiæ ad ultimum finem adeptus , suaviter in eodem requiescit .

VI. Colligitur tertiò . Potissimum exercitiorum scopum esse , ut hominem salutis suæ studiosum per triplicem hanc viam ad ultimum suum finem deducant . Et si

enim

enim S. Ignatius totam Exercitiorum materiam in quatuor hebdomadas divisit, recte tamen eadem, ut fufius Directorium Exercitiorum ostendit, triplici huic viæ respondere dicuntur, cum prima hebdomas tota in peccatis extirpandis occupetur, atque adeo viæ Purgativæ respondeat; Secunda vero, & tertia totæ in virtutibus Christi imitandis laborent; quarum aliquæ, quia in *agendo* præcipuè consistunt (ut virtutes ad Prudentiam, & Justitiam pertinentes) aliæ in homine ab illicitis objectis abstrahendo, atque adeo in *abstinendo* occupentur; aliæ denique in eodem homine adversus varias difficultates in virtutum exercitio occurrentes roborando, atque adeo in *sustinendo* versentur; & hæc utpote longe aliis difficiliore. majorem quoque perfectionem, qualem Christus in sua passione maxime ostendit, involvant, merito iisdem S. Ignatius peculiarem hebdomadam assignavit, adeoque viam hanc illuminativam, sicut olim S. Thomas secundam Theologiæ partem, in duas alias partes partitus est. Quarta denique, quæ in homine per Divinum amorem inflammando potissimum defudat, viæ unitivæ respondet. Circa quas tamen hebdomadas, & vias recte notat citatum Directorium, non ita, quæ de iis dicta sunt, accipienda esse, ut intelligatur aliquis, peracta prima hebdomada, perfecte & plene purgatus; peracta autem secunda & tertia hebdomada perfecte illuminatus; & quarta denique absoluta, pervenisse ad plenam unionem cum DEO (hæc enim omnia indigent diuturno tempore, studio, & exercitatione in extirpandis vitiis, in passionibus edomandis, & virtutibus acquirendis) sed quod quatuor hæc hebdomadæ respondeant his tribus viis; primo propter materias, quæ in earum qualibet tractantur, pertinentes ad has vias; & quia in eis jaciuntur initia singularum, quæ deinde oportet prosequi cum tempore, & cum studio, si velimus ad aliquam earum perfectionem pervenire. Deinde etiam, quia discitur modus, & methodus, quam deinceps servare debemus in unaquaque harum via prosequenda.

VII. Colligitur quarto. Recte ab aliquibus pro Scopo horum Exercitiorum Spiritualium *Reformationem hominis*

*interioris* assignari; quæ quidem nihil aliud est, quam morum, vitæque in meliorem formam commutatio, & triplex ab Antonio Gaudier d. 6. Introd. c. 25. statuitur. Prima est omnino necessaria ad salutem, cum quis in Statu suo damnabilitet vivit. Secunda est extreme contraria, nimirum Perfectorum, qui nec gravia habent peccata, nec imperfectiones magnas, quas tollant in sua reformatione, unde præcipue intendunt, majorem dumtaxat perfectionem addere, magisque ac magis Christo se conformare. Tertia reformatio est media inter priores duas, quando scilicet vita nec omnino damnabilis, nec omnino perfecta est, sed multis, ac periculosis imperfectionibus est plena, adeo ut periculose vivatur, & interdum peccata, de quibus dubium est, an non sint mortalia, committantur; quæ proinde frequentior esse solet, atque adeo crebrius etiam per Exercitia intenditur.

## §. I I.

### De Causa Materiali, seu subjecto Exercitiorum:

I. Per hanc is, qui Exercitia factururus est, intelligitur, de quo quidem id potissimum hoc loco considerandum est, quomodo dispositus esse debeat, ut optatum ex talibus Exercitiis fructum referat; quæ dispositio juxta ea, quæ in Directorio cap. 2. dicuntur, ad tria fere capita revocari potest, nempe ut aliqua erga DEUM; alia erga eum, qui tradit Exercitia; alia denique erga seipsum observet.

II. Primo itaque erga DEUM sequentia tria observare debet juxta citatum Directorium. 1. Ut habeat magnam spem in bonitate, & liberalitate DEI, qui, cum etiam errantes requirat, & fugientes sequatur, multo magis eos, qui ad se ultro bono animo accedunt, recipiet, & complectetur. 2. Ut libenter, & avidè Exercitia hæc aggrediatur, non tam ut spiritali dulcedine fruatur, quam ut DEI voluntatem de se intelligat, suumque affectum a terrenis omnibus avellat, & cum in

in suo Creatore collocet . 3. Ut sit benè resignatus in beneplacito DEI in iis, in quibus adhuc liber est, itaque animo paratus sit, ut, quidquid cognoverit a DEO faciendum esse, omnia exequi decernat; minime autem DEO ponere modum velit aut terminum, ultra quem illuminari, aut juvari non petat; hoc enim modo, præterquam quod valde indecens sit, ut Creatura cum suo Creatore sic agat, valde sibi ipsi nocet, tum quia privat se maioribus donis; tum quia meretur tali restrictione, ut ne ea etiam, quæ vellet, accipiat. Quare debet potius animi finem dilatare, ut quam maxime possit sese cum DEO conjungere, & quam maxime ab eo ditari, & thesauris istis cœlestibus repleri desideret; a qua quidem dispositione si non totum, certe præcipuum Exercitiorum fructum dependere recte affirmant Ascetæ de hac materia scribes.

III. Secundo erga eum, qui in tradendis Exercitiis Directoris munere functurus est, sequentia observare debet. 1. Ut eum tamquam Instructorem, & DEI instrumentum ad hoc missum, ut ipsum dirigat, & ducat per eam viam, quæ ad vitam ducit, intueatur; atque adeo cum omni reverentia, alacritate, & confidentia excipiat, quæ ei proponet. 2. Ut sincere totum cor suum eidem patefaciat, & candide referat, quo modo meditationes successerint, quæque in eis, vel extra eas reliquo tempore lumina, vel bona desideria, aut consolationes, desolationesve senserit.

IV. Tertio denique erga se ipsum pariter tria observare debet. 1. Ut magna cum alacritate hæc Exercitia aggrediatur; ad quod conducet, si intelligat, quanta sit res, quam aggreditur; nempe quæ non solum ad animam pertineat, sed ita pertineat, ut, si modo diligenter præstet ea, quæ debet, jacturus sit fundamenta spiritualis profectus, quæ deinceps per totam vitam usui futura sint. Ad eundem finem non parum conducet, si consideretur, quid Viri doctrina, & virtute, ac non solum rerum humanarum experientia, sed etiam spiritualium peritia insignes de his Exercitiis senserint, ut qui ea re ipsa experti ita proparunt, ut illorum usu

maiores, quam sperare ausi essent, suarum animarum fructum, & solatium se consecutos esse, tum verbis, tum scriptis prædicarint, ut in secundo capite pluribus exemplis demonstrabitur. 2. Ut statuatur secum viriliter agere, & omnia impedimenta Divinæ gratiæ fortiter rejicere, omnesque animi vires intendere, ut huic gratiæ cooperetur, & se ad eam recipiendam, quam optime poterit, disponat. Atque adeo in hunc finem ab omnibus negotiis domesticis prius se expediat, vel certe aliis interea illa committat, ac toto tempore omne sibi Amicorum, ac Familiarium commercium interdicat; hæc enim mentem summo opere distrahunt, & conceptum fervorem restringunt. 3. Ut ad plenam quoad omnia indifferentiam se reducens, magno, liberalique animo, totum studium & arbitrium suo offerat Creatori, ut de se, suisque omnibus id statuatur, in quo ipsi potissimum servire possit juxta ejusdem beneplacitum, id quod summo opere ad optatum ex his Exercitiis fructum referendum conducere, in ipso mox annotationum suarum principio S. Ignatius testatur.

## §. III.

## De Causa Formali Exercitiorum.

Quæ sit causa formalis Exercitiorum, fat clare Paulus III. in Bulla, qua anno 1548. eadem Exercitia approbavit, indicasse videtur, dum dixit, ea nihil aliud esse, quam documenta quædam ex S. Scripturis, & vitæ spiritualis experimentis elicta, & in ordinem ad pie movendos Fidelium animos aptissimum a S. Ignatio redacta; ex his enim verbis, & ex ipsa definitione Exercitiorum, quæ supra ex ipsis S. Ignatii verbis relata est, facile colligitur, duplicem esse causam formalem eorumdem Exercitiorum: *partialem* scilicet, quæ in singulis actionibus spiritualibus, ex quibus velut partibus juxta definitionem S. Ignatii, Exercitia constituuntur, & octo plerumque numerantur, videlicet Meditatio, Consideratio, Oratio vocalis, Lectio, Examen conscientiæ, Confessio generalis, Collatio cum Patre Spirituali, & Ele-



Electio Status, reperitur; & *universalem*, quæ omnibus memoratis partibus est communis, ut nempe certo quodam Ordine velut vinculo inter se connectantur, certa-que intentione ad unum Scopum, ac finem, videlicet reformationem hominis interiorem, destinentur. Unde paucis verbis hæc causa formalis sic exprimi potest: Est legitima, & ordinata peractio actionum Spiritualium ad interiorem hominis reformationem in secessu Spirituali suscipi solitarum. Quæ descriptio, ut melius intelligatur, qua ratione singulæ supra enumeratæ actiones peragi debeant, de utraque causa formali indicata paulò fusius, & clarius discurrendum est.

## MEMBRUM I.

### *De Ordine in Exercitiis observando.*

I. Triplex plerumque Ordo statuitur, per quem actiones in Exercitiis Spiritualibus suscipi solitæ connectuntur. Primus in *Temporis* distributione consistit, ut scilicet totus dies in varias occupationes ita distribuatur, ut certa cuilibet functionis Spirituali hora respondeat; sic enim & tædium levatur, & animus functionibus præscriptis semper occupatus, a multis distractionibus, quæ otiosæ menti facile alioqui obrepere solent, liberatur. Quia tamen non omnes eadem dormienti, surgendi, meditandi, aliaque similia officia peragendi tempora æqualiter observare queunt, ideo nec unus quidem modus hujus distributionis assignari potest, sed is considerata ejus, qui Exercitia facit, natura & corporis constitutione, aliisque circumstantiis, vel a Directore, vel cum hujus consilio ab ipso Exercitante faciendus, atque, ut facilius in memoria retineatur, scripto notandus est; cujus exemplar ad initium tertii capitis hujus partis afferetur.

II. Secundus Ordo Materialium, de quibus Meditationes, & Considerationes instituendæ sunt, ordinatam distributionem complectitur; qui quidem vix alius esse debet, quam is, quem S. Ignatius in libello Exercitiorum,

rum,

rum, servata quatuor hebdomadarum distributione, assignavit. Ubi tamen bene observandum est, quod idem Sanctus in annotatione decima notavit, quod, licet pro integris Exercitiis quatuor hebdomadæ assignentur, id tamen non ita accipiendum sit, ut necessario unaquæque hebdomas septem, vel octo dies contineat, sed juxta subjectæ materiæ rationem, ejusque, qui exercetur, dispositionem, aut occupationem pro libitu quælibet hebdomas vel succidi, vel extendi possit. Imo nec ipsæ etiam, quas S. Ignatius pro singulis diebus præscripsit, materiæ tam rigido ordine assumendæ sunt, quin interdum aliæ, licet in libello Exercitiorum minimè contineantur, interferi possint, ut ipse iterum Libelli Auctor post quintum diei primæ Exercitium monet.

III. Tertijs tandem Ordo circa ipsarum, quæ in Exercitiis assumendæ sunt, functionum distributionem versatur, ut scilicet sciat, qui exercetur, quot horas Meditationi, aut Lectioni Spirituali impendere: quando generalem Confessionem instituere, aut Electionem Status facere: quando cum Instructore, aut aliis colloqui: de qua materia Examen particulare instituere: quæ opera pœnitentiæ assumere debeat, & similia.

## M E M B R U M II.

### *De Meditatione.*

Ut tam hæc, quam secuturæ actiones spirituales cum debito fructu, & solatio obeantur, ante omnia bene notandum est triplicem plerumque causam esse, ob quam ex ejusmodi actionibus optatus fructus non referatur, nempe vel quia Natura earum, & Scopus, ad quem tendere debent, sufficienter non cognoscitur; vel quia conveniens Modus ejusdem practice, & utiliter peragendi ignoratur; vel quia digna de illarum præstantia, utilitate æstimatio non habetur, unde fit, ut exigua in iisdem perficiendis diligentia adhibeatur, atque adeò DEUS etiam auxilium, & gratiam ad eas rite obeundas necessariam parcius largiatur, cum, ut sapienter Cæsarius hom.

3. ad Monachos advertit; *Tantum DEUS addat ad Adjutorium, quantum nos addiderimus ad studium*. Quare ut hoc triplex impedimentum efficaciter removeatur, in singulis hisce actionibus hæc tria breviter ostendam, nempe quæ sit Natura, & Scopus illius, quæ praxis, & quæ æstimatio de illa concipienda sit.

### Natura, & Scopus,

I. Meditationis nomine hoc loco non intelligitur quæcumque investigatio naturalis alicujus, aut etiam supernaturalis veritatis (hæc enim solius luminis naturalis, aut Theologiæ studio haberi potest) sed actio religiosa, per quam ex discussione alicujus historiæ, vel veritatis supernaturalis voluntas ad pios affectus, vitæque reformandæ serium propositum excitatur, gratiaque ad illud exequendum a DEO postulatur. Quam proinde Meditationem S. Ignatius in libello Exercitiorum *Exercitium trium Potentiarum* vocat, eo quod ordinarie per tres Potentias peragatur, scilicet per memoriam, intellectum, & voluntatem, ita tamen, ut, quemadmodum bene advertunt P. Zacharias Trinkelius c. 7. proleg. & alii, hæc potentia hoc loco non secundum rigorem, & proprietatem Philosophicam sumantur, sed memoriæ nomine tam apprehensio, quam judicium de veritate supernaturali intelligatur, atque ut sic ad eam pertineat, non tantum repræsentare intellectui mysterium aut veritatem, sed etiam, Personas, Cogitationes, Verba, desideria, facta expendere. Per Intellectum vero sola ratiocinatio, sive discursus, per quem ex veritate aliqua proposita conclusiones practicæ ad morum & virtutis perfectionem accommodatæ deducantur, significetur; per voluntatem denique variæ voluntatis operationes atque affectus pii, qui primarius fere Meditationis Scopus sunt, indicentur. Etsi vero S. Ignatius in libello Exercitiorum primam duntaxat primæ diei Meditationem *Exercitium trium Potentiarum* vocaverit, hoc tamen non ideo fecit, ut indicaret in aliis Meditationibus non opus fore triplicis hujus potentiaë concursu, sed ut in hoc quasi aditu, & principio viam monstra-

straret, quæ in reliquis deinceps Meditationibus tenenda foret, ut recte Directorium advertit.

II. Ex quo toto discursu facile nunc colligitur primo, Quadruplicem Meditationi Scopum præfigi debere, quorum primus est *Cultus DEI, & Sanctorum*, ad quorum honorem ejusmodi Meditatio instituitur, ut per illam gloria, & virtutes, ac perfectiones eorumdem clariùs cognoscantur, & ad perfectam imitationem animus incitetur. Secundus est ipsius *Intellectus illustratio*, ut, ubi ille solidam, & genuinam cælestium rerum pariter, ac terrestrium cognitionem, æstimationemque hauserit, tanto facilius voluntatem ad cælestes quidem appetendas, & quærendas, terrestres vero vilipendendas, & fugiendas excitet. Tertius est *Excitatio, & Motus voluntatis* ad ea, quæ intellectus facienda proposuerit, executioni mandanda, in quo Scopopræcipuus Meditationis fructus consistit, cujus defectu frequenter locum habet nota illa lamentatio: *Video meliora, proboque, deteriora sequor*. Quartus est *Petitio gratia, & Auxilij Divini cum congruis affectibus*; cum enim DEUS ex una parte dixerit Jo. 15. *Sine me nihil potestis facere*; ex altera vero parte etiam Jo. 16. dixerit: *Petite, & accipietis*; merito postquam is, qui meditatur, voluntatem suam ad vitium aliquod fugiendum, aut virtutem aliquam amplectendam, commotam senserit, ad auxilium à DEO petendum per orationem se accingit; ob quam causam præcipuè Meditatio, Oratio mentalis vocari solet, ut indicaretur scilicet, utramque, id est, Meditationem, & Orationem simul jungendam esse, eo quòd, ut S. Bernardus ser. 1. de S. Andrea loquitur, *Meditatio docet, quid desit; Oratio, quod deest, obtinet. Illa viam ostendit, ista deducit. Meditatione agnoscimus imminentia nobis pericula, Oratione evadimus*.

III. Colligitur secundò, Meditationem ratione secundi & tertii Scopi priori numero indicatorum rectè Exhortationem, sive concionem privatam hominis ad seipsum vocari; ut intelligatur, quemadmodum non illæ Conciones fructuosæ censentur, in quibus intellectus curiosis discursibus, & ingeniosis conceptibus pascitur, & re-  
crea-

créatur, sed in quibus voluntas ad vitii fugam, & virtutis amorem movetur, atque adeo Auditores, ut dici solet, demissis in terram oculis, capitibusque compuncti ex templo discedunt; ita id ipsum de fructu Meditationis sentiendum esse, ut scilicet in hac quoque doctrina, & motus præcipue intendatur; delectatio verò non alia, quam ea, quæ doctrinam, & motum sequitur, quæ-  
ratur.

### *Æstimatio :*

Hæc non difficulter concipietur, si firmiter sibi Exercitans persuadeat, Meditationem esse scholam, in qua cælestis Sapientia addiscitur, docens omnia suis momentis æstimare, & terrena quidem cum S. Paulo ut stercora arbitrari, & contemnere; DEUM vero, & cælestia super omnia æstimare, & amare; nam, ut Thomas Kemp, l. 1. c. 1. ait, ista est summa sapientia, per contemptum mundi tendere ad regna cælestia. Unde noster P. Franciscus Suarez tanti æstimabat hoc Exercitium, ut dicere ausus sit, malle se omnem suam scientiam perdere, quàm unicam Meditationis horam negligere. Sanctus Pater Ignatius vero, quanti æstimavit Meditationem, tunc maximè prodidit, quando P. Jacobo Layni suadenti, ut longius tempus in Societate pro Meditatione præscriberet, respondit, nolle se id facere, eo quod unicus etiam quadrans in Meditatione fructuose obita consumptus sufficiens sit ad vitam perfecte instituendam.

### *Praxis.*

I. Hæc in eo præcipue consistit, ut materia & forma Meditationis sint optima: Et materia quidem optima erit, si solida, & practica doctrina, id est, ad vitiorum fugam, vel virtutis amorem, & studium ordinata assumatur, & in sua puncta bene dividatur. Etsi autem aliqui hanc materiam ad duo capita revocari posse existiment, ad rem gestam scilicet, vel piam historiam, & ad veritatem aliquam a DEO revelatam, aut Sacræ Scri-  
ptu-

pturæ Verbis comprehensam ; rectius tamen , & clarius alii ad septem capita reducunt, nempe 1. ad Historiam. 2. Parabolam. 3. Sententiam. 4. Regulam vel Præceptum. 5. Virtutem. 6. Vitium. 7. Actionem aliquam indifferentem, v. g. si quis meditari vellet, quomodo actiones suas ordinarias & quotidianas ritè, & fructuose obire vellet ; aut de iisdem recollectionem aliquam, & Examen per ipsam Meditationem institueret. Ex his quippe septem Fontibus omnis materia, quæ in Meditatione discutienda assumitur, oriri plerumque solet, ut consideranti patebit.

II. Forma Meditationis in quatuor ferè capitibus consistit, nempe in Præparatione, Discussionem, Colloquiis, Examine, ut enim, qui alteri concionari cupit, prius & se, & Auditores præparat ; tum actu de proposita materia discurret, & concionatur ; & tandem concionem perferentem Epilogum concludit ; ac, ubi a Concione sua discesserit, super successu concionis se reflectit ; ita id ipsum cum proportionem in Meditatione velut privata sui ipsius exhortatione observandum est.

III. Et ad Præparationem quidem quod attinet, quanto-pere ea necessaria sit, jam olim Siracides c. 18. indicavit, dum dixit : *Ante Orationem præpara animam tuam, & noli esse quasi homo, qui tentat DEUM* ; id est, exigens, aut sperans ipsius auxilium, cum tamen te ad illud percipiendum per cooperationem disponere nolis. Certè quod de Concionatoribus dici plerumque solet : *Qui ascendit sine labore, descendit sine honore* ; id de fructu orationis meliori jure usurpari potest, ut scilicet talis vel consolatio vel emendatio ex Meditatione percipiatur, qualis præparatio præcesserit. Porro triplex plerumque Præparatio ab Ascetis post S. Ignatium requiritur. 1. *Remota*, quæ in eo consistit, ut & materia sequenti die discutienda prælegatur, disponatur, & tum vesperti ante somnum, tum mane, ubi quis evigilaverit, menti per memoriam repræsentetur. 2. *Propinqua*, quæ requirit, ut a loco Meditationis uno, alterove passu distans, animo breviter erecto ad DEUM, eundem quasi præsentem, & quid acturus sitis, qui meditabitur, spectantem imaginetur, humilemque illi reverentiam exhibeat. 3. *Proxima*,

ma, ad quam S. Ignatius tria præludia exigit (saltem si pro materia Meditationis historia habetur) quorum primum est repræsentatio nuda historię, seu Mysterii absque discussione facta, ut sciatur materia, de qua mox meditandum est, sicque animus paulatim ad illam considerandam excitetur: sicut cum quis oculos in tabulam aliquam pictam, in qua magna rerum varietas reperitur, conjicit, prius unico quasi intuitu omnia confuse cernit, discitque, quid in tabula tali contineatur; postea vero figit oculos in singulis particularibus rebus, quę ibi pictę sunt, easque accuratius perpendit.

Alterum præludium compositionem loci involvit, quę nihil aliud est, quàm fictio, seu visio imaginaria loci illius, in quo res, de qua meditatur, gesta est; aut certè, si res incorporea est, alterius cuiuspiam rei, quę præsenti materię convenit, imaginatio; hac enim loci imaginatione valde juvatur animus ad attentionem retinendam, eo quod Phantasia certę rei affixa contineatur, ne tam facile evagetur: aut certe, si quando divertat, habeat ad manum, quo se facile colligat, & in antiquum locum revocet. Recte tamen hoc loco monent Patres Spirituales, diligenter cavendum esse, ne in tali compositione fabricanda exercitans immoretur, aut vim capiti faciat, cum neutiquam in ea fructus præcipuus Meditationis consistat, sed via dumtaxat sit, & instrumentum ad fructum.

Tertium præludium est petitio gratię, qua fructus propositę Meditationis argumento correspondens obtineatur. Et hæc quidem ultima duo præludia in omni Meditatione usurpanda sunt; uti in progressu practicis exemplis demonstrabitur.

IV. Discussio, quę nihil aliud est, quam accurata propositę materię secundum suas circumstantias, aut varios sensus ponderatio ad pium aliquem affectum excitandum ordinata, varie a variis peragitur; nam aliqui quidem familiarem illum Versiculum: *Quis, quid, ubi, quibus auxiliis, cur, quomodo, quando*: adhibent; & secundum has circumstantias materiam propositam discutunt. Alii ex singulis punctis singulas doctrinas

nas eruunt, & sibi applicant; alii unica dumtaxat doctrina contenti, eam per totam Meditationem ruminant eo fere modo, qui mox subjicietur. Et hic modus duplici ex capite reliquis præferendus videtur: quia scilicet & ipse intellectus plus temporis habet ad doctrinam accuratius considerandam; & voluntas tanto vehementius impelli potest ad illam doctrinam amplectendam, quanto plura ab intellectu motiva, mediaque excogitantur, & repræsentantur ad illam persuadendam accommodata. Quem in finem proderit observasse, quod ex primario quodam Concionatore audivisse me memini, qui dicere solebat, se facilem modum novis Concionatoribus ostensurum, quem si observent, certo sibi polliceri queant, concionem suam Auditoribus non utilem dumtaxat, sed gratam etiam futuram. Rogatus ergo, ut modum hunc aperire dignaretur, respondit, cum in his quatuor aut quinque industriis, sive præceptis consistere. Et 1. quidem ante omnia laborandum, ut doctrina valde practica, & in quotidianum fere usum veniens pro Scopo, & materia Concionis eligatur. 2. Dandam esse operam, ut doctrina illa bene explicetur, ut intellectus Auditorum bene illustretur, discatque, quid ab illis per talem doctrinam exigatur. 3. Unam vel alteram rationem afferendam esse, per quam voluntas excitetur ad talem doctrinam amplectendam, atque ut hæc excitatio facilius obtineatur, etiam pulchro aliquo, & authentico exemplo, vel historia allatas rationes confirmari posse. 4. Quia frequenter a tali doctrina practicanda Auditores, vel per difficultatem Operis, vel certe per alias vanas persuasiones, & excusationes absterri se sinunt, ideo vanitatem harum persuasionum ostendendam, mediumque unum, vel alterum ad facilitandam doctrinæ propositæ praxin esse suggerendum. 5. Denique totam concionem ferventi, & zeloso Epilogo concludi debere, ut, ubi tam serio rem agi à Concionatore advertit Auditor, ad assensum facilius persuaderi se permittat. Hæc, inquam, tota doctrina, si in Meditatione (quam esse quasi privatam concionem supra dixi) quoque observaretur, & in primo quidem puncto doctrinæ propositæ qualitas, & præ-



xis ab intellectu bene indagaretur; in secundo motiva et eam amplectendam impellentia proponerentur; & in tertio tandem media ad faciliorem ejusdem doctrinæ praxin conducentia inquirerentur; dubitare sane vix posset; qui magnus ex tali Meditatione fructus, nec minus solatium reportaretur. Alii denique modum per quatuor Quæstiones sese examinandi adhibent, ita ut post præmissa consueta Præludia 1. quærant ex se, quod est punctum Meditationis præsentis? & per exercitium memorix mox vel historiam, vel sententiam, aut aliam materiam, quam pro Meditatione elegerunt, recolant, & tum actum fidei cum actu reverentiæ, & humilitatis subjungant. 2. Quærant, quid de hoc puncto considerandum? & mox per Exercitium Intellectus, Personas, Verba, Actiones, Circumstantias loci, temporis, modi, causas, effectus &c. considerent. 3. Quærant; quid mihi utilitatis spiritualis ex præcedentibus capiendum? & mox respondeant, in primis varios affectus esse concitandos, puta Reverentiæ erga talem Personam, Adorationis; Fiduciæ; Amoris, Timoris, Admirationis, Laudis, Pudoris, Compassionis, Congaudii, & Congratulationis &c. qui propterea statim reipsa elici possunt. Deinde etiam doctrina aliqua practica, v. g. virtutem, aut vitii fugam, quam imitetur, eruendam, ejusque vel necessitatem, vel utilitatem, dignitatemque considerandam, sibi que applicandam. Quod ut efficacius fiat, poterit doctrina talis ad alios primum applicari, dicique v. g. quid si alius hoc, vel illud faceret, an non insigni laude, merito, præmio, aut e contrario reprehensione, poenæ dignum existimares? postea ad se fiat conversio, perpendaturque, quanto magis sibi ejusmodi doctrina conveniat, sive ex vi Status, sive ob propriam infirmitatem, sive ob peculiaria dona ac talenta, ac beneficia, favoresque acceptos. Denique media, & occasiones inquirendas, firmumque propositum executionis in casu particulari concipiendum. 4. Quærant, quid super his cum DEO, & Sanctis colloquendum? & respondeant, esse agendas DEO gratias, aliaque præstanda, quæ in sequenti numero de colloquiis dicentur. Et

B

hunc

hunc modum velut simplicissimum iis plerumque suadent Patres Spirituales, qui rudioris sunt ingenii, et intellectus, atque in Meditationis Exercitio parum adhuc exercitati; per illum quippe obtinebunt, ut aliquem saltem fructum ex singulis quæstionibus obtineant, sicque non facile inutilem Meditationem faciant; qui tamen ipse modus, ut aliis etiam servire possit, infra cap. 3. paulò fufius proponetur.

V. Colloquia vel singula singulis punctis submitti, vel in fine ultimi puncti unum, aut plura formari possunt; atque vel ad Sanctos, vel ad B. Virginem, vel ad Christum, vel ad æternum Patrem, aut Spiritum Sanctum institui, tantoque meliora erunt, quanto pluribus, et ad materiam propositam accommodatis affectibus abundarint. Potissimi autem affectus, qui plerumque elici possunt, et solent in ejusmodi colloquiis, sunt Admiratio, Gratulatio, Gaudium, Gratiarum actio, Dolor, Erubescencia, Humilitas, Oblatio; Desiderium, Propositum, Fiducia, Amor, Invocatio, Obsecratio, Laus, quorum eliciendorum practicum exemplum in secunda parte afferetur.

VI. Examen denique requirit, ut reflexio super ingressu, et progressu, et successu Meditationem instituatur; et si quidem bene successisse comperiat, debitæ gratiæ agantur; sin minus prosper successus obvenerit, dolor concipiatur, venia petatur, causa mali successus inquiratur, et emendatio proponatur. Præterea vero alia quoque duo documenta circa hoc Examen communiter suggerunt Ascetæ, nempe, ut et per diem identidem proposita in Meditatione concepta recolantur; et ubi peculiaris a DEO illustratio obtigerit, ea breviter, ne memoriam subterfugiat, in libello ad hoc deputato annotetur.

## M E M B R U M . I I I .

## De Consideratione.

## Natura, et Scopus.

I. Per hanc nihil aliud intelligitur, quam ponderatio cujusdam objecti, minori cum apparatu, quam Meditatio fieri consuevit, facta. Unde differt a Meditatione triplici ex capite.

II. Primo ratione *Objecti*: nam in Meditatione plerumque aut *Mysterium* aliquod, aut veritas supernaturalis discutienda assumitur; in Consideratione autem plerumque actiones particulares, quarum reformatio intenditur: aut *Regulæ*, quarum observatio quaeritur: aut, ut P. Paulus Barry in solitudine Hagiophilæ præscribit, nervosæ quædam rationes ad certum quempiam affectum concitandum aptæ assumuntur.

III. Secundo differt ratione *Modi*: cum enim in Meditatione accurata objecti propositi discussio, et laboriosa voluntatis ad varios affectus concitatio, nec non varia cum DEO, aut Sanctis colloquia instituantur; nihil simile in consideratione, ut mox patebit, est necessarium; hinc neque tanta, quanta in Oratione adhiberi consuevit, attentio est opus.

IV. Tertio Ratione *Dispositionis* corporis, et animi: nam in Meditatione quidem animus tum per varia præludia, tum per convenientem situm corporis ad reverentiam disponendus est, ut ea, qua par est, reverentia, atque decentia, colloquia cum DEO, Sanctisque misceantur; in Consideratione vero, cum sola super actionem quamdam rite instituendam, aut Regulam observandam reflexio, ac propositum emendationis intendatur, variique affectus non ex composito, sed prout temere occurrunt, eliciantur, nullo simili apparatu est opus, sed liber est situs corporis, modo finis per eam intentus obtineatur.

V. Atque ex his facile nunc patet, quis præcipue sit

Scopus, ad quem in ejusmodi Consideratione collimandum est, videlicet inspectio, et reformatio Status; etsi enim hic finis toti Secessui Spirituali sit propositus, ut supra dictum est, per hanc tamen Considerationem specialius intenditur, et obtinetur, eo quod hæc in particulari descendat ad actiones quotidianas, et suo Statui convenientes reformandas, in qua ordinatione potissimum reformatio hominis consistit.

### Æstimatio.

Et si forte hæc Consideratio prima fronte, eo quod minore apparatu, et præparatione, ac contentione fieri plerumque soleat, minorem quoque fructum polliceri videatur, aliter tamen de ea sentiunt Ascetæ, ex quibus citatus Barry in monitis suis ad solitudinem Hagiophilæ testatur, experientia sibi probatissimum esse, tantumdem, imo nonnuluquam plus, has considerationes ad præfixum reformationis Scopum profuisse, quam ipsas Meditationes. Et merito, nam per illam acquiritur vera sui cognitio, *sine qua* (teste S. Bernardo l. 37. sup. Cant.) *nemo potest salvari, de qua nimirum Mater Salutis humilitas oritur; & timor Domini; qui & ipse, sicut instium Sapientiæ, ita & salutis est.* Clarius vero idem Sanctus, fructus hujus considerationis in Epist. ad Eugenium Pontificem describit, dum ait: *Primum ipsum fontem suam, id est, mentem, de qua oritur, Consideratio purificat, deinde regit affectus, dirigit actus, corrigit excessus, mores componit, vitam honestat, & ordinat; postremo divinarum pariter, & humanarum rerum scientiam confert.* Unde meritò in Persona DEI ad eandem hortatur idem Sanctus his verbis: *O homo, si te videres, tibi displiceret, & mihi placeret; sed quia te non vides, tibi places, & mihi displices. Veniet tempus, tum nec mihi, nec tibi placebis: mihi, quia peccasti: tibi, quia ardebis.*

### Praxis.

II. Hæc in sequentibus fere capitibus consistit. 1. Ante,

te ; quam tempus pro Consideratione designatum adveniat , breviter materia , de qua instituenda sit consideratio , eligitur . 2. Oratio brevis , qua gratia ad eam cum fructu instituendam petatur , præmittenda est . 3. Ipsa Consideratio inchoabitur , et , si quidem pro materia actio quæpiam vel regula electa sit , primum quid actio illa vel regula ad suam perfectionem requirat , inquiratur . Subinde examinabitur , quomodo ea a nobis perfectio sit procurata . Quomodo item Christus eam suo exemplo docuerit , et nos imitari ipsum debeamus , dispicietur ; et si opus videatur , causa , radixque defectuum circa illam actionem vel regulam admissorum inquireretur , et opportuna ad eam tollendam remedia excogitabuntur . Quod si vero rationes et motiva quædam , vel axiomata pro materia considerationis assumpta fuerint , ab initio motivi æquitas , et efficacia ponderabitur : Mox virtutis , ad quam persuadendam tendunt tales rationes , exercendæ , aut vitii fugiendi propositum concipietur , dolorque et erubescencia de errore , si forte quis ea in re admissus est , elicietur , veniaque a DEO , et gratia ad emendationem necessaria petentur . Quod si vero magnus in ea virtute plantanda , aut vitio fugiendo profectus deprehenderetur , breviter gratiæ DEO debitæ persolvi , et confirmatio in incepto humiliter peti potest .

## M E M B R U M I V.

*De Vocali Oratione .*

## Natura , et Scopus .

I. Etiam hæc non est omittenda Exercitiorum tempore , quin imo tanto majori cum devotione peragenda est , quanto melius ad illam animus per internam , et externam Collectionem est dispositus .

II. Triplex autem est Orationis vocalis Scopus , quorum primus est , laudare et benedicere DEUM , et Sanctos ejus . Secundus , varias a DEO , et Sanctis gratias petere . Tertius , varias virtutum actus , sed Gratulationis



maxime et Amoris, Timoris et Doloris ob peccata admissa, Fiduciae in variis petitionibus proponendis, Desiderii respectu coelestium bonorum, et Imitationis in variarum virtutum, praecipue amoris et resignationis studio elicere. Unde oratio haec vocalis breviter sic definiri potest : Est pia, et affectuosa cum DEO collocutio; *quando enim legis, tibi loquitur DEUS : quando oras, tu cum DEO loqueris*, inquit S. Augustinus in Pl. 85.

### Æstimatio.

Ad hanc concipiendam nihil æque proderit, quam si bene ponderetur, orationem vocalem esse colloquium cum DEO, et Sanctis, in quo homo orans suum erga DEUM, et Sanctos, seipsum, et Proximos, tam viventes, quàm defunctos amorẽ præclare ostendere, et eorum vicissim amorem, benevolentiam, et beneficentiam copiose promereri possit : unde præclare S. Chrysostomus l. 2. de orando DEO ait : *Quanta dignitatis sit, hominem cum DEO miscere sermonem, neminem latet. Caterum eam dignitatem ratione consequi, nemo prorsus valeat, quandoquidem hic bonos etiam Angelorum superat Majestatem, quod ipsi probè intelligentes, apud Prophetas describuntur omnes multo cum tremore laudes & cultum DEO offerentes, facies quidem ac pedes ob ingentem reverentiam tegentes, volatu vero, dum non valent quieti manere, magnum tremorem declarantes.* Sed et S. Climacus grad. 28. vocat Orationem Matrem, Reginam, Cibum et fontem virtutum, gratiarum ministram, et profectum invisibilem. Unde & ipse Christus S. Catharinæ Senensi Dial. c. 66. dixit : *Noveris, Filia charissima, quod in Oratione humili, continua, fideli, cum vera perseverantia lucratur anima perfectionem, & omnem virtutem.*

### Praxis.

I. Hæc in eo consistit, ut, quemadmodum Sacerdotes suum officium diurnum, ita ii, qui Sacerdotes non sunt Officium saltem B. Virginis, si fieri commode potest, & qui-

& quidem distinctis per intervalla horis, attente, reverenter, ac devote recitent.

II. Deinde, ut etiam Rosarium seu corona B. Virginis devote quotidie percurratur; cum enim B. Virgo, ut aliquando S. Tereſiæ revelatum eſt, Exercitiorum horum quodammodo Autrix, et Fundatrix ſit, eaque S. Ignatium docuerit, atque adeo ſingulari ſtudio ad illorum fructuoſum uſum haud dubie cooperatura ſit; æquum ſane videtur, ut benevolentiam illius is, qui Exercitia hæc obit, ſpecialibus obſequiis, inter quæ Roſarii recitatio non poſtremum eſt, demereri ſtudeat.

III. Denique ut, ſi occaſio ferat, interdiu SS. Eucharistiæ Sacramentum viſitare, et devoto Hymno, vel alia ſimili oratione venerari, et invocare non omittat; dici enim vix poteſt, quantum ad tenerum devotionis internæ ſenſum excitandum hæc DEI incarnati corporalis præſentia fortiter menti impreſſa conducat; unde merito Directores horum Exercitiorum magnopere ſemper commendant frequentioreſ hoc tempore SS. Sacramenti viſitationem.

## M E M B R U M V:

### *De Lectione Spiritualis.*

#### Natura, et Scopus,

I. Cum, ut ſuperiore membro vidimus, Lectio Spiritualis ſit quaſi auditio DEI loquentis, et quaſi exhortatio quæpiam privata ab eodem ad nos facta, facile colligitur, quis Scopus debeat eſſe præfixus huic lectioni, ſcilicet, ut cognoscamus voluntatem DEI, atque ad eandem toto animi conatu exequendam excitemur.

#### Æſtimatio.

Quanti facienda ſit pia hæc Lectionis Spiritualis exercitatio, breviter et ſapienter indicat S. Iſidorus, dum l. 3. de ſummo bono dixit: *Qui vult cum DEO eſſe, frequen-*  
B<sup>o</sup> 4
quen-

quenter debet orare, & legere. Nam cum oramus, ipsi cum Deo loquimur: cum vero legimus, DEUS nobiscum loquitur. Omnis profectus ex lectione, & Meditatione procedit. Certè experientia constat, primarias aliquas conversiones, et reformationes per hanc lectionem fuisse procuratas, uti ex S. Augustini, S. Ignatii, aliorumque exemplis videre est. Neque hoc mirum adeo cuiuspiam videri debet: si enim tot, tamque celebres conversiones per publicas Conciones effectæ sunt, quidni similis efficacia ipsi etiam Spirituali Lectioni attribuat, quæ, ut dictum est, quasi privata Concio dici potest, habetque plura privilegia, quibus publicas Conciones superat: nam

1. Concionator talis haberi potest, quando placet.
2. Haberi quoque potest talis Concio, quamdiu placet.
3. Materia pro libitu eligi potest.
4. Si quid sub hac Concione placeat, semel, iterumque relegendo repeti potest.
5. Veritas sine pudore, et verecundia libere dicitur, et auditur in tali Concione.

### Praxis.

I. Consistit hæc praxis in tribus præcipue industriis:

1. Ut Materia Lectionis sit studiose selecta, aptaque ad ipsum finem, quem per Exercitia præcipue quærimus, facilius consequendum. Unde Directorium c. 3. n. 2. monet, ut ipse Exercitans moneatur, doceaturque, hanc lectionem ad Meditationem dirigere, non legendo cursim aviditate sciendi, et videndi nova, sed immorando, et perpendendo accuratè ea, quæ legit, et intrandi in eisdem affectus.

II. Secundò, ut Lectio hæc moderata sit, ne nimia Lectione vires exhauriantur, et tempus Meditationi, cui omnia servire debent, subtrahatur. Hinc ut occasio curiosæ aut nimix Lectionis præcidatur, suadet Directorium, ut præter Breviarium, aut Officium B. Virginis, librum de Imitatione Christi (ex quo quotidie unum saltem aut dimidium caput de industria selectum, et præter hoc interdum una, alterave sententia fortuito sortita le-



gi deberet ) et alium quempiam historias aut salutare doctrinas continentem vix alius liber in cubiculo relinquatur .

III. Tertio ut pia quoque , et fructuosa sit Lectio , eumque in finem ab Oratione brevi inchoetur , et claudatur , imo et interrumpatur , ut S. Bernardus in Epist. ad Fratres de Monte monet , dum ait : *Hauriendus Lectio- nis seris affectus est , & formanda Oratio , qua Lectio- nem interrumpat , & non tam impediatur interrumpendo , quam puriorem continue animum ad intelligentiam Lectio- nis restituat .* De reliquo vero consilium pii Ascetæ l. i. de imit. c. 5. observetur dicentis : *Omnis Scriptura Sacra eo Spiritu debet legi , quo facta est . Quærere potius debe- mus utilitatem in Scripturis , quam eloquentiam sermo- nis . Si vis profectum haurire , lege humiliter , simpliciter , & fideliter applicando doctrinam , quam legis , atque ad praxin dirigendo .*

## M E M B R U M VI.

### De Examine Generali.

#### Natura , et Scopus .

Ex quinque punctis , quæ communiter ad Examen requiruntur ; videlicet Gratiarum actione pro acceptis beneficiis , petitione gratiæ , & luminis ad peccata sua cognoscenda , operum suorum discussione , dolore efficaci de peccatis commissis , & serio emendationis proposito , facite colligitur , triplicem huic Examine Scopum præfixum esse debere , videlicet 1. Gratam beneficiorum a DEO acceptorum memoriam , ut dum Homo fluminum more ad mare immensum Divinæ liberalitatis per grati animi obsequium revertitur , iterum fluere , novaque beneficia accipere mereatur ; nam *jugiter* , teste Cassiodoro super Psalm. *sibi subvenire facit , cui collatum beneficium ante oculos semper assistit : & invitat ad magna , qui gratanter accipit modica .* 2. Cognitionem sui intimam ; *Iste*

namque, teste D. Gregorio l. 10. mor. cap. 22. *Iustorum labor est in hac vita, ut semetipsos inveniant, & invenientes fiendo, & corrigendo ad meliora perducant.* 3. Seriam vitæ præteritæ male transactæ detestationem, & reformationem; ut enim idem Sanctus loc. cit. ait, *Electi intra sinum cordis adversum se, quidquid impugnat, enumerant: ibi ante oculos suos omne, quod defleant, coacervant: ibi, quidquid per iram districti Judicis discerni possit, intuentur: ibi tot patiuntur supplicia, quos pati timent.*

### Æstimatio,

I. Triplici præcipue ex fonte æstimatio hæc haurienda est. I. Ex ipsa necessitate hujus Exercitii; sicut enim nec discipuli in Scholis debitam diligentiam, nec Famuli requisitam Fidelitatem, nec Artifices necessariam curam adhibent, nisi diligenter ab iis ratio suo tempore exigatur; ita nisi hoc examen in omnibus actionibus crebro, & accurate adhibeatur, nullus in profectu virtutis, & perfectionis fructus sperandus erit, id quod sapienter S. Dorotheus Ser. 7. advertit, dum dixit, illud potissimum, ut turbenur, in causa esse, quod sæculo nosmetipsos non accusamus, nec ea, qua debemus, diligentia quæramus nos ipsos privatim arguere. *Hinc omnis nostra, inquit, molestia, & afflictio promanat. Hinc est, quod quietem numquam, & nullibi alibi pacem nanciscimur. Neque id quidem mirum, quandoquidem ore omnium Sanctorum celebratum, ac contestatum habemus, nullam præter hanc ad DEUM patere viam, nec umquam aliquem aut vidimus, aut audivimus, qui alia, quam hac ad DEUM accesserit via, aut ad quietem pervenire voverit.*

II. 2. Ex utilitate tum ad vitiorum extirpationem; nam ut S. Chrysostomus f. quales. duc. uxor. recte dixit, licet satius esset, omnino a peccato abstinere, non parvum tamen ad salutem momentum est, agnitus peccatum damnare, & vestigare diligenter Conscientiam, utpote cum hoc justificationis pars sit, & in posterum a pec-

peccato arceat ; imo , ut Abbas Pimenius olim , teste Rosſveido p. 519. dixit : hæc ſola hominis juſtitia eſt , ut ſemper ſemetipſum reprehendat , & tunc juſtificabitur , cum ſua peccata condemnat : tum ad *virtutum acquiſitionem* , hæc quippe diſcuſſio ſui eſt Officina juxta Alcetas , in qua timor DEI , humilitas , compunctio , perſeverantia , & prudentia , amor DEI euditur , unde ab aliis Cornucopiæ vocatur Charifmatum cœleſtium , quæ in animam infert : tum ad *cognitionem ſui* obtinendam , quæ omnium ſcientiarum altiſſima , & utiliſſima merito dicitur . Certe per hoc Exercitium , & Electionis Regulas S. Ignatium ad tantam , quam miramur , perfectionem , ac ſanctitatem perveniſſe , Orlandinus l. 16. hiſt. Soc. teſtatur , unde ad alios quoque perficiendos hoc potiſſimum Examine velut præcipuo instrumento eſt uſus ; ut adeo merito dixerit S. Laurentius Juſtin. *Quis quæ virtutum amator eſt , diligens ſui inquiſitor ſit* .

III. 3. *Ex jucunditate* quoque eadem æſtimatio concipi poteſt , cum enim hoc Exercitium ad Conſcientiam præcipue purificandam , & pacificandam tendat , non poteſt non inſigne ſolatium , & lætitiâ afferre illi , qui fructuoſe illud peregerit , cum , teſte pio Alceta , ſi gaudium eſt in hoc mundo , hoc utique poſſideat puri cordis homo . Hinc præclare Seneca l. 3. de ira c. 36. *Qualis , inquit , ille ſomnus poſt recognitionem ſui ſequitur ? quam tranquillus , altus ac liber , cum aut laudatus eſt animus , aut admonitus , & Speculator ſui , Cenſorque ſecretus cognoscit de moribus ſuis* .

### Praxis.

I. Hæc in ſequentibus indiſtriis præcipue conſiſtit . Primo , ut gratiarum actionem in primo puncto præſcriptam quis magno cum ſenſu animi , ſerioque perſolvat , non de generalibus duatæ , ſed particularibus etiam beneficiis gratum , & memorem ſe exhibendo , id quod hoc vel ſimili modo præſtari poteſt . *Gloria tibi ſit , O Pater , quoniam creaviſti , conſervaviſti , & ad vitam , ut ſpero , æternam prædeſtinaviſti me : Gloria tibi ſit , O Fili ,*  
quo-

quoniam redemisti, SS. Corpore, & Sanguine tuo refecisti, & ad hunc vel illum Statum vocasti me. Gloria tibi sit O Spiritus Sancte, quoniam iustificasti, illuminasti, & roborasti me. Gloria & gratiarum actio tibi sit, O SS. & individua Trinitas, a qua omnia bona accepi, quæ habui, aut etiamnum habeo in corpore, & anima; cujus etiam protectione omnia mala evitaui, quibus alii afflictis fuerunt, aut etiamnum affliguntur. Probis itaque, & omnibus beneficiis SS. Christi Humanitati, Sanctissima illius Matri, Omnibus Sanctis, omnibus defunctis, & viventibus, & mihi indigno concessis, laudo, & benedico pro viribus Majestatem, & beneficentiam tuam, uniceque opto, ac peto, ut me tibi perpetuo gratum exhibere valeam.

II. Secundo eadem praxis requirit, ut ipsa discussio operum nostrorum magna cum prudentia peragatur, id est, ut non anxie nimis, longiorique, quam par est, tempore eidem discussioni mens inhæreat; neque enim in hoc discussionis huius fructus consistit, ut minimos etiam Conscientiæ pulvisculos deprehendat, sed ut graviores saltem, & potiores defectus, & causas, ac radices eorundem etiam inquirat, tollatque, & sic efficiat, ut, si hæcenus fuerunt multi, post hac sint pauci: si fuerunt majores, deinceps minores existant. Sed & illa S. Bernardi s. 58. in Cant. doctrina hoc loco bene notanda est: *Scrutemur vias nostras juxta Prophetam, & studia nostra, & in eo se quisque judicet profecisse; non cum invenerit, quod reprehendeat, sed, cum, quod invenit, reprehendet. Tunc te non frustra scrutatus es, si rursus opus esse scrutinio adverteris; & toties te non sefellit inquisitio quoties iterandum putaveris.*

III. Tertio ut dolori, propositoque, in quibus fructus examinis consistit, precipue insistatur; nam præterquam quod hic dolor, & propositum sint efficacissimum ad emendationem procurandam medium, ita ut pius Asceta l. 1. c. 19. dicere ausus sit, secundum propositum nostrum cursum profectus nostri futurum; DEUS etiam sibi specialiter complacet in tali dolore, & proposito; nam, ut Christus S. Gertrudi l. 4. infn. c. 60. revelavit, quo-

quotiescumque homo tali modo dolet, toties DEI Filius inæstimabili novæ exultationis suavitate affectus, eadem verba ( scilicet *vidi sanctam Civitatem Jerusalem* ) concinit DEO Patri; quod & S. Bernardus confirmavit, dum ser. 3. de adv. dixit: *Diligit Deus animam, quæ in conspectu ejus, & sine intermissione considerat, & sine simulatione judicat semetipsam.*

## MEMBRUM VII.

## De Particulari Examine.

## Natura, &amp; Scopus,

Quemadmodum juxta commune proverbium: *Pluribus intentus, minor est ad singula sensus*: ita juxta aliud adagium: *Nemo magis timendus est, quam qui uni rei se impendit*. Ob quam causam hoc exercitium examinis particularis inventum est, quod proinde nihil aliud est, quam singularis cura, ac studium in certo aliquo vitio extirpando, vel certa virtute plantanda, vel actione quapiam reformanda, quæ tria objecta sunt Scopus, & finis hujus Examinis.

## Æstimatio.

Quam magna de fructu hujus Examinis æstimatio sit concipienda, vel ex eo satis colligitur, quod, sicut est conflictus particularis cum hoste maximo, ita non laus dumtaxat, & gloria singularis, sed pax etiam, & meritum ingens ex fructuosa illius praxi speranda sit. Certe experientia quotidiana constat, multos per constantem hujus Exercitii usum brevi tempore perfectam vitiorum quantumvis gravium extirpationem obtinuisse, sicque facto ipso probasse, quod pius Asceta l. i. de imit. c. ii. dixit: *Si omni anno unum vitium extirparemus, cito viri perfecti efficeremur.*

## Praxis.

I. Consistit hæc praxis in quatuor fere industriis. Prima est *Electio Materie*: ubi, si quidem cum vitio, aut defectu configendum sit, Horatii Romani Militis contra tres Curiatios Fratres, & pariter milites pugnantis præ oculis habendum, & imitandum est; ut scilicet, sic ut ille non contra omnes simul, sed primo contra robustiorem solum, dein contra minus validum, & denique contra debilissimum pugnavit, & sic sine grandi difficultate vicit, ita id ipsum circa sua vitia, & defectus observet is, qui *Examen particulare* fructuose facere cupit; fortior autem cæteris paribus hostis seu defectus censetur, qui aut universalior est, multosque alios defectus involvit, & secum trahit: aut alios magis scandalizat: aut erga quem vehementius nos affici, aut per consuetudinem impelli sentimus. Neque contemnendum est circa hanc industriam illorum consilium, qui etiam, dum vitium certum eradicare quis cupit, virtutem vitio tali contrariam pro materia examinis particularis assumendam censet, ut eadem opera, & vitium evellatur, & virtus plantetur.

II. Altera industria est in ipsa actuali pugna observanda, ut scilicet mane, dum e lecto surgitur, firmum propositum vitandi, aut exercendi propositum vitium, aut virtutem eliciatur: subinde, ubi tempus, aut occasio pugnae præsens fuerit, motivum prius ad hunc finem excogitatum menti objiciatur, & illius impulsu fortiter hosti resistatur, aut virtus exerceatur. Et si quidem superari contigat, manu pectori admota de errore commisso mox dolor concipiatur; nam, ut S. Gregorius I. H. mor. c. 17. ait, *Electi culpis suis numquam sciunt parcere, ut possint culparum Judicem placatum invenire.*

III. Tertia industria & propria huic exercitio (ob quod *Examinis* nomen accepit) est ipsa reflexio, qua numerus lapsuum, vel certe actuum circa virtutem propositam exercitorum indagetur, & dies cum die, hebdomas cum hebdomada conferatur; quam industriam jam olim

S. Chry-

S. Chrysostomus ho. II. in Gen. suaserat dicens: *Ne ita simpliciter jejuniorum hebdomada praterant, scrutemur suam quisque conscientiam, & rationem, examinemus, & consideremus, quidnam in hac hebdomada probe actum sit, quid in alia, & quale augmentum fecerimus ad sequentem, quas in nobis affectiones correxerimus. Cujus collationis fructum alibi ostendit, dum ait: Discamus igitur, & vitia nostra recensentes, ea tempore corrigamus, & hoc mense unum, alio aliud, & ita subsequenter meliores efficiamur. Sic enim tamquam per gradus ascendentes scalam Jacob ad cælum pervenimus. Etenim scala illa mihi per illam visionem paulatim per virtutes ascensum significare videntur, per quam in terra ad cælum ascendere nobis licet, non gradibus sensibilibus, sed morum incremento, & correctione.*

IV. Quarta tandem industria est, ut per poenitentiam sibi ipsi pro numero lapsuum injunctam salutaris timor concipiatur ad majorem deinceps in lapsu cavendo sollicitudinem adhibendam; id quod jam olim Seneca in epist. 82. ad Lucil. indicavit dicens: *Quantum potes, te ipsum coargue, inquire in te, accusatoris primum partibus fungere, deinde Judicis, novissime deprecatoris aliquando te offende. Desinet ira (idem de aliis vitiis sentiendum) & moderatio existet, quia sciet sibi quotidie ad Judicem esse veniendum.*

## MEMBRUM VIII.

### De Confessione generali.

#### Natura, & Scopus,

I. Etsi hæc non pertineat necessario ad Exercitia, communiter tamen suadetur a Patribus Spiritualibus, non quidem ut a tota semper vita instituaturs (hoc enim semel accurate fecisse sufficit) sed ut peccata ab anno, vel certe ab ultima confessione generali commissa explicentur; idque ob multiplicem utilitatem, quæ merito inde sperari potest, ut paulo post ostendetur.

II. Porro duplex potissimum Scopus huic confessioni generali statuitur. Prior est compensatio defectuum, qui forte in particularibus confessionibus contigerunt; cum enim in his ordinarie neque tanta præparatio, neque tantus etiam dolor adhibeatur, quantus requiritur ad confessionem, non dico valide, sed fructuose: id est, cum seria detestatione peccatorum, & efficaci proposito deinceps ea cavendi, instituendam; uterque hic defectus abunde per confessionem ejusmodi generalem in secellu spirituali factam suppletur, utpote in qua & tempus, & occasio copiosior suppetit ad conscientiam melius examinandam, & præterea animus tum per varias Meditationes de peccatorum gravitate, & multitudine institutas magis dispositus est ad sincerum dolorem de iisdem peccatis eliciendum.

### *Æstimatio.*

I. Concipi hæc non difficulter poterit, si triplex fructus, quem ejusmodi Confessio generalis afferre solet, bene perpendatur; quorum primus est, quod singulare subsidium afferat ad veram vitæ reformationem instituendam, dum scilicet Homo ex aspectu plerorumque suorum peccatorum sub unum quasi cumulum conjectorum, detestandum, & miserum animæ suæ statum conspicit, atque adeo ad eundem immutandum vehementer excitatur, ut, ubi hæctenus abundavit iniquitas, ibi deinceps exardescat charitas; Et; quanto plura remissa sunt peccata, tanto abundantius diligatur, qui misericorditer ea remisit.

II. Secundus fructus est, quod non parum etiam ad meritum, & satisfactionem pro peccatis præteritis condigne præstandam juvet talis Confessio; tum quia plerumque contritio, & dolor longe vehementior ex conspectu tot offensarum cumulo concipiatur, sicque Pœnitens ad Confessionis, & Eucharistiæ Sacramenta dignius, & fructuosius percipienda magis disponitur; tum quia ob insignem, quam de seipso reportat is, qui confitetur



victoriam, non modicum utique a DEO præmium promeretur.

III. Tertius fructus est, quod vel maxime etiam ad tranquillandam conscientiam, atque adeo insigne animæ solatium conducatur generalis Confessio; ita, ut P. Paulus Barry in solit. Hagioph. disert. matut. 2. diei dicere audeat, nec calamo, nec lingua explicari posse tranquillitatem animi & voluptatem, qua fruatur is, qui molestum hoc Conscientiæ onus deposuit, addatque, se animas reperisse post talem Confessionem factam adeo contentas, ut etiam ipsi lacrymas solatii testes elicerent. Rationem vero hujus solatii Directorium Exercitiorum hanc assignat, quod experiamur, Homines plerumque aut sine sufficienti examine, aut sine debito dolore, nullo, vel infirmo valde proposito ad Confessionem ordinariam accedere, atque adeo ad pacem Conscientiæ consequendam, scrupulosque tollendos, qui, si non ante, in hora mortis certe excruciare, & in periculum salutis æternæ adducere solent, plurimum profit, exactam aliquando de omnibus peccatis rationem reddere.

### Praxis.

I. Hæc in tribus præcipue consistit industriis, quarum prima est, ut caveatur quidem ex una parte nimia in peccatis colligendis anxietas, ne semper deinceps scrupulorum reliquiæ maneant; ex altera tamen parte tam diligenter, & accurate instituatur hæc Confessio, ut postea secura possit esse anima, se fecisse, quod in se erat; nam sine hoc, ut bene notat Directorium, numquam frui poterit illa animi pace, & Conscientiæ tranquillitate, quam optat. Et ideo præter proprium studium & diligentiam ipsius, qui Exercitia facit, juvandus est aliqua via & methodo ad bene confitendum, nisi ipse per se ad hoc sufficiens videatur.

II. Altera industria est, ut Confessio hæc eo maxime tempore instituatur, quando animus exercitantis Exercitia primæ hebdomadæ, intimam peccatorum cognitionem, veramque contritionem factus creditur.

C

III. Ter-

III. Tertia est, ut, etsi plurimum non expediat fieri Confessionem ei, qui tradit Exercitia, si tamen id ipse exigat pro sua devotione, omnino ejus petitioni satisfiat, maxime si ad hunc ipsum finem prius Directori statum animæ suæ, dubiaque circa illum occurrentia aperuisset.

## MEMBRUM IX.

### *De Collatione Spirituali.*

#### Natura, & Scopus.

I. Per hanc Collationem ea maxime intelligitur, quæ cum ipso Directore instituitur, & non levem spondet utilitatem, si recte instituatur.

II. Geminus autem eidem Scopus præfixus esse debet. Prior est, ut DEI voluntati, qui per homines hominem dirigere decrevit, voluntati obtemperetur. Hinc & S. Paulo Act. 9. clamanti : *Domine, quid me vis facere?* responsum est : *Surge, & ingredere civitatem, & ibi dicetur tibi, quid te oporteat facere.* Posterior est, ut, dum non suæ dumtaxat prudentiæ innititur, sed alienum etiam consilium requirit, tanto securius in periculoso salutis promovendæ itinire procedat, tutiorque sit a Dæmonis infesti insidiis. Nam, ut sapienter S. Ignatius reg. 10. de discern. Spirit. advertit, Inimicus noster morem nequissimi cujusdam Amatoris imitatur, qui puellam honestorum Parentum Filiam, vel uxorem alicujus probi viri volens seducere, summopere procurat, ut verba, & consilia sua occulta maneant, nihilque reformidet magis, quam ne Puella Patri, vel Uxor Marito eadem consilia patefaciat, sciens hoc pacto de votis, & conatibus suis actum esse. Ad eundem modum obnixè satagit Diabolus, ut animam, quam circumvenire cupit, ac perdere, fraudulentæ suas suggestiones tenere secretas persuadeat: indignatur vero maxime, & gravissime cruciatur, si cui vel Confessionem audienti, vel Spirituali homini molimina suæ detegantur, a quibus ita se funditus

ditus excidere intelligit.

### Æstimatio .

Cum juxta Salomonem Prov. 11. *Salus sit, ubi multa sunt consilia*; facile apparet, quanti facienda sit ista cum Directore, & Patre Spirituali frequenter suscepta Collatio. Si enim is, qui iter magni momenti suscepturus, viam ignorat, merito perbeatum se putat, si fidum, viæque perbene gnatum Ducem assequatur, eumque proin intrepide, ac magna cum fiducia sequatur, quanto magis in hac nostra ad Patriam coelestem peregrinatione, tot tantisque erroribus, & periculis exposita, & ex cujus felici successu æterna nostra felicitas dependet, sibi non fidere; sed de perito Duce sibi prospicere, eique ducendum, & regendum penitus committere quisque debet.

### Praxis.

I. Consistit hæc praxis in sequentibus præcipue capitibus. Primum est, ut fideliter aperiat Meditationum, aliorumque Spiritualium Exercitiorum successum, ut, si forte opus sit, remedia præscribere queat Director ad reliquas Meditationes feliciter peragenidas, & contra fraudes occultas Dæmonis solidius eum armare possit.

II. Secundum est, ut non minus sincere illi explicet potiora impedimenta, quæ ipsum a perfectione sui status consequenda hactenus impediverunt, ut viam, & Modum ei Director præscribere possit ad illa fortiter removenda, cum in hoc potissimus fere reformationis fructus consistat juxta notum illud: *Tantum proficies, quantum tibi vim intuleris.*

III. Tertium est, ut pari candore, & fiducia illi communicet omnia dubia, quæ sive circa electionem status, sive circa vitæ reformationem, sive circa quotidianas suas functiones, ac ministeria, aut alias similes materias, ad animæ salutem, ac pacem pertinentes occurrunt, atque eorundem solutionem ab ipso non aliter, ac Di-

vino Oraculo expectet, atque accipiat, certo confidens, non permissurum fidelissimum DEUM, ut, qui cum tanta humilitate, fiduciaque Ducem sibi Dei loco assignatum consulit, & sequitur, ab eo ipse in errorem inducatur; aut certe, si quid simile ex arcano suo consilio accidere sinat, ne damnum illi ex hoc errore proveniat, sapientissima sua providentia cauturum.

## MEMBRUM X.

### *De Electione.*

#### Natura, & Scopus:

I. Hanc merito omnium actionum, quæ in Exercitiis suscipi solent, difficillimam vocat Directorium cap. 22. eo quod hoc tempore Exercitans præcipue expositus sit diversis animi motibus, & non raro etiam erroribus, cum non solum a malo, sed etiam boni, & recti imagine falli soleant Homines. Unde major in hac, quam aliis actionibus dexteritas, & discretio est necessaria; quæ quidem ut obtineatur, ante omnia Scopus electionis semper ob oculos habendus est, qui quidem non est alius, quam voluntatis Divinæ cognitio circa Statum vitæ vel eligendum vel ordinandum; cum enim DEUS omnes quidem homines salvos fieri cupiat, sed per diversas vias (ob quem finem diversos in Ecclesia Status, & ordines constituit) nulla profecto securior censi debet, quam ea, qua ipse quemvis ducere decrevit, ut qui solus scit, quid unicuique maxime expediat ad salutem.

II. Atque ex hoc Scopo colligitur 1. Recte a S. Ignatio in Exercitiorum libello triplex tempus pro Electione assignatum fuisse; quorum primum est, cum adeo clare constat de voluntate DEI, ut ne dubitari quidem prudenter de illa queat, quo modo voluntas DEI, S. Paulo, aliisque Apostolis innotuit. Secundum est, cum animus inspirationibus, & motionibus internis tam efficacibus agitur, ut sine ullo discursu intellectus, aut fere nullo ad servitutem DEI, & perfectione inclinatur. Et tum certum est

est hanc vocationem a DEO esse, maximè si sequentia indicia accedant, & ejusmodi instinctus diu sentiantur: si potissimum inter orandum, & agendum cum DEO advertantur: si numquam nisi ad bonum moveant: si dum animus ad talem Statum suscipiendum se offert, serenus & quietus existat; turbetur vero, si propositum remittat: Si vires sibi, & constantiam adversus omnes difficultates, Dæmonisque impugnationes superandas promitti quis sentiat. Tertium tempus est, cum voluntas ab intellectu rationes pro utraque parte ponderante ad alterutram partem eligendam impellitur. De quibus tribus temporibus hæc duo insuper ex Directorio notanda sunt. 1. Vocari hos modos electionis *Tempora*, eo quod, cum anima tales motiones in se sentit, quales paulo ante indicatæ sunt, tunc opportunissimum tempus electioni esse censeatur. 2. Quod, cum in secundo tempore voluntas immediate a DEO moveatur, non expediat ratiocinium intellectus desuper adhiberi, quia tunc a meliori principio, quam sit humana ratio, movetur. Secus foret, si in simili impulsu non plane acquiesceret, aut minus certa sibi de Divina voluntate videretur, tunc enim merito ad tertium Electionis tempus procedendum foret.

III. Colligitur 2. Ut hæc electio fructuose peragatur, magnam in eo, qui dirigit Eligentem, Indifferentiam, Prudentiam, & Vigilantiam requiri. Indifferentiam quidem, ut non conetur ad unam magis, quam alteram partem trahere, sed solum DEUM cum sua Creatura agere sinat; cum enim hæc electio sit summi momenti, securumque reddere debeat eligentem de voluntate DEI, satis patet, quod non humana niti persuasionem, sed in sola directione Divina fundari debeat; alioqui metuendum merito foret, ne impleretur, quod Christus Matth. 15. prædixit: *Omnis plantatio, quam non plantavit Pater meus cælestis, eradicabitur.* Prudentia vero requiritur, ut diligenter ad motiones varias eligentis attendat, & spiritus maligni suggestiones a bonis, & Divinis inspirationibus prudenter discernat, quem in finem regulæ de discernendis Spiritibus a S. Ignatio conscriptæ non parum juvabunt. Vigilantia denique exigitur, ut errores, affectiones atque

inclinationes inordinatas, fraudesque, ac paralogismos Dæmonis diligenter provideat, detegatque, quoniam ex falsis principiis, quæ amor proprius, & malignus Spiritus suggerunt, non nisi falsæ conclusiones sequi possunt.

IV. Colligitur 3. Etiam in ipso eligente, cujus negotium agitur, merito aliquas dispositiones prævias ad electionem rite faciendam requiri, nempe 1. Ut capax sit electionis, id est, neque Statum jam determinatum habeat, nec levi, ac inconstanti natura, passionibusque indomitis, aut malis, incorrigibilibusque habitibus sit præditus. 2. Ut ipse ad eam inclinari se sentiat a DEO, atque ideo ad illam ab Instructore desideret, & petat admitti, absque hac enim dispositione omnia suspicionibus, & fraudibus obnoxia, nec solidus ex electione fructus sperandus est. 3. Ut ab omni ad alterutram electionis partem propensione liber atque ad solum DEI beneplacitum paratus sit; imo, quantum est in se, voluntatem potius ad id, quod perfectius est, inclinare conetur, si major DEI gloria id requirere videatur. 4. Ut totis viribus applicet se huic negotio, omnesque alias distractionum occasiones aut impedimenta, quæ bonam electionem impedire possent, fortiter removeat. 5. Ut sincere agat cum DEO, neque ullas in deliberatione rationes, quæ carnem, & sanguinem sapiant, admittat, sed solum DEI beneplacitum, gloriam, que semper præ oculis habeat; sic enim merito sperare poterit, quod DEUS illum decipi non permissurus, sed suam voluntatem utpote tam solícite, & ordinate inquisitione certo sit revelaturus. Ne tamen circa hanc ultimam dispositionis propriæ, aut valetudinis, aut quietis spiritualis, aut alterius similis rei ex natura sua voluntati DEI non repugnantis motivo impelli se sentiat, recte notat Directorium cap. 23. nihil obesse ea legitimæ electioni, modo præcipuum motivum sit amor, & beneplacitum DEI, & alia non nisi ut secundaria, minusque principalia admittantur.

### Æstimatio.

Hanc non difficultes concipies, si memorabilem S. Grego-

rii Nazianz. orat. 23. sententiam revolveris dicentis: *Electio-  
nem vita fundamentum pono, ex quo bene aut male no-  
biscum agatur. Si ergo ædificium ruinæ exponit, qui illi  
fundando curam non adhibet, certe neque salutis suæ satis  
confulit, qui ejus fundamentum temere collocat. Unde  
quidam ad electionem rite instituendam sequentibus, &  
valde notandis verbis hortatur: Æternitas a morte pendet,  
mors a vita, vita a momento, momentum ab electione: ergo  
elige bene: semel perisse æternum est.*

### Praxis.

I. Hæc in triplicis potissimum generis industriis confi-  
sit, quarum aliquæ antecedunt, aliæ comitantur, aliæ  
subsequuntur actualem electionem.

II. Et ante quidem electionem duo præcipue præstanda  
sunt. 1. Ut per prævias meditationes, maxime de duo-  
bus vexillis, & tribus Hominum classibus disponatur pau-  
latim animus eligentis, ut non modo sit æque paratus ad  
paupertatem, ignominiam, & brevitatem vitæ, quam di-  
vitiis, honores & longitudinem vitæ eligendam, si major  
DEI gloria id requirat, sed insuper petat a DEO, ut potius  
ipsum inclinet in perfectiorem partem, imo, & ipse hoc  
obtinere a se studeat, ut hac ratione, quemadmodum vir-  
ga incurva, si flectatur in contrariam partem, facilius in  
medio consistit, rectaque efficitur, ita ipse quoque ad ne-  
cessariam pro hoc electionis negotio indifferentiam facilius  
perveniat. 2. Ut pro præludio electionis ob oculos ponatur  
finis, propter quem homo creatus est, scilicet laus DEI,  
& propria salus, atque ad hunc finem veluti cynosuram o-  
mnia, quæ in deliberationem veniunt, irrefragabili decre-  
to dirigantur, & ordinentur.

II. In ipsa electione tria præcipue præstanda sunt. 1. Ut  
in medium res, quæ pro deliberatione suscepta est, profe-  
ratur. 2. Ut imploretur DEI clementia, ut voluntatem  
suam manifestare, nostram vero ad id, quod suæ gloriæ, ac  
nostræ salutis magis proficuum esse cognoverit, impellere di-  
gnetur. 3. Ut proposito consiliorum, & mandatorum statu  
observetur, qui motus in anima sentiantur; & si quidem

animus etiam sine discursu intellectus ad certum quempiam Statum impelli se sentiat, consolationesque experiatur; nec ulla, aut certe non nisi levis de voluntate DEI dubitatio tuboriatur, concludatur electio absque ulteriori ratiocinio. Sin minus ad tertium electionis tempus progressus fiat, & de propositis Statibus per sequentes aut similes quæstiones electio instituat. Quis horum Statuum certius, & commodius ad finem meum ultimum ducit? ubi rarior lapsus, crebrior virtutum exercendarum occasio? quis naturæ propriæ convenientior, talentisque corporis, & animi fructuose impendendis aptior? quem imminente morte, aut iudicio elegisse mallet? quem alteri mihi simili, & summe dilecto suaderem? quis Christi, & Sanctorum vitæ conformior? ubi DEO me perfectius tot titulis debitum consecrabo? His discussis, quæ pro alterutra parte motiva occurrerint, scripto annotentur, & pro qua plura motiva, efficacioraque occurrerint, ea demum velut Divinæ voluntati conformior eligatur.

IV. Post electionem denique duo præstanda sunt. 1. Oratio subjungenda, qua DEO electio offeratur; & si quidem juxta ipsius voluntatem fuerit, confirmanda commendetur. Quo tempore si vel novas illustrationes ad confirmationem desuper immittas, vel certe voluntatem in electionis proposito firmam eligens adverterit, non est electio in dubium revocanda, sed credendum voluisse DEUM, voluntatem suam per discursum rationis inveniri. 2. Pro majori securitate rationes pro electo Statu conscriptæ etiam Directori ostendendæ sunt, & ejus quoque super electione iudicium requirendum. 3. Videndum, quo modo vocatio executioni mandari queat; uti diligenter, quæ executionem impedire aut remorari possent, inquirenda, mediæque, quibus ejusmodi impedimenta removeri queant, cum consilio Directoris excogitanda erunt.

V. Quod si error in electione quispiam adverteretur, nec statim mutare liceret; saltem conandum foret, ut post facti poenitentiam, damnum electionis probitate vitæ, & operum solertia compensetur; præcipue vero Orationis remedium adhibeatur, si quis v. g. ad incontinentiam primum se adverteret, & tamen Statum immutabilem ad continentiam ser-



servandam obligatum elegisse se adverteret; neque enim iis, qui alium Statum, quam ipse volebat, elegerunt, omnia media adeo subtrahit, quin veniam dare paratus sit, perseverantiamque in gratia perinde, ac aliis peccatoribus graviter lapsis, licet negari non possit, difficiliorem hoc modo fore Salvationem, eo quod præviderit DEUS pericula Salutis amittendæ, atque ideo per vocationem ad certum Statum eisdem, & talibus periculis eripere voluerit.

## §. IV.

## De Causa efficiente Exercitiorum.

Per Causam efficientem hoc loco intelliguntur præcipue Causæ Instrumentales, quæ præter DEUM (de quo hic nihil speciatim monendum occurrit) cooperantur Exercitanti, cumque juvant in optato ex Exercitiis hisce Spiritualibus fructu referendo, quales sunt Director, Minister, & Collocutores, a quibus, quid specialiter observandum sit, paulo distinctius in hoc paragrafo indicabitur.

## M E M B R U M I.

## De Directore.

I. Ad hunc quinque potissimum dotes requiruntur. Quarum prima est, ut sit *humilis*, & *subjectus DEO*, cujus est instrumentum. Caveat proinde, ne, cum aliquem bonum effectum viderit in iis, qui se exercent, quidquam suæ industriæ aut peritiæ tribuat, cum hi omnes effectus gratiæ sint a solo DEO, & consilia extrinsecus adhibita tantum operentur, quantum ipse DEUS cooperatur. Hinc nec de suo quidquam apponat, sed, cum ejusmodi consilia debeant ex Divina inspiratione suscipi, sinat DEUM cum sua creatura disponere, juxta placitum voluntatis suæ. Quod ut melius, & facilius opere ipso præstet, conservet se in animo prorsus indifferenter, & in nihil aliud feratur, nisi ut sanctissimum DEI beneplacitum in anima illa plene, & perfecte compleatur, & ipse tantum in eo laboret, ut qui se exercet, id inve-

investigare sciat, & dilcat se a Dæmonis deceptionibus expedire, quibus homines retardare solet.

II. Altera dos est, ut magna *discretione*, & *prudencia* sit præditus, qua norit Spiritus, & motiones ejus, quem exercet, dignoscere; sed & qualitates illius, & Statum penetrare; & cum quovis secundum illius capacitatem agere.

III. Tertia dos est, ut magna etiam apud eum, qui exercetur, *auctoritate*, polleat, tantaque cum libertate sive in docendo, sive monendo, sive corrigendo officium suum exequatur, ut ad exemplum Christi quasi potestatem habens loqui videatur. Ad quam quidem auctoritatem non modice juvabit, si parcus potius, & consideratus in sermone, quam garrulus, & profusus esse deprehendatur.

IV. Quarta dos est, ut *suavitatem* potius, & *mansuetudinem*, quam auctoritatem semper præferat, maxime cum iis, qui tentationes vel desolationes, aut ariditates, & tædia patiuntur, quos proinde consolari, animare, & erigere opportunis consiliis, precibusque tum suis, tum aliorum debet; sic enim gratus fiet eis, qui faciunt Exercitia, istique se magis ei confident, & aperient.

V. Quinta denique dos est, ut magnam in Exercitiis tradendis *Peritiam*, & *Dexteritatem* habeat, eumque in finem tum ipse ante, quam ea tradat, aliquoties ea obierit; tum accurate ea, quæ in libro Exercitiorum proponuntur, perlegerit; tum etiam aliquibus, in quibus sit minor jactura, si erretur, tradiderit, suumque modum procedendi, cum aliquo magis exercitato contulerit, ut, quid magis minusve convenire deprehenderit, annotare queat.

VI. Porro tota hæc peritia, & dexteritas in tribus fere officiis consistit, quorum primum est *Solida instructio* circa naturam Exercitiorum, & modum eadem cum fructu faciendi, variaeque industrias, & doctrinas, quæ, ante, in, & post Exercitia observentur, suggerendas, quales tum in ipso Libello Exercitiorum, tum passim in Auctoribus, qui simili de materia scripserunt, reperire est.

VII. Secundum officium peritiæ est *Præscriptio prudens materia* pro Meditationibus, & Considerationibus, circa  
quam

quam duo præcipue sunt observanda. 1. Ut in proponendis punctis Meditationum ea non valde exaggeret, aut ita enucleet, ut, qui meditatur, ipse nihil novi per se invenire, aut certe non nisi ægre queat; experientia quippe docet, magis omnes delectari, & moveri iis, quæ per se inveniunt; & ideo satis erit, quasi digito indicare venam, quam deinde quisque sibi inveniat. Si tamen essent aliqui parum capaces, aut minus in meditando exercitati, iis possent paulo amplius declarari, & Scripto offerri, ne memoria Exercitantis nimium fatigetur, sicque devotio impediatur. 2. Ut, quandoquidem variæ sunt Personæ, quæ exercentur, noverit etiam varias illis pro singularum Scopo, & qualitate materias præscribere. Nam *Religiosis* quidem producenda est in primis prima hebdomas, si prius usum Meditandi non habuerunt, aut vitam duxerunt liberiores. Alioqui confirmantur in sua vocatione: inducantur ad magnificiendas, & observandas Ordinis Regulas, præsertim in materia votorum: juvenitur, ut intelligant causas minoris profectus sui: ingenere tur Zelus juvandi Proximos juxta suum Institutum: applicentur illis bene Meditationes ex Libello, & mixtum aliæ secundum Institutum. *Ecclesiasticis secularibus* producatur prima hebdomas in tertium, & quartum diem: detur opera, ut bene cognoscant difficultatem sui Status; cum teneantur se a Mundo avocare, utpote Divino Ministerio deputati: discant bene proventus Ecclesiasticos dispensare, & Zelum animarum concipiant. *Laici nobiliores* erudiantur, ut Justitiam bene administrent: ut avaritiam, & superbiam fugiant: ut misericordes, ac DEI timentes sint: ut Liberos bene educant: ut pacifici, & in participatione Sacramentorum frequentes sint: si in re quapiam gravi hæreant, regulæ electionum adhibeantur. *Rudioribus Laicis* sufficiet prima hebdomas: expositio mandatorum DEI atque Ecclesiæ, peccata mortalia, quinque sensus, & opera misericordiæ: ut Sacramenta frequentent: bene regent Familiam; facultatibus justè, & sobrie fruantur. *Mulieribus* ferme eadè tradenda, quæ rudibus: nec facile adeantur earum domus, sed ipsæ potius accedant Ecclesiam pro accipiendis Exercitiis.

VIII. Tertium officium est *Conversatio fructuosa* cum Exercitante, ad quam pertinet, ut cum quotidie semel saltem ( nisi necessitas aliud exigit, aut utilitas suadeat ) opportuno tempore visitet : ut rationem Meditationis, & internarum motionum, puta consolationum vel desolationum solícite exígat : in desolationibus, & ariditatibus animet, & viam tum ad faciliorem in Meditatione discursum aperiat, tum remedia pro ariditate tollenda, & devotione recuperanda prudenter ostendat : in consolationibus non diu ipsum detineat, sed breviter modum ex iis proficiendi edoceat, & de reliquo Creatorem cum sua Creatura, & hanc vicissim cum illo pro libitu agere sinat : ut electionis, si ea facienda sit aptum modum suggerat, & in dubiis opportuna consilia subministret : ut pro Curatione vitiorum efficacia media præscribat : ut salutaria ad vitam vocationi, & statui suscepto, & suscipiendo conformem instituendam præcepta offerat .

## M E M B R U M II.

### De Ministro .

I. Ad hunc tria requirit Directorium c. 4. n. 3. & sequentibus. 1. Ut sit fidelis, discretus, taciturnus, quique sua modestia, & humilitatis, ac devotionis exemplo ædificet. Nihil autem loquatur, nisi de iis, quæ ad Ministerium pertinent, idque paucissimis verbis. Aliquando profuit huic Ministerio illum ceputare, qui notus, ac familiaris fuit Exercitanti ; hoc enim juvat non solum ad consolationem, sed etiam ad profectum Spiritualem, quoniam aliqui interdum confidentius se aperiunt Amicis hujusmodi, quam ipsi Instructori, si eum numquam antea norant.

II. Secundo requirit, ut sit Instrumentum Directoris, eumque de omnibus, quæ circa Exercitantem aguntur, & ipsum Directorem nosse debere prudenter judicaverit, certio rem faciat .

III. Tertio requirit, ut ipsi Exercitanti inserviat, componendo lectum, cubiculum verrendo ( quæ duo fere tempore Missæ exequetur ) victum, alaque, quæ opus

opus erit, munda & apta offerendo, magnamque semper charitatem, & diligentiam præferendo; atque inter alia meminerit, etiam pro ipso quotidie orare.

### MEMBRUM III.

#### *De Collocutoribus.*

Ad hos duo requirit citatum Directorium c. 6. n. 3. Primo, ut sint maturi, & discreti, qui Exercitantem tam exemplo, quam sermonem ædificare, & honesto utili- que colloquio recreare in Domino queant. 2. Ut nullum cum Exercitante nisi utilem, & quidem de Spiritualibus rebus sermonem instituunt, nulla tamen significatione, quod cum ad hunc vel illum Statum impellere velint. Nam præterquam quod vocatio debeat esse libera, & a DEO venire, ipsi etiam, qui in hac deliberatione versantur, si id intelligant, vel suspicentur, eo magis retrahi solent, & contra, ut experientia sæpe ostendit, eo magis incitari, cum in Directore Collocutoribusque nullam cupiditatem talem animadvertunt.

### MEMBRUM IV.

#### *De Loco.*

Etiam hic, cum aliquo modo serviat ad Exercitia melius facienda, inter causas Instrumentales latiori in sensu numerari potest, maxime si talis sit, qualem S. Ignatius requirit, secretus scilicet, & ab omni concursu, & aspectu hominum, familiarum præcipue, remotus; unde tamen ipsi liberum, securumque sit ad Sacrificium Missæ, aut alia Divina Officia audienda egredi. Ex tali enim secessione tres præcipuas utilitates hauriri, idem S. Pater annot. 20. affirmat. 1. Quod exclusis Amicis, & negotiis minus recte ordinatis ad DEI cultum, gratiam apud DEUM majorem mereatur. 2. Quod mens magis collecta, & ad solum DEI obsequium, salutisque propriæ negotium expediendum multo magis expedita maneat. 3. Quod,

Quod, quanto magis se homo segregat a Mundo, tanto propius ad DEUM accedat, capaciorque fiat ad bonitatis Divinæ dona suscipienda.

## CAPUT II.

### DE PRÆSTANTIA EXERCITIORUM SPIRITUALIUM.

**D**uplici modo potest cognosci præstantia alicujus rei, ex intrinsecis scilicet perfectionibus seu prædicatis; & ex extrinsecis testimoniis: ex utroque autem hoc titulo singularem Exercitiis Spiritualibus excellentiam convenire ex sequentibus patebit.

## TITULUS I.

### DE PRÆSTANTIA EXERCITIORUM EX INTRINSECIS PRÆDICATIS.

**I**nnumera quidem prædicata enumerari possent ad dignam de Exercitiis Spiritualibus æstimationem ingenerandam, sed pleraque merito ad tria revocari possunt, ad necessitatem scilicet, utilitatem, & jucunditatem eorundem: hæc enim quanto majora in illis reperiri demonstrabitur, tanto major quoque de illis æstimatio concipietur.

#### §. I.

#### De Necessitate Exercitiorum Spiritualium:

Tria plerumque capita Homini cuique necessaria existimantur, ut finem, ad quem a DEO conditus est, feliciter consequi queat. Primum est *Cognitio sui*, quæ in eo consistit, ut & finem, propter quem creatus est; & media, quæ ab eodem ad finem hunc consequendum oblata sunt, bene cognoscat, & quæ passiones vel inclinationes ipsum a fine hoc consequendo, abducere moliantur, aut per quæ  
pec-

peccata forte omnino recesserit, clare intelligat. Quæ quidem Cognitio sui quantopere necessaria sit cuivis Homini, sapiente more suo ostendit S. Bernardus c. 3. de confid. dicens: *Noveris licet omnia mysteria, noveris sata terra, alta cæli, profunda maris; si te nescias, eris similis adificanti sine fundamento, ruinam, non structuram faciens. Quidquid extruxeris extra te, erit instar congesti pulveris ventis obnoxium. Non ergo sapiens, qui sibi non est; sapiens sibi sapiens erit, & bibit de fonte putei sui primus ipse.* Unde merito alibi Personam DEI introducens sic loquitur: *O homo, si te videres, tibi displiceret, & mihi placeret; sed quia te non vides, tibi places, & mihi displices. Veniet tempus, cum nec mihi, nec tibi placebis; mihi, quia peccasti: tibi, quia ardebis.* Causam vero hujus necessitatis pulchre ostendit Hugo l. 3. de anim. c. 6. dum supponens felicitatem, & perfectionem Hominis in cognitione, & amore DEI consistere, asserit ad hanc DEI cognitionem sine cognitione sui neminem posse pervenire; frustra enim, inquit, cordis oculum erigit ad videndum DEUM, qui nondum idoneus est ad videndum seipsum. Prius enim est, ut cognoscas invisibilia spiritus tui, quam possis esse idoneus ad cognoscendum invisibilia DEI. Et si non potes cognoscere te, non præsumas apprehendere ea, quæ sunt supra te. Præcipuum, & principale speculum est ad videndum DEUM animus rationalis intuens seipsum. Hinc merito Ascetæ potissimam humanarum imperfectionum causam, defectum considerationis esse contendunt, uti jam olim DEUS ipse per Prophetam Jeremiam c. 17. indicavit dicens: *Desolatione desolata est terra, quia nullus est, qui recogitet corde.* Et iterum per Isaiam c. 5. Propterea captivus ductus est populus meus, quia non habuit scientiam, quia Opus Domini non respexit, opera manuum ejus non consideravit: Propterea dilatavit infernus animam suam, & aperuit os suum absq; termino. Nimirum Philisthæos imitatur Diabolus, qui Samsoni victo ante omnia oculos eruerunt, ut robur suum ob cæcitatem exercere non posset. Jam vero ad hanc sui cognitionem obtinendam optimum esse medium Exercitiorum Spirituahum sedulum usum, vel ex ipsa eorundem Natura, actioni-

nibusque susceptis patet; ut enim in aquis aut Speculo nemo imaginem suam videt, quando turbata aut obfuscata sunt; secus vero si pura, & limpida existunt; ita animus quoque Hominis numquam ad se cognoscendum magis idoneus est, quam cum per secessum a negotiis, & hominibus mentem liberam, & tranquillam reddidit. Accedit, quod per ipsam etiam frequentiore conversationem cum DEO, & Christo, qui est lux vera illuminans omnem Hominem, copiosum Lumen hauriatur ad perfectam sui cognitionem obtinendam, præ reliquis expertus est Rodericus Menesius, qui, cum Exercitiis Spiritualibus vacasset, terribilia se in iisdem Spectra vidisse affirmabat; cumque rumor hic ad ipsas Regis aures pervenisset, ideoque iussus esset Rodericus edicere, qualia fuissent spectra, quæ in sacra sua solitudine spectasset, respondet is, seipsum se, suæque peccata, maleque domitas passiones, quibus nulla magis horrenda spectra inveniri possent, clarissime fuisse intuitum.

Alterum ad Finem ultimam consequendum medium est *Status*, ad quem quisque a Sapientissima DEI Providentia vocatus est, *Electio*; cum enim Adolescentiæ maxima insit imbecillitas consilii, plerumque id sibi quisque genus ætatis degendæ constituit, quod maxime adamavit, adeoque implicatur certo aliquo genere, cursuque vivendi ante, quam potuit, quid optimum sit, judicare; unde cum S. Ignatius ex una parte perspiceret, quanti esset momenti certum aliquod vitæ genus maturo sibi consilio designare, ne infeliciter de eo deliberaretur, quod semel tantum statuendum est, & in quo summa maximi omnium discriminis vertitur; ex altera vero parte advertere, ex vulgi judicio vitam plerosque instituere atque adeo, dum posteriores quasi per caliginem vestigia priorum premunt, a recto cursu aberrare, merito solertem adhibuit curam, ut quisque sic de vitæ summa constitueret, quemadmodum DEUM velle, sibi que summe expedire judicaverit; quem in finem hæc Exercitia maxime censabat idonea, utpote in quibus, & animus a noxis, quæ luminis Divini illaplum impedire possent, purgatur, & ab omni inclinatione, quæ in unam potius, quam aliam partem



inclinat, exiit: & idonea auxilia ad opus tanti momenti cum optato successu peragendum, per crebriorem orationem impetrantur, ut quemadmodum os Domini interrogatum est ante quam certum vitæ genus electum est, ita responsum quoque ab eo salutare accipiat, & de salute sua spem bonam concipere queat, utpote qui eorum sit de numero, de quibus Christus Jo. 10. dixit: *Oves mea vocem meam audiunt, & ego cognosco eas, & sequuntur me, & ego vitam aeternam do eis, & non peribunt in aeternum, & non rapiet eas quisquam de manu mea.*

Tertium Medium ad finem ultimum consequendum est *Reformatio Status*; cum enim Anima nostra ad imaginem DEI creata sit, facile contingit, ut pulvere variarum Imperfectionum, & Criminum sœdata, priorem pulchritudinem amittat, atque adeo renovatione indigeat, hinc Apostolus tam sollicitè monet Ephesios c. 4. ut secundum pristinam conversionem deponant veterem hominem, qui corrumpitur secundum desideria erroris, renovatur autem Spiritu mentis suæ, & induant novum Hominem, qui secundum DEUM in justitia creatus est, & sanctitate veritatis. Ad hanc autem morum, vitæque reformationem aptissimum esse instrumentum Sacra, de quibus hic sermo est, Exercitia, testes sunt, inquit Auctor Imaginis Societatis, infiniti toto Orbe, qui ea non minori sua voluptate, quam fructu sunt experti. Sed unus sit instar omnium Augustinus Carvajalius Augustiniani Ordinis Theologus, qui cum Bononiam a Pontifice missus esset ad D. Jacobum Cœnobium in veterem disciplinam restituendam, non aliis id præsidiiis facere aggressus est, quam piis his Societatis commentationibus, quibus ipse cum per mensem se exercuisset, candide testatus est, se, quamdiu in Religione vixisset, rationem aliquam, qua rectè incederet, semper optasse, eamque nunc demum, cum in hæc Sancti Ignatii exercitia incidisset, invenisse. Quæ quidem ille avidissime hausta, atque in intimum demissa pectus, tanti fecit, ut in iis vere Divinum aliquid inesse aperte diceret, eaque deinceps in alios tanto libentius derivavit,

30 *De Utilitate Exercitiorum.*  
varit, quanto diutius quæsit ipse, & serius invenit.

## §. I I.

### De Utilitate Exercitiorum Spiritualium.

I. Utilitatem horum Exercitiorum si accuratius perpendam, equidem non immerito comparari posse videntur ligno vitæ ( de quo S. Joannes c. 22. Apoc. meminit ) plantato juxta fluvium aquæ vitæ ( per quam gratia Divina recte intelligitur ) & fructus duodecim afferenti; totidem enim & ipsa primarios fructus afferunt, quorum quatuor ad viam Purgativam, totidem ad illuminativam, & totidem denique ad Unitivam spectant, uti ex eorum brevi enarratione patebit.

#### Primus Fructus.

##### *Temporis fructuosa collocatio.*

Primus ergo Fructus ad viam Purgativam pertinens est *Temporis*, quod his Exercitiis impendi solet, *fructuosa valde collocatio*: constat quippe quotidiana experientia, eos qui Sacræ huic Ascési vacant, si umquam alias, hoc tempore maxime a peccatis, & imperfectionibus, quibus alioqui obnoxii esse consueverunt, sollicite abstinere, omnesque actiones ad hunc finem præscribi solitas eo cum fervore, diligentia, atque perfectione peragere, ut sæpe vix materiam pro Confessione Sacramentali inveniant. Qui quidem Fructus quanti æstimandus sit, vel ex ipsius S. Ignatii testimonio patet; si enim iste, dum objicerent aliqui, frustraneos esse sumptus, & laborem, qui ab ipso in ædificanda pro Meretricibus conversis domo sunt impensi, eo quod ejusmodi Mulieres mox iterum ad vomitum revertantur; sapienter respondit, si una ex ejusmodi Mulieribus vel unica nocte a consueto fornicationis crimine abstineat, sat bene sibi totum, quem pro Domo hac extruenda assumpserat, laborem collocatum videri; quan-

quanto magis censeretur bene impensum debet totum Oſti-  
dum, aut longius interdum tempus, quod Alcesi Sa-  
cræ impenditur, & intra quod a tot peccatis, & im-  
perfectionibus abſtinetur.

**Secundus Fructus.**

*Peccatorum conversio:*

Secundus Fructus est *Peccatorum conversio*: quia fru-  
ctus si ex ulla alia actione, ex hoc secessu merito spe-  
rari potest, utpote in quo omnia media ad ejusmodi  
conversionem proficua adhibentur; hic enim Finis in  
primis, ad quem Homo, ceteræque Creaturæ conditi  
sunt, ob oculos ponitur, & quam turpe atque indi-  
gnum sit ab eodem aberrare, ostenditur; hic pessimi  
peccati fructus, ex Angelorum, Primorum Parentum,  
aliorumque Hominum sceleratorum poena ob oculos po-  
nuntur: hic mortis, judicii, atque Interni horror, acer-  
bitasque perpendenda traditur: hic radix commissorum  
peccatorum inquiritur, atque efficacia ad eandem ex-  
scindendam remedia offeruntur: hic acerbissimi Christi  
Servatoris Cruciatu, injuriæ, & probrosa mors menti  
objicitur, & ex amaritudine remedii morborum gravi-  
tas demonstratur; ut adeo mirum non sit, tam admi-  
randas nonnumquam Conversiones in his Exercitiis Spi-  
ritualibus contigisse. Sic enim in Imagine Societatis lib. 3.  
refertur, Sacerdotem quemdam Scenicum, publicum Po-  
puli Offendiculum, cum in Sacram hanc Solitudinem  
seſe recepisset, ita repente mutatum esse, ut injecto cer-  
vicibus fune, in suggestum ascenderit, & a frequentis-  
sima multitudine veniam petierit levitatis suæ, idque  
tam ardentem, ut ipsi Populo lacrymas excusserit, cui  
prius risus, & cachinnos movere solitus erat: Sed, &  
de Messanenſi quodam Adolescente ibidem narratur,  
quod cum nec durissima quidem inter Mancipiorum fœ-  
ces servitus eundem flectere potuisset, his Exercitiorum  
præſidiis adeo emollitus sit, ut deposita ferocia summe  
tractabilem se præbuerit, omnibusque Domesticis ad-  
mira,

mirationi fuerit. Præ ceteris tamen memorabile est, quod in parvo libello, *Sacra Tempe* vocato, cap. 2. de Equitis cujusdam scelerati conversione memoratur; qui, cum alios commilitones per unius diei secessum ad conflictum, & si opus fuerit, mortem pie obeundam præparare se advertisset, irridere primum hanc pietatem, post tamén importunis Amicorum, & Sociorum precibus persuasus, etiam ipse suscipere, sed curiositatis potius, quam devotionis gratia est ausus; verum vix unam, alteramve Meditationem peregerat, cum adeo se immutatum, tantoque DEI timore, & vitæ emendandæ desiderio correptum sensit, ut deinceps Speculum fuerit virtutis, qui offendiculum fuerat, multosque suo exemplo ad eandem solitudinem uno saltem die frequentandam incitarit.

### Tertius Fructus.

#### *Confessionis integritas.*

Tertius fructus est *Confessionis* singulari cum dolore, solatioque institutæ *integritas*: nam, ut recte advertit P. Petrus Manrique in citato libello *Sacrorum Tempe* exempl. 17. c. 3. Multum differunt inter se Confessio quiete, attenteque, (ut in Exercitiis fieri solet) instituta; & ea, quæ inter occupationes suscipitur; qui enim soli DEO, suoque Magistro vacat, tempus habet sufficiens, & rationes cognoscendi peccata, & commentationes idoneas sceditati ejus aperiendæ, atque adeo est bene comparatus ad justum dolorem adipiscendum, & inde ad mirabiles Sacramenti, Sanguinisque Christi, qui illic impertitur, fructus percipiendos; quibus auxiliis, cum plerumque careant ii, qui extra hanc sacram Solitudinem Confessionem peragunt, haud facile quoque virtutem hujus Sacramenti tam copiose experiuntur. Enimverò priores similes sunt Reo criminum ante Judicem constituto, ubi ex una parte Testes assistunt, patrata illius facinora exprobrantes; ex altera parte Exactor seu Fisco Præfectus, gravitatem eorumdem

dem ostendens, ac veluti ad trutinam examinans, unde fieri non potest, ut Reus non cohorreat, seque peccavisse doleat; posteriores vero similes sunt Reo, contra quem Testes sine Exactore, aut Exactor sine Testibus, aut utrique in loco tumultibus personante, vocisque loquentium intercipientem adstant, ubi hoc ipso, quod minus percipiatur accusatio, ipsaque delictorum exprobatio, minor etiam dolor, & Erubescencia concipitur, id quod sequenti exemplo l. c. confirmat Manrique. Quidam, inquit, Confessioni de tota vita instituendæ se includendum dederat, quem assiduæ distractiones, & monstra imaginum male habebant, litteris, ullive alteri rei non vacare permittebant, omnino existimantem omnes Homines iisdem infestari turbelis, ideoque neque remedia circumspicientem, neque conquirentem. Itaque peracta homologesi in Exercitiis porro pergens, vidensque consuetas evanuisse phantasias, vicissim animum esse pacatum, ac liberum, omniumque actionum compotem, ita ut, quod liberet, sine turbatione faceret, legeret, studeret, oraret quiete, si ipse admiratus rem omnem Magistro enarravit, qui eum hortari, & animare institit, gratæque DEO agere iussit, cum alia commemoraret exempla eorum, qui obita rite in secessu Confessione generali variis a DEO gratiis sunt donati, pars corporibus a vario malo liberatis, pars contra scrupulos, & importunas cogitationes armati, quemadmodum ipse, & alii aliis molestiis, ac vexationibus suo remedio exempti.

#### Quartus Fructus.

##### *Pæna temporalis remissio.*

Quartus fructus est *Pæna temporalis peccatis debita remissio*: ad quam obtinendam varie conducunt Exercitia; in primis quidem quia ad perfectum dolorem de peccatis disponunt, qui interdum adeo intensus esse solet, ut merito sperari possit, de eo, qui ejusmodi dolorem elicit, illa Christi verba S. Mariam Magdalenam

olim dicta verificatum iri: *Remittuntur ei peccata multa* ( etiam quoad ipsam pœnam , aut partem illius ) *quoniam dilexit multum* . Deinde vero etiam ad Pœnitentiæ opera ( quæ specialiter ad satisfactionem pro pœna peccatorum ordinata sunt ) tum ipso Exercitiorum tempore , tum post finem illorum suscipienda non modice incitat ; & præterea ad variarum virtutum præstantissimos actus eliciendos tum in ipsis Meditationibus , tum extra illas creberrimam occasionem offert ; & tandem , quod præcipuum est , per plenariam Indulgentiarum , quæ iis , qui octo aut decem diebus hæc Exercitia colunt , concessæ sunt impetrationem , omnem peccatis debitam pœnam relaxant , quæ quidem gratia tanto certius sperari potest , quanto justior est causa , ob quam ejusmodi indulgentiæ sunt concessæ .

### Quintus Fructus .

#### *Virtutum studium, & augmentum.*

Quintus fructus , & primus ex iis , qui ad viam illuminativam pertinent , est *virtutum studium, & augmentum* ; ad quod promovendum duo perquam efficacia media , & motiva in his exercitiis subministrantur , quorum primum est Christi exemplum , in cujus virtutibus , & actionibus considerandis tota propemodum secunda , & tertia hebdomas occupatur ; unde Societas omnes , qui ab ea Exercitiis excoluntur , illis Apostoli Verbis ad Gal. 4. alloquitur : *Filioli mei , quos iterum parturio , donec formetur CHRISTUS in vobis* . Unumquemque vero Exercitantem illis S. Bonaventuræ verbis ad hanc imitationem incitat : *In omnibus virtutibus , & moribus propone semper clarissimum Speculum , & totius Sanctitatis Exemplar , scilicet virtutes , & mores Filii DEI Domini nostri JESU Christi , qui ad hoc nobis de cælo missus est , ut aperiet nobis viam virtutum , & legem disciplinæ suo exemplo doceret , & erudiret nos per semetipsum ; ut sicut ad imaginem ejus naturaliter creati sumus , ita ad morum ejus similitudinem*  
per

per imitationem virtutis pro nostra possibilitate reformemur. Quanto enim quisque se ei in virtutis imitatione hic conformare studuerit, tanto ei in prima gloria, & claritate appropinquabit, & similior erit. Describe tibi in corde tuo mores, & actus suos, ut in omnibus factis, & verbis tuis ad hunc quasi ad exemplar respicias; incedens, stans, sedens, comedens, tacens, solus, & cum aliis. Et ex hoc magis diliges eum, & familiaritatis ejus gratiam assequeris, & in omni virtute perfectior eris. Et hac erit Sapientia, & perfectio tua, & studium semper aliquid de ipso cogitare, unde vel provoceris ad imitandum eum, vel ad eum amandum afficiaris. Alterum medium, quo virtutis augmentum promoveat Exercitia, est motivorum, quæ ad virtutis amorem alliciunt, seria meditatio, & penetratio, puta pulchritudinis, honestatis, jucunditatis, utilitatis, & similibus proprietatum, quæ virtuti conveniunt. Certe potissima causa, cur tam pauci Homines virtutem serio sectentur, est exigua, quam de iis habent, existimatio, unde qui hanc per accuratam supradictarum Proprietatum Meditationem in his Exercitiis sunt assecuti, præponunt eam cum Salomone regnis, & sedibus, & divitias nihil ducunt in comparatione illius, scientes, quod omnia bona veniant pariter cum illa, & innumerabilis honestas per manus illius. Cujus quidem fructus percepti, ut infinita alia taceam, præclarum exemplum habemus in Maria Bonaventura Moniali Ordinis Sancti Benedicti in Monasterio a S. Francisca Romana olim Romæ fundato, cum magna opinione sanctitatis anno 1627. mortua, quæ, licet ab initio spiritualibus rebus parum addicta, ac virtutis minime studiosa fuerit, postquam tamen a P. Nicolao Lancizio, qui in sexto Opusculo cap. 22. fuse ipsius confessionem, & vitam describit, ad Exercitia hæc facienda inducta est, repente adeo mutata est, ut inter alia memorato Patri suo spirituali dixerit: *Pater non oportet amplius joculari cum DEO; agnovi, quid a me velit DEUS, quid nolit: volo tota esse DEI, & totis viribus conari, ut ob majorem DEI gloriam sine ulla mora*

*Sancta evadam, non qualicumque, sed magna, cito.* Nec minus præstitit, quam promisit, nam intra annum non integrum, quo supervixit, ad eum virtutis apicem, teste eodem P. Lancizio, pervenit, ut sine ulla prævia consideratione, & ponderatione causarum, ad virtutem impellentium, sola simplici, & instantanea apprehensione alicujus virtutis ad eandem exercendam raperetur, eo ipso modo, quo S. Bernardus viros perfectos describens ferm. 20. in Cant. ait: *Omne tamquam naturaliter, & malum respiciunt, & quod bonum est, amplectantur*; quemadmodum, et de S. P. N. Ignatio Andreas Frusius, ut l. 16. n. 123. hist. Soc. refertur, dicere solebat, cœlestem Christi gratiam in eo ingenitam ac naturalem videri, adeo constanter, ubique ac semper, adeoque facile, modum, virtutemque servabat.

### Sextus Fructus.

#### *Meritorum incrementum.*

I. Pro sexto fructu meritorum multiplicatio, & incrementum recte assignatur, pro quo obtinendo varia iterum media in Exercitiis Spiritualibus addiscuntur; et in primis quidem dum per novissimorum considerationem ostenditur, quam gravis, et desolanda sit jactura, quæ per negligentiam in meritis multiplicandis incurritur; quam multi adeo non sine grandi dolore, et pudore illud Ecclesiasticæ c. 2. sint olim dicturi: *Cumque me convertissem ad universa opera, qua fecerant manus meæ, & ad labores, in quibus frustra sudaveram, vidi in omnibus vanitatem, & afflictionem animi*; atque ideo ne gravior fiat hæc jactura, et dolor, per seriam resipiscentiam præterea negligentia refarcitur, sicque saluberrimum Apostoli monitum ad Eph. 5. impletur: *Videte itaque Fratres, quomodo caute ambuletis, non quasi insipientes, sed quasi sapientes, redimentes tempus, quoniam dies mali sunt.*

II. Alterum ad meritorum augmentum medium est  
vii-



virtutum studium, & profectus: hæ enim cum gratiam, & charitatem semper comitentur, merito radix, & causa potissima meritorum dicuntur. Unde merito S. Gregorius virtutes solas veras Hominis divitias vocat, dum hom. 15. in Evang. ait: *Solæ divitiæ veræ sunt, quæ nos divites virtutibus faciunt. Si ergo, Fratres charissimi, divites esse cupitis, veras divitiâs amate.* Cum ergo virtutum copiosum incrementum in Exercitiis spiritualibus obtineri, in superiori fructu quinto sit ostensum, negari non poterit, quin proportionatum quoque meritorum incrementum in iisdem obtineatur.

III. Tertium medium ad eundem finem per Exercitia spiritualia offertur, dum per Meditationem de Regno Christi, & de duobus vexillis ad perfectam Christi imitationem, atque adeo ad majorem DEI gloriam, & obsequium in omnibus operibus, & laboribus querendum voluntas impellitur, ita ut, etiamsi nullo superaddito, laus DEI par foret, ad majorem tamen Christi imitationem, eligatur potius cum eo paupere, spreto, & illuso pauperies, contemptus, & insipientiæ titulus, quam opes, honores, & sapientiæ æstinatio. Quam amplum vero ex hoc studio meritorum augmentum oriatur, vel ex eo colligi potest, quod DEUS liberalitate se vinci non patiatur, sed, quo liberaliorem se quis erga eum ostendit, tanto liberaliorem se ipse vicissim sit præbiturus, mensuramque adeo bonam, confertam, coagitatam, & supereffluentem Meritorum daturus sit in sinum illius.

### Septimus Fructus.

#### *Preparatio ad Officia rite obeunda.*

I. Etiam hic fructus non spernendus est, cum enim Major pars vitæ in muneribus, & Officiis cuique impositis sit consumenda, recte quoque concluditur, majorem meritorum, & gloriæ obtinendæ partem in Officiorum accurata administratione consistere. Porro hunc fru-

fructum in Exercitiis potissimum obtineri, testatur in primis ipsa Societas, quæ suos ad altissimum, & difficillimum Operarii Apostolici munus præparatura, integrum annum impendi tertiæ probationi, & in hujus initio quatuor integras hebdomades, & aliam iterum in fine illius in sacris hisce Exercitiis utilissime consumi mandat. Testantur item Episcopi, alique Prælati sat multi, qui onus Angelicis humeris formidandum subituri, ab his potissimum Exercitiis vires petierunt; quas cum magno suo, & suorum bono corroborari sensissent, ex iis non pauci nullos deinceps statuerunt sacris initiare, nisi ad dignissimum illud Christianæ Religionis munus cœlesti hoc præsidio ante præparatos. Testatur denique ipse Christus, qui Apostolos suos ad labores Apostolicos fortiter exantlandos excitaturos, & virtute ex alto instructus per integrum octiduum sese abscondere, orationique vacare illos voluit.

II. Porro ad fructum hunc obtinendum tria præcipue media suggeruntur in his Exercitiis, quorum primum, est Exemplum ipsius Christi, actionesque ipsius accuratius consideratæ; hæ enim, cum sint Idea, & regula omnium functionum Apostolicarum, non possunt sane perfectius actiones ad Proximi salutem ordinatæ peragi, quam si huic perfectissimæ Idæ conformentur; nam, ut sapienter S. Basilius serm. de Resurr. pronunciavit, *propter hoc naturam nostram suscepit, ut in se velut in tabula quadam veram nobis veritatem, & virtutem depingeret, eamque nobis omnibus tamquam Archetypum imitandum proponeret.* Hinc teste S. Bernardo serm. 4. de advent. *Omnis nostra virtus tam longe est a vera virtute, quam longe est ab ea forma, quam verbo, & exemplo commendavit Christus præsens in carne.*

III. Alterum medium est orationis continuatio, qua scilicet vires a D E O gratiaque postulatur, sine qua frustraneus est omnis conatus Operarii Apostolici; nam, ut præclare S. Bernardus epist. 101. dixit, *Nunc autem manent* (id est, requiruntur ad Apostolicum munus) *tria hæc, Verbum, Exemplum, Oratio; major autem bo-*  
rum

rum Oratio, ea namque operi, & voci gratiam, & efficaciam promeretur. Et idipsum confirmans S. Augustinus l. 4. de doctr. Christ. c. 15. munus suum, inquit, ut præstet, magis opus est orationum, quam Oratoris facultate, ut orando pro se, & pro illis, quos est allocuturus, sit Orator, antequam dictor.

IV. Tertium medium est reflexio super obitas Muneris sui functiones, per quam, & commissorum errorum gravitas cognoscitur, & defletur; simulque stimuli ac nova proposita concipiuntur, eosdem non solum studiose devitandi, sed etiam subsequentiū actionum maiore fervore compensandi. Nimirum sicut Messores, ubi aciem falcis suæ obtusam esse advertunt, mox illam cote sua exacuunt, sicque novo fervore laborem repetunt, & facilius longe, fructuosiusque pergunt; ita Operarii quoque Spirituales, ubi fervorem in Officii sui functionibus obeundis imminutum advertunt, in secessu Exercitiorum ferventibus Meditationibus eundem denuo reparant, sicque nova alacritate ad functionum suarum labores redeunt. Unde sapienter S. Hieronymus epist. 114. ad Celantiam scribens ait: *Non enim eo fit hic recessus, ut retraharis a tuis; imo id agimus, ut ibi discas, ibique mediteris, qualem tuis te præbere debeas.*

### Octavus Fructus.

#### *Zelus Animarum.*

I. Quantopere Zelus hic necessarius sit Operariis Apostolicis, præclare S. Laurentius Justinianus in lib. de compunct. & complacentia Christ. perfect. indicavit dicens: *Absque igne quis ignem accendet? & sine charitate quis charitatis officia consummarvit? Ardeat dilectionis flamma semper in te, quatenus calore tuo Proximorum excutiat tepor, imo accrescat amoris incendium: quomodo præteritarum negligentiarum rubigo deleatur. Poteris plane inflammare ceteros, si fueris tu charitatis incendio concrematus.* Ex quibus, verbis clare colligitur,

tur, Zelum animarum esse proprium fructum Exercitiorum Spiritualium; cum enim in his præcipue copiosa occasio offeratur, considerandi, & meditandi motiva Zelum impellentia, merito in his quoque sperandum est verificatum iri, quod S. David Pf. 38. dixit: *Concaluit cor meum intra me; & in meditatione mea exardescet ignis.* Id quod facilius persuadebitur, si, qualia motiva ad Zelum excitandum in his Exercitiis proponuntur, breviter ostendatur.

II. Primum itaque motivum quod vel maxime inculcatur in his Exercitiis, est Christi pro animarum salute incarnati, tantaque agentis, & patientis exemplum; quod S. Carolus Borromæus uti l. 3. c. 2. Act. Mediol. pag. 838. refertur, ob oculos præcipue Operariis Apostolicis habendum dicebat: quando monebat, ut in eo potissimum cogitationem, mentemque omnem figant, ut attente considerent adventum in terras Domini nostri JESU Christi Filii DEI, diligenterque perpendant, dum nobiscum in terris commoratus est, quanto desiderio nostræ salutis accensus fuerit, quantaque perpessus sit; hæc enim si cogitent, merito sperari potest, talibus cogitationibus, quasi quibusdam facibus animum illorum ita accensum iri, ut nullus vel maximus labor esse possit, quem illi subire recusent, ne pretiosissimi Christi Sanguinis fructus in ipsis, aliisque ipsorum negligentia depereat.

III. Secundum motivum est, ipsarum animarum præstantia, quam eleganter iterum ob oculos posuit suis Operariis S. Carolus Borromæus, dum l. c. pag. 839. sic locutus est: *Salus animarum quanti facienda sit, ex incredibili dignitate animarum conjici potest, qua si forte alicui obscura est, charissima JESU CHRISTI verba perpendat, animam unam toti Mundo præferentis. Quid prodest, inquit, homini, etiamsi universum mundum lucretur, anima vero sua detrimentum patiatur. Eiusdem præterea res omnes gestas animadvertat. Quid enim aliud ille voluit, cum e cælo descendit, laboriosissimam vitam in terris duxit, acerbissimam denique mortem subiit, quam hominum animas ab aeterno periculo, & morte libe-*

liberare? hic certe laborem omnium susceptorum Scopus, hic sanguinis effusi, hic Crucis, & mortis fructus fuit; eo in opere Adjutores ei sunt, qui Verbi DEI predicationi operam navant. Quod ipsum etiam S. Gregorius Nazianz. orat. 2. sequentibus verbis breviter, sed eleganter ostendit: Huc Magistra Lex tendit, huc inter Christum, & Legem interjecti Prophetæ: huc Spiritualis Legis perfectior, & finis Christus: huc exinanita Deitas: huc assumpta caro: huc nova illa mixtio, DEUS, inquam, & Homo. Atque hæc omnia propter omnia, & pro uno illo generis nostri Principe in unum cojerunt. Quid multis? sic DEUS dilexit Mundum, ut Filium suum Unigenitum daret; at quid in Mundo dilexit, nisi id, propter quod factus est Mundus?

IV. Tertium motivum est, Satanæ in perdendis, atque in æternum, inque inexplicabile supplicium trahendis animabus insatiabile studium; nam, ut S. Brigitta quondam in Ectasi audivit, in judicio fassus est, majori se impetu ferri in perniciem animarum, quam torrens violentus; quæsitus autem a Christo, cur illud faceret? respondit, quia tu amas illas. Hinc merito iterum hoc motivum S. Carolus Borromæus Operariis proposuit dicens: Considerent præterea terribilem animarum stragem, quam generis humani sempiternus hostis Satanæ facit, quantam in illis perdendis sollicitudinem adhibeat, quibus utatur Ministris, qua alacritate, solitudineque, quibus laboribus, & vigiliis scelesti Ministri opus urgeant, indefessi atque assidui, iidemque perpetui, & obfirmati. Quare turpissimam rem se facturos existimare debent JESU Christi Ministri, si ita Magistri sui voluntatem, dignitatemque suam, atque sempiterna præmia perdant, vel a Christiana charitate tam alienos se præbeant, ut a Satana Ministris superari se sinant, patianturque, ut illi majori studio ad se, & alios perdendos, quam ipsi ad suam, aliorumque salutem tuendam incumbant.

V. Quartum denique motivum est vocationis obligatio perpensa; si enim Officiales, & Ministri Principum, ubi aliquam dignitatem, quantumvis improbo labo-

labore ; & precibus obtinuerunt , beatissimos se putant , & vel hoc etiam titulo ad omnem fidelitatem , & diligentiam in tali munere præstandam obligatos se putant , quanto magis id sentiendum ei , qui ultro , & gratuito ad dignitatem , & officium omnium Divinorum Divinissimum ( ut vocat S. Dionysius Arcopagita ) videlicet ad animarum salutem procurandam vocatus est.

### Nonus Fructus.

#### *Perfectionis Asssecutio.*

I. Nonus fructus , & primus ex iis , qui ad vitam unitivam spectant , est Perfectionis asssecutio , seu , quod idem est , perfecta cum DEO per amorem purissimum unio ; ad quem fructum obtinendum duo præcipue perquam efficacia , et aptissima media in his Exercitiis obtinentur. Quorum primum est clarissima Bonitatis , aliarumque perfectionum Divinarum , et præcipue amoris , quo DEUS homines prosequitur , cognitio ; quæ cognitio quantopere conducat ad mutuum amorem provocandum , patet ex ipso Beatorum in cœlis existentium felicissimo Statu , qui ideo rapiuntur , et necessitantur ad amandum perfectissime DEUM , quia per visionem beatificam clarissime Divinitatem illius , et supremam bonitatem cognoscunt ; unde S. Ignatius assidue cum suspirio exclamare solebat ad DEUM : O utinam , mi DEUS , homines te nossent ! non ignarus scilicet , quo perfectius ipsum homines cognituri , et amorem illius perpensuri forent , eo vehementius quoque ad amorem illius incitatum iri. Maxime si ipsius etiam amoris infiniti erga homines tot beneficiis , et operibus comprobati magnitudo perpendatur , tunc enim vere erubescit homo , se tam parce vices in amando rependisse , et in illa S. Bernardi verba erumpit : *Amat charitas , amat immensitas , & nos vicem rependimus cum mensura.*

II. Alterum medium est bonitatis , et dulcedinis Divinæ

vinæ degustatio; hic enim proprie dicitur iis, qui Exercitia faciunt: *Gustate, & videte, quoniam suavis est Dominus.* Psal. 33. Hic ipse DEUS de anima in hanc solitudinem se conferente repetit verba illa per Oseam c. 2. dicta: *Ducam eam in solitudinem, & lætabor eam* (id est, dulcedinem meæ bonitatis gustandam dabo) *& loquar ad cor ejus.* Ut exclamare cogatur, et fateri cum Discipulis in Emaus euntibus: *Nonne cor nostrum ardens erat, quando loquebatur nobis.* Luc. 24. aut cum S. Augustino l. 9. Conf. cap. 1. *O quam suave mihi subito factum est, carere suavitatibus nugarum, & quas amittere metus fuit, jam dimittere gaudium erat, ejiciebas enim eas a me vera tu, & summa suavitias; ejiciebas eas, & intrabas pro eis omni voluptate dulcior.* Certe si umquam alibi in his Exercitiis verificatur illud commune adagium: *Gustato Spiritu desipit omnis caro.* Unde anima his deliciis inescata exclamat cum Apostolis: *Bonum est nos hic esse.* Matth. 17. aut cum Sponta: *Sub arbore illius, quem desideraveram, sedi, & fructus ejus dulcis gutturi meo.* Cant. 2. Item cum S. Bernardo in Jubilo: *Nec lingua potest dicere, nec littera exprimere, expertus potest credere, quid sit DEUM diligere.*

## Decimus Fructus.

*Dispositio optima ad mortem pie, & feliciter obeundam.*

I. Fructus hic tantò amplius jure merito æstimandus, magisque optandus est, quanto certius constat, totam hominis felicitatem, vel miseriam æternam ab ultimo hoc articulo pendere: nam, ut sapienter S. Augustinus ad Diof. scripsit, *In quo quemque invenerit suus novissimus dies, in hoc eum comprehendet mundi novissimus dies; quoniam qualis in isto die moritur, talis in die illo judicabitur.*

II. Quantopere vero conducant Exercitia Spiritualia ad hunc fructum obtigendum, ex tribus præcipue indi-  
ciis

ciis colligitur. 1. Ex ipsa Meditatione, quæ in prima hebdomada de Morte, ejusque circumstantiis proponitur; quæ quidem quam efficax sit ad dignam pro morte præparationem suscipiendam, testatus est in primis S. Gregorius l. 12. moral. dicens: *Qui considerat, qualis erit in morte, semper parvidus erit in operatione, atque inde in oculis sui Conditoris vivit. Nil, quod transeat, appetit; cunctis vitæ præsentis desideriis contradicit, & pene se mortuum considerat, quia moriturum se minime ignorat. Perfecta enim vita est mortis meditatio, quam, dum justî solícite peragunt, culparum laqueos evadunt.* Testatus est etiam Juvenis ille sceleratus, de quo Spec. Exempl. meminit, qui pro pœnitentia post Confessionem peractam jussus in lecto se componere, et constituta ad pedem lectuli effigie Crucifixi cum duobus cereis, imaginari, se jam morti vicinum esse, per brevem hanc considerationem adeo commotus est, ut mox e lecto surrexerit, et Religiosam vitam sanctissimæ sit professus.

III. Secundo hoc ipsum colligitur ex vitæ rationibus, quæ hoc Exercitiorum tempore plerumque per generalem Confessionem, aliaque cœdia componuntur; quemadmodum enim Homines prudentes, quibus momenti alicujus lis est, operam dant, ut aliquot dies ab Hominum consortio secum assumant Advocatos, quibus causam explicant suam, quosque omni strepitu, arbitrisque remotis consulant super litis quæstione; ita viri sapientes ad litem summi momenti, quam communis Inimicus ad mortis clepsydræ intendet, per secessum in hanc solitudinem se ad eandem præparant. Quem in finem memorabile Exemplum in sæpe cit. libello Sac. Tempe c. 2. ex. 3. refertur in hæc verba: Sacerdos generali Confessione locum ac tempus quærens, profanis semper negotiis interturbatus, de die in diem differendo cunctabatur, donec unum destinavit nulla occupatione procrastinandum. Commodum advenit dies, cum ei litteræ Amicorum Sevilla redduntur, inde proficisci jubentes, itaque Confessario valedicit suo, causatus impedimentum, post reditum isthæc obiturus;



tutus; an ignoras, Domine, subjicit Confessarius, te esse mortalem, atque inter viam mori posse? Motus huiusce Sacerdos, ac tempore prolixius exercitium negante in hunc secessum se contulit, indeque magno cum fructu prodiens in viam se dedit, cum ecce in medio itinere correptus morbo, morique se sentiens, felix, inquit, hora, qua secessi ad ineundas vitæ meæ rationes, ad mortem obeundam, ad Testamentum ritu Christiano condendum; alioqui acerbum futurum erat in pago procul a Patria mori. Itaque quia in illo secessu me præparavi, animo mortioræquissimo, ubicumque fuerit visum DEO, vel in mediis vastitate campi. Sicque Sacramentis ad iter æternitatis instructus pie vitam terminavit.

IV. Tertio denique idipsum colligitur ex ipsa vitæ reformatione, quæ, ut alibi ostensum est, præcipuus est horum Exercitiorum Scopus, atque adeo hoc ipso etiam optima ad mortem dispositio, cum, teste S. Augustino de doctr. Christ. non possit male mori, qui bene vixit; & ut l. 1. de civit. ait, *mala mors putanda non sit, quam bona vita præcessit; neque enim facit malam mortem, nisi quod sequitur ipsam mortem.*

### Undecimus Fructus.

*Ecclesiæ, & Familiarum Religiosarum incrementum.*

I. Hic fructus quoque quam proprius effectus sit Spiritualium Exercitiorum, ex eo facile colligitur, quod tam Ecclesiæ, quam Familiarum Religiosarum incrementum in eo præcipue consistat, ut viros nanciscantur legitime a DEO vocatos (hoc ipso enim DEUS, qui eos tam misericorditer elegit, etiam virtute ex alto instruet, & sicut velle concessit, etiam perficere dabit) & iidem vero Apostolico aut Religioso Spiritu imbuantur, & in eodem constanter conserventur, & perficiantur; ad hunc autem finem obtinendum merito Exercitia Spiritualia aptissimum Instrumentum censeantur; nam in primis Vocationem, & Electionem Status

E

quod

quod attinet, quis melior modus, aut praxis eamdem indagandi præscribi aut adhiberi potest, quam is ipse, quem S. Ignatius in his Exercitiis præscripsit? per hunc certe plerique ex primis decem Societatis nostræ Patribus ad Religionem attracti, tantos postea fructus in longum ævum duraturos fecerunt.

II. Nec minus autem juvant etiam ad conceptum semel Vocationis exequendæ fervorem conservandum, & augendum, id quod experientia quotidiana confirmat; per quam habetur, non modo Societatem, sed alios etiam, sive Ecclesiasticos, sive Religiosos Prælatos, quando Subditorum suorum fervorem per occupationes externas imminutum aut omnino deperditum reparare, & resuscitare volunt, horum potissimum Exercitiorum auxilio id efficere conari; utpote quibus singularem efficaciam ad animos charitate DEI, & Proximi inflammandos inesse, ipsimet etiam propria plerumque experientia cognoverunt; nimirum sicut aqua in lebece inclusa, si igni admoveatur, operculoque claudatur, vehementius exæstuat; ita fervor animo conceptus, licet modicus sit, si cum igne Divino jungatur (id est eximia DEI in nos, aliosque charitas, & beneficentia consideretur) & operculum apponatur (id est, extrinseca objecta animum distrahentia, & ad se rapiuntia removeantur in immensum perficitur, & augeatur; uti recte S. Gregorius l. 22. moral. cap. 2. advertit dicens: *Animus noster dum igne amoris excoquitur, semper in se servat charitatem pulchritudinis quotidiana innovatione fervoris; nescit enim mens per torporis veterascere, qua studet per desiderium semper inchoare; hinc nempe per Paulum dicitur: Renovamini Spiritus mentis vestra. Hinc Psalmista, qui ad perfectionis jam culmen pervenerat, quasi inchoans dicebat: dixi, nunc coepi; quia si lassescere ab inchoatis bonis nolumus, valde necesse est, ut inchoare nos quotidie credamus.*

*Duodecimus Fructus.**Majus divinae Gloriam incrementum.*

I. Ultimus quidem ordine, sed primus dignitate merito hic fructus æstimatur, utpote ad quem omnes præcedentes Fructus velut ad ultimum finem ordinantur; cum enim Gloria DEI in hoc consistat, quod a Creaturis magis cognoscatur, æstimetur, & ametur; tunc autem DEUS magis æstimetur, & ametur, quando homo fortiter, & constanter declinat a malo seu peccato, & ferventer facit bonum, seu in virtutibus se exercet, facile patet, eodem passu, quo peccata vitantur, & virtutes exercentur, etiam DEI gloriam augeri; unde non opus est ulterius ostendere, quod Exercitia Spiritualia specialiter conducant ad hunc fructum obtinendum; cum hoc ipso, quod ostensum sit in præcedentibus paragraphis, per ea Hominem Salutis suæ studiosum ordinatissima Methodo per omnes tres vias, Purgativam scilicet, Illuminativam, & Unitivam ad summum perfectionis Apicem perducere, recte concludatur, etiam ad Majorem DEI gloriam promovendam non minorem ea utilitatem, efficaciamque continere.

## §. III.

*De Jucunditate Exercitiorum.*

I. Inter alias fallacias, quibus Dæmon Exercitiorum horum Spiritualium fructum impedire nititur, non minima profecto censenda est falsa illa, & inanis persuasio, qua nonnullis, persuadet, fastidiosam nimis, & tædio, tristitiaque plenam rem esse, Exercitiis hisce Spiritualibus vacare; id quod eorum præcipue exemplo probat, qui, quia minus se applicant ad hæc Exercitia, & curas, consolationesque externas abjicere nolunt, hoc ipso jucunditatem in illis absconditam minus

quoque sentiunt, atque adeo merito fastidio, tristibusque, ac melancolicis cogitationibus obruuntur. Verum aliud longe est eorum, qui jucunditatem horum Exercitiorum experti sunt, judicium; hi enim Vacationum Spiritualium loco habent hæc Exercitia, atque adeo non minori alacritate ad eadem accedunt, & perseverant; quam alii ad Vacationes corporales in amœna prædia contere se solent. Et merito sane Vacationibus ea æquiparant, nam omnia ea capita, propter quæ Vacationes corporales tam jucundæ videntur, & tam avide expetuntur, in his Exercitiis perfectissimo modo experiuntur.

II. Si enim primo ante omnia *Locus* vacationes jucundas efficit, præcipue si in alto monte situs: si sanus, id est, puro, & frigidiusculo aere perflatus: si amœnus, id est, floridis arboribus, limpidisque rivulis sit instructus, ubi similem locum magis, quam in hisce Exercitiis reperire licet? Quid enim cœlo altius est? atqui in hoc Anima hoc tempore habitat, quæ magis est, ubi amat, & orat, quam ubi animat. Hic sane locus sanissimus est, quia purissimo, & gratissimo vento afflatur, illo nempe qui in die Pentecostes Apostolos afflavit, similique modo afflabit omnes, qui cum Apostolis per octo, aut plures dies orationi incumbent. Si enim vos, inquit Christus, cum sitis mali, nostis bona dare Filiis vestris, quanto magis Pater vester de cœlo dabit Spiritum bonum petentibus se? Hic denique locus amœnissimis arboribus, & rivulis est confitus, & irrigatus: quid enim ipsi Sancti in cœlo, quorum vita, & exempla in his Exercitiis leguntur, & considerantur, aliud sunt, quam arbores amœnissimæ, & ut S. David. Ps. i. loquitur, lignum plantatum secus decursum aquarum, quod fructum pulcherrimum virtutum, & bonorum operum dedit in tempore suo, cujus folium non defluet in æternum, & omnia, quæcumque fecerunt, & facient, prosperabuntur? Quid aliud gratia DEI semper quidem, sed in Exercitiis præcipue ob majorem dispositionem, & ferventiorum orationem parata; quid aliud, inquam, est, nisi rivulus aquæ illius,

lius, de qua Christus Jo. 4. Samaritanæ dixit: *Qui bibet ex hac aqua, quam dabo ei, non sitiet in æternum, sed aqua, quam dabo ei, fiet in eo fons aqua salientis in vitam æternam?* Si ergo illis, qui loca amœna, & alta pro recreatione eligunt, omnis labor, & molestia, quam in ascensu percipiunt, ipse secuturæ voluptatis jucunda, & facilis apparet; quidni potiori jure difficultas, quæ in Exercitiis faciendis interdum sentitur, facile superetur, ut spirituali recreatione ex loci amœnitate percipi solita animus fruatur, sicque ob tam insignem victoriam illud Apoc. 2. verificetur: *Vincenti dabo manna absconditum.*

III. Si vero, et *Temporis* seu longitudo, seu amœnitas jucundiores efficere Vacationem solet, quidni ob eandem iterum rationem Exercitia spiritualia vacationi recte comparentur, utpote in quibus octo plerumque, aut decem dies, interdum vero quatuor integre septimanæ consumuntur? Quis non amœnissimum Exercitiorum tempus asserat esse, in quo omnes plerumque curarum importuni, et molesti venti quiescunt, omnesque seu cupiditatum immoderatarum nimius æstus, seu noxium spiritualis torporis frigus abest, ut adeo merito de hoc tempore quisque Exercitans illud Siracidis Eccl. 24. applicet: *Ne defrauderis a die bono, & particula boni doni non te prætereant.*

IV. Ipsas vero Exercitationes, Corporis quod attinet, puta colloctionem, ambulationem, refectionem, piscationem, venationem, aucupium, et similes, quæ non modice, imo præcipue jucundas efficiunt Vacationes corporales, etiam hæ perfectiori longe modo in exercitiis spiritualibus reperiuntur. Quod enim gratius colloquium excogitari potest, quam cum DEO, de quo Sponsa Cant. 5. dixit, *Anima mea liquefacta est, ut dilectus meus locutus est?* de quo duo Discipuli in Emaus euntes fasli sunt, *Nonne cor nostrum ardens erat in nobis, dum loqueretur in via?* Quæ jucundior deambulatio accidere potest, quam ea, per quam triplex via perfectionis decurritur, et ad gratum Sanctitatis apicem pervenitur? Quæ suavior, refectio optari potest,

quam ea , quæ tum per Verbi Divini auditi lectivæ , tum per amoris gustatam dulcedinem percipitur , de qua S. Bernardus in jubilo dixit : *Tua JESU dilectio , grata mentis refectio , replens sine fastidio , dans famem desiderio ?* Quod si , et secura mens , teste Salomone Prov. 15. est quasi jüge convivium , ubi magis hoc convivium , quam in his ipsis Exercitiis reperietur , quorum præcipuus scopus est , expulsis per pœnitentiam vitiis , securam , et quietam mentem efficere ? Jam vero quæ Piscatio gravior , et felicior esse potest , quam ea , qua animæ seu viventium peccatorum , seu captivorum in Purgatorio gravissimas pœnas sustinentium capiuntur , uti fit in his Exercitiis , dum et ferventia pro iis suspiria , precesque ad DEUM emittuntur , et novus ad eandem efficacius juvandas ardor concipitur , variaque ad eundem finem obtinendum media excogitantur , ut impletum merito illud Christi ad Apostolos Matth. 4. prolatum Vaticinium videri queat : *Venite post me , & faciam vos fieri Piscatores hominum .* Sed nec venatio jucunda deesse videtur his Exercitiis , dum Exercitans illud Sponsæ , Cant. 2. sibi applicans : *Capite nobis vulpes parvulas , quæ demoliuntur vineas nostras ; nam vinea nostra floruit : imperfectiones , et malas inclinationes suas tanto majori voluptate , et feliciori successu insequitur , quanto graviora plerumque per eam damna animæ , velut Spirituali vineæ inferebantur . Et ne ipsa quoque Aucupii voluptas desit , cogitationes , et desideria , quæ velut Aviculæ libere per Mundum vagabantur , et nunc huic , nunc illi rei per inordinatum amorem insidentes vanæ voluptatis escam captabant , per accuratam reflexionem , et detestationem capiuntur , et intra rationis bene ordinatæ caveam includuntur . Ut merito propter ejusmodi voluptatem impleta videatur promissio , quam DEUS olim per Jeremiam Prophetam cap. 2. fecerat dicens : *Consolabitur ergo DEUS Sion , & consolabitur omnes ruinas ejus , & ponat desertum ejus quasi delicias , & solitudinem ejus quasi hortum Domini .* Quam item Sponsa Cant. 7. Sponsus fecerat dicens : *Veni dilecte mi , egrediamur in agros ,**

commoremur in villis. Mane surgamus ad vineas; videamus, si floruit vinea, si flores fructus parturiunt, si floruerunt mala punica; ibi dabo tibi ubera cœlestium consolationum. Has sane, ut plura alia exempla præteream, gustavit Calvinianus ille, ut cap. 2. Sacr. Tempe ex. 12. refertur, tantam in his Exercitiis dulcedinem sensit, ut dicere ausus sit, hominem quantumvis flagitiosum, si illa degustaret, millies mortem appetiturum, ut iis frueretur. Sed ne brevis ea voluptas fuisse credatur, integri anni decursu deliciis illis inter orandum demulcebatur, adeo ut senas omnino horas genibus solo affixis traducere solitaret, magnamque partem a sensibus abductus alienaretur. Adhuc vero mirabilius est, quod ibidem ex. 13. de alio Calviniano legitur, qui, ubi Exercitiis hisce vacare cœpit, tantis repletus est deliciis, ut toto die incœnatus, & impotus manens, causamque rogatus responderit, se præ copia solatiorum cibum non capere, imo nec tempus ad unicum libelli pii caput perlegendum invenire posse. Unde finitis Exercitiis Instructorem suum his verbis allocutus est: Pater, a parvo Puero educatus sum inter commoditates, quæ vel optari potuissent, asfirmo tamen ignotasse me adhuc, quæ sit voluptas, nisi dum quatuor hisce parietibus me video circumseptum, & fieri non potest, quin, qui experiatur, & credat, quæ mihi contigerunt, convertatur ad DEUM, fiatque Catholicus. Ego domo profectus sum urbes orbis Christiani celebriores convivendi, deinde Constantinopolim, Hierosolymam, aliasque, at vero finem itineribus meis impono, cum, quod quæsieram, hic loci invenerim, neque umquam antebac reperire licuerit, pacem videlicet, animique tranquillitatem. Et quando intelligo hanc gratiam a DEO non soli mihi tributam, sed in aliorum quoque gratiam, referam me domum, ubi multi vitam inter doctrinæ fallacias agitant, eorum, quæ hic loci experiundo didici, rudes ac ignari; quod ipsum etiam opere postmodum complevit, admirantibus Domesticis tam subitam, & extra-

ordinariam hominis mutationem, donec ex ipsomet genuinam causam intellexerunt.

## TITULUS II.

### DE PRÆSTANTIA EXERCITIORUM EX EXTRINSECIS TESTIMONIIS.

Innumera quidem testimonia afferri possent, ex quibus tanto efficacius præstantia Exercitiorum cognosci posset, quanto certius plerique eorumdem utilitatem, fructusque dulcissimos propria experientia cognoverunt, sed ad duodecim velut præcipua merito reduci possunt, videlicet ad DEUM, Christum, B. Virginem, & Cœlites, SS. Patres, summos Pontifices, Cardinales, & Episcopos, Principes Sæculares, Doctores, Religiosos externos, Religiosos nostræ Societatis, Sæculares Catholicos, Hæreticos, Ethnicos, quorum testimonia proinde per distinctos paragraphos breviter afferentur.

#### §. I.

#### Quanti DEUS faciat Exercitia.

I. Quanti æstimet DEUS hæc Exercitia Spirituاليا, variis sane argumentis non obscure declaravit. Et primo quidem dum Moysem ad se in montem Sinai vocavit, & quadraginta diebus, & noctibus retinuit, an non clarissimo argumento ostendit, tunc se præcipue hominibus suam voluntatem declarare, donaque communicare, quando a turbis semoti, totos se confortio, colloquioque secum instituendo impendunt?

II. Quod ipsum etiam simili argumento in Elia Propheta declaravit, quando eundem in Spelunca montis delitescens in spiritu primum grandi, & forti subvertente montes, & petras conterente, deinde vero in sibilo auræ tenuis invisit, ut ostenderet scilicet, tunc maxime se altos montes, & petras duras mentium peccatis,



catis, aut imperfectionibus obnoxiarum conterere, suamque voluntatem per inspirationem internam quasi sibi-  
lum tenuem manifestare, quando in solitudinis spelun-  
cam secedunt homines, & remotisturbis, & curis, Di-  
vinæ familiaritatis sese capaces efficiunt.

III. Sed neque illud etiam testimonium prætereun-  
dum est, quod per Oseam Prophetam c. 2. protulit di-  
cens: *Propter hoc ecce ego lactabo eam, & ducam eam  
in solitudinem, & loquar ad cor ejus.* Quæ enim alia est  
lactatio ista, nisi promissio multiplicium fructuum, qui  
ex solitudine reportantur? quid aliud *loqui ad cor* signi-  
ficat, nisi quod tunc maxime soleat viam perfectionis,  
& unionis cum DEO ostendere, atque ad eandem  
alacriter decurrendam, efficacia motiva stimulosque sup-  
peditare?

IV. Jam vero illa Isaïæ Prophetæ c. 26. verba (*Vide  
Populus meus, intra in cubicula tua, clande ostia tua  
super te, abscondere modicum ad momentum, donec per-  
transeat indignatio?*) qui accuratius perpendit, an non  
fateri cogetur, consilium hoc per Exercitia Spiritualia  
perfectissime adimpleri, adeoque jam tum DEUM ad  
solitudinem hanc sacram respexisse?

V. Quod si denique admirandi in his Exercitiis pro-  
ducti effectus, admirandæ, inquam, conversiones, co-  
piosæ consolationes, & altissimæ illustrationes conside-  
rentur, quid aliud sunt nisi clarissima DEI testimo-  
nia, quibus testari dignatus est, hæc Exercitia (quod  
multorum alias etiam sermone perccebut) esse opus  
humano majus, & altissimum æternæ suæ mentis in-  
ventum?

## §. I I.

Quantopere Christus Exercitia æstimavit,  
& commendavit.

I. Quantopere Servator noster Exercitia hæc æstima-  
rit, clarius testari non potuit, quam cum in desertum  
secedens, quadraginta diebus, & noctibus, sine ullo  
hu-

humano consortio vixit, solisque contemplationibus, aliisque spiritualibus exercitationibus vacavit; quam ob causam Petrus Guertterius Archiepiscopus Granatensis, uti Historiæ Societatis p. I. l. 13. n. 86. refertur, Exercitia hæc summi faciebat, dicebatque semel in concione, Christum in desertum tamquam Exercitia spiritualia secessisse, ut omnes suo invitaret exemplo, docereturque necessarium subinde esse, ad res animi sui considerandas locum, tempusque vacuum sumere.

II. Sed & aliud non obscurum hujus rei testimonium reliquit, quando Discipulos suos ultro ad secessum spiritualem, invitavit Marc. 6. dicens: *Venite seorsum in desertum locum, & requiescite pusillum*; ubi per quietem utique non corporalem dumtaxat cessationem a laboribus, aut somnum intellexit, sed depositionem curarum, & occupationum ad alios juvandos pertinentium, sui que accuratam inspectionem, & recollectionem, ut novo fervore, & alacritate ad pristinios labores redirent.

III. Quando vero Matth. 6. dixit. *Tu autem cum oraveris, intra in cubiculum tuum, & clauso ostio, ora Patrem tuum in abscondito, & Pater tuus, qui videt in abscondito reddet tibi*: quid aliud, quam secessum spiritualem suasisse videtur? Ubi enim perfectius hoc Christi consilium impletur, quam in his ipsis Exercitiis, dum & cubiculum privatum eligitur, & diligenter clauditur (id est, sine necessitate non exitur ex eo, nec quisquam alius nisi simili ex causa admittitur) & magno cum fervore plerumque tempus Orationi impenditur?

IV. Clarissimum vero de utilitate horum Exercitiorum testimonium tulit, quando, ut in Actibus Apostolorum c. I. legitur, præcepit Apostolis suis, ut ab Jerosolymis non discederent, sed expectarent promissionem Patris, quam per os ejus audiverunt; quæ enim fuerit expectatio, sat clare ibidem indicatur, dum dicitur, quod in cœnaculum introjerint, & unanimiter perseverarint in oratione cum Mulieribus, & Maria Matre JESU, & Fratribus ejus. Quid autem hoc aliud

aliud erat, nisi Exercitiis spiritualibus vacare, & per ea se dignissime ad Paracleti promissi optatissimum Adventum præparare?

### §. III.

Quam æstimationem B. Virgo de Exercitiis spiritualibus habuerit.

I. Quid Sanctissima DEI Mater de præstantia, & utilitate Exercitiorum horum spiritualium senserit, non videor efficacius ostendere, & probare posse, quam si specialem revelationem a P. Ludovico de Ponte in vita P. Balthasari Alvarez c. 53. §. I. narratam ipsius Auctoris verbis retulero. Sic ergo ille scribit.

II. Ex multis Personis altissimæ Orationis, quibuscum egi (quæ non fuerunt paucæ) fuit quædam, cui DEUS Dominus noster, & Sanctissima ejus Mater extraordinarios valde favores, et misericordias exhibeant, de cujus sincerâ veritate, cum aliquid dicit, habeo eam moralem certitudinem, quam in ejusmodi rebus homo habere potest. Illa, inquam, mihi dixit, quæ referam.

III. Cum illa intelligeret, homines Societatis ad hæc Exercitia faciendâ se colligere anno 1600. pro more nostro recepto, voluit et illa in domo sua se colligere, ut eadem faceret modo, quo posset. Cumque coepisset, et mane quodam in sua Oratione esset cum Domino, vidit oculis mentis venientem, et ad se appropinquantem sanctum quemdam Angelum insignis Majestatis; quæ cum obstupesceret, et nesciret quid hoc esse posset, dixit ei ille, se esse Archangelum Gabrielem, et missum a Sanctissima Virgine, ut ipsam salutaret, et quædam significaret. Illa, quæ erat valde humilis, hoc audiens, magis obstupuit, seque contraxit, petens ab Angelo, ut, prius, quam referret quæ in mandatis habebat, permitteret ipsam diutius cum Domino DEO nostro de re adeo gravi tractare (quod in hujusmodi occasionibus facere solebat) Angelus,

lus, cui valde placet humilitas, et cautela, Sanctaque illa ex reverentia contractio, respondit, sibi id valde placere. Quare eo, quasi ibi non esset, prætermisso, accessit ipsa ad Dominum nostrum (quem ubique præsentem esse Fides nostra docet) magnoque animi sensu, et affectu suam ei miseriam, et vilitatem proposuit, humiliter petens misericordiam, et ut ab ea dignaretur avertere, quidquid sanctissimæ ejus voluntati conforme non esset. Cumque in his, et aliis hujusmodi petitionibus aliquamdiu hæssisset, audivit internam Domini vocem dicentis, ut, quæ Angelus dicturus ei esset, audiret.

IV. Et illa certior, et securior interius facta, quod totum illud esset DEI opus, cum in modum, quo Divina sua Majestas cum Servis suis Prophetis faciebat, audivit flexis genibus, et magna cum reverentia, quæ Angelus in commissis habebat. Qui cælestis Reginæ nomine ei dicebat: Exercitiis, quæ facere cogitasti, per mentis ratiocinationes, et meditationes magnitudinis DEI, et bonorum infinitorum, quæ per Christum nobis communicantur (in eum fere modum, quo fiunt a Societate) singulare obsequium Reginæ nostræ præstabis; significat enim tibi, se fuisse, et esse tanquam Patronam, et Fundatricem illorum Societatis exercitiorum; nam se adjuvisse, et docuisse S. Ignatium, ut ita fieret, ideoque hoc nomine initium se dedisse huic operi, imo, et se toto tempore vitæ suæ in sanctis hujusmodi Exercitiis fuisse occupatam.

V. Hæc fuit revelatio, de cujus veritate (ut dixi) non possum dubitare, perpensis omnibus circumstantiis ejus, cui facta est; certoque credo, non illi Personæ factam fuisse revelationem propter se, sed propter nos, ut scilicet Societatis homines, et ceteri, qui sanctis his Meditationibus exercentur, aliquod eis tempus seorsim tribuentes pluris ea faciant, et ad ea continuanda magis animentur, si quidem talem habent Fundatricem, Protectricem, et Adjutricem, qualis est ipsa Sacratissima Virgo DEI Mater, quæ etiam ea fecit, licet cum majore excellentia abique ulla comparatione, quam

quam nos, voluitque rem hanc nobis manifestare, ut illustrissimum et sanctissimum illius exemplum sequeremur. Ita memoratus Pater Ludovicus de Ponte.

VI. Ex qua revelatione, ut recte concludit nonnemo, evidenter possumus colligere, quod ista Exercitia sint efficacissimum medium ad augendam in nobis charitatem DEI. Nam si hæc Virgo, quæ ad tam altum Sanctitatis gradum ascenderat, Spiritus S. instinctu speciali ea fecerit; profecto dubitari non potest, quin DEUS ea Exercitia illi inspirarit tamquam singulare, et excellentissimum medium ad augendam suam erga DEUM charitatem; nam hæc perfectio est, et vera Sanctitas, ad quam omnia opera pietatis dirigi debent. Deinde si Mater Sapientiæ ea S. Ignatio dictaverit, vel in iis scribendis direxerit; et si Mater Sanctitatis, et Charitatis, quæ supra omnes Homines, et Angelos debuit in dilectione maximis incrementis proficere, in his Exercitiis se tota vita exercuerit, quis dubitare poterit, quin Divine Sapientiæ, et Charitatis thesauri, et pretiosissimæ fodiinæ in iis repèriantur?

#### §. I V.

Quid SS. Patres de Exercitiis senserint.

I. Agmen inter hos merito ducat S. Gregorius l. 29. mor. c. 12. ubi non obscure utilitatem ejusmodi secessus sequentibus verbis indicat: *Sancti viri, qui exterioribus ministeriis deservire Officii necessitate coguntur, studiose semper ad cordis secreta refugiunt, ubique cogitationis intimæ cacumen ascendunt, & legem quasi in monte præcipiunt, dum postpositis tumultibus actionum temporalium in considerationis suæ vertice supernæ voluntatis sententiam perscrutantur.* Quantopere autem hic ipse secessus conducat ad mentem cœlestibus consolationibus, & illustrationibus replendam l. 30. moral. indicavit dicens: *Si carni, quod licet, abscindimus, mox in Spiritu, quod delectat, invenimus, Intentioni quippe animæ si exterior evagatio clauditur, interior accessus aperitur; nam quo*  
extra

*extra se spargi propter disciplinam non potest, eo super se intendere per profectum potest; quia etiam in altura arbor crescere cogitur, quæ per ramos diffundi prohibetur; & cum rivus fontis obstruimus, fluentia surgere ad superiora provocamus.*

II. S. Hieronymus vero quantopere solitudinem, & secessum a turbis amavit, sequentibus verbis aperte monstravit: *O desertum floribus Christi vernans: O solitudo, in qua nascuntur ii lapides, de quibus in Apocalypsi Civitas Magni Regis exstruitur: O Eremitus familiaris DEO gaudens! Nemo vero quis putaret, per hunc secessum effici, ut proximo suo minus quis prodesse studeat, sapienter hanc persuasionem in Epistola 114 ad Celsum eripere conatus est: Non enim eo fit hic recessus, ut retraharis a tuis; imo id agimus, ut ibi discas, ibique mediteris, qualem tuis præbere te debeas.*

III. Quem fructum S. Augustinus ex tali secessu retulerit, ipsemet l. 10. Conf. c. 40. fatetur sequentibus verbis: *Hoc me delectat, & ab omnibus actionibus necessitatis, quantum relaxari possum, ad istam voluptatem refugio; neque in his omnibus, quæ percurro consulens te, invenio tutum locum animæ meæ, nisi in te, quo colligantur sparsa meæ, nec a te quidquam recedat ex me.*

IV. Singulariter tamen in hoc secessu persuadendo Zelosum se S. Bernardus exhibuit variis in locis. Et primo quidem l. 1. de confid. dum Eugenium Pontificem sic alloquitur: *Memento, non dico semper, non dico sæpe, sed vel interdum reddere te ipsum tibi; utere tu quoque te inter multos, aut certe post multos; non totum te, nec semper dare actioni velim, sed considerationi aliquid tui, & cordis & temporis sequestrare. Et iterum eodem libro: Colligat & se intra sinus, qui omnes recipit; alioqui quid prodest tibi juxta Verbum Domini, si universos lucreris, teipsum perdens? Quamobrem cum omnes te babeant, esto & tu ex habentibus unus, quid solus fraudaris munere tui? usquequo Spiritus valens, & non rediens? Sapientibus, & insipientibus debitores, & soli te negas tibi? Porro utilitatem hujus secessus, qui*

qui in consideratione potissimum consistit, copiose enumerat ibidem, dum ait: *Hæc cognitio affectiva primum fontem suum, id est, mentem, de qua oritur, purificat, deinde regit affectus, dirigit actus, corrigit excessus, componit mores, vitam honestat, & ordinat, postremo Divinarum pariter, & humanarum rerum scientiam confert. Hæc est, quæ agenda præordinat, acta recogitat, ut in mente nihil resideat incorrectum, aut correctione egens. Hæc est, quæ in prosperis adversa præsentit, in adversis quasi non sentit. Brevissime vero omnes hujus secessus fructus complexus est, dum in sermone quodam in Cantica dixit: Hæ considerationes sunt delicioſa ad saporem, solida ad nutrimentum, efficaces ad medicinam.*

V. S. Dionysius in eundem sensum conspirans, sic fructum, imo & necessitatem ejusmodi exercitiorum indicat: *Ante omnia maxime in Theologia, id est, in cognoscendo, & amando DEO ab Oratione auspicandum est, ut Divinis commemorationibus, invocationibusque nos ipsos illi dedamus, atque uniamus. Oportet enim sanctis orationibus, & mente tranquilla ad Divinam unionem accommodata ad DEUM, ut ad boni principium adduci, & nos ipsos ad sublimiorem Divinorum, benigniorumque radiorum constitutum precationibus comparare.*

I. Denique S. Chrysostomus l. i. de orando DEO, cum dixisset, per hanc orandi rationem nos assequi, ut & mortales, & temporarii esse desinamus, natura quidem mortales, sed colloquio, convictuque quem agimus cum DEO, ad immortalem vitam transeuntes, mox subdit: *Neceſſe est enim, ut qui cum DEO familiaritatem habet, superior evadat & morte, & omnibus, quæ corruptioni sunt obnoxia; sicut fieri non potest, ut, qui solis radiis fruatur, non effugiat tenebras.*

## §. V.

Quid Summi Pontifices de his Exercitiis  
fenserint.

I. Si in ore duorum aut trium Testium stat omne verbum, duorum quoque aut trium Pontificum testimonia tanto efficacius præstantiam Exercitiorum demonstrabunt, quanto certius est Oraculum, quod ab eorum ore procedit.

II. Et primo quidem, quid Paulus Tertius, qui Exercitia hæc ad preces S. Francisci Borgiae approbavit, de iis fenserit, ex propriis ejus verbis facile colligere licet, dum in Bulla anno 1548. data, sic loquitur: *Nos igitur, qui documenta, & Exercitia hujusmodi examinari fecimus, & quæ ex testimonio, ac relatione dilecti Filii Joannis Tit. S. Clementis &c. nobis desuper facta, pietate, ac sanctitate plena, & ad ædificationem, & spirituales profectum Fidelium valde salubria, & utilia esse, & fore comperimus; debitum etiam respectum ad fructus uberes, quos Ignatius, & ab ipso instituta Societas præfata, in Ecclesia DEI ubique Gentium producere non cessant, & ad maximum adjumentum, quod ad id prædicta Exercitia attulerunt, non immerito attulerunt, hujusmodi supplicationibus inclinati, documenta, & Exercitia prædicta, ac singula, ac omnia in iis contenta, auctoritate prædicta, tenore præsentium, ex certa scientia nostra, approbamus, collaudamus, ac præsentis scripti Patrocinio communicamus, hortantes plurimum in Domino, omnes, & singulos utriusque sexus Christi Fideles, ubilibet constitutos, ut tam piis documentis, & Exercitiis uti, & illis instrui velint.*

III. Non minus autem etiam Julius III. Successor Pauli suam de Exercitiis æstimationem prodidit, quando Gregorio Razivillio Cardinali, Vilnensi Episcopo, & Fratri ejus Josepho in Villam ejusdem Julii, ut his Meditationibus animum exercerent, secedentibus Achillem



Iem Gagliardum velut peritissimum Ducem assignavit, eo successu, qui in sequenti paragrapho explicabitur.

IV. Præ cæteris tamen Alexander Septimus luculentum de utilitate horum Exercitiorum testimonium tulit, quando anno 1665. Pontificatus sui anno tertio, eadem non tantum approbavit, & confirmavit, sed etiam ex propria experientia eorum utilitatem esse attestatus, & ad eadem usurpanda plenariis Indulgentiis concessis omnes his verbis invitavit: *Nos, qui probe scimus, quantopere conducant Exercitia huiusmodi dirigendis in viam Domini, & confirmandis in illa Christi Fidelium mentibus, devotionem eorum, qui operi adeo pio, ac salutari vacaverint, cælestium thesaurorum Ecclesiæ largitione magis incitare volentes, de Omnipotentis DEI misericordia, ac beatorum Petri, & Pauli Apostolorum ejus auctoritate confisi, omnibus, & singulis Christi Fidelibus tam prædictæ Societatis, aut cujuscunque alterius Ordinis, & Congregationis Regularibus, quam aliis quibuslibet Ecclesiasticis, & Laicis, qui in domibus memoratæ Societatis Exercitia prædicta juxta laudabilem ejusdem Societatis consuetudinem per Octidui spatium quandocumque peregerint, & interea temporis vere pœnitentes, & confessi Sacrosanctum Eucharistiæ Sacramentum sumpserint, quoties id egerint, plenariam omnium peccatorum suorum indulgentiam, & remissionem misericorditer in Domino concedimus.*

#### §. IV.

Quid Cardinales de Exercitiis senserint.

I. Primus ex his merito chorum S. Carolus Borromæus Cardinalis, & Archiepiscopus Mediolanensis ducit, qui variis argumentis suam de his Exercitiis æstimationem declaravit. Nam 1. eabis quotannis iterabat, & instar Novitii in iis ab aliquo e Societate non tantum quoad interiores motus animi, & exteriores actiones dirigi, sed etiam ipsa Meditationum puncta, ante quamlibet Meditationis horam tradi volebat, uti Lancizius. p. 1. opusc. 10. n. 231. fol. 830. testatur. 2. Ad  
 \ F ipsam

ipsam etiam mortem se per ea velut optimam præparationem disposuit, dum in solitudinem Varalli montis secedens, & his Exercitiis vacans, & castigatione voluntaria asperam, sed Christi dolorum Meditationibus suavem vitam ducens, ex eo secessu morbum contraxit, vitamque sanctissime clausit, ut Breviarium Romanum. 4. Novemb. refert. 3. Dum ex Clero quoque suo, quotquot poterat, ad eadem facienda inducebat. 4. Dum, Clericos Seminarii sui in ipso ingressu, & ante Sacrorum Ordinum susceptionem iisdem excoli voluit; imo, & in Synodo decretum fecit, ut nullus Sacerdos initiaretur Sacris Ordinibus, nisi qui per aliquot dies secedens, sacris sese ad illos Meditationibus præparasset. 5. Dum Famulos quoque suos quotannis vacare iisdem Exercitiis jubebat, ut cœlestia, & æterna crebro meditantes, vitam piam secundum Christi legem instituerent. 6. Dum Duci Mantuano Bibliothecam suam Visitanti, & collaudanti dicebat, se in sacculo libellum ( qui Libellus Exercitiorum fuerat ) circumferre, qui plus contineret, quam omnes Bibliothecæ suæ Codices, eo quod Scriptores librorum cæterorum doctrinam suam ex principiis, & scaturigine hujus Libelli derivarint.

II. Quid Cardinalis Burgenfis senserit de his Exercitiis, sat clare in censura Libello. Exercitiorum præfixa ostendit, dum scripsit: Legimus spiritualia hæc Exercitia, placentque nobis valde, & digna judicamus, quæ ab omnibus Orthodoxæ Fidei Cultoribus recipiantur, & magni fiant.

III. Non minorem de illis æstimationem Caspar Contarenus, Patricius Venetus, & ex Senatore Cardinalis: ætate sua ingenti, & doctrinæ laude facile princeps prodidit, dum non modo sub sancto Ignatio Magistro se exercuit, sed etiam tradita sibi Exercitia, sua ipse manu perquam accurate descripsit, & eundem solícite ab Hæredibus servari, non secus, quam ingentem thesaurum, uti revera est, in pretio haberi voluit, uti P. Joannes Weyer in Prolegomenis Theophili §. 12. testatur.

IV. Quartum testimonium tulit, quem priori paragrapho citavi, Georgius Radzivilius Cardinalis, & Vil-

næ Episcopus, qui cum Fratre suo Stanislao his Exercitiis eo successu vacavit, ut redux in Poloniam fructum, quem hauserat, per omne regnum maximo animarum lucro, diffunderet, ut loc. cit. ex Societatis imagine p. 385. refertur.

## §. VII.

### Quid Episcopi de his Exercitiis senserint.

I. Etiam hic in ore trium Testium stabit affirmatio, quam Episcopi de Exercitiis habuerunt. Inter quæ testimonia primus jure merito locus debetur testimonio, quod Doctor Bartholomæus Torres Lector Segonciæ, & Cathedraticus Complutensis, & postea Canariensis Episcopus de illis tulit, dum, ut in historia Societatis p. 1. l. 13. n. 14. refertur, publice pro Concione dixit, se plus Theologiæ triginta Exercitiorum diebus, quam triginta annis inter studia Scholastica condidicisse; & licet triginta annis, quibus S. Thomam, Scotumque versabat, vix occurrerit argumentum, quod solvere non posset, rationibus tamen Villanovæ, qui cum in Exercitiis dirigebat, manibus, pedibusque fuisse constrictum. Unde Segonica multos submittebat Doctores, & Præbendatos, ut vocant, Ecclesiæ illius ad Exercitia eodem P. Villanova (qui Logicam dumtaxat, & Theologiam moralem audiverat) Ductore, obeunda.

II. Quid Episcopus Saluzanus, Vicarius Papæ de his Exercitiis senserit, in sua de Libello Exercitiorum censura, & approbatione clare manifestavit, dum, ut in primis ejusdem Libelli paginis refertur, aperte testatus est, opus hoc omni laude dignum, & Christianæ pietati valde proficuum esse.

III. Præ cæteris tamen memorabile est testimonium præclarum, quod Bastenensis Episcopus, Bruntrutani Collegii Fundator proferre dignatus est, dum, ut Annuæ litteræ Societatis 1601. f. 395. testantur, postquam novem diebus Exercitia Spiritualia fecisset, tantum inde fructum percepit, ut diceret: Si Patres Societatis in me

nihil aliud contulissent, quam hoc cœleste beneficium, id unum facile æquaret æquaret omnia, quæ ego Collegii hujus Auctor præstiti Societati.

## S. VIII.

### Quid Doctores Theologiæ de Exercitiis senserint.

I. Inter horum Doctorum præclara de Exercitiis testimonia merito memorandum censetur, quod Joannes Cochleus Canonicus Vartislaviensis, eruditione, scriptis libris, solida Catholicæ Religionis adversus Lutheranos defensione, victoriisque de Hæresiarcha Luthero reportatis orbi notissimus, Romanique Regis in confessu Ratisbonensi Theologus protulit, dum postquam P. Petrum Fabrum primum S. Ignatii Socium de scientia animæ in Spiritualibus Exercitiis S. Ignatio tradita, & ab eo per Meditationes de Vita Christi, aliasque piæ Exercitationes in artem, usumque redacta disserentem audivisset, hæc dixisse scribitur: *Multæ per Europam Scholæ, & Cathedra Theologica ferbuerunt, & fervent disputationibus. Optavi sapius, ut mystica hujus, & arcana aliqua saltem pateret schola, ex qua non lumen siccum, & sterile sui quæreretur, & sonaret pompam, sed ferax, & salubre vitalem ederet caritatis ardorem, qui DEO pascitur, & constanter in DEUM agendo fertur. Nunc gaudeo, quod tandem inveniantur Magistri circa affectus. Quod sicut ingenti lætitiæ sensu, erectisque in cœlum oculis dixit, ita, quamprimum licuit, dedit se Exercitiis excolendum, quæ expertus ita probavit, ut magnis viris, Theologis, Præsulibusque eadem suaserit, & tradiderit.*

II. Non minus præclarum est Testimonium, quod M. Manzius e S. Dominici Familia in Complutensi Academia Lector, vir gravissimus tulit, dum absque horrore dicere ausus est, pluris a se fieri Theologiam Patris Villanovæ, a quo tunc Compluti exercebatur, quam omnium ejusdem urbis Doctorum scientiam.

III. His non immerito jungitur præclarum Augustini Carnialii celeberrimi illius ex Augustiniano Ordine Theologi

Iogi testimonium, qui, ut supra vidimus, cum per mensem se his Exercitiis exercuisset, testatus est candidè, se, quamdiu in Religione vixisset, rationem aliquam, qua rectissime incederet, optasse semper, eamque tunc demum, cum in hæc S. Ignatii Exercitia incidisset, invenisse. Quæ quidem illi avidissime hausta, atque in intimum demissa pectus tanti fecit, ut in iis Divinum aliquid inesse diceret, eaque deinceps in alios eo libentius derivavit, quo ipse aut diutius ea quæsit, aut serius invenit, uti in Imag. Soc. l. 3. refertur.

## §. I X.

Quid S. Ignatius, & alii Religiosi Societatis JESU de Exercitijs senserint.

I. Quanti S. Ignatius Exercitiorum horum Auctor eadem æstimarit, variis sane, iisque non obscuris argumentis declaravit. Nam 1. ipsemet ea diligenter, & constanter usurpavit, utpote quorum adminiculo, ad eam, quam miramur, sanctitatem pervenit. 2. Iisdem primos suos Socios exercuit, sibi que adjunxit, & ad idem vitæ sanctioris institutum DEO inspirante, excitavit. Ita ut vere dici possit, Societatem JESU hoc maxime medio, & initio coaluisse, & postea incrementum accepisse; constat enim plurimos ex illorum usu vocationem agnovisse, & præclare implevisse. 3. Per eandem etiam Societatem jam confirmatam velut aptissimo nutrimento ali, sustentari, & crescere, & perfici voluit, ideoque ut iis, qui in Probationibus versantur, per mentem iisdem excolerentur, atque ut idem saltem per octo dies etiam alii facerent, vehementer optavit, unde Societas hujus desiderii non ignara publico decreto omnes ad ea quot annis per octiduum facienda adstrinxit. 4. Voluit eorundem Exercitiorum usum esse ex præcipuis mediis ad animarum salutem procurandam, ideoque omnes hortatur, ut ad Exercitia hæc aliis tradenda, per proprium usum, & experientiam assuescant, & in hoc armorum spiritualium genere tractando ( quod DEI

gratia ad ipsius obsequium tantopere conferre cernitur) dexteritatem habere possint. Id quod præcipue confirmavit, dum in *Epistola* anno 1536. ad Mionem Sacerdotem, qui Parisiis ipsius Confessarius erat, data vehementer ipsum adhortatus est, ad eadem non modo sedulo facienda, sed aliis etiam ferventer commendanda, & tradenda, asserens, ea esse optimum, quod in hac vita sentire, & excogitare possit, tum ut homo sibi ipsi prosit; tum ut aliorum quoque profectum efficaciter promoveat, uti in *Hist. p. 1. l. 7. n. 132.* refertur.

II. Quantopere S. Franciscus Xaverius æstimationem de Exercitiis, & ratione meditandi conceperit, tum ex ipso, quo eadem primo sub initium suæ conversionis peregit, fervore; tum ex constanti per totam vitam usu constat; nam ut in *vita l. 4. c. 21.* refertur, antiquissimum illi erat, quotidianam Divinarum rerum meditationem peragere, nec ullum diem sinebat sine cælesti hoc, sapidissimoque pabulo præterire.

III. Nec minorem S. Franciscus Borgias opinionem de iisdem Exercitiis conceperat; hinc enim factum est, ut eorundem confirmationem a Sede Apostolica tam solícite expetierit, eo quod (uti in *Bulla Pauli III. libello Exercitiorum præfixa* refertur) ea Christi fidelibus ad spiritualem consolationem, & profectum magnopere utilia, & salubria esse, non solum fama ex plurimis locis allata, sed etiam experimento manifesto cum Barcinone, tum Valentia, tum Gandia comperit habuerit.

IV. Sed & B. Aloysius Gonzaga suam de his Exercitiis æstimationem aperte manifestavit, quando Josepho Spinelli Societatis nostræ Religioso per gravem infirmitatem ad extrema propemodum perducto apparens fuisset, ut, si antiquam sanitatem recuperare vellet, votum faceret, Exercitia hæc spiritualia obeundi, uti in *Annal. 1632. Coll. Panorm.* refertur.

V. P. Petrus Faber Primus S. Ignatii Socius adeo in his Exercitiis tradendis excelluit, ut ipse S. Ignatius negaret ullum illi hoc in genere parem esse, uti in *Vit. l. 2. c. 19.* videre est.

VI. P. Franciscus Villanova adhuc inter Externos degens tam copiosum lumen, & gratiam ex Exercitiis reportavit, ut Sapientia, Doctrina, Sanctitate clarissimus quisque eum consuluerit, atque velut ad fontem Sapientiæ recurrerit, uti ex testimoniis D. Bartholomæi Torres, & Mancii §. 7. & 8. cc. patet.

### §. X.

Quid alii Religiosi de Exercitiis senserint.

I. Primas sibi inter hos partes merito Religiosissimus, & in spiritualibus rebus versatissimus Lætiens Abbas, Ludovicus Blossius vendicat, qui, quanti fecerit hæc Exercitia, sat clare in sua ad Adrianum Lovaniensis Collegii Rectorem Epistola manifestavit, dum primum gratias agit, quod Ignatii precibus esset commendatus, deinde de suorum institutione per Usmarum Goissinum, Sacerdotem nostrum gratulatur; ac deinde exclamat: Utinam hoc factum esset, ante annos viginti, ita enim cum senioribus multo melius forte ageretur. Laudamus benignissimum DEUM, qui per vos istam rationem docuit; ex ea, & ipsius DEI honor, & salus animarum, ut confido, consequetur. Unde postea semper de sua Familia binos Lovanium (ubi ipse excultus fuerat) misit excolendos, & eundem orandi modum a DEO sibi in salutari illo secessu communicatum in suo quoque Monasterio usurpari voluit.

II. Similem fere fructum, & sensum de Exercitiis hisce etiam Pater Magister Frater Ludovicus Granatensis Ordinis Prædicatorum insigne decus concepit, ut qui aperte confessus est, se in dictis Exercitiis tam illustre doctrinæ Spiritualis lumen esse nactum; ut ætas scribendo non sit, quod DEUS tunc ad intelligendum contribuerit: ut Auctor Sacrorum Tempe c. 4. fol. 137. loquitur.

III. His etiam merito, ut omne trinum perfectum sit, tertius Ludovicus, Strada scilicet, o S. Bernardi

religiosa Familia vir in primis celebris, & non pietate minus, quam doctrina conspicuus jungitur, qui ( ut supra jam dictum est ) postquam libelli hujus vim Divinam in se expertus fuisset, expendissetque ejus efficaciam ad animos a peccandi licentia ad amorem virtutis traducendi, in hoc elogium veritate & experientia convictus erupit: *Tirocinium est toti humano generi institutum.*

## §. XI.

### Quid Sæculares Catholici de Exercitiis senserint.

I. Petrus Ortizius Caroli Quinti ad supremum Pontificem Legatus, quadraginta diebus his salutaribus meditationibus exerceri voluit, tanto animi fructu, virtutisque accessione, ut, quamvis Christianæ virtutis studium antea esset insigni laude professus, ab eo tamen tempore tantum veram vitam spiritualem duxisse se fateretur.

II. Alius ad Summum Pontificem a Maria Stuarta Scotorum Regina missus Legatus, Stephanus Nomine, ex prima nobilitate, cum, nescio qua de causa, vehementer a Societatis JESU Religiosis abhorreret, ubi Dublinensis Præfulus suasu Exercitiis his vacare cœpit, tanto animi affectu Societatem prosequi cœpit, ut ex ea nonnullos ardentissime petierit secum in Scotiam vehendos, uti in Imagine Soc. l. 6. c. 3. refertur.

III. In Bohemia Comites Jaroslaus de Martinez, & Guilielmus Slavvata, gloriosa, & tota Europa, & magis cœlo nota, & cara nomina sæpius imo singulis annis, Spiritualibus his Exercitiis sub directione Patrum Societatis excolere animum, & in iis, operante Domino, vires animi restaurarunt, & ita confortarunt ad toleranda fortiter ea, quæ ab efferata postea Hæresi tolerarunt, & agenda pro gloria DEI, quæ obsistentibus, & oppugnantibus impiis constantissime egerunt, & ut starent magnanimi, imperterriti, & omnibus periculis, morteque Superiores, uti fusius in Theophilo P. Joannis VVeyer §. 15. præleg. videre est.

## IV.



IV. Parmæ tanti olim fiebant Exercitia hæc spiritualia, ut subinde centum, & plures simul exercebantur, viri & feminae, sic, ut Parochi, Sacerdotesque alii etiam ea traderent, & plebem ad Exercitiorum normam informarent, itaque urbem aliam redderent, uti Histor. Soc. p. 1. l. 2. num. 76. testatur.

V. In eadem Historia p. 1. lib. 7. n. 21. refertur, miram Exercitiis hisce existimationem accessisse ex eo, quod Messanæ Filius Baronis, quem nec triremes, nec Parentum verbera, compescere poterant, paucorum dierum secessu, sub P. Dominici directione, vel quovis Agnomitior, & tractabilior effectus sit.

VI. Similem effectum expertus est alius quidam Juvenis, uti Annua 1619. fol. 296. testantur; qui proin, cum post Exercitia absoluta admirationi se esse Parentibus, aliisque adverteret, quid admiramini, inquit, Dæmon ipse in istorum Patrum manibus converteretur. Cumque ferventis propositi æstu alia omnia, quam prius egerat, promitteret, ipsum jam grandævum Parentem ad eadem facienda permovit.

## §. XII.

Quid Hæretici, & Ethnici de Exercitiis senserint.

I. Quanti hæc Exercitia fecerint Hæretici, jam supra c. 1. §. ultimo per duorum Calvinianorum exemplum fusius demonstratum est, quorum primus, cum Exercitia facere cœpisset, tantam de fructu eorundem æstimationem concepit, ut dicere ausus sit, Hominem quantumvis flagitiosum, si illa pergustaret, millies mortem appetiturum, ut iis potiretur, utpote in quibus tantas, tamque frequentes gratias acceperat, ut Pater Spiritualis iisdem annotandis fatigaretur. Inter quas non minima sane erat, quod, cum ardentissimum concepisset desiderium Patriam repetendi ad eos, qui fraude Hæreticorum decepti fuerant, veritati lucrandos, imo etiam ad vitam Martyrio ponendam, pridie calendas Martias anni 1609. effigies B. Virginis, cujus singularis cultor extiterat, cum  
allo-

allocuta sit, spemque fecerit optatis votis potiundi, uti in Sacr. Temp. c. 2. exempl. 12. pluribus refertur.

II. Posterior vero, ut ibidem ex. 13. narratur, licet inter Hæreticos nutritus, tam copiosum ex paucorum dierum secessu lumen adeptus est, ut in dubiis, quæ in re Theologica occurrebant, veluti de Trinitate, de Unitate in DEO, de temporis, & æternitatis connexionem, de prædestinatione Divina, aliisque hujus generis quæstionibus solutio respondendo vix attingeretur, quin statim caperet, & deinceps tam congruenter de ejusmodi materiis differeret, quasi studiis illis excultus esset. Unde factus est tandem in abitu Directori suo, fieri vix posse, quin is, qui experiatur, & credat, quæ sibi contigerunt, convertatur ad Catholicam Fidem; se certe, quam ante hac magnam Orbis Universis partem peragrandum frustra quæsierat, pacem, animique tranquillitatem in his Exercitiis reperisse.

III. Etsi vero Ethnici utpote veræ Fidei lumine destituti, eo, quo nunc Exercitia fieri consueverant, modo non fecerint, umbram tamen quamdam illorum habuisse jure merito creduntur. Certe de Scipione, fortissimo illo, & Sapientissimo Romanorum Duce legitur, quod in Solitudinem se velut portum a Reipublicæ fluctibus recipiebat, ut inde ad amplificandum Romani Nominis gloriam cum melioribus consiliis in arenam reverteretur.

IV. Quid vero Romanus Sapiens, Seneca inquam, de ejusmodi recessu senserit, ex ipsius verbis c. 18. de brev. vitæ colligere licet: *Recipe te, inquit, ad hæc tutiora, tranquilliora, majora. Sciturus, quis animum tuum, casus exspectet, ubi nos a corporibus dimissos natura componat: Exspectat te in hoc genere vitæ multum bonarum artium, amor virtutum atque usus cupiditatum oblivio, vivendi atque moriendi scientia, alta quies. Satis per laboriosa, & irrequieta documenta exhibita virtus est, major pars ætatis, certe melior Reipublica data sit, aliquid temporis sume etiam tibi: Invenies majora, quæ sepositus, & securus agites; istum animi vigorem rerum maximarum capacissimum ad te revoca, animi bonum animus inveniat. Hic si inquam respirare illi, & recedere in se vacaverit.*

O quam sibi ipse verum totus a se fatebitur, ac dicet: quidquid dixi, quidquid feci adhuc, infectum esse mallem: quidquid dixi, cum recogito, mutis invideo: quidquid optavi, inimicorum execrationem puto: quidquid timui, Dii boni! quanto melius fuit, quam quod concupivi. Quid efficacius in secessus commendationem vel a Catholico dici potuisset?

## CAPUT III.

## DE MEDIIS QUIBUSDAM AD EXERCITIA FRUCTUOSE FACIENDA CONDUCENTIBUS.

Duplicis generis media plerumque ad finem aliquem obtinendum præscribuntur, positiva scilicet, & negativa. Priora sunt qualitates aliquæ vel actiones positive conducentes ad finem præfixum acquirendum; posteriora sunt negationes aliquæ vel privationes, per quas obstacula effectum impediuntia removentur, unde, & *removens prohibens* vocantur. Utraque autem hæc media ad Exercitia fructuose peragenda, si non omnino necessaria, certe vel maxime utilia jure merito censerentur, ideoque singulari cum diligentia adhiberi debent. Qualia autem illa sint, distinctis paragraphis explicabitur.

## §. I.

Quæ media positiva adhibenda sint ad Exercitia fructuose peragenda.

I. Primum inter hæc media locum merito obtinet *ardens desiderium* magno cum fructu, & alacritate ea peragendi; cum enim experientia quotidiana constet, quanto ardentius quisque alicujus rei desiderium concepit, tanto majorem quoque conatum, diligentiamque adhiberi in mediis ad illam rem assequendam conducentibus usurpandis, merito sperari potest, eum quoque, qui ardens desiderium concepit fructus ex Exercitiis reportari soliti, ipsa quoque Exercitia velut medium aptissimum, & effi-

efficacissimum ad illum fructum obtinendum magna cum alacritate, & sedulitate peracturum. Id quod recte etiam in Directione Exercitiorum c. 2. n. 1. sequentibus verbis suadetur: *Qui ad Exercitia agenda aggreditur, primo eniti debet, ut intelligat, quanta res sit, quam aggreditur, nempe quæ non solum ad animam pertineat, sed ita pertineat ut si modo ea diligenter præstet, quæ debet, jacturus sit fundamenta sui spiritualis profectus, quæ deinde tota ejus vita usus futura sunt. Ex quo intelligat, quantam alacritatem, & diligentiam, & fortitudinem etiam ad tantum opus, tantumque negotium afferre debeat. Itaque statuat ipse secum viriliter agere: & omnia impedimenta Divina gratia rejicere, & omnes animi sui vires intendere, ut hinc gratia cooperetur, & se ad eam recipiendam, quam poterit, optime disponet. Unde merito talis Exercitans Exercitia auspiciaturus salubre S. Pauli 1. Cor. 9. consilium præ oculis habere debet: Unusquisque prout destinavit in corde suo, non ex tristitia, aut necessitate; bilarem enim datorem diligit DEUS.*

II. Secundum medium est, *seria & humilis Divina gratie imploratio.* Sic enim ipse Christus exemplo docuit; qui ante, quam in solitudinem secederet, Exercitiis Spiritualibus vacaturus, prius Spiritum Sanctum super se descendentem accipere voluit, ut omnes, qui simili modo, & fine in solitudinem secessuri essent, meminissent, non citius tanti momenti negotium inchoandum esse, quam Spiritus Sancti gratia a DEO postulata, & impetrata fuerit. Hinc ipse Luc. 11. hortatur: *Petite ( Spiritum Sanctum ) & dabitur vobis. Si enim vos, cum sitis mali, nostis bona data dare Filiis vestris, quanto magis Pater vester de cælo dabit Spiritum bonum petentibus se.*

III. Tertium medium est, *certorum Patronorum pro hoc negotio Electio*, eorum maxime, qui singularem ad hæc Exercitia affectum, & inclinationem ostenderunt, quales sunt B. Virgo, S. Josephus, 9. Ignatius Confessor, & similes; cum enim ex una parte, teste S. Bonaventura de sex alis, *intestabilis sit bonorum operum Structura, quæ devota orationis frequentia non compaginatur; ex altera vero parte experientia propria quisque cognoscat orationem*

nem

nem propriam, imperfectam valde, atque adeo ad impetranda dona ecclesiastica parum efficacem existere; merito illorum Sanctorum patrocinium imploratur, qui quia gratissimi, & dilectissimi DEO existimantur, efficacius possunt ejusmodi gratias impetrare; & quia ob singularem erga Exercitia, quæ sibi, & aliis tam utilia fuisse experti sunt, affectum eorundem fructum a quam plurimis participari desiderant, etiam libenter *Volunt* easdem a DEO pro nobis postulare; ut adeo, quod nostris meritis, & precibus non valemus, multiplicatis Intercessoribus DEUS largiatur.

IV. Quartum medium est *pura Intentio*, & *certi finis præstitutio*; ut enim, qui Sagittam in incertum jacet, raro, & non nisi temere metam tangit; ita, qui certum finem, quem in Meditationibus, aliisque exercitiis spiritualibus ob oculos semper habeat, non præfigit, non facile optatum fructum consequetur. Qualis autem potissimum finis præfigi debeat, bene Directorium Exercitiorum sequentibus verbis indicavit: *Ita animo constitutus esse debet* (qui Exercitia aggreditur) *ut libenter, & arvide Exercitia hac aggrediatur, non tam ut Spirituali dulcedine fruatur, quam ut DEI voluntatem de se intelligat, suumque affectum a terrenis omnibus arvelat, & cum in suo Creatore collocet.* Unde

V. Quintum, idque valde necessarium medium est *plenissima in omne DEI beneplacitum resignatio*, & *indifferentia*, ita ut, quidquid faciendum esse cognoverit, serio exequi decernat; nec ullam secum deliberationem afferat a qua dimoveri nolit; sic enim efficeret, ut, sicut ipse terminum Divinæ dispositioni ponere non erubuit, ita DEUS quoque minus liberalem in cœlestibus suis donis communicandis se exhibeat, & nec eum quidem, quem quisque proprio arbitrio elegit, statum aut Officium prospere administrari sinat. Quam sane doctrinam plus, quam prima fronte apparet necessariam, jam olim S. Ignatius annot. 5. et 20. Sequentibus valde efficacibus verbis inculcavit, *Mirum in modum juvatur is, qui suscipit Exercitia, si magno animo, & liberali accedens, totum studium, & arbitrium suum offerat suo Creatori, ut ille de se, suisque omnibus id statuat, in quo potissimum ipsi*

*ipsi servire possit juxta ejusdem beneplacitum.*

VI. Sextum medium est, *Ordinata actionum* in Exercitiis peragendarum *distributio*; per hanc quippe cum animus certis, & ordine dispositis actionibus alligetur, caveatur in primis, ne passiones eundem velut cæcum abripiant, sicque facilius quieta cordis compositio, recollectioque retineatur. Deinde vero fastidium, quod non raro obrepere solet iis, qui similem actionum suarum Ordinem, ac divisionem negligunt, obrepere vitatur, dum sua cuique functioni actio succedens, nec longius, quam oportet protracta, jucundam varietatem inducit, sicque efficit, ut majori cum alacritate, delectationeque præscripta singulis horis Exercitia assumentur. Quomodo autem ejusmodi divisio fieri debeat, paragrapho tertio in practico paradigmate ostendetur.

VII. Septimum medium est *accurata* in industriis, quæ ad singula Exercitia fructuose obeunda a S. Ignatio in libello Exercitiorum, & ab aliis Magistris spiritualibus præscribuntur, *observatio*; Si enim S. David, uti l. 1. Paralip. c. 29. refertur, templum DEO ædificare volens dixit: *Ego autem totis viribus meis præparavi impensas domus DEI mei; neque enim homini præparatur habitatio, sed DEO*; quanto magis Exercitans seipsum reformaturus, & in templum spirituale DEO dedicandum mutaturus, omnes impensas præparare totis viribus, id est, omnes industrias, & conatum in peragendis functionibus spiritualibus accuratissime adhibere debet. Ita sane suos Societas in prima regula communium hortatur, dum ait; *singuli præfinitum sibi tempus conscientia bis examinanda, Meditationi, Orationi, Lectionique impendant cum omni diligentia in Domino.* Non ignara videlicet saluberrimi, & certissimi axiomatis a Cæsario hom. 3. ad Monachos prolatis, dum dixit: *Quantum nos addiderimus ad studium, tantum DEUS addet ad adjutorium: & quantum nos apposuerimus ad diligentiam, tantum ille addet ad gloriam.* Quæ doctrina adeo certa S. Thomæ Aquinati est visa, ut eam infallibilem dicere non dubitaverit, sic enim loquitur: *Quando homo facit, quod in se est, DEO movente liberum arbitrium, tunc præparatio hominis ad gratiam habet*

bet necessitatem ad id, ad quod ordinatur a DEO, non quidem necessitatem coactionis, sed infallibilitatis, quia intentio deficere non potest. Id quod suo calculo quoque S. David dilucide confirmavit, dum Ps. 10. dixit: *Desiderium pauperum exaudivit DEUS; præparationem cordis eorum, audivit auris tua.* Indicare videlicet volens exauditam quidem esse orationem Pauperum ob bonitatem suam, sed hujus bonitatis causam potissimam fuisse præparationem, qua sese ad orationem rite, & fructuose peragendam præpararant. Ita sane B. Aloysius præter alios multos est expertus, qui quia omnem in oratione peragenda diligentiam adhibebat, dicere solitus, animum non præparatum tam parum posse Divinam similitudinem in se recipere, quam parum aqua turbida humanam faciem repræsentare potest, tantam in orando, ac meditando gratiam, ac facilitatem est assecutus, ut, quemadmodum Auctor vitæ l. 2. c. 3. refert, nihil ei facilius fuerit, quam mentem cum DEO conjunctam habere, tantumque is difficultatis senserit in cogitationibus a DEO avellendis, quantum alii in mente DEO unienda. Hinc in ratione conscientiae reddenda falsus est, si omnes distractiones, quas per semestre passus est, etiam contra voluntatem, in unum cumulum colligerunt, vix mediæ horæ spatium eadem æquaturas. Merito ergo quivis Exercitia sua spiritualia aggressus sibi applicat, dictumque putat id, quod Concionatoribus non bene ad Concionem sese præparantibus dicitur: *Qui ascendit cathedram (& ad Orationem se accingit) sine labore, descendit sine honore*: utpote exiguum, aut nullum fructum reportaturus; nam, ut jam olim Antiqui Patres persuasissimum habebant, *quales orantes volumus inveniri, tales nos ante orationis tempus debemus præparare; ex precedenti enim statu mens atque animus in orationem formatur.*

VIII. Octavum medium est *Solitudo* seu Separatio ab omnibus hominibus, exceptis iis, cum quibus necessario est agendum, quales sunt Director, Minister, & similes. Ita enim iterum exemplo suo præclare Servator docuit, dum orationi longius vacaturus in Eremum secessit, ut, quo remotior foret ab hominibus, tanto facilius,

lius, liberiusque cum æterno suo Patre agere, & colloqui posset, animumque magis collectum retineret; nam, ut bene pius Asceta l. 1. de imit. Christi c. 20. dixit. *Qui se abstrahit a notis, & amicis, appropinquabit illi DEUS cum Angelis sanctis.* Hinc ulterius hortatur; *Claude super te ostium tuum, & voca ad te JESUM, Dilectum tuum. Mane cum eo in cella, quia non invenies alibi tantam pacem.* Quam ipsam ob causam etiam S. Ignatius annot. 20. suadet Exercitanti, ut ab ædibus pristinis migret in domum, cellamve aliquam secretiorem, unde ipsi liberum sit egredi ad Matutinum, Sacrum Missæ, vel ad Vesperarum Officium, cum libuerit, audiendum, absque familiari cujusquam interpellatione; additque, tanto majorem ipsum facturum vitæ spiritualis progressum, quanto magis ab Amicis, notisque omnibus, & ab omni rerum humanarum solitudine sese abduxerit.

IX. Nonum denique, & postremum medium est *Castigatio* aliqua corporis voluntarie suscepta, sive per cibi, & potus, somnique superflui subtractionem, sive per ciliciorum, & flagellorum moderatum, & prudentem usum; sic enim & DEUM magis sibi placabit, variasque ab eo gratias facilius impetrabit, & seipsum vincere discet; inferiorem sui partem, quæ sensualitas appellatur, superiori, hoc est, rationi magis subjiciens, uti S. Ignatius in additione decima advertit. Et hinc nempe ipse Christus dum in solitudine vixit, jejuniis, & humicubatione, aliisque modis corpus castigavit, ut vel suo exemplo doceret, quam grata DEO sit hæc voluntaria carnis castigatio, ac subjectio, quamque apte societur orationi, ut hæc tanto efficacius penetret cœlos, nec recedat, donec audiat Altissimus.

## §. II.

Quæ media negativa adhibenda sint ad Exercitia fructuose obeunda.

I. Per media hæc negativa nihil aliud hoc loco, ut  
supra



supra dictum est, intelligitur, quam impedimentorum, quæ fructum Exercitiorum impedire solent, efficax remotio; quorum quidem impedimentorum, etsi quamplurima enumerari possent, ad quatuor tamen species a S. Bernardo recte revocantur; videlicet ad culpam mordentem, curam pungentem, affectum vigentem, & tribulationem cruciantem; quæ proinde quomodo efficaciter removeri possint, ac debeant, paulo fusius nunc ostendendum est.

II. Primum itaque impedimentum *Culpa mordens*, id est, omne peccatum, maxime paulo gravius, per poenitentiam nec dum deletum dicitur, quod proinde ante ingressum Exercitiorum per seriam Confessionem, aut saltem intentam contritionem tanto studiosius removendum est, quanto certius est, perejusmodi peccatum fiduciam hominis ad DEUM impedire, atque adeo potissimum Exercitiorum fructum auferri; ut enim inter illos Amicos, quorum alteruter injuste offensum se arbitratur, numquam vera fiducia, & amicitia subsistere potest, ita nec inter DEUM, & Hominem vera familiaritas, & communicatio mutua intercedere potest, quamdiu Homo DEUM sibi per peccatum offensum, & minus faventem, agnoscit, cum semper memoriæ obversetur illud Evangelici cæci curati effatum: *Scimus, quia Peccatores DEUM non audit, sed si quis DEI cultor est, & voluntatem ejus facit, hunc exaudit.* Jo. 9. Hinc dilectus Christo Discipulus hujus veritatis perquam gnarus c. 4. primæ suæ Epistolæ tam sollicite monet: *Charissimi, si cor nostrum non reprebenderit nos, fiduciam habemus ad DEUM, & quidquid petierimus, accipiemus ab eo, quoniam mandata ejus custodimus, & ea, quæ sunt placita coram eo, facimus.* Et hoc forsitan est, quod Christus per Baptismum S. Joannis, antequam in solitudinem secederet, susceptum indicare voluit, non quod ipse peccatis obnoxius fuerit, & baptismi indiguerit, sed ut exemplo suo nos doceret, non citius ad familiare cum DEO colloquium accedendum esse, quam per poenitentiae baptismum omnia, quæ DEUM offensum habere meruerunt, peccata fuissent delata.

G

III. Se-

III. Secundum impedimentum *Cura pungens* a Sancto Bernardo vocatum ( per quam nihil aliud, quam nimia de officiis, & negotiis sollicitudo intelligitur ) merito non postremum inter Exercitiorum impedimenta locum obtinet; cum enim ejusmodi curæ totum propemodum hominem ad se rapiant, hoc ipso ineptum efficiunt, ut animum mentemque sursum ad DEUM elevet, cum eoque, ut par est, agere, colloquique possit; id quod jam olim S. Paulus recte adverterat dicens 1. Cor. 7. *Volo vos sine sollicitudine esse, qui sine uxore est* ( idem sentiendum de negotiis quotidianis, *solicitus est, quæ Domini sunt, quomodo placeat DEO. Qui autem cum uxore* ( aut aliis negotiis implicatus ) *est, sollicitus est, quæ sunt mundi, quomodo placeat uxori, ( & negotia, officia sua administret ) & divisus est.* Hinc merito is, qui Exercitia fructuose obire cupit, præclarum S. Bernardi exemplum sequi debet, qui in templum ad orationem secedens, ante januam templi curis suis, & negotiis dixit: *Manete hic, & requiescite, donec vadam illuc, & orem, iterumque ad vos redeam.* Nec timendum est, ne, dum negotia ejusmodi propter DEUM seponuntur, ullum ex tali sepositione damnum, sibi, aut Proximo sequatur; ut enim Messores, dum faciem acuunt, nihil de laboris sui successu perdunt, sed potius efficiunt, ut postea majori cum facilitate, celeritateque eundem laborem absolvant; ita dum ad tempus curæ officiorum, & negotiorum intermittuntur, nihil detrimenti timendum, sed copiosior potius fructus, felicioque eorumdem successus sperandus est, cum, ut sapienter nonnemo advertit, lucrum, quod propter virtutem despicitur, per virtutem melius recuperetur. Hinc, ut alibi jam insinuatum est, recte S. Hieronymus epist. 114. ad Celant. scripsit, *non eo fit hic recessus, ut retraharis a tuis* ( negotiis, & officiis ) *imo id agimus, ut ibi discas, ibique mediteris, qualem tuis præbere te debeas.*

IV. Tertium impedimentum est *affectio vigens*, seu inordinatus erga rem quampiam creatam amor, qui quantopere fructum Exercitiorum impediatur, pulchre indicat

dicat pius Asceta l. 3. c. 31. dum ait. *Nisi quis ab omnibus creaturis fuerit expeditus, non poterit libere intendere Divinis.* Ideo enim pauci inveniuntur contemplativi, quia pauci sciunt, se a perituris, & creaturis ad plenum sequestrare. Est magnum impedimentum, quia in signis, & sensibilibus rebus statur, & parum de perfecta mortificatione habetur. Si essemus nobis ipsis perfecte mortui, & interius minime implicati, tunc possemus etiam Divina sapere, & de cœlesti consolatione aliquid experiri. Nimirum ut is, qui velum, aut pulverem super oculos habet, apertis etiam oculis videre nihil potest, ita qui interiorum mentis oculum inordinato quopiam affectu obscuratum habet, cœlestia contemplari non potest. Hinc recte S. Ignatius in 16. annot. monet, quod, ut Creator ipse, Dominusque noster in creatura sua certius operetur, si accadat animam ad aliquid minus rectum affici atque inclinari, summopere ac totis viribus nitendum sit in contrarium; & affectus ad oppositum impelli debeat per assiduas orationes, & alia Exercitia pia, in quibus a Clementia DEI oppositum petatur.

V. Quartum, & ultimum impedimentum est *Tribulatio crucians*, seu molestia quæcumque sive corporis, sive animi, qualis Exercitiorum tempore multiplex plerumque occurrere solet, iis præcipue, qui assueti non sunt ejusmodi sacris Meditationibus, quibus tum ipsa interdum solitudo, tum meditandi, & orandi labor, tum collectionis contentio, tum ariditatis, & desolationis præsentia; tum ipsius denique dæmonis a bono proposito abducere molientis impugnatio, non levem molestiam, & fastidium creare, atque adeo non modice etiam a felici Exercitiorum successu impedire solent: quæ proinde tribulationes diligenter prius prævidendæ, animusque contra illas generosa resolutione, firmissimoque decreto, quidquid in simili genere evenierit, forti, & constanti animo tolerandi, & superandi munendus est; *Minus enim*, teste S. Gregorio hom. 35. in Evang. *jacula feriunt, quæ prævidentur, & tolerabilius mala mundi suscipimus, si contra hæc per præscien-*

*tia clypeum munimur*. Itaque exemplum Abrahami sequi debet Exercitans, & sicut is ad montem Visionis ascensurus, ignem, lucem, & gladium secum tulit, ita & is, qui ad Exercitia hæc velut aptissimum locum Visionis DEI accedere cupit, ignem fervoris, & desiderii, lucem, & perspicaciam intellectus, ac gladium denique generosæ fortitudinis, & constantiæ secum portare debet, certo sibi persuadens, eum, qui perseveraverit utque in finem, & omnes difficultates fortiter superaverit, salvum futurum, id est, optatum Exercitiorum fructum reportaturum, & veritatem promissi, quod DEUS Apoc. 2. fecerat, experturum. *Vincenti dabo manna absconditum, & nomen novum* (scilicet Viri secundum cor DEI) *quod nemo novit* (quoad efficaciam suam) *nisi qui accipit*.

### §. III.

Qualis Ordo diurnus in Exercitiis sit servandus.

I. Cum non solum in ipsis Exercitiis, sed etiam extra illa valde expediat, ut certum sibi quisque ordinem actionum per diem perficiendarum juxta conditionem sui Status conficiat, & accurate observet, adeo proderit quoque monita quæpiam generalia præmittere, quibus, quid circa hunc Ordinem observandum sit, indicetur; & tum primum ad Ordinem in particulari assignandum procedere.

## M E M B R U M I.

*Monita generalia pro Ordine diurno conficiendo  
& observando.*

I. Ut solidam circa hunc Ordinem Instructionem, utilemque praxin quis acquirat, similitudinem Horologii, ob oculos semper habeat, atque adeo actiones quidem suas Horologio similes, sibi vero curam hujus Horologii dirigendi commissam esse existimet.

II. Sicut

II. Sicut itaque Carolus Quintus Civitatem quantipiam ingressus primum intuitum in universale Urbis Horologium fixit, & ex eo bene vel male directo, bene vel male ordinatam esse Rempublicam collegit, ita certo sibi quisque persuadeat, Animæ suæ Statum, & profectum ex nullo indicio clarius ac certius, quam ex actionibus suis quotidianis rite ordinatis, & peractis intelligi posse. Hanc sane ob causam Ascetæ unanimitè semper judicarunt, nihil æque ad vitam rectè instituendam conducere, quam ut convenientem sibi quisque functionum suarum Ordinem constituat, eumque sedulo, & constanter observet, per hunc quippe caveri, ne passiones tamquam cæcum abripiant; & ne multæ temporis particulæ ignavo otio perdantur; e contrario vero magnam cordis compunctionem, & quietem ( eo quod certis, ac ordinate dispositis actionibus alligetur ) paremque recollectionis, & Examini quotidiani facilitatem induci, quæ omnia non parum utique juvant, ut non exigua de ordine tali æstimatio concipiatur, nec minor in eo conficiendo, & observando industria adhibeatur.

III. Sicut Horologium in certas divisum horas esse suumque indicem habere debet, qui horas ordinate in dicet: ita suas quoque quemvis actiones in certum Ordinem redigere &, quid quovis tempore agere debeat, aut velit, accurate perpendere, ac definire, memorizæque ( quæ indicis vices obire debet ) firmiter imprimere debere. Qua tamen in re bene advertunt Ascetæ, viz universalem modum, & regulam assignari posset ( maxime apud eos, qui nulli Religioni, modocue certo vivendi per Leges sunt adstricti ) sed quemvis sibi ipsi, naturam, & officium, aliasque circumstantias considerando, accommodatum ordinem conficere debere.

IV. Sicut horarum in Horologio distributio, totusque Horologii cursus non arbitrio Directoris, aut Artificis, aut aliorum Hominum, sed Solis cursui, & directioni conformandus est, ita in actionibus quoque suis rite ordinandis, & peragendis non propriam cujusque voluntatem, & desiderium, sed solam DEI tamquam su-

premi finis voluntatem, ac beneplacitum attendendum esse. Quid autem DEUS a nobis fieri velit, & quo modo, partim ex Superiorum mandatis, partim ex Officii suscepti qualitate, partim ex rationis Divino lumine illustratæ dictamine, partim ex Virorum Spiritualium, atque Prudentum directione, aut etiam librorum lectione colligi debet.

V. Sicut, ut index Officio suo rite fungatur, totusque Horologii curtus ordinate absolvatur, necesse est, ut omnes rotulæ, partesque interiores solitum motum teneant; ita ut actiones quotidianæ recte perficiantur, omnes tam interiores, quam exteriores animi potentias, viresque applicandas esse, ut jure quis cum Davide dicere possit; *Totis viribus præparavi impensas Domus Domini* ( seu actiones meas quotidianas peregi ) *non enim homini præparatur* ( seu peragitur ) *sed DEO.*

VI. Sicut ut dictæ rotulæ, aliæque partes Horologii solitum motum perficiant, certa pondera, quæ illum motum producant, appendi debent; ita voluntatem quoque, aliasque potentias ad rite, alacriterque operandum per pondus legitimæ intentionis, præcipue amoris gemini erga DEUM & Proximum ( juxta illud S. Augustini; *Amor meus pondus meum*; *hoc feror, quocumque feror* ) excitari, & moveri debere.

VI. Sicut Director Horologii, ut munere suo rite fungatur, frequenter visitare Horologium, rotulasque, ac alias partes inungere solet; ita qui actiones suas rite perficere cupit, frequens, & accuratum circa Ordinis diurni a se confecti observationem Examen instituere, &, si quidem potentias suas tardius ad operandum moveri advertat, eas ardenti Meditatione, aut aliis convenientibus mediis excitare, & quasi inungere debet.

## M E M B R U M    I I.

*Monita specialia de Ordine diurno in Exercitiis  
Observando.*

I. Circa hunc Ordinem ante omnia monendum est, non posse Regulam universalem pro omnibus Exercitia facturis præscribi, cum enim, ut S. P. Ignatius recte in annot. 18. advertit, Exercitia juxta ejus, qui exercetur, habitudinem, & capacitatem, necessitatemque accomodari, atque adeo uni pauciores, alteri plures horæ ad meditandum præscribi debeant, hoc ipso etiam Ordo diurnus juxta numerum Meditationum aliter, & aliter confici debet. Quia tamen plerumque tres horæ Meditationi, & una Considerationi assignari solent, ideo huic numero potissimum præsens Ordo diurnus accommodabitur; ex hujus enim prælectione non erit illi, qui pauciores Meditationes præscriptas habet, difficile, alium sibi accommodatum Ordinem conficere. Quodque hoc loco de numero Meditationum dictum est, pari modo de horis somno attribuendis sentiendum est; unde quia plures ejusmodi Exercitia obire soliti plerumque non ante quintam matutinam surgunt, secundum horum quoque consuetudinem horæ diurnæ dividuntur; qui enim hora quarta aut citius surgere voluerit, facile Meditationem primam una hora anticipare, & reliquam horam superfluum aut longiori Lectioni spirituali, aut alicui corporali, & non multum distractivo aut laborioso operi impendere poterit.

II. Quinta igitur hora exercitatus a somno is, qui exercetur, memor sit salubris præcepti ab Ecclesiastico c. 32. dati, dum ait: *Hora surgendi ne te trices, præcurre autem prior in domum tuam.* Celeriter ergo se ex lecto proripiat, & ubi vestibus se induerit, aliaque de more peregerit, ad visitandum, si commode fieri poterit, Venerabile Sacramentum in templum se conferat, aut eminus certe veneretur, totiusque diei cogitationes, verba, & opera cum purissima intentione

ad Majestatis Divinæ gloriam, proque sua, & Proximorum salute offerat, aliasque consuetas preces matutinas pie, & religiose persolvat; certo sibi persuadens ab hujus primi Operis felici successu totius diei devotionem pendere, ut sapienter P. Jacobus Alvarez in lib. de vita recte instituenda advertit. Ad hoc autem facilius præstandum, fervoremque excitandum non parum proderit sibi persuadere, perinde esse, dum a somno quis surgit, ac si eo ipso momento primum creatus esset a DEO, ut eo saltem die ipsi debitum servitium præstaret, & amaret; ad hoc enim conceditur vita præsentis diei. O si beatus aliquis annihilaretur a DEO; & postea denuo crearetur cum pristinis dotibus, quam rapidissimo impetu in ipso momento creationis prorrueret tota voluntate in pulchritudinem, & amabilitatem DEI. Aut si damnato alicui hæc gratia fieret, ut resurgere, veniamque peccatorum olim commissorum per seriam pœnitentiam obtinere, cælumque promereri posset, quam incredibili fervore se DEO traderet, totamque vitam cum summa sanctitate, perfectioneque transigeret. Quidni ergo quivis homo simili cum fervore quemvis diem transigat, cum plane per somni abruptionem simile resurrectionis beneficium acceperit, atque adeo similem fervoris causam habeat.

III. Media Sexta prima Meditatio instituetur, quæ quidem ut omnibus numeris absoluta sit, summopere laborandum est, cum commodum illius non ad illam dumtaxat horam; sed integram diem se extendat, perinde ut modicum fermentum totam massam fermentat. Primo itaque ad illam diligentissime se præparabit Exercitans, additionesque omnes a S. Ignatio, & aliis Ascetis præscriptas observabit, memor axiomatis supra citati, quo dicitur, DEUM tantum adjecturum ad adjutorium, quantum nos ad diligentiam apposuerimus. Deinde vero peracta Meditatione Examen breviter instituet inquirendo 1. An, & qua occasione distractus fuerit. 2. An modum debitum in Meditatione adhibuerit, additionesque observavit. 3. Quæ lumina spiritualia, & proposita conceperit, & quomodo ea  
exequi



exequi velit. Poterunt autem hæc lumina breviter annotari, ut suo tempore usui esse possint. Tum actis de felici successu gratiis, aut elicto de negligentis dolore, & emendandi proposito, poterit prima, & tertia Hora ex Breviario, vel Officio B. Virginis recitari, & his finitis lectio capitis ex libello de imit. Christi assignati subjungi.

IV. Hora septima Sacrum audiri, vel legi poterit, quod ut debita cum reverentia, ac devotione fiat, hoc unum ponderasse sufficit, quod hoc Sacrificium omnia alia Sacrificia quocumque tempore oblata tum quoad dignitatem, tum quoad valorem infinito intervallo excedat, atque adeo de hoc justius dicatur, quam olim Præco ante Sacrificium offerendum clamare solebat: *Hoc age.*

V. Finito Sacro lectioni spirituali vacabitur, in qua curandum 1. Ut non multi Libri, sed unus vel alter dumtaxat; nec temere arreptus, sed studiose selectus, & præsentis Scopo accommodatus legatur. 2. Ut quemadmodum pius Asceta l. 1. de imit. c. 5. recte monet, omnis Scriptura sacra eo Spiritu, quo facta est, legatur, sed & ipsa lectio humiliter, simpliciter, & fideliter peragatur.

VI. Media nona præparatio ad secundam Meditationem per quadrantem circiter instituetur, eidemque mox ipsa Meditatio per horam subjungetur, uti & reflexio super hanc consueta, post quam sexta, & nona Hora ex Officio Divino aut B. V. recitabitur, & vel Examen conscientie breviter subjicietur, vel lectio spiritualis ex pio libello, aut luminibus annotatis peragetur.

VII. Post hæc prandium sumetur; quod quidem ut pie, & fructuose accipiat, animumque ad Exercitia reliqui diei peragenda juvet potius, quam inhabilem efficiat, curandum in primis est, ut præmittatur benedictio, & gratiarum actio cum debita reverentia, & devotione subjungatur. Deinde ut modestia, decencia, & temperantia interius, exteriusque servetur. Denique ut, dum corpus reficitur, etiam animæ suæ refectio tribua-

tribuatur. Quæ omnia ut exactius observentur, non parum proderit, Regulas ad victum recte temperandum a S. Ignatio in Libello Exercitiorum præscriptas ob oculos habere; quarum prima est, quod a pane minus abstinendum sit, quam a reliquis alimentis, cum neque gulam adeo irritet, nec tentationi æque obnoxios nos reddat. Secunda, quod circa potum attendenda sit magis abstinencia, quam circa panem, caute observando, quæ profit mensura potus, ut sumatur semper; quæ rursus noceat, ut tollatur. Tertia, quod circa pulmenta, & edulia potissimum abstinenciæ ratio versatur, cum per illa, tum appetitui ad peccandum, tum inimico ad tentandum, major subministretur occasio. Temperanda sunt igitur vitandi excessus causa, quod sit dupliciter, dum vel cibus grossioribus vescimur, atque assuescimus, vel dum parce delicatis utimur. Quarta est, quod, quanto plus de conveniente victu sibi quis ademerit (vitato interim valetudinis adversæ gravi periculo) tanto celerius mensuram cibi, & potus justam reperiet; tum quia hoc modo melius se disponens, & obnoxius tendens ad perfectionem, sentiet interdum quosdam cogitationis internæ radios, & consolatorios motus sibi cælitus immisos, ex quibus facile poterit rationem victus commodiorem discernere: tum quoniam si quis ita abstinendo, se deprehenderit viribus imbecilliores esse, quam ut Exercitia spiritualia peragere commode valeat, sic facile advertet, quam mensuram victus naturæ necessitas requirat. Quinta, quod expedit inter comedendum imaginari, quasi videamus JESUM Christum Dominum nostrum vespem cum suis Discipulis, observando, quem teneat edendi, bibendi, respiciendi, & loquendi modum, eundemque ad imitandum nobis proponendo. Ut veniet enim, ut intellectu magis occupato circa meditationem talem, quam circa corporalem cibum, discamus facilius victum moderari. Sexta, quod gratia varietatis aliæ adhiberi possunt Meditationes inter vescendum, ut sunt de Sanctorum vita, de pia quapiam doctrina, vel aliquo spirituali negotio agendo, unde sic abstracta mente, cibus ipse,

ipse, & vescendi delectatio parum sentiat. Septima, quod cavendum sit præcipue, ne super sumendos cibos animus quodammodo totus effundatur, &, ne avide vescamur, aut festine, sed appetitui semper dominantes, tum mensuram victus, tum sumendi modum una temperemus. Octava est, quod plurimum conducit ad tollendam cibi potusque immoderantiam, si ante prandium, aut coenam, & quacumque hora nulla esuries sentitur, prævia deliberatione definiamus mensuram certam, quam deinde nulla vel propria aviditate, vel instigatione inimici, umquam excedamus, sed potius vincendæ utriusque causâ, de illa nonnihil etiam subducamus.

VIII. Post mensam recreatio quidem per manuale Exercitium, vel singulare cum uno, alterove Socio colloquium institui poterit, sed summopere cavendum, ne Spiritus liberiori conversatione intepescat, sed potius juxta S. Ignatii monitum curetur, ut modestia, & ædificatio appareat, tum in verbis, tum in ratione, ac modo loquendi. Quem in finem proderit DEUM in medio Colloquentium præsentem sibi imaginari, & illa Christi olim ad Discipulos in Emaus prolata verba: *Quos sermones confertis invicem?* repetentem imaginari.

IX. Hora duodecima Venerabile Sacramentum, si placet, & commode fieri queat, visitari poterit, eidemque pomeridiana quoque opera cum purissima intentione, & subjectione dedicari, petendo demisse gratiam, & benedictionem ad eadem perinde, ac matutina fructuose peragenda. Subinde vel parum somno indulgeri, vel aliquid scribi, vel aliud quid non multum occupans animum (cum hoc tempus ad seria negotia parum idoneum sit) agi potest.

X. Hora prima Vesperæ cum Completorio recitari, iisque finitis lectio spiritualis libri, maxime Historici Vitæ alicujus Sancti, qui simili in Statu vivens, perfectam variarum virtutum Vocationi convenientium ideam reliquit, subjungi usque ad secundam horam poterit; qua audita Consideratio de præscripta materia

ad

ad inspectionem, & reformationem Status potissimum spectante tanto majori cum accuratione atque fervore instituetur, quanto copiosior plerumque fructus ex ejusmodi consideratione, quam ex aliis exercitiis reportari solet, ut alibi dictum est.

XI. Hora tertia, vel Manuale aliquod Exercitium suscipi, vel lectio spiritualis libri doctrinalis peragi, vel aliquid ad reformationem Status pertinens annotari poterit, aut etiam Rosarium, aliæve similes orationes vocales pro cujusque devotione, & arbitrio recitari.

XII. Hora quarta Matutinum cum Laudibus dici, & post solitam præparationem ad tertiam Meditationem hæc ipsa Meditatio per horam subjungi potest, qua finita post consuetam reflexionem, vel visitabitur iterum Venerabile Sacramentum, & gratiæ pro felici successu hujus diei agentur; vel aliquid ad solatium, & ædificationem propriam utile legetur.

XIII. Post Sextam cœna sumetur, in qua eadem observare par est, quæ in prandio observanda supra diximus, uti, & in receptione, quæ ipsam etiam cœnam subsequetur, & usque ad horam octavam continuabitur.

XIV. Hora octava Litaniz vel de omnibus Sanctis, vel de B. Virgine dici poterunt, quibus brevis præparatio ad Meditationem sequentis diei, & post hanc Examen Conscientiæ subjungetur, quod quidem tanto majori fervore, & diligentia faciendum erit, quanto major ex eo fructus merito sperari potest; S. Ignatius certe eodem velut uno ex magis idoneis instrumentis ad perfectionem assiduo est usus; nec immerito; Est quippe tale Examen, ut recte advertit P. Joannes Nierembergius in l. de adorat. officina, in qua timor DEI, compunctio, cognitio sui, humilitas, prudentia, & perseverantia excuditure. Sed & ad rationem olim DEO de actionibus nostris facile reddendam, efficacissimum est remedium, cum DEUS idipsum bis judicare non soleat, clareque per S. Paulum 1. Cor. 9. dixerit: *Quod si nosmetipsos dijudicaremus, non uti-*  
que

que iudicaremur. Quis ergo nolit in hac vita scriptum Judicem eligere, & iustinare, quam severissimo superari, & tremendi Judicis tribunali se iudicandum committere?

XV. Finita sui discussione in lectum pro somno capiendi secedere licebit; qui ut cum bona intentione, solius scilicet beneplaciti Divini, & ut alacrior, quisque ad solitos pro DEI gloria, & salute Proximi labores redeat, suscipiatur, summo opere conandum est; ut, sicut sceneratores etiam dormientes augent divitias suas, ita, & qui dormit, Exercitans meritum virtutum, & gratiarum multiplicet. Et sane si una ex parte perpendatur, quam gravis molestia Homini DEUM amanti sit somnus, utpote non corporis dumtaxat, sed animi etiam operationes impediens, atque adeo a DEI amore, & laude non modice impediens, non leve meriti augmentum, præmiumque a DEO sperari poterit, si debita cum patientia atque in Divinam voluntatem resignatione ejusmodi molestia suscipiatur. Hoc ergo salubri præsidio instructus lectum velut sepulcrum conscendat, & quemadmodum S. Ignatius in prima additione suadet, inter cogitationes pias, maxime de Meditatione prima sequentis diei, in Domino obdormiscat.

#### S. IV.

Modus facillimus meditandi paulo fusius  
proponitur.

I. Inter varios modos meditandi supra, cum de Meditatione ageretur, indicatos, is non immerito facillimus judicio peritissimorum Ascetarum est judicatus, qui per quatuor quæstiones instituitur, videlicet ut 1. quærat, quod est primum punctum præsentis Meditationis? 2. Quid de hoc puncto considerandum est? 3. Quid utilitatis spiritualis ex eo hauriendum? 4. Quid super his cum DEO, & Sanctis colloquendum? hic namque modus uti non ad subtiles discussiones, sed

sed ad profectum dumtaxat in vitiorum fuga, & virtutum exercitio ordinatus est, ita a quovis etiam, licet rudi, & indocto, facile capi, & exerceri potest; unde iis præcipue, qui in meditando parum sunt exercitati, suaderi solet. Ut ergo eundem fructuose usurpare possint Exercitantes, placet paulo uberiores ejusdem explicationem a pio quodam, & bene exercitato Asceta traditam huc apponere.

## QUÆSTIO I.

*Quod est punctum præsentis Meditationis?*

Ad hanc quæstionem respondebit Exercitans proponendo sibi Materiam, quam pro puncto quovis considerandam assumpsit, eamque breviter historico modo vel alio recolet, & quasi sibi ipsi narrabit, moxque circa illam utpote a DEO revelatam (si quidem talis sit) actum Fidei, aliarumque virtutum elicit hoc vel simili modo: *O mi amantissime DEUS, credo firmissime te hanc nobis veritatem revelasse, atque adeo tam pro hac, quam pro omnibus a te revelatis doctrinis paratus sum vitam, & sanguinem cum tua gratia ponere; ac propterea te Dominum ac DEUM meum, summe bonum revercor, veneror, adoro, ac diligo, ideoque nunc denuo sanctissimum tuum beneplacitum solícite indagabo, & constanter adimplere conabor. Adauge, mi DEUS, fidem istam in me: da mihi intellectum, ut discam mandata tua, & compleam illa.*

*O SS. Virgo MARIA, O Sanctissime mi Custos Angele, O S. P. Ignati, O N. N. & vos reliqui SS. Patroni mei, orate, queso, pro me, & felicem Meditationis hujus successum mihi impetrate.*

## Q U Æ S T I O II.

*Quid circa hoc punctum considerandum.*

I. Ad hanc quæstionem resolvendam considerandæ sunt personæ, verba, actiones, circumstantiæ.

II. In Personis considerari potest ætas, dignitas, forma, sexus, robur, firmitas, educatio, nobilitas, molestia, reverentia.

III. In *Verbis* considerandum est, a quo dicantur, ad quem, quo fine, qua occasione; quid velint, an aliquid præcipiant, prohibeant, commendent, reprehendant, petant, permittant. Considerari etiam possunt singulæ voces, & earum energia &c. Si non adsint verba; tum vel perpendi potest, quid probabiliter tales Personæ dicere potuerint; vel certe ipsum silentium cum indicatis circumstantiis considerari potest.

IV. In *Actionibus* natura earundem secundum se, an scilicet bonæ vel malæ, virtuosa, vel vitiosa sit, considerata est. Deinde vero ejus qualitas accidentalis ex circumstantiis indaganda est.

V. In *Circumstantiis* considerandus in primis est *Locus*, in quo peracta est actio; an scilicet domi vel foris, in templo, campo, monte, clam, in oculis hominum, loco nobili, vel ignobili sit facta. Deinde tempus, videlicet in qua ætate, parte anni, die vel hora, luce vel tenebris, festo aut pro festo sit exercita. Postea *Modus* perpendendus est, an sponte vel coacte; an hilariter, vel cum tristitia; an celeriter, vel tarde; an solitarie vel cum aliis; an præsentē consolatione vel desolatione; quo affectu, quibus adjumentis, aut impedimentis &c. Postmodum finalis *Causa* indagari poterit; ex quo nempe motivo talis actio peracta sit, an ad DEI gloriam, & honorem, aut propriam salutem, & felicitatem procurandam, aut satisfactionem pro peccatis præstandam, aut variâ dona sibi, aliisve impetrandâ; aut ad bonum exemplum proximo præbendum. Denique *Effectus* etiam inde consecutus considerari potest;

est; quam magnum scilicet meritum sibi vel aliis; quam magnam perfectionem, gloriam, honorem, favorem apud DEUM, & homines; aut certe hic contraria comparat is, qui talem actionem peregit.

VI. De quibus tamen omnibus quatuor materiis recte notant Ascetæ, non esse opus, ut omnes semper tam enucleate examinentur, sed sæpe sufficere, si una vel altera, prout materia ipsa dicat, vel prout citius vel tardius documentum elucet, vel affectus consurgit; perpendatur. Unde suadendum est, ut in præparatione quasi prælibetur, quænam circumstantiæ utiliter perpendi, aut quæ doctrinæ erui possint.

## Q U Æ S T I O I I I.

*Quid utilitatis spiritualis ex hac consideratione hauriendum.*

I. Hæc utilitas generatim ad duo capita revocari potest, videlicet ad *Affectus* varios, pioque eliciendos, & ad *Imitationis* propositum, studiumque procurandum, sine quo posteriore fructu prior non magni æstimandus est, cum Amor DEI, qui in ejusmodi Meditationibus velut postremus finis quæritur, in operibus potius, quam suavis affectibus consistat.

II. Inter affectus itaque primum sibi locum vindicat *Fides*, quæ ex suprema veracitate DEI, & tam multis miraculis ad veritatem articulorum, & mysteriorum Fidei demonstrandam patratis oritur. Deinde *Spes*, quæ tum maxime concipitur juxta S. Bernardum, si *charitas adoptionis, veritas promissionis, potestas redemptionis* bene perpendatur. Tum *Amor*, ad quem summa in primis Bonitas, seu bonorum omnium Collectio in DEO velut fonte purius, recentius, & abundantius reperta; dein etiam præveniens amor tot beneficiis demonstratus, & confirmatus maxime afficiunt; ex hujus quippe motivi consideratione erumpit anima in illa S. Bernardi verba: *Amat charitas, amat immensitas, & nos vicem rependimus cum mensura!* Amori propinquus est *Congratulationis*, & *Congandii* affectus, cum enim amans

ama-



amatum ut alterum se consideret, & amet, hoc ipso etiam de ipsius bonis perinde ut suis gaudet, atque adeo ex animo etiam gratulatur. Sed & *Admirationis* affectus, & *Laus* plerumque cum Amore conjuncti sunt, quorum prior ex consideratione perfectionum, & operum ab Amato patratorum copia, & præstantia exurgit, posterior vero ex æstimatione eorundem oritur; quemadmodum & *Reverentie*, quæ a considerata dignitate, & auctoritate Personæ gignitur: & *Adorationis* affectus, quem sive latens Divinitas, sive supernaturalis eminentia considerata generat. Quia vero varix calamitates interdum contingere possunt illi, qui amatur, ideo *Condolentie*, & *Compassionis*, ut vocant, affectus excitatur, & quidem tanto vehementius, quanto clarius cognoscit amans, se miseriarum tantarum causam sive peccatis suis, sive alia quacumque ratione extitisse.

III. Et hi quidem præcipui *Prosecutionis* sunt affectus; non minorem tamen vim, ac efficaciam ad movendam voluntatem habere censentur affectus *Fuga*, quales præcipue sunt *Timor* ex consideratione Divinæ Justitiæ, ejusque rigore tot exemplis in Angelis, & Hominiibus, quin & ipso in DEI Filio demonstrato ortus: *Odium*, & *detestatio* ex tot malorum, quæ per peccatum tam corpori, quam animæ creari solent, cognitione concepta: *Contritio* ab amore purissimo DEI generari solita: *Fuga* seu *aversio* a peccato ex præcedentibus affectibus connaturaliter sequens, cum ipsa natura impellat, ut id, ex quo grandia mala nobis exorta fuisse intelligimus, toto virium conatu fugiamus. *Tristitia*, quæ ex præsentis mali, sive sibi ipsi, sive alteri dilectæ Personæ obvenientis gravitate perspecta oritur, & merito laudabilis est, si ex bono motivo oriatur; nam uti S. Paulus 2. Cor. 7. recte pronuntiavit, *quæ secundum DEUM tristitia est, pœnitentiam in salutem stabilem operatur*.

IV. Alterum caput hujus responsionis, *Imitationem* videlicet, quod attinet, consistit illa in firmo proposito Christum, aut Sanctos in aliqua virtute exercenda, vel vitio fugiendo imitandi: quem in finem oportet in pri-

mis Doctrinam aliquam ex Punctorum, circa quæ Meditatio occupatur, discussione eruere : deinde motivum ad illam servandam excitans considerare, nempe necessitatem, utilitatem, jucunditatem, dignitatem, & æquitatem. In necessitate quidem perpendendo, quod eam doctrinam præcipiat DEUS, Regula, lumen naturale; quodque sine ejus observatione gravissima mala corporis, & animæ incurrantur; e contrario vero hoc vel illud bonum absque talis doctrinæ executione obtineri non queat. In utilitate considerari possunt commoda, quæ ex observatione ejusmodi sive corpori, sive animo, sive nobis ipsis, sive aliis etiam, puta DEO, Sanctis, Defunctis, Viventibus, Amicis, Subditisve sequuntur tum in temporalibus, tum spiritualibus bonis. In jucunditate perpendi potest delectatio, quæ tum sibi, tum aliis iterum ex tali doctrina observata, non modo in hac, sed altera etiam vita sequuntur. In dignitate considerari potest, quod tam DEUS, & Sancti, quam Homines in terris existentes magni æstimaturi, laudaturi, & honoraturi sint illum, qui talem doctrinam observat. In æquitate denique perpendi potest, quod talis doctrinæ observationem suadeat lumen naturale: exigant beneficia accepta, vel sperata: ipsi Gentiles suo exemplo docuerint: multi alii etiam ex Christianis minoribus longe motivis incitati, aut paucioribus auxiliis, mediisve instructi practicaverint.

V. His peractis doctrina hæc aliis applicatur, & quomodo eam practicarint, quosque fructus inde consecuti sint, perpenditur; unde denique reflexio ad se ipsum instituitur, & qua ratione similem doctrinam hætenus observavit, aut deinceps tot motivis incitantibus observare velit, dispicitur, simulque media, quæ ad illius faciliorem observationem præ cæteris efficacia esse videntur, inquiruntur, propositumque firmum concipitur, eadem deinceps studiose adhibendi.

VI. Ex quibus omnibus facile nunc colligitur, perutile esse eorum in meditando praxin, qui similem doctrinam, aut virtutem pro Scopo Meditationis habentes, totam suam Meditationem in tria puncta dividunt.

dunt. Et in primo quidem in quo consistat talis virtus, vel doctrina, & quomodo a Christo, & Sanctis, qua verbo, qua exemplo docta, & commendata sit, considerant. In secundo rationes, & motiva, ob quæ tanto studio, & fervore talem virtutem, aut doctrinam exercuerint, & ipsi quoque (nempe ii, qui meditantur) merito eam exercere debeant, perpendunt. In tertio varia media inquirunt, quibus perfectionem talis virtutis assequi valeant, prout paulo ante dictum est. Qui quidem modus præsertim in Festis Sanctorum utiliter adhiberi, & ad varias eorum virtutes, atque earundem imitationem applicari potest.

## Q U Æ S T I O I V.

*Quid super his cum DEO, & Sanctis loquendum.*

I. Eviçta voluntatis repugnantia, mens cum profunda humilitate ad Sanctos, B. Virginem, Christum, vel DEUM Patrem, prout affectus, vel devotio, ac mysterii materia suggerit, erigitur, petendo veniam negligentiae, auxilium, & gratiam uberem pro propositorum executione, intermixtis variis affectibus, de quibus in priori quaestione actum est. Quod si in tertia quaestione voluntas per proposita motiva sufficienter adhuc mota non foret, nihilominus ad Colloquium progressus fieri posset, in quo coram DEO se humiliet, duritiem suam deploret, & acriter se objurget; sed & magis per affectus instet, uberiusque lumen ad commovendam efficaciter voluntatem petat.

II. Ut vero similium Colloquiorum formula aliqua habeatur, placet unum brevius, & alterum paulo longius subicere, non quod ejusmodi colloquia iisdem verbis, aut affectus in eo contenti eodem ordine sint usurpandi, sed ut appareat, quinam præcipue affectus, & quomodo sint eliciendi. Exemplum itaque ponamus in Sancto aliquo, v. g. S. Francisco Seraphico, qui humilitatis virtute singulariter excelluit, quem proinde in hac virtute omni studio imitari decreverit Exer-

citans . Hoc posito sic primum Colloquium ad hunc Sanctum institui posset . O Sanctissime , & Seraphice Pater Francisce , qui omnis quidem virtutis sed humilitatis precipue tam præclara specimina , & exempla reliquisti , per eamque tam sublimem Sanctitatis , ac Gloria gradum obtinuisti , gratulor tibi de hac gloria , & humilitate ex toto corde meo , optoque , ut & ego , & omnes Homines non verbo dumtaxat , sed ipso etiam opere tibi gratulari , atque adeo in profundissima Humilitate quam proxime , perfectissimeque imitari te valeamus . En affectus gratulationis ) Certe quod negligenter adeo idipsum ego hactenus præstiterim , & per hanc negligentiam DEUM meum super omnia dilectum , & te tantopere offenderim , erubesco , & doleo ex corde ( en actus contritionis ) & propterea per amorem ejusdem DEI mei , & gloriosam humilitatem tuam supplex oro te , & obtestor , ut & veniam negligentia talis ipsemet benigne concedas , & eandem etiam a clementissimo Domino , & DEO meo efficaciter impetrare digneris , ( en actus obsecrationis ) una cum efficaci gratia , qua vel deinceps hanc negligentiam serio emendare , & in omni quedam virtute , sed humilitate precipue quam perfectissime imitari te possim ; id sane uti ardentissime desidero ( en affectus desiderii ) ita vel ex hoc momento præstare firmiter propono . ( en actus propositi ) Vere enim nihil me esse , nihil scire , nihil posse confiteor , & agnosco , ideoque non solum omni contemptu , & confusione dignissimum censeo , verum etiam ab aliis contemni , & deprimi ardentem desiderio ( en actus humilitatis ) atque utinam efficere possem , ut idem mecum omnes homines , precipue Superbi , sentirent , sicque perquam ardens humilitatis studium , & Exercitium DEUM meum , & te perfectissimo modo glorificarent . Eum certe in finem , & simpliciter rogo , ut illis perinde , ac mihi verum Humilitatis Spiritum impetrare digneris , ut & nos tecum veram animabus nostris quietem in hac , & altera vita invenire , & , sicut nos tecum humiliare studuimus , ita exaltari quoque tecum mereamur , Deumque pro omnibus beneficiis tibi , & nobis collatis aeternum glorificare , & benedicere valeamus .

Amen .

*Amen.* ( en Zeli , & charitatis fraternæ actus ) Bre-  
vius tale colloquium hoc modo institui posset : *O quam*  
*gratulor tibi , o Seraphice Pater , tam profundam humili-*  
*tatem . O quam amplas tibi gratias debeo , & vero*  
*etiam ago pro tam præclaris hac in virtute exemplis re-*  
*lictis ! O utinam te in eadem perfectissime imitari , atque*  
*ad idem faciendum omnes homines incitare possem ! O quam*  
*doleo , & erubesco , quod tam negligenter hactenus id præ-*  
*stiterim ! O Sanctissime Pater , vel hac vice etiamnum*  
*veniam Superbiæ nostræ , mibi , aliisque tam viventibus ,*  
*quam defunctis impetra , gratiamque , ut vel deinceps nos*  
*viventes hanc Virtutem perfecte addiscere , & exercere ,*  
*sicque DEUM vobiscum magis glorificare possimus . Amen.*

III. Quod si vero lubeat ad Christum vel ipsum Pa-  
trem æternum in fine Meditationis longius colloquium  
( uti omnino suadendum est ) instituere ; id hac ra-  
tione fieri posset .

**O** Amantissime Servator mi JESU Christe : DEUS  
meus , & omnia , gratulor tibi ex toto corde meo  
de omni perfectione , & gloria tua , præcipue ea , quæ  
tibi per Sanctum Ignatium ( aut alium Sanctum ) ha-  
ctenus obtingit , aut deinceps etiam obtinget , optoque  
unice , ut hac ipsa gloria tua majora in dies incrementa  
accipiat , idque ipse etiam pro viribus procurare cona-  
bor .

Gratias dein tibi amplissimas ago pro omnibus in pri-  
mis beneficiis , gratiis , & favoribus Sanctissime tuæ hu-  
manitati , & Matri beatissime , omnibusque aliis San-  
ctis , præcipue S. Ignatio , & mibi denique indigno , aliis-  
que tam defunctis , quam viventibus tam liberaliter bu-  
cusque exhibitis , optoque iterum ex animo , ut non ver-  
bis dumtaxat , sed ipso etiam opere gratum exhibere me  
possim .

Eum certe in finem summa cum demissione , gratitudi-  
neque offero Divinæ Majestati tuæ omnia merita SS. Vi-  
tæ , Passionis , & Mortis tuæ , omniumque Sanctorum  
tuorum , præcipue S. Ignatii ; rogoque suppliciter , ut hæc  
omnia tum in gratiarum actionem pro innumeris beneficiis

mibi, aliisque Hominibus exhibitis, suscipere digneris, tum in satisfactionem pro infinitis peccatis meis, de quibus sane omnibus, uti vehementer dolco, eo quod iisdem te DEUM, & Servatorem summe bonum, & amabilem tantopere offenderim, ita tam intensum dolorem elicere desidero, quam ullus Homo umquam elicuit, aut deinceps eliciet, & propterea non meipsum solum ex animo despicio, sed ut ab aliis etiam despici dignissimum judico, atque ut idipsum ab omnibus Hominibus fiat, ardentem exopto.

Quia tamen hic ipse dolor, & contemptus exiguus nimis est, ideo in compensationem offero Divina Majestati tuae omnem dolorem, quem ullus umquam Sanctorum, praecipue S. Ignatius, de peccatis suis elicuit, rogoque, ut vel hoc placatus, & veniam culparum mearum omnium benigne concedas: & poenam iisdem debitam clementer remittas, & omnes eum in finem indulgentias, quas lucrari possum, & conatus fuero, liberaliter largiaris, quemadmodum, & ego vicissim amore tui ignosco omnibus, qui me umquam quacumque ratione offenderunt, precorque illis eandem gratiam, quam mihi exopto.

De reliquo firmissime statuo, vitam meam sincere emendare, tuoque Sanctissimo beneplacito penitus conformare, ideoque vel nunc denuo renuntio omnibus peccatis, & occasionibus peccandi, voveoque (Si Religiosus est) paupertatem, castitatem, & obedientiam, ceteraque vota minora (si quae praeterea habet, cum sincerissimo affectu offero.

Protestor quoque me te Dominum ac DEUM meum ex toto corde dilecturum, atque omnes cogitationes, verba, & opera singulari cum diligentia peracturum. Eum certe in finem vel nunc ea cum purissima amoris intentione ad tuum beneplacitum dirigo, & omnem quidem de iis laudem, & gloriam tibi, cui soli debetur, promptissime transcribo, omni jure, quod mihi ad meritum debetur, ex eodem amoris motivo ultro cedo, fructum vero impetratorium, & satisfactorium omnem animabus purgantibus, & iis maxime, quarum redemptio ad majus tuum bene-

beneplacitum, & gloriam cedit, ea conditione transcribo, ut a pœnis suis liberata te Dominum nostrum perfectius laudent, & pro beneficiis sibi, & mihi exhibitis gratias dignius persolvant, et pro me denique ac Peccatoribus, aliisque mihi specialiter commendatis efficaciter intercedant, gratiamque impetrent, qua vocationi nostræ perfecte satisfacere, vitamque nostram felici clausula terminare valeamus.

Ego certe, uti spem meam, fiduciamque totam in meritis tuis, et auxiliis positam habeo, ita per eadem tua, et Sanctorum tuorum merita supplex rogo, ut in primis tuum, et Sanctorum tuorum, præcipue S. Ignatii bonorem, et gloriam magis ac magis in dies promoveri digneris, deinde vero omnes tam viventes, quam defunctos in SS. tua vulnera recipias, et defunctis quidem omnibus requiem, et indulgentiam largiaris, vivis vero, et mihi gratiam efficacem largiaris, qua sanctissimum beneplacitum tuum veraciter agnoscere, et perfecte adimplere valeamus. Cui proinde me, et mea omnia tam quoad vitam, quam quoad mortem, quocumque loco, modo, et tempore obeundam plenissime resigno, id unum suppliciter rogans, ut quoniam ex me nihil sum, scio, et possum, tu sicut velle misericorditer concessisti, ita perficere quoque misericorditer largiaris; ex te enim sunt omnia DEUS meus, et omnia.

## PRACTICA EXEMPLA

MEDITATIONUM PRO OCTIDUANO  
SECESSU A SACERDOTIBUS

## INSTITUENDO COMPLECTENS.

**Q**uod olim Seneca de Exemplis in genere dixit, quod videlicet longum iter sit ad virtutem, & bonos mores persuadendos per sermones, breve vero, & efficax per Exempla; id merito ad præsentem etiam materiam applicari potest. Non parum quidem prodest, Naturam, & Præstantiam, Utilitatemque Exercitiorum cognovisse, sed nisi Meditationes in particulari ad statum, & vocationem propriam cujusque accommodentur, perinde ac Conciones Auditorum capacitati, & Genio non quadrantes exiguum, aut nullum fructum afferent. Quare ut doctrinæ in præcedenti parte allatæ optatum Sacerdotibus fructum afferant, placuit in hac posteriori parte aliquot Exempla Meditationum pro secessu spirituali servientium, & ipsorum Sacerdotum statui, & vocationi præcipue accommodatarum assignare, ita tamen, ut, quandoquidem aliquibus integros octo dies pro tali secessu assumere aut non vacat, aut non libet, etiam his, quantum fieri potest, serviam, & materias pro triduaana saltem Recollectione suggeram.



## C A P U T I.

*PRACTICA EXEMPLA PRO OCTIDUANO SECESSU.*

I. **U**T tanto facilius agnoscat Sacerdos, Formulas istas Practicas Exercitiorum faciendorum ipsius statui, accommodatas esse, sequentes duæ admonitiones ob oculos semper habere debet.

II. Prima est ut meminerit, primarium horum Exercitiorum Scopum esse, tum seriaz emendationis propositum, tum fervoris in perfectionis studio, vocationeque sua adimplenda reparandi, vel augendi studium, ut jam alibi dictum est, atque adeo hunc Scopum omnes Meditationes, Considerationes, Lectiones, Collocutiones, & alias similes Exercitationes dirigendas esse. Hinc quia alios in via purgativa magis defecisse, alios in illuminativa minus profecisse quandoque advertitur, recte monet S. Ignatius in annot. 28. Exercitia, juxta ejus, qui exercetur, habitudinem accommodari, & quemvis ad gradum, in quo animus suus conquiescat, perducere debere.

III. Secunda admonitio est, quod, sicut ad eundem quandoque terminum diversis viis pervenitur, ita ad eundem quoque Exercitiorum Scopum variis modis pertingi possit. Hinc aliquibus, qui sæcularem vitam elegerunt, ejusmodi plerumque Exercitia præscribuntur, quæ ad observationem Justitiæ Christianæ, id est; fugam peccatorum, & bonorum operum exercitationem spectant. Religiosis Meditationes, quæ ad votorum religiosorum exactam observantiam, & Perfectionis studium pertinent, traduntur. Sacerdotibus, & Pastoribus varia motiva, & praxes, quæ ad curam animarum rite suscipiendam juvant, suggeruntur, & sic de reliquis loquendo. Imo interdum una quæpiam virtus. v. g. amor B. Virginis, obedientia, aut alia similis pro Scopo principali assumi, & ad eam Meditationes pleræque saltem, si non omnes ordinari possunt, ita tamen,

men, ut Methodus a S. Ignatio per triplicem viam assignata, quantum fieri potest obliervetur. Interdum etiam pro quavis Meditatione una Parabola, Historia, vel sententia assumi, & ex illis doctrina aliqua ad Scopum Meditationum pro singulis hebdomadis a S. Ignatio assignatarum erui potest, uti ex paradigmatis infra assignandis patebit.

Tres itaque diversæ præscriptiones materiarum pro octiduano secessu assignabuntur. Prima ipsam S. Ignatii divisionem in libello Exercitiorum assignatam, & statui Sacerdotali accommodatam servabit. Altera, Meditationes ad statum Sacerdotalem directe ordinatas continebit. Tertia, pro singulis Meditationibus Parabolam aliquam Evangelicam, aut aliam similem assumet.

## D I V I S I O I.

### PRO OCTIDUANO SECESSU JUXTA NORMAM A S. IGNATIO ASSI- GNATAM FACTA.

**M**ERITO hæc divisio aliis omnibus præfertur, utpote quæ præ cæteris apta videtur, non ad præfixum dumtaxat Exercitiis Scopum referendum, sed ipsum etiam Systema, & Meditationum, quas S. Ignatius in libello Exercitiorum præscripsit, connexionem demonstrandam. Quare ipsas in primis Meditationes propriis S. Patris, quantum fieri potest, verbis proponam, varias tamen iisdem notas subjungam, quibus partim quid circa singulas observandum sit, aperiam; partim quomodo illius materia cum præcedentibus cohæreat, demonstrarem.

Meditatio procemialis pridie Exercitiorum  
peragenda .

## De Fine , &amp; Scopo bonum Exercitiorum .

## Punctum I.

Considera 1. Quis sit Scopus Exercitiorum tuorum , quæ crastina die auspicator es ; nimirum , ut anima tua velut imago DEI per varias imperfectiones , peccata , & negligentias obscurata renovetur , pristinoque decori restituatur .

Considera 2. Quam necessaria tibi sit hæc renovatio ; an Sion imago animæ tuæ usque adeo ob tepidam vitam tuam ut deformata , ut merito cum admiratione quæri possit : *Cujus est imago hæc ?* DEI , an Dæmonis ? Christi , an Mundi ? Considera 3. an non merito Ecclesia velut Mater tua in solitudinem istam te ducat , & in uterum suum iterum recipiens illis S. Pauli 4. ad Gal. verbis te alloquatur : *Filioli mei , quos iterum parturio , donec formetur Christus in vobis .* Stude proin hanc sollicitudinem Matris tuæ dilectissimæ agnoscere , atque , ut finem suum obtineat , totis viribus cooperari . Colloquium ad S. Carolum Borromæum , S. Ignatium , aliosque electos Patronos tuos , rogando , ut pro felici Exercitiorum successu efficacem gratiam impetrare dignentur .

## Punctum II.

Considera 1. Quid requiratur ad renovationem cuiusdam imaginis , nimirum sequentia tria capita . 1. Ut pulveres imagini adhærentes abstergantur . 2. Ut colores detriti , aut offuscati , novis coloribus obducantur . 3. Ut velum , quo pulveres deinceps arceantur , appendatur . Considera . 2. Quam apte hæc tria officia pro Spirituali renovatione Animæ tuæ per Exercitia Spiritualia præstentur quid enim aliud per viam purgativam

tivam intendunt, nisi ut pulveres culparum animæ adhærentium per veram contritionem, & Confessionem, variaque conscientiæ Examina, aliaque satisfactoria opera abstergantur? Quid aliud per viam illuminationis quærunt, quam ut novi virtutum colores ex imitatione Christi petita menti per neglectum virtutis, ac fervoris Studium inveteratæ obducantur? Quid aliud per viam unitivam obtinere desiderant, quam ut per ardentem DEI amorem, firmissimamque cum illo unionem velut aptissimum velum omnes subsequendum culparum pulveres arceantur? Considera 3. Quam alacriter proin, & libenter hæc Exercitia suscipere, atque ad finem usque magna cum constantia continuare debeas. Colloquium ad SS. Cœli Reginam, demisse rogando, ut, sicut ipsa se Austricem horum Exercitiorum fuisse S. Teresie confessa est, ita tibi quoque, ut optatum ex iis successum referas, autrix esse dignetur.

### Punctum III.

Considera I. Quibus mediis Pictores ad renovandam aliquam imaginem uti soleant. An non aptos sibi colores præparant? an non solitarium locum, quo a distractionibus defendantur, eligunt? an non de apto sibi Magistro, aut Directore prospiciunt? an non oculos accurate, & assiduo in Directorem, aut imaginem, aut prototypum reflectunt, ac dirigunt?

Considera II. Quanto magis tu has omnes industrias, & conatus pro renovatione tuæ imaginis adhibere debeas, ut cui ultro tam copiosa eorundem occasio offeratur.

Considera III. Quomodo non modo in solitudinem hanc cum magno desiderio secedere, omnesque alias curas abjicere, sed etiam omnes industrias, quæ a S. Ignatio, aliisque Ascetis ad hunc finem præscribuntur, magna cum sedulitate, constantiaque adhibere velis. Colloquium ad Christum, rogando, ut, sicut ipse hunc secessum verbo, & exemplo docuit, ita efficacem

cacem quoque pro illo rite continuando gratiam largiri dignetur.

*Materia Lektionis.*

I. Etsi hæc exercitia potissimum ad veram sui notitiam, & reformationem ordinata sint, atque adeo primum semper inter sacras Exercitationes locum Meditatio habere debeat, recte tamen directorium (quo nomine liber a Societate JESU compositus, & modum exercitia spiritualia cum solido fructu faciendi docens intelligitur) cap. 21. n. 1. monet, ut melius durare possit is, qui exercetur, expedire, ut detur illi aliqua relaxatio in horis meditandi, eoque tempore, quod a meditationibus liberum habet, liber aliquis legendus detur, qui pietatem potius nutriat, quam intellectum novitatibus exerceat; quique aptus, & opportunus sit ad illum affectum, vel finem, qui per exercitia quaeritur, gignendum. Quin etiam monendus est (ait idem Directorium cap. 3. n. 4.) & docendus, ut ipsam lectionem dirigat ad meditationem, nimirum non legendo cursim aviditate sciendi, & videndi nova, sed immorando, & perpendendo accurate, quæ legit, & intrando in eisdem affectus.

II. Sed & illud cavendum (ut recte ibidem n. 6. monetur) ne vel legendi, vel scribendi dulcedine ita se quispiam distineri sinat, ut tempus eripiat meditationi, aut præparationi ad Meditationem. Semper enim aliquanto ante Meditationem debet omnia relinquere, & omnino suam cogitationem convertere ad puncta illius Exercitii, quod jam instat. Addo, cavendum hoc quoque, ne nimis legendo aut scribendo defatigetur animus, & quasi vires ejus exhauriantur; oportet enim salvam semper relinqui Meditationem, & cætera omnia huic uni servire.

III. Ut autem sciat is, quem instruendum hic suscepi, Sacerdos, quos præcipue libros aut materias legere debeat, ante omnia ei consulendum est, ut unum quotidie caput speciatim a me annotatum, mane, & alterum, si velit, for-

fortuito selectum, aut certe, si totum legere non placet, unam, alteramve sententiam aut paragraphum, a prandio ex libello de imitatione Christi legat, exemplo S. Ignatii Exercitiorum horum Auctoris, qui, & mirifica laude semper extollere hunc libellum, & pari fervore aliis commendare, ipsemet vero tantopere spiritum illius probare, tamque perfecte in se exprimere solebat, ut, quemadmodum Petrus Ribadeneira l. 1. c. 13. vitæ scribit, multorum iudicio, Vita Ignatii solida quædam, emnens, ac viva esset imago eorum præceptorum omnium, quæ aureo illo libello continentur. Nec immerito sane hunc libellum præ aliis suadebat, quia, ut Julius Nigrorius tract. 5. Alctet. c. 3. n. 15. recte pronunciavit, continet succum totius vitæ spiritualis, compendium perfectionis, quintam, ut ita dicam, essentiam religiosæ vitæ, ac sanctitatis, diuturnæ Meditationis Alembico per Virum experientissimum, tum ex aliis spiritualibus libris, tum ex ipsius Spiritus Sancti unctione expressam. Quem qui legit assidue, habebit, teste Ludovico Granatensi in præfat. ad hunc libellum a se in Hispanicum idioma conversum, fidum vitæ hujus vitæ comitem, solamen in adversis, Doctorem, Ducemque in dubiis: artem, praximque orandi hinc hauriet, ac pie vivendi normam, nec non bene, beateque moriendi scientiam. Dicit proinde eodem cum Seneca Epist. 54. *Vivit, viget, liber est, supra hominem est, dimittit me plenum ingentis fiducia. In quacumque positione mentis sim, cum lego hunc ( fatebor tibi ) libet omnes casus provocare.* Ex hoc itaque libello pro hodierno die, proque felici omnium subsequens lectionum auspicio legi potest cap. 2. l. 3. in quo illa præcipue verba non pro hac dumtaxat, sed secuturis etiam lectionibus cum singulari affectu usurpentur? *Loquere, Domine, quia audit servus tuus, verba enim vita aterna babes. Loquere mihi ad qualemcumque anima mea consolationem, & ad totius vita mea emendationem: tibi autem ad laudem, & gloriam, & perpetuum honorem.*

IV. Præter hunc libellum liber etiam quispiam doctrinalis ad instructionem Sacerdotum pertinens legi potest,

test, quales exempli gratia esse possunt, Ludovicus de Ponte tom. 4. ubi fule de statu, & officiis Sacerdotum agit. Sacerdos Christianus M. Ludovici Abellii. Jacobi Marchantii Virga Aaronis. Joannis Trithemii institutio sacerdotalis Monachii anno 1640. iterum recusa. Manuale Parochorum Caroli Musarti, Jacobus Mafsenius in Auctario Ducis viæ, ubi octo Meditationes proponit pro Sacerdotibus, quæ percommode pro lectione spirituali servire possunt. Tertia mea instructio de conversatione Apostolica, & quarta instructio Pastorum, quæ breviter complectuntur, quidquid ad Officium Sacerdotum spectat.

V. Sed & Sanctorum vitas interdum non inutiliter legi posset, S. Ignatius in annot. post primam hebdomadæ secundæ Meditationem insinuat, & ipsa etiam experientia confirmat, maxime si selectæ sint, & ei, qui Exercitia facit, accommodatæ, quales respectu Sacerdotum esse possunt Idea pii Sacerdotis, seu vita Jacobi Merlohorstii. Vita M. Joannis Avilæ. Vita P. Petri Foreri Canonici Regularis, & Parochi. Vita P. Petri Fabri e Societate JESU, quæ multas valde doctrinas Sacerdotibus accommodatas continet; Vita S. Caroli Borromæi, & S. Francisci de Sales, & similes.

VI. Denique præ reliquis etiam legi convenit, annotationes, vel additiones, regulasve, quas S. Ignatius libello Exercitiorum inseruit, & successive in charta separata tradi voluit. Et hodie quidem ante, quam auspicetur Exercitia, Annotationes, & Additiones ei dandas esse, Directorium c. 11. n. 5. & cap. 15. n. 8. monet, quas proin placet hic apponere notis brevibus, ubi opus videbitur, adjectis.

*Annotationes.*

I. Has Annotationes, ut in ipso titulo videre est, S. Pater eo fine a se compositas fuisse ait, ut aliquid intelligentiæ ad exercitia spiritualia afferant tam ei, qui traditurus est, quam qui accepturus. Unde quia hoc loco eum dumtaxat, qui accipit, instruere proposui,

sui, eas quoque annotationes, quæ ad ipsum pertinent, solas huc afferam, ut ipsum Directorium monet cit. c. 11. n. 5.

II. *Prima ergo est Annotatio, quod ipso nomine Exercitiorum spiritualium intelligitur modus quilibet examinandi propriam conscientiam: item meditandi, contemplandi, orandi secundum mentem, et vocem: ac postremo alias quascumque spirituales operationes tractandi, ut dicetur deinceps. Sicut enim deambulare, iter facere, et currere, exercitia sunt corporalia, ita quoque præparare, et disponere animam ad tollendas affectiones male ordinatas, et eis sublatiis ad quærendam, et inveniendam voluntatem DEI circa vitæ suæ institutionem, et salutem animæ, exercitia vocantur spiritualia.*

III In hac Annotatione S. Ignatius quasi in compendio breviter complexus est, quidquid ad exercitia ritè cognoscenda, & tractuose ebeunda pertinet. Nam I. Eorundem naturam per ipsum nomen *Exercitiorum* pulchre insinuavit. Significare scilicet volens, Exercitia hæc non in nuda quadam oratione, sed tali, quæ ad actionem referatur, & exercitatio dici mereatur, consistere; qui enim ita orat, vel meditat, ut nihil ulterius spectet, sed in sola persistat vel rei impetrandæ, vel etiam cognoscendæ cura, hic magis quiescit, & otiiatur, quam exerceatur, & laboret. II. Scopum quoque eorum sat clare insinuavit, dum scilicet per ea animam ad malas affectiones, ac voluntatem DEI inveniendam, seu, ut clarius, breviusque dicam, ad statum, vitæque ineundæ rationem optimam vel eligendam, vel reformandam, vel perficiendam præparari ac disponi dixit. III. Gradus etiam profectus, qui in his exercitiis quærendus est, non obscure per tria illa verba *deambulare, iter facere, currere*, indicavit; nam sicut ex his motibus unus altero perfectior est, eo quod is, qui ambulat, nec certum habet terminum, nec gressum admodum intendat; iter vero faciens, eo quod ad certum terminum tendat, nec diu in via morari



rari cupiat, hoc ipso gressum acceleret; currens autem celeritatem superaddat, omnesque vires intendat; ita in exercitiis quoque singulis hebdomadis sui quodammodo passus præscribuntur, & in prima quidem hebdomade, in qua finis tantum in genere ostenditur, & recessus ab eo factus deploratur, sit ambulatio dumtaxat; in secunda, & tertia, quia de certo vitæ statu eligendo, vel reformando agitur, perfectior sit motus, atque adeo itineri certum terminum habenti recte comparatur; in quarta denique hebdomade, quia amor alas addens quæritur, etiam accelerari merito profectus, atque adeo curius institui dicitur. IV. Denique ipsa etiam instrumenta ad finem exercitiorum obtinendum adhiberi solita per eandem annotationem sat clare innuuntur, dum scilicet per exercitia modum quemlibet examinandi conscientiam; deinde orationem, & meditationem, & alias operationes, a directore utique velut itineris Duce præscribendas intelligi dixit, quibus sane tribus instrumentis omnia, quæ ad veram reformationem, vel electionem status requiruntur, complexus est, cum per Examen conscientiæ quisque secum ipso agat, statumque animæ suæ recognoscat; per orationem vero, & meditationem agens cum DEO, quid faciendum, fugiendumve sit, discat, & lumen ac vires impetret ad faciendum, quæ intelligit fieri oportet; per communicationem denique cum prudenti viro adjuvetur, ut melius secum, & cum DEO rem transigat, simulque tutus reddatur ab erroribus, & insidiis Dæmonum.

IV. Secunda annotatio, & inter annotationes S. Patris tertia ordine est, quod cum in sequentibus Exercitiis spiritualibus utamur actibus intellectus, quando discurremus; voluntatis vero, quando afficimur, advertendum est in operatione, quæ præcipue est voluntatis, dum voce aut mente cum Domino DEO, aut Sanctis colloquimur, majorem a nobis exigi reverentiam, quam dum per usum intellectus circa intelligentiam potius moramur; hæc enim, cum ad voluntatem permovendam potissimum dirigatur, atque, adeo abstrahat a præsentia per-

sonæ alterius præsentis , nihil aliud , quam mentis feriam applicationem exigere videtur , alloquium vero DEI , aut Sanctorum , cum ad ipsos recta dirigatur , hoc ipso etiam reverentiam erga personam requirit , & , ut recte notat P. Cecottus , ob hanc ipsam causam verba quoque magis exquisita , quibus eos digne compellare possimus , exigit.

V. Tertia annotatio , & quinta in ordine viginti annotationum S. Patris , est , quod mirum in modum juvatur , qui suscipit Exercitia , si magno atque liberali animo accedens , totum studium , & arbitrium suum offerat suo Creatori , ut de se , suisque omnibus statuat id , in quo ipsi potissimum servire juxta ejusdem beneplacitum . De qua annotatione vel maxime dictum credi debet , quod in Directorio c. 3. n. 1 de annotationibus universim notatur , scilicet omnem diligentiam in ea observanda poni debere , quoniam quo diligentior quis in hoc fuerit , eo citius , & uberius inveniet fructum spiritualem , qui quæritur.

VI. Quarta annotatio , & in ordine duodecima est , quod cum in quolibet exercitio expendi debeat unius horæ tempus , curet semper ( is qui exercetur ) animi quietem in hoc reperire , quod plus temporis potius , quam minus insumpsisse sibi conscius sit . Frequens est enim Dæmoni hoc agere , ut præfixum meditationi vel orationi temporis spatium decurtetur . Ad quem ipsum finem collimat etiam decima tertia annotatio dicens , quod , cum facile sit , ac leve , affluente consolatione , integram contemplationis horam traducere ; difficillimum econtra incidente desolatione , idcirco adversus desolationem , & tentationem semper pugnandum est , producto ultra horam definitam exercitio , vincendi gratia . Ita enim non solum discimus resistere adversario , sed eum etiam expugnare . Neque ad hunc dumtaxat finem , juvat hæc ordinatio , sed etiam ad virtutum augmentum debitumque cultum DEO tribuendum , qui odit rapinam in holocausto , ideoque voluit , ut Abraham sacrificans volucres ab holocausto abigeret , donec totum fuit consumptum . Et sane per se indecenr videtur abire a colloquio , & con-

versatione cum DEO, antequam tempus ab eo definitum fuerit elapsum; quis enim non summe inurbanum diceret Aulicum illum, qui obtenta per summam gratiam audientia Principis maximi eam plus æquo prolixiorē esse quereretur, ideoque e conclavi, ante, quam dimissus esset, se proriperet?

VII. Quinta annotatio, & in ordine decima sexta est, quod, ut Creator ipse, Dominusque noster in sua creatura certius operetur, si accadat animam ad aliquid minus rectum affici, atque inclinari, summopere, ac totis viribus nitendum est in contrarium (ut puta, si ad officium, vel beneficium adipiscendum aspiret, non Divinae gloriæ, aut communis animarum salutis causa, sed commoditatis suæ, negotiorumque temporalium duntaxat) tunc affectus ad oppositum impelli debet per assiduas orationes, & alia exercitia pia, in quibus a clementia DEI oppositum petatur, videlicet hunc, ut ille animum offerat ipsi DEO, se tale officium vel beneficium, aut aliud quidvis jam non appetere, nisi priorem affectum adeo mutaverit, ut nihil jam omnino desideret, vel possideat alia ex causa, quam Divini cultus, & honoris. Quod idem etiam faciendum est, si modum, ac terminum Divinis donis ponere se velle quis adverteret, ita ut ad quosdam duntaxat limites, & non amplius illuminari vellet; nam, ut recte notat Directorium c. 2. n. 5. præterquam quod valde indecens est, ut creatura hoc modo agat cum suo Creatore. Valde etiam ipsi nocet; primum quia se ipsum privat illis majoribus donis, quæ DEUS forte daturus erat; deinde quia illa ipsa liberalitas, & restrictio, & ingratitudo erga DEUM meretur, ut ne ea quidem accipiat, quæ vellet accipere.

VIII. Sexta annotatio, & undecima in ordine est, quod exercenti se in prima hebdomada expedit nescire, quid in secunda sit acturus, sed ad consequendum illud, quod tunc querit, acriter laborare, perinde ac si nihil boni postea esset reperturus. Quæ annotatio utilis quidem est ad curiositatem vitandam, animumque uni objecto serio applicandum, tere tamen convenit iis

dumtaxat, qui prima vice faciunt Exercitia; alii namque facile divinabunt, quid in posterioribus hebdomadis sit meditandum, etsi & ipsi rectius faciant, si animum, & cogitationem a secuturis Meditationibus abstrahant, solique præsentis materiæ considerandæ acriter insistant.

IX. Septima annotatio, & postrema inter viginti S. Patris annotationes est, quod secundum successum communiorum tanto majorem faciet progressum spiritualis vite quanto magis ab amicis, notisque omnibus, & ab omni rerum humanarum solitudine sese abduxerit. Ex qua quidem loci secessione inter alias multas commoditates hæ tres præcipue consurgunt. Prima, quod exclusis Amicis, & familiaribus, negotiisque minus recte ordinatis ad DEI cultum, gratiam apud DEUM non mediocre meretur. Secunda, quod per hujusmodi secessum intellectu minus, quam antea distracto in diversas partes, sed collecta, redactaque omni cogitatione ad rem unam, scilicet ad obsequendum DEO Creatori suo, & salutis animæ suæ consulendum, multo liberius, ac expeditius utitur naturæ viribus in querendo eo, quod desiderat tantopere. Tertia, quod, quanto se magis reperit anima segregatam, at solitariam, tanto aptiorem seipsam reddit ad querendum, attingendumque Creatorem, ac Dominum suum, ad quem insuper, quo propius accedit, eo melius ad suscipienda bonitatis Divinæ dona disponitur.

### Additiones.

I. Etiam has pridie, quam incipiuntur Exercitia, dandas esse Directorium c. 15. n. 8. monet, ubi sequenti numero addit, curandum esse, ut exacte serventur, quia ex ipsis valde pendet fructus spiritualis Exercitiorum. Cur autem S. Ignatius ipsas Additiones vocaverit, non constat; forte ideo hoc nomine expressit, quia Exercitiorum Potentiarum (in quo norma, & modus meditandi reliquas Meditationes continetur) & cæteris quatuor subsequentibus Exercitiis subjunctæ, & additæ sunt, velut

spe-

speciales industriæ ad melius peragenda Exercitia, & ad ea, quæ optantur, inveniendâ peritiles, ut ipse S. Pater in hoc titulo insinuat; unde P. Balthasar Alvarez non solum in Exercitiis, sed etiam totius anni decursu eandem accurate observari volebat, uti in c. 2. §. 1. vitæ videre est.

II. Prima itaque Additio est, ut ego post cubitum, modico temporis spatio, quo recitaretur semel Angelica Salutatio, cogitem de hora, qua surgendum mihi erit, & de Exercitio faciendo. Hæc additio, ut per se patet, soli Meditationi, quæ vel media nocte, aut sub auroram instituitur, convenit, juvatque non modice ad nocturna somnia mitiganda, si hominem egregie sobrium, & vigilantem talis cogitatio deserat.

III. Secunda, ut erpergesactus statim exclusis aliis omnibus cogitationibus, animum ad illud applicem, quod in primo mediæ noctis Exercitio contemplaturus sum: Utque majoris verecundia, et confusionis gratia exemplum mihi hujusmodi proponam: Quomodo Miles aliquis staret coram Rege suo, et Cœtu Aulico erubescens, anxius, et confusus, qui in Regem ipsum acceptis ab eo prius beneficis, donisque plurimis, ac magis, graviter deliquisse convictus esset. In secundo itidem Exercitio reputans, quantum peccaverim, fingam me catenis vinctum esse, ac protinus sistendum coram summo Judice, sicut mortis reus quispiam, ferreis ligatus compedibus duci ad tribunal solet. His igitur vel aliis pro meditandarum genere cogitationibus imbutus, vestitu meo me induam. Etiam hæc additio, ut ipse S. Pater not. 2. insinuat, illi tantum Meditationi, quæ media nocte, vel sub auroram fieri solet, convenit, estque non parum utilis ad distractiones cavendas, licet recte aliqui advertunt, non nimis urgendam esse, ut etiam aliis aspirationibus sit locus.

IV. Tertia, ut a loco futura Meditationis uno vel gemino passu adhuc distans, per tantillum tempus, quo percurri Oratio Dominica posset, animo sursum elevato, considerem Dominum meum JESUM ut præsentem, & spectantem, quidnam acturus sum, cui reverentiam cum humili gestu exhibere debeam, quam additionem, P. Cecottus summi

momenti esse ait, ideoque magnificam aliquam, & amplam de infinita illa Majestate, abjectissimam vero de nobis opinionem formandam tuadet.

V. Quarta est, ut ipsam aggrediar Contemplationem, nunc prostratus humi, & pronus, aut supinus jacens, nunc sedens, aut stans, & eo me componens modo, quo speram facilius id consequi, quod opto. Ubi adverti duo debent. Primum, quod si flexis genibus, vel in alio quovis situ voti compos fiam, nil requiram ultra. Secundum, quod in quo affectus fuero quasitam devotionem, conquiescere debeo sine transcurrendi anxietate donec mihi satisfecero. Quam tamen additionem (saltem quoad prostrationem) in templo, aut coram aliis nunquam, sed domi duntaxat observandam, iterum monet S. Ignatius.

VI. Quinta est, ut completo Exercitio sedens, vel deambulans, per quartam circiter horæ partem, mecum dispiciam, quoniam modo Meditatio, seu Contemplatio mihi succederet. Et si quidem male, inquiram causas cum penititudine, ac emendationis proposito; sin vero bene, gratias DEO agam, eundem postea modum observaturus. Quam additionem P. Hugo Rott tanti momenti esse putat, ut sine ea vix quemquam in arte meditando progressum facturum putet. Præcipitur autem hoc examen triplicem ob finem. 1. Ut noxæ per negligentiam amissæ citius deleantur. 2. Ut major facilitas meditandi compareretur, dum causæ erroris cognoscuntur. 3. Ut fragmenta ex spiritali hac refectione colligantur, sive fructus Meditationis annotetur, si o casio id permittat.

VII. Sexta est, ut cogitationes, quæ gaudium afferunt, qualis est de gloriosa Christi Resurrectione, subterfugiam, quoniam talis qualibet cogitatio impedit fletum, & dolorem de peccatis meis, qui tunc quarendus est, adscita potius mortis vel judicii recordatione. Ex qua additione patet, quantopere S. Ignatius semper desideraverit, ut prima semper cura de Meditationis felici successu habeatur, atque ad eum obtinendum omnia alia exercitia, & industriæ dirigantur, id quod jam olim

olim etiam S. Bernardus ser. ad Fratres de Monte advertit dicens : *Lectiois modum similis Meditatio sequi solet. Lætat lectio, Meditatio pascit, Oratio illuminat, & confortat.* Proponenda igitur lecturo talia sunt, ex quibus semper aliquid occurrat, quod animum excitet ad amorem DEI, & contemptum sui; cetera delectare quidem mentem possunt, sed non adificare, quin potius mentem inficere, & in tempore orationis ac meditationis inutilia quæque vel noxia menti obicere.

VIII. Septima, ut eandem ob causam omni me privem lucis claritate, januis ac fenestris clausis tantisper, dum illic moror, nisi quamdiu legendum, aut vespendum erit. Quam tamen additionem in prima tantum hebdomada observari cupit S. Ignatius, nam in secunda hebdomada suadet, ut luce potius, vel sereno cælo delectetur is, qui exercetur, quatenus ad Scopum desideratæ rei attingendum conducit.

IX. Ut a risu, verbisque risum provocantibus maxime abstineam. Cum enim de serio negotio, reformatione scilicet vitæ, agatur, non decet aliquid committere, quod levitatis cuiusdam speciem, ut est risus inordinatus, præseferat.

X. Nona, ut in neminem oculos intendam, nisi salutandi aut valedicendi poscat occasio. Parum quippe proderit ad collectionem solitudo reliqui corporis, si oculus foris vagetur, animamque deprædetur, & abducat.

XI. Decima, ut aliquam addam satisfactionem seu pœnitentiam, quæ quidem in exteriorem, & interiorem dividitur. Interior est dolor de peccatis propriis cum proposito firmo cavendi tum ab illis, tum ab aliis quibuscvis in posterum. Exterior autem est fructus interioris, videlicet castigatio aliqua de commissis, quæ tribus potissimum modis assumi potest. Primo circa victum, subtrahis quibusdam non superfluis solum (quo temperantiæ est, non pœnitentiæ) sed etiam convenientibus alimentis. Et eo fit melius, quo plus subtrahitur, vita interim natura corruptione, aut debilitate gravi vel infirmitate. Secundo circa somni, & strati modum, sublati non mollibus tan-

tum aut deliciosis rebus, sed aliis etiam opportunis, quantum licet, circa vitam aut valetudinis grave periculum. Quapropter de somno necessario nihil demendum est, nisi aliquantisper ad consuetudinem (si cui est nimis somni) moderandam. Tertio circa ipsam carnem, ut inflatum sentiat dolorem, admotus gestatibusque ciliciis, funibus, aut vestibus ferreis, vel incussis verberibus, ac plagis, vel aliis austeritatis generibus assumptis. In quibus tamen omnibus magis expedire videtur, ut doloris sensus in carne tantum sit, nec penetret ossa cum infirmitatis periculo. Quare flagellis potissimum utemur ex funiculis minutis, quæ exteriores affligunt partes, non autem adeo interiores, ut valetudinem adversam causare possint. Porro circa has pœnitentias duo insuper bene advertenda sunt juxta mentem S. Ignatii. Primum est, quod triplex earum finis, & effectus sit, nimirum ut pro delictis præteritis nonnihil satisfiat: & ut vincat seipsum homo inferiorem sui partem, quæ sensualitas appellatur, Superiori, hoc est, rationi magis subjiiciens: Ut postremo quæramus atque impetremus aliquod gratiæ Divinæ donum, quod optamus, puta intimam contritionem cordis de peccatis, & abundantiam lacrymarum, vel propter illa, vel propter pœnas, & dolores Passionis Christi, aut dubii alicujus, quod nos angit, resolutionem. Secundum est, quod, cum pœnitentias ejusmodi omittamus sæpe ob affectum carnis, aut erroneum judicium, quasi naturalis nostra complexio illas ferre non possit, citra ingens valetudinis detrimentum; & e contrario justum nonnumquam pœnitentiæ modum excedamus de corporis robore nimis confidentes, sique optatus doloris vel consolationis affectus per eas quæsitus non inveniatur, expediat interdum mutare genera pœnitentiæ; sic enim eveniet, ut clementissimus Dominus, qui naturam nostram perfectissime cognoscit, unicuique id compertum reddat, quod ipsi expedit.

XII. Atque hæc sunt additiones a S. Ignatio præscriptæ, ex quibus ut optatus fructus reportetur, recte monet idem, examen particulare faciendum esse ad tollen-



tollendas culpas, & negligentias, quæ circa ejusmodi additiones, totaque Exercitia irrepere solent.

Alia tria puncta Sacerdoti specialiter observanda ad  
felicem Exercitiorum successum  
consequendum.

I. Etsi annotationes, & additiones hactenus allatæ plurimum conducant ad Exercitia fructuose obeunda, tria tamen adhuc supersunt, quæ a Sacerdote specialiter cognosci, ac studiose observari debent.

II. Primum est, ut, quemadmodum alibi jam monui, diligenter attendat, quis specialis fructus ab eo per hæc Exercitia intendi, ac quæri debeat, ut eo cognito tanto facilius opportuna media ad illum consequendum adhibere possit. Septemplex ergo fructum ab eo specialiter quærendum ajo, quorum primus est *Cognitio sui ipsius clarior*, sine qua fere desperanda est posteriorum fructuum consecutio, sed potius ipsi accommodari debebit illa Sponsi ad Sponsam Cant. 1. prolata sententia: *Si ignoras te, o pulcherrima mulierum, egredere, & abi post vestigia gregum tuorum*. Secundus est *Vocationis suæ major cognitio*, & *æstimatio*, ut digne ambulet vocatione, qua vocatus est. Tertius *Gratitudo* pro beneficio vocationis, ut jugiter DEUM sibi subvenire faciat per gratiam vocationis collatum, si collatum beneficium semper ante oculos assistat. Quartus *Dolor*, & *Confusio* ob negligentiam in implenda vocatione admissam, ut, dum sibi ipsi per talem dolorem stimulos addit, equorum more, celeriori cursu commissum errorem compenset. Quintus *serius*, & *efficax propositum*, totis viribus ad perfectionem Status sui propositam contendendi; cum juxta pium Ascetam l. 1. c. 19. *Secundum propositum nostrum cursus profectus nostri procedat*. Sextus *Dexteritas major* in ordinariis suis functionibus obeundis; quæ obtinetur per varias considerationes, & reflexiones super successu earundem suarum functionum secuto. Septimus est *Zeli inflammatio* tum ad gloriam Divinam propagandam,  
tum

tum ad suam, proximique salutem ardentius procurandam; nam hic proprie efficere debet, ut cum veritate dicere possit: *In meditatione mea exardeſcet ignis.* Pl. 38.

III. Secundum est, ut plane sibi persuasum habeat, indigere se in hoc negotio Duce, ac Præceptore, cuius monita, omni cum sinceritate ſequi debeat, idque ob tres præcipue causas. Primo, quia in re tanti momenti, tamque præſtanti negotio, arduoque ac periculoso itinere sine Duce facile erratur, cum præſertim amor proprius varias perturbationes excitet, & Diaboli calliditas, nulquam magis allaboret, quam ut animam ad virtutem tendentem dolis circumveniat, tum quia videt sibi prædam penitus eripi, si longius eam progredi ſinat: tum quia superbissimus Captator valde gloriatur, si quem a se deceptum per speciem virtutis ad vitia perducatur. Secundo, quia DEUS omnia suaviter administrat, atque adeo homines per homines regi cupit, unde, etiamſi quis maxime peritus, & ſpiritalis ſit, nihilominus ad hanc ſubmiſſionem DEO exhibendam debet ſe Ordini Divinæ providentiæ, ac proinde etiam homini, a quo DEI loco regatur, ſubjicere. Tertio, quia, cum hac perſuaſione animum imbuerit, facile præſtabit cætera, quæ erga hominem illum, a quo eſt exercendus, afferre debet, ſcilicet ut eundem tamquam DEI instrumentum ad hoc ſibi miſſum, ut eum dirigat, & perducatur per viam, quæ ad vitam ducit, intueatur, ideoque cum omni reverentia, alacritate, & confidentia excipiat, quæ ei proponet, & ſicut modo genitus infans ſine dolo lac concuſcat, ut in eo creſcat in ſalutem.

IV. Tertium eſt, ut non miretur, ſi brevius nunquam, quam optabat, puncta Meditationis vel a S. Ignatio, vel a me proponantur, id enim ea intentione factum eſt, ut ipſe aliquand. cogitando elicere conetur, ſicque guſtum inde jucundior, & fructum uberiores percipiat, nam, ut bene advertit Cecottus in ſuis notis ad Exercitia, in hoc ſecreſſu non tam lumen ſpeculativum, & abundantia ſcientiæ, quam lumen

men practicum, quod in sensu rerum, & gustu interiore consistit, quæritur; unde recte S. Ignatius annot. 2. monet, ut is, qui modum, & ordinem meditando alteri tradit, fideliter quidem narret puncta præcipua Meditationis, sed brevem dumtaxat declarationunculam adjiciat, ut ipsemet postea Exercitans manum admoveat, sicque & artem meditando, & cœlestes veritates facilius addiscat. Id quod idem Cecottus exemplo Musicæ pulchre declarat. Sicut enim numquam quis artem Musicam addisceret, si Magister quamvis egregius temper solus caneret, sed ipsum etiam Discipulum ad vocem flectendam, & exemplum a Magistro datum imitandum hortari debet; ita nec artem, & praxin meditando addiscet, qui puncta fusius ab aliis proposita dumtaxat meditari consuevit, & non ipse etiam propria consideratione aliquid cruere laborat. Quia tamen interdum aliqui Sacerdotes necdum assueti sunt Meditationi, ideo ut his quoque consulatur, viam monstrabo, & qua ratione puncta Meditationis dividere, sibi que applicare debeant, paulo fusius ostendam.

## EXERCITIA.

### PRIMÆ HEBDOMADÆ.

**U**T optatus ex hac hebdomade fructus reportetur, notandum est, duplicem eidem finem præfixum esse, generalem scilicet, & specialem. Generalis est, ut cognoscatur, quod aberraverimus a via ad ultimum finem ducente, dolorque concipiatur de errore tanto, propositumque hauriatur ad eundem quamprimum redeundi, & ad finem usque perseverandi. Specialis est purgatio animi perfecta, non a peccatis dumtaxat, sed affectibus etiam inordinatis; cum enim juxta S. Thomam 2. 2. q. 81. a. 8. perfectio hominis in duobus capitibus consistat, puritate scilicet, & immobili cum DEO unione; puritas autem in eo consistat, quod anima nulli alteri rei, quam DEO adhæreat, merito

merito in hac hebdomade viæ purgativæ respondente laboratur, ut anima non a peccatis dumtaxat, sed inordinatis etiam inclinationibus ad res creatas liberetur, atque in hunc finem salutaria media, inter quæ non poſtremum eſt Noviſſimorum memoria, adhibeat.

## PRIMA DIES

### MEDITATIO I.

#### DE FINE HOMINIS.

##### Tellera.

*Notum fac mihi, Domine, finem meum, ut ſciam quid deſit mihi. Pſal. 38.*

**P**RO meliori intellectu hujus Meditationis notandum eſt, eam a S. Ignatio Principium ſive Fundamentum vocari. Principium quidem, eo quod in ea de finis ultimi, ad quem homo creatus eſt, cognitione, & intentione agatur; hæc autem intentio in vitæ reformatione ſit principium practicum, ex quo tota actionum noſtrarum praxis perinde emanat, ſicut in ſpeculativis ſcientiis variæ concluſiones ex univerſalibus principiis deducuntur. Fundamentum vero vocatur, eo quod in ea velut baſi firmiſſima totius ædificii ſpiritualis moles ſuſtentetur. Porro textus hujus principii ſeu Meditationis a S. Ignatio in libello Exercitiorum propoſitus ſic ſe habet.

*Creatus eſt homo ad hunc finem, ut Dominum DEUM ſuum laudet, ac revereatur, eique ſerviens tandem ſalvus fiat.*

*Reliqua vero ſupra terram ſita, creata ſunt hominis ipſius cauſa, ut eum ad finem creationis ſuæ proſequendum juvent. Unde ſequitur, illis utendum vel abſtinentum eatenus eſſe, quatenus ad proſecutionem finis vel conferunt, vel obſunt.*

*Quapropter debemus, abſque differentia nos habere circa res*

*ea res creatas omnes ( prout libertati arbitrii nostri subiectæ sunt, & non prohibita ) ita ut, quod in nobis est, non queramus sanitatem magis, quam ægritudinem, neque divitias paupertati, honorem contemptui, vitam longam brevi præferamus, sed consentaneum est, ex omnibus ea demum, quæ ad finem ducunt, eligere, ac desiderare.*

Et si vero hæc tria capita sufficientem cuivis bene disposito intellectui materiam suppetere videantur, & ideo S. Pater nullum certum tempus pro hac Meditatione præscribat; ut tanto diutius huic fundamento intellectus insistere, intimeque illud penetrare possit; quia tamen aliquibus forte non sufficiet ad horam etiam unicam infumendam, atque adeo uberiores illi declarationem, vel applicationem desiderant, placet etiam hanc subjicere.

### Punctum I.

Confidera I. Cur homo a DEO creatus sit, quod videlicet esse suum naturale non ideo dumtaxat acceperit, ut Auctori naturæ perinde ut aliæ creaturæ obligatus maneret, sed insuper ex speciali amore, & Divina Ordinatione ad sublimiorem finem per gratiæ, aliorumque donorum supernaturalium communicationem fuerit elevatus, ut scilicet per actus supernaturales ipsum cognoscere, & amare; gloriamque ipsius excellentissimo modo promovere, & augere possit; hoc enim S. Scriptura indicat, dum Gen. 2. hominem ad imaginem DEI creatum fuisse dicit, ut videlicet, sicut DEUS seipsum perfectissime cognoscit; & amat, & per hoc infinite beatus est, ita & homo in hac quidem vita per cognitionem Fidei obscuram, & amorem liberum, in altera vero per visionem beatificam, & amorem perfectum cognoscat ipsum DEUM, & fruatur, sicque in hoc similitudinem, & imaginem DEI referat.

Confidera 2. Quam sublimis sit iste finis, utpote quo excelsior excogitari non potest, cum sicut DEO nil melius reperiri valet, ita nec illius possessione quidquam præstantius inveniri queat. Quam item *jucundus*, eo quod in  
lum-

summi boni possessione constit. Quam denique *facilis* quoad assuectionem; quid enim *facilius*, quam id velle, ad quod ipsa Natura, Ratio, & summæ felicitatis promissio inclinatur?

Confidera 3. Quam magnum tibi a DEO beneficium sit collatum, dum ex tam magno numero possibilium creaturarum, quas tamen DEUS vidit, perfectiori longe modo servituras sibi fuisse, te elegit, & ad tam excelsum finem creavit, & insuper, ut finem hunc facilius consequeris, tam sanum, integrumque corpus, tam capacem intellectum, aliaque dona naturalia; uti & Parentes, ac Pastores Catholicos (quæ omnia non paucis sunt negata) benignissime communicavit. Quam proin grato animo beneficium hoc agnoscere, atque adeo tantum Benefactorem totis viribus laudare, amare, eique servire debeas, dicens cum Psalmista Psal. 94. *Venite adoremus, & procidamus, & ploremus ante Dominum, qui fecit nos* (deprecando culpam, quod tam negligenter ei servierimus) *quia ipse est Dominus DEUS noster, nos autem populus ejus.* Colloquium ad SS. Patronos cum congruis affectibus.

## Punctum II.

Confidera 1. Quod DEUS non contentus creasse te, totum insuper Mundum velut amplissimam, & pulcherimam domum in obsequium tuum creaverit, omnesque in Mundo existentes creaturas velut instrumenta, quibus ad eum facilius, perfectiusque cognoscendum, & amandum juvaberis, tuæ potestati subjecerit, uti jam pridem S. David agnovit dicens Psal. 8. *Gloria, & honore coronasti eum, & constituisti eum super opera manuum tuarum: omnia subiecisti sub pedibus ejus.* Hinc Hugo Victorinus pulchre sic Mundum hominem alloquentem introducit: *Vide Homo, dicit Mundus, quomodo amavit te, qui propter te fecit me: Servio tibi, quia factus sum propter te, ut servias illi, qui fecit & me, & te; me propter te, & te propter se. Si sentis beneficium, redde debitum; si accipis benignitatem, redde charitatem.*

Con-

Confidera 2. Quam merito a te requirat DEUS, ut sis fidelis servus, & prudens; ut scilicet per prudentiam cognoscas, quomodo creatura quævis ad finem tibi præfixum consequendum conducatur, & per fidelitatem non aliter ea utaris, quam quatenus eam ad finem conducere cognoveris; atque adeo vere olim cum Elthere c. 14. dicere queas: *Domine, tu scis, quod nunquam latata sit Ancilla tua, ex quo huc (in Mundum) translata sum, usque in præsentem diem, nisi in te, Domine DEUS Abraham.*

Confidera 3. Quomodo tu hactenus fidelis, & prudentis servi officium impleveris, aut implere certe deinceps velis saluberrimum S. Francisci Borgiæ consilium sequendo: *Res conditas infra te ducas, & Salarum tantum ministerio adhibeas, quibus ad DEUM Architectum universi ascendere possis.* Colloquium ad B. Virginem.

### Punctum III.

Confidera I. Quam magnum insuper beneficium DEUS tibi concesserit, dum te non simpliciter ad gloriam suam, sicut alios homines creavit, sed etiam ad maiorem gloriam suam in te, & aliis procurandam, ad Sacerdotalem Statum vocare dignatus est, in quo tum per ipsam Status huius supremam dignitatem ad maiorem perfectionem sectandam, atque adeo finem etiam tuum perfectius consequendum incitareris; tum per Sacrificium Missæ velut gratissimum holocaustum, Officii quoque Divini quotidianam recitationem copiosius eum laudare; tum per Sacramentorum administrationem, aliaque Pastoralis curæ ministeria gloriam illius etiam in aliis procurare posses.

Confidera 2. Si Servus ad tanto maiorem fidelitatem, & diligentiam in Domini servitio adhibendam incitatur, quanto plus se a Domino dilectum, & exaltatum, quantoque plura bona ab eodem fidei, curæque commissa advertit, quam fideliter tu DEO servire, atque adeo vocationi, tuæ satisfacere debeas, qui ab ipso

iplo tantopere te amatum, animasque velut pretiosissimum suum thesaurum curæ tuæ, hdeiue commendatas fuisse agnoscis? an non quoties ad peccatum, aut inordinatum rei cuiuspiam creatæ amorem alliceris, in illa Josephi Ægyptiaci Patriarchæ verba errumpes: *Ecce Dominus meus, omnibus mihi traditis ignorat, quid habeat in domo sua; nec quidquam est, quod non in mea sit potestate, vel non tradiderit mihi, quo modo ergo possum hoc facere, & peccare in DEUM meum?* Gen. 39.

Confidera 3. An, & quomodo tu hactenus fidelitatem istam præstiteris, & præstare deinceps tanto impensius velis, quanto minus dignum te tam sublimi vocatione fuisse cognoscis. Colloquium ad Christum.

## MEDITATIO II.

### DE PECCATIS ALIENIS.

Hæc Meditatio a S. Ignatio Exercitium trium potentiarum vocatur, eo quod in eo velut practico Exemplo ostendatur, quomodo per memoriæ, intellectus, & voluntatis exercitium circa aliquam materiam discurrere, solidamque doctrinam, & affectus eruere debeamus; unde hic modus accurate perpendendus est, & in reliquis quoque primæ hebdomadæ Exercitiis usurpandus. Finis autem hujus Meditationis est cognoscere, quam graviter DEUS peccata in nobilissimis Creaturis puniverit, quamque adeo merito quisque timere debeat, ne, sicut in dignitate longissime cedit creaturis ejusmodi, ita multo minus quoque ipsi parsurus sit DEUS, atque adeo alieno malo sapere, ac peccata serio vitare discat.

Textus S. Ignatii.

*Oratio preparatoria est, qua petimus a Domino gratiam, ut vires atque operationes nostra omnes sincere ad ejus gloriam tendant.*

Pri-



Primum praludium est, ratio quadam componendi loci. Pro qua notandum est, quod in quavis Meditatione siue contemplatione de re corporea, ut puta de Christo, effingendus erit nobis secundum visionem quamdam imaginariam locus corporeus, id, quod contemplamur, representans, veluti templum aut domus, in quo reperiamus Christum JESUM vel Mariam Virginem, & cetera, quae spectant ad contemplationis nostrae argumentum. Sin autem speculationi subest res incorporea, ut est consideratio peccatorum nunc oblata, poterit loci constructio talis esse, ut si per imaginationem cernamus animam nostram in corpore isto corruptibili velut in carcere constrictam; hominem quoque ipsum in hac miseria valle inter animalia bruta exulantem.

Secundum erit praludium, ut a Domino id postulem, quod exopto juxta proposita Contemplationis argumentum, nimirum si de Christi Resurrectione fuerit meditandum, petenda erit latitua, qua gaudenti Christo congaudeam: sin de Passione, lacrymas, pœnas, & angores petam ad compatiendum Christo patienti. In presenti ergo Meditatione pudorem, confusionemque mei ipsius debeo exposcere, attendens, quam multi homines ob peccatum mortale vel unicum damnati fuerint, & quod ego toties damnationem sim commertus. Notandum ad hac, quod omni Meditationi seu Contemplationi pramitti debeant tam Oratio preparatorio, quam praeludia duo, sed Oratio quidem semper sit eodem modo, praeludia vero pro diversitate rerum sunt diversa.

### Punctum I.

Primum punctum erit, ut exerceatur memoria mea circa primum peccatum omnium, quod fuit ab Angelis commissum, addibito statim discursu intellectus, atque voluntatis motu, insignante me ad voluenda, & intelligenda ea, per quae erubescam, & confundar totus, facta unius tantum peccati Angelorum cum tot meis comparatione. Unde colligere liceat, cum illi ob unum crimen addicti sint infernq, quam saepe ipse supplicium idem merne-

meruerim. In memoriam itaque dicimus trabendum esse; quo pacto Angeli creati primum in statu gratiae, sed (quod necesse erat ad beatitudinis consummationem) non volentes per arbitrii libertatem, Creatori suo reverentiam, & obsequium praestare, at contra eum insolentes conuersi fuerint ex gratia in malitiam, & de caelo ad infernum praecipitati. Consequenter discurrendum erit per officium intellectus circa hac pensculatius, nec non concitandis simul voluntatis affectibus, acrius insistendum.

Ut hic discursus tanto fructuosius instituitur, proderit 1. dignitatem Angelorum tum ex natura ipsa (quod nempe fuerint purissimi Spiritus) tum ex praestantissimis donis tam naturalibus, quam supernaturalibus, qualia nulli puro homini (excepta forte B. Virgine) sunt communicata, colligere. 2. Pariter Statum miserrimum, & deformationem, in quem per peccatum unicum dejecti sunt, perpendere. 3. Cogitatione ad nos conuersa, naturam nostram cum Angelica, vilitatem nostram cum illorum dignitate, nostram inopiam cum illorum dotibus comparare, & salutarem inde timorem, odiumque peccati concipere erumpendo cum pio Asceta l. 3. de imit. cap. 24. in sequentes affectus: *Intonas super me iudicia tua, Domine, & timore ac tremore concutis omnia ossa mea, & expavescit anima mea valde. Sto attonitus, & considero, quia caeli non sunt mundi in conspectu tuo. Si in Angelis reperisti prauitatem, nec tamen pepercisti, quid fiet de me? ceciderunt stellae de caelo, & ego pulvis quid praesumo?* Colloquium ad SS. Patronos.

## Punctum II.

Secundum est punctum, easdem potentias tres, circa peccatum primorum Parentum (quod secundum appellabimus) exercere, tractando memoria, quam diuturnam ob illud poenitentiam egerunt: quanta humanum genus corruptio inuasit: quot hominum millia ad inferos deturbata sunt. Memorandum est videlicet, quomodo Adam in Damasceno campo de limo terrae factus, positusque in terrestri

vestri Paradiso, & Eva formata ex una costarum ejus, cum de fructu arboris scientiæ boni, & mali prohibiti essent comedere, & nihilominus comediissent, post peccatum subito ejecti sint, vestibus pelliceis induti, & originali justitia privati, reliquum vitæ suæ tempus, in laboribus, & ærumnis maximis, pœnitendo traxerint. Super his etiam ratiocinio intellectus, & affectibus voluntatis utendum erit, sicut prius.

In hoc puncto tria iterum præcipue consideranda sunt. 1. Status Adami ante peccatum cum eo, quem post peccatum sortitus est, comparandus erit. 2. Speciatim perpendendum erit, quod eadem pœna in omnes Adæ posteros sit propagata, ita ut, quidquid ab orbe condito ad hoc usque tempus homines sunt passi, & in æternum patientur, sint quasi scintillæ ab hac prima culpa originali provenientes, Divinæque justitiæ clarissima testimonia; quis enim non gravissime offensum Principem illum crederet, qui ob peccatum a rebellii Subdito commissum, universam stirpem puniret gravissime, & excinderet? 3. Unicum peccatum Adami in solo pomi esu prohibito consistens, & ex affectu Uxoris blanditiis cedente factum, de quo tamen statim doluit, & severam pœnitentiam egit, cum nostris innumerabilibus, ex deliberata malitia commissis comparare, & inde ex una parte infinitam DEI benignitatem, dum propter tot peccata necdum nos ad infernum deturbavit, agnoscere, & admirari; ex altera vero salutarem timorem concipere, ne, sicut tu, ratione pastoralis curæ susceptæ etiam Pater es Parochianorum tuorum, aut aliorum Subditorum, ita peccatum quoque tuum in illos, ob pravitatem exempli saltem, redundet, atque adeo gravius etiam a DEO castigetur.

### Punctum III.

*Tertium est, ut exerceamur pari modo circa peccatum mortale, & particulare quodlibet (ipsum nos tertium peccatum dicemus, ut a duobus suprapositis distinguatur)*

*considerando , quod peccato tali vel semel dumtaxat commissso forte , detrusi sunt multi ad infernum , quodque præterea prope innumeri ob delicta mea pauciora atque leviora forte crucientur aternis pœnis . Unde memoria versandum erit , quanta sit peccati gravitas , & malitia , DEUM omnium Conditorum , atque Dominum offendentis . Ratiocinandum quoque est , supplicium aeternum peccato juste irrogari , utpote adversus infinitam bonitatem DEI perpetrato . Postremo suscitandi sunt affectus , sicut jam dictum est .*

In hoc puncto cum S. Ignatius gravitatem peccati ex dignitate Personæ offensæ ostendat , proderit bene considerare tres titulos , ob quos specialiter DEUS per peccatum offenditur , quorum primus est titulus *Dominii* , quod scilicet sit Rex Regum , & Dominus Dominantium . Secundus *Conditoris* , ratione cujus plus quam Pater amandus est , cum ipse non corpus dumtaxat , sed etiam animam dederit . Tertius *Benefactoris* maximi , specialiter propter factam Redemptionem , ex quibus consideratis facile gravitas peccati deprehendetur ; si enim in hoc Mundo tam gravia censentur læsæ Majestatis , & parricidii crimina , quam grave esse debet peccatum in tantum Dominum , Patrem , & Benefactorem commissum , ut non immerito S. Augustinus dixerit : *Domine , qui te non amat , quia creatus est , infernum meruit , qui vero non amat te , quia redemptus est , meretur , ut novus pro ipso infernus fiat .* Unde 2. perpendendum erit , si tam multi propter unicum peccatum grave commissum , mox ad infernum detrusi sunt ; quantum tibi beneficium iterum collatum sit a DEO , dum tot , tamque gravia peccata committentem non modo non detrussit ad infernum , sed insuper tam bonam poenitentiae occasionem per hæc Exercitia offert , imo ultro ad eandem per tot stimulos invitat ; an non vel ex hoc solo capite novum detestandi peccata , & tam bonum Dominum amandi impulsus recipies , & Sacerdotem illum imitaberis , qui , ut in vitis Patrum legitur , cum Filiam Sacerdotis Ethnici deperisset , eamque sibi in Conjugem dari petiisset , &c. quia Sacerdos Ethnicus

nicus ex idoli sui mandato sic requisiverat, etiam DEUM, omnesque Cælites abjurasset, postea, ubi idolum quod Sacerdos Ethnicus, an nunc Filiam suam desponsare deberet, interrogaverat, respondisse audivit: *Non des illi, nec enim DEUS illum adhuc dereliquit*: adeo hoc responso compunctus est, ut in amarissimas lacrymas effusus ex illo momento firmissime statuerit, DEUM, qui se tam graviter delinquentem, & abjurantem necdum deseruerat, numquam amplius derelinquere, idque reipsa præstiterit.

*Colloquium fiet imaginando JESUM Christum coram me adesse in cruce fixum. Itaque exquiram mecum rationem, qua Creator ipse infinitus fieri creatura, & ab æterna vita ad temporariam mortem venire pro peccatis meis dignatus sit. Arguam insuper meipsum percontans, quid hactenus dignum memoratu egerim pro Christo? quid agam tandem, aut agere debeam? & in eum intuens sic cruci affixum ea proloquar, quæ suggeret mens, & affectus. Porro Colloquii proprium est, ut fiat sicut Amici sermo ad Amicum, vel servi ad Dominum, nunc gratia aliquid petendo, nunc culpam aliquam meam incusando, interdum propria, quæ libet, communicando, ac petendo consilium super illis, sive auxilium. Ultimo dicatur Pater noster.*

### Consideratio.

Prima hæc consideratio erit inspectio Status sui; unde examen instituetur in primis circa peccata, & defectus potiores, quibus adhuc obnoxius es, ut deprehensis morbis animæ, eorumque radicibus, tanto facilius media adhiberi, sicque perfecta sanitas obtineri possit.

II. Facto hoc Examine considerari breviter poterit, quantopere Sanitas spiritualis, seu liberatio a morbis hisce spiritualibus necessaria sit Sacerdoti curam Animarum gerenti; id ex eo deprehendere facile poteris, quod, sicut Operariis, & Artificibus temporalibus quivis morbus, vel ex eo etiam capite molestissimus est, quod a sperato lucro, & mercede operum, ac laborum suorum

impediat, ita Operario spirituali tanto gravior, ac molestior accidere morbus animæ seu peccatum debeat, quanto graviori a lucro, & augmento eundem impedit, videlicet primo a lucro, & incremento *gloria Divina*, cuius pars minima omnibus aliis lucris etiam collective sumptis præferenda est: dein a lucro *propria salutis & meritorum*, quod itidem pluris, quam alia lucra omnia temporalia, faciendum, cum nihil profit homini si mundum universum lucretur, animæ vero suæ detrimentum faciat: & tandem *aliena salutis* lucro, quod tanti faciendum est, quanti æstimationæ sunt ipsæ animæ, quæ omnes res alias mundi longissime antecedunt.

III. Quia vero morbi efficaciter curari non possunt, nisi radix morbi tollatur, ideo hæc specialiter indaganda est: deprehendetque, eam tibi jam pridem a S. Jacobo c. 4. fuisse indicatam, dum dixit: *Unde bella, & lites in vobis? nonne hinc? ex concupiscentiis vestris, quæ militant in membris vestris. Unusquisque enim, ut idem cap. 2. ait, tentatur a concupiscentia sua abstractus, & illectus; deinde concupiscentia cum conceperit, parit peccatum.* Vide proin cuius rei concupiscentia hætenus in tantum malum te præcipitarit, an honoris, aut voluptatum, aut divitiarum? & quomodo hanc radicem extirpare possis, scilicet eadem ferme ratione, qua concupiscentiam noxii cuiuspiam cibi tollere solemus, ut scilicet, sicut hoc in casu inprimis damna ex cibi talis sumptione oriri solita demonstramus, & postea ad cibum longe meliorem, saniozemque a nobis oblatum comedendum hortamur, ita ad internam quoque concupiscentiam rei hætenus inordinate concupitæ tollendam, falsitatem bonitatis, & damna bene perpendamus, simulque, quam omnis hæc apparens bonitas infinities perfectius in DEO possideatur, consideremus, illud Sap. 13. ad præsentem materiam accommodantes: *Quorum si specie dejectati Deos putaverunt, sciant, quid sit Dominator eorum speciosior est; species enim Generator hæc omnia constituit.* Claudatur hæc consideratio brevi oratiuncula, qua & venia præteritorum peccatorum suppliciter petatur, & gratia ad eadem deinceps cum radice extirpanda flagitetur,

tur, eundemque in finem etiam SS. Patronorum, & B. Virginis patrocinium imploretur.

### MEDITATIO III.

#### DE PECCATIS PROPRIIS.

**F**inis hujus Meditationis geminus est, nimirum ut & peccatorum nostrorum multitudinem cognoscamus, & eorum gravitatem, ut par est, æstimare discamus. Quem in finem tria a S. Patre Ignatio motiva suggeruntur, videlicet sceleritas peccati, offendentis vilitas, & offensi dignitas. Unde merito hæc Meditatio utilissima, & efficacissima judicatur, ad peccata detestanda, utpote quæ continet præcipua motiva ad illius horrorem incitantia. Cæterum in ipsis peccatis memorandis recte momenta Ascetæ, ne, in materia præsertim lubrica, personæ in memoriam accersantur, eo quod amor facile recrudescere soleat.

#### Textus S. Ignatii.

*Præparatoria Oratio eadem, qua supra.*

*Præius præludium exigit constructionem loci, ut in præcedente Meditatione.*

*Posterius vero fiet, poscendo id, quod hic quarimus, dolorem scilicet intensum de peccatis, atque abundantem fletum.*

#### Punctum I.

*Punctum primum sit processus quidam, per quem peccata totius vitæ in memoriam revocantur, percurfis gradatim, discussisque annis, & spatius temporum singulis. Qua in re triplici juramur compendio, consideratis videlicet locis habitationis nostræ, conversationum modis, & officiorum seu negotiorum, quibus functi sumus, generibus diversis.*

## Punctum II.

*Secundum est, peccata ipsa perpendere, quanta sit scæditas, & iniquitas ex natura sua, si vel probibita non essent.*

Hæc scæditas ex tribus capitibus colligi potest. I. Quod peccatum sit *aversio a summo bono, & ultimo suo fine*; unde sicut summa cujusque rei perfectio, & pulchritudo in eo consistit, quod fini suo conformiter operetur, ita e contrario si a fine suo aberret, summam scæditatem sortietur, maxime si finis sit summus, qualis homini præfixus est. II. Quod sit *conversio ad creaturam*, eamque loco DEI pro ultimo fine constituat; quæ inordinatio merito scædißima censeri debet; quis enim non scædißimum facinus ab eo commissum diceret, qui relictis cibis optimis, ad filiquas porcorum, & stercore comedenda se converteret? aut relicto fonte limpidissimo sitim ex turbidæ, scetidæque lacunæ aquis levaret? aut amorem a speciosissima Virgine ad leprosam Æthiopissam converteret; Hinc merito DEUS tam patheticis verbis hanc inordinationem, et scæditatem describit, dum Jerem. 2. dicit: *Obstupefice cæli super hoc, & portæ ejus desolamini vehementer; dicit Dominus. Duo enim mala fecit populus meus. Me dereliquerunt, fontem aquæ vivæ, & foderunt sibi cisternas, cisternas dissipatas, quæ continere non valent aquas.* III. Quod summam gloriam suam, id est, rationis in cæteras potentias, & membra imperium abjiciat, & brutorum in morem cupiditatibus serviat, quam scæditatem indicavit S. David Psalm. 48. dicens: *Homo, cum in honore esset, non intellexit: comparatus est jumentis insipientibus, & similis factus est illis.*

## Punctum III.

*Tertium est, considerare meipsum, quisnam aut qualis sim, ad idis exemplis, quæ me in majorem mei contemptum erabant, ut si mecum reputem, quantulus sim ad hominum omnium*



omnium cœtum comparatus : quid deinde sit multitudo universa mortalium, si cum Angelis, Beatisque omnibus conferatur : post hæc attendendum est, quid rei sit tandem, quidquid est creatum præ ipso Creatore. Jam quid homuncio ego unus esse possum ? Demum inspiciam corruptionem mei totius ; pravitatem animæ, atque corporis scditatem ; ac me tamquam ulcus sive Apostema esse ducam, ex quo tanta sanies peccatorum, tantaque vitiorum lues effluerit.

Juvabit etiam pro hoc puncto in memoriam revocare compendium brevissimum, quo hominis vilitatem S. Bernardus complexus est, dum dixit. *Quid fuit homo ? sperma fœtidum. Quid est ? saccus stercorum. Quid erit ? cibus vermium.* An non enim hæc perpendens merito in illa verba errumpes cum Jobo cap. 14. *Et dignum ducis super hujuscemodi aperire oculos tuos, & adducere eum tecum in judicium ?*

#### Punctum IV.

Quartum est ; cogitare quid sit DEUS, quem ita offendi, collectis, comparatisque perfectionibus attributis DEO, ut propriis, cum oppositis meis vitiis, summam scilicet ejus potentiam, sapientiam, Bonitatem, & Justitiam cum extrema mea infirmitate, ignorantia, malitia, & iniquitate.

Pro hoc puncto merito S. Bernardi sententia ob oculos habenda est s. 16. in Cant. sic loquentis : *Pensa cujus sit formidinis, & horroris tuum atque omnium contempsisse Factorem, offendisse Dominum Majestatis. Majestatis est timeri, Domini est timeri, atque maxime hujus Majestatis, & hujus Domini.* Nam si reum Regia Majestatis, quamvis humana, humanis legibus plecti capite sancitum est, quis finis contemnentium Omnipotentiam Divinam erit ? tangit montes, & fumigant, & tam tremendam Majestatem audet irritare vilis pulvisculus, uno levi flatu mox dispergendus, & minime recollegendus.

## Punctum V.

*Quintum, in exclamationem prorumpere ex commotione affectus vehementi, admirando valde, quomodo creatura omnes (discursu facto per singulas) me sustinuerint tandem, & hucusque vivum servaverint: quomodo Angeli Divina Justitia gladium ferentes, a quo animo me tulerint, custodierint, suisque etiam juverint suffragiis: quomodo pro me intercesserint Sancti: quomodo cælum, sol, luna, & alia sidera, elementa, cunctaque animantium genera, & terra germina, debita vindicta loco mihi servierint: quo denique modo non obsorbuerit me debiscens tellus, & mille infernos reserans, in quibus perpetuas pœnas daturus essem.*

Nec tamen in hoc iolo affectu consistere debet hujus Meditationis fructus, sed insuper etiam efficax detestatio præteritorum peccatorum, & serium propositum cavendum futura eliciendum est, unde majoris facilitatis causa Meditatio hæc in tria puncta dividi posset, & in primo quidem ipsa peccata, ut supra dictum, in memoriam revocari, eorumque multitudo peculiariter perpendi, cui considerationi commode affectus admirationis supra in ultimo puncto propositus subnecti posset. In secundo puncto peccati gravitas ex triplici motivo in tribus intermediis punctis explicato indagari posset, quantopere hæc gravitas augeatur, sic a sacerdote ejusmodi peccatum committatur. Primo quidem ratione *dignitatis*; sicut enim macula quævis in Attalica aut alia pretiosa veste multo foedior censetur, quam in crassa, & rudi materia, ita peccatum quoque tanto foedius, graviusque reputatur, quo dignior est persona, quæ illud admisit. Secundo ratione *officii*; cum enim ratione muneris sacerdotalis ad majorem sanctitatem, quam alii homines sectari solent, procurandam obligetur, ut dicere possit cum Christo: *Quis arguet me de peccato?* aliosque tanto liberius, efficaciusque corrigere possit; hoc ipso tanto gravior erit peccati ab eo commissi malitia, quanto major erat obligatio ad eandem devi-

devitandam. Tertio ratione *Beneficii* ; cum enim, quo majora, & plura quis ab offenso beneficia accepit, tanto major censeatur offensa, qua tantum Benefactorem lædere non horruit, merito Sacerdotis peccata tanto graviora, scœdioraque æstimari debent, quanto majus est beneficium vocationis ad altissimum Sacerdotii statum. Quarto ratione *advertentia* majoris, cum enim Sacerdos ob scientiam Theologicam magis penetrare, & æstimare peccati malitiam didicerit, hoc ipso tanto culpabilior est, si illam committat, quanto perfectiorem de ea cognitionem hausit. Unde merito DEUS ad Sacerdotem peccatorem illa Psalmistæ Psalm. 54. verba usurpare potest: *Si inimicus meus mihi maledixisset, sustinuissem utique. Tu vero homo unanimes, Dux meus, (id est, meo loco, ut alios duceres, constitutus) notus meus (ob majorem familiaritatem) qui dulces mecum capiebas cibos (per quotidianam Cibi Eucharistici sumptionem) quod tantopere me offenderis, merito mihi summopere displicet.*

*Terminanda demum erit hæc Meditatio per colloquium, extollendo infinitam DEI misericordiam, gratias pro viribus agendo, quod vitam ad hunc usque diem prorogaverit: unde proposita in futurum mei emendatione recitabø semel Pater noster.*

### Materia Læctionis.

Ex libello de imitatione Christi legi potest lib. 4. c. 7.

Ex libro Ascetico, & historico aliquot capita.

Ex libello Exercitiorum legi possunt priores Regulæ ad animi motus, quos diversi excitant spiritus discernendos, ut boni solum admittantur, & pellantur mali; quæ proin tanto consideratius legendæ sunt, quanto majorem inde Sacerdos notitiam hauriet, non ad sedumtaxat, sed alios etiam dirigendos, ut ambo observare studeant Apostolicum monitum Joan. 1. c. 4. *Nolite omni spiritui credere, sed probate spiritus, si ex DEO sunt.* Unde pro meliori intellectu harum regularum supponendum est ex communi Ascetarum doctrina, duo esse

esse principia, a quibus animi motus oriuntur, *internum* scilicet, quod est ipsa cujusque hominis natura, cujus motus pulchre, & fuse Thomas Kempensis l. 3. c. 54. explicat; & *externum*, quod iterum in *bonum*, quale est DEUS vel Angelus, & in *malum*, quale est diabolus, subdividitur; ad quæ proinde discernenda sequentes regulæ in compendium brevitatis causa redactæ a S. Ignatio in libello Exercitiorum sunt præscriptæ.

### Regula I.

Quod spiritus malus per illecebras carnis objectas, eos, qui facile peccant mortaliter, ad nova peccata allicere; bonus vero Spiritus conscientiam pungere, & a peccato absterreere soleat.

### Regula II.

Quod homines perfectionis studiosos malus spiritus per scrupulos, tristitias, aliasque perturbationes a profectu impedire nitatur; bonus vero spiritus per consolationes, mentisque illustrationes roborare, & ad progressum incitare conetur.

### Regula III.

Quod consolatio spiritualis sit lætitia quædam animæ amore Creatoris sui exorta, vel certe ad eundem impellens; quæ proin, si etiam in corpus redundet, sensibilis vocatur; sin minus, rationalis appellatur. Et si vero ejusmodi consolationes per se bonæ sint, & merito appetendæ, eo quod, ut P. Petrus Faber dicere solebat, non obscurum sint gratiæ præsentis indicium, efficiantque, ut anima hoc pabulo roborata impensius se Divino servitio mancipet; recte tamen monent Alceatæ, non esse iisdem nimium innitendum, eo quod veniant, & vadant. Unde *Verus amator Christi*, ait Thomas Kemp. l. 2. c. 9. *Et studiosus sectator virtutum non cadit super consolationes, nec quarit tales sensibiles dulcedi-*

*cedines, sed magis fortes exercitationes, & pro Christo  
duros sustinere labores.*

## Regula IV.

Quod desolatio sit tristitia quædam animi, & obte-  
nebratio torporem in amore, & servitio DEI inducens,  
& ad res terrenas amplectendas instigans. Unde utiles  
plerumque ejusmodi desolationes esse, unanimiter do-  
cent Alcetæ, casque theatrum, & arenam virtutis vo-  
cant, in quo præclara occasio majoris meriti, victoriæ  
sui, & amoris erga Deum demonstrandi offertur. Id  
quod egregie more suo Thomas Kempensis l. 2. c. 9.  
indicavit, dum dixit: *Non est grave, humanum con-  
temnere solatium, cum adest Divinum; magnum est, &  
valde magnum tam humano, quam Divino posse carere  
solutio, & pro bonore DEI libenter exilium cordis velle  
sustinere.*

## Regula V.

Quod tempore desolationis nihil, aut innovandum sit  
circa propositum animi, aut vitæ statum (intellige, si  
bonus sit hic status; si enim malus sit, utique ad emen-  
dationem impelli debet animus, ut cum DEO in gra-  
tiam redeat) Ratio autem hujus Regulæ recte a S. Igna-  
tio hæc assignatur, quod tali tempore homo a spiritu malo  
agitetur, cujus instigatione nunquam recte aliquid agitur.

## Regula VI.

Quod tempore desolationis adhibenda sint media,  
quæ contra desolationis impulsus tendunt, qualia sunt  
oratio, humilitas, patientia, discussio sui, ut si per  
culpam quamdam foræ causam dederit tali desolatio-  
ni, sublata causa ipse etiam effectus tollatur. Sic Chri-  
stus in horto orans docuit: sic Joannes Berckmannus  
Societatis nostræ Scholasticus, qui, cum desolatus erat,  
animum non demittebat, nec orationes, aliaque pietatis  
exer-

exercitia negligebat, sed ferventer DEUM interpellans, redde mihi, clamabat, lætitiā salutaris tui: emitte lucem, & veritatem tuam. Quod si quis putet, se orare non posse, suadent Alcetæ, ut saltem imitetur Mendicum ulceribus plenum, qui se in terram abjicit coram Medico, vel misericordī homine, &, licet verbum nulum dicat, oculis, vultu, & ipsis ulceribus perorât.

### Regula VII.

Quod, quamdiu desolatio præsens est, cogitandum sit, nos probationis causa nobis ipsis relinqui, ut per naturales quoque vires insultibus inimici nostri obistamus. Quod tamen Riccius p. 3. tr. 3. c. 8. raro contingere putat, eo quod non soleat DEUS imbecillibus humeris tam grave onus imponere. Sed illud firmiter persuadendum est, non solis naturalibus viribus in tali calu hominem relinqui, sed vere etiam gratiam, & auxilium Divinum adesse, licet ob defectum fervoris, & consolationis non ita sentiat.

### Regula VIII.

Quod ad desolationes, ut par est, sustinendas, singulariter profit patientiæ studium, & spes secururæ brevi iterum consolationis; uti jam olim etiam pius Alce-ta suasit l. 2. c. 9. dicens: *Cum ablata fuerit consolatio; non statim desperes, sed cum humilitate, & patientia expecta cœlestem visitationem, quoniam potens est DEUS ampliorem tibi redonare consolationem. Illud non est novum, nec alienum viam DEI expertis, quia in magnis Sanctis, & in antiquis Prophetis fuit sæpe talis alternationis modus.* Hinc Riccius l. c. monet, ejusmodi desolatum, etsi speret redituram consolationem, semper tamen paratum esse debere ad novas desolationes, imo persuadere sibi debere, plures fore desolationes, quam consolationes, eo quod ejusmodi desolationes sint singularia signa Divinæ providentiæ, & maximi erga nos amoris indicia, nostræ humilitatis fomenta, virtutis expe-

experimenta , seges meritorum , & præcipuum adju-  
mentum ad perfectionem .

## Regula IX.

Quod tres sint præcipue causæ desolationis , nempe  
ut castigetur tepiditas in spiritualibus Exercitiis : ut  
probetur homo , num gratis velit servire DEO : & ut  
agnoscat consolationes , & fervorem devotionis gratui-  
ta esse dona DEI , non nostris meritis debita . Unde  
sæpe citatus pius Asceta l. 2. c. 9. ait : *Cum igitur spi-  
ritualis a DEO consolatio datur , cum gratiarum actione  
accipe eam , sed DEI munus intellige esse , non tuum me-  
ritum . Noli extolli , noli nimium gaudere , nec inaniter  
presumere , sed esto magis humilior ex dono , cautior quo-  
que , & timorator in cunctis actibus tuis : quoniam trans-  
ibit hora illa , & sequetur tentatio .* Ex his tamen tribus  
causis posteriores duæ plerumque in iis dumtaxat , qui  
virtuti impensius student , locum habent ; prima vero  
potissimam causam desolationibus præbet , maxime si  
ad teporem , uti communiter fieri solet , etiam inordi-  
natus amor ad res aliquas creatas accedat ; uti iterum  
bene advertit Thomas Kempensis l. 1. cap. 21. dum ait :  
*Quod Divinas ( consolationes ) non habemus , aut rarius  
sentimus , nos in culpa sumus , quia compunctionem cordis  
non querimus , nec vanas , & externas omnino abjicimus .*

## Regula X.

Quod is , qui consolatione fruitur , prospicere de-  
beat , quomodo gerere se velit , si desolatio succedat ,  
ut ad illam debito modo supportandam præparare se  
possit ; quod consilium jam olim etiam pius Asceta l.  
3. c. 7. approbavit dicens : *Consilium bonum est , ut fer-  
voris spiritu concepto , mediteris , quid futurum sit absce-  
dente lumine .*

## Regula XI.

Quod affluente consolatione meminisse debeat , quam  
igna-

ignavus sit, & pusillanimis desolatione ingruente, ne complacentiam, quæ consolationes plerumque sequitur, admittat, sicque collatum gratuito donum admittere mereatur; *qui enim pacis tempore nimis securus esse voluerit, saepe tempore belli nimis dejectus, & formidolosus reperietur.* Ait iterum Thomas Kempensis loc. cit. Hinc mox in Persona DEI addit: *Si scires semper humilis, & modicus in te permanere, nec non spiritum tuum bene moderari, & regere, non incideres tam cito in periculum, & offensam.* Sicut autem tempore consolationis animum deprimere, ita, ubi desolatio ingruit, eundem per spem adfuturæ gratiæ Divinæ erigere debet, minor, quod non patiatur tentari DEUS hominem supra id, quod debet, sed faciat etiam cum tentatione proventum.

### Regula XII.

Quod Dæmon consuetudinem imbellis mulieris imitetur, quæ mox abjicit animum, si maritum erecto animo, vultuque advertit obistere; secus, si timidum esse cognoscat. Sic nempe, & Dæmon, est leo, si cedas: si stas, ut musca recedit. Hinc S. Jacobus c. 4. hortatur: *Resistite Diabolo, & fugiet a vobis.*

### Regula XIII.

Quod idem Dæmon vehementer laboret, ne fraudulentæ suæ suggestiones Viris spiritualibus detegantur, perinde, ac impuri amatores virginem seducere volentes summo opere procurant, ne sua consilia parentibus innotescant, quia uterque hoc pacto de conatibus suis actum putat. Hinc aliis pudorem, ac verecundiam, seu præposteram reverentiam eorum, quibus secreta essent aperienda, aliis suspicionem, diffidentiam, & timorem objicit: nonnullos abalienat ab iis, quos deberent consulere, alios vana sui fiducia fallit, ut existiment hujusmodi detectionem sibi non adeo esse necessariam.



## Regula XIV.

Quod idem Dæmon iterum imitetur belli ducem , qui arcem quampiam oppugnaturus , explorat , quænam pars mœnium præ cæteris sit maxime debilis , & ex eo loco arcem oppugnat , ut proin circa illa vitia , in quibus vincendis maxime se adhuc debilem esse advertit , præcipue vigilandum , fortiterque contra insultus Adversarii pugnandum sit.

## Materia Scriptionis

Cum totus hic dies in indagandis propriis peccatis , eorumque radicibus consumendus sit , atque adeo ad Confessionem etiam generalem ab ultima saltem simili Confessione factam præparatio suadeatur , utiliter quoque hodie pro materia scriptionis hæc ipsa peccatorum annotatio cum remediis ex meditatione haustis , assugetur , ut vel ex ipsa scriptione peccatorum suorum cumulum clarius cognoscat , atque adeo ad majorem pudorem , & dolorem excitetur.

## SECUNDA DIES.

**S**Copus hujus diei est , salutaria media contra peccatum præparare ; quia vero inter hæc media non postremum jure merito censetur novissimorum consideratio , uti DEUS ipse per Siracidem c. 7. indicavit dicentem : *in omnibus operibus tuis memorare novissima , & in æternum non peccabis*. Et iterum Deut. 32. c. *Utinam saperent , & intelligerent , & novissima providerent*. Hinc post peccatorum considerationem communiter meditationes de prioribus saltem tribus novissimis , utpote quæ magis ad compunctionem , & horrorem peccatorum ingenerandum conducere videntur , morte videlicet , judicio , & inferno instituuntur. Etsi vero S. Ignatius nec de morte , nec de judicio ullam Meditationem libello Exercitiorum inferuerit , expresse tamen

L.

post

post quintum Exercitium monet, si visum fuerit expedire ad profectum eorum qui exercentur, posse alias Meditationes de morte, & iudicio adjici.

Theſſera.

*Eſſote parati, quia qua hora non putatis, Filius hominis venit.* Luc. 12.

## MEDITATIO I.

### DE MORTE SACERDOTIS.

Præſidium I. Eſt, proponere ſibi ob oculos, hominem in lecto jacentem, & morti vicinum, atque ex una parte quidem Angelum Cuſtodem, ex altera vero caco-dæmones adſtantes, & animæ egreſſum ſolicite expectantes.

Præſidium II. Eſt, petere a DEO gratiam; qua, & mortis acerbitem rite cognoscere, &, quænam ad eam ſanctè obeundam præparatio adhibenda ſit, rite cognoscere queas.

#### Punctum I.

Confidera I. Tres primarias conditiones mortis, videlicet quod I. *ſit certiffima quoad ſubſtantiam*: cum ſtatutum ſit omnibus hominibus ſemel mori, teſte Apoſtolo cap. 9. ad Hebr. & ſicut in Adamo omnes peccavimus, ita per peccatum quoque illius mors in omnes tranſierit. II. *Quod incertiſſima ſit quoad circumſtantiam* temporis, loci, & modi, unde rectè Thomas Kempenſis l. 1. cap. 23. ait: *Ab ſtulte, quid cogitas, te diu victurum, cum nullum diem babeas hic ſecurum? quam multi decepti ſunt, & inſperate de corpore extracti? Quoties audiſti a dicentibus, quia ille gladio cecidit, ille ſubmerſus eſt, ille ab alto ruens cervicem fregit, ille manducando obriguit, ille ludendo finem fecit. Alius igne, alius ferro, alius peſte, alius latrocinio interiit,*

*Et sic omnium finis mors est, Et vita hominum tamquam umbra subito pertransit. III. Acerbissima quoad presentiam: quia corpus morbis, & doloribus, anima per conscientiam præteritorum, & metu futurorum usque adeo angustabitur, ut merito cum S. Davide Psal. 17. exclamare possit moribundus: Circumdederunt me dolores mortis, Et torrentes iniquitatis conturbaverunt me: præoccupaverunt me laquei mortis; nec immerito aliqui cum Aristotele, mortem omnium terribilium terribilissimum dicant, maxime si quis prius opibus, voluptatibus, honoribus, aut charis hominibus inordinato amore adhæserit, & hæc omnia tunc derelinquenda esse cognoverit; tunc enim vere implebitur, quod Siracides c. 41. dixit: O mors, quam amara est memoria tui, homini pacem habenti in substantia sua.*

Considera II. Quam merito proinde Christus Luc. 12. ad mortem semper præ oculis habendam, & dignam præparationem suscipiendam hortatus sit dicens: *Estate parati, quia qua hora non putatis, Filius hominis veniet;* cum plane a morte pendeat felix, aut infelix æternitas; nullaque sit magna satis securitas, ubi periclitatur æternitas.

Considera III. An, & quomodo tu mortem ob oculos habueris, & deinceps habere velis, saluberrimum S. Bernardi consilium med. cap. 3. sequens: *Quoniam igitur mors te ubique expectat, tu quoque, si sapiens fueris, ubique eam expectabis:* Sic enim mors ipsa, cum venerit, vincetur, si prius, quam venerit, semper timeatur, ut sapienter S. Gregorius hom. 33. in Evang. advertit. Colloquium ad SS. Patronos.

## Punctum. II.

Considera I. Qualem præparationem ad mortem Christus suaserit, nimirum ut sint lumbi nostri præcincti, & lucernæ ardentes in manibus nostris, id est, ut, & ab omni rerum terrenarum inordinato usu, atque adeo ab ipso etiam peccato abstineamus, & magno fervore, charitatis opera tam erga DEUM, quam erga

proximum exerceamus, hoc enim est lumbos præcinctos habere, & lucernas ardentes in manibus tenere.

Confidera II. Quam solida, & apta sit hæc præparatio ad beatam mortem obtinendam, cum mors sit Echo ipsius vitæ, ideoque *non possit*, teste S. Augustino de doctr. Christ. *male mori, qui bene vixerit*; unde merito Thomas Kempensis l. 1. cap. 23. ait: *Quam felix, & prudens, qui talis nunc nititur esse in vita, qualis optat inveniri in morte*. Quis enim in morte non optaret optime, sanctissimeque vixisse?

Confidera III. Quam felix ex hoc capite fit Sacerdotum status, ut qui ob dignitatem talis status tam præclaram offerat occasionem, & obligationem tam ad charitatem erga DEUM, quam ad charitatem erga proximum exercendam, quamque adeo sollicitè vocationi suæ satisfacere, nec se tantum prædicto modo ad beatam mortem præparare, sed etiam alios ad eundem finem juvare, sicque moribundis prompte, & constanter assistere debeat, ut DEUS illi pari mensuram remetiatur, beatamque mortem perinde concedat, ac aliis ipse procuravit. Colloquium ad B. Virginem rogando, ut, sicut Mater Machabæorum olim septem Filios ad mortem fortiter obeundam animavit, ita ipsa quoque in terribili mortis agone fideliter assistere, atque ad extremam luctam fortiter peragendam animare, & juvare dignetur.

### Punctum III.

Confidera I. Quam pretiosa in conspectu Domini futura sit mors, quam talis præparatio præcessit; *pretiosa plane*, inquit D. Bernardus in Epist. *Quia finis laborum, victoria consummatio, vita janua, & perfecta securitatis ingressus*. Unde etiam Apocalypsis 14. dicitur: *Beati mortui, qui in Domino moriuntur*. *Amodo jam dicit spiritus, ut requiescant a laboribus suis; opera enim illorum sequuntur illos*. Et vero etiam ipse Christus in Parabola Luc. 12. de servo vigilante proposita indicavit, dum dixit: *Beatus ille servus, quem, cum venerit*

*erit Dominus, inveneris vigilantem. Amen dico vobis, super omnia bona constituet eum.*

Confidera II. Si tanto jucundior est quies, quanto graviores labores præcesserunt: si tanto gloriosior, & jucundior victoria, quanto difficilius certamen præcessit: si tanto denique merces amplior, quanto præstantiora obsequia sunt exhibita; quam beata, quam jucunda, quam gloriosa mors Sacerdotis esse debeat, quam tam laboriosa vita inter præstantissima geminæ charitatis exercitia feliciter exacta, & tam multiplex, ac difficile certamen tam ante, quam in morte processit. An non cum insigni lætitia in illa S. Pauli 2. Tim. 4. verba erumpet: *Bonum certamen certavi, cursum consummavi; fidem servavi, de reliquo reposta est mihi corona justitiæ &c.*

Confidera III. An non hæc ipsa causa sufficiens tibi esse possit, ut totis viribus deinceps vocationi tuæ satisfacere, & omnia boni Sacerdotis officia singulari studio implere cõneris, illud Balaami num. 23. usurpans: *Moriatur anima mea morte justorum, (& zelosorum Sacerdotum) & fiant novissima mea bonorum similia.*

Colloquium instituetur ad Christum, rogando illum per beatissimam mortem suam, ut & tibi prius gratiam recte vivendi, & postea etiam bene moriendi concedere dignetur.

## MEDITATIO II.

### DE EXTREMO JUDICIO.

#### Punctum 1.

Confidera I. Quod quatuor præcipue capita judicium aliquod metuendum faciant; severitas scilicet Judicis, accusantium vehementia, adstantium multitudo, & auctoritas, sententiæ pronuntiatio; quodque hæc omnia speciali quadam ratione in extremo judicio concurrant. Nam 1. Judex erit severissimus triplici ex capite, nempe quia de omni verbo, & cogitatione, ac opere

L 3 ratio-

rationem reddet, & ipsas etiam justitias judicabit: deinde quia severissimam pœnam exiget de omni delicto: & tandem quia inflexibilis est, &, ut S. Augustinus l. 3. de Symb. loquitur, nec gratia prævenitur, nec misericordia flectitur, nec pecunia corrumpitur, nec pœnitentia mitigatur. II. Accusantes erunt non tantum Dæmones, qui tanto ferocius insultabunt, quanto majori in hominem quemvis odio, invidiaque flagrant; sed etiam SS. Angeli Custodes, imo ipsa propria conscientia, quorum salutaria monita, ac stimulos tam imprudenter negleximus, ut vere adeo de his dici nunc queat: *Inimici hominis Domestici ejus*. III. Adstantes erunt omnes Sancti, sed & omnes reliqui homines ad infernum damnati, qui non modo propria sua, sed tua etiam opera, quæ occultissima olim putabas, cognoscent, justissimumque DEI judicium approbabit. IV. Tandem sententia vel ex eo capite singulariter metuenda erit, quod per eam quisque ad æternitatem, vel felicissimam, vel miserrimam sit damnandus, nec ulla ab ea appellatio, vel mutatio umquam sit speranda, sed, ut Ecclesiastes c. 11. prædixit, *si ceciderit lignum ad Austrum vel Aquilonem, in quocumque loco ceciderit, ibi erit per totam æternitatem*, ut adeo vere de hoc die dixerit Propheta Joel. c. 2. *magnus dies Domini, & terribilis valde, & quis sustinebit eum?*

Considera II. Si dies hic tam metuendus sit futurus etiam iis, qui de se ipsis tantum rationem reddere debebunt, quantopere eum timere debeant Sacerdotes curam animarum gerentes; atque adeo de omnibus istis animabus rationem reddituri? cum unius animæ salus tanti facienda sit, teste S. Chrysostomo hom. 3. in cap. 1. Act. ut nulla ratio possit existimare.

Considera III. Quam æquum sit, ut deinceps tibi illam Servatoris admonitionem Luc. 21. applies: *Vigilate itaque omni tempore orantes, ut digni babeamini fugere omnia ista, quæ futura sunt*. Vide ergo, quomodo te ad hoc Judicium præparare debeas, & velis. Colloquium ad SS. Patronos.

## Punctum II.

Considera I. Quæ potissimum media conducant ad leniendum judicem, & favorabilem sententiam obtinendam, nimirum si bonam causam, bonos Advocatos, & amicum Judicem habeat.

Considera II. Quæ sit bona causa respectu supremi Judicii, si videlicet aut nulla culpa commissæ sit, aut certe per debitam poenitentiam deleta; cum DEUS judicare non soleat illos, qui seipsos in hac vita per poenitentiam dijudicare solent, uti S. Paulus I. Cor. 11. dixit. Quinam item optimi Advocati, nempe B. Virgo, aliique Cœlites, quos pio, & constanti cultu, aliisque obsequiis demereri nobis studuimus. Quæ denique amicitia Judicem lanire maxime soleat, si videlicet nostrum erga ipsum amorem tum per varias tribulationes pro, & cum ipso toleratas, tum per varia opera charitatis, & misericordiæ proximo exhibita ostenderit: sic enim quoad primum amicitiae indicium testatus est Thomas Kemp. l. 2. c. 12. dum dixit: *Hoc signum crucis erit in cœlo, cum Dominus ad judicandum venerit. Tunc omnes servi crucis, qui se crucifixo conformaverunt in vita, accedent ad Christum Judicem cum magna fiducia.* Quoad alterum vero indicium id satisclare Christus ipse confirmavit, dum Matth. 24. dixit, se ideo electos ad beatitudinis regnum vocaturum, eo quod misericordiæ opera erga alios exercuerint, ipse autem, quod uni ex minimis suis præstitum fuit, sibi factum reputet.

Considera III. Quam vel ex hoc etiam capite Sacerdotum status felicissimus sit judicandus, quod tam præclaram habeat occasionem, & sanctius vivendi, & Cœlites, quorum laudes, & honorem variis modis celebrare, & promovere solet, sibi demerendi, & opera misericordiæ non solum corporalia, sed etiam spiritualia utpote longe præstantiora exercendi. Vide proin, quomodo hæc media hactenus usurparis, & usurpare deinceps velis. Colloquium ad B. Virginem.

## Punctum III.

Confidera I. Quanta gloria, & honor Sanctis fit obventurus ex eo, quod tota eorum vita inter tam præclaras sui victorias, aliaque præstantia facinora transacta omnibus hominibus, & Angelis manifestabitur: quando stabunt in magna constantia adversus eos, qui se angustiaverunt, & qui abstulerunt labores eorum. Et hi ipsi videntes tam subitam mutationem turbabuntur timore horribili in subitatione insperatæ salutis, dicentes intra se, poenitentiam (sed seram, & infructuosam) agentes, & præ angustia Spiritus gementes: Hi sunt, quos aliquando habuimus in derisum, & in similitudinem improprietatis; nos intensati vitam illorum æstimabamus insaniam, & finem illorum sine honore, ecce quomodo computati sunt inter Filios DEI, & inter Sanctos fors illorum est. Sap. 5.

Confidera II. Si Homines tanta agunt, & patiuntur in hoc Mundo, ut gloriam falsam, vanam, & brevem apud paucos homines, ad quos fama facti perventura est, sibi comparent, quid te facere oporteat, ut gloriam veram, & immortalem, apud DEUM, & Angelos, ac Homines omnes obtinendam promerearis.

Confidera III. Cum Sacerdotalis Status sicut dignitate, & officio longe Statibus aliis præcellit, ita opera quoque longe præstantiora exercendi occasionem multo crebriorem offerat, quantopere tu iterum ob vocationem ad hunc Statum gaudere, DEO gratias agere, atque ut Sacerdotum optimorum gloriosum exitum considerans, vestigiis eorundem acriter insistas, in illa Josephi, & Azariæ Machabæorum l. 1. c. 5. verba erumpere debeas: *Faciamus & nos nobis nomen: & eamus pugnare adversus Gentes, quæ in circuitu nostro sunt, gloriamque DEI, & nostram, aliorumque salutem impedire moliantur.*

Colloquium ad Christum illa Ecclesiæ verba cum affectu singulari usurpando: *Iuste Iudex ultionis, donum fac remissionis, ante diem rationis. Ingemisco tamquam*



*quàm vens, culpa rubet vultus meus, supplicanti parce  
DEUS. Recordare JESU pie, quod sum causa tua via,  
me me perdas illa die. Quarens me sedisti lassus, redemi-  
sti crucem passus, tantus labor non sit cassus.*

## Consideratio.

## De Linguae Custodia.

In hac consideratione, quæ ideo hic præscribitur, quod experientia constat, nullo fere membro frequen-  
tius, & gravius delinquere Sacerdotes quàm lingua,  
cum tamen ut infra môx dicetur, illi præ aliis in lin-  
guæ custodia seu arte loquendi excellere deberent, tria  
præcipue perpendenda sunt.

Primo in quibus præcipue capitibus linguæ custodia  
consistat, videlicet in sequentibus tribus. 1. Ut *consi-  
derate* loquaris; quèm in finem aliqui suadent, ut os  
perinde ut oculos pecunia plenos aperiamus, atque ad-  
eo, sicut ante, quàm pecuniam ex oculis promamus,  
prius, an necessitas, utilitas, aut charitas id exigant,  
perpendimus; ita idipsum ante, quàm os referemus,  
consideremus; unde sicut Religiosus quidam, ne temerè  
e cella exiret, ostio cellæ hæc tria verba, *Necessitas,  
Utilitas, Charitas*, inscripsit, ut hac ratione semper me-  
minisset, quæ causa ad cellam deferendam impellere  
deberet, ita Sacerdos quoque eadem tria verba ori suo  
quasi inscripta imaginari, per eaque ad considerate lo-  
quendum impellere se debet. 2. Eadem ars loquendi re-  
quirit, ut *graviter* loquaris, id est, ut ab omni verbo  
vano, levi, minus honesto, & ædificatorio studiose  
abstineas; nam, ut sapienter advertit Hugo lib. 2. de  
anima, *vanus sermo vana conscientie est index, mores  
hominis lingua pandit; qualis sermo ostenditur, talis ani-  
mus approbatur, quoniam ex abundantia cordis os loqui-  
tur*. Nimirum sicut, si dolium vini percussum, alte  
resonet, signum est, parum aut nihil vini in eo con-  
tineri, ita Sacerdos in levia, & vana verba prorum-  
pere solitus clarum indicium præbet, parum se de vir-  
tute,

tute, ac profectione possidere, atque adeo auctoritatem suam, famamque non modice imminuit. 3. Ut *charitative* loquaris, atque adeo, sicut alios tecum, & de te loqui optares, ita & tu cum, & de aliis, nimis mirum mansuete, & honorifice, sermonem misceas, quem in finem cavendum erit, ut neque Divinum Numen blasphemias, aut juramentis illicitis, neque Proximum convitiis, detractionibus, murmurationibus, mordacibusve, aut asperis vernis lædas, memor semper sapientissimi moniti a Tobia Seniore Filio dati c. 4. *Quod ab alio oderis fieri, vide, ne aliquando alteri facias.*

Secundo perpendendum est, quare Sacerdos specialiter linguam diligenter custodire, artemque loquendi studiose addiscere debeat; nempe quia hoc ipso, quod Sacerdotii Ordinem, & curam pastorem suscepit, etiam obligationem offerendi Sacrificii, Officii Divini recitandi, Verbi Divini prædicandi, & Sacramenta administrandi suscepit; quæ omnia munera cum per linguam velut primarium membrum peragantur, an non merito dici potest, illius linguam specialiter D E O consecratam, atque adeo indecens esse, ut ad profana, & mala verba adhibeatur. Id quod bene S. Bernardus agnovit, dum sequentem notatu sane dignissimam sententiam pronuntiavit: *Inter seculares nuga, nuga sunt: inter Sacerdotes blasphemia. Consecrasti os tuum Evangelio, talibus jam aperire illicitum, assuescere sacrilegum.* Sacerdotibus ergo præ omnibus aliis illud Eph. 4. observandum est: *Omnis sermo malus ex ore vestro non procedat, sed si quis bonus ad edificationem, ut det gratiam audientibus.* Atque adeo vera manet S. Jacobi c. 3. sententia: *Si quis putat se Religiosum (& Sacerdotem) esse, non refrænans linguam suam, hujus vana est religio.*

Tertio tandem perpendendum erit, quodnam sit Medium ad artem hanc addiscendam. Unum vel alterum suggero. Primum est, Spiritum<sup>9</sup> sanctum in Magistrum eligere, ejusque gratiam frequenter, sed tum maxime, cum loquendum est, per breve suspirium invocare. Quam bene namque, & quam celeriter hanc artem doceat, S. Lucas Act. 2. indicavit dicens: *Repleti sunt*

*omnes*

omnes Spiritu sancto, & ceperunt loqui. Quam necessarium vero sit hoc medium, ipse jam olim Salomon Prov. 16. ostendit dicens: *Hominis est animam prae-  
parare, & Domini gubernare linguam*; utpote, quam, teste S. Jacobo cap. 3. nullus hominum domare potest; atque adeo ad DEUM confugiendum est, qui domet illam, ut recte S. Augustinus concludit. Secundum est *Silentii accurata observatio*: hinc enim duo habentur commoda, nempe ut, dum alios libentius audimus, artem recte loquendi ab ipsis addiscamus; &, dum veloces ad loquendum non sumus, spatium considerandi verba habeamus, sicque tam facile non delinquamus. Hoc remedium jam olim piissimus Asceta l. 1. cap. 20. docuit dicens: *Nemo secure loquitur, nisi qui libenter tacet; in multiloquio namque non deerit peccatum*, teste Salomone Prov. 10. Tertium esse potest *servoris in Divino servitio augmentum*; cum enim causa potissima, cur tam libenter loquamur, teste eodem Asceta l. 1. c. 10. sit ista, quod, cum per amorem DEO minus perfecte adhæreamus, per mutuas locutiones invicem consolari quæramus, & cor diversis cogitationibus fatigatum relevare optemus, causa hæc seu radix per fervorem talem penitus tollitur; tunc enim sicut cor DEO, & Divinis rebus plenum erit, atque in iis solis consolationem suam quærit, & quiescit, ita quoque ex abundantia hac cordis nonnisi Divina loqui discet. Unde recte cit. Auctor dixit: *Malus usus, et negligentia cordis nostri multum facit ad incustodiam oris nostri*.

## M E D I T A T I O III.

## D E I N F E R N O.

Textus S. Ignatii.

*Praludium primum hic habet compositionem loci, sub-  
jecta oculis imaginationis, inferni longitudine, latitudi-  
ne, et profunditate.*

Pra-

*Præludium secundum consistit in poscenda intima pœnarum, quas damnati luunt, apprehensione, ut, si quando me ceperit amoris Divini oblivio, saltem a peccatis supplicii timor coerceat.*

*Punctum I. Est spectare per imaginationem vasta inferorum incendia, & animas igneis quibusdam corporibus velut ergastulis inclusas.*

*Punctum II. Audire imaginarie planctus, ejulatus, vociferationes, atque blasphemias in Christum, & Sanctos ejus, illinc erumpentes.*

*Punctum III. Imaginario etiam olfactu fumum, sulphur, & sententia cujusdam seu facis atque putredinis graveolentiam persentire.*

*Punctum IV. Gustare similiter res amarissimas, ut lacrymas, rancorem, conscientiaque vermem.*

*Punctum V. Tangere quodammodo ignes illos, quorum tactu anima ipsa amburuntur.*

*Colloquendo interim cum Christo, in memoriam adducenda erunt illorum anima, qui ad inferni pœnas damnati sunt, vel quia credere noluerunt adventum Christi; vel, licet crederent, non tamen conformem præceptis ejus vitam exegerunt, idque vel ante adventum Christi, vel eodem tempore, quo vixit Christus in hoc Mundo, vel post illud deinceps. Gratia postremo agenda sunt eidem Christo quam maxima, quod in tale quodpiam exitium non permiserit me corruere, sed potius ad hunc usque diem summa pietate ac misericordia me persecutus sis. Finis imponetur dicto Pater noster.*

*Circa hanc Meditationem duo obiter sunt notanda. Primum est, quod S. Ignatius infernum hic proposuerit secundum illam constitutionem, quam post diem judicii fortietur; procedit enim per pœnas sensuum corporeorum, ex quibus in pœnas animæ commodius descendere licebit.*

*Alterum est, eundem S. Patrem in hoc Exercitio specialem quemdam modum meditandi, qui applicatio sensuum vocatur, adhibuisse, qui modus in eo consistit, ut proposita certa quapiam materia, imaginemur nos oculis videre Personas, de quibus agitur, & notatis,*

*quæ*

quæ circa eas occurrunt, circumstantiis utilitatem aliquam elicere: deinde audire, quid loquantur, aut loqui eas deceat, postea interiore quodam gustu, & olfactu sentire, quæ sit suavitas vel foetor illarum Personarum: & tandem per internum tactum attingere, & vel venerari, vel detestari loca, vestigia, aliaque ad tales Personas spectantia, omnia in usum nostrum, & utilitatem trahendo, ut ipse S. Pater in alia materia, nempe in quinta Contemplatione secundæ hebdomadæ ostendit.

Et si vero hæc Meditatio copiosam suggeret meditandi materiam, quia tamen unam dumtaxat poenam, sensus videlicet, continet, ideo ut Sacerdos totam Inferni constitutionem clarius cognoscat, sibi que applicare sciat, poterit sequentia tria puncta considerare,

### Punctum I.

Confidera I. Quid proprie sit Infernus, videlicet locus, in quo damnati debitas scelerum suorum poenas luunt, & in quo est *omnis mali presentia, omnis boni absentia, omnis poena indefinita*; quibus tribus versiculis breviter simul, & sufficienter tota Inferni constitutio explicatur, ut consideranti patebit.

Confidera II. Quam gravia sint mala, quæ in Inferno damnati patiuntur, videlicet talia, quibus omnia tormenta, & dolores, quos omnes homines collective accepti passi sunt, aut patientur in hoc Mundo comparati, merissima refrigeria censeri debeant; de quibus jure dici possit, quod nec oculus ea viderit, nec auris audiverit, nec in cor hominis ascenderint, unde merito Hugo l. 4. de anima dixit, Infernum esse lacum sine mensura, profundum sine fundo, plenum ardore incomparabili, plenum foetore intolerabili, plenum dolore innumerabili, ubi miseria, tenebræ, ordo nullus, horror æternus, nulla spes boni, nulla mali desperatio. Et si vero ob hoc sit intolerabilis gehenna, tamen si mille, inquit S. Chrysostomus, gehennæ fingantur, nihil erunt in comparatione poenæ, quæ omnis boni absentiam affert, & damnatos a visione beatifica Deitatis arceat; si enim Anna Tobiae Uxor absentiam

tiam Filii irremediabilibus lacrymis deplorabat dicens: *Heu, heu me, Fili mi, ut quid demissimus peregrinari, lumen oculorum nostrorum, baculum senectutis nostrae, solatium vita nostrae, spem posteritatis nostrae. Omnia simul in te uno habentes, te non debemus dimittere a nobis. Quanto magis damnati irremediabilibus lacrymis absentiam perpetuam summi boni deplorabunt. Verum, & hæc poena, licet maxima, tolerabilis adhuc foret, si non tertia, scilicet indefinitia, & æternitas accederet: cum enim omnium malorum levamen sit spes finis secuturi, hac profecto sublata tanto magis aggravari necesse est malum, quanto certius est, numquam desitutum, uti in poenis damnatorum certissimum est; nam ut recte S. Gregorius in moral. dixit, ad districti Judicis justitiam pertinet, ut numquam careant supplicio, quorum mens in hac vita numquam voluit carere peccato; et ut nullus detur iniquo terminus ultionis, quia, quamdiu valuit, habere noluit terminum criminis.*

Confidera III. Quam graves tibi jure merito hæc consideratio stimulos addere debeat, ut non ipse modo has poenas studiose devites, sed etiam, ne animæ tuæ curæ commissæ, aliæque in easdem poenas veniant, sedulo cooperandi: si enim dives Epulo tam sollicitus fuit, ne Fratres sui carnales in hunc locum venirent, quanto magis tu sollicitus esse debebis, ut Fratres tui spirituales, quorum cognatio longe præstantior est, in poenas has intolerabiles ruant. Colloquium ad SS. Patronos.

## Punctum II.

Confidera 1. Quam magnum beneficium tibi a DEO collatum sit, dum, postquam toties hætenus Infernum meritis fuisses, non modo ad inferos non detruxit, sed tempus adhuc poenitentiae tam benigne concessit. Ut vero hujus beneficii magnitudinem melius agnoscas, singe hominem quempiam ob gravissima scelera morti crudelissimæ adjudicatum, quovis momento destinatum  
sup-

supplicium expectare: ad hunc vero subito Famulum a Rege mitti, qui nuntiet, Regem illius misericordia tactum, paratum esse omnem poenam ei remittere, si veniam delicti poenitens petat, & loco acerbissimæ mortis unicum colaphum patienter sustineat; quin imo si hoc fecerit, omnia ei bona oblata restituenda, aliæque plura conferenda, ac denique in Filium adoptivum, & Hæredem Regni assumptum iri; quo gaudio putas hunc Nuntium a captivo tali acceptum iri? quanta alacritate colaphum excepturum? quam grato animo beneficium hoc agniturum? quanto amore in Regem talem exarsurum; quam sedulo cauturum, ne tantum Benefactorem umquam amplius offenderet?

Considera 2. An non eadem tibi gratia modo tanto perfectiori a DEO facta sit, quanto gravius erat supplicium, ad quod ob peccatum mortale fueras destinatus; & quanto præstantiora sunt bona, quæ tibi sunt restituta, vel de novo collata; & quanto nobilius est regnum, cujus possessio tibi promissa est: & quanto læpius denique post repetitos lapsus iterum in gratiam susceptus es.

Considera 3. Quam æquum proinde sit, ut & tu beneficium tale animo gratissimo agnoscas, in Benefactorem singulari amore exardescas, nunquam deinceps amplius offendas, & omnes adversitates, in quas æternam poenam commutavit, magna cum patientia, gaudioque sustineas. Colloquium ad B. Virginem.

### Punctum III.

Considera 1. Quæ remedia adhibere debeas ad Inferni poenas devitandas. An non sequentia tria placebunt?  
 1. *Voluntatis propriæ abnegatio*, hoc enim medium velut optimum S. Bernardus ser. 3. de Resurr. suavitè dicens: *Cesset voluntas propria, & infernus non erit. In quem enim deserviet ignis ille, nisi in propriam voluntatem?*  
 2. *Recordatio crebra gehennæ*; Sic enim, ut Psalmista Psal. 76. ait, descendens in Infernum vivens, ne mortuus descendere cogaris; non enim finit in gehennam

nam

*nam incidere gehenna recordatio*, teste S. Joanne Chrysostomo. 3. *Zelus animarum*: cum enim hoc opus sit præstantissimum genus Misericordiæ, & Eleemosynæ, de illa merito verificatur, quod Tobias cap. 4. pronuntiavit; *Eleemosyna a peccato, & à morte liberat; & non patietur animum ire in tenebras*. Cum enim per Zelum hunc tot animas a gehenna liberare studeas, & aliunde Christus, quod uni ex minimis factum est, sibi factum reputet, æquum sane est, ut, quod beneficium sibi toties exhibitum censet Christus, hoc etiam vicissim exhibeat, ut, qua mensura mensi fuerimus, eadem remetiatur iterum, ut jam olim Luc. 6. promisit. Hinc S. Jacobus c. 5. dixit: *Qui conversi fecerit peccatorem ab errore suo, salvabit animam ejus a morte, & operiet multitudinem peccatorum*.

Confidera 2. Quam apta, & efficacia sint hæc media ad optatum finem liberationis a gehenna obtinendum, quamque adeo vel hoc titulo iterum in animarum salutem incumbere studiose debeas, maxime cum ipse Christus S. Catharinæ Senensi Dial. cap. 29. dixerit: *Ego vos affectuose deprecor, ut assidue me rogetis pro salute peccatorum, quorum a vobis exigo sudores atque lacrymas orationes, ut eis impendam, ut opto, misericordiam gratiosam*.

Confidera 3. Quomodo hæc media hæcenus adhibueris, & adhibere deinceps velis. Colloquium ad Christum, ut supra.

### Materia Lectionis,

Ex libello de Imitatione Christi l. 1. c. 28.

Ex libro ordinario, quantum tempus, & occupationes aliæ patiuntur.

Ex libello Exercitiorum ea, quæ S. Ignatius de utroque Examine Conscientiæ, generali scilicet, & particulari scripta reliquit, & statim Fundamento subjunxit, ut indicaret, eum, qui exercetur, mature circa hæc bina Examina instruendum, atque ut ea velut præcipua media ad purgationem animæ studiose usurpet, scilicet



ferio admonendum esse. Ut autem ea, quæ ibi dicuntur, melius intelligantur, hæc, quæ subijcio breviter notanda sunt.

Primo per Conscientiam hoc loco nihil aliud intelligi, quam dictamen, & iudicium intellectus, quo aliquid bene vel male factum esse iudicamus. Hinc cum hoc dictamen nos male tecisse dicat, Conscientia nos reprehendere dicitur: cum imperatum quid esse dicat, ligare: cum scrupulum commissi peccati ingerit, remordere: cum denique nihil nos peccasse iudicat, absolvere censetur.

Secundo notandum, hanc Conscientiam tunc examinari censer, quando per intellectum, & memoriam super actiones a nobis perpetratas, itemque super verba, & cogitationes nostras non nude dumtaxat nos reflectimus, sed insuper etiam errores, quos a nobis commissos fuisse deprehendimus, detestamur, propositumque firmum concipimus deinceps sedulo eosdem devitandi, & corrigendi. Unde merito Examen hoc iudicio simile dicitur, in quo nos ipsos coram DEO dijudicamus, ut in altera vita ab eodem amplius non iudicemur, quoad culpam intellige. Hinc recte S. Augustinus in l. de utilit. agenda pœnit. monet: *In tribunal mentis tuæ ascende, & reum te constitue ante te. Noli te ponere post te, ne DEUS ponat te ante te.*

Tertio notandum duplex ejusmodi Examen a S. Ignatio hic præscribi, generale scilicet, quod ad omnium delictorum purgationem adhibetur; & particulare, quod ad singularis alicujus delicti emendationem instituitur; quæ utraque, quanti æstimanda, & quomodo facienda sint, supra in primæ partis primo capite fusius ostensum est, quæ proinde hodie utiliter legi possunt.

### Materia Scriptionis.

Materiam Scriptioni hoc die accepta a Divina bonitate beneficia dabunt, quæ quidem ut sedulo annotentur, & suo tempore relegantur, sequentes quatuor ra-

M tio-

tiones persuadere possunt . 1. Quod talis annotatio ad negotiationem spiritualem , vel maxime pertineat ; ut enim Mercatores , ut facilius lucrum vel damnum suæ negotiationis facilius cognoscant , non tantum expensum , sed etiam acceptum diligenter annotant , ita eandem industriam a Negotiatore quoque spirituali adhiberi convenit . 2. Quod eadem annotatio ad gratias DEO pro tot beneficiis frequenter , & ferventer agendas vehementer impellat , & hoc ipso ad plura beneficia impetranda disponat ; cum , ut Cassiodorus epist. 4. recte advertit, *invitet ad magna, qui gratanter suscipit modica ; et spem de futuris recipiat , qui transacta beneficia recognoscit* . Ideo certe non possunt in nobis dona gratiæ fluere , quia ingrati sumus Auctori , nec totum refundimus fontali origini ; semper enim debetur gratia digne gratias agenti , teste Thoma Kemp. I. 2. cap. 10. 3. Quia Charitas etiam erga DEUM non modice inflammatur per ejusmodi memoriam , cum nihil æque alliciat ad amorem , quam amor ; amor autem nullo magis indicio , quam operibus , & beneficiis demonstratur . Hinc exclamare cum S. Bernardo cogitur , qui tam multiplicia , imo innumera beneficia se accepisse agnoscit . *Amat charitas , amat immensitas , et nos rependimus cum mensura ?* 4. Quod fiducia quoque non postremum animæ DEO servire volentis bonum per ejusmodi beneficia sæpius in memoriam vocata tamquam vivos carbones mirum quantum accenditur , cum per talia beneficia DEUS agro fertili , similis esse cognoscatur ; cui tanto libentius semina nostra committimus , quanto liberalius eadem nobis cum scenore ab illo restitui advertimus . Proderit ergo , Catalogum brevem ejusmodi beneficiorum , specialium maxime , conficere , eumque sæpius per annum relegere , ut supra indicati quatuor fructus obtineantur . In quo tamen Catalogo non tantum prospera , sed etiam adversa notanda sunt , cum & hæc merito inter beneficia numerentur , ut bene S. Chrysostomus tr. 1. de Symb. advertit dicens : *Admoneo vos , ut Dominum semper benedicatis . Si venerint mala , benedicite , et dissol-*

*ventur mala. Si prospera venerint, benedicite, et perseverabunt bona. Poterit autem talis Catalogus hoc vel simili modo confici.*

### Catalogus Beneficiorum specialium a DEO acceptorum.

Hoc anno, mense, die (singula distincte explicari convenit) ex singulari bonitate, & providentia DEI, a Parentibus Christianis natus, in hunc Mundum cum integris membris, & corpore prodii, & salutari sacri baptismatis unda feliciter ablutus, S. Angelum Vitæ meæ Custodem, & hos Sanctos (notandum nomen, quod geris) Patronos accepi; multis item a DEO tam supernaturalibus gratiæ, & virtutum, quam naturalibus ingenii, & aliorum talentorum donis sumdonatus. Ob quæ proinde benedicam Dominum omni tempore, semper laus ejus in ore meo.

Hoc die, mense, anno, Sacrosancti Chrismatis Sacramento initiatus, militiæque Christianæ adscriptus sum. Hinc exclamabo cum Davide Psal. 22. *Dominus protector vitæ (& fidei) meæ, a quo trepidabo? Si consistant adversum me castra, non timebit cor meum.*

Hoc anno ad literas, & artes liberales addiscendas, beneficio innumeris non concesso applicatus, fundamenta pro Sacerdotali Statu jacere cœpi. Quare iterum exclamo cum Davide Psal. 70. *DEUS docuisti me a juventute mea, & usque nunc pronuntiabo mirabilia tua.*

Hoc anno, mense, die in Congregationem B. Virginis Annunciatæ susceptus, non modicum ad virtutem plantandam adjumentum, & stimulos accepi. O utinam, Christe, sicut tradidisti tu Matrem tuam mihi dicens; *Ecce Mater tua*: ita ego eandem revererer, & colerem, ut jure de me quoque dici posset: *Et accepit eam ex illa hora in suam.*

Hoc anno primos ad Sacerdotalem Statum stimulos sentiens, eisdem acrius quotidie stimulantibus, cum Confessario de Vocatione agere cœpi, & post seriam

deliberationem, tandem cum consilio dicti Confessarii amplecti statui. *O Domine, quid est homo, quod memor es ejus? aut Filius hominis, quia innotuisti ei?*

Hoc anno post multas difficultates ad ipsam Presbyteratus dignitatem promotus sum: *Propterea, o Domine, voluntarie sacrificabo tibi, & confitebor nomini tuo, quoniam bonum est.*

Hoc anno ad Beneficium Ecclesiæ N. assumptus, curam Animarum suscepi. *O utinam tecum, O Christe, dicere possim: Pater Sancte, quos dedisti mihi, custodiri, & nemo ex eis perit.*

Hoc anno sat gravi morbo benignissime a DEO visitatus, post sex vel septem hebdomades feliciter iterum eodem liberatus sum. *Ideo omnia membra mea confitemini mecum Domino, quoniam in saculum misericordia ejus.*

Hoc anno grave per grandinem damnum in frugibus passus sum; sed si bona a Domino recipiamus, mala quare non pari patientia sustineamus; *Sicut Domino placuit, ita factum est. Sit nomen Domini benedictum.*

Hoc anno graves ab Inimicis meis persecutiones sustinui, graviterquæ ab iisdem, licet falso accusatus sum. Sed anima mea, DEI providentiæ, & suæ innocentiae confisa, *sicut passer erepta est de laqueo venantium: laqueus contritus est, & nos liberati sumus.* Simili ergo modo vel breviori alia quoque beneficia annotari poterunt.

## EXERCITIA

### SECUNDÆ HEBDOMADÆ.

#### Proœmium.

**P**ostquam in priori hebdomadæ cognovit Exercitans, quis finis illi a DEO præfixus sit, & quam longe ab illo aberraverit, ideoque in viam, quæ ducit ad vitam, redire statuit, ante omnia de perito Duce propiciendum est; nam, ut recte S. Franciscus Xaverius dicere

dicere solebat, nulla est certior, tutiorque ratio, recta ac sine errore ad perfectionis apicem perveniendi, quam peritum itineris sequi Ducem; quem autem aptiorem Ducem eligere poterit, quam illum, quem ipse Pater æternus assignavit Matth. 17. dicens: *Hic est Filius meus dilectus, in quo mihi bene complacui, ipsum audite.* Qui de seipso Joan. 8. dixit: *Ego sum lux Mundi, qui me sequitur, non ambulat in tenebris.* Et iterum Joan. 14. *Ego sum via, veritas, & vita, nemo venit ad Patrem, nisi per me.* Super quæ verba eleganter S. Augustinus in Pl. 109. *Parvum erat DEO, inquit, ut Filium suum daret demonstratorem via, eum ipsum viam fecit, ut per illum ires, regentem te, ambulantem per te.*

Finis ergo, & Scopus hujus & posterioris hebdomadæ est Imitatio Christi secundum Apostoli ad Rom. 13. consilium dicentis: *Sicut in die honeste ambulemus non in comessationibus, & ebrietatibus; non in cubilibus, & impudiciis; non in contentione, & emulatione, sed induimini JESUM Christum.* Quid autem sit Christum induere, pulchre explicat S. Chrysostomus super cap. 13. epist. 1. ad Corinth. dum ait: *Induere Christum est undique in nobis per sanctimoniam, & mansuetudinem Christum in nobis conspicuum esse; homo enim indutus id esse videtur, quod indutus est: appareat itaque in nobis Christus.*

Quid autem in specie imitari præcipue debeamus in Christo, ipsemet velut in brevi quodam compendio Luc. 9. declaravit dicens: *Si quis vult venire post me, abneget semetipsum, tollat crucem suam, & sequatur me.* Quibus verbis tria officia vel capita, in quibus cum imitari debeamus, complexus est, scilicet *abstinere* per verbum *abneget*; *sustinere* per verba *tollat Crucem suam*; & *agere* per verba *sequatur me* indicatum; in hisnamque totam perfectionem Christiani hominis consistere, ex ipsa natura perfectionis facile colligitur; cum enim hæc in amore DEI consistat, ut alibi dictum est, amor autem hic per perfectam unionem voluntatum demonstrari debeat, ut scilicet faciat amans semper, quod amato placere novit,

hoc ipso primum Christiani hominis officium, agere videlicet, & facere voluntatem DEI exurgit; nam ut ipse Christus Matth. 7. dixit; *Non omnis, qui dicit mihi, Domine, Domine, intrabit in regnum cælorum; sed qui facit voluntatem Patris mei, qui in cælis est, ipse intrabit in regnum cælorum.* Quia vero peccata omnia, atque adeo etiam transgressionem voluntatis Divinæ, teste S. Augustino in Plal. 38. *facit aut male ardens cupiditas, aut male jacens timiditas,* hinc reliqua duo officia exurgunt, scilicet *abstinere* seu moderari concupiscentiam rerum illicitarum, & *sustinere* seu moderari timorem adversitatum occurrentium, de quibus duobus officiis eleganter iterum S. Augustinus in serm. de S. Vincentio sic discurret: *Duplicem aciem producit Mundus contra Milites Christi; blanditur enim, ut decipiat: terret, ut frangat. Non nos teneat voluptas propria: non nos terreat crudelitas aliena, & victus est Mundus. Ad utrosque aditus occurrit Christus, & non vincitur Christianus.*

Porro quia Christus hæc tria officia per totam vitam quidem docuit, sed *abstinentiæ* tempore vitæ suæ privatæ, *actionis* ultimo triennio, & *sustinentiæ* denique in Passione præclariora exempla, & specimina dedit, ideo S. Ignatius quoque in hac hebdomade Christum, prout abstinere, & agere docuit, proposuit; in sequenti vero eundem, prout sustinentiæ exempla reliquit, aspiciendum dedit. Finis ergo hujus secundæ hebdomadæ est, Christum in abstinendo, & agendo imitari, prout ex Meditationibus mox subjiciendis clarius patebit.

### T E R T I A D I E S.

**S**Copus hujus diei est, perfectam imitationem Christi in vita privata recte instituenda procurare; nam, ut S. Basilus serm. de renunc. dixit, *propter hoc Naturam nostram suscepit, ut in se velut tabula quadam veram nobis veritatem, & virtutem depingeret, eamque nobis omnibus samquam Archetypum imitandum proponeret.*

ret. Hinc ad hanc similitudinem illudens S. Gregorius Epist. 1. de perf. Christ. *Quisque*, ait, *vita sua est Pictor, & Artifex hujus operis est voluntas*, colores autem sunt virtutes, Exemplar Christus esse debet, ut qui ipse de se Joan. 13. dixit: *Exemplum dedi vobis, ut, quemadmodum ego feci, ita & vos faciatis.*

## Thesera.

*Gloria magna est sequi Dominum.* Eccl. 13.

## MEDITATIO I.

## DE REGNO JESU CHRISTI.

Hæc Meditatio, ut Ludovicus de Palma in proem. ait, continet partim finem totum Incarnationis, vitæ, & doctrinæ Christi, partim summam totius perfectionis Christianæ, quæ est Christi imitatio; hinc, ut S. Bernardus ser. 4. de adv. dixit, *omnis nostra virtus tam longe est a vera virtute, quam longe est ab ea forma, quam verbo, & exemplo commendavit Christus præsens in carne.* Ut enim origo fontium, & fluminum mare est, ita scientiarum, & virtutum Dominus JESUS Christus, inquit idem ser. 13. in Cant. *Quis enim Dominus virtutum, nisi Rex gloriæ?* incertum ergo laborat in acquisitione virtutum, qui eas alibi, quam in Christo quærit; id quod ipse Christus S. Birgittæ suasit dicens l. 6. cap. 27. *Quid te delectat audire opera Mundanorum, & bella Procerum, & cur tali auditu inani occuparis, cum ego sim omnium Dominus, nullaque delectatio sine me in pretio habenda sit. Si cupis audire facta magni Domini, si considerare opera magnalia, debes utique audire, & considerare facta mea, quæ intellectu incomprehensibilia sunt, cogitatione stupenda, & auditu admiranda.*

Ut autem titulus hujus Meditationis recte intelligatur, dicendum prius, quid sit regnum DEI, nempe illud nihil aliud esse, quam voluntariam, & liberam

subjectionem creaturæ rationalis ad Creatorem suum; ita enim piissimus Auctor l. 3. c. 53. indicavit, dum in Persona Christi dixit: *Perfecta victoria est, de semetipso triumphare: qui enim semetipsum subiectum tenet, ut sensualitas rationi, & ratio in cunctis obediat mihi, hic vere victor est sui, & Dominus Mundi.* Ex hoc videlicet est regnum, de quo Christus Luc. 17. locutus est dicens: *Regnum DEI intra vos est.*

### Textus S. Ignatii.

*Preludium primum ad constructionem loci nunc erit, ut spectare nos imaginemur Synagogas, villas, & oppida, quæ prædicans Christus pertransibat, & sic de locis aliis.*

*Secundum ad gratiam poscendam pertinens, in hac parte erit, petere a DEO, ne obsurdescamus vocante nos Christo, sed ad sequendum, ac obtemperandum prompti simus.*

### Punctum I.

*Punctum primum esto, proponere mihi ob oculos humanum Regem divinitus electum, cui Principes, & populi omnes Christiani reverentiam, & obsequium præstare debeant.*

### Punctum II.

*Secundum est, imaginari, quod audiam illum Regem loquentem ad omnes Subditos: In animo mihi est regiones infidelium universas ditioni meæ subicere. Quicumque igitur comitari me velit, paratus sit oportet non alio uti victu, vestitu, rebusque aliis, quam me utentem conspexerit. In iisdem quoque laboribus, vigiliis, & casibus ceteris mecum persistendum erit, ut particeps fiat victoria, & felicitatis unusquisque, prout laborum, ac molestarum socius extiterit.*

Pun-



## Punctum III.

*Tertium erit, considerare, quidnam respondere debeant Regi amantissimo, & liberalissimo fideles Subditi, & quam prompte ad omnem ejus voluntatem offerre se accinctos. Contra vero si quis non obaudiret, quanto apud homines universos vituperio dignus esset, atque quam ignavus miles aestimandus.*

*Pars secunda hujus Exercitii consistit in collatione similitudinis inter dictum Regem, & Dominum JESUM Christum circa triplex punctum.*

*Primo sic applicabimus Exemplum: Si terrenus ille Rex cum bellica evocatione sua dignus est, cui attentio & obsequium praestetur, quanto magis Christus Rex aeternus, Mundoque toti conspicuus? qui singulos ad se invitat his verbis: Mea hac est justissima voluntas, totius Mundi Dominium mihi vendicare, inimicos meos debellare omnes, ac ita demum in Patris mei gloriam intrare; proinde quisquis eo mecum venire cupit, laboret mecum necesse est; labori enim primum respondebit.*

*Secundo ratiocinabimur, neminem fore sanam mentis, qui non cupidissime servitiis Christi se totum offerat, & addicat.*

*Tertio judicandum erit, quod iis, qui se obsequiis illius prorsus duxerint mancipandos, non seipsos tantum ad laborum tolerantiam, verum etiam majora, & praeclaviora quadam munera oblaturi sint, expugnata carnis sensuum, amorisque proprii, & mundani rebellionis. Unde respondebit quisque in hunc fere modum: En, o Rex Supreme, ac Domine universorum, tua ego, licet indignissimus, fretus tamen gratia, & ope, me tibi penitus offero, meaque omnia tua subjicio voluntati, attestans coram infinita bonitate tua, nec non in conspectu gloriosae Virginis Matris tuae, totiusque curiae caelestis hunc esse animum meum, hoc desiderium, hoc certissimum decretum, ut (dummodo in majorem laudis tuae, & obsequii mei proventum cedat) quam possim proxime te sequar, & imiter in ferendis injuriis, & adversis omnibus, cum vera tum spiritus tum etiam rerum paupertate, si, inquam,*

quam, sanctissima Majestati tua placeat ad tale me vita institutum eligere, atque recipere.

Hæc meditatio, ut patet, eo præcipue tendit, ut in genere statuamus, Christum sequi, & imitari; ad quem finem etsi textus S. Ignatii hæctenus propositus sufficiens videatur, ut tamen eundem facilius sibi applicare possit Sacerdos, poterit supradicto textui hæc, quæ sequuntur, adjungere.

### Punctum I.

Confidera I. Ad quid invitet Christus, nempe ad Regnum DEI dilatandum, & conservandum, id est, majorem gloriam DEI in omnibus nostris actionibus quærendam, ita ut ipsum non solum perfecte cognoscamus, & æstimemus, sed etiam perfecte serviamus, semper faciendo, quod ipsius sanctissimo beneplacito magis conforme esse cognoverimus; sic enim DEUS vere in nobis regnare, & dominari dicitur. Hunc autem finem Christo propositum fuisse, ipse Joan. 8. indicavit dicens: *Ego non quero gloriam meam, sed ejus qui misit me Patris.*

Confidera II. Quam altus, & vere appetendus sit hic finis; cum cognoscas, si infinitam dignitatem, potentiam, sapientiam, bonitatem, immensitatem, & æternitatem DEI accuratius ponderaveris; ex harum enim perfectionum consideratione intelliges, quemadmodum nihil excellentius reperiri, imo nec excogitari potest, quam DEUS, ita nec finem excellentiorem appeti posse, quam gloriam, & beneplacitum illius. Hinc præclare S. Chrysostomus l. 2. de compunct. cord. ait: *Si omnino dignus fueris agere aliquid, quod DEO placeat, aliam adhuc præter hoc ipsum, quod placere meruisti, mercedem requiris? vere ignoras, quam bonum sit placere DEO? si enim scires, nunquam aliquid mercedis, aut muneris extrinsecus appeteres.*

Confidera III. Si Aulici hujus mundi tanta cum fidelitate, & alacritate Regibus, & Principibus mundanis serviunt, eorumque beneplacitum quærent, quid te facere

cere par sit, qui Domini infinities dignioris servitio te mancipasti. An non te ipsum eisdem, quibus olim duo Aulici, teste S. Augustino l. 8. Confess. c. 6. se alloquebantur, verbis ad DEO perfectius deinceps serviendum excitabis: *Dic, quæso te omnibus istis laboribus nostris quo ambimus pervenire? quid quarimus? cuius rei causa militamus? majorne esse poterit spes nostra in palatio, quam ut amici Imperatoris simus? Et ibi quid non fragile, plenumque periculis? Et per quot pericula pervenitur ad grandius periculum? Et quamdiu istuc erit? amicus autem DEI, si voluero, ecce nunc fio. Colloquium ad SS. Patronos.*

## Punctum II.

Confidera I. Quod aliud adhuc efficacissimum medium tibi Christus offerat ad supra dictum finem obtinendum, gloriamque, ac regnum DEI quærendum, scilicet Exemplum suum, quo tibi ostendit, quomodo, & in quibus potissimum gloriam Patris sui quærere debeas, nam, ut S. Augustinus de vera Relig. recte advertit, *tota vita Christi in terris per hominem, quem gessit, disciplina morum fuit; omnia enim bona mundi Christus contempsit, quæ contemnenda docuit; Et omnia mala sustinuit, quæ sustinenda præcepit, ut nec in illis quæreretur felicitas, nec in istis infelicitas timeretur.*

Confidera II. Si S. Augustinus l. 1. Conf. cap. 2. de se ipso fatetur: *Exempla servorum tuorum, quos de nigris lucidos, Et de mortuis vivos feceras, congesta in sinum cogitationis meæ urebant, Et absolvebant gravem torporem, ne in ima vergeremus, Et accendebant nos valde. Quanto majorem efficaciam apud te habere debeat exemplum Christi, qui omnes illos servos sanctitate, & fervore infinities superat, & præterea per imitationem suam ad tam sublimem dignitatem promoveri te cupit. An non merito ad illius imitationem te S. Gregorii Naz. orat. 40. in Pasch. præclara sententia excitabis; Simus ut Christus, quoniam Christus quoque*

quoque sicut nos: efficiamur Dii propter ipsum, quoniam ipse quoque propter nos homo factus est.

Confidera III. Quomodo hactenus exemplum hoc imitari studueris, & imitari deinceps velis. Exclama proin cum Ethai Gethæo 2. Reg. 15. *Vivit Dominus, & vivit Dominus meus Rex, quoniam in quocumque loco fueris, Domine mi Rex, siue in morte, siue in vita, ibierit servus tuus.* Colloq. ad B. Virg.

### Punctum III.

Confidera I. Cum plerique homines ad serviendum dominis temporalibus spe lucri incitentur, quomodo nec hoc motivum tibi deesse patiatur Christus, sed liberalissime promittat, te quemadmodum laborum, & tolerantiae socius fueris, ita præmium quoque, gaudiumque secum participaturum; id quod S. Paulus quoque Corinthiis 2. c. 1. in memoriam revocavit dicens: *Sicut socii Passionum estis, ita & consolationis eritis.*

Confidera II. Si famuli terrenorum dominorum pro tam vili mercede tam graves labores suscipiunt, aliaque difficillima opera tam alacriter perficiunt, quanto majori alacritate ac constantia tu jugum suave Domini, & onus leve Domini DEI tui, qui est ipse merces tua magna nimis suscipere, & portare debeas; ne illam pii Auctoris in persona Christi factam increpationem audire debeas: *Vile pretium quariter, pro vana re, & parva promissione, diu noctuque fatigari non timetur. Sed prob pudor! pro bono incommutabili, pro premio inestimabili, pro summo bonere, & gloria interminabili vel ad modicum fatigari pigritatur. Erubescere ergo serve piger, & querulose, quod illi paratiores inveniantur ad perditionem, quam tu ad vitam. Equidem sua spe nonnumquam frustrantur, sed mea promissio neminem fallit, nec confidentem mihi dimittit inane.* 1. 3. c. 3.

Confidera III. Si tria motiva hactenus proposita quemvis merito movere possunt ad Christum sequendum, quanto magis te movere debeant, ut qui inter primarios Famulos, quibus officium omnium Divinorum divinis-

vinissimum commissum est, scilicet cooperari DEO in salute animarum ex speciali gratia, & beneficio assumptus es. Vide proin, qua ratione vocationi, & beneficio tanto respondere velis, teque iterum DEO per colloquium a S. Ignatio supra in textum formatum in perpetuum servum consecra.

## MEDITATIO II.

### DE NATIVITATE CHRISTI.

In priori Meditatione factum quidem fuit propositum imitandi Christum; sed in genere dumtaxat; quare cum magis efficacia sint decreta, quæ ad particulares actiones se extendunt, in hac, & sequentibus Meditationibus paulo apertius demonstrandum est, quibus in rebus Christum præcipue imitari debeamus, & quomodo tria officia hominis Christiani, scilicet *abstinere, sustinere, & agere* docuerit. Quia autem primum officium, *abstinere* videlicet, in Nativitate, quæ prima illius in mundum ingressi doctrina fuit, potissimum docuit, id eo omiſsa, brevitatis causa, meditatione de Incarnatione, quam S. Ignatius meditationi de regno DEI subjecerat, de Nativitate dumtaxat velut solemni Christi principio meditatio instituetur.

#### Textus S. Ignatii.

*Preludium primum ex historia dependet, quæ recensenda est ab egressu B. Virginis ex oppido Nazareth, quo scilicet modo jam nono mense gravida, & insidens asina (ut pie meditari licet) ac Josepho comes cum ancillula, & bove profecti sunt Betlehem, tributum a Casare exactum pro se soluturi.*

*Secundum vero deducendum erit ex consideratione itineris, æstimata ejus longitudine, obliquitate, lenitate, vel asperitate passim occurrente. Deinceps etiam Nativitatis locum mirabimur, spelunca similem, latum vel angustum, planum vel erectum, commode vel incommode paratum.*

Ter-

*Tertium continet gratia postulationem, ut intime cognoscam, quo pacto Filius DEI, mea causa, sit homo factus, ut ardentius ipsum amem, & abhinc sequar studiosius.*

### Punctum I.

*Punctum primum est, aspectus personarum, ut Virginis Deiparae, & Conjugis Josephi cum Famula, & Christi Domini, ut Infantis nunc primum nati: inter quos me adesse fingam tamquam pauperculum, eorum utcumque necessitatibus cum reverentia maxima famulantem, ac inde, quid ad me redire emolumenti e tali spectaculo possit, dispiciam.*

### Punctum II.

*Secundum conficitur ex verborum, quae ibidem fiunt, apprehensione fructuosa.*

### Punctum III.

*Tertium ex negotiorum, quae illic geruntur, inspectione, puta itineris, laborum, & causarum, ob quas summus omnium Dominus in summa natus sit egestate, laturus quoque in hac vita cum perpetua paupertate labores, famem, sitim, aestum, frigus, opprobria, verbera, & crucem tandem subiturus, idque mei causa, unde per singulas studebo proventum aliquem spirituales colligere. Hac demum concludenda erunt inito colloquio, & finito cum Pater noster.*

*Haecenus textus S. Ignatii, ex quo fructus Sacerdoti proprius hauriri queat, poterunt sequentia puncta ad-  
jungi.*

### Punctum I.

*Considera 1. Cur Christus praecipue in hunc mundum venerit, & cum talibus circumstantiis nasci voluerit, vide-*

videlicet ut, quia ipse est æterna Patris sapientia, homines quoque cœlestem sapientiam tam paucis cognitam, & quasi nihili æstimatam doceret. Hinc Luc. 2. Sapientia, & ætate crevisse, id est, magis quotidie ostendisse dicitur.

Considera II. Qualem sapientiam docuerit Christus, illam videlicet, de qua pius Asceta l. 1. cap. 1. dixit : *Ista est summa Sapientia, per contemptum mundi tendere ad regna cœlestia*; nam, ut l. 3. cap. 32. ait *valde vilis, & parva, & pene oblivioni tradita videtur vera cœlestis sapientia, non sapiens alta de se, nec magnificari quarens in terra, quam multi ore tenus prædicant, sed vita longe dissentiunt; ipsa tamen est pretiosa margarita a multis abscondita.*

Considera III. Si, ut S. Ambrosius in S. de B. Virg. dixit, *primus discendi ardor nobilitas Magistri*; quanta cum alacritate tu sapientissimum hunc Magistrum audire debeas, qui ultro te, & alios homines ad scholam suam illis sapientiæ verbis Prov. 8. invitat : *Nunc ergo filii audite me, Beati, qui custodiunt vias meas. Audite disciplinam, & estote sapientes, & nolite abjicere eam. Beatus homo, qui audit me, & qui vigilat ad fores meas quotidie (considerando vitam, & doctrinas meas) & observat ad postes ostii mei. Qui me invenit, inveniet vitam, & hauriet salutem a Domino.* Colloq. ad SS. Patronos.

## Punctum II.

Considera I. Quam præclare contemptum mundi Christus in Nativitate sua docuerit, dum scilicet omnia, quæ mundus tantopere suspicit, quærit, & amplectitur, repudiavit, & paupertatem pro divitiis, tribulationes, & labores pro voluptatibus, vilipensionem pro honoribus elegit, uti omnes Nativitatis circumstantiæ testantur.

Considera II. Quas ob causas hæc omnia præ mundi deliciis elegerit, scilicet quia per infinitam sapientiam suam clarissime cognoverat vanitatem rerum mundanarum,

rum,

rūm, ex altera vero parte pari claritate intellexerat; quam longe aptiora media ad gloriam Divinam, propriamque ac alienam salutem procurandam forent, paupertas, afflictio, contemptus, & similia, ut quæ hoc ipso, quod hominem a terrenis rebus abstrahant, ad cœlestia bona desideranda, quærenda, & amplectenda inclinant, ut adeo merito cum Salomone Sap. 7. dicere queat: *Venerunt autem mihi omnia bona pariter cum illa, & innumerabilis bonestas per manus illius.*

Considera III. An non hæ causæ sufficientes merito æstimari debeant ad te quoque promovendum, ut cum S. Paulo ad Philip. c. 3. omnia, quæ tibi mundus hæctenus obtulit, aut etiamnum offert, detrimentum facias, & arbitreris ut stercora, ut Christum ac ejus similitudinem lucrifacias; nam ut recte S. Augustinus S. 1. de convers. S. Pauli pronuntiavit, *quisquis in Christum credidit, ipsum intueri debet; cetera creatura vilescat, ut Creator in corde dulcescat.* Colloquium ad B. Virginem.

### Punctum III.

Considera I. Cur Christus primo loco Nativitatem suam Pastoribus manifestare, eosque ad præsepe evocare voluerit; videlicet ut hoc facto indicaret sapientiam, quam ipse, ut dictum, in Nativitate sua docuerat, Pastoribus spiritualibus specialiter necessariam, atque adeo ab his ante alios addiscendam esse, ut qui olim post suum ex hoc orbe discessum veram sapientiam homines docturi sint, atque adeo prius eandem bene didicisse debeant.

Considera II. Si illi discipuli, qui meliora ad artem aliquam addiscendam talenta sunt nacti, ideoque a Magistris pluris æstimantur, & amantur, atque in successores deputantur, merito non leves stimulos habere creduntur, ad majorem in ea arte addiscenda diligentiam adhibendam; quanto cum fervore tu a Christo sapientiam hanc cœlestem, & scientiam Sanctorum addiscere debeas, ut qui ex tot millibus electus es ab illo, ut ei  
in



in officio Magistri succedere, & tam præclara cum in finem talenta, & media accepisti.

Considera III. Quomodo te hætenus in hac schola gesseris, & quantum profeceris; & si quidem negligentem te fuisse deprehenderis, veniam supplex pete, & emendationem seriam firmiter promitte per colloquium ad Christum.

## CONSIDERATIO

### DE CURA SUI IPSIUS.

Considera I. Quid requirat hæc cura, scilicet in genere, ut tuæ animæ salutem ante omnia cures; in specie vero sequentia diligenter observes. Et primo quidem puritatem conscientie maximam procures, atque adeo ab omni non mortali dumtaxat, sed veniali etiam peccato pro viribus abstineas. II. Ut virtutes statui tuo convenientes scias, & studiose exerceas, quales respectu Sacerdotis sunt charitas DEI, Zelus animarum, Devotio, Castitas, Temperantia, Humilitas, Constantia. III. Ut Exercitia spiritualia, puta Missæ Sacrificium, Oratio vocalis, lectio spiritualis, Examen Conscientie, Preces matutinæ, & vespertinæ cum omni diligentia, id est, integre, devote, & reverenter peragantur. IV. Ut quotidianæ a te actiones cum purissima intentione fiant, ne sero nimis cum Apostolis queri debeas: *Præceptor, tota nocte laborantes nihil cepimus*. V. Ut tuo tempore diligenter recollectiones instituas, retiaque reficias, audiens Christi imperium Marc. 6. *Venite seorsum in desertum locum, & requiescite pusillum*. Examina proinde, quomodo hæc quinque capita observaveris, & observare deinceps velis.

Considera II. Cur istam tui ipsius curam strenue suscipere, & gerere constanter debeas, videlicet I. Quia sic DEUS requirit, mandans, ut proximum tuum, sicut te ipsum diligas, quod minime profecto præstares, si illius salutem, tua neglecta, procurares. II. Quia sic Christus docuit Matth. 15. dicens: *Quid prodest homini,*

N

mini,

*mini, si mundum universum lucretur, anima vero sua detrimentum faciat?* III. Quia ad ipsum graviter SS. Patres hortantur. Inter quos præclare S. Bernardus lib. 1. confid. c. 5. ad Eugenium Papam scribens sic loquitur: *Si totus vis esse omnium, instar illius, qui omnibus omnia factus est, laudo humanitatem, sed si plena est: quomodo autem plena te excluso? Et tu homo es, ergo ut integra sit, Et plena humanitas, colligat et te intra se sinus, qui omnes recipit; alioquin quid prodest tibi juxta verbum Domini, si universos lucreis, te unum perdens? quid solus fraudaris munere tui? memento proinde; non dico semper, non dico saepe, vel interdum reddere teipsum tibi. Quod ipsum alibi similitudine conchæ eleganter declarans, serm. 18. in Cant. sic loquitur: Quamobrem si sapias, concham te exhibebis, et non canalem; hic siquidem pene simul, et recipit, et refundit; illa vero, donec impleatur, exspectat, et sic, quod superabundat, sine damno communicat. In eundem sensum Eucherius in epist. Paræn. loquitur, dicens: Primas apud nos curas, quæ prima habetur, obtineat, summasque sibi sollicitudinis partes salus, quæ summa est, vendicet. Hæc nos occupet in presidium, ac tutelam sui, jam non plane prima, sed sola. Omnia vincat eo studio, quo præcedit omnia. IV. Quia, & salus aliena hanc propriam curam suadet; cum enim, qui sibi nequam est, nemini bonus esse possit, ut commune proverbium habet, quomodo alterius salutem procurabit efficaciter, qui suam negligit? an non audiet ab illis, quibuscum agit? *Meditare cura te ipsum*, V. Quia & ipsa ratio eam exigit; dictans, charitatem a seipso incipere. Unde præclare iterum S. Bernardus. S. 18. super Cant. Ego, inquit, nullum ad salutem pietatis gradum illi gradui interponendum censeo, quem Sapiens Eccl. 30. posuit dicens: *Miserere animæ tuæ placens DEO*. Propterea inquit Apostolus ad Hebr. 13. abundantius *Observare oportet nos ea, quæ audimus, ne forte perefluamus*. Benigna, prudentisque charitas affluere consuevit, non effluere. VI. Etiam Filii sæculi eandem doctrinam passim exemplo suo doceant, ut qui, teste quotidiana experientia, pro-*

prium lucrum, & comodo, velut omnium actionum suarum cynosuram spectant, unde merito potest Sacerdos timere, ne, si sui ipsius curam negligat, iterum Christum audiat objicientem sibi, filios sæculi prudentiores esse lucis filiis. VII. Denique natura ipsa in omnibus plantis, & aliis viventibus id confirmat, ut quæ non ante generare, aut semen communicare incipiunt, quam ipsa perfectionem suam intrinsecam acceperint. Merito ergo Sacerdos salubre Siracidis c. 29. consilium sequitur: *Recupera proximum secundum virtutem, & attende, ne incidas*; in errorem scilicet eorum, qui præpostero Zelo sic alienæ salutis curam suscipiunt, ut suæ vel nullam, vel exiguam gerant.

Considera III. Quænam hætenus impedimenta te impediverint, quo minus accuratam tui ipsius curam gereres, tria præcipue reperies. Primum est, *defectus luminis*, quo perfecte cognoscas, & bene ponderes, ac apprehendas, in quo ordinata charitas consistat, unde motiva in priori puncto proposita diligenter consideranda sunt, & alias etiam in Meditationibus cum DEO frequenter de hac materia agendum erit, ut experiaris in te, quod sponsa Cant. 1. de se ipsa fatetur dicens: *Introduxit me Rex in cellam vinariam, & ordinavit in me charitatem*. Secundum est, *Inordinatus zelus*, quo scilicet multa opera suscipimus, non ut proximo prosumus, sed ut laudem, & famam nobis conciliemus; hinc enim fit, ut totos nos ejusmodi operibus impendamus, aliaque opera ad propriam salutem pertinentia vel omnino negligamus, vel certe decurremus, aut obiter duntaxat, & sine fructu peragamus. Quod impedimentum proinde per rectificationem intentionis removendum est; si enim nihil aliud in omnibus actionibus nostris, quam DEI beneplacitum quæramus, hoc ipso etiam non alio modo, quam qui ipsi placet, proximi salutem procurare, desiderabimus, qualis modus autem utique non est, ut proximo cum detrimento nostræ salutis serviamus. Unde verus Operarius prudentes Virgines Matth. 25. imitatur, quæ, cum fatuæ oleum peterent, quod ipsis sine dispendio suo se dare non posse

advertabant, audacter id negarunt, dicentes: *Ne forte non sufficiat nobis, & vobis, ite potius ad vendentes, & emite vobis.* Tertium est, quod multa nimis negotia simul suscipiantur; hinc enim fit, ut quemadmodum S. Gregorius l. Past. c. 4. advertit, *impar inveniat ad singula, qui confusa mente dividitur ad multa.* Quare pro hoc impedimento removendo bene advertenda, & observanda est doctrina Ludovici de Ponte tom. 3. tr. 4. c. 9. asserentis, fervorem non tam in eo positum esse, ut multa quis complectatur, quam ut officium exacte fiat. Hinc cum Moyses in hoc genere excedere videretur, a socero suo Jetro Exod. 10. audire debuit: *Non bonam rem facis, stulto labore consumeris.* E contrario vero DEUS ipse, licet mundum unico momento creare potuisset, maluit per sex dierum intervallum absolvere, ut vel hoc suo exemplo doceret, quantopere cupiat ab iis, qui minorem mundum, id est, hominem creare, seu in primævum suum statum reducere desideret, nihil præproperum, & inordinatum, sed omnia in mensura, & ordine fieri, ne locum aliqui habeat illud Salomonis effatum: *Totum spiritum suum profert stultus, sapiens differt, et reservat in posterum.* Certe hæc inter primas fraudes dæmonis, quibus fructum, & salutem nostram impedire conatur, merito numeranda est; quam jam olim Exod. c. 5. Pharaoni quoque inspiravit, dum eidem suggessit, ut Israelitas multitudine laborum opprimeret, ne DEO sacrificarent. Ne ergo in hanc fraudem incidat Sacerdos, dicat cum S. Davide Ps. 21. *Erue a framea DEUS animam meam, & de manu canis (infernalis) unicum meam;* itaque deinceps sui ipsius curam gerat, ut verò dicere cum Psalmista Psal. 119. possit: *Anima mea in manibus meis semper;* quia ut bene notat S. Bernardus l. 3. de vigil. Nat. *sicut, quod in manibus tenemus, non obliviscimur facile, sic numquam oblivisci debemus negotium animarum nostrarum, & illa cura principaliter in cordibus nostris vigere debet.*

## MEDITATIO III.

## DE VITA PRIVATA CHRISTI.

Et si S. Ignatius pro iis, qui Exercitia longiori tempore facturi sunt, plures Meditationes de vita Christi, puta, de præsentatione illius in templo, de fuga in Ægyptum &c. præscripserit; quia tamen hæc divisio pro octo diebus dumtaxat est facta, ideo, cum omnes Meditationes huiusmodi tam arcto tempore absolvi non queant, in compendio quodam omnes illæ Meditationes sub titulo privatæ vitæ tradi possunt. Unde sicut in priori Meditatione perpensum est, quomodo Christus primum Christiani hominis officium docuerit, scilicet *abstinere*, ita in hac considerandum est, quomodo etiam alterum officium, *agere* videlicet, monstraverit. Quia vero duplex Christi actio fuit, privata scilicet, & publica, priorem in hac meditatione, posteriorem sequenti die considerabimus.

Præludium I. Erit, Christum, nunc circumcissum, nunc in templo oblatum, nunc in Ægyptum fugientem, nunc in templum Ierosolymitanum ascendentem, nunc in Nazareth cum Patre laborantem intueri.

Præludium II. Petere gratiam, ut vitam Christi occultam rite cognoscere, ac æstimare, & pro viribus imitari queas.

## Punctum I.

Considera I. Quid Christus a primo instanti Nativitatis usque ad trigessimum annum egerit, id nempe, quod S. Lucas c. 2. tribus verbis istis, *Et erat subditus illi*, indicavit; vere enim, si totam hanc illius vitam (quam, quia cum proximo adhuc publice conversari non cœperat, occultam voco) nihil magis, quam obedientiam æterno Patri, & Parentibus terrenis exhibere studebat, uti ex circumcissione, oblatione in templo, fuga in Ægyptum, ascensione ad templum Jero-

folymitanum, commoratione tam diuturna in Nazareth patet.

Considera II. Quibus in rebus potissimum hanc obedientiam exercuerit, nempe ut faceret semper, quæ Patri cœlesti, & parentibus terrenis placere cognoverat, & quomodo placebant, & quia illis placebant, & ideo merito Encomium illud: *Bene omnia fecit*: Marc. 7. postea audivit.

Considera III. Quam præclarum sit hoc elogium, & quam a te quoque, & omnibus hominibus appetendum, utpote in quo summa perfectio continetur, cum, sicut arbor bona ex fructibus bonis cognoscitur, ita perfectus quoque Christianus ex quotidianis actionibus rite peractis dignoscatur, ut adeo merito illuminatus quidam Asceta dixerit, summam Christiani hominis perfectionem in hoc consistere, ut quotidianas actiones bene perficiat. Unde ad hanc perfectionem ipse quoque Christus Matth. 12. invitavit dicens: *Estote perfecti, sicut et Pater vester cœlestis perfectus est*: per quæ verba utique non voluit nos in substantiali perfectione similes esse, sed ut sicut ille cuncta, quæ creavit, viderat esse valde bona. Gen. c. 1. ita & nos illum in hoc imitari studeremus. Vide proin, quomodo hac in parte Christum imitari studueris, & deinceps velis. Colloquium ad SS. Patronos.

## Punctum II.

Considera I. Quem fructum Christus ex hac sua vita occulta tulerit, scilicet quod creverit ætate, sapientia, & gratia apud DEUM, & homines, non quidem augmentum verum in sapientia, & gratia capiendo (cum a primo vitæ instanti summo in gradu hæc omnia possederit) sed eam pro nostra informatione magis in dies manifestando.

Considera II. Quam fere hunc fructum sperare etiam tu possis, si omnia tua opera bene facere studueris; nam vere etiam cresces I. *Ætate* non materiali duntaxat, sed etiam spiritali, de qua S. Gregorius l. 4.  
mor.

mor. c. 12. dixit ; *Vita Christiana dies sunt virtutes singulae ; menses autem multiplicia facta virtutum.* Unde , ut idem l. 4. moral. c. 13. ait , *Electis , cum foris ætas corporis , intus , si ita dicere liceat , crescit ætas virtutis . Senectus quippe venerabilis est non diuturna ,* teste Salomone sap. 4. *neque annorum numero computata ; cani autem sunt sensus hominis , & ætas senectutis vita immaculata .* II. Pariter cresces sapientia ; cum hæc nihil aliud sit , quam rerum cœlestium sapida sapientia , id est , non in nuda cognitione earum consistens , sed cum studio sectandi conjuncta ; quis autem hanc sapientiam magis possidet , quam qui opera quotidiana , quæ sola sequuntur nos post mortem , & præmium cœlestis sollicitant , bene facere studet ? Sed & III. *Gratia apud DEUM* , & Cœlites crescet , cum perpetuam illis laudem per talia opera , gratissimumque obsequium præstet , ut bene S. Augustinus in Pl. 150. notavit dicens : *Vis semper laudare DEUM ? benefac omnia , quæ facis , et semper laudasti Deum .* Unde hi potissimum in iudicio *Benedicti* vocabuntur , & ad regnum Patris possidendum a Christo citabuntur . IV. Denique etiam *gratia apud homines* crescet ; tum quia si talia opera pro ipsis , & defunctis offerat , magna , & multa illis beneficia a DEO impetrabit ; atque adeo hoc ipso etiam amorem , & gratiam merebitur ; tum quia , ut Thomas Kemp. l. 1. c. 25. bene advertit , jucundum valde , & dulce est , videre fervidos , & devotos Fratres bene morigeratos , & disciplinatos . Quos omnes fructus breviter , & bene complexus est , qui dixit per talem occultam vitam summum DEO , & Cœlitibus obsequium , summum ipsi operanti in hac altera vita gaudium , summum defunctis , & viventibus auxilium exhiberi , & procurari .

Considera III. Quam recte triplex hoc motivum triplici funiculo , qui difficile rumpitur , comparetur , atque adeo & te , qui ratione vocationis ad majorem perfectionem teneris , merito obligare debeat ad singulare studium bonis operibus (rite perficiendis) impendendum ; Colloquium ed. B. Virginem

## Punctum III.

Confidera I. Quæ media adhibere possis , & debeas ad vitam hanc occultam rite addiscendam , nempe ut Christum in omnibus suis actionibus , & vita *Spectatorem* , *Adjutorem* , *Instructorem seu Magistrum* , *Consolatorem* , & *Premiatorem* adhibeas , dicasque cum pio Poeta :

Tu Consolator , Merces , Spectator , JESU ,  
Tu meus Adjutor , tuque Magister eris .

Confidera II. Quam efficax sit hoc medium ad actiones tuas quotidianas summa cum perfectione obeundas . Si enim spectatorem , & talium maxime , a quibus copiosum præmium sperari potest , præsentia , & aspectus , tantopere excitat Actores aut artifices , ad personam suam aptissime repræsentandam , operaque tua exactissime facienda , quanto magis tu opera tua perfectissime absolvere conaberis , si memineris , te Christum , cujus solius præsentia , & præmia , omnium hominum præsentiam , & mercedem infinities superat , non Spectatorem , & Præmiatorem solum , sed etiam Adjutorem , qui gratia sua , & cooperatione juvet ; & Magistrum , qui exemplo suo præeat , & instruat : & Consolatorem , qui in difficultatibus occurrentibus præsentia sua , & consolatione roboret , & soletur , habere .

Confidera III. Cum opera Sacerdotis hoc ipso , quod Divino Ministerio immediate sit consecratus , ex se præstantiora longe sint , quam aliorum hominum , quam æquum sit , ut , quemadmodum etiam sæculares Artifices majorem longe diligentiam in pretiosioribus operibus adhibent , ita tu quoque omnem conatum in quotidianis tuis actionibus perfecte obeundis præstes , illud S. Davidis 1. Paralip. c. 29. suo modo usurpans : *Totis viribus preparavi impensas domus Domini ( seu opera mea quotidiana perfeci ) non enim homini preparatur habitatio ( & actio ) sed DEO .* Colloquium ad Chri.



Christum, pro Spectatore, Adjutore, Magistro, Consolatore, & Præmiatore denuo ipsum eligendo.

### Materia Lectionis,

Ex libro 2. de Imitatione legi hoc die poterit cap. 1.

Ex libello Exercitiorum vero legi possunt Regulæ de electione; non quidem eo fine, ut status (si quidem jam electus sit) de novo eligatur, sed ut in aliis etiam occurrentibus negotiis adhibeantur; modo omnia semper eligens metiatur ex DEI honore, nullo habito respectu ad proprias commoditates, maxime temporales, ut intentio semper in DEUM recta sit, nec ob aliquid terrenum inflectatur.

Præcipue autem S. Ignatius has regulas circa emendationem, & ordinationem status observandas esse ait, ita ut v. g. is, qui matrimonio junctus, vel officio dignitatis Ecclesiasticæ adstrictus est, regularum harum adminiculo, sedulo colligat, quam amplam domum, & familiam æquum sit se habere: quibus eam modis tractare, & administrare conveniat: quibus instruere verbis, & exemplis: quantum præterea de possessis facultatibus sumptum facere liceat in usus proprios vel domesticos: quid rursus pauperibus erogare, vel impendere piis operibus deceat; nihil affectando aliud, nec quærendo, nisi quod honorem DEI, & salutem suam præstet. Hoc enim unusquisque sibi persuasum habeat, tantum se in studiis spiritualibus promoturum esse, quantum ab amore sui ipsius, & commodi proprii affectione sese abstraxerit. Cæterum ipsas regulas modumque eligendi, & alia ad electionem rite instituendam pertinentia partim in ipso libello Exercitiorum, partim in parte prima hujus instructionis fusius legi possunt.

### Materia Scriptionis.

Cum nihil æque necessarium, & decens videatur, quam ut dignitatem status sacerdotalis, & vocationis  
sue

suæ excellentiam rite cognoscat Sacerdos, ne alioqui de ipso dici queat, quod S. David de homine dignitatem suam non cognoscente Pl. 48. dixit: *Homo (& Sacerdos) cum in honore esset, non intellexit; propterea comparatus est jumentis insipientibus, et similis factus est illis.* Merito consultum videtur, ut semper in memoria, aut certe ad manum habeat breviusculas quasdam sententias, quibus SS. Patres sacerdotalis dignitatis magnitudinem exprimere sunt conati; quare non inutilem laborem suscipiet, si hodie paucas ejusmodi sententias sibi conscribat, quales exempli gratia sequentes esse possunt.

I. *Sacerdotium est summa bonorum omnium, quæ in hominibus consistunt.* S. Ignatius ad Smyrn.

II. *Qui bene præsumt, Presbyteri, duplici honore digni habeantur, maxime qui laborant in verbo, et doctrina:* S. Paulus 1. Tim. c. 5.

III. *Tantum interesse debet inter Sacerdotem, et quemlibet virum probum, quantum inter cælum, et terram discriminis est.* S. Isidorus Pelus. l. 2. ep. 205.

IV. *Quanto anima corpore præstantior est, tanto est sacerdotium Regno excellentius.* S. Clemens l. 2. c. 34.

V. *Aurum non tam pretiosius est plumbo, quam regia potestate altior est dignitas sacerdotalis.* S. Ambrosius l. 2. de dign. dist. 36.

VI. *Vere veneranda Sacerdotum dignitas, in quorum manibus DEI Filius velut in utero matris incarnatur.* S. Augustinus hom. 2. in Pl.

VII. *Omnium quidem bonorum magna est gratia, inter omnes autem maxima est sacerdotalis dignitas, si quis eam immaculate custodiat.* S. Chrysostomus hom. 15. in Matth.

VIII. *Honorate Sacerdotes, ut Patres, ut Dominos, ut beneficos, et bene vivendi Auctores.* S. Clemens l. 7. constit. Apost. l. 32.

IX. *Sacerdotes merito non modo plus vereri debemus, quam vel Principes, & Reges; verum etiam majore honore, quam parentes proprios beneferre.* S. Chrysostomus l. 3. de Sacerdotio.

X. O Sacerdos DEI altissimi, si altitudinem cœli contempleris, altior es: si pulcritudinem solis, & lunæ, pulcrior es: si discretionem Angelorum, discretior es: si omnium Dominorum sublimitatem, sublimior es: Solo DEO, & Creatore tuo inferior es: Cassand. in Cathal. gloriæ.

XI. Quod datum non est Angelis, concessum est Sacerdotibus; hi enim ineffabile efficiunt Sacrificii mysterium, & Angeli conficientibus velut famuli assistunt. S. Augustinus.

XII. Grandis dignitas Sacerdotum, sed grandis ruina, si peccant: lætemur ad ascensum, sed timeamus ad lapsum. S. Hieronymus super Ezech. l. 2.

## DIES QUARTA.

SCopus hujus diei est Christum in vita publica, id est, in conversatione cum proximo recte instituenda imitari, quæ est altera pars secundi officii ad Christianum, & Sacerdotem maxime pertinentis, & in agendo constituti; unde merito Sacerdos operam dare debet, ut omnia hujus diei Exercitia magna cum diligentia peragat, scopumque illis præfixum obtinere conetur.

### Tessera.

Non degeneremus ab excelsis cogitationibus Filii DEI, nec inferamus crimen gloriæ nostræ. Mach. c. 9.

## MEDITATIO I.

### DE DUOBUS VEXILLIS.

Hæc Meditatio eo potissimum tendit, ut sicut in Meditatione de Regno DEI Sacerdos statuit Christum, in genere sequi, ita nunc ad armilustrium veniat, discatque contra quos hostes in specie, & quibus armis sub

sub vexillo Christi pugnare debeat, fortiterque se ad bellum accingat. Unde S. Ignatius hanc Meditationem maximi semper faciebat, utpote ex qua ideam totius perfectionis Religiosæ, ipsiusque Societatis JESU fundandæ concepit, ideoque ab aliis quoque eandem Meditationem magna cum contentione, & fructu, & quidem, si fieri posset, media nocte, ut tanto collectior mens maneret, institui optabat.

### Textus S. Ignatii.

*Præludium primum erit historica quadam consideratio Christi ex una parte, & ex altera Luciferi, quorum uterque omnes homines ad se vocat, sub vexillo suo congregandos.*

*Secundum est, ad constructionem loci, ut representetur nobis campus amplissimus circa Jerosolymam, in quo Dominus JESUS Christus tamquam bonorum omnium summus Dux assistat. Rursum alter campus in Babylonia, ubi se Lucifer malorum, & adversariorum Ducem exhibeat.*

*Tertium ad gratiam petendam illud erit, ut poscamus exploratas habere fraudes mali ducis, invocata simul Divina ope ad eas devitandas; veri autem, optimique Imperatoris Christi agnoscere mores ingenuos, ac per gratiam imitari posse.*

### Punctum I.

*Punctum primum est, imaginari coram oculis meis, apud Campum Babylonicum Ducem imperiorum in cathedra ignea, & fumosa sedere horribilem figura, vultuque terribilem.*

### Punctum II.

*Secundum est, advertere, quomodo convocatos Demones innumeros per totum orbem spargat ad nocendum; nullis civitatibus, & locis, nullis Personarum generibus immunibus relictis.*

Pan-

## Punctum II.

*Tertium, attendere, cujusmodi Concionem habeat ad Ministros suos, quos instigat, ut correptis, injectisque laqueis, & catenis homines primum trabant (quod sere contingit) ad cupiditatem divitiarum, unde postea facilius in mundani bonoris ambitionem, ac demum in Superbia baratrum deturbari queant.*

*Atque ita tres sunt precipui sentationum gradus in divitiis, bonoribus, & Superbia fundati, ex quibus in alia vitiorum genera omnia praeceptis fit decursus.*

*Similiter ex opposito considerandus est summus optimusque Dux noster, & Imperator Christus.*

*Primum punctum erit, conspiciari Christum in amœno campo juxta Jerusalem, humili quidem constitutum loco, sed valde speciosum forma, & aspectu summe amabilem.*

*Secundum autem est, speculari, quo pacto ipse Mundi Dominus universi electos Apostolos, Discipulos, & Ministros alios per orbem mittat, qui omnium hominum generi, statui, & conditioni doctrinam sacram, & salutariferam impertiant.*

*Tertium, auscultare Concionem Christi exhortatoriam ad servos, & amicos suos omnes in opus tale destinatos, qua eis praecepit, ut juvare studeant quemlibet, ac primo inducendum curent ad spiritualem affectum paupertatis, & insuper (si Divini obsequii ratio, & electio caelestis eo ferat) ad sectandam actu ipso veram paupertatem: deinde ut ad opprobrii, contemptusque desiderium alliciant, unde humilitatis virtus enascitur. Et ita consurgunt tres perfectionis gradus, videlicet paupertas, abjectio sui atque humilitas, quae ex diametro divitiis, bonori, et superbiae opponuntur, ac virtutes omnes statim introducunt.*

*Colloquium postea formandum erit ad Virginem beatam, implorandaque est per eam a Filio gratia, ut recipi possim, et manere sub vexillo, idque primo per spiritualem tantum paupertatem, aut etiam in rerum exspoliatione sitam (si quidem ad eam me vocare, atque admittere dignabitur)*

sur) deinde per abjectionem quoque seu ignominiam, ut ipsum imiter vicinus; deprecando tamen culpam aliorum, ne contemptus mei tam in alicujus detrimentum, quam in offensam DEI cedat. Terminabitur primum hoc colloquium per Ave MARIA.

Secundum Colloquium ad Christum dirigitur, ut mihi a Patre impetret illud idem, subdeturque in fine Oratio: Anima Christi.

Tertium ad Patrem, ut annuat petitioni, cum Pater noster.

Pro meliori intellectu hujus Meditationis duo obiter notanda sunt. Primum est, quod S. Pater Ignatius hac similitudine duorum vexillorum usus sit, eo quod illam præ aliis idoneam valde judicaverit, ad Spiritus contrarios detegendos, qui inter nos pugnant, primamque nobis lucem ingenerandam pro spirituum discretionem necessariam, ut tanto melius inter bonum, & malum distinguere, & huic quidem resistere, illud vero eligere, & sectari valeamus. Alterum est, quod idem Sanctus Pater in hac Meditatione nullam concupiscentiæ carnis, quæ tamen inter potissimos animæ hostes numeratur, mentionem fecerit, eo quod ea dumtaxat (ut Suarez. to. 4. de Relig. l. 9. c. 5. n. 29. putat) enumerare voluerit, quæ maxime perturbant rectam electionem, suntque divitiæ, honor, & superbia; non autem carnis concupiscentia, cum, quidquid in hoc genere vitiosum est, non cadat sub electionem, sed per se notum sit, eam compesci, & frangi debere. Porro ut & hanc Meditationem facilius sibi applicare possit Sacerdos, poterit eam in tria puncta ad hunc fere modum dividere.

### Punctum I.

Confidera I. Quales sint Duces, qui te ad suum vexillum attrahere conantur, videlicet ex una parte Christus Creator, Redemptor, ac summus Benefactor tuus, Dux potentissimus, felicissimus, & amantissimus  
suo-

suorum Militum , honestissimum belli sui finem , majorem scilicet DEI gloriam , & tuam ac aliorum salutem habens , & amplissimum denique , ac perenne præmium promittens ; Ex altera vero parte Dæmon insensissimus DEI , & tuus , omniumque hominum Hostis ; atque adeo pro fine horum omnium perditionem constituens , & præmii loco milites suos inexplicabilibus tormentis per totam æternitatem excrucians .

Confidera II. Si juxta S. Jobi testimonium , Militia est vita hominis super terram , atque adeo necessario sub alterutro Duce pugnandum est , an non æquius sit , ut sub Christo omnes optimis Ducis conditiones habente , ex fine tam glorioso , & pro tam magno præmio , quam sub Dæmone contraria omnia habente , & & promittente , stipendia merearis ,

Confidera III. Si ob allatas rationes quivis homo Christi vexillum jure merito sequi debet , quanto potiori jure , & alacritate tu Christi castra sequi debeas , utpote quem non modo ad bellum vocare , sed etiam inter præcipuos suos Capitaneos adlegere dignatus est . Vide proin , quomodo te hactenus gesseris ; & si quidem te Vexillum Christi deseruisse deprehenderis , vel nunc veniam supplex a Duce Christo pete , atque , ut probum ex imbecillitate , & infidelitate contractum fortissimis facinoribus , & generosis victoriis eluas , sedulo te conaturum promitte . Colloquium etiam ad SS. Patronos institui potest .

## Punctum II.

Confidera I. Contra quos præcipue hostes pugnandum sit sub vexillo Christi , videlicet contra triplicem Exercitum , quem inimicus Dæmon contra te , & omnes homines educit , divitiarum scilicet , voluptatum , & honorum inordinatum amorem , & concupiscentiam ; nam , ut recte S. Jacobus c. 1. advertit , *unusquisque tentatur a concupiscentia sua abstractus , & illectus.*

Confidera II. Quotopere timendus sit hic hostis , ob triplicem causam . 1. Quia tam multas jam victo-  
rias

rias a fortissimis quibusque Heroibus reportavit. 2. Quia intestinus, & domesticus hostis est, atque adeo declinari nequit, cum, teste S. Scriptura Gen. 8. *Sensus, et cogitatio humani cordis in malum prona sunt ab adolescentia sua.* 3. Quia perpetuum cum eo bellum gerendum est; nam, ut bene advertit pius Author l. 1. c. 13. *non est homo securus a tentatione, quamdiu vixerit, quia in nobis est, unde tentamur, ex quo in concupiscentia nati sumus.*

Considera III. Si generosi Milites tanto amplius gaudent de hostis potentia, & fortitudine, quanto meliorem sibi occasionem oblatam advertunt, insignem victoriam, prædamque reportandi, quantopere tu quoque gratulari debeas tibi de tam multiplici, & gloriosa certandi, & vincendi occasione oblata; quod proinde te ipsum ad certamen illis S. Chrysostomi ser. de Mart. verbis animare debeas. *Unde tu Christiane (ac Sacerdos) delicatus es Miles, si putas, te posse sine pugna vincere, sine certamine triumphare. Exere vires, fortiter dimica, atrociter in praelio isto concerta. Considera pactum, conditionem attende, militiam nosce: pactum, quod sppondisti: conditionem, qua accessisti; militiam, cui nomen dedisti.* Colloquium ad B. Virginem, rogando illam, ut, quoniam ipsa terribilis fuit, & etiamnum est, sicut castrorum acies ordinata, ita te quoque tuis hostibus terribilem, sua intercessione facere dignetur.

### Punctum III.

Considera I. Quam præclaro exemplo tibi præverit Dux tuus Christus in certamine contra triplicem hunc Hostem suscipiendo, dum scilicet post quadraginta dierum in deserto commorationem, triplicem cum hoste conflictum suscepit, & in primo quidem concupiscentiam carnis, in altero concupiscentiam honoris, in tertio concupiscentiam divitiarum generose, ac feliciter superavit, ita ut Dux ipse Diabolus cum triplici suo Exercitu eum derelinquere coactus sit, nec umquam amplius redire ausus.

Con-



Confidera II. Quibus armis potissimum ufus fit ad hostes hos superandos : videlicet gladio ancipiti Spiritus, quod est Verbum DEI ; cum, quoties Diabolus ipsum tentavit, eundem sententia aliqua ex S. Scriptura velut Verbo DEI petita eluserit, & fugarit.

Confidera III. Quam aptus, & efficax fit hic gladius ad similem de iisdem hostibus victoriam reportandam, cum directe jugulum petat triplicis concupiscentiæ, & oblati seu ostensis bonis melioribus falsam, & apparentem divitiarum, honoris, & voluptatum bonitatem vilescere, & desipere faciat. Quam sedulo proinde ac constanter a te maxime, velut Sacerdote clavem ad Armamentarium Verbi Divini seu S. Scripturæ habente usurpari, aliisque tibi subjectis militibus distribui debeat. Maxime vero unam ex sequentibus sententiis usurpando : *Quid mihi est in cælo, & a te quid volui super terram ? DEUS cordis mei, & pars mea in æternum. Pl. 72. Renuit consolari anima mea ; memor fui DEI, & delectatus sum. Pl. 76. Delectare, O anima mea, in Domino, & dabit tibi petitiones cordis tui. Pl. 36. Absit mihi gloriari (& delectari) nisi in cruce Domini nostri JESU Christi, per quem mihi Mundus crucifixus est, & ego Mundo. Gal. 6. Excita proinde te ad prælium pulchra illa pii Auctoris I. 3. c. 56. sententia. Eja fratres, pergamus simul, JESUS erit nobiscum. Erit Adjutor noster, qui est Dux noster, & præcessor. En Rex noster ingreditur ante nos, qui pugnabit pro nobis. Sequamur viriliter, nemo metuat terrores, simus parati mori fortiter in bello, nec inferamus crimen gloriæ nostræ, ut fugiamus a Cruce. Colloquium ad Christum dicendo cum memorato Asceta : Domine JESU, sicut dixisti, & promisisti, sic fiat, & mihi promereri contingat. Suscepi, suscepi de manu tua Crucem velut vexillum, & Verbum DEI velut gladium ancipitem ac sanctum, in quo dejiciam omnes Adversarios meos ; portabo, & portabo eam usque ad mortem.*

## MEDITATIO II.

## DE TRIBUS CLASSIBUS.

Etiam hæc Meditatio percommode subjungitur Meditationi de duobus vexillis ; cum enim Militi , postquam Hostis sui fraudes , & Machinationes cognovit , & contra eundem fortiter pugnare decrevit , nihil magis necessarium sit , quam ut arma alacriter corripit , & suum in ipsa acie Ordinem , & locum a Duce assignatum teneat , recte S. Ignatius in hac Meditatione diversitatem eorum , qui Christum sequi volunt , proponit , ut cognita priorum graduum insufficientia ad finem optatum obtinendum ; ad tertium , & perfectissimum gradum pervenire contendamus , sicque S. Pauli consilium ad æmulanda charismata meliora adhortantis se quamur .

## Textus S. Ignatii.

*Præludium primum fiat , propositis historia tribus hominum classibus distinctis , quarum unaquaque decem millia ducatorum alio , quam Divini cultus , & amoris studio sibi paraverit ; nunc autem placatum habere DEUM , & salva fieri exoptet , sublato utcumque noxio affectu rerum , utpote salutis impedimento .*

*Secundum est , imaginaria constructio loci cujusdam in quo videam , meipsum coram DEO , Sanctisque omnibus adstantem atque perseverantem , cum desiderio intelligendi , quonam pacto ipsi DEO placere queam potissimum .*

*Tertium est , optatæ rei petitio , nimirum gratiæ , per quam id eligam , quod & DEO acceptissimum , & mihi saluberrimum futurum sit .*

*Prima igitur Classis optat quidem acquisitæ rei acquirere affectum , ut conciliari DEO possit , sed media , debitaque adminicula toto vitæ tempore non admovent .*

*Secunda itidem affectum male ordinatum auferre cupit , sed rem interim mordicus tenere , ac DEUM potius*

trahere ad votum proprium, quam relicto impedimento, per conducibiliorem Statum ad illam tendere.

Tertia postremo affectum insincерum volens abjicere, rem ipsam vel tollere, vel tenere aequae parata est: prout ad Divinum cultum commodius fore, vel ex Divino instinctu, vel ex rationis dictamine animadverterit, ac interim omnia relinquens integra, illud tantum versat, & inquit, nec aliam admittit relinquenda, aut retinenda rei acquisita causam, praeter rationem, ac desiderium Divinae gloriae, ut quam maxima sit.

Colloquia tria subsequuntur, ut nuper facta sunt in Meditatione de duobus vexillis.

Hæc Meditatio, ut ex contextu apparet, eo potissimum collimat, ut cognoscat Exercitans, non posse se perfectam paupertatem spiritualem consequi, nisi etiam ad actu-lem sit dispositus, atque adeo paulatim ad Electionem Status faciendam disponit. Quia tamen Sacerdos, qui hic præcipue instituitur, Statum sacerdota-lem jam elegisse supponitur, ideo ut debitum fructum ex hac Meditatione ipse quoque referat, poterit eandem in sequentem modum peragere.

### Punctum I.

Considera I. Primam classem Sacerdotum in eo consistere, quod Ordinem quidem Presbyteratus, curamque animarum susceperint, sed nulla ad geminum hunc finem obtinendum media adhibere volunt; hinc SS. Missæ Sacrificium, Officium Divinum, & similia Exercitia spiritualia tepide, & sine fructu peragunt, Verbi Divini prædicationem, & Sacramentorum administrationem obiter, & sine legitimo Zelo obeunt, verbo, solo nomine Sacerdotis, & Pastoris contenti sunt.

Considera II. Quam periculosam sit in hac Classe versari. Quis enim Dux toleraret Militem, numquam ad vigilias, bellum, aliaque officia militaria prodire volentem? quis Dominus retineret Famulum, solo titulo famuli contentum, numquam autem ad debita servitia præstanda manum applicantem? quanto minus er-

20 DEUS tolerabit Sacerdotem, si vitam; & opera Vocationi suæ congrua non egerit? an non jure ad Sacerdotem ejusmodi illa Apocalypsis c. 3. verba repetet: *Scio opera tua, quia nomen habes, quod vivas, & mortuus es. Esto vigilans, & confirma cetera, quæ moritura erant. Et iterum c. 2. Memor esto, unde excideris, & age pœnitentiam, & prima opera fac, sin autem venio cito, & movebo candelabrum tuum de loco suo.*

Considera III. An non & tu hac in Classe fueris; & si quidem in ea te fuisse deprehendas, emendationem serio propone, & sicut olim Alexander Militi nomen quidem Alexandri gerenti, sed nulla egregia facinora præstanti dixit: *Aut nomen Alexandri depone, aut Alexandro digna gere*: ita & tu similibus verbis te adhortare: *aut Sacerdotis nomen depone, aut Sacerdote digna age*: nihil enim prodest, quod aliquis Sacerdos vocetur in nomine, si hoc non ostendit in opere, ut recte olim in simili casu S. Augustinus serm. 38. de Sanctis pronuntiavit. Colloquium ad SS. Patronos.

#### Punctum II.

Considera I. Secundam Classẽ Sacerdotum in eo sitam esse, quod media quidem ad suam aliorumque salutem procurandam adhibere velint, non autem ea, quæ DEUS, Superiores, recta ratio præscribunt, sed potius, quæ proprius amor, & voluntas dicat. Hinc in functionibus suis potius consolationem, & laudem, ac famam propriam, quam fructum quærunt.

Considera II. Quam parum honorificum, imo noxium etiam sit, in hac quoque Classe consistere. Quis enim Dux Militem retineret, suo magis, quam Ducis arbitrio, ac directione pugnare volentem? an non defectu directionis, & auxilii a Duce offerendi infelicitèr pugnabit? Idem autem Sacerdos timere debet, si media a se potius excogitata, quam a DEO, & Superioribus præscripta adhibeat. Tunc enim merito de eo verificabitur, quod Christus Joan. 15. dixit: *Si quis in me non manserit, mittetur foras sicut palme, & arefcet, & colligent eum, in ignem mittent, & ardet.*

Con-

Confideta III. An non & tu in hac classe adhuc hæreas, atque adeo merito illa Apoc. 3. verba applicare queas: non invenio opera tua plena coram DEO meo. *In mente ergo babe qualiter acceperis* (vocationem tuam) *& audieris* (media, quæ adhibere debeas) *& serva*, *& penitentiam age*. Colloquium ad B. Virginem.

## Punctum III.

Confidera I. Tertiam Classem Sacerdotum in eo consistere, ut tam suam, quam proximi salutem non tam juxta suum, quam DEI, & Superiorum arbitrium procurare, omniaque ab iis præscripta media solícite usurpare velint, illud Christi præceptum Joan. 15. semper ob oculos habentes: *Ego sum vitis, vos palmites; sicut palmes non potest ferre fructum a semetipso, sic nec vos, nisi in me manseritis.*

Confidera II. Quam multa & efficacia motiva habeas, ut ad hanc Classem pervenire totis viribus contendas. Nam 1. Liberalitas DEI ad hunc Statum te vocantis id exigit, cui par est utique mutua liberalitate respondere. 2. Proprium tuum commodum id suadet; quo enim liberaliorem erga summam Majestatem te præstiteris, tanto eum in te liberaliorem etiam experieris, & in dies magis idoneus eris ad gratias, & dona spiritualia uberiora percipienda, ut S. Ignatius suos p. 3. constit. c. 1. §. 22. hortatus est. 3. Ad salutem quoque proximi promovendam mire conducit hæc Classis, cum Christus aperte dixerit Joan. 15. *Qui manet in me, & ego in eo, hic fert fructum multum.* Quis autem magis in eo manet, quam qui ad exemplum illius non suam in omnibus suis actionibus, sed ejus, qui misit illum, voluntatem, ac gloriam quærit. 4. Exempla sæcularium quoque non modice impellunt; quis enim non quotidie videt, quam efficacia media ad finem sibi præfixum excogitent? quam fortiter & constanter ea exequantur? Potuerunt ergo illi & isti, & tu non poteris?

Confidera III. Quomodo hætenus conatus sis ad hanc classem pervenire, & conari deinceps velis, illam tibi.

S. Pauli ad Eph. 4. sententiam ab Ecclesia dictam credens: *Obsecro vos, ut digne ambuletis vocatione, qua vocati estis, cum omni humilitate & mansuetudine, cum patientia &c. Sicut vocati estis in una spe vocationis vestrae.* Colloquium ad Christum.

### Consideratio

#### De Cura Animarum.

Considera I. In quo consistat Cura Animarum, nimirum in hoc, ut veri Pastoris officium impleas, atque adeo 1. Oves tibi commissas *pascas* SS. Eucharistia, & Verbo Divino tam in Concionibus & Catechesi, quam in privata conversatione. 2. Ut eas Oves tuas pro viribus *custodias*, commendando eas frequenter protectioni Divinae, repellendo lupos malorum occasionum, easque a fraudibus Furis infernalis, seu Dæmonis defendendo, ut dicere aliquando possis: cum vero Pastore Christo Joan. 17. *Cum essem cum eis, ego servabam eos in nomine tuo. Quos dedisti mihi, custodiri, & nemo ex eis perivit.* 3. Ut ægrotas oves *sanes* per confessiones auditas, per opportunas correptiones, per salutaria remedia præscripta. Vide proin, quomodo hæc omnia hæcenus observaveris, & observare deinceps velis.

Considera II. Quas ob causas hanc curam Pastora-lem libenter suscipere, & sedulo administrare debeas, videlicet 1. Quia DEUS easdem tibi commisit, severam olim rationem exacturus, &, ut S. Joannes Apostolus olim Episcopo, cui Adolescentem educandum commiserat, dixit, ad te dicturus: *Redde depositum meum.* 2. Quia tam caro sanguinis & vitæ Christi pretio sunt redemptæ, unde merito S. Carolus Borromæus l. 3. c. 2. act. Mediol. f. 837. *Si, inquit, tantum erga pecora diligentia impendunt Pastores illi (qui oves materiales custodiunt) quam, quæso, excusationem habebimus, quibus rationales animæ concredita sunt, quod profundum hunc somnum dormimus?* 3. Quia amplissi-  
ma

ma merces promissa pro tali custodia ; si enim magna mercedis est , ait , S. Gregorius l. 10. mor. c. 16. a morte recipere carnem quandoque morituram , quanti est meriti a morte animam liberare in cœlesti Patria sine fine viſuram ? Pondera proin hæc motiva , & per eadem Zelum tuum sub cinere amoris proprii sopitum exſuscita .

Considera 3. Quibus mediis & industriis uti debeas ad curam hanc Pastoralem digne , & fructuose gerendam , videlicet iisdem , quibus Pastores ovium materialium uti consueverunt . Et primo quidem Amorem specialem erga oves tuas concipiendo ; si enim Dæmon olim , cum a Christo in iudicio rogatus , cur dicere ausus sit , quod majori impetu in perniciem animarum feratur , quam tortens violentus per campos rapi consuevit , respondit : *quia tu illas tantopere amas* : quidni eundem amorem tu quoque considerans simili amore accendaris , atque adeo , & simili impetu rapiaris ad eas diligentissime custodiendas . Secundo Vigilantiam velut canem secum semper habendo , sicque diligenter pericula , quæ ingruere possunt , sollicitè prævidendo , & fortiter removendo . Tertio Baculum fortitudinis & invictæ constantiæ in manibus semper tenendo , illud Christi Matth. 10. semper ob oculos habendo : *Nolite timere eos , qui occidunt corpus , animam autem non possunt occidere* , nisi per vestram timiditatem , & socordiam eis aditus ad illam permittatur . Vide proin , quam efficacia sint hæc media , & quomodo tu ea hæcenus adhibueris , aut adhibere deinceps velis . Colloquium ad Christum .

### MEDITATIO III.

#### DE VITA PUBLICA CHRISTI.

Per Vitam publicam Christi hoc loco nihil aliud intelligitur , quam tres anni ultimi Vitæ Christi , quos in salutē Proximi per publicas actiones , puta conciones , sanationes , conversationes &c. procuranda consumpsit , unde scopus hujus Meditationis erit addisce-

re, quomodo Christus cum hominibus egerit, & quibus industriis eorum salutem procuraverit.

Prælude primum erit, Christum in terris obambulantem, & prædicantem, aliaque beneficia tam corporalia, quam spiritualia conferentem intueri.

Secundum erit, petere gratiam, ut hoc Exemplar bene aspicere, & quam proxime imitari queam.

### Punctum I.

Confidera I. Quomodo Christus se ad vitam hanc publicam præpararit, & quid ante curam animarum susceptam observarit, videlicet 1. Per baptismi Peccatoribus præcipue ad poenitentiam administrati susceptionem, perfectissimam humilitatem exercuit, ut, quo altius futurum erat prædicationis Evangelicæ ædificium, tanto profundius prius fundamentum jaceret. 2. Non ante, quam a Patre cœlesti mitteretur, illaque vox, *Hic est Filius meus dilectus, in quo mihi complacui*, de cœlo audiretur; ut adeo merito illa Isaïæ c. 61. verba usurpare potuerit: *Spiritus Domini super me, eo quod unxerit Dominus me, evangelizare pauperibus misse me, prædicare captivis remissionem*. 3. orationi & jejunio per quadraginta dies vacavit, ut gratiam ad tantum opus necessariam petere, & impetrare doceret. 4. Diabolum ter tentantem fortiter repulit, & vicit; ut iterum exemplo suo doceret, neminem secure alios ad pugnam cum Dæmone & vitiis suscipiendam efficaciter hortari posse, si non prius ipse generosam de hoste victoriam reportasset.

Confidera II. Quam aptæ sint hæc industrie ad curam animarum fructuose suscipiendam, eo quod per easdem Operarius Evangelicus cum DEO arctius jungatur, atque adeo optatum successum, & gratiam vocationis jure merito sperare queat.

Confidera III. Quomodo tu hactenus has industrias observaris, & observare deinceps velis. Colloquium ad SS. Patronos.



## Punctum II.

Confidera I. Quomodo Christus se gesserit, quando actu curam animarum suscepit; videlicet quod 1. Hanc curam suscepit *prudenter*, præmittendo orationem; & bonam intentionem præmittendo omnibus actionibus, ut, dum ipse rigaret & plantaret, DEUS incrementum daret. 2. *Universaliter*: omnes æquali amore complectendo, ita ut jure usurpare potuerit: *Venite ad me omnes, qui laboratis, & onerati estis, & ego reficiam vos.* Matth. 11. 3. *Efficaciter*; beneficia tam corporalia liberaliter conferendo, ita ut hoc quasi exemplo perinde, ac S. Joannes Discipulos ad imitationem hortatus sit, dicens: *Filioli mei, non diligamus verbo, aut lingua, sed opere & veritate.* 1. Joan. 3. 2. *Fortiter*, nulli difficultati aut murmuratiõni, alterive obstaculo cedens, nulli labori aut molestiæ succumbens, ita ut velut bonus Pastor animam suam dare non dubitaverit pro ovibus suis, ut per hoc indicium magnitudinem charitatis suæ probaret.

Confidera II. Quam bene & succincte his quatuor proprietatibus tota Pastoralis curæ obligatio, & perfectio comprehendatur; quam æquum proinde sit, ut ad hoc exemplar oculos, mentemque assiduo reflectas, & quam proxime æmulari studeas.

Confidera III. Quomodo id hæcenus egeris, & agere deinceps velis. Colloquium ad B. Virginem.

## Punctum III.

Confidera. I. Quomodo Christus se post actiones in Proximi salutem susceptas gesserit, nimirum, quod gratias Patri suo devote egerit; nihil sibi de fructu, sed omnia Patri adscripserit, non quærens gloriam suam, sed ejus, qui miserat ipsum, Patris: non tristatus sit, si optatus successus & fructus non est secutus, sed placide in Divina ordinatione acquieverit.

Confidera II. Quam æquum sit, ut tu quoque simili

li modo te geras ; & primo quidem gratias tanto ferventius persolvas , quanto majus tibi beneficium collatum esse agnoscis , dum te velut tam vile , & inutile instrumentum ad tam excelsum opus assumere dignatus est . Deinde vero de fructu etiam tanto tibi minus adscribas , quanto clarius cognoscis , te plantasse & rigasse dumtaxat , incrementum autem a DEO datum esse , atque adeo merito cum S. David Ps. 113. exclames : *Non nobis, Domine, non nobis, sed Nomini tuo da gloriam.* Denique quoad fructum etiam Divinæ dispositioni plenissime te conformes , sciens , quod curam a te solum exigit DEUS , non curationem , & securus fit labor tuus , ut quem nullus defectus evacuare valet , ut bene S. Bernardus l. 4. de confid. c. 2. advertit .

Confidera III. Quomodo hæc tria capita hactenus observaris , & observare deinceps velis . Colloquium ad Christum .

### Materia Lectionis .

Ex lib. 3. de Imitatione legi potest c. 56.

Ex libello Exercitiorum vero legi possunt tres Gradus Humilitatis in hunc modum a S. Ignatio propositi .

*Primus Humilitatis modus hic est ad salutem necessarius, ut me penitus subdam Divinæ legi observandæ, utque ne Mundi quidem totius oblato mihi dominio; vel extremo vitæ discrimine objecto, transgrediar ex deliberato Mandatum ullum Divinum, aut humanum, quod quidem peccati mortalis vinculo nos obliget.*

*Secundus majoris est perfectionis, ut fixo animo ad divitias, paupertatem, bonorem, ignominiam, brevitatem vitæ ac longitudinem, æque sim propensus, ubi æqualis est Divinæ laudis, & salutis vitæ occasio, utque nulla vel humane quantacumque felicitatis, vel propriæ mortis conditione proposita adducar umquam, ut culpam, licet venialem tantum, decernam admittere.*

*Tertius est modus humilitatis absolutissima, ut priores jam duos adeptus etiamsi nullo superaddito laus DEI par foret, ad majorem tamen imitationem Christi, eligam*  
potius

*potius cum eo paupere, spreto, & illuso, paupertatem, contemptum, & insipientia titulum complecti, quam opes, bonores, & sapientia estimationem.*

Porro circa hos tres gradus rectius intelligendos, sequentia breviter annotasse proderit. Primo. Finem eorundem esse, ut omnium præteritarum Meditationum fructus in compendium redigantur, & proposita in eis facta confirmentur, unde S. Ignatius eorum considerationem non pro speciali Meditatione præscripsit, sed solummodo per vices, toto diei decursu, recolere eos iussit.

Secundo. Totam perfectionem Christianam in his tribus gradibus contineri, atque adeo primum viæ purgativæ, secundum illuminativæ, tertium unitivæ respondere.

Tertio. Eisdem gradus appellari a S. Patre modos humilitatis, eo quod humilitas, licet immediatus ejus finis sit, affectum propriæ excellentiæ moderari, per hanc tamen moderationem conetur perfecte hominem subjicere DEO, & ad mandatorum perfectam observationem disponere. Aliam intuper rationem, cur hos gradus sic nominaverit, affert Ludovicus de Palma, quod scilicet hi gradus contemptum omnium divitiarum & bonorum, & vires, bonamque dispositionem ad infamiam, & vilipensionem subeundam exigant, quæ omnia sine profunda humilitate fieri non possunt.

Quarto hos gradus a S. Patre faciendæ electioni propositos fuisse, eo quod hæc electio maxime pendeat ex abstractione, a rebus temporalibus, animique subjectione ad DEUM, quæ utraque dispositio per hos gradus obtinetur.

### Materia Scriptionis.

Pro hac hodie materiam copiosam axiomata quædam spiritualia dabunt; hæc enim sunt quasi firmi lapides, ex quibus fundamentum Christianæ perfectionis construi debet; ad quos in memoriam & animum jaciendos sequentibus verbis hortatur Origenes hom. 26.

in

In Lucam: *Antequam oriatur tempestas, antequam ventorum flatus consurgant, & intumescant flumina, omne studium ad adificiorum fundamenta vertamus: adificemus domum nostram firmis lapidibus, ut, cum durus turbo surrexerit, ostendamus nos habere adificium supra firmam petram Christum JESUM.* Ut autem ejusmodi axiomata in promptu habeas, sequentem in modum annotari possunt.

### Axiomata Vitæ Spiritualis.

I. *Nemo bonus, nisi solus DEUS*, Luc. 18. intellige substantialiter, & a se. Hinc DEUS Moyſi Exod. 33. *Veni ostendam omne bonum tibi.*

II. *Fecisti nos, Domine, ad te, & inquietum est cor nostrum, donec requiescat in te.* S. Augustinus lib. 1. Conf. hinc DEUS triangulare cor fecit, ut innueret, a solo DEO uno & trino, non autem a circulari Mundo impleri illud posse.

III. *Dulcius ex ipso fonte petuntur aqua*; quia ex illo purius, recentius, copiosius hauriuntur. Hinc DEUS Jerem. 2. queritur: *Me dereliquerunt fontem aqua viva.*

IV. *Gustato Spiritu desipit omnis caro*: hinc S. David hortatur. Psal. 33. *Gustate, & videte, quoniam suavis est Dominus.*

V. *Nihil malum, nisi peccatum*: quia hoc solum separat a summo bono, vel minuit possessionem illius. Hinc S. Petrus 1. c. 3. *Quis est, inquit, qui noceat vobis, si boni emulatores fueritis.*

VI. *Tantum proficies, quantum tibi vim intuleris.* Thomas Kemp. l. 1. c. 25. quia, cum sensus hominis ad malum proni sint, necesse est, ut, quanto violentius se a malo abstraxerit, tanto propinquius ad summum bonum accedat. Hinc SS. Ignatius, & Franciscus Xaverius nihil magis, quam victoriam sui commendabant.

VII. *Si vis vitam, muta vitam.* S. Augustinus, quia mutando vitam tuam imperfectam, morieris tibi, quantum

tum autem morieris tibi, tantum DEO vivis, qui est vita vera, jucunda, secunda, perennis.

VIII. *Omnis gloria Filie Regis ab intus.* Pl. 44. quia omnis gloria hominis in possessione summi boni, quæ per amorem obtinetur, consistit; amor autem intrinsecus est animæ. Hinc merito DEUS per Prophetam Jer. c. 9. hortatur: *Non gloriatur Sapiens in Sapientia sua: & non gloriatur fortis in fortitudine sua: & non gloriatur dives in divitiis suis: sed in hoc gloriatur, qui gloriatur, scire, & nosse me.*

IX. *Optima vita, optimus DEI cultus.* Seneca in polit. quia optima vita est vita beneplacito & voluntati DEI conformis; nemo autem DEUM magis colit, quam qui ejus voluntatem perfecte implet; hinc S. Augustinus in Pl. 150. dicit: *Vis semper laudare DEUM? benefac omnia, quæ facis, & semper laudasti DEUM.*

X. *Recte novit vivere, qui recte novit orare.* S. Augustinus ho. 40. quæ duo media ad vitam recte instituendam sunt necessaria, illustratio intellectus, motio voluntatis; hoc autem utrumque per orationem recte institutam obtinetur.

X. *Tantum DEUS apponit ad adjutorium, quantum nos addimus ad studium.* Cæsius hom. 3. ad Monach. Quia, quando homo facit, quod in se est, tunc præparatio hominis ad gratiam habet necessitatem ad id, ad quod ordinatur a DEO, non quidem necessitatem coactionis, sed infallibilitatis, quia intentio deficere non potest, uti S. Thomas 1. 2. q. 112. a. 3. discurret.

XII. *Summa patientia, summa scientia;* quia hæc scientia, scilicet nosse recte pati, est summe necessaria, utilis, & honorifica, unde S. Paulus aperte 2. Cor. 2. dixit: *Non judicavi, me scire aliquid inter vos, nisi JESUM Christum & hunc Crucifixum.*

XIII. *Opinio, non tribulatio nos cruciat;* quia tribulatio mala in se non est, cum summam recte accipientibus utilitatem afferat; sed opinio de illa malam facit; cum igitur turbamur ex earum adventu, non alios culpemus, sed nos ipsos, id est, opiniones nostras, ait recte Epictetus. c. 10. Enech.

XIV.

XIV. *Prima virtus Monachi est, hominum-judicia contemnere.* S. Hieronymus in epist. ad Pammach. quia cum humana judicia plerumque valde distorta sint, id est, contraria rectæ rationi, nihil umquam recte ager, qui talibus judiciis velut regulæ suas actiones contormat. Hinc S. Paulus 1. Cor. 4. dixit: *Mibi autem pro minimo, est ut a vobis judicer, aut ab humano die.* Si enim hominibus placerem, Christi servus non essem.

XV. *Perfectio maxima in minimis.* Quia in his major difficultas superanda est, atque adeo amore DEI, in quo perfectio consistit, magis exercetur; hinc S. Ignatius, teste Nicolao Lyræo l. 1. apophth. 5. ad quemdam sic scripsit: *Libentissime audimus, te inter fratres infima querere, & ultima atque minima consecrari; nam magnitudo humana mentis non in eo sita est, ut magna ex suo sensu quis eligat, & amplectatur, sed ut ad minima se extendat.* Perge igitur exerceri in minimis, ut maxima æterna vita premia promerearis.

XVI. *Qui abstinens est, adjiciet vitam.* Prov. 21. quia, dum sanitatem corporis conservat, vitam quoque corporalem adjicit; & dum ad spirituales actiones rite peragendas aptior per abstinentiam efficitur, spirituales quoque vitam gratiæ & gloriæ non mediocriter auget.

XVII. *Qui se humiliat, exaltabitur* Luc. 14. nam I. exaltatur ad majorem amicitiam DEI, ut S. Augustinus in Ps. 26. indicavit dicens: *Vis esse exaltatus? esto humilis; quia surgimus sancti, cum sumus humiles.* II. Exaltatur ad officia digniora: quia DEUS infirma mundi eligit, ut confundat fortia. III. Exaltatur ad famam majorem, quia gloria sequitur fugientes.

XVIII. *Omnia nostra aliena sunt, solum tempus nostrum est.* Seneca; quia temporis solius perfectum dominium habemus; hinc tam solícite monet Apostolus ad Eph. *Videte, Fratres, quomodo caute ambuletis, non quasi insipientes; sed quasi sapientes, redimentes tempus.*

XIX. *Obediens loquetur victorias.* Prov. 21. quia I. vincet *dæmonem*: qui per solas voluntates nostras proprias nos impugnat. atque adeo, dum hæc aliis perfecte per obedientiam subjicitur, arma dæmonis infrin-

gun-

guntur. Hinc S. Gregorius in 4. Reg. c. 4. *ceteris virtutibus inquit, demones impugnamus, obedientia vincimus.* II. Vincet carnem propriam; expedit enim inferius subjici superiori; inquit S. Augustinus, ut is, qui subjici vult id, quod inferius est, subjiciat se Superiori suo. Tu majori tibi minor. Tu DEO, tibi caro. Hinc Thomas Kemp. l. 2. c. 13. monet: *Disce igitur celeriter Superiori tuo te submittere, si carnem propriam optas subjugare.* III. Vincet inimicus; quia, cum placuerint Domino viæ ejus ( id quod maxime per obedientiam fieri solet ) etiam inimicos convertet ad pacem; aut certe, cum sit vir secundum cor DEI, brachium DEI confortabit eum. IV. Vincit difficultates in actionibus occurrentes: Quia, cum faciat cum Ezechia mandata, quæ præcepit Dominus, cum ipso quoque Dominus erit, & in cunctis, ad quæ processerit, sapienter se geret. V. Vincet tribulationes: quia obedienti perinde ut diligenti omnia convertentur in bonum.

XX. *In Christianis non exordia laudantur, sed finis.* S. Hieronymus l. 1. contra Jovin. nam in cassum bonum agitur, si ante vitæ terminum deseratur; & frustra velociter currit, qui, priusquam ad metas venerit, deficit, ut S. Gregorius l. 1. mor. recte pronuntiavit.

## EXERCITIA.

### TERTIÆ HEBDOMADÆ.

**H**Actenus in superiori hebdomada consideratum est, qua ratione Christus Dux, & Magister noster prima duo officia hominis Christiani, scilicet *abstinere*, docuerit; superest, ut pariter nunc consideretur, quomodo tertium officium, videlicet *sustinere* docuerit, id quod in tertia hac hebdomada discetur. Unde facile patet, quis sit scopus hujus hebdomadæ, nempe *artem patiendi* a Christo velut peritissimo Magistro discere; quod ut facilius obtineatur, sequentia de hac arte monita breviter notanda sunt.

Pri-

Primum monitum est, artem hanc in tribus præcipue regulis consistere, scilicet ut *patienter*, id est, absque murmuratione & contradictione; *libenter*, id est, eo animo, ut, si optio daretur inter auream, & spinæam coronam, hanc cum S. Catharina Senensi eligeremus: *ardenter*, id est, cum gaudio (juxta S. Jacobi c. 1. monitum dicentis: *Omne gaudium existimate, Fratres, cum in varias tentationes incideritis*) tribulationes sustineantur. Quos tres gradus seu regulas S. Bernardus S. 1. de S. Andrea assignavit, dicens: *Triplex hic considerare licet gradum, incipientium, proficientium, & perfectorum. Qui initiatur a timore, Christi crucem sustinet patienter: qui proficit in spe, portat libenter: qui vere consumatur in charitate, amplectitur jam ardenter. Solus etenim iste est, qui dicere possit: Amator tuus semper fui, & desideravi amplecti te. Felix anima, qua ad hunc perveneris gradum.*

Secundum monitum est, plurima quidem esse objecta, circa quæ ars hæc patiendi versari solet, sed ea omnia ad tres classes revocari posse, videlicet ad indigentiam, dolores & contemptum, quas classes P. Balthasar Alvarez Societatis JESU Sacerdos, tres Comites Christi appellare solebat, eo quod per totam vitam copiosas earum patiendarum occasiones habuerit, maxime vero tempore Passionis suæ, uti ex Meditationibus sequentis diei apparebit.

Tertium est, varia quidem media ad hanc artem addiscendam ab Ascetis & Patribus spiritualibus præscribi; sed primarium merito censeretur, ut fundamentum hujus artis bene apprehendat, quod est, certo sibi persuadere, imo firmissima fide credere, quod nihil sine voluntate approbativa, & permissiva DEI fiat; quidquid autem DEUS fieri permittit, id ex singulari Providentia ac Sapientia ipsius ad summam nostram utilitatem dirigi, vel ut castiget nos tamquam Pater: vel probet nos, tamquam Dux & Magister: vel perficiat nos, magisque uniat sibi tamquam sponsus, ex quibus finibus semper unum præfigit DEUS, & propterea Ps. 28. *Filius unicornium* vocatur, eo quod non cæco im-

petu



petu feriat, ut Tauri habentes cornua supra oculos facere consueverunt, sed sicut unicornis, quod cornu suum habet infra oculos, ut adeo videat, quem & qua ratione ferire velit; sed & cornu valde salutari ferit, utpote quod aquas venenatas a veneno liberat, & purgat.

Quartum monitum est, hanc artem omnibus quidem hominibus necessariam esse (cum omnes oporteat per multas tribulationes introire in regnum DEI, Act. 14. &, ut S. Laurentius Justin. c. 3. ligni vitæ advertit, *Universum vitæ nostræ tempus sit quadam vigilia sollemnitatis æternæ; vigilia autem utique non sit tempus deliciarum, sed fletus*) sed præcipue tamen Sacerdotibus convenire, tum quia ipsi quoque sunt vas a DEO electum, ut portent nomen DEI coram gentibus & Regibus, atque adeo ostendetur etiam illis, quanta oporteat eos pro Christi Nomine pati; tum quia ipsi sunt Capitanei Christi velut supremi Ducis, atque adeo merito etiam majori fortitudine præditi, atque ad adversa multa perpetienda parati esse debent, cum, ut S. Teresa, teste Lancizio opusc. 9. n. 13. dicere solebat, semper observatum sit eos, qui Christo viciniore extiterunt, plus aliis laboribus & adversis lancinatos & vexatos fuisse. Unde Sacerdos curam animarum suscipiens imaginari debet sibi contingere, quod S. Henrico Susoni, teste Nicolao Lyræo in apophth. S. Ignatii l. 1. apophth. 3. contigisse scribitur, dum scilicet juvenis quidam a DEO missus ocreas, scutum, & hastam obtulit dicens: *Noveris, te hætenus inter pedites meruisse, modo vero ad equestrem Ordinem vocari; prius enim ut lubuit, te castigasti, nunc flagello iniqua lingua caderis: hætenus uberibus Christi lactatus, nunc felle potaberis: hætenus hominibus gratus eras, licet tibi inimicus, nunc homines contra te calcaneum levabunt.* Unde merito, si talia experiatur, dicere potest Sacerdos, quod Seneca lib. de provid. dixit: *Digni visi sumus DEO, in quibus experiretur, quantum humana natura pati possit: Optimi milites ad durissima mittuntur.*

## DIES QUINTA.

**S**Copus hujus diei est, discere a Christo, quomodo se ad artem patiendi exercendam præparare debeat Sacerdos; ad hanc enim præparationem ipse Christus non semel Discipulos suos hortatus est, maxime vero Jo. 15. dum dixit: *Mementote sermonis mei, quem ego dixi vobis. Non est servus major Domino suo. Si me persecuti sunt, & vos persequentur. Et iterum c. 16. Absque synagoga facient vos, sed venit hora, ut omnis, qui interficit vos, arbitretur, obsequium se præstare DEO. Sed hæc locutus sum vobis, ut, cum venerit hora, eorum reminiscamini, quia ego dixi vobis.* Hinc etiam S. Augustinus in Pl. 40. monet: *Ad tribulationes, pressuras, angustias, tormenta, dolores, abundantiam temptationum paremus animos; ne imparati deficiamus; hæc enim nobis scriptura in hoc saculo promittunt. Ne autem falli timeamus a Scripturis, sic paulo ante locutus est. Fratres mei, obsecro vos, attendite Scripturas nostras, si aliquid fefellerunt, & si aliquid dixerunt, & aliter accidit, quam dixerunt. Quia vero Christus triplicem præcipue præparationem adhibuit; scilicet lotionem pedum, Eucharistiæ institutionem; & orationem in horto, ideo quomodo eandem Sacerdos quoque imitari debeat, per triplicem hodiernæ diei Meditationem ostendetur.*

Thessera.

Ludam, & vilior fiam plus, quam factus sum; & humilis ero in oculis meis. 2. Reg. 6.

## MEDITATIO I.

*DE LOTIONE PEDUM, SUMMAQUE humilitate per eam a CHRISTO exercita.*

Punctum I.

Præludia more consueto.

Considera I. Qua potissimum de causa Christus se  
ad

ad pedes Apostolorum abjecerit, pedesque laverit, nempe ut humilitatis profundissimæ exemplum pulcherri-  
mum relinqueret; hoc enim ipse Jo. 13. indicavit, dum  
dixit: *Exemplum dedi vobis, ut, quemadmodum ego fe-  
ci, ita & vos faciatis*; quod utique non de lotione pe-  
dum, sed humilitate per eam exercita intelligendum  
est; ut scilicet, quemadmodum Matth. 11. dixit, di-  
scerent ab ipso mites & humiles corde esse, id est, non  
modo se minimos omnium per intellectus judicium æsti-  
marent, sed etiam revera ut tales ab aliis haberi, &  
tractari per voluntatis affectum appeterent.

Considera II. Quam magnum & præclarum fuerit hoc  
exemplum; si enim magna prorsus, teste S. Bernardo.  
*s. super missus est*, & rara virtus est humilitas honora-  
ta, mirabilem te apparere, & contemptibilem te re-  
putare; quantam oportet fuisse Christi humilitatem,  
qui cum in forma DEI esset, non rapinam arbitratus  
est, esse se æqualem DEO, sed semetipsum exinani-  
vit, formam servi, id est, hominis quoad conditio-  
nem status postremi & minimi accipiens.

Considera III. An non S. Augustinus hoc exemplum  
considerans merito to. 2. Epist. 56. dixerit: *Obsecro,  
& plurimum rogo, non patiamini sine causa tam pretio-  
sum exemplar vobis exhibitum esse, sed conformamini illi,  
& renovamini spiritu mentis vestre*. Vide proin, quo-  
modo hoc exemplar hactenus secutus sis, & sequi de-  
inceps velis, maxime cum tam præclaram habeas oc-  
casionem, Parochianis tuis, cum magna humilitate te  
subjiciendi, & serviendi, si non materiali, spirituali  
certe pedum lotionem, id est, absolutionem sacramentali.  
Colloquium ad SS. Patronos.

## Punctum II.

Considera I. Quas ob causas Sacerdos specialiter hoc  
Christi exemplum imitari, profundissimæque humilitati  
studere debeat, videlicet I. *Ob summam suam dignitatem*,  
qua omnes homines, etiam ipsos Reges, ut alibi ex SS.  
atribus ostensum est, superat, unde merito sibi appli-

care debet salubre Siracidis c. 3. Eccl. monitum : *Quanto magnus es , humilia te in omnibus & coram DEO invenies gratiam , quoniam magna potentia DE I solius , & ab humilibus honoratur . II. Ob. muneris sui qualitatem : cum enim finis hujus muneris sit DE I gloriam , suamque & proximi salutem pro viribus procurare , merito humilitatem tamquam efficacissimum medium ad triplicem hunc finem obtinendum , arripere debet ; cum DEUS infirma & humilia mundi eligere soleat , ut confundat fortia . Unde merito Sacerdos S. Augustini sapientissimum consilium sequi debet , in serm. de verbis Domini dicentis : *cogitas magnam fabricam construere celsitudinis* (qualis utique est gloria DEI major , & propria , proximique perfectio) *de fundamento prius cogita humilitatis* . III. *Ob patientiæ necessitatem* : cum enim ars patienti Sacerdoti præ reliquis sit necessaria , æquissimum est , ut humilitati quoque specialiter studeat , quia , ut DEUS ipse S. Catharinæ Senensi Dial. c. 154. dixit , humilitatis Soror est patientia inviſta , & hæc patientia est medulla charitatis , ac signum evidens , ac aperte demonstrativum , quod anima sit in gratia consistens in DEO . Unde de ipſo Christo S. Paulus ad Philipp. 2. dixit , quod prius humiliaverit seipſum , & postea primum factus sit obediens usque ad mortem crucis .*

Considera II. Quam efficacia sint hæc motiva ad humilitatem persuadendam ; quamque adeo vere S. Joannes Evang. B. Mariæ Magdalenæ de Pazzis in raptu dixerit (ut vitæ ipsius p. 4. c. 40. refertur) quod anima , quæ in se habet perfectionem humilitatis , facillime possidebit amorem absque eo , quod aliud exercitium adhibeat ad illum obtinendum ; & numquam inveniatur cor plenum humilitate , quin sit plenum amore .

Considera III. Quomodo tu deinceps virtutem hanc sectari velis , eumque in finem semper meminisse , quod S. Bernardus in Epist. Non verè minus , quam præclare dixit : *Nulla splendidior gemma in omni præcipue ornatu summi Pontificis ( & ob paritatem rationis , etiam cujusque Sacerdotis ) quam humilitas ; nempe si amittitur , illa virtutum aggregatio non nisi ruina est ; perit enim*

enim omne, quod agitur, si non in humilitate custoditur, teste S. Gregorio l. 8. moral. Colloquium ad B. V. rogando, ut, sicut ipsa placuit ex virginitate, sed ex humilitate concepit, ita quoque similem humilitatem impetrare dignetur.

### Punctum III.

Confidera I. Quibus mediis uti debeas ad hanc tam necessariam humilitatis virtutem obtinendam, tribus videlicet. I. *Affidua consideratione humilitatis Christi*; ita enim S. Bernardus epist. 87. tuasit dicens: *Exinanivit semetipsum Christus, ut prius præstaret exemplo, quod docturus erat verbo, & ut non apponat se ultro magnificare homo super terram; intolerabilis est impudentia, ut, ubi se exinanivit majestas, vermiculus infletur, & tumescat.* II. *Sincera sui cognito*: ita namque S. Bernardus in persona DEI loquens indicavit: *O homo, si te videres, tibi placeres, & tibi displiceret: sed quia te non vides, tibi places, & tibi displices.* Hinc senex quidam interrogatus a fratre, quomodo anima humilitatem adipisci posset? respondit: *Si sua tantummodo, & non alterius mala consideret.* Uti in vitis PP. l. 3. n. 131. refertur. *Humiliatio crebra*: nam, teste S. Bernardo in Epist. *Humiliatio est vita ad humilitatem, sicut patientia ad pacem, sicut lectio ad scientiam.* Si ergo virtutem appetis humilitatis, viam non refugas humiliat[i]onis; nam, si non poteris humiliari, non poteris ad humilitatem pervenire.

Confidera II. Quam efficacia sint hæc media, utpote per quæ tot & tam sancti Viri ad summam humilitatem pervenerunt, ita ut merito de iis usurpari possit verissima Joannis Climaci c. 2. & 3. grad. 15. sententia, qua dixit: *Quoties aliquem vel audieris, vel videris intra paucos annos altissimam tranquillitatem ( seu perfectionem, quæ est mater tranquillitatis ) acquisivisse, noli hunc existimare; aliam, quam hanc beatam, celeremque viam humilitatis pedibus ambulasse.*

Considera III. Quomodo deinceps hæc media usurpare velis, dicereque ad Christum per colloquium cum S. Bernardo S 2. de Ascens. Dom. *Domine JESU, beatus, qui ubique te Duce[m] habet, non illum refugium spiritum, qui statim ascendere voluit, & tota divinitatis dextera percussus est. Nos autem populus tuus & oves pascua tua, sequamur te per te ad te, quia tu es Via, Veritas, & Vita; Via in exemplo, Veritas in promisso, Vita in premio.*

## MEDITATIO II.

### DE SS. EUCHARISTIE INSTITUTIONE.

Præludia consueta.

#### Punctum I.

Considera I. Quæ fuerit causa primaria Eucharistiæ a Christo institutæ, scilicet, ut per eandem Sacrificium perpetuum ipse per Sacerdotes velut Ministros æterno Patri suo offerret; ob hanc enim causam S. David Pl. 107. dixit: *Tu es Sacerdos in æternum secundum ordinem Melchisedech.*

Considera II. Quam præstans, Deoque gratum sit hoc Sacrificium; si enim sacrificia pecorum, aut thymiamatis olim in veteri testamento oblata tam suavem DEO odorem creabant, id est, tam grata DEO extiterunt, ut & placari se tam facile permetteret, & tam multiplicia dona offerentibus conferret; quanto magis gratum eidem DEO Patri oportet fuisse hoc Sacrificium, quod sive offerentem, sive rem oblatam, sive intentionem offerentis spectes, omnia sacrificia alia etiam collective accepta infinities dignitate sua excedit, ita ut merito dicatur a Theologis, etiamsi omnes omnium Sanctorum actus virtuosus in uno cumulo, DEO cum omni possibili devotione offerrentur, numquam eos tam gratos eidem futuros, quam sit unicum Sacrificium Missæ a sceleratissimo etiam Sacerdote oblatum.

Con-

Confidera III. Quam magnum beneficium tibi fit collatum, dum præ innumeris aliis hominibus electus es, ut Christi personam in Sacrificio hoc offerendo sustinere, tamque gratum quotidie æterno Patri obsequium offerre, simulque ut Thomas Kemp. l. 4. cap. 5. loquitur, Angelos lætificare, Ecclesiam ædificare, vivos adjuvare, defunctis requiem præstare, & te ipsum omnium bonorum participem efficere possis, ita ut merito idem Auctor præ admiratione exclamet: *Grande mysterium, & magna dignitas Sacerdotum, quibus datum est, quod Angelis non est concessum. Certe si haberes Angelicam puritatem, & S. Joannis Baptista sanctitatem, non esses dignus hoc Sacramentum accipere, & tractare. Itaque attende tibi, & vide, cujus ministerium tibi traditum est per manus Episcopi; ecce Sacerdos factus es, & ad celebrandum consecratus, vide nunc, ut fideliter, & devote in suo tempore DEO Sacrificium offeras, & te ipsum irreprehensibilem exhibeas.* Colloquium ad SS. Patronos.

### ... Punctum II.

Confidera I. Quæ sit altera causa hujus institutionis, nempe ut esset memoriale Passionis suæ; ita enim ipse indicavit, dum statim institutioni subjunxit dicens; *Hac facite in meam commemorationem.* Hinc & ipsa panis, & vini consecratio seorsim facta, & cæremoniæ, quæ adhibentur ex scripto Ecclesiæ, ad Passionem Christi in memoriam revocandam conducunt; ideo namque Sacerdos, teste pio Auctore. l. 4. c. 5. *Habet ante se, & retro Dominica crucis signum ad memorandam jugiter Passionem. Ante se crucem in casula portat, ut Christi vestigia diligenter inspiciat. Post se cruce signatus est, ut adversa qualibet ab aliis illata clementer pro DEO toleret.*

Confidera II. Quantas hinc vires accipere queas ad crucem cum Christo fortiter, & constanter portantam: si enim teste S. Gregorio: *Nil est, quod non æquanimiter toleretur, si Christi Passio ad memoriam revocetur; quanto magis ad patientiam tu excitaberis,*

qui quotidie Christi Passionem modo tam perfecto in hoc Sacrificio recolis.

Considera III. An hactenus hoc medio usus sis ad artem patiendi addiscendam, & uti deinceps velis. Colloquium ad B. V. orando, si placet, hymnum: *Stabat Mater*.

### Punctum III.

Considera I. Quæ sit tertia causa institutionis huius, scilicet ut Eucharistia esset cibus animæ, eandem ad omnes labores exantlandos, adversitatesque fortiter perferendas confortans; ita enim S. David Ps. 22. indicavit dicens: *Parasti in conspectu meo adversus omnes, qui tribulant me*. Eadem de causa Christus hunc cibum paulo ante principium suæ Passionis instituit, sumpsitque ipsemet, & Discipulis suis distribuit, ut se quidem apparenter, atque ad exemplum, Discipulos vero re ipsa roboraret, atque ad societatem Passionis excitaret; si enim alias in fortitudine cibi, qui tantum figura erat Eucharistiæ, ab Angelo oblatus quadraginta dierum, & noctium molestissimum iter tam facile superavit, quanto majores vires ipsum figuratum, nempe Eucharistia, communicabit, ut non ad montem Horeb, ut Elias, sed ad montem Calvariæ cum Christo ambulemus, eidemque compatiatur, & commoriamur.

Considera II. Quam vel ex hoc titulo iterum te felicem censere debeas, quod tam præclarum medium tibi ad artem patientiæ juxta exemplum Christi Magistri, ac Ducis tui exercendam, oblatum sit, quamque adeo æquum sit, ut, quoniam sive supra, sive infra, sive intra, sive extra te converteris, ubique crucem inventurus es, quotidie hoc cibo cum magna aviditate fruaris, eumque in finem salubrem S. Augustini super c. 28. Matth. adhortationem tibi applices: *Accipe quotidie, quod quotidie tibi profit: sic vive, ut quotidie merearis accipere*; ne alioqui de te dici queat, quod de Juda infelici S. Hieronymus super Luc. dixit, quod  
sci-



scilicet biberit (& comederit) sed non saturatus sit; nec situm extinxerit ignis aeterni, quia indigne sitivit mysteria Christi.

Considera III. Quomodo hactenus hunc cibum desideraris, & sumptis, & sumere deinceps velis; nam, ut recte iterum pius Alceta l. 4. c. 3. notavit, *hæc est una principalis fidelis animæ consolatio, quamdiu peregrinatur in mortali corpore, ut sapius memor DEI sui, dilectum suum devota suscipiat mente.* Colloquium ad Christum cum congruis affectibus.

### MEDITATIO III.

#### DE AGONIA CHRISTI; ET ORATIONE IN HORTO.

Prælua more solito.

##### Punctum I.

Considera I. Cur Christus tam gravem agoniam, & tristitiam in monte Oliveti sustinere voluerit, ita ut repræsentatio sola sanguineum ipsi sudorem expresserit, nimirum ut solidam iterum præparationem ad secuturam Passionem doceret, & sic levius adversa tolerare faceret; *minus enim jacula feriunt, quæ prævidentur; & nos tolerabilius mundi mala suscipimus, si contra hæc per præscientia clypeum munimur;* ut recte S. Gregorius ho. 35. in Evang. notavit.

Considera II. In quibus capitibus hæc præparatio constiterit, nempe in sequentibus I. Quod firmissime sibi persuaserit, se secundum puram naturam humanam spectatum, eiusmodi adversitates, & tribulationes perpeti, ut decebat, non posse, sed omnem suam sufficientiam ex DEO esse. II. Quod ad montem Oliveti, id est, misericordiam DEI confugerit, ab eaque per ter repetitam ardentissimam orationem aut translationem calicis seu passionis, aut certe gratiam, & auxilium ad eundem exhauriendum petierit. III. Quod voluntatem suam

suam DEI voluntati plenissime conformarit , atque ideo calicem , ubi transferre eum , DEUM nolle cognovit , promptissima mente acceperit ; hoc enim indicant verba illa Matth. 26. *Pater si non potest transire calix iste , nisi bibam illum , fiat voluntas tua.*

Considera III. Quam solida sit hæc præparatio , dignaque quam omnes artem patiendi discere volentes adhibeant , utpote omnes eos actus , qui in simili casu a sapientissimo quoque præscribi , aut requiri potest , continentem . Vide proin , quomodo tu eam hæcenus usurpaveris , & usurpare deinceps velis. Colloquium ad SS. Patronos.

## Punctum II.

Considera I. Cur Christus ad suam hanc agoniam spectandam tres dilectissimos suos Discipulos , quibus ante in monte Thabor gloriam suam ostenderat , secum acceperit ; videlicet ut per hanc assumptionem significaret , se eos , quos magis diligit , magisque gloriæ suæ olim participes esse cupit , prius etiam tristitiæ , & passionis Socios habere velle . Hinc postea aliquando B. Baptistæ Veranæ , ut in Chron. S. Franc. p. 4. tr. 2. l. 7. c. 24. refertur , dixit : *Recordare , magis me tibi ostendisse signum amoris , dum te affixi , quam dum tenerem arctissime in dulcissimis brachiis meis.*

Considera II. Cum tu , veluti Sacerdos pariter inter Discipulos , & intimos DEI amicos adlectus sis , an non tuo quoque deinceps tribulationes omnes pro speciali beneficio agnoscere , atque adeo per præparationem in priori puncto indicatam ad easdem disponere , liberaliterque offerre velis , memor , & te ipse inter illos esse , quibus a S. Paulo ad Phil. 1. dictum est : *Vobis donatum est pro Christo , non solum ut credatis , sed etiam ut pro illo patiamini .* Quod etiam S. Augustinus in lib. de patient. confirmans , *Virtus animi ,* inquit , *quæ patientia dicitur , tam magnum DEI donum est , ut etiam ipsius , qui nobis eam largitur , patientia prædicetur .*

Con-

Confidera III. Ad quas præcipue tribulationes in specie te præparare, & offerre debeas, videlicet ad eas, quas S. Gregorius ho. 7. sup. Ezech. sequentibus verbis indicavit. *Tribus modis virtus patientiæ exerceri solet; alia namque sunt, quæ a DEO; alia, quæ ab antiquo adversario; alia, quæ a proximo sustinemus: a proximo namque persecutiones, damna, & contumelias sustinemus; ab antiquo Adversario tentamenta; a DEO autem flagella toleramus.* Sed in his omnibus vigilantissimo animo semetipsam debet mens circumspicere, ne contra mala proximi pertrahatur ad retributionem mali: ne contra tentamenta Adversarii seducatur ad detestationem, vel consensum delicti: ne contra flagella opificis prorumpat in excessum murmurationis. Vide ergo, quomodo in his te hactenus gesseris, & gerere deinceps velis. Colloquium ad B. DEI Matrem.

## Punctum III.

Confidera I. Quem fructum Christus ex hac sua præparatione reportarit, scilicet ut cælestis Pater per Angelum de cælo missum, ipsum consolaretur, atque ad crucem fortiter sustinendam amaret, id quod verba illa, *Surgite eamus*, indicant.

Confidera II. Quomodo Angelus eundem confortarit, nempe non aliter, quam ostendendo, cælestem Patrem omnino velle, ut calicem Passionis exhauriat, eo quod talis passio maxime conducat ad gloriam DEI, ad exaltationem Christi, & aliorum hominum salutem.

Confidera III. Quam solida, & efficax sit hæc confortatio, utpote quæ præcipuum motivum Christo obtulerit ad voluntatem suam cum DEI voluntate conformandam, crucemque cum gaudio amplectendam, scilicet aptitudinem, & efficaciam ad triplicem finem, qui ipsi in Incarnatione præfixus erat, obtinendum; hinc adeo exarsit hoc motivo in crucis amorem, ut quondam postea Religioso cuiusdam ex familia S. Birgittæ revelarit, se tanto patiendi ardore affici ad æter-

ni Patris sui gloriam , & honorem , ut etiamnum ad dexteram Patris sui sedens animas quærat pias , & benevolas , quæ sua ei corpora velut commodato donent, ut ipse in eis multa pati , & desiderium glorificandi Patrem suum per crucem amore plenam continuare possit. Vide proin, quomodo & tu hac confortatione te roborare, Christoque corpus, & animam tuam ad multa patienda pro simili fine commodare velis . Colloquium ad Christum.

## CONSIDERATIO

### DE CHARITATE ERGA ALIOS HOMINES

*Cura Pastoralis tuæ, non subiectos.*

Confidera I. Et examina, quid charitas ista a te requirat, videlicet I. Ut neminem umquam cogitatione ( puta suspicionibus variis , temerariis iudiciis , & fastuosis contemptibus ) nec verbo ( puta , murmuratione, detractiōe, mordaci, aut contumelioso sermone ) nec opere ( puta percussione illicita , damno in opibus illato, aut honore, auxiliove negato ) lædas; hoc enim est primum charitatis officium, quod Tobias senior filio suo juniori c. 4. commendavit dicens: *Quod ab alio non vis fieri tibi, vide, ne tu alteri feceris.* II. Ut proximum tuum pro viribus tuis diligas, cogitatione ( puta honorifice , & bene de ipso sentiēdo ; facta ipsius excusando , & meliorem in partem interpretando ; & , ubi excusationem non patiuntur, cum patientia, & cordiali condolentia sufferendo ) verbo ( puta , suaviter ipsum alloquendo : leniter , si opus est , corrigendo : honeste de illo loquendo , & detractiōes aliorum adversus illum factas aptis remediis avertendo ) opere ( puta , petita obsequia libenter concedendo ; debitum honorem exhibendo, & in necessitatibus illius hilariter , & prompte succurrendo ) vide proin quomodo hæc omnia præstiteris, & præstare deinceps velis.

Confidera II. Cur tu velut Sacerdos specialiter ad hanc

hanc charitatem exercendam obligeris, videlicet ob sequentes tres causas. 1. Quia, cum tu quoque ob officii similitudinem Apostolum, & Discipulum Christi te profitearis, tibi quoque proprie convenit illa Christi Joan. 13. adhortatio: *Mandatum novum (non novitate temporis, cum pridem jam a DEO sit datum, sed novitate specialis commendationis) do vobis, ut & vos diligatis invicem. In hoc cognoscent omnes, quia Discipuli mei estis, si dilectionem habueritis ad invicem.* 2. Quia, cum DEUM ob innumera beneficia accepta, clarioremque illius cognitionem magis quam alii, diligere tenearis, hoc ipso etiam proximum magis amare teneris, cum hoc babeamus mandatum a DEO, teste S. Joanne 1. cap. 4. ut, qui diligit DEUM, diligit & Fratrem suum; si enim non diligit Fratrem suum, quem videt, DEUM, quem non videt, quomodo potest diligere? unde merito S. Gregorius lib. 5. moral. dixit: *Tunc plenius in dilectione DEI proficimus, cum in ejusdem dilectionis gremio prius proximi charitate lactamur.* 3. Quia, cum nihil in urbe aliqua, vel Religione magis necessarium sit, quam concordia, & charitas (concordia namque res parvæ crescunt, discordia maximæ dilabuntur) atque adeo frequenter, & efficaciter alios ad hanc charitatem, & concordiam adhortari debeas, æquum est, ut exemplo magis, quam verbo eandem doceas: nam, ut S. Gregorius l. 10. moral. recte advertit, *nullum consilium melius est, quam si exemplo tuo Fratrem docere studeas, quæ oportet fieri, provocans eum ad meliora, & consulens ei non solum verbo, aut lingua, sed etiam opere, & veritate.*

Considera III. Quo medio potissimum uti vel ad hanc virtutem acquirendam, videlicet, ut Proximum tuum velut alterum Christum intuearis (cum Christus Matth. 25. aperte fassus sit, quidquid uni ex minimis fecerimus, se non aliter, ac si sibi factum esset, æstimaturum, & compensaturum, & eundem, vel ut alterum te, aut certe ut membrum ejusdem Corporis Mystici consideres; sic enim, cum nemo seipsum odio habeat, sed potius totis viribus diligit, etiam ad Pro-

ximum

ximum simili modo diligendum excitaberis . Vide ergo , quomodo his mediis usus hæctenus fueris , & uti deinceps velis .

### Materia Læctionis .

Ex libello de imitatione Christi legi potest medium caput 12. lib. 2.

Ex libro Ascetico vel Historico aliquot capita vel folia .

Ex libello Exercitiorum vero legi possunt Regulæ posteriores de discretionem Spirituum , quas proin , sicut priores , etiam in compendium breviter redactas huc ponam .

### Regula I.

Proprium DEI , & Angeli boni est , veram lætitiã spiritualem infundere ; nam Diabolus hanc lætitiã potius sophisticis argumentis veri speciem præferentibus oppugnare , & expellere solet . Per quam regulam pulchre licet distinguere veram , & fictam consolationem , dum scilicet vera consolatio semper solida , & secura media assumit , ficta vero fallaciis , & fraudibus tantum Divinorum prætextu vestitis utitur .

### Regula II.

Solius DEI est animam nulla præcedente causa ( id est , nullo vel sensibus , vel potentiis internis objecto proposito ) consolari , & in amorem suum trahere . Ex qua regula anxietates mentes præsens hauriunt remedium , quo admonentur , ne nimium suis viribus incumbant , atque in interioribus suis disponendis nimium se fatigent , sed potius per bonam fidem , spiritum contritum , & humilem conatum se disponere ad Divinas consolationes studeant .

## Regula III.

Quoties consolationis causa præcessit, tunc, cum Angelus tam malus, quam bonus illius causa esse possit, ex fine cognoscendum est, a quo proveniat talis consolatio; nam bonus bonam, malus malam operationem intendit. Circa quam tamen regulam notandum est, non esse hic sermonem de interna intentione Angelica (hæc enim cognosci ab homine non potest) sed de ipsa executione externa instinctuum, nam hujus executionis indicia prudenti conjectura nos assequi posse, sicut clare S. Paulus 2. Cor. 2. indicavit, dum dixit: *Non ignoramus cogitationes ejus*, id est, fraudes, & machinationes.

## Regula IV.

Id moris est spiritui maligno, ut ab initio simulet se fovere bonas cogitationes, mox tamen ad perversa desideria alliciat. Hinc ex serpentina cauda, ejus fallacia deprehendi debet, ut verificetur illud Psalmistæ Ps. 9. *In laqueo isto, quem absconderunt, comprehensus est pes eorum*.

## Regula V.

Ut clarius cognoscatur, unde motiones internæ proveniant, ad principium, medium, & finem earum diligenter attendendum est; si enim ex horum aliquo deprehendatur, animam ad malum impelli, vel a bono avocari, vel pacem animæ turbari, clarum est, eas a maligno spiritu provenire.

## Regula VI.

Quando ex indiciis in priori regula indicatis colligitur mali spiritus suggestio, expedit totum discursum revolvere, ut, dum advertitur, qua ratione bonas cogita-

gitationes prætexere, pacemque turbare conatus sit, facilius fraudes illius caveantur.

### Regula VII.

Uterque spiritus eam habet consuetudinem, ut, si animam sibi contrariam inveniat, violenter eam, sicut imber decidens in petram, invadat; si autem consentientem reperiat, suaviter in eam, sicut stilla in spongiam, illabatur.

### Regula VIII.

Etsi, quando consolatio nulla præcedente causa oritur, ea a solo DEO oriri possit, diligenter tamen attendendum est, an non in progressu consolationis aliquid senserimus, vel deliberaverimus, quod a DEO non proveniat, atque adeo nec assensum mereatur.

### Materia Scriptionis.

Hodie utiliter scribi possunt aliquæ SS. Patrum, vel aliorum Doctorum sententiæ, quæ ob doctrinæ, quam continent, utilitatem præ reliquis notari, & velut regulæ universales assiduo in memoria haberi debeant, quales exempli gratia sequentes esse possunt.

I. Fecisti nos, Domine, ad te, & inquietum est cor nostrum, donec requiescat in te. S. Augustinus l. 1. Conf. c. 1.

II. Quid per multa vagaris, o Homuncio, quærendo bonæ animæ tuæ, & corporis tui? ama unum bonum, in quo sunt omnia bona, & sufficit. S. Augustinus l. de Spirit. & anim. c. 64.

III. Si quæris, quære; sed non ubi quæris, quære in fonte, quia ibi omnia vivunt. S. Augustinus.

IV. Quales impetus habebas ad Mundum, tales habes ad Artificem Mundi. S. Augustinus in Ps. 31.

V. Infelix homo, qui scit illa omnia, te vero nescit; beatus vero, qui te scit, etiamsi illa nesciat; qui autem  
te,



te, & illa novit, non propter illa, sed propter te solum beatus est, S. Augustinus in Confess.

VI. *Dilige, & fac, quod vis.* Radix sit intus dilectionis, non potest non de radice ista bonum procedere. S. Augustinus in c. 3. Ep. 1. Joan.

VII. Hoc quisque est, quod amat. Si terram diligis, terra es: Si DEUM diligis, quid vis, ut dicam? DEUS es. S. Augustinus.

VIII. Si veram cupias addiscere Theologiam,

Sit tibi scire DEUS, sit tibi velle DEUS.

Si veram cupias addiscere Philosophiam,

Plurima sustineas, pluribus abstineas.

IX. Si vis tranquillam, charissime, ducere vitam,

Sit tibi mors mundus, sit tibi vita DEUS.

X. Non quam multis placeas, sed qualibus, cura. Vide de tranquill.

XI. Quid sis interest, non quid habeas. Idem.

XII. Si vis beatus esse, hoc stude, æternorum intuitu contemnere, & contemni. Idem.

XIII. Oratorem te puta, si tibi ante omnes, quod oportet, persuaseris. Idem.

XIV. Facillime bonus eris, si ea vitaveris, quæ vituperaveris. Idem.

XV. Tantum ad virtutem adjicies, quantum voluptati detraxeris. Idem.

XVI. Tantum proficies, quantum tibi vim intuleris. Thomas Kamp. l. 1. c. 25.

XVII. Prima virtus Monachi (& cujusvis Christiani) est, hominum judicia contemnere. S. Hieronymus.

XVII. Ars vitæ est, recte sentire, sincere velle, perfecte exequi.

XIX. Vince, quod delectat: fortiter aggredere, quod terret: fer leniter, quod dolet. Thomas Kemp.

XX. Ama, & cole S. Scripturam, quia in ea, quidquid docetur, est veritas: quidquid præcipitur, est bonitas: & quidquid promittitur, est felicitas.

## DIES SEXTA.

**S**Copus hujus diei est, ostendere, quomodo Christus artem ipsam patiendi docuerit, & in præcipuis tribus objectis hujus Artis, scilicet indigentia, dolore, & contemptu se gesserit; ad hæc enim omnia, quæ passus est, revocari possunt.

## Thessera.

Ab sit mihi gloriari, nisi in cruce Domini mei JESU Christi, per quem mihi Mundus crucifixus est, & ego Mundo.

## MEDITATIO I.

## DE PRIMO CHRISTI COMITE, SEU INDIGENTIA SUMMA.

Prælude primum est, Christum in cruce pendentem, & omni auxilio, solatioque destitutum intueri.

Prælude secundum est, petere gratiam, ut hanc Christi indigentiam clare cognoscere, & sedulo imitari queas.

## Punctum I.

Considera I. Quantam Christus omnium rerum indigentiam sustinuerit. 1. *in cibo & potu*, dum nullum cibum refocillantem, qui tamen plerumque Reis ad mortem damnatis liberaliter offertur; & ingenti præterea siti cruciatus, ut ipsemet per verbum *Sitis* confessus est; nec aquæ guttam, qua tantam sitim extingueret, habuit. 2. *In vestibus*, dum nudus in cruce pendeat, & nec linteam, quo corporis occulta tegeret, habebat. 3. *In habitatione*: uti ipse Matth. 8. significavit dicens: *Vulpes foveas habent, & volucres cæli nidos: Filius autem hominis non habet, ubi caput reclinet*, 4. *In Amicis*:  
sic

sic enim ipsemet iterum per Davidem Psal. 141. indicavit: *Considerabam ad dexteram, & videbam, & non erat, qui cognosceret me, & juvare, ac consolari posset, aut vellet. 5. In consolationibus; hinc tristis erat anima ejus usque ad mortem, ita ut exclamare cogeretur: DEUS, DEUS meus, ut quid dereliquisti me; ita ut vere dicere potuerit cum Psalmista 69. Ego vero egenus, & pauper sum: DEUS adjuva me.*

Confidera II. Quanta cum patientia, alacritate, ac constantia hanc indigentiam tulerit Christus; id colligere poteris, si ex una parte perpendas, quam facile ipsi fuisset, omnium supra dictorum abundantiam sibi procurare; ex altera vero pariter consideres, quod non modo quidquam simile non procurare, sed potius, ut gravitatem, & molestiam talis indigentiae augeret, situm suum aceto ac felle extinguere (ut S. David in Persona ipsius Pl. 68. indicavit, dicens: *Dederunt in escam meam fel, & in siti mea potaverunt me aceto*) lecti loco autem durissimum lignum accipere, & Amicorum loco inimicos capitalissimos tolerare voluerit, de quibus Pl. 87. ipse per Davidem dixit: *Longe fecisti notos meos a me, posuerunt me abominationem sibi.*

Confidera III. Quantopere tu erubescere debeas, dum advertis, quam parum tu hactenus Duci tuo similis esse studueris in hac indigentia; si enim Urias 2. Reg. c. 11. dixit; *Arca DEI, & Israel, & Juda habitant in papilionibus, & dominus meus Joab, & servi domini mei super faciem terrae manent, & ego ingrediar domum meam, ut comedam, & bibam, & dormiam cum uxore mea? per salutem tuam, & per salutem animae tuae non faciam rem hanc; quanto magis tu libenter parvam aliquam indigentiam libenter sufferre debes, si recorderis, quam magnam omnium rerum indigentiam Christus amore tui toleraverit. Vide ergo, quomodo deinceps gerere te velis. Colloquium ad SS. Patronos.*

## Punctum II.

Confidera I. Quas ob causas Christus tam prompte hanc indigentiam sustinuerit, nimirum ob sequentes tres. 1. Quia sic voluntas DEI exigebat, quæ ipsi omnium rerum loco erat; unde, ut S. Leo Papa scr. 4. de quadr. loquitur, *Non pavebat in isto Mundo indigentia laborare, cui donatum erat in omnium rerum Domino omnia possidere.* 2. Quia advertebat, per hanc indigentiam, se Cœlesti suo Patri propiorem, & similiorem fieri, utpote qui ab ipsa usque æternitate se solo contentissimus vivebat, nec ullam extra se creaturam habebat; id quod jam olim etiam Socrates Philosophus agnovisse creditur, ut qui, teste Laertio l. 2. dixisse fertur, eum esse Diis simillimum, qui quam paucissimis egeret, cum Dii omnino nullius egeant rei. 3. Quia pariter cognoscebat, hanc indigentiam esse expeditissimam viam ad Tartareos hostes vincendos; hinc, ut S. Gregorius recte ho. 32. advertit, *Ad se autem venientibus nobis Dominus præcepit, ut renuntiemus nostris; quia, quicumque ad fidei agonem venimus, luctamen contra malignos Spiritus sumimus. Nihil autem maligni Spiritus in hoc Mundo possident proprium; nudi ergo cum nudis luctari debemus; nam si vestitus quisque cum nudo luctatur, citius ad terram dejicitur, qua habet, unde teneatur. Quid enim sunt terrena omnia, nisi quadam corporis indumenta?*

Confidera II. Quam æquum sit, ut tu quoque præ aliis per hæc motiva ad similem indigentiam lætissimo animo supportandam te excites, &, quod pius Auctor de consolationibus dixit l. 3. c. 16. hoc aliis etiam materiis, & occasionibus applies: *Hæc mihi sit consolatio, libenter velle carere omni humano solatio. Et si tua defuerit, consolatio sit mihi tua voluntas, et iusta probatio pro summo solatio.*

Confidera III. An & quomodo occasiones talis indigentiae hæctenus arripueris, & arripere deinceps velis. Colloquium ad B. Virginem.

Pun-

## Punctum III.

Considera I. Quos fructus Christus ex hac indigentia seu paupertate reportaverit, videlicet 1. Singularem in perfectione, & virtutibus progressum; cum, sicut rerum facultates instrumenta sunt omnium vitiorum, sic rerum abnegatio generatrix, nutrixque sit omnium virtutum; &, ut S. Augustinus super Pl. 76. dixit: *Omnis Philosophiæ (atque adeo etiam cœlestis) Magistra sit inopia*; unde & Seneca epist. 17. dicebat, *si vis vacare animo, aut pauper sit oportet, aut pauperi similis*; non enim capit virtutis via magna onera portantes, ut Lactantius Firmianus agnovit. 2. *Maximam animæ tranquillitatem*; nam, ut S. Climacus Grad. 17. recte dixit, *Paupertas (& indigentia) est abdicatio sollicitudinum sæculi, iter ad DEUM sine impedimento, expulsio omnis tristitiæ, fundamentum pacis, munditiæ vitæ, quæ nos liberat curis omnibus vitæ transeuntis, et facit, ut DEI mandata perfecte exequamur*. Hinc Salomon c. 16. Prov. securam mentem jugi convivio similem esse dixit: quæ autem mens magis securæ est, quam quæ concupiscentiam, unde, teste S. Jacobo cap. 4. omnes lites in nobis oriuntur, sustulit? 3. Centuplum præmium in hac, & altera vitæ; nam, ut sapienter S. Bernardus serm. 21. super Cant. dixit, *Nemo eos (qui omnia saltem affectu relinquentes, inopem vitam degunt) æstimet sola cœlestia possidere, quia sola audiunt in promissione; possident enim et terrena, et quidem tamquam nihil habentes, et omnia possidentes, eo pro certo magis Domini, quo minus cupidi. Denique fidei homini totus Mundus divitiarum est. Totus plane, quia tam adversa, quam prospera, ipsius æque omnia servant ei, & cooperantur in bonum. Quem fructum considerans S. Hieronymus, O quanta beatitudo, inquit, pro parvis magna recipere, & aterna pro brevibus, pro morituris semper viventia, & habere DEUM debitarem*.

Considera II. Quam præclari sint hi fructus, dignique propter quos consequendos cum S. Pauli, & ipsius

Christi monitis, & exemplis omnia terrena arbitreris ut stercora, & Mundo utaris, quasi non utaris, contentus, si victum, & amictum habeas; & S. Augustini serm. 28. de verbis Apost. Consilium semper in mente habens: *Non tibi displiceat paupertas tua; nihil ea potes ditius invenire.*

Considera III. Quid proinde deinceps hac in re facere, & quomodo hunc primum Christi comitem, & tu imposterum in tuam Societatem adsciscere velis, illud Senecæ monitum Lucilio datum tibi applicans: *Incipe cum paupertate (& indigentia) habere commercium. Au-  
de, hospes, contemnere opes, & te quoque dignum  
finge DEO (& Christo) nemo alias est DEO dignus,  
quam qui opes contempsit.* Colloquium ad Christum cum congruis affectibus.

## MEDITATIO II.

### DE SECUNDO CHRISTI COMITE, SEU DOLORE SUMMO.

Præludium primum est, considerare Christum, nunc ad varios Judices ductum, nunc flagellatum, & coronatum, nunc crucem portantem, & Crucifixum.

Præludium secundum est, petere gratiam, qua Christi dolores fructuose perpendere, atque ad similem patientiam deinceps exercendam te resolvere queant.

#### Punctum I.

Considera I. Quales dolores Christus toto Passionis suæ tempore sustinuerit; eos haud difficulter cognosces, si varias deductiones ad varios Judices, & Sacerdotes cum multis alapis, & verberibus factas, item flagellationem, coronationem, Crucis bajulationem, ipsamque Crucifixionem, velut quinque fontes, ex quibus copiosissima dolorum materia profluxit, tibi imagineris,

Considera II. Quam magni hi dolores Christi fuerint, sive I. Personam ipsam patientem spectes, quæ  
quoad

quoad corpus tenerrima, & per tot percussiones, & tormenta viribus penitus exhausta; quoad animam verò innocentissima, & sanctissima fuerat. Sive 2. Personas cruciantes consideres, quæ pessima ex intentione odii, & vindictæ, ac invidiæ, cum maximo furore, ac conatu tales dolores inferebant. Sive 3. Personas spectantes perpendas, quæ vel per creatam suâ præsentia verecundiam, ut honestiores, & Passioni non consentientes Personæ: vel probrosissima insultatione, ut Judæi, & Lictores, alique in necem conspirantes: vel dolorosa compassione, ut B. Virgo, S. Joannes, S. Magdalena, alique, non modice dolores augebant. Sive 4. Circumstantias talium dolorum attendas, nempe vel *numeri* extendentis se ad omnia membra, ad omnia tormentorum genera, & prope innumerabilem multitudinem verberum, & vulnerum: vel *temporis* ab ipsa natiuitate usque ad obitum durantis; *Nam ab hora ortus mei usque ad exitum in Cruce non defuit mihi tolerantia doloris*; ait Thomas Kemp. l. 3. c. 18. in Persona Christi.

Confidera III. Si, quando quid patitur unum membrum, compatiuntur omnia membra, teste Apostolo 1. Cor. 12. quanto magis tu videns Caput tuum corporis Mystici, id est, Christum tot, & tam graves dolores pati, eidem compati, non affectu dumtaxat, sed effectû etiam, id est, similes dolores cum simili patientia sustinendo, debeas, atque adeo dicere cum S. Bernardo: *Nolo vivere sine vulnere ( & dolore ) quando video Dominum meum JESUM vulneratum*: & tot doloribus cruciatum, ut vere de illo Isajas cap. 1. dixerit: *A planta pedis usque ad verticem non est in eo sanitas*. Colloquium ad SS. Patronos.

### Punctum II.

Confidera I. Quanta cum patientia tantos dolores Christus sustinuerit, ea nempe, quam idem Propheta c. 53. indicavit, dicens. *Oblatus est, quia ipse voluit, et non aperuit os suum*: ( atque adeo libenter, & voluntarie

tarie passus est, qui est secundus gradus patientiæ, ut supra dictum est) sicut ovīs ad occisionem ducetur, et quasi agnus coram tondente (imo, & occidente) se obmutescet (ideoque etiam primum gradum, qui est patienter sustinere, implevit.) Quod vero etiam cum gaudio eisdem dolores sustinuerit, ipsemet Luc. 12. significavit, dicens: *Baptismo habeo baptizari, et quomodo coarctor, usque dum perficiatur*; quæ sane verba ardentissimum patiendi desiderium indicant.

Considera II. Quam longe adhuc absis a patientia tali, ut qui modico dolore superveniente, mox in querelas, gemitus, ejulationes, suspiria erumpas; & undique media adhibeas, & conquiras ad tales dolores arcendos.

Considera III. An non merito verba illa memorati pii Auctoris cit. cap. tibi applicare debeas: *Quid est, quid loqueris, Fili? Cessa conqueri, considerata mea, et aliorum Passione. Oportet te aliorum graviora ad mentem reducere, ut levius feras tua minima. Ut si tibi minima non videntur, vide, ne et hoc tua impatientia faciat. Sive tamen magna, sive parva fuerint, stude cuncta patienter sufferre. Colloquium ad Matrem dolorosam, illa verba ex planctu illius cum affectu recitando: Eja Mater fons amoris, me sentire vim doloris, fac ut tecum lugeam.*

### Punctum III.

Considera I. Quibus motivis Christus se ad tantam patientiam excitavit, nimirum illo, quod S. Paulus ad Hebr. c. 12. indicavit, dicens: *Aspicientes in Auctorem fidei, et Consummatorem JESUM, qui proposito sibi gaudio sustinuit Crucem.*

Considera II. Quale hoc gaudium fuerit, quod Christus sibi proposuit; nimirum triplex, quorum primum æterno Patri ex patientia sua oriturum videbat; si enim Filius sapiens lætificat Patrem, teste Salomone Prov. 10. quanto magis Filius tam generose, & fortiter patiens Patrem suum cœlestem lætificasse credendus est. Certe



si umquam alias, hoc tempore Pater æternus de Christo dicere poterat: *Hic est Filius meus dilectus, in quo bene mihi complacui*. Secundum oriturum erat ipsi Christo per gloriam, & voluptates cœlestes olim secuturas; de qua gloria ipse Luc. 24. dixit: *Nonne hac oportuit Christum pati, et ita intrare in gloriam suam*. Si ergo S. Paulus 2. Cor. 7. de seipso, falsus est: *Repletus sum consolatione: superabundo gaudio in omni tribulatione nostra*: eo quod iciverit, non esse condignas Passiones hujus temporis ad futuram gloriam, quæ revelabitur in nobis; quanto magis ejusmodi consolationem, & gaudium interius ipsum Christum sensisse credendum est, ut qui perfectius longe gaudii, & gloriæ secuturæ magnitudinem cognovit. Tertium vero gaudium erat, quod homines per ipsum redempti in æternum percepturi erant; si enim Christo nato Angelus Luc. 2. dixit Pastoribus: *Evangelizo vobis gaudium magnum, quod erit omni Populo, quia natus est vobis hodie Salvator*; quanto magis simile gaudium evangelizari poterat, quando patius est Salvator, & pretium Redemptionis completum exhibuit.

Confidera III. Quam efficacia sint hæc motiva, & quæ te specialiter tanto vehementius movere debeant, quanto potioribus titulis obligaris, ad memoratum triplex gaudium totis viribus quærendum. Vide ergo, quomodo deinceps hunc quoque Christi Comitem tibi associare, & singulari affectu, & amore complecti velis; *Vere enim quanto melius ad patiendum te disponis, tanto sapientius agis, & amplius promereris: feres quoque levius animo, & usu ad hoc non segniter paratus*. Ut recte iterum Thomas Kempensis l. 1. c. 19. dixit. Colloquium ad Christum, usurpando cit. Auctoris l. 3. c. 18. verba: *Domine, quia tu patiens fuisti in vita tua, in hoc maxime implendo praeceptum Patris tui, dignum est, ut ego misellus peccator, secundum voluntatem tuam patienter me sustineam, & donec ipse volueris, onus corruptibilis vitæ pro salute mea portem; nam etsi onerosa sentitur præsens vita, facta est tamen jam per gratiam tuam valde meritoria, atque exemplo tuo,*

& Sun-

& Sanctorum tuorum vestigiis, infirmis tolerabilior, & clarior.

### MEDITATIO III.

#### DE TERTIO COMITE CHRISTI SEU CONTEMPTU SUMMO.

Præludium primum est, Christum ab Herode illum, Barabbæ postpositum, purpurea chlamyde indutum, & in crucem ignominiosam effixum intueri.

Præludium secundum est, petere gratiam, ut Christi in ferendis contemptibus generosam patientiam, rite perpendere, & optatum ex tali Meditatione fructum reportare possis.

#### Punctum I.

Confidera I. Qualem præcipue Contemptum Christus sustinuerit, omnes scilicet ejus species, nempe 1. *Falsas accusationes* apud Summum Sacerdotem, & Pilatum. 2. *Probrosam dispositionem*, qua sceleratissimo Latroni Barabbæ postpositus est. 3. *Irrisionem*, qua ab Herode Rege, & Aulicis pro stulto habitus, & irrisus est. 4. *Contumelias*, quibus pro vini potatore, seductore Populi, blasphematore DEI proclamatus est. 5. *Illusiones*, quas a Militibus coronam spineam, & chlamydem coccineam obtrudentibus passus est. 6. *Injuriam gravissimam*, qua, ut S. Lucas c. 22. dixit, inter iniquos deputatus, contumeliosa morte affectus, & in probrosissimam Crucem actus est.

Confidera II. Quam gravis fuerit hic sextuplex contemptus; si enim tanto major est contemptus, quanto dignior est Persona contempta, & vilior Persona contemnens, an non summum oportet fuisse contemptum, qui personæ infinitæ dignitatis a sceleratissimis, atque hoc ipso etiam vilitissimis Judæis, & Militibus Christo inferebatur?

Confidera III. Quid tu hæcenus in simili materia  
amore

amore Christi tuleris, & quomodo deinceps saltem cum eodem ejusmodi contemptus pati velis. Colloquium ad SS. Patronos.

### Punctum II.

Confidera I. Quomodo Christus hos contemptus tulerit; scilicet cum *maxima humilitate*, qua ab omnibus hominibus, quantum in se erat, &, si sine offensa DEI fieri poterat, despici optabat: *cum maxima tranquillitate*, ita ut nihil interea de interna pace amitteret; *cum maxima constantia*, qua inter tam multiplices contemptus ne semel quidem aut verbo, aut ullo impatientiæ, displicentiæve signo de talibus contemptibus conquestus est.

Confidera II. Quibus motivis se Christus ad tam generosam patientiam excitavit; nimirum consideratione duplicis gloriæ, quæ tum æterno Patri (cujus honor & gloria tanto magis augetur, quanto magis nostra gloria, & honor minuitur, sicut quantitas discreta ex imminutione quantitatis continuæ crescit) tum sibi obventura erat juxta propriam suam prædicationem, qua Matth. 23. dixerat: *Qui se humiliat, exaltabitur*.

Confidera III. Quam efficacia sint hæc motiva, & quam merito etiam te movere debeant ad similem patientiam exercendam, maxime cum apud te tertium etiam motivum accedat, scilicet similitudo cum Christo, quam perfectius obtinere non potes, quam si multa cum ipso opprobria, & injurias sustineas; cum ergo tanta sit dignitas hujus similitudinis, ut merito erubescere debeas, si DEUS ad eandem te evehere dignetur, an non vel hoc titulo vehementer gaudebis, si dignus habearis pro nomine JESU contumeliam pati? an non in omni contemptu dices cum Davide 2. Reg. c. 6. *Ludam, & vilior fiam plus, quam factus sum, & humilis ero in oculis meis*. Colloquium ad Christum cum congruis affectibus.

## Punctum III.

Confidera I. Quem fructum Christus ex tam heroica contemptuum tolerantia retulerit; illum videlicet, quem Iusti, teste Salomone Sap. 5. ob similem causam tulerunt: *Tunc stabunt Iusti in magna Constantia adversus eos, qui se angustiarunt. Videntes turbabuntur timore horribili, & mirabuntur in subitatione insperata salutis, dicentes intra se: Hi sunt, quos habuimus aliquando in derisum, & in similitudinem improprie. Nos insensati vitam illorum aestimabamus insaniam, & finem illorum sine honore, ecce quomodo computati sunt inter filios DEI, & inter Sanctos fors illorum est.*

Confidera II. Quam pretiosus sit hic fructus, maxime si, ut merito sperandum est, hæc recantatio olim coram omnibus Angelis, & hominibus, ipsoque Iudice Christo sit facienda, cum adeo jucundum nobis accidat, si coram uno alterove homine ablati honor restituitur.

Confidera III. Quam merito hunc fructum tu quoque sperare possis, si patienter, & cum gaudio ejusmodi contemptus tuleris; tunc enim implebitur, quod Salomon dixit: *Cum placuerint Domino via hominis, etiam inimicos convertet ad pacem.*

## CONSIDERATIO

DE MORTIFICATIONE INTERNA  
ET EXTERNA.

Confidera I. Quid sit vera mortificatio, scilicet ablatio vitæ sensualis; sicut enim vita hominis colligitur ex actionibus vitalibus, ita etiam qualis sit ejus vita spiritalis, ex qualitate actionum colligitur; si ergo per sensus suos tam internos, quam externos solas sensibiles delectationes, aut vanam gloriam, & honorem quærat, vitam sensualem brutorum more vivere censetur; si autem omnes actiones ad DEUM velut ulti-

num

mum finem dirigantur, tunc vitam spiritualem vivere dicitur, potestque cum S. Paulo ad Galat. 2. dicere: *Vivo autem jam non ego, vivit vero in me Christus.* Unde colligitur duplex esse mortificationis genus, internæ scilicet, & externæ. Interna consistit in eo, ut tam externos, quam internos sensus animæ ab illicito usu creaturarum contineamus; externa consistit, in corporis afflictionibus, vel sponte susceptis, vel a DEO, hominibus immissis; id quod S. Bernardus in Epist. ad FF. de monte DEI, pulchre indicat, dum ait: *Docendus est homo, sic latere corpus suum, sicut agrotum, cui etiam multum volenti inutilia sunt neganda* (quod fit per internam mortificationem) *utilia vero etiam nolenti ingerenda*; quod per externam mortificationem contingit.

Itaque examina te 1. Quomodo oculos tuos ab illicito aspectu: aures ab illicito auditu: nares ab odoratu delicato: gustum ab inmodico usu cibi, & potus: tactum denique a sensuali quocumque, & illicito usu contineas.

Examina 2. Quomodo memoriam ab illicita recollectione; intellectum ab illicito assensu vel dissensu: voluntatem ab illicita volitione aut nolitione contineas.

Examina 3. Quomodo te in mortificatione spontanea, per cibi & potus moderationem, & subtractionem: vel corporis per flagella, cilicia, aliaque similia instrumenta castigatione hætenus te habueris?

Examina 4. Quomodo afflictiones corporis a DEO, & proximo, sive per aeris intemperiem, puta frigus, & æstus: sive per necessarij alimenti subtractionem, puta sitim, & famem: sive per sanitatis læsionem, aut morbos, percussiones, vulnera &c. susceperis.

Considera II. Quæ motiva excitare te debeant ad hanc Mortificationem singulari studio exercendam. Videlicet 1. Quia sic Status Sacerdotalis exigit; si enim, *Qui Christi sunt, carnem suam crucifixerunt cum concupiscentiis suis*, teste S. Paulo ad Gal. c. 5. & Christus ipse Luc. 9. dixit: *Qui vult venire post me, abneget semetipsum* (per internam mortificationem) *( & tollat cru-*  
cem

*tem suam* (per mortificationem externam) & sequatur me; an non Sacerdos, qui propter munus suum, peculiariter ad imitandum, & sequendum Christum obligatur, peculiari quoque studio ad mortificationis virtutem incumbere deber? 2. Quia specialiter ad perfectum in perfectione, & charitate conducit, uti breviter indicavit pius Auctor libelli de imit. Christi l. 1. c. 25. dicens: *Tantum proficies, quantum tibi vim intuleris*. Fufius vero Cassianus l. 4. instit. c. 43. significavit, dum dixit: *Mortificatione voluntatem extirpantur, et marcescunt vitia universa; expulsionem vitiorum virtutes fructificant, atque succrescunt; pullulatione virtutum puritas cordis acquiritur; puritate cordis Apostolica charitatis perfectio possidetur*. 3. Quia, ut Christus ipse quondam S. Catharinæ Senensi dixit: *Quantum moreris tibi, tantum vivis DEO*; quæ sola vita est *vita vera*, quia fini, propter quem creatus est homo, conformis: *Vita jucunda*; quid enim jucundius possessione finis ultimi? *Vita perennis*, quia in hac vita sine voluntate tua auferri non potest, & certam tibi vitæ æternæ, etiam absque Purgatorio possidendæ, spem facit; si enim Martyrium talis vitæ promissionem habet, quanto magis mortificatio carnis, & propriæ voluntatis, quæ, teste S. Bernardo ser. 30. in Cant. genus martyrii est, *Illo, quo membra ceduntur ferro, horrore quidem mitius, sed diuturnitate molestius, eadem promeretur*.

Considera III. Quæ media adhibere possis, & velis ad hanc virtutem obtinendam, nimirum sequentia tria  
1. Ut *Necessitatem* hujus mortificationis bene ponderes; quam quidem pulchre ob oculos posuit S. Bernardus ser. 58. super Cantica dicens: *Credite mihi, et putata repullulant, et effugata redeunt, et reaccenduntur extincta, sopita denuo excitantur*. Parum ergo est semel putasse, sæpe putandum est; imò si fieri potest, semper; quia semper, quod putari oportet, si non dissimulas, invenies: nam ut bene S. Ephrem. in exhort. ad piet. dixit, *Bellum militum breve, sed Monachi (& potiori jure Sacerdotis) pugna quousque migret ad Dominum*.

2. Ut

2. Ut non ad difficultatem mortificationis externam, sed unctionem, & consolationem, quæ plerumque mortificationem comitatur juxta illud Apoc. 2. *Vincenti dabo manna absconditum*: oculos mentis reflectas; nam, ut S. Bernardus ser. 1. de dedic. sapienter advertit, *Hinc est, quod multi abominantur, et fugiunt pœnitentiam, crucem quidem videntes, sed non etiam unctionem. Vos, qui experti estis, ecce scitis, quia vere crux nostra inuncta est, et, ut ita dicam, amaritudo nostra dulcissima.* 3. Ut continuo Mortificationis Exercitio facilitatem tibi hujus virtutis procurare studeas; ut enim, qui crucifiguntur, non uno tantum aut altero ictu cruci affiguntur, sed pluribus opus est, ita qui cum Christo crucifigi cupit, sæpius sibi vim inferat, necesse est. Unde recte Thomas Kemp. l. 1. c. 3. ait: *Hoc deberet esse negotium nostrum, vincere videlicet seipsum, & quotidie seipso fortiolem fieri, atque in melius aliquid proficere.* Quidni ergo exardescis in temerisplum, & exclamas cum S. Bernardo: *Exurgat DEUS, cadat armatus iste, cadat, & conteratur inimicus homo: Contemptor DEI, amator sui, amicus Mundi, servus Diaboli; quid tibi videtur? certe si recte sentis, mecum dices: Rex est mortis, crucifigatur, crucifigatur.*

### Materia Lectionis.

Ex libello de Imitatione legi potest residuum ex l. 2. c. 12. vel si jam totum priori die lectum est. l. 3. c. 17.

Ex libello Ascetico, vel Historico, quantum tempus permittit.

Ex libello Exercitiorum legi possunt hodie Regulæ de victu temperando, quæ supra p. 1. c. 3. §. 3. med. 2. n. 7. habentur; circa quas tamen duo obiter notanda sunt. Primum est, eas a S. P. Ignatio non ideo in hac Septimana positas esse, quod huic Septimanz propriæ sint, sed quod aliis diebus alia documenta magis necessaria tradenda, atque adeo is, qui exercetur, multitudinem legendæ materiæ non obruendus sit, ut Directorium c. 35. n. 13. suspicatur.

Secun-

Secundum est, quod S. Ignatius has Regulas ideo assignavit, eo quod necessitatem specialem vitii Gulæ extirpandi agnoverit; non ignarus videlicet sententiæ a S. Gregorio hom. 30. mor. prolatae, dum ait: *Non ad conflictum spiritualis agonis assurgitur, si non prius intra nosmetipsos hostis positus, gula videlicet appetitus edomatur; quia, si non ea, quæ nobis vicina sunt, prosternimus, inaniter ad ea, quæ longius sunt, impugnanda transimus; incassum namque contra exteriores inimicos in campo bellum geritur, si intra urbis mœnia civis insidians habetur.* Unde recte pius Auctor l. 1. cap. 19. hortatur: *Accinge te sicut vir contra Diabolicas nequitias; frena gulam, & omnem carnis inclinationem facilius frenabis; nam apud eos, qui in Mundo sunt, radix malorum omnium est avaritia, apud Monachos vero (& Sacerdotes) gulæ concupiscentia, teste S. Climaco grad. 26. Prudenter tamen legendæ, multoque cautius usurpandæ sunt, ne noceant potius, quam prosint.* Unde monet cit. Directorium, non semper scripto dandas esse, sed verbo potius explicandas, eo quod non omnibus eodem modo convenient, atque adeo Directoris prudentis ad vires, & complexionem corporis, animique attendentis, directione agent.

### Materia Scriptionis.

Cum ad Sacerdotem tria præcipue capita pertineant, magna (id est sufficiens scientia, major prudentia, maxima sanctitas; ideo, ut hanc quoque Prudentiæ virtutem facilius comparare, & solidius exercere queat, juvabit, hodie dictamina quædam Prudentiæ conscribere, juxta quæ sese dirigere deinceps queat, qualia quidem exempli causa sequentia esse possunt.

#### *Dictamina observanda circa seipsum.*

I. Quid prodest homini, si universum Mundum lucretur, animæ vero suæ detrimentum patiatur.

II. Ta-



II. Talis ac tantus es, qualis & quantus es apud DEUM.

III. Laudet te alienus, & non os tuum; extraneus, & non labia tua.

IV. Melius est parum cum timore Domini, quam thesauri magni, & insatiabiles.

V. In multis esto inscius, & audi tacens simul, & quærens.

VI. Ne transgrediaris terminos antiquos, quos posuerunt Patres tui.

VII. Nullum conscium peccatorum tuorum magis timeas, quam teipsum; alium enim effugere potes, te numquam.

VIII. Absque consilio nihil facias, & post factum non poenitebit; salus namque, ubi multa consilia.

IX. In omnibus operibus tuis memorare novissima (id est, quem exitum actio tua probabiliter sit sortitura) & in æternum non peccabis.

X. Magnarum rerum, etsi successus non fuerit, honestus est ipse conatus.

XI. Habe fiduciam in Domino ex toto corde tuo, & ne innitaris prudentiæ tuæ.

*Circa alios.*

XII. Causam tuam tracta cum Amico tuo, & Secretum extraneo ne reveles.

XIII. Pacem cum hominibus habebis, cum vitiis bellum.

XIV. Alteri semper ignoscito; tibi numquam.

XV. Multi sunt obligandi, pauci offendendi; nam memoria beneficiorum facilis est, injuriarum tenax.

XVI. Quoties aliquid, vel scripturus, vel dicturus es, scito morum tuorum chirographum te exhibere.

XVII. Non quam multis placeas, sed qualibus stude.

XVIII. Quod tacitum esse velis, nemini dixeris; si tibi non imperasti; quomodo ab alio silentium imperabis?

XIX. Audisti verbum adversus proximum tuum?

R

com-

commoriatur in te, fidens, quoniam non te disrumpet.

XX. Quod persuaseris, erit diuturnum: quod coegeris, in occasione.

XXI. Cum placuerint Domino viæ hominis, inimicos quoque ejus convertet ad pacem.

XXII. Quod de alienis tractas, ex tuis judica.

XXIII. Melius est parvum bonum cum parvo bono, quam magnum bonum cum magno bono.

XXIV. Qui cum sapientibus graditur, Sapiens erit; Amicus Stultorum similis efficitur.

XXV. Qui corripit hominem, gratiam postea apud eum inveniet magis, quam ille, qui per blandimenta linguæ decipit.

XXVI. Quidquid dicturus es, antequam aliis, dixeris tibi.

XXVII. Prudentem & Sapiens informat, & Stultus; ille, quid imitandum sit, docet; iste, quid vitandum.

XXVIII. Curam a te, non curationem exigit DEUS.

XXIX. Coronat DEUS voluntatem, ubi non invenit facultatem.

XXX. Homines amare debemus, sicut DEUS, nempe vel quia sunt in illo, ut boni: vel ut sint in illo, sicut mali.

## EXERCITIA

### QUARTÆ HEBDOMADÆ.

**H**Æc Hebdomada proprie ad viam unitivam spectat, sic vocatam, quia Scopus illius est, perfectam cum DEO unionem procurare, ut dicere tandem possit anima nostra: *Mibi autem adhaerere DEO bonum est.* Ps. 72. Sicut autem in altera vita, ubi unio ista perfectissime obtenta est, ea fit mediantibus tribus potentiis animæ, ita ut memoria per continuam præsentiam, intellectus per claram visionem, voluntas denique per firmum amorem DEO adhæreat, sicque  
tota

tota in eum transformetur ( juxta testimonium S. Joannis c. 3. dicentis : *Scimus, quoniam cum apparuerit, clare scilicet per beatificam visionem, similes ei erimus*) ita simili modo in hac vita laborandum est, ut per easdem tres potentias unionem, quanta obtineri per gratiam DEI potest, perfectissimam procuremus : ad hunc enim terminum iter nostrum spirituale dirigitur. Ut autem Scopus hic clarius intelligatur, sequentia breviter notanda sunt.

Primo quod licet talis unio, & charitas respectu hujus vitæ sit, & vere dici queat terminus, in quo sistendum, & quiescendum est ; respectu tamen futuræ vitæ non terminus, sed via adhuc dici debeat ; cum anima adhuc a tali charitate excidere, & in ipso portu naufragium pati queat ; & ideo scilicet hanc unionem terminum *Via unitivæ*, id est, itineris ad beatificum amorem in altera vita obtinendum tendentis appellamus.

Secundo notandum est, etsi huic viæ affectus gaudii, gratulationis, amoris, & similes potissimum conveniant, minime tamen inconveniens videri, ut alii etiam affectus ad priores hebdomades pertinentes eliciantur ; imo si intentio eorum, qui Meditationes pro hac hebdomada præscribunt, accuratius consideretur, non obscure apparebit, illos eo potissimum per Christi, Sanctorumque gloriam considerationi propositam collimare, ut cognita, & quasi eminus conspecta eorum felicitate, tanto velocius per viam virtutum, & a peccato velut termino, a quo recessimus, longissime absumus.

## D I E S S E P T I M A.

Cum duo potissimum affectus, ut bene Ludovicus de Palma in proœmio octavæ diei advertit, quærantur, nempe participatio, & prægustus gaudii, quo Christus, & Beati in cælo fruuntur ; & perfectior cognitio bonitatis, & amoris DEI erga nos cum desiderio mutuas amoris vices rependendi, pro utroque hoc fine

R &

Medi-

Meditationes hoc, & sequenti die præscribendæ sunt; & hujus quidem diei Meditationes ad priorem potissimum affectum procurandum tendunt, ita tamen, ut, dum ex consideratione gloriæ Christi, B. Virginis, & aliorum Sanctorum ad eandem gloriam desiderandam, & quærendam impelli nos senserimus, eam non tam proprii nostri commodi gratia, sed ut DEO major inde gloria exurgat, appetamus.

### Thessera.

Si surrexistis cum Christo, quæ sursum sunt, quærite. Coloss. 3.

## MEDITATIO I.

### DE GLORIOSA RESURRECTIONE CHRISTI.

Præludium primum est, Christum ex sepulcro gloriose resurgentem, & vexillum in manibus portantem sibi imaginari.

Præludium II. est, petere gratiam, ut tantum mysterium digne æstimare, & optatum ex eo fructum reportare queas.

### Punctum I.

Confidera I. Quam gloriosa fuerit hæc resurrectio, & quantum gaudium attulerit inprimis æterno Patri; si enim alii Patres in hoc mundo tantopere lætantur, si filios post insignem de hoste reportatam victoriam redeuntes vident; quanto majus gaudium percepisse credibile est æternum Patrem, quando Filium suum tam obedientem, & dilectum a morte ipsa, & quidem post tot, tamque generosa facinora patrata, revertentem excepit. Quantum item gaudium creaverit ipsi Christo, qui tot, tamque potentes hostes, videlicet carnem, mundum, & diabolum, tam gloriose a se devictos:

victos: tantam gloriam corpori, & animæ comparatam; ac tam pretiosa spolia hostibus erepta intuebatur. Quantum denique attulerit Patribus in limbo ex tam diuturna, & molesta captivitate ereptis, totique generi humano e potestate Diaboli tam feliciter extracto; si enim post victoriam aliquam universalem de hostibus valde metuendis reportatam tanta in omnibus iis, ad quos victoriæ talis fructus pertinet, lætitia exurgit; quanto magis, & patres antiqui, & totum genus humanum lætari debeat, ob hostes tam noxios, & capitales devictos.

Considera II. Quantopere tu in primis Christo, velut Duci tuo amantissimo propter victoriam talem gratulari simulque excitari debeas ad multos, magnosque labores pro DEI gloria, & animarum salute suscipiendos, utpote quos vides tam glorioso exitu coronari.

Considera III. Quomodo hæcenus utrumque hunc fructum obtinere studueris, & deinceps saltem, ut obtineas laborare pro viribus velis. Colloquium ad SS. Patronos.

### Punctum II.

Considera I. Quas ob causas Christus a mortuis resurgere voluerit, nempe ob tres præcipue. I. Quia sic merita ipsius exigebant; si enim id, quod in præsentia est, momentaneum, & leve tribulationis nostræ, æternæ gloriæ pondus operatur in nobis, teste S. Paulo 2. Cor. 4. quantam gloriam exegisse credenda est tam diuturna, tam acerba, tam multiplex Christi Passio.

II. Ut resurrectionis articulum sua resurrectione confirmaret; ideo enim tam diu adhuc in terris post resurrectionem suam mansit, & variis apparuit, ut, sicut ipsum reasumpto, & animæ unito corpore resurrexisse cognoverunt, ita se quoque simili modo resurrecturos crederent, ideoque dicerent cum Job. cap. 19. Scio enim, quod Redemptor meus vivit, & in novissimo die de terra surrecturus sum, & rursum circumdabor pelle

pelle mea; & in carne mea videbo DEUM Salvatorem meum, quem visurus sum ego ipse, & oculi mei conspiciuntur, & non alius: reposita est hac spes mea in sinu meo. III. Ut sua resurrectione ad spiritualem Resurrectionem incitaret; sic enim in primis S. Paulus ad Rom. 6. indicavit, dicens: Quomodo Christus surrexit a mortuis per gloriam Patris, ita & nos in novitate vitæ ambulemus. Deinde vero etiam S. Bernardus l. xi. de resurr. confirmavit, dicens: Christus, quia transit in novitatem vitæ, nos quoque invitat ad transitum. Transitus sit resurrectionis Festum nobis, non sit reditus: transitus ad vitæ novitatem, non reditus ad peccati vetustatem.

Considera II. Quam magnam iterum hæc causæ alacritatem in te excitare debeant, ad omnes tribulationes fortiter perferendas, cum, ut S. Chrysostomus in f. ad pop. sapienter advertit, Quantum tribulationes intenduntur, tantum & retributiones ampliantur, imo et multo plus; non enim sunt condigna passiones presentis temporis ad futuram gloriam, quæ revelabitur in nobis. Cum igitur bonum feceris, et contraria receperis, gande, & latare: majoris enim tibi retributionis materia est.

Considera III. Quam libenter etiam cum Christo spiritualiter resurgere, id est, novam cum DEO, qui est summum bonum, unionem, aut fervorem charitatis assumere debeas, & ita quidem, ut eam numquam amplius dimittere statuas, dicique de te queat; Surrexit vere, non phantastice, ut Samuel; nec veluti iterum moriturus, ut Lazarus resurrexit; quamque magnam tibi hæc resurrectio gloriam; omnibus vero, quibus appariturus, seu convicturus es, gaudium partitura sit, maxime Ecclesiæ, velut matri tuæ; Parochianis, velut Discipulis tuis; Defunctis velut in carcere gravissimo constitutis. Colloquium ad B. Virginem.

### Punctum III.

Considera I. Cur Christus in corpore suo glorioso cicatrices vulnerum retinere voluerit, nimirum tres etiam

etiam ob causas . I. Ut quemadmodum S. Cyprianus l. 1. de bapt. Christ. loquitur , *Reservata in corpore plaga salutis humana pretium exigant , & obedientia donativum requirant* ; cum sit vulneratus propter iniquitates nostras , teste Iſaia . Hinc clamat clavus , inquit S. Bernardus ſ. 61. in Cant. clamat vulnus , quod vere DEUS ſit in Chriſto mundum reconcilians ſibi . II. Servavit ſigna mortis , inquit ven. Beda c. 6. Luc. ut ſua morte redemptis , quam miſericorditer ſint adjuſti ; propoſitis ſemper mortis ejus innoſcet indiſciis . Atque adeo ad jugem excitet laudis , & contrariam memoriam . III. Ut perpetuum in aliis refugium haberemus ; hinc ſplemet ſponſam Cant.2. invitat , dicens : *Surge amica mea , ſpecioſa mea , & veni , columba mea in foraminibus petra , in caverna macerie* . Quæ verba expendens Guericus Abbas , *Oportunum quidem petra refugium Herinaceis , ſed habitatio grata columbis , cujus foramina tot vulneribus toto ſere corpore patentia , & veniam offerunt reis , & gratiam conferunt juſtis ; imo vero tota habitatio , turrisque fortitudinis , Chriſti Domini vulneribus immorari* .

Confidera II. Quam magnum tibi ſive pro te , ſive pro animabus tuæ curæ commiſſis ſolatium ex triplici hac cauſa oriatur , ſi enim te ipſum conſideres , an non dices cum S. Auguſtino ? *Tuta , & firma requies eſt in firmis in vulneribus Salvatoris . Securus illic habito , parent mibi viscera per vulnera . Quidquid ex me mibi deeſt , uſurpo mibi ex visceribus Domini mei , quoniam miſericordia affluunt ; nec deſunt foramina , per qua affluant* . Per foramina corporis patent mibi arcana cordis , patet magnum pietatis Sacramentum , patent viscera miſericordie , in quibus viſitavit nos oriens ex alto . Si vero alios tibi commiſſos contempleris , an non gaudebis pariter , quod , ut S. Bernardus ſ. 61. in Cant. ait , *in his paſſer inveniat ſibi domum , & turtur nidum , ubi reponat pullos ſuos ; in his columba ſe tuetur , & circumvolitantem intrepida intueatur accipitrem* .

Confidera III. Quomodo hætenus hoc ſolatium capere ſtudueris ; & deinceps ſaltem capere velis , ut cum

S. Augustino propria experientia doctus dicere queas :  
*In omnibus adversitatibus meis non inveni tam efficax  
 remedium , quam vulnera Christi . In his dormio ( cum  
 ovibus meis ) securus : & requiesco intrepidus . Collo-  
 quium ad Christum .*

## MEDITATIO II.

### DE ASCENSIONE GLORIOSA CHRISTI.

Præludium I. est , Christum in cœlos ascendentem ,  
 & ab Angelis , ac animabus e limbo ereptis cum ma-  
 gno júbilo introductum intueri .

Præludium II. est , gratiam petere , ut mysterium hoc  
 fructuose perpendere , & mente saltem Christum in cœ-  
 los comitari possis .

#### Punctum I.

Considera . I. Quanto cum gaudio , & júbilo Chri-  
 stus tum ab Angelis , tum ab animabus e limbo ereptis  
 in cœlum fuerit deductus ; si enim Bethulientes olim  
 per Juditham devicto Holoferne e periculo interitus  
 liberati , benedixerunt eam omnes una voce dicentes ;  
*Tu gloria Jerusalem , ut lætitia Israel , tu honorificentia  
 populi nostri : & per tres menses gaudium hujus victo-  
 riæ celebratum est , uti in libro Judith c. 15. & 16. le-  
 gitur ; quanto majori cum gaudio credibile est , Chri-  
 stum a liberatis animabus , & Angelis earum custodi-  
 bus fuisse exceptum , & deductum , ut qui & hostem  
 longe crudeliorem tam fortiter devicit , & e periculo  
 miseriæ longe majoris liberavit ; & insuper januam ad  
 beatitudinem perpetuo duraturam reseravit ; atque adeo  
 multo æquius dici poterat gloria , lætitia , & honorifi-  
 centia populi Christiani , & Hierarchiæ cœlestis .*

Considera II. Si triumphante duce , merito & ipsi mi-  
 lites gaudii , & honoris tanti participes esse se putant ,  
 ideoque vehementer cum eo gaudent , cique victoriam  
 suam



suam gratulantur, quam æquum sit, ut tu quoque Christo tam gloriosum hunc suum triumphum gratuleris, & singularem ob ejus gloriam, & victoriam, lætitiā ostendas.

Confidera III. Quomodo hæcenus id præstiteris, & præstare deinceps velis. Colloquium ad SS. Patronos.

## Punctum II.

Confidera I. Quanto cum honore, & gaudio ab ipso æterno Patre fuerit exceptus, quantaque gloria ab eodem fuerit donatus; si enim Filius prodigus a misero suo statu revertens olim a Patre suo tam benevole exceptus est, quam magnum oportet fuisse gaudium, quo Pater æternus Filium suum unigenitum, summeque dilectum, in quo semper sibi bene complacuit, quique opus ab ipso commendatum tam perfecte feliciterque consummavit, post tot, tamque generosa facinora patrata ad se revertentem vidit. Si teste S. Paulo 1. Cor. 2. *Nec oculus vidit, nec auris audivit, nec in cor hominis ascendit, quæ præparavit DEUS iis, qui diligunt illum*; quis magnitudinem gloriæ Christo concessæ comprehendere, aut æstimare poterit, ut qui amorem suum per exactissimam mandatorum observationem, per tantam inter innumeras tribulationes constantiam tam insigniter probavit, & per totum vitæ tempus nec unico quidem momento interrupit.

Confidera II. Si illi, qui vere se invicem amant, amati bona, & gaudia velut propria æstiment, & lætantur; quantopere tu, qui Christum ob speciales titulos singulariter diligere te proferis, ob tantam hanc illius gloriam gaudere, atque, ut a quamplurimis propterea honoretur, & ametur, omni studio, & conatu procurare debeas.

Confidera III. Cum ex hac ipsa Christi gloria clarissime colligas, quam vere, & copiose DEUS obsequia sibi exhibita remuneretur, & mensuram præmii bonam, confertam, coagitatam, & supereffluentem pro operibus nostris largiatur; quanta cum alacritate tu deinceps  
DEO

DEO servire , atque adeo vocationi tuæ respondere debeas . Colloquium ad B. Virginem.

### Punctum III.

Confidera I. Quemadmodum olim triumphantes in triumphis Romanis varia dona populo distribui curabant , ita Christum quoque varias gratias in suo triumpho distribuere voluisse ; hinc Apostolus ad Eph. 4. dixit . *Ascendens Christus in altum , captivam duxit captivitatem ; dedit dona hominibus .*

Confidera II. Cum tanta sit Christi liberalitas , quæ potissimum dona ab eo petere debeas ; videlicet , ut cum ipse sicut Elias in curru igneo charitatis ad cœlos ascendit , tu quoque cum Eliseo ad eundem clames : *Obsecro , Domine , fiat in me spiritus duplex tuus ; propriæ videlicet , & alienæ salutis zelus , utpote præcipuum ; summeque necessarium instrumentum ad vocationem perfecte adimplendam .*

Confidera III. Quantopere hic spiritus duplex conducturus sit ad omnes tuas functiones Pastorales rite , & fructuose obeundas , quantoque adeo cum fervore , & submissione eundem a Christo petere debeas , & velis . Colloquium ad Christum .

## MEDITATIO III.

### DE SPIRITUS SANCTI MISSIONE.

Prælude I. est , Apostolos in uno cubiculo congregatos , & Spiritum Sanctum in linguis igneis super ipsos descendentem intueri .

Prælude II. est , petere gratiam a DEO , ut donum hoc digne æstimare , atque ad illud digne suscipiendum , quam optime te disponere possis .

### Punctum I.

Confidera I. Quam vere nunc dici queat , per Spiritum

ritus Sancti Missionem re ipsa contigisse, quod olim Poetæ de Prometheo fingeant; quod scilicet, cum statuæ a se fabricatæ nihil aliud, quam ruinam deesse adverteret, ignem de cælo attulerit, eoque statuam suam animaverit; vere enim Apostoli, totaque, quam repræsentabant, Ecclesia corpus quoque inanimatum erat, donec virtute ex alto instrueretur a Christo, & Spiritus Sancti, velut animæ, adventu animaretur.

Considera II. Quam perfecte Spiritus Sanctus animæ spiritualis officium impleverit; quam bene Apostoli hac anima animari vivere, quam acute sentire cœlestia, quam sapienter intelligere Divina mysteria; & movere se discurrendo per totum mundum, Evangelicamque doctrinam prædicando inceperint.

Considera III. Quam nobiles, & pretiosi sint hi effectus; tanto scilicet præstantiores, quanto pluris facienda est vita, & operationes supernaturales, quam naturales. Si ergo anima, & vita naturalis tantopere diligitur, & custoditur, ut Salomon Prov. 4. hortari aulus sit: *Omni custodia serva cor tuum, quoniam ex ipso vita procedit*; quanto major curâ adhibenda erit, ut Spiritus Sanctus, velut supernaturalium actionum principium foveatur, & conservetur. Vide ergo, an eundem ut par est, hactenus æstimaris; & conservare, invocareque studueris. Colloquium ad SS. Patrones.

## Punctum II.

Considera I. Quibus mediis usi sint Apostoli ad Spiritus Sancti adventum, & gratiam obtinendam; tribus nempe. I. *Humili & devota oratione*; memores videlicet, quid Christus Luc. II. dixerit: *Petite, & dabitur vobis; si enim vos, cum sitis mali, nostis bona data dare filius vestris; quanto magis Pater vester de cælo dabit spiritum bonum petentibus se*; II. *Mandatorum Divinorum observatione*: dum scilicet tam prompte paruerunt Christo præcipienti, ne ab Hierosolymis discederent, sed promissionem Patris expectarent; hæc enim obier-

observatio mandatorum est velut unio , per quam Spiritus Sanctus velut anima Apostolis , totique Ecclesiæ uniri debet ; hinc ipse Christus Joan. 14. dixit : *Si quis diligit me , sermonem meum servabit , & Pater meus diliget eum , & ad eum veniemus , & mansionem apud eum faciemus* ; utique Spiritum Sanctum etiam secum adducentes . III. *Mutua inter se charitate* : erant enim unanimiter perseverantes , ut Act. 4. legitur ; hæc enim unio mutua , vel maxime necessaria erat , tum ad Spiritus Sancti adventum efficacius per orationem impetrandum ( uti Christus Matth. 18. indicavit , dicens : *Iterum dico vobis , quia si duo ex vobis consenserint super terram , de omni re , quancumque petierint , fiet a Patre meo , qui in cælis est* ) tum ad eundem recipiendum ; ut enim ab anima , non nisi membra , quæ sibi mutuo unita sunt , animantur ; ita nec a Spiritu Sancto , qui teste Apostolo 1. Cor. 14. *non est dissensionis DEUS , sed pacis* , vivificabitur , qui mutuam cum aliis membris Ecclesiæ unionem charitatemque non habet .

Confidera II. Quam efficacia sint hæc media ad Spiritum Sanctum non tantum efficaciter , sed abundanter etiam impetrandum : quodque adeo a te , & aliis Sacerdotibus tanto diligentius adhibenda sint : quanto magis gratia illius , & influxus ad operationes vestras Apostolicas necessaria est .

Confidera III. Quomodo hactenus has dispositiones , & media adhibueris , & adhibere deinceps velis . Colloquium ad B. Virginem .

### Punctum III.

Confidera I. Quæ media adhibuerint Apostoli ad conservandum Spiritum Sanctum ; videlicet duo præcipue . I. Quod ejus impulsui , & directioni sedulo paruerint ; unde cum denunciabatur eis , ne omnino loquerentur , neque docerent in nomine JESU , imperterrite responderunt : *Si justum est in conspectu DEI , vos potius audire , quam DEUM , judicate ; non possumus , quæ v-*  
dimus ,

*dimus, & audivimus, non loqui; nimirum nescit tarda molimina Spiritus Sancti gratia.* II. Quod omnem carnalem, & sensualem amorem penitus a se excluderint, uti vel ex eo colligitur, quod nullus eorum post Spiritus Sancti adventum quidquam, quod sensualem amorem saperet, adinuisse legatur; non ignari nempe fuerant, quid ipse DEUS Gen. 6. *Non permanebit spiritus meus in homine in aeternum, quia caro est.* Unde huc proprie trahi potest, quod Thomas Kemp. l. 3. cap. 53. dixit: *Fili, pretiosa est gratia mea, non permittit se misceri extraneis rebus, nec consolationibus externis.* Qui ergo libere mecum ambulare desiderat, necesse est, ut omnes pravas, & inordinatas affectiones suas mortificet, atque nulli creatura privato amore concupiscenter inbareat.

Confidera II. Quam & hæc media non modo efficacia, sed plane etiam necessaria sint iis, qui Spiritus Sancti præsentiam retinere desiderant; cum plane Spiritus Sanctus velut amor Divinus, & amor sensualis sibi extreme contrarii sint, atque adeo tam parum, quam alia duo contraria, in eodem homine consistere possint.

Confidera III. Quam æquum proin sit, ut amorem sensualem, cum quo non nisi omnia mala pariter venerunt, excludas, & Spiritui Sancto tamquam cœlesti amoris aditum aperiās, utpote de quo dicere queas: *Venerunt autem mihi omnia bona pariter cum eo.* Exclama ergo cum Ecclesia: *Veni Sancte Spiritus, reple tuorum corda fidelium, & tui amoris in eis ignem accende.* Colloquium ad Christum.

## CONSIDERATIO

### DE ACTIONIBUS QUOTIDIANIS RITE OBEUNDIS.

Confidera I. Quæ conditiones ad actionem bonam, & perfectam requirantur; tres videlicet, nempe ut sit bona quoad *substantiam*, quoad *modum*, quoad *finem*.

Bona

Bona quoad substantiam erit , si saltem Divinæ legi , & rationi non sit diffõrmis ; hinc etiam actiones indifferentes , ut laborare , comedere , bibere , ambulare , colloqui , dormire &c. hoc sensu bonæ dici queunt . Negari tamen non debet , dari hac in parte latitudinem , & unam actionem etiam quoad substantiam alia meliorem esse ; sic enim , cæteris paribus , melior est actio , quæ plus charitatis continet ; (*multum enim facit , qui multum diligit* , ait Thomas Kemp. l. 1. c. 15. ) illa autem plus charitatis continet , quæ majorem propriæ voluntatis abnegationem , & difficultatem involvit , aut non ad propriam dumtaxat , sed alienam etiam salutem procurandam ordinatur . Bona quoad modum ut sit , requiritur , ut inprimis in gratia fiat , deinde cum debita diligentia peragatur ; demum ut non ex necessitate , sed cum magna promptitudine , & hilaritate obeatur ; bilarem namque datorem diligit DEUS , teste D. Paulo 2. Cor. 9. quæ quidem tres conditiones , quo perfectiores fuerint , tanto etiam quoad modum perfectior erit actio . Quoad finem denique bona erit actio , si propter causam honestam , & aliquo modo supernaturalem eliciatur , nempe ut beatitudo obtineatur , vel æternæ pœnæ devitentur , vel ut DEO super omnia amato beneplaceant , quæ ultima causa , sicut omnium perfectissima est , ita merito suadetur ab Apostolo ad Rom. 16. *Omnia vestra in charitate fiant* ; per hanc enim actiones nostræ Divinum quidpiam hauriunt , & quodammodo deificantur , ut loquitur S. Gregorius Nazianzenus , Unde facile patet actionem secundum finem spectatam tanto meliorem esse , quanto purior est amor , ex cujus motivo elicitur ; tanto autem puriorem esse amorem , quanto minus de solatio , præmio , laude , aut commodo terreno admittit . Examina ergo , quomodo tres istas conditiones hæctenus in actionibus tuis observaris , tantoque majorem deinceps diligentiam in iisdem perficiendis adhibe , quanto difficilius est , easdem in praxin deducere : certe S. Hieronymus c. 4. contra Pelag. expresse ait : *Cunctorum in carne justorum imperfecta perfectio est* . Sed & S. Bernardus

duſ in Epiſt. 11. intrepide auſus eſt dicere : *Nefcio ſi hic gradus a quoquam in hac vita recte apprehenditur , ut ſe homo diligat tantum propter DEUM . Afferunt hoc , qui experti ſunt , mihi fateor , in hac vita impoſſibile videtur illum apprehendere ,*

Confidera II. Quas ob cauſas omnem diligentiam adhibere debeas in actionibus tuis quotidianis rite perficiendis , ob tres videlicet . I. *Propter DEUM* : ſi enim famuli , & opifices Regi alicui terreno ſervientes , omnia cum ſingulari diligentia , & perfectione perficiunt ; quanto magis DEO , Regi Regum , & Domino Dominantium nihil niſi undequaque perfectum offerri debet . Unde merito ſemper teipſum ante quamvis actionem excitare cum Davide deberes , & dicere : Totis viribus hanc actionem perficiam , non enim homini præparatur , ſed DEO . II. *Propter te* : cujus perfectio , & bonitas in operibus quotidianis rite peractis conſiſtit , ut enim arboris bonitas ex fructibus colligitur , ita qualitas hominis ex operum qualitate concluditur . Si ergo in omnibus tuis arboribus optimos quoſque fructus optares , & , ſi in tua poteſtate foret , omni ſtudio procurares , quanto magis conari debes , ut tu ipſe fructus nonniſi optimos , utpote in totam æternitatem duraturos proferas , cum hoc , auxiliante Divina gratia , ſemper efficere poſſis ; *Magis ſiquidem DEUS penſat , ex quanto quis agit , quam opus , quod facit* ; ut ſapienter pius Auctor l. 1. de imit. cap. 15. advertit . III. *Propter proximum* : cum enim eorundem operum tuorum fructum ſatisfactorium , & impetratorium , ſi non totum , magna certe ex parte in auxilium , & ſolatium viventium , & Deſunctorum offeras , an non vel hoc etiam titulo non modice incitaberis , ad eandem cum maxima perfectione perficienda . Dic enim , ſi amico tuo ſingulariter dilecto in paupertate tua ſuccurrere velles , & DEUS tibi poteſtatem daret , plumbum , argentum , vel aurum pro libitu creandi ; an in tali caſu non aurum potius , quam argentum aut plumbum creares ? cur ergo , cum DEUS poteſtatem tibi dederit , ad aurea potius opera , ſeu ex charitate facta , quam argentea

gentea ex minus perfectis motivis elicitæ; aut plumbea, id est, negligenter peracta, producenda, non illa potius, quam ista producere studeas?

Considera III. Quæ media adhibere possis, debeas, ad actiones tuas quotidianas dicto modo perficiendas. Tria præcipue suadeo. Primum est, ut *deliberate* eas perficere studeas, non temere scilicet, aut ex consuetudine eas eliciendo, sed cum legitima intentione singulis aut potioribus saltem actionibus tuis præfixa; per hanc quippe intentionem memoria trium motivorum supra indicatorum renovabitur, & hoc ipso non parvus etiam stimulus addetur ad easdem cum magna perfectione producendas. Secundum est, ut *libere*, id est, absque omni sollicitudine de præteritis, & futuris aliis operibus actiones tuas singulas perficias; cum enim dæmon advertat, pluribus intentum sensum ad singula minorem asse, id unum agit, ut animum operantis vel præteritorum recordatione, vel futurorum sollicitudine distrahat, & ad bene operandum inhabilem efficiat. Unde, quod olim apud Ethnicos sacrificantibus dicebatur: *Age, quod agis*; id tibi occine, tantaque cum applicatione animi singulas tuas actiones perage, ac si postremæ in vita forent, DEIQUE gloria, ac totius generis humani salus ab iisdem dependeret. Tertium est, ut *ordinate* quoque illas perficias; absque hoc enim ordine confusæ propositæ non parum distrahent animum, & dum inquirere primum oportet, quæ alteri præferenda sit, sollicitum ac turbatum efficient; unde S. Ignatius ad impedimentum hoc removendum pridie semper actione sequentis diei ordinare solebat, ut, dum sua cuique horæ actio destinata scitur, liberius vires ad eam solam converterentur, ut autem hunc ordinem tanto facilius conficias, & observes, sequentia monita non parum proderunt.

I. Operam dabis, ut tempus dormiendi, & surgendi prudenter definitum habeas, rigideque observes; alioqui enim totus diurnarum actionum ordo non raro, nec levi cum dispendio turbabitur.

II. Si commode potes, quotidie tempus aliquod sacrae



cræ meditationi cujusdam mysterii de vita Christi aut Sanctorum aut alterius doctrinæ piæ impendes ; vix enim explicari potest , quantas vires ejusmodi meditatio habeat , ad omnes totius diei functiones rite alacriterque perficiendas .

III. Horas Canonicas , si ad easdem in Choro dicendas non obligaris , mature , & ante alias actiones recitabis , tum ut majori cum devotione , & quiete eas persolvere queas ; tum ut liberior , & expeditior sis ad reliquas muneris tui functiones peragendas . Idem in SS. Missæ Sacrificio offerendo , quantum fieri potest , observa .

IV. Post preces matutinas , & horas canonicas peractas prima tua cura sit , ut librum aut thecam manua-lem agendorum inspicias ( nisi pridie ante somnum id feceris ) & quid illo die , & quo modo , & ordine peragendum sit , accurate dispicias , definiasque . Convenit autem hunc librum vel thecam in aliquot partes distingui , in quarum prima infirmi Parochiani , aut in alia gravi necessitate constituti . In secunda denuntiationes publice faciendæ . In tertia res ad Decanum , vel Vicarium generalem scribendæ , aut dubia doctis viris proponenda : in quarta translationes Festorum : in quinta alia negotiola minoris momenti notentur .

V. Reliquum tempus matutinum , nisi aliud necessitas , & charitas exigat , privatæ lectioni , aut studio impendas , & præcipue concioni proxime habendæ , quam semper mature confectam habere studebis , ne alioqui temporis angustiis arctatus minus utiliter eam componas .

VI. Etiam prandii , cœnæque tempora , quantum fieri potest , definita habebis ; tum ut importunas cogitationes de cibo , & potu liberius excutias ; tum ut reliquarum functionum ordinem minus interturbatum conserves .

VII. Si quas œconomicas curas suscipiendas habebis , eas in tempus , quod prandium subsequitur , rejicies . Quod si vero aut visitandi ægri , aut ambulatio , iterve suscipiendum erit ; idipsum quoque pomeridiano tempore , utpote aptiori facias .

§ VIII. Si

VIII. Si tempus aliquod ordinariis functionibus supererit, semper alia actio determinata sit, quam substituas, ne otio malorum omnium origini ullus umquam apertus sit locus.

IX. Noli autem turbari, si subito quopiam casu, aut negotiis intervenientibus constitutum ordinem diurnum interrumpere, vel mutare cogaris, sed potius optimum tuarum functionum ordinem esse crede, quem sanctissima DEI voluntas per ejusmodi negotia supervenientia sufficienter indicata designat.

### Materia Lectionis.

Ex libello de imitatione Christi legi potest l. 3. c. 31.

Ex Ascetico vel historico aliquot capita.

Ex libello Exercitiorum legi hodie utiliter possunt Regulæ a S. Ignatio, ut cum Orthodoxa Ecclesia recte sentiatur, præscriptæ, quæ in sequentibus monitis consistunt.

I. Ut promptus semper animus retineatur, ad obediendum, & sentiendum cum Ecclesia Catholica.

II. Ut laudetur frequens Confessio; & Communio, Missæque auditio, & horarum Canoniarum tam privata, quam publica recitatio.

III. Ut Religiones, & vota religiosa pariter commendentur, & status cælibatus, aut virginitatis conjugio præferatur.

IV. Ut reliquiarum veneratio, & invocatio Sanctorum, peregrinationesque ad illorum templa institutæ, cum indulgentiis, jubilæis, & aliis devotionis adminiculis laudentur.

V. Ut templorum extructio, ornatus, & imagines etiam commendentur.

VI. Ut præcepta Ecclesiæ, Traditiones, Ritus, & Decreta studiose probentur; quemadmodum etiam doctrina sacra tum positiva, tum scholastica.

VII. Ut vitetur hominum, qui adhuc in terris vivunt, cum Beatis cælo existentibus comparatio; talis enim comparatio, ut Thomas Kemp. l. 3. c. 58. ait, nul-

lum fructum affert, sed potius dissensiones, & lites inutiles parit, ideoque DEO, & Sanctis displicet.

VIII. Ut, cum de prædestinatione (quod raro fieri expedit) sermo habetur, cum magna circumspectione id fiat, ne aut liberi arbitrii vires, & operum bonorum merita excludi videantur; aut e contrario nimium ipsis tribuatur.

IX. Ut neque Fidei valor, & præstantia nimis extollatur, ne bona opera, & aliæ virtutes negligantur; atque ob eandem causam de efficacia gratiæ sermo circumspecte instituat.

X. Ut non vituperetur timor servilis Majestatis Divinæ, cum etiam hic sit utilis valde, & sæpe necessarius ad homines a peccato mortali absterrendos; licet semper magis Filialis timor, & dilectio commendanda, & suadenda sit.

### Materia Scriptionis.

Hoc die utiliter aliquæ orationes Jaculatoriæ conscribi possent, quæ pro variis occasionibus servire queant; dici enim vix potest, quantopere prosint hæ orationes ad mentem perpetuo cum DEO uniendam, fervoremque devotionis, ubi remitti cœperit, instaurandum. Sunt quippe hæ orationes velut prunæ, quibus facile Divini amoris ignis mentibus nostris suscitatur; sunt tela, & sagittæ, quibus & ab hostibus nostris tueri nos, tutosque reddere, & vero etiam ipsius DEI cor ad omnia, quæ petimus, concedenda expugnare possumus; sunt delitiæ, & refocillationes, quibus languorem suum in miseriis humanis sublevare, & tamquam cibo fortissimo vires ad alacriter decurrendam perfectionis viam restauremus: sunt epistolæ breves, quas anima per suspiria tamquam inter nuntios ad DEUM, & Sanctos transmittit. Verbo: Orationes hæ jaculatoriæ sunt compendiosissima ad mentem a rebus terrenis abstrahendam, perfectionemque brevi tempore consequendam via; sunt medicina vitiorum, passionum frænum, virtutum perpetuum exercitium, & meritorum

uberrimorum fons perpetuus, unde S. Augustinus merito ad Probam sic scripsit: *Dicuntur Fratres in Aegypto crebras quidem orationes habere, sed eas brevissimas tamen, & raptim quodam modo jaculatas, ne illa vigilanter erecta; qua oranti plurimum necessaria est, per productiones moras evanescat, atque bebetetur intentio.* Ut ergo earum usum tanto facilius sibi familiarem facere possit Sacerdos, in sequentem modum poterit orationes ejusmodi jaculatorias pro variis occasionibus sibi conscribere.

## ORATIONES JACULATORIÆ,

*Pro tentatione amoris inordinati ad creaturas.*

Quid mihi est in cœlo, & a te quid volui super terram?  
DEUS cordis mei, & pars mea in æternum.

*Pro tentatione visus.*

Averte, Domine, oculos meos, ne videant vanitatem.

*Pro tentatione auditus.*

Domine, quo ibimus? tu verba vitæ æternæ habes.

*Pro tentatione gustus.*

Non in solo pane vivit homo; sed in verbo, quod exit de ore DEI. Cibus meus est facere voluntatem Patris mei, qui in cœlis est.

*Pro tentatione odoratus.*

Trahe me post te, o JESU; curremus in odorem unguentorum tuorum.

*Pro tentatione tactus.*

Dilectus meus mihi, & ego illi: inter ubera mea commorabitur.

*Contra appetitum scientiæ.*

Ego nihil existimavi me scire, nisi JESUM Christum, & hunc Crucifixum. Christe, sciant quæcumque alii, mihi sufficit una Cognitioque tui, Cognitioque mei.

Con-

*Contra pusillanimitatem.*

Omnia possum in eo, qui me confortat.

*Contra superbiam.*

Ab sit mihi gloriari, nisi in cruce Domini mei JESU Christi.

*Contra invidiam.*

Particeps ego sum omnium timentium te, & custodientium mandata tua.

*Contra favorem hominum.*

Mihi autem adherere DEO meo bonum est, & ponere in Domino spem meam.

*Contra timorem hominum.*

Si DEUS pro nobis, quis contra nos?

*Contra judicia hominum.*

Ego autem pro minimo aestimavi judicari ab humano die. Prima virtus Monachi est, hominum judicia contemnere.

*Contra displicentiam hominum.*

Si hominibus placerem, Christi servus non essem.

*Contra persecutiones hominum.*

Domine ignosce illis, quia nesciunt, quid faciunt.

*Contra impatientiam.*

Ego quidem juste hæc patior; Christus autem quid fecit.

*Contra ablationem bonorum.*

Dominus dedit, Dominus abstulit. Sit nomen Domini benedictum.

*Contra tristitia nova.*

Sicut Domino placuit, ita factum est. Sit nomen Domini benedictum.

*Contra timorem futurorum.*

Dominus est, quod bonum est in oculis suis, faciat.

*Contra vanas delectationes,*

Renuit consolari anima mea : memor fui DEI , & delectatus sum . Vel : Delectare anima mea in Domino , & dabit tibi petitiones cordis tui .

*Contra contemptum.*

Elegi abjectus esse in domo DEI mei magis , quam habitare in tabernaculis peccatorum .

*Contra maledictionem.*

Dominus præcepit illi , ut malediceret mihi , & quis est , qui contradicat ?

*Contra timorem inopia .*

Ego autem mendicus sum , & pauper : Dominus sollicitus est mei .

*Contra asperitatem Superiorum.*

Obmutui , & non aperui os meum , quoniam tu fecit .

*Contra odium fratrum .*

Pater meus , & fratres mei dereliquerunt me : Dominus autem assumpsit me .

*Contra defectum promotionis.*

Ego autem in te , Domine , speravi : dixi , Domine , DEUS meus es tu , in manibus tuis fortes meæ .

## DIES OCTAVA.

**S**Copus hujus diei est in amorem majorem DEI , S. Virginis , & Sanctorum exardescere , id quod non difficile erit , & si & magnitudo gloriæ ab ipsis obtentæ , & beneficia nobis ab illis exhibita accuratius perpendantur , uti sequentes tres Meditationes docebunt .

## Thessera.

Beati , qui habitant in domo tua , Domine , in sæcula sæculorum laudabunt te . Psal. 83.

ME-

## MEDITATIO I.

## DE GLORIA ET CULTU BEATORUM.

Prælude primum est, contemplari cælum apertum, locum amœnissimum, & amplissimum, in quo omnes Sancti Sole ipso clarius fulgentes, & DEUM totis viribus laudantes videantur, & audiantur.

Prælude secundum est, petere gratiam, ut & ipse magnitudinem gloriæ hujus agnoscere, atque ad eandem aspirare, & alios quam plurimos ad ipsam querendam allicere queas.

## Punctum I.

Confidera I. In quo consistat gloria Beatorum, videlicet in perpetua, & perfectissima laude, & amore DEI; & quod inde sequitur in omnis mali absantia (nam ut S. Joannes Apoc. 21. ait, *Absterget DEUS omnem lacrymam ab oculis eorum, & mors ultra non erit, neque luctus, neque clamor, neque dolor erit ultra, quia prima abierunt; & dixit, qui sedebat in throno: Ecce nova facio omnia. In omni boni præsentia juxta ipsius DEI testimonium Exod. 33. dicentis: Ego ostendam omne bonum tibi. Et omnis gaudii indefinitia; sic enim Christus ipse Joan. 16. dixit: Gaudebit cor vestrum, & gaudium vestrum nemo tollet a vobis.*

Confidera II. Quam magna sit hæc felicitas, & beatitudo, ita ut recte dixerit S. Paulus 1. Cor. 2. *Oculus non vidit, nec auris audiuit, nec in cor hominis ascendit, quæ præparavit DEUS iis, qui diligunt illum.* Et in eundem sensum S. Augustinus l. 22. de jejun. pronuntiavit: *Quod DEUS præparavit diligentibus se, fide non capitur, spe non attingitur, caritate non apprehenditur, desideria, & vota transgreditur; acquiri potest, aestimari non potest,*

Confidera III. Quam æquum proinde sit, ut & Sanctis omnibus velut commembris, Amicis, & Patronis

tuis gloriam, & felicitatem hanc suam ex animo gratuleris, & ad eandem olim assequendam toto pectore aspires, dicens cum S. Davide Psal. 83. *Quam dilecta tabernacula tua, Domine virtutum: concupiscit; & deficit anima mea in atria Domini.* Cum ut S. Augustinus ad Diosc. ait, *Tanto illud, quod valde magnum est (quod nec oculus vidit, quia non est color; nec auris audit, quia non est sonus: nec in cor hominis ascendit, quia cor hominis debet illuc ascendere) sumemus sapacius, quanto illud, & fidelius credimus, & speramus firmitus, & desideramus ardentius.* Colloquium ad SS. Patronos.

## Punctum II.

Confidera I. Quibus mediis ad tantam felicitatem pervenerint Beati, tribus videlicet 1. *Abstinendo* a peccato, juxta Psal. 14. *Domine, quis habitabit in tabernaculo tuo? qui ingreditur sine macula, & operatur justitiam.* v. *Patiendo*: hinc enim Ecclesia canit: *Omnes Sancti, quanta passi sunt tormenta, ut securi pervenirent ad palmam Martyrii, & felicitatis æternæ.* 3. *Agendo*: nam, ut Christus dixit Matt. 7. *Non omnis, qui dicit mihi, Domine, Domine, intrabit in regnum cælorum, sed qui facit voluntatem Patris mei, qui in calis est, ipse intrabit in regnum cælorum.*

Confidera II. Quam efficacia sint hæc media ad diætam felicitatem obtinendam, ut quæ ipse jam olim S. David Psal. 33. suaserit, dicens: *Quis est homo, qui vult vitam, diligit dies videre bonos? declina a malo, & fac bonum, inquire pacem* (quæ, ut Thomas Kemp. l. 3. c. 25. ait, *erit in multa patientia*) *& persequere eam.* Hinc enim & triplici huic merito triplex proportionatum præmium respondet, nempe *abstinentia* omnis boni præsentia: *patientia* omnis mali absentia: *Actioni momentanea*, omnis gaudii indefinitia.

Confidera III. Quam prompte proin hæc media non modo ipse arripere, sed etiam, ut alii curæ tuæ commissi arripiant, procurare debeas; eumque in finem, illam



illam tibi pii Auctoris l. 3. c. 47. sententiam applica-  
re : *Fili , non te frangant labores , quos assumpsisti pro-  
pter me , nec tribulationes te dejiciant usquequaque , sed  
mea promissio te in omni eventu roboret , & consoletur .  
Age , quod agis , fideliter labora in vinea mea , sustine  
viriliter contraria ; digna est his omnibus , & majoribus  
preliis vita aterna .* Colloquium ad B. Virginem .

## Punctum III.

Considera I. Quam æquum sit , ut Sanctos omnes in  
tanta gloria institutos ; summo honore , & cultu profe-  
quaris ; si enim etiam in hac vita eos , qui vel singu-  
lari Sanctitate , vel Sapientia , vel potentia , & benefi-  
centia præditi sunt , tantopere æstimare , & colere , &  
amare solemus ; quanto magis similem cultum , & amo-  
rem Sanctis , qui in prædictis donis omnes homines lon-  
gissime superant , exhiberi decet .

Considera II. Quas speciales causas tu habeas ad hos  
Sanctos tibi demerendos ; cum enim ex una parte co-  
piosa tibi ad vocationis executionem gratia sit necessa-  
ria ; ex altera parte vero plures tibi per Pastoris offi-  
cium hostes , & Adversarios concilies , an non merito  
eorum tibi Patrocinium ( ut desideratam gratiæ abun-  
dantiam multiplicatis intercessionibus impetres ) & Præ-  
sidium ( ut dicere tibi ipsi cum Elia possis : *Noli  
timere , plures enim pro nobis stant , quam contra nos* )  
obtinere conaberis ?

Considera III. Quibus potissimum obsequiis eos co-  
lere , & demereri velis . Nimirum 1. Eisdem laudando ,  
de gloria gratulando , eamque pro viribus promovendo ;  
sed & varia obsequia in eorum honorem præstan-  
do ; Sic enim S. David Psal. 150. suavit , dicens : *Lau-  
date Dominum in Sanctis ejus* . 2. Invocando in necessi-  
tatibus : de illis enim æque dici potest , quod S. Ber-  
nardus de SS. Angelis Custodibus dixit : *Fideles sunt ,  
prudentes sunt , potentes sunt ; tantum adbareamus illis ,  
& in protectione DEI cæli commorabimur* . 3. Imitando ,  
maxime in laudando , & amando DEO , nam Sancto-  
rum

rum est cultus pulcherrimus optima vita, quia hic cultus purissimus est, id est, ab omni nœvo liber: amplissimus, utpote omnia vitæ totius opera complectens: perpetuus, quia diu, noctuque non interruptitur. Unde merito Sacerdos de hac imitatione sibi applicare debet salutarem S. Ildephonsti ser. 1. de Assumpt. admonitionem: *Imitamini Matrem Virginem, & Sanctos omnes, quos laudatis, quoniam non tantum illis prodest nostra laudatio, quam nobis eorum imitatio.* Unde Sponso magis placet imitator devotus, quam laudator otiosus: tamen vera laudatio cordis imitatio est operis. Vide ergo, quomodo hæc obsequia hætenus præstiteris, & præstare deinceps velis. Colloquium ad Christum.

## MEDITATIO II.

### DE GLORIA ET CULTU B. VIRGINIS.

Præludeium primum est, B. Virginem super omnes Sanctos elevatam, et a SS. Trinitate coronatam intueri, prout passim in imaginibus cernitur.

Præludeium secundum est, petere gratiam, ut dignitatem, et gloriam hujus SS. Virginis clare cognoscere, camque, ut par est, venerari, et amare possis.

#### Punctum I.

Confidera I. Ad quantam gloriam SS. Virgo a DEO sit evecta; si enim mensura gloriæ respondet gratiæ mensuræ; gratia vero B. Virginis in primo instanti Conceptionis major fuit, quam omnium Hominum, et Angelorum simul sumptorum, eaque singulis momentis duplicata fuit (ut P. Franciscus Suarez fuisse probavit, idque sibi gratum fuisse, eodem per P. Martinum Gettieres eadem SS. Virgo significari iussit) quis comprehendere poterit magnitudinem gratiæ, atque adeo etiam gloriæ ab eadem obtentæ? ut adeo merito eidem appli-

applicetur illud Prov. 30. *Multæ Filia* ( seu Sancti ) congregaverunt divitias , tu supergressa es universas .

Confidera II. Si æquissimum videtur , ut alii Sancti propter Sapientiam , Dignitatem , et Sanctitatem singulari studio colantur , et amentur , quanto majori cultu , et amore hanc SS. DEI Matrem , quæ omnes Sanctos etiam simul sumptos longissime suis dotibus superat , prosequi debeas ; maxime cum ipsa Ecclesia cum Theologis suis exemplo præcedat , dum eidem specialem Hyperdulix cultum attribuit .

Confidera III. Quomodo hætenus tu quoad hunc cultum et amorem te gesseris , et gerere deinceps velis . Colloquium ad SS. Patronos .

## Punctum II.

Confidera I. In quibus officiis verus Cultus Mariæ consistat , in sequentibus videlicet . 1. in magna æstimatione de illa concepta , ita ut exclames cum S. Anselmo de Concept. Virg. *Nihil tibi , Domina , æquale , nihil comparabile ; omne enim , quod est , aut supra , aut infra te est . Quod supra te est , solus DEUS est : quod infra te est , omne , quod DEUS non est .* Hinc S. Bonaventura in Speculo B. V. dicere ausus est : *Ipsa est , qua majorem facere DEUS non potest : Majorem facere Mundum posset DEUS , majorem Matrem , quam Matrem DEI facere non potest .* 2. In filiali fiducia juxta S. Bernardi monitum : *In periculis , in angustiis , in rebus omnibus MARIAM cogita , MARIAM invoca , non recedat a corde , non recedat ab ore .* Nam , ut S. Anselmus cap. 6. de excell. Virginis ait : *Velocius intercedit salus memorato nomine Virginis , quam invocato nomine Filii ; non quod ipsa major , & potentior sit ( nec enim ipse magnus , & potens est per eam , sed illa per ipsum ) sed quia , etsi merita invocantis non merentur , ut exaudiatur ; merita tamen Matris intercedunt , ut exaudiatur .* 3. In studiosa Imitatione , ad quam S. Hieronymus ser. de Assumpt. hortatur , dicens : *Igitur dilectissimi ; amate MARIAM , quam colitis : colite ,*  
quam

quam amatis; quia tunc vere colitis, & amatis, si imitari velitis ex toto corde, quam amatis. In quibus autem virtutibus specialiter imitari debeamus, breviter S. Bernardus to. 1. in deprec. ad B.V. indicavit, dicens: *Tu virtutum omnium speciosis vernas floribus, inter quos pulcherrimos tres miramur in te; hi sunt, quorum odore totam domum DEI replet, O MARIA, viola humilitatis, lilium castitatis, rosa caritatis.* In constanti veneratione per varias laudes, jejunia, castigationes carnis, peregrinationes, opera misericordiae illius nomine praestita; ad quam venerationem S. Bernardus ser. de aqueductu sequentibus verbis hortatur: *Totis medullis cordium, totis praeordiorum affectibus MARIAM hanc veneremur, quia sic est voluntas ejus, qui omnia nos habere voluit per MARIAM.* 5. In cultus Mariani propagatione: rogando scilicet DEUM, ut hunc cultum magis in dies augeri sinat: excitando alios tum in concionibus, tum in privata conversatione, qua verbo, qua exemplo ad cultum: et quam plurimos tam Defunctos, quam viventes juvando, ut ad Coelum veniant, ibique hanc gloriosissimam Coeli Reginam modo perfectissimo laudent, et venerentur; quod enim et hoc obsequium ei gratissimum sit futurum, colligitur ex praemio, quod promittit illud praestantibus, dum ait: *Qui me elucidunt, vitam aeternam habebunt.* Eccl. 24. Hinc merito Sacerdos, quanto meliorem habet occasionem hujus Officii praestandi, tanto ferventius id suscipere, atque adeo illa Christi Matth. 5. verba paucis mutatis applicare debet: *Sic luceat lux vestra (verbi et exempli) coram hominibus, ut videant opera vestra bona, & glorificent Patrem vestrum (et Matrem) qui in caelis est.*

Consid. II. Si minima obsequia saepe tam liberaliter compensavit haec Virgo Sanctissima; quantas gratias impetratura, quot beneficia collatura, quam potenter protectura sit eos, qui memorata quinque officia constanter implere studuerint.

Considera III. Quomodo tu ea hactenus praestiteris, et praestare deinceps velis. Colloquium ad B. Virginem, eandem denuo in Matrem, et Patronam eligendo.

Pun-

## Punctum III.

Confidera I. Quod , etſi omnes homines ob cauſas hætenus assignatas B. Virginem ſingulariter colere, et amare debeant , Sacerdos tamen ſpeciales tres cauſas habet, ob quas merito ſperare queat, quod ipſum ſingulariter ſuo Patrocinio adjutura , et protectura ſit; nimirum 1. Quia idem quodammodo cum ipſa officium habet, dum et Chriſtum toties in Euchariftia producit, et Parochianos ſuos ad S. Pauli exemplum aſſiduo paraturit, donec formetur Chriſtus in illis . 2. Quia nihil magis optat , quam ut pretium Redemptionis a Filio ſuo paratum in animabus non pereat , adeoque Sacerdotes, quia ad hunc finem cooperantur, præ aliis libenter fovet et juvat . 3. Quia advertit , quemadmodum infernalis Draco , ut S. Joannes c. 12. vidit, iratus ſit contra ipſam , et abeat facere prælium cum reliquis de ſemine ejus , ſpecialiter iis , qui conatibus illius , ut Sacerdotes , fortius reſiſtunt , atque adeo magis etiam ab ipſa , quæ eſt terribilis ut caſtrorum acies ordinata , protegi mereantur .

Confidera II. Quantam in te fiduciam et amorem erga hanc SS. Cœli Reginam excitare debeant hæ rationes , quamque adeo avide arripere , et ſequi debeas S. Bernardi conſilium in ſer. de aquæ ductu ſic loqueris: *Modicum illud quod offerre deſideras , glorioſiſſimis illis, & omni acceptione digniſſimis MARIÆ manibus offerendum tradere cura, ſi non vis ſuſtinere repulſam.*

Confidera III. Quomodo ergo cultum hunc Marianum totis viribus proſequi , et continuare deinceps velis, maxime cum charitas ordinata ſuadeat , ut , dum aliorum ſaluti invigilas , tuam præ aliis aſſecuras ; aſſecurare autem vel maxime poſſis per conſtantem SS. Deiparæ cultum , cum juxta S. Bernardum , ſicut ab ipſa deſpectus & averſus , neceſſe eſt , ut pereat ; ita ad ipſam reverſus, & ab ipſa reſpectus , impoſſibile ſit ; ut pereat . An non ergo dices cum ipſo ad tuos Subditos: *Filioli mei, hæc peccatorum ſcala, hæc mea maxima fiducia,*

*cia, hac tota ratio spei mea.* Colloquium ad Christum, rogando, ut filialem tibi affectum, quo ipse Matrem profecutus est, communicet, eamque tibi efficaciter iterum commendet, dicens: *Ecce Filius tuus.*

## MEDITATIO III.

### DE AMORE DEI.

Textus S. Ignatii.

*In primis duo notanda sunt. Primum, quod amor ipse ab operibus magis, quam a verbis pendet.* Circa quæ verba notandum est, hoc ipso, quod S. Pater dicat, *magis* amorem ab operibus pendere, non omnino excludere velle, amorem *affectivum*, quo in amati bonitate quis complacet sibi, eique illam ex animo gratulatur, atque adeo eidem conjungi desiderat: sed hoc solum indicare voluisse, quod amor *affectivus* solus non sufficiat ad Salutem, nisi etiam *effectivus*, qui in opus ipsum prodit, jungatur; nam ut recte S. Gregorius hom. 3. in Evang. advertit, *numquam est amor DEI otiosus; operatur enim magna, si est; si vero operari renuit, amor non est; perfectus intellige.* Hinc Christus Ioan. 14. dixit: *Qui habet mandata mea, & servat ea, ille est, qui diligit me.* Habent itaque se effectivus, & affectivus amor ad se invicem, sicut Fides & Charitas: ac proin sicut Fides sine operibus mortua est, ita & amor affectibus sine effectivo. Unde quemadmodum olim Jehu 4. Reg. 10. Cum dixisset ad Jonadab: *Numquid est cor tuum rectum, sicut cor meum cum corde meo?* & Jonadab respondisset, *est.* Mox subiecit: *Da mihi manum;* ita DEUS quoque sinceritatem affectus, & amoris ex manu data, id est, secutis operibus cognoscit.

*Secundum notandum est, quod amor consistit in mutua facultatum, rerum, & operum communicatione, puta scientiæ, divitiarum, bonoris, & boni cujuscunque; si enim seipsum alteri communicat, & quodammodo unit*  
amans,

amans, quidni & bona sua, quæ minoris æstimat, libenter communicabit.

*Oratio preparatoria præmittitur ex more.*

*Preludium primum est, ut coram Domino, Angelis, Sanctisque omnibus mihi propitiis stare me videam.*

*Preludium secundum est, ut gratiam DEI efflagitem, per quam beneficiorum ejus in me collatorum magnitudinem perspicimus ad amorem, cultum, & servitium totum me impendam.*

*Punctum primum sit, revocare in memoriam beneficia creationis, ac redemptionis, dona item particularia, seu privata enumerare, & cum intimo affectu perpendere, quantum mea causa benignissimus DEUS egerit, atque pertulerit; quantum mihi elargitus sit de thesauris suis, quodque juxta Divinum suum decretum & beneplacitum, seipsum mihi, quantum potest, donare velit; quibus optime inspectis vertar ad me ipsum, & disquiram mecum, quæ mea sint partes, & quid æquum, justumque sit, ut Divina offeram, & exhibeam Majestati, band sane dubium, quin mea omnia offerre debeam, ac me ipsum cum summo affectu, & verbis hujuscemodi vel similibus: Suscipe, Domine, universam libertatem meam; accipe memoriam, intellectum, atque voluntatem omnem: Quidquid habeo, vel possideo, mihi largitus es, id tibi totum restituo, ac tuæ prorsus voluntati trado gubernandum; amorem tui solum cum gratia tua mihi dones, & dives sum satis, nec aliud quid ultra posco.*

*Secundum erit speculari DEUM in singulis existentem creaturis suis, & elementis quidem dantem, ut sint; plantis vero, ut vivant quoque per vegetationem; animalibus insuper, ut sentiant; hominibus postremo, ut simul etiam intelligant: inter quos accepi & ipse universa hæc beneficia, esse, vivere, sentire, ac intelligere; meque templum quoddam suum efficere voluit; ad imaginem & similitudinem suam creatam. Ex quorum omnium admiratione reflexus in meipsum agam, ut in primo puncto, vel melius, si quid occurrerit; id quod in punctis etiam sequentibus erit faciendum.*

*Tertium est, considerare eundem DEUM, ac Domi-*  
num

num propter me in creaturis operantem, & laborantem quodammodo, quatenus dat ipsis, conservatque id, quod sunt, habent, possunt, & agunt; quæ omnia, ut supra, in mei considerationem reflectenda erunt.

Quartum, prospicere, quo pacto munera & bona omnia cælitus descendunt, ut sunt potentia, justitia, bonitas, scientia, & alia qualibet humana perfectio, terminis quibusdam certis circumscripta, quæ ab infinito illo totius boni thesauro, sicut lumen a Sole, & ex fonte aqua derivantur. Addenda superest reflexio prædicta in mei circumspeditionem, Colloquium etiam in fine fiet terminandum cum Pater noster.

Hucusque S. Ignatii textus, qui, si non sufficiat, poterit eadem materia, præmissis iisdem præludiis, sic in puncta dividi, simulque, quidquid ad amoris rationem pertinet clare cognosci.

### Punctum I.

Confidera I. Quanto per te DEUS ad sui amorem allicere conatus sit, quamque graves ad se amandum causas obtulerit, dum scilicet Beneficia, quæ tibi contulit, perfectissimo modo exhibuit; nam 1. beneficium *creationis* spectando perfectissimum gradum entis, scilicet facultatem intelligendi contulit, teque a Christianis Parentibus, & in Fide Catholica educari voluit. 2. Beneficium *Redemptionis* exhibuit per Incarnationem & Passionem, ac mortem Filii, cum unicum suspirium suffecisset. 3. *Vocationis* beneficium contulit vocando te ad perfectissimum, & dignissimum Sacerdotii Ordinem. 4. *Justificationis* beneficium executus est per infusionem gratiæ, qua post lumen, & visionem beatificam nulla reperitur perfectior qualitas. 5. Ipsius *Glorificationis* beneficium per lumen gloriæ, & visionem beatificam perficiet, quibus nullum accidens perfectius ipse etiam DEUS producere potest.

Confidera II. Si juxta commune axioma æquum est, ut, qua mensura quis alteri beneficium aut amorem metitur, eadem alter quoque gratitudinem, & amorem  
mutuum



mutuum metiatur, quantopere tu ad DEUM amandum excitari debeas, dum te ab eo prius tantopere dilectum agnoscis; an non tuam hac in parte socordiam fateberis, & cum S. Bernardo exclamabis: *Amat charitas, amat immensitas, & nos rependimus cum mensura?*

Considera III. Quomodo errorem tuum corrigere, & vel nunc cum S. Augustino in has voces erumpere velis: *Sero te amavi, o pulchritudo tam antiqua & nova, sero te amavi, tu intus eras, & ego foris: tu mecum eras, & ego tecum non eram.* Colloquium ad SS. Patronos.

### Punctum II.

Considera I. In quibus præcipue officiis verus amor DEI consistat, videlicet 1. *In summa æstimatione*: ut neminem præter ipsum æstimes, & desideres, quemadmodum Thomas Kemp. l. 2. c. 5. hortatur, dicens: *Nil magnum, nil altum, nihil gratum; nil acceptum tibi sit, nisi pure DEUS, aut de DEO sit; amans quippe DEUM anima sub DEO despicit universa*; hoc enim est DEUM toto corde diligere. 2. *In jugi memoria DEI*: ita, ut, quemadmodum S. Bernardus c. 6. Medit. loquitur, *Omne tempus, quo de ipso non cogitas, perdidisse te computes*; sicut enim nullum est momentum, quo homo non utatur, vel fruatur bonitate, & misericordia DEI, sic nullum debet esse momentum, quo eum præsentem non habeat in memoria. 3. *In continuo studio ipsi beneplacendi*; sicut suavit Apostolus 1. Cor. 10. dicens: *sive manducatis, sive bibitis, sive aliud aliquid facitis, omnia in gloriam DEI facite*. Et reipsa præstitit 1. S. Ignatius Lojola, de quo Rota Romana testatur, eum tanto erga DEUM amore flagrasse, ut tota die illum exquireret, & nihil aliud cogitaret, nihil aliud loqueretur, nihil aliud cuperet, quam placere DEO, & obtemperare ejus voluntati. Unde Sponsus Sponsam Cant. 8. hortatur: *Pone me ut signaculum super cor tuum: pone me ut signaculum super brachium*

*ebium tuum*. Et hoc est tota anima & viribus diligere, dum scilicet omnes animæ potentie, & vires ad quærendam DEI gloriam, & beneplacitum ordinantur.

4. *In generosa resolutione quidvis pro DEO patiendi*. Ita ut cum Apostolo ad Rom. 8. dicere audeas; *Quis me separabit a charitate DEI?* & cum S. Tereſia *mori, aut pati*: vel cum S. Maria Magdalena de Pazzis *purum fel*, id est, tribulationes sine consolatione exoptes.

Confidera II. Quam perfecte hæc omnia officia ii, qui carnaliter se mutuo amant, exequantur; quam assiduo simul convivere, & conjungi, & colloqui cupiant, & quærant: quam assiduam sui memoriam gerant: quam ardentem exequantur, quæ Amato beneplacere norunt; quam fortiter resistant iis, qui separationem facere volunt; potuerunt ergo isti, & tu non poteris? an amor infiniti boni non poterit, quod amor particulæ boni creati tam facile præstat?

Confidera III. Quomodo tu hæc officia hæcenus præstiteris; & præstare deinceps velis, tanto scilicet perfectius, quanto magis te ad amorem tantum obligatum esse, in priori puncto didicisti. Colloquium ad B. Virginem velut Matrem & fontem pulchræ dilectionis.

### Punctum III.

Confidera I. Quos fructus ex tali amore sperare possis, nimirum ut dicere cum Salomone Sap. 7. queas: *Venerunt autem mihi omnia bona pariter cum illa, & innumerabilis honestas per manus illius, & letatus sum in omnibus, quoniam antecedebat me ista Sapientia, seu charitas Divina.*

Confidera II. Cum triplex plerumque bonum assignetur ab Ethicis, utile, scilicet, honestum, & delectabile; quam copiose hæc tria bona per amorem seu charitatem divinam communicentur. Nam I. bonum utile quod attinet, *si pietas ad omnia utilis est*, teste S. Paulo I. Timoth. 4. *promissionem habens vitæ* (id est, omnium

omnium necessariorum vel conducentium ad vitam jucunde, & quiete transigendam ) *quæ nunc est, & futura*, si, teste S. David Psal. 32. *Nihil deest timentibus DEUM*, quanto minus deesse aliquid patietur iis, qui diligunt illum? ut adeo merito dixerit S. Basilus in Hexam. *Tesaurus indeficiens est amor Divinus, quem, qui habet, dives est: quo, quicumque caret, pauper est.*  
 2. Bonum honestum quomodo cum amore obveniat, breviter indicavit S. Augustinus, dum dixit: *Hoc es, quod diligis; si terram diligis, terra es: si DEUM diligis, quid vis, ut dicam? DEUS es.* Hinc Hugo de S. Victore de laude charitatis differens, *Nescio*, inquit, *quid majus in laudem tuam dicere possim, quam ut DEUM de cælo trahere, & hominem de terra ad cælum evehere dicaris. Magna virtus tua, ut per te ad hoc usque humilietur DEUS, & usque ad hoc exaltetur homo*  
 3. Denique quantopere bonum delectabile secum afferat amor Divinus, S. Augustinus propria experientia doctus testatur, dum l. 9. Conf. c. 1. ait: *Quam suave mihi subito factum est, carere suavitatibus nugarum, & quas amittere metus fuerat, jam dimittere gaudium erat; ejiciebas enim eas a me, vera tu & summa suavitas; ejiciebas eas, & intrabas pro eis omni voluptate dulcior, sed non carni & sanguini; omni luce clarior, sed homini secreto interiori; omni bonore sublimior, sed non sublimibus in se.* Unde merito Thomas Kemp. l. 3. c. 10. pronuntiavit: *Vere ineffabilis dulcedo contemplationis tuæ, quam largiris amantibus te.* Et iterum lib. 2. cap. 8. *Esse cum JESU dulcis est Paradisus.*

Confidera III. Quam pretiosi sint hi fructus, dignissimi que, propter quos cum Sponsa Cant. 7. dicas: *Ascendam ad palmam* ( id est, victoriam amoris inordinati erga res creatas ) *& apprehendam fructus ejus.* Ut experiri eorum dulcedinem merearis, & cum eadem Sponsa dicere Cant. 2. *Sub umbra illius, quem desideraveram, sedi: & fructus ejus dulcis gutturi meo.* Audi ergo invitante te illis Eccl. 24. verbis: *Transite ad me omnes, qui concupiscitis me, & a generationibus meis adimplemini; Spiritus enim meus super mel dulcis,*

*Hereditas mea super mel & favum*. Colloquium ad Christum.

## CONSIDERATIO

### DE PROPOSITORUM EXECUTIONE:

Confidera I. In quibus præcipue capitibus proposita tua consistant, in sequentibus videlicet 1. Ut cum S. Paulo omnium, quæ retro sunt, obliviscaris, & nihil de præterita vita tua, nisi pudorem, dolorem, & fervorem retineas, dicens assiduo cum S. Davide Ps. 78. *Domine, ne memineris iniquitatum mearum antiquarum, sed cito anticipent me misericordia tua, quia pauperes facti sumus nimis. Adjuva nos DEUS salutaris noster, & propter gloriam nominis tui, Domine, libera nos, & propitius esto peccatis nostris propter nomen tuum.* 2. Ut totum ad anteriora te convertens, novo fervore ad agendum, id est, ad actiones tuas quotidianas rite perficiendas sustinendum, & abstinendum, ad maiorem DEI gloriam incumbas, illud pii Auctoris monitum I. 1. c. 25. semper in mente habens: *Vigila super teipsum, excita teipsum; admone teipsum: & quicquid de aliis sit, non negligas teipsum.* 3. Ut alte menti infixum habeas Siracidis c. 29. Consilium; *Recupera Proximum secundum virtutem tuam, & cave, ne incidas; in pericula scilicet, & mala, e quibus alios eripere conaberis.* 4. Ut quemadmodum Philosophus ille Regi, quid sibi ad felicitatem deesse credas, quærenti respondit, *Nihil nisi clavum constantia deesse;* ita idem tu de propositis tuis a Christo, & Directore tuo dictum credas, ideoque hunc clavum a DEO, a quo omne bonum, & donum perfectum descendit, teste S. Jacobo c. 1. assiduo petas, mediaque paulo post præscribenda sedulo adhibeas.

Confidera II. Causas, ob quas hæc proposita tua singulari cum diligentia exequi debeas, quia scilicet DEO, & Sanctis summum beneplacitum, tibi summum in hac, & altera vita gaudium: Proximo vero tuo, id est,

est, viventibus; & defunctis *summum auxilium* per talem executionem præstabis, ut merito hæc tria motiva veluti triplicem funiculum, qui difficulter rumpitur, sed potius vehementer ad talem executionem obstringit, intueri, & a Christo tibi de propositis tuis dictum existimare debeas: *Hoc fac, & vivas.*

Considera III. Quæ media ad hanc executionem adhibere debeas, sequentia nimirum 1. Ut similiter credas proposita tua non nisi semen esse, ac proinde sine influxu Solis cœlestis incrementum accipere non posse, ideoque hunc influxum per crebras orationes sedulo petendum esse. 2. Ut pariter tibi persuadeas, verissimum esse Thomæ Kempensis l. 1. c. 25. axioma: *Tantum proficies, quantum tibi vim intuleris*; atque adeo ad hanc victoriam totis viribus incumbas. 3. Ut brevem tibi vitæ tuæ cursum circumscribas, & vitam tuam velut mercatum seu Nundinas intuearis, ideoque illud Siracidis monitum c. 9. in mentē semper habeas: *Quodcumque potest facere manus tua, instanter operare, quia nec opus, nec ratio, nec sapientia, nec scientia erunt apud inferos, quo tu properas.* Prima cura ergo sit, ut bonam temporis rationem habeas, credens, nihil eo esse pretiosius, propter ea, quæ ad majus DEI obsequium, tuumque, ac proximi profectum fieri possunt; unde perdere vel minimam partem temporis, est aliquem vitæ, aut talentorum usum perdere, quæ talenta, quo nobiliora sunt, tanto major & reprehensibilior est jactura temporis, maxime cum, si semel lapsum est, recuperari nequeat, sed id, quod crastino die fieri potest, crastino debeat. 4. Ut per frequentes recollectiones proposita tua assiduo renoves, nam; ut pius Asceta l. 1. c. 19. recte advertit, *Secundum propositum nostrum cursus profectus nostri*; si enim fortiter proponens, saepe deficit, quid illi, qui raro aut minus fixe aliquid proponit. Certe quantopere hoc medium conducat ad profectum, pulchre indicavit S. Gregorius l. 22. moral. c. 2. dicens: *Animus noster, dum igne amoris excoquitur, semper in se servat charitatem pulchritudinis quotidiana innovatione fervoris*; nescit enim

*mens per torporem veterascere , quæ studet per desiderium semper inchoare . Hinc namque per Paulum dicitur . Renovamini Spiritu mentis vestra . Hinc Psalmista , qui ad perfectionis culmen jam pervenerat , quasi inchoans dicebat : Dixi , nunc cœpi ; quia si lascescere ab inchoatis bonis nolumus , valde necesse est , ut inchoare nos quotidie credamus .*

### Materia Lectionis .

Ex libello de imitatione Christi legatur l. 3. c. 21.

Ex libro Ascetico , & Historico unum , alterumve caput.

Ex libello Exercitiorum Regulæ , seu notanda de scrupulis , quæ quidem in compendio ad sequentes tres revocari possunt .

### Regula I.

Duplex est species scrupuli . Prior est scrupulus improprie dictus , cum ex proprio iudicio aliquid censetur esse peccatum , quod non est tale , ut cum quis crimini sibi vertit , crucem ex paleis formatam calcasse ; & hic scrupulus utpote ex errore procedens penitus abjiciendus est . Scrupulus proprie dictus est , cum post cogitationem , loquelam , aut operationem aliquam suboritur peccati admissi suspicio , ita ut dubia capiat . Et tales scrupuli , cum animam purgent , & a peccato abducant , circa initium conversionis maxime plurimum conducunt ; quia juxta D. Gregorium *bonarum mentium est , ibi culpam agnoscere , ubi culpa non est .*

### Regula II.

Hæc est calliditas , & consuetudo dæmonis , ut animam delicatam , & ab umbra etiam peccati adhorrentem , in angustias , & scrupulos conjiciens , a profectu impediat ; crassam vero crassiorem efficere , et in peccata semper graviora præcipitare studeat ; unde in eam  
partem

partem tendere quisque debet, quæ opposita est illi, ad quam Satan pertrahere studet; sic enim in medio tandem subsistet, sicut arbor, quæ ad sinistram partem nimium inflexa, violenter ad dextram pertrahitur.

## Regula III.

Quoties homini, dum dicere aut agere aliquid bonis moribus non contrarium cupit, suggestio fucata illud dissuadens occurrit, pergendum erit intrepide, et cum S. Bernardo dicendum: *Nec propter te cæpi, nec propter te finiam.*

## Materia Scriptionis.

Cum directorium exercitiorum c. 40. inter alia, de quibus monendum ait post exercitia exercitantem, tertio loco ponat, ut ad conservandam, et alendam devotionem piis, et spiritualibus exercitiis conceptam excitetur, proderit hodie documenta aliqua conscribere, quæ ad memoratam devotionem obtinendam conducere queant, qualia quidem sequentia esse possunt.

## Documenta salutaria.

*Ad devotionis spiritum conservandum.*

I. Definita pro Sacrificio Missæ, horis Canonicis, examine conscientiæ, lectione spirituali, tempora numquam sine gravi causa omittat, aut mutet, sed potius cum omni diligentia dictis exercitiis impendat.

II. Oculis a curiositate sub talibus exercitiis diligenter cohibeat, certoque sibi persuadeat, talem oculorum custodiam esse Matrem devotionis.

III. Pro certo etiam, habeat indulgere sensualitati, plurimum officere devotioni; cum de devotione præcipue dici queat, quod DEUS de hominibus Gen. 6. dixit: *Non permanebit spiritus meus in homine, quia caro est.*

IV. Studeat, si vires, et occasio patiantur, stata habere poenitentiae et afflictionis corporalis exercitia, quia sine spiritu mortificationis non alitur spiritus devotionis.

V. Internam, et externam pacem cum omnibus colat, omnisque dissensionis, et aversionis occasiones diligentissime devitet; non enim idoneus est munus devotionis ad Altare Domini offerre, qui dilectionis munus non implevisse cognoscit.

VI. Nec in aliorum mores curiose inquirat ipse; nec quid alii de ipso sentiant, curet; hæc enim utraque non parum lancinant animum, et dulcedinem devotionis corrumpunt. Meminerit ergo, Domino suo quemque cadere, et stare; et talem esse ac tantum, qualis et quantus coram DEO est.

VII. Animum ab omni perturbatione liberum habere semper studeat; aut si accidat aliqua turbatio, mox componere conetur; non enim sentire intra orationem poterit devotionis quietem, qui extra illam non prius animum componere studuerit.

VIII. A collectione prodiens sive octiduana, sive triduana, ut non debet se tetricum exhibere, sed modeste hilarem; ita cavendum summopere est, ne mox iterum se offundat; cum ab uno extremo ad alterum semper periculosus sit transitus.

## N O N A D I E S.

**S**Copus huius diei est, beneficia in hoc secessu accepta agnoscere, et ad debitas pro iisdem gratias referendas semetipsum excitare, ut dum flumina hæc beneficiorum per gratitudinem recurrunt ad mare, Divinae bonitatis, et liberalitatis iterum fluere incipiant.

*Theflera.*

Benedic anima mea Domino, et noli oblivisci omnes retributiones ejus. Ps. 102.

ME.



## MEDITATIO II.

DE GRATIIS PRO FELICI EXERCITIORUM  
SUCCESSU REFERENDIS.

Præludium I. est, constituere se in conspectu SS. Trinitatis, Christi, B. Virginis, et SS. Patronorum pro secessu electorum, et ab iis benedictionem pro propositorum executione expectare.

Præludium II. est, petere gratiam, ut beneficia in hoc secessu accepta clare cognoscere, recte æstimare, et, digne compensare valeas.

## Punctum I.

Confidera I. Qualia potissimum beneficia a DEO in hoc secessu acceperis; duplicia videlicet, nempe I. *Copiosas illustrationes Intellectus*, quibus finem, & felicitatem creationis, & vocationis tuæ clarius agnoscere, mediaque idonea ad eundem obtinendum invenire, & eligere potueris: *Efficaces impulsus voluntatis*, quibus ad finem talem totis viribus quærendum, mediaque electa studiose adhibenda impellebaris.

Confidera II. Quam magna sint hæc beneficia; id non difficulter cognoscas, si firmiter tibi persuadeas, ea esse quasi duo talenta, quibus DEI gloriam, & salutem tam tuam, quam alienam lucreris; hinc enim facile colliges, cum utilitas, & bonitas medii ex bonitate, & præstantia finis conjiciatur, quemadmodum sine hoc nihil præstantius reperiri potest, ita nec majus tibi beneficium obtingere potuisse, quam dictarum illustrationum & motionum communicationem.

Confidera III. Quam æquum sit, ut hæc duo talenta magnificas, atque ad debitas pro iisdem gratias referendas excitare te studeas. Colloquium ad SS. Patronos.

## Punctum II.

Confidera I. Quas potiffimum gratias exigit a te DEUS, videlicet ut dicta duo talenta, ficut a DEO, speciali ex dilectione & gratia accepifti; ita fimili ex motivo bene collocare, atque adeo propofita tua ftudiofe exequi coneris.

Confidera II. Quznam fint propofita, quorum executionem DEUS a te tantopere exigit, & defiderat; videlicet, ut ipfum fincere diligas, & proximum tuum, ficut teipfum, juxta illum modum, quem in his exercitiis didicifti; in his enim duabus dilectionibus non folum lex, & Prophetæ, fed tota etiam propofitorum tuorum fuma confiftit.

Confidera III. Quem fructum ex tali collocatione talentorum fperare poffis; videlicet, ut alia duo talenta, fcilicet gloriam DEI, & falutem animarum lucraris, & cum gaudio quondam ad ipfum accedere, dicereque poffis: *Domine duo talenta tradidifti mihi, ecce alia duo fuper lucratus fum*; ficque viciffim ab ipfo audias: *Euge ferve bone, & fidelis, quia fuper pauca fuifti fidelis, fuper multa te conftituam*: intra in gaudium Domini tui. Colloquium ad B. Virginem.

## Punctum III.

Confidera I. Quæ media adhibere debeas, & velis ad talentorum tibi commifforum fructuofam ufurpationem, feu propofitorum executionem, nempe. I. Ut affiduo memineris charitatis per talentorum talium commiffionem tibi a DEO exhibitæ, & rationis feveriffimæ ab eodem exigendæ; fic enim amore fimul, & timore incitaberis, ut ea bene impendere ftudeas. II. Ut occafiones, in quibus hæc talenta bene impendere poffis, diligenter prævideas, & ne tibi elabantur, fedulo caveas. III. Ut memor femper adhortationis a Chrifto Matth. 24. factæ: *Et vos eftote parati, quia, quæ nescitis hora, Filius hominis venturus eft*: temporis accuratiffimam

tissimam habeas rationem, & quemvis diem vitæ, & negotiationis tuæ postremum esse arbitreris, atque adeo talenta tua bene collocare studeas. IV. Ut frequenter rationes in eas negotiationis tuæ per examina, & recollectiones, ut, si forte partem talentorum male collocatam, aut in sudario negligentiae relictam advertas, ex damni consideratione ad novam diligentiam exciteris. V. Ut, quoniam Christus ipse Jo. 15. dixit, *Sine me nihil potestis facere*; eundem & SS. Patronos tuos in auxilium voces, atque adeo frequenter ab eis gratiam ad bene collocanda talenta necessariam petas, memor saluberrimi consilii a S. Leone dati, dum super verba illa S. Petri c. 1. *Sancti estote*; sic loquitur: *Præcipit sanctitatem, & modum ejus acquirenda, quasi diceret: Me diligite, & ab iis, quæ mihi displicent, abstinete, facite, quod amo: amate, quod facio: & cum difficile videtur esse, quod jubeo, ad jubentem recurrite, ut, unde datur præceptum, præstetur auxilium; non negabo opem, qui tribui voluntatem.*

Considera II. Quam solida, & efficacia sint hæc media, utpote quæ contineant tria illa media ab ipsa Sponsa cant. 1. ad obtinendum Sponsi amorem adhibita, & ad alios etiam fines obtinendos perutilia, scilicet *desiderium* per verba, *Osculetur me osculo oris sui*, indicatum: *orationem* per verba, *trabe me post te*, insinuatam: & *cooperationem sedulam, & ferventem* per verba, *curremus in odorem unguentorum tuorum*, significatam.

Considera III. Quomodo hæc media hætenus adhibueris, & adhibere deinceps velis. Colloquium ad Christum cum illis S. Augustini verbis: *Inspira in me opus sanctum, ut te cogitem; compelle, ut faciam: suade ut te diligam; confirma, ut te teneam: custodi, ne te perdam,*

### Materia Lectionis.

Post hanc Meditationem, & reflexionem peractam, ne statim ad negotia redeas, audi adhuc DEUM tibi  
extre-

extrema monita dantem, cumque in finem primo ex libello de imitatione l. 1. c. 25. attente perlege. Deinde ne ulla materia ex libello exercitiorum lectionem tuam effugiat, tres modos orandi a S. Ignatio præscriptos perlege, & quomodo deinceps eisdem praticare velis, considera. Sunt autem hi modi, ut in compendio habeas, fere sequentes.

Primus est, ut post brevem considerationem, quo accedendum, & quid faciendum sit, & orationem præparatoriam præmissam mandatum aliquod DEI, aut peccatum, aut potentiam animæ ordine discutiam, attendens, quo pacto me in iis gesserim, & de deprehensis erroribus doleam, veniam petam, & emendationem spondeam; totamque considerationem per institutum cum DEO colloquium claudam.

Secundus est, ut sedens, vel flectens, orationem aliquam incipiens circa singulos sensus tamdiu sistam, & immorer, quamdiu circa eam variz significationes, spirituales gustus, & motus animi occurrunt, & ita tota oratio percurratur.

Tertius est, ut inter singulas respirandi vices singula orationis verba transmittantur, & interim vel significatio illius vocis, vel alia pia doctrina perpendatur.

Peracta hac lectione, si fieri potest, templum accede, SS. Sacrificium Missæ pro defunctis in gratiarum actionem offer, & demum recitato Hymno Ambrosiano cum oratione *DEUS, cujus misericordie &c.* secessum hunc claude, & in memoriam revocans, quod per hanc octiduanam recollectionem plenariam peccatorum remissionem, seu indulgentiam obtinueris, novam vitam cum gaudio auspicare dicens cum Davide: *Dixi, nunc capi.*

## DIVISIO SECUNDA.

## PRO OCTIDUANO SECESSU

Ad Sacerdotalem Statum specialiter accommodata.

**H**Actenus materiam pro octiduario secessu sic assignare studui, ut non in genere dumtaxat hebdomadarum, & triplicis viæ perfectionis, purgativæ videlicet, illuminativæ, & unitivæ visionem (quam semper in tali secessu observare convenit, nisi specialis ratio, & circumstantia seu qualitas exercitantis aliud exigat) sed ipsas etiam meditationes in particulari a S. Ignatio assignatas, quantum fieri poterat, servarim; nunc vero, quoniam, ut alibi jam monui, varietas delectat, & ipsæ meditationes tanto plerumque utiliores, & efficaciores existere censentur, quanto magis ad ipsum exercitantis statum applicantur, aliam divisionem priori subjungere placuit, in qua, quidquid ad Sacerdotalem Statum digne æstimandum, & sustinendum requiri posse videtur, per ipsas meditationes & considerationes succincte, & dilucide explicetur. Unde merito hæc divisio Sacerdotibus tanto magis arripienda est, quanto majorem ex ea utilitatem, & solatium haurire posse videntur.

Lectionem spiritualem, quæ inter primarias etiam exercitantis occupationes jure merito censetur, quod attinet præter libellum de imitatione nullum determinatum alium librum assigno, cum juxta diversam constitutionem personæ in hoc secessu versantis alia & alia materia assignanda sit. Illud tamen universim observandum videtur, ut non doctrinalis dumtaxat, sed & historicus quidam liber, vitam v. g. Sacerdotis cujuspiam sancti, & perfecti continens assumatur, ut, quanto magis deformitatem, & imperfectionem in vita tali velut speculo Sacerdos cognoverit, tanto magis ad eandem detestandam, vitamque suam integre reformandam incitetur. Talis autem vitæ esse possunt vita Joannis

Avi-

Avilæ, Jacobi Merlahorstii, S. Caroli Borromæi, Petri Foreæ, & aliæ similes.

## MEDITATIO PRO OE MIALIS,

Pridie Exercitiorum peragenda.

Scopus.

*Ardens desiderium, hæc Exercitia cum magno fervore,  
ac fructu peragendi.*

Punctum I.

Considera I. Quod hodie Christus ad te illa verba, quæ olim ad Apostolos suos Marci c. 6. dixerat, iterum repetat: Venite seorsum in desertum locum, & requiescite pauxillum.

Considera II. Quis te invitet, nimirum ille, de quo Sponsa Cant. 5. dixit: Anima mea liquefacta est, ut dilectus locutus est. De quo bini Discipuli in Emaus euntes Luc. 24. fassi sunt: Nonne cor nostrum ardens erat in nobis, dum loqueretur nobis in via? Ad quem locum invitet, scilicet ad solitudinem, de qua S. Hieronymus dixit: Oppidum mihi carcer est, & solitudo Paradisus, maxime cum JESUS præsens est, nam esse cum JESU dulcis est Paradisus, teste Thoma Kempensi l. 2. c. 8. Qua de causa invitet, nempe ut quiescas modo a curis temporalibus, & turbis, & totum te Colloquio cum Christo, spiritualibusque exercitiis impendens, dicas cum Augustino; Numquam minus solus fui, quam cum solus fui.

Considera III. Quantus sit iste favor, & gratia; quamque adeo prompte illum arripere, gratumque exhibere te debeas. Colloquium instituetur ad SS. Patronos, quos pro felici exercitiorum successu potissimum elegisti.

Pun-

## Punctum II.

Confidera I. Quid in ista quiete potissimum tibi agendum sit ; nimirum cum dilectissimo Magistro , & Servatore tuo Christo de rebus majorem ejus gloriam , tuamque , & proximi salutem concernentibus colloquendum.

Confidera II. Quam honesta , jucunda , & utilis hæc occupatio sit futura , utpote ex qua merito sperare possis , summum fructum post DEI gloriam , in te aliosque , cum quibus tibi deinceps agendum fuerit , redundaturum.

Confidera III. Quanta cum alacritate , & gaudio in desertum hoc te conferre , mentemque tuam ad hoc tam exoptatum cum Christo colloquium præparare debeas . Colloquium fiet ad B. Virginem tamquam primariam Patronam , & Auctorem horum exercitiorum , rogando eam demisse , ut , quemadmodum olim S. Ignatium docuit horum exercitiorum modum , & formam , ita tibi quoque nunc adesse velit , ut omnia , quæ in dicto modo præscribuntur , accurate observare queas .

## Punctum III.

Confidera I. Quæ media adhibere debeas ad hoc colloquium cum fructu instituendum ; nimirum ut omnia , quæ distractionem animi tibi creare possent , efficaciter removeas , adeoque omnibus personis , negotiis , curis , inordinatis affectionibus illud Christi dicas : sedete hic , & quiescite donec vadam illuc , & orem.

Confidera II. Sic ut ordinario tempore recreationis colloquium cum uno alterove homine de rebus sæpe vanis , inutilibus , & curiosis instituatur , tam facile negotia , & curæ seponuntur , quanto magis ea propter tale colloquium seponere debeas , ex quo non immerito tibi polliceri possis , te magis instructum ad eadem negotia rediturum , & hoc ipso , majori cum fructu postea peracturum .

Con-

Confidera III. Quomodo hæc omnia obſervare vellis, ut de tua hac ſolitudine dici queat : *Ponam deſertum ejus, & ſolitudinem quaſi hortum*; in quem ſcilicet evulſis noxiis vitiorum loliis ſolidarum virtutum pulcherrima germina plantentur. Colloquium inſtituetur ad Chriſtum uſurpando cum ſincero affectu illud S. Davidis: *Paratum cor meum, DEUS &c.* Item illud Samuelis: *Loquere, Domine, quia audit ſervus tuus*. Imo poſſet non incongrue totum caput 2. lib. 2. de imitatione Chriſti colloquio huic inferi.

Si hæc Meditatio minus placet, ſumi poteſt Meditatio ex Circo perfectionis P. Joannis Suffreni, fol. 37. vel ex Theophilo P. Joannis Weyer fol. 230. ex quo, ſi tempus patitur, etiam perquam utiliter actus intentionis pro his exercitiis fol. 237. notati elicientur.

Legantur item Additiones S. Ignatii ad exercitia. Item Monita generalia ex Circo perfectionis fol. 4. vel inſtructib ex Ludovico de Palma, & ſi per tempus liceat, etiam caput 20. lib. 1. ex libello de imitatione, ex quo ſequentia verba bene obſerventur: In ſilentio, & quiete proficit anima devota, & diſcit abſcondita Scripturarum. Ibi invenit fluentia lacrymarum, quibus ſingulis noctibus ſe levet, & mundet, ut Conditori ſuo tanto familiarior fiat, quanto longius ab omni ſæculari tumultu degit. Qui ergo ſe abſtrahit a notis, & amicis, appropinquabit illi DEUS cum Angelis Sanctis. Claude igitur ſuper te oſtium, & voca ad te JEſum dilectum tuum. Mane cum eo in cella, quia non invenies alibi tantam pacem.

### Concluſiones.

*Seu propoſita ex diſta Meditatione facienda.*

1. Ergo collige, & te intra ſinus, qui omnes recipis; alioqui quid prodeſt tibi juxta verbum Domini, ſi univerſos lucreris, te unum perdens? Quamobrem cum omnes te habeant, eſto & tu ex habentibus unus, qui ſolum fraudaris munere tuo? uſquequo ſpiritus vadens,  
& non



& non rediens? sapientibus, & insipientibus debitor es, & soli negas te tibi? S. Bernardus.

II. Ergo, o sancta anima, sola esto, ut soli omnium serves teipsam, quem ex omnibus elegisti. Secede, sed mente, non corpore: sed intentione, sed devotione, sed spiritu. Sola inducitur tibi mentis, & spiritus solitudo. Solus es, si non communia cogites, si non affectes presentia, si despicias, quod multi suspiciunt &c. S. Bernardus hom. 40.

III. Ergo videte, fratres, quomodo caute ambuletis redimentes tempus a DEO ad tam præstantem finem concessum; nam, ut recte S. Basilius ait, Temporis pars ad usuram DEO tradita, non evanescit, sed cum magno additamento ab ipso redditur, ut retraharis a tuis, imo id agimus, ut ibi discas, ibique mediteris, qualem tuis te præbere debeas.

## PRIMÆ HEBDOMADÆ

### I. Dies.

**S**Copus primæ hujus hebdomadæ est triplex. I. Horrorem & dignam æstimationem de peccatorum gravitate concipere. II. Ea per actualementem, & intensum dolorem detestari ac delere. III. Varia media ad relapsum cavendum præparare.

Tessera pro prima die: *Fecisti nos, Domine, ad te, & inquietum est cor nostrum, donec requiescat in te.* S. Augustinus in Confess.

## MEDITATIO I.

### DE FINE HOMINIS.

#### Scopus.

*Serium propositum, totis viribus hunc finem prosequendi.*

#### Punctum I.

Considera I. Cur homo creatus sit, scilicet ad imaginem,

V.

ginem, & similitudinem DEI, id est, ut, sicut DEUS infinite, ac comprehensive se cognoscendo, & amando summe beatus, ac felix est, ita homo quoque per limitatam cognitionem, & amorem DEI in hac vita inchoative, in altera vero complete beatus sit. Hinc Christus Matth. 5. dixit: *Estote perfecti, sicut Pater vester cœlestis perfectus est*, significare scilicet volens, quemadmodum Pater cœlestis seu natura Divina per Paternitatem subsistens cognoscendo seipsam generat Filium, & amando se ipsam in Filiatione subsistentem spirat Spiritum Sanctum, & sic perfecta ac integra efficitur, ita hominis quoque perfectionem ac felicitatem in cognitione ac amore Naturæ Divinæ consistere.

Considera II. Quam pulchre hunc finem DEUS in ipsa cordis creatione indicarit, dum ideo cor triangulare creavit, ut per hanc figuram innueret, illud etiam ab universi totius glôbo repleti non posse, sed a solo DEO Trino, & uno posse satiari; id quod egregie confirmans S. Bernardus ait: *Ad imaginem DEI facta anima rationalis ceteris rebus occupari potest, repleti non potest; capacem enim DEI, quidquid DEO minus est, replere non potest.*

Considera III. Cum quævis res natura sua ita sit comparata, ut prius non quiescat, quam finem suum consecuta fuerit, quantâ tibi necessitas incumbat, DEUM amandi, ut optatam, sed numquam hactenus inventam in creaturis quietem, in ipso tandem invenias. Colloquium ad SS. Patronos.

### Punctum II.

Considera I. Qualis sit amor, quem DEUS velut ultimus finis a te requirit, duplex nimirum. I. Affectivus, quo DEO esse suum, & summam bonitatem tenerrime gratuleris, summeque gaudeas; illum esse, qui est. II, Effectivus, quo, sicut ille omnia propter se creavit, & ad suam gloriam ordinat, ita & tu pariter omnia propter ipsum diligas, & opereris, seu,

ut

ut clarius dicam, semper agas, quod vult DEUS, quomodo vult, & quia vult; in his enim tribus capitibus totam amoris, hominisque perfectionem consistere, notum hoc distichon indicat:

*Omne tullit punctum, patitur, qui semper agitque  
Quæ vult, quove modo vult DEUS, & quia  
vult.*

Considera II. Quam facile obvium, & tamen etiam solidum ac efficax hoc sit medium, quod tibi offertur ad ultimum tuum finem, atque adco felicitatem etiam in hac vita, quantum humana mens capit, obtinendam.

Considera III. An, & quomodo hoc medium hactenus arripueris? quomodo totum tuum affectum in DEUM transfuleris? an omnes creaturas non plus, quam quatenus ad hunc finem conducunt, ames, & utaris? an non potius illud S. Augustini effatum in te locum habeat? *Minus te, Domine, amat, qui aliquid amat præter te, quod propter te non amat.* Colloquium ad B. Virginem.

### Punctum III.

Considera I. Quanta bona sperare possis, si hunc tuum supremum finem toto animi conatu consequi studueris; talia nempe ac tanta, ut jure merito cum Salomone Sap. 7. dicere possis: *Venerunt mihi omnia bona pariter cum illa, et innumerabilis honestas per manus illius?* Quid enim honestius excogitari potest, quam si in ipsum quodammodo DEUM transformeris? atqui hoc per scriptum hactenus amorem DEI, obtinebis; *Si enim terram amas; terra es; si DEUM amas, quid vis, ut dicam? DEUS es.* inquit sapienter S. Augustinus. Quid utilius tibi obtingere poterit, quam id, quod ad supremam, & indefinentem felicitatem ducit? atqui hoc idem amor unice præstat, uti ipse Servator quærenti, quid faciens æternam vitam possi-

deret, respondit dicens: *Diliges Dominum DEUM tuum ex toto corde &c.* quid denique jucundius in hac vita optari potest, quam id, quo solo adepto anima plenissime satiatur, & quiescit? atqui & hoc per solum, & unicum hunc amorem obtineri, tum quotidiana experientia, tum verissimum illud pii Ascetæ effatum l. I. de imit. c. I. testatur: *Vanitas Vanitatum, & omnia vanitas præter amare DEUM, et illi soli servire.*

Confidera II. Si hæc motiva merito quemvis hominem mevere debent, ut finem suum totis viribus assequi conetur, quanto majus studium, & fervorem in eo consecrando Sacerdos adhibere debeat, ut qui non ipse dumtaxat ad eum tendere debeat, sed etiam ad alios eo ducendos Dux, & Director a DEO sit constitutus, & cui proinde merito ii, qui ejus curæ sunt commissi, illud Jacobi Patriarchæ ad fratrem suum Esau dictum Genes. 33. repetant: *Præcedat Dominus ( & Ductor ) meus ante servum suum: & ego sequar paulatim vestigia ejus, sicut videro parvulos meos ( vires meas ) posse.*

Confidera III. An & quomodo tu hactenus obligationi tuæ hac in parte satisfeceris, & satisfacere deinceps velis. Colloquium ad Christum solidis affectibus plenum.

Lege etiam, si placet, aut hujus Meditationis loco sume medit. I. ex Circo S. Suffreni fol. 37. aut Duce vitæ ad vitam Patris Jacobi Masenii fol. 51.

### Conclusiones.

I. *Quid ergo vagaris, o Homuncio, quærendo bona anima, et corporis? ama unum bonum, in quo sunt omnia bona, et sufficit; desidera simplex bonum, quod est omne bonum, et satis est. S. Anselmus. Quin imitaris columbam a Noe olim emissam, & quia non invenis, ubi pes tuus quiescat, in creaturis, reverteris ad arcam, id est, ad DEUM tuum?*

II. *Ergo fatendum cum S. Augustino: Scio Domine, quia male mihi est præter te, non solum extra me, sed etiam in me ipso; et omnis copia, quæ DEUS meus non est, egestas est mihi.*

III. Er-

III. Ergo audiendum S. Davidis Consilium Pl. 33. *Gustate, et videte, quoniam suavis est Dominus, gustato namque spiritu desipiet omnis caro, experientiaque tali edoctus dices cum S. Augustino; Quam suave mihi subito factum est carere suavitatibus nugarum, et quas amittere metus fuerat, jam dimittere gaudium erat; ejiciebas enim eas a me vera tu, & summa suavis: ejiciebas eas, & intrabas pro eis omni voluptate dulcior, sed non carni, & sanguini: omni luce clarior, sed boni secreto interiori, omni bonore sublimior, sed non sublimibus in se.*

Legatur quoque ex lib. de imit. l. 3. c. 9. & ultima hæc verba præcipue sibi ipsi applicentur: *Si recte sapias, in me solo gaudebis, in me solo sperabis, quia nemo bonus nisi solus DEUS, qui est super omnia laudandus, & super omnia benedicendus.*

## MEDITATIO II.

Pro prima Die.

### DE FINE SACERDOTIS.

Scopus.

*Digna æstimatio, & Prosecutio hujus finis.*

Punctum I.

Considera I. Quis sit finis, & officium Sacerdotis, nimirum. I. Ut sit Mediator apud DEUM, per quotidianam Breviarii recitationem: nam Sacerdos, teste S. Joanne Chrysostomo, *Medius stat inter DEUM, & naturam humanam, illinc venientia beneficia ad nos deferens: nostras petitiones illuc perferens: & Dominum iratum reconcilians.* II. Ut sit Vicarius Christi in SS. Missæ sacrificio offerendo juxta illud S. Pauli Heb. 5. *Omnis namque Pontifex (& Sacerdos) ex hominibus assumptus,*

V 3

pro

*pro hominibus constituitur in his, quæ sunt ad DEUM, ut offerat dona, & Sacrificia pro peccatis. III. Ut sit Minister Christi, & Legatus in animarum salute per administrationem Sacramentorum, & Verbi Divini prædicationem procuranda, juxta eundem Apostolum 2. Cor. 5. Posuit in nobis verbum reconciliationis. Pro Christo ergo legatione fungimur tamquam DEO exhortante per nos. Sic igitur nos existimet homo, ut Ministros Christi, & dispensatores Mysteriorum DEI.*

Confidera II. Quanta dignitas, & honor Sacerdoti ex triplici hoc officio oriatur; illa nimirum, quam Cassiodorus in Catal. glor. mundi cap. 4. his notatu dignissimis verbis indicavit: *Sacerdos DEI altissimi, si altitudinem cæli contempleris, altior es: si pulchritudinem solis, & luna, & stellarum, pulchrior es: si discretionem Angelorum, discretior es: si omnium Dominorum sublimitatem, sublimior es: solo Creatore tuo inferior es.*

Confidera III. Quanti proinde a te faciendum sit hoc beneficium, quod ex tot millionibus hominum extractus, atque ad Sacerdotalem hanc dignitatem, omnium bonorum quæ in hominibus sunt, apicem, & primam, nobilissimamque membrorum Christi Domini partem, ut S. Ignatius M. loquitur, euectus sis; quam proinde deinceps gratum exhibere te debeas, & velis. Colloquium ad SS. Patronos.

## Punctum II.

Confidera I. Si illi homines, qui ad magna ejusmodi officia promoventur, tantopere laborant, ut omnia ad suum officium necessaria instrumenta, & media conquirant, omnemque insuper conatum adhibent, ut personam suam quam aptissime repræsentent, quanto magis tu necessarias ad verum Sacerdotem dotes comparare debeas, ut personam triplicem, quæ in officio Sacerdotis involvitur, decenter atque perfecte sustineas.

Confidera II. Quænam sint illæ dotes, quæ in Sacerdote potissimum requiruntur, nimirum I. *Magna*, id est,

est, sufficiens ad functiones suas rite obeundas *Scientia*; ne audire mereatur illud *Oscæ* c. 4. *Tu repulisti scientiam, & ego repellam te, ne sacerdotio fungaris mihi*. II. *Major prudentia*, juxta illud *Servatoris Apostolis* dictum *Matth. 10. Estote prudentes sicut serpentes*; alioqui si cæcus cæco ducatum præstet, quid aliud timendum est, quam ut ambo in foveam cadant? III. *Maxima sanctitas*: per quam omnimode servitio DEO consecratur, ut nomen ipsius, idem, ac *sacra dos* significans, exigere videtur. Hinc jam olim antiquis Sacerdotibus *Levit. 19.* dictum: *Sancti estote, quia ego sanctus sum Dominus DEUS vester*; quanto magis autem a Sacerdotibus novi Testamenti ad tam excelsum Sacrificium offerendum destinatis talis sanctitas requiretur?

Considera I. Quomodo tu dotes has hætenus procurare studueris, aut deinceps certe procurare velis. Colloquium ad B. Virginem.

### Punctum III.

Considera I. Quæ potissimum media adhibere debeas ad dictas tres dotes obtinendas, totamque tuam tam excellentem vocationem adimplendam; nimirum duo potissimum. Primum est; *firmissima fiducia in gratia vocationis*; si enim Principes hujus mundi tam liberaliter omnia subsidia, & media pro muneribus, quæ subditis suis injungunt, rite obeundis necessaria subministrant, quanto magis DEUS tam fidelis, & beneficus abundantem gratiam largietur illis, quos ad tam excelsum finem, scilicet ad majorem suam gloriam, & animarum salutem promovendam elegit? Alterum est, *cooperatio tua*: nam & hic suo modo locum habet; quod S. Augustinus dixit: *Qui te vocavit, & elegit sine te, non te salvabit (& juvabit) sine te*. Hinc & S. Paulus dixit: *Abundantius omnibus laboravi; verum tamen non ego (solus intellige) sed gratia DEI mecum*:

Considera II. Quam solida, & efficacia sint hæc media ad prædictas tres dotes obtinendas, fructumque amplissimum in vinea Domini faciendum, ita ut meri-

to S. quidam Pater dixerit : *Tantum per nos operabitur DEUS, quantum se nostra in eum fiducia extenderit.* Alius vero recte pronunciarit, hæc duo media esse duo talenta a DEO nobis concredita, quæ si recte impen-derimus, haud dubie alia duo, scilicet nostram, & proximi salutem simus lucraturi.

Confidera III. Quomodo hæc media adhi-bueris, aut certe deinceps adhibere velis. Colloquium ad Christum cum affectuosissima gratiarum actione pro tam excelsa vocatione.

Vide etiam, si placet, Meditationem ser. 2. & 3. in Sacerdote Christiano D. Ludovici Abellii cap. 11. fol. 58. vel in Duce viæ ad vitam P. Jacobi Masenii fol. 447.

### Conclusiones.

I. Ergo audiendus S. Paulus 2. Cor. 7. & , cum has promissiones habeamus (nos Sacerdotes) repurgemus nos ipsos ab omni inquinamento carnis, ac Spiritus, per-ficientes sanctificationem in timore DEI, nec ullam ali-quam in re dantes offensionem, ut non vituperetur mini-sterium nostrum, sed in omnibus commendemus nos tamquam DEI ministros.

II. Ergo cum nihil sit excellentius in hoc saculo Sacer-dotibus, inquit S. Ambrosius, & cum dignitatem eorum oculis videamus, ut digne noscamus, quod sumus, & quid sumus professione, actione potius, quam nomine de-monstremus, ut actio respondeat nomini, & nomen cum operibus coincadat. Propterea autem vocantur Sacerdo-tes Clerici, inquit S. Hieronymus, Quia vel de sorte Domini sunt, vel quia ipse Dominus est pars Clericorum. Qui autem vel ipse pars est Domini, vel Dominum par-tem habet, talem se exhibere debet, ut & ipse possideat Dominum, & possideatur a Domino.

III. Ergo sobriam a turbis gravitatem, seriam vitam, singulare pondus dignitas sibi vindicat Sacerdotalis. Quo-modo enim potest observari a Populo, qui nihil habet se-paratum a Populo, dispar a multitudine? Quid enim in-te miretur, si tua in se recognoscat? si nihil in te aspi-ciat,



ciat, quod ultra in se non inveniat? si, quæ in se erubescit, in te, quem reverendum arbitratur, offendat, c. S. Ambros. c. 3. de Sacerd.

IV. Ergo exemplum esto Fidelium (o Sacerdos) in verbis, in conversatione, in charitate, in fide, & castitate, ut S. Paulus 1. Tim. 4. monet; Nihil enim, teste Concilio Tridentino Sess. c. 22. c. 1. nihil est, quod alios magis ad pietatem, & DEI cultum assidue instruat, quam eorum vita, & exemplum, qui se Divino ministerio dedicarunt. Cum enim a rebus sæculi in altiore locum sublatis conspiciantur, in eos tamquam speculum reliqui oculos conjiciunt, ex iisque sumunt, quod imitentur.

Legatur quoque ex Thoma Kemp. l. 4. c. 5. & ista præcipue verba bene perpendiantur: *Attende tibi, & vide, cujus ministerium tibi traditum est per impositionem manuum Episcopi. Non alleviasti onus tuum, sed arctiori jam alligatus es vinculo disciplinae, & ad majorem teneris perfectionem Sanctitatis. Sacerdos omnibus virtutibus debet esse ornatus, et aliis bonæ vitæ exemplum præbere. Ejus conversatio non cum Popularibus, et communibus hominum viis, sed cum Angelis in cælo, aut cum perfectis viris in terra.*

## CONSIDERATIO PRO I. DIE.

### DE PECCATIS IN SPECIE, QUÆ A SACERDOTIBUS COMMITTI POSSUNT.

#### Punctum I.

Postquam gratiam Divinam per brevem orationem imploraveris, incipe Statum animæ tuæ considerare, ac ut facilius eum agnoscas, primo quomodo erga DEUM, tum quomodo circa Proximum, & tandem quomodo circa teipsum te habeas, examinare; ad hunc enim Ordinem omnes fere virtutes revocantur, ut mox patebit.

## De Peccatis contra DEUM.

*Contra Fidem.*

1. Itaque examina Conscientiam tuam, an non aliquid contra Fidem deliqueris, dubitando de aliquo Articulo, aut alio modo simili peccando?

*Contra Spem.*

2. An non diffidentiam aliquam de Providentia, & Auxilio Divino conceperis, nimiumque de rebus terrenis sollicitudinem habueris?

*Contra Charitatem.*

3. An puram actionibus tuis quotidianis intentionem præfigere neglexeris?

4. An voluntatem tuam cum Divina conformare studueris?

*Contra Religionem.*

5. An Sacrificium Missæ cum debita præparatione, & reverentia offerre studueris?

6. An Sacramenta legitimo modo administraveris?

7. An horas Canonicas, & alias preces, cum debita attentione, & devotione recitaveris?

8. An teporem in Servitio Divino negligenter excuseris?

9. An in Cultu B. V. & aliorum Sanctorum non inconstans, & negligens extiteris?

*Contra Gratitude.*

10. An gratus DEO pro acceptis beneficiis extiteris?

11. An non blasphemando, vel temere jurando DEUM offenderis?

12. An non superstitiones aliquas, aut vanas observantias habueris?

## Punctum II.

## De Peccatis contra Proximum.

*Cogitatione.*

1. Examina te, an non suspiciones, aut temeraria iudicia de Proximo conceperis?

2. An

2. An non averfionem, odium, aut inimicitiam ad-  
verfus aliquem foveris?

3. An non invidiam aliquam habueris?

4. An non contempferis aliquem in animo fine legi-  
tima caufa?

*Verbo.*

5. An non detraxeris alicui, vel de illius defectibus  
murmuraveris?

2. An non mordacibus, afperis, aut contumeliofis  
dictis aliquem offenderis?

7. An non ignominiofis Agnominibus aliquem com-  
pellaveris?

8. An non vitium aliquod alicui indifcrete imprope-  
raveris, aut immodeste irriferis?

9. An non inutiles cum aliquo rixas, & contentio-  
nes institueris?

10. An non indifcreta vexatione aliquem læferis?

*Opere.*

11. An non correptionem Proximi debitam omiferis?  
aut in eadem nimis remiffus, aut feverus extiteris.

12. An non plus æquo alicui indignatus, aut iratus  
fueris?

13. Annon in Paftoralibus tuis circa Proximum Fun-  
ctionibus negligens, & incurius extiteris?

14. An non inordinato amore, & affectu alicui Per-  
fonæ adhæferis?

15. An Benefactoribus gratus efle ftudueris?

16. An Superioribus debitam obedientiam, & reve-  
rentiam exhibueris?

**Punctum III.****De peccatis contra feipfum.***Cogitatione.*

1. Examina, an non cogitationes otiofas, vanas,  
fuperbas, impuras, gulofas, animo volveris, negligen-  
terque rejeceris?

2. An non inordinatum aliquem appetitum vanæ lau-  
dis & gloriæ, aut alterius cujufdam rei habueris?

3. An

3. An non vanam in opere quopiam complacentiam habueris?

4. An non teipsum inordinate nimis amaveris, & propriam voluntatem nimis tenaciter sectatus fueris?

*Verbo.*

5. An non Verba otiosa, vana, levia, impudica, jactabunda, scandalosa, mendacia protuleris?

*Opere.*

6. An non Oculos a curioso aspectu negligenter cohibueris?

- 7. An non Aures vanis, murmuratoriis, aut detractoriis sermonibus nimis facile accommodaveris?

8. An non in cibo, potuque sumendo temperantiae leges excefferis?

- 9. An non tactu aliquo sensuali, aut impudico tui, aut alieni corporis DEUM offenderis?

10. An non alio quopiam opere castitatem violaveris?

11. An non jejunii legem aliquando violaveris?

12. An tempus non inutiliter expenderis?

13. An non immoderato aut injusto lusu peccaveris?

14. An non in adversis casibus nimis impatiens, & pusillanimis fueris?

15. An non actiones tuas quotidianas inordinate, & perfunctorie obeiris?

16. An non in bonis propositis exequendis inconstans, & negligens extiteris?

Hæc & plura alia ubi percurreris, tria breviter præstare conaberis.

I. Quænam ex his peccatis præ aliis negotium facessant; atque in quæ frequentius lapsus sis, studiose considerabis; nam talis reflexio mire conducit ad sui cognitionem obtinendam, ipsamque adeo emendationem procurandam; ex hac enim cognitione convertetur Anima, ut S. Bernardus serm. 36. in Cant. ait, ad planctus, & gemitus, convertetur ad Dominum, & clamabit in humilitate: *Sana Animam meam, quia peccavi tibi.*

II. Reflectes te specialiter, quam gravium damnorum, & malorum causa, & radix extiterint hæc peccata,

cata, & quam ex aliis etiam causis detestabilis sit eorum malitia, teque illis Apostoli Rom. 6. verbis alloqueris: *Quem fructum habuisti tunc in illis, in quibus nunc erubescis?* seriumque rubori dolorem, & emendationis propositum junges.

III. Unum alterumve Medium pro curatione ejusmodi defectuum inquires, inter quæ merito præcipuum, radice, ex qua ejusmodi peccata pullulant, extirpatio censetur, quam proinde solícite indagabis, & generoso animo oppugnare, ac evellere incipies.

Claudetur hæc consideratio per Psalmum *Miserere*, aut alias similes preces sincerum de peccatis dolorem continentes.

## MEDITATIO III.

Pro prima Die.

*DE INDIFFERENTIA IN USU RERUM  
creatarum summe Sacerdoti necessaria.*

Scopus.

*Firmum propositum rebus creatis, non nisi quatenus ad finem conducunt, utendi.*

Punctum I.

Considera I. Quem in finem DEUS Mundum, & res creatas in eo existentes produxerit; nimirum ut Homini servirent, eumque in fine suo ultimo consequendo juvarent; sic enim Psalmista Psal. 8. testatus est dicens: *Domine quid est homo, quod memor es ejus? Minuisti eum paulo minus ab Angelis. Gloria, et bonore coronasti eum, et constituisti eum super opera manuum tuarum.*

Considera II. Si tam felicem se olim judicavit Joseph, qui prius a Putipharo super domum suam, postea vero ab ipso Rege Pharaone super totum Regnum Gubernator, & Administrator constitutus est; quantum tu  
favo-

favorem, & beneficium te a DEO consecutum fuisse existimare debeas, quando non super unicam domum, aut regnum, sed super universas creaturas, quatenus tibi, & aliis hominibus in usum concessæ sunt, Administrator a DEO es constitutus.

Considera III. Quam merito obstupescere debeas hunc favorem, & cum S. Davide exclamare: *Domine, Dominus noster, quam admirabile est nomen tuum in universa terra!* Sed & firmissimum concipere propositum, tanto perfectius hoc munere Administratoris fungendi, quanto majus per illius collationem beneficium tibi collatum est. Colloquium ad DEUM cum piis affectibus ~~Admirationis~~, Gratitude, Humilitatis &c.

## Punctum II.

Considera I. Quæ potissimum dotes requirantur ad bonam Administrationem rerum servo commissarum; nempe illæ duæ, quas Christus Matthæi 24. indicavit, dicens: *Quis putas est fidelis servus, & prudens, quem constituit Dominus super familiam suam?* Prudentia scilicet, & Fidelitas; hæ enim duæ dotes, sunt illa duo instrumenta, quibus tota veri servi perfectio completur, & acquiritur.

Considera II. Quid *Prudentia* præscribat servo; nimirum ut semper in actionibus suis respiciat finem suum ultimum, & res creatas, quæ velut media ad dictum finem obtinendum ei concessæ sunt, non aliter, quam quatenus ad finem conducunt, usurpare studeat. Quid item *Fidelitas* ab eo exigit; ut scilicet id, quod prudentia illi dictavit, fideliter, fortiterque exequatur, & ad solam DEI gloriam referat, ideoque cuicumque rei creatæ ad amorem illicitum incitanti cum Josepho Patriarcha dicat: *Ecce Dominus meus omnibus mibi traditis ignorat (quasi) quid habeat in domo sua: nec quidquam est, quod non in mea sit potestate, vel non traderit mibi, præter te (de qua sola dixit: Gloriam meam alteri non dabo; scilicet, ut creaturæ propter seipsos, aut propter nos tantum diligantur)* quomodo ergo pos-

possum hoc malum facere, & peccare in Dominum meum?

Confidera III. An & quomodo tu has geminas dotes hactenus habueris, aut certe deinceps comparare velis. Colloquium.

### Punctum III.

Confidera I. Quale, quantumque præmium sperare possis, si fidelis, & prudens in administrandis rebus creatis repertus fueris; nimirum illud, quod Christus cit. cap. indicavit, dicens: *Beatus ille Servus, quem cum venerit Dominus, invenerit sic facientem. Amen dico vobis, quoniam super omnia bona sua constituet eum.* Quin imo sicut olim DEUS propter fidelitatem Josephi Patriarchæ benedixit ipsi etiam domui Putipharis, & multiplicavit tam in ædibus, quam in agris cunctam ejus substantiam; ita ipsam quoque Regionem, aut Civitatem, in qua habitant ejusmodi fideles Servi, benedicet, & a variis quidem malis custodiet, copiosis autem bonis, gratiisque cumulabit.

Confidera II. Si ille Servus, qui super pauca, id est, super res inanimes, aut irrationales fidelis inventus est, super omnia bona DEI constitutus est; quanto magis ejusmodi præmium, multoque majus sperare possit Sacerdos, qui super multa, id est ipsas Animas pretiosissimo Christi Sanguine redemptas fidelis extiterit.

Confidera III. Quantopere spes præmii istius te animare, & excitare debeat ad dictam Fidelitatem omni studio exhibendam; si enim servi hujus Mundi ob tam levia laborum suorum præmia tam fidele, & promptum Dominis suis servitium præstant, quanto magis Supremo Domino ob tantum præmium similem Fidelitatem præstare par erit? Colloquium ad DEUM, erumpendo in illa S. Davidis verba Psal. 115. *O Domine, ego servus tuus, & filius Ancilla tua.*

Vide etiam, si placeat, Jac. Masenium fol. Vel. Jo: Weyerum p. 2. med. 4.

## Conclusiones.

I. Ergo *Accipe, redde, cave. Accipe beneficium, res creatas: Redde servitium, fidelem eorum. usum. Cave supplicium, si abusus fueris.*

II. Ergo ne postules ea, quæ sunt, arbitrato tuo fieri, sed, si sapias, ita fieri quæque velis, ut fiant. Morbus est corporis impedimentum, instituti non item. Claudicatio pedis est impedimentum, instituti non item. Quod si singulis in rebus, quæ incidunt, consideraris, invenies eas alterius cuiuspiam rei, non tui, esse impedimentum. Epictetus, Enchir. c. 13.

III. Ergo cave, ne nimium innitaris super desiderio præconcepto, me non consulto; ne forte postea poeniteat, aut displiceat. quod primo placuit, & quasi pro meliore zelasti. Non enim omnis affectio, quæ videtur bona, statim est sequenda, sed neque omnis contraria affectio ad primum fugienda. Expedi interdum refrenatione uti etiam in bonis studiis, & desideriis, & viriliter appetitui sensitivo contraire, nec advertere, quid velit caro, & quid non velit, sed hoc magis satagere, ut subiecta sit etiam nolens Spiritui. Thom. Kemp. l. 3. c. 11. Legatur etiam c. 10. lib. 3.

## S E C U N D A D I E S.

**H**Æc dies tota in consideratione peccatorum impendetur, eo potissimum tendente, ut & quantum ab ultimo fine discesseris, clare cognoscas, doleasque, & ad eundem redire serio statuas; nec enim pars minima seriæ emendationis est, errorem cognoscere.

## Thessera.

*Erravi, O Domine, sicut ovis, quæ perit; quare servum tuum, quia mandata tua non sum oblitus, Psal. 118.*

ME-



## MEDITATIO II.

DE PECCATI MORTALIS A SACERDOTE  
COMMISSI GRAVITATE.

Scopus.

*Horror et seria detestatio peccati mortalis.*

Punctum I.

Confidera II. Quam grande fuerit peccatum Judæ, Christum triginta argenteis vendentis, & osculo tradentis; id quod cognoscēs facile, si in primis perpendas, *Quis vendiderit*; videlicet Judas, qui speciali beneficio a Christo ad Apostolatū vocatus fuerat: qui tot Conciones solitissimas a Christo audiverat: tam præclara virtutum exempla ab illo acceperat: tot miracula viderat: cui pedes paulo ante stupenda demissione loti, & corpus, & sanguis proprius inexplicabili charitate dati fuerant. Deinde *Quem vendiderit*; scilicet Conditorem, Magistrum, Summum Benefactorem, Dominum DEUM, & ut uno verbo dicam, infinitum bonum. Denique *quo pretio & modo vendiderit*, tradideritque; nempe vilissimo triginta argenteorum pretio, & osculo perfide, & malitiose genis Christi infixo. Ex quibus omnibus arguitur crimen hoc Judæ fuisse summam ingrati animi notam, dum tanto Benefactori suo tot beneficia tam male rependit: Summam stultitiam, eo quod infinitum bonum paucis nummis permutavit: & summam injuriam, dum prædictos nummos Christo præposuit, & summam denique perfidiam, dum Amicitiam simulans tam fraudulenter Hostibus Eum suis tradidit.

Confidera II. Quam multo graviora sint peccata mortalia a Sacerdote quopiam moderno commissa, utpote qui æquali vocatione vocatus, non semel dumtaxat in Sacramento Pœnitentiæ a Christo lotus, nec semel san-

X

ctissi-

Atissimo Corpore, & Sanguine illius passus est: nec paucas dumtaxat, sed plerasque ejus Exhortationes in Evangelio descriptas audivit; pleraque illius miracula intellexit, & præterea etiam audivit, quam gravia pro ipso tormenta Christus sustinuerit; quam acerbam, & ignominiosam mortem subjerit, & quam copiosum Sanguinem, ad ultimam usque guttam profuderit.

Considera III. An & tu simili culpa eum offenderis, & quantopere ob eam erubescere, eamque detestari, & debeas, & velis. Colloquium.

### Punctum II.

Considera I. Quam gravem pro hoc scelere poenam in hoc & altero Mundo impius Judas sustinuerit, & etiamnum sustineat; nam in hoc quidem Mundo ipse sibi conscientia nefandi sceleris adactus gulam laqueo fregit, visceraque effudit, omniumque mortalium gravissimum Odium, & contemptum incurrit; in altero vero ad infernum detrusus tanta inibi supplicia perferre cogitur, ut revellatum sit aliquando, cum summa ex omnibus damnatis tormenta sustinere.

Considera II. Quantum tu odium, & contemptum Hominum, & DEI, quantamque poenam in hac, & altera vita promeritus sis, qui non semel, sed sæpius, Christum non jam mortalem, sed gloriosum; non pro triginta argenteis, sed vilissima foedissimaque voluptate, aut vanissimo honore; post veniam toties acceptam, ac emendationem promissam, nec præstitam, tam perfide impieque vendidisti.

Considera III. Quanta benignitas sit Christi, qui non obstante gravitate tuorum peccatorum, etiamnum paratus est, te in gratiam recipere, nec condonare dumtaxat præteritas culpas, sed etiam ablatas gratias cum notabili augmento restituere, & velut olim Pater ille Filium prodigum, non tantum suavissimo Amicitiae osculo, & amoroso amplexu suscipere, sed proprio etiam sanguine corporeque reficere. *An ergo divitias bonitatis ejus, ut cum S. Paulo. Rom. 2. loquar, & patien-*

*patientia, & longanimitatis contemnis, ignorans, quoniam benignitas DEI ad poenitentiam te adducit? Colloquium ad Christum, gratias agendo pro tanta benignitate, veniamque suppliciter peccatorum admissorum petendo.*

### Punctum III.

Considera I. Si nunc Judæ ea gratia fieret, ut peccata sua per detestationem, & deprecationem delere, poenamque inferni evadere, & gloriam æternam promereri posset; quot lacrymis, & suspiriis ea deflaturus, quanto contritionis, & demissionis affectu ad pedes Christi se prostraturus, quanto charitatis ardore culpas suas deprecaturus, quam promptum se paratumque ad omnia tormenta in hoc Mundo sustinenda oblaturus, & quanto amore, & fervore deinceps sanctissimum ejus beneplacitum in omnibus esset impleturus.

Considera II. Quanto magis tu hæc omnia præstare debeas, quando licet centies majora supplicia commiseris, pro merito tamen hæc gratia a Christo per ineffabilem misericordiam facta est, ut tam culpæ poenæque remissionem, quam gloriæ æternæ possessionem unico sincero contritionis actu obtinere possis.

Considera III. Quid proin agere velis, ne præter culpas præteritas novam etiam ingrati animi notam incurras. Colloquium ad DEUM Patrem sistendo te Reum unigeniti Filii sui venditi, traditi, crucifixi. Vide etiam Masenium fol. 99. & Lucem Veritatis Jo. Bapt. Santjure. fol. 33.

### Conclusiones.

I. Ergo exclama cum pio Asceta l. 3. c. 14. de imit. Christi: *Intonas super me judicia tua, Domine, & timore ac tremore concutis omnia ossa mea, & expavescit anima mea valde. Si in Angelis (& Apostolis) reperisti pravitatem, nec tamen pepercisti, quid fiet de me!*

- II. Ergo agnosce cum Jeremia Thren. 3. quod vere

*Misericordia Domini opus sit, quia non sumus consumpti: quia non defecerunt miserationes ejus in nobis. Dic ergo cum S. David Psal. 85. Confitebor tibi, Domine, quia misericordia tua magna est super me, & eruisi Animam meam ex inferno inferiori.*

III. Ergo cave, ne relabaris in peccata præterita; Si enim, ut S. Petrus 2. c. 2. ait, *refugientes coinquinationes Mundi, in cognitione Domini, & Salvatoris nostri JESU Christi, his rursus implicati superantur, facta sunt illis posteriora deteriora prioribus. Melius enim erat illis, non cognoscere viam Justitiæ, quam post agnitionem retrorsum converti ab eo, quod illis traditum est sancto Mandato. Legatur ex Thom. Kemp. l. 3. c. 14.*

## MEDITATIO II.

Pro secunda Die.

### DE PECCATI VENIALIS A SACERDOTE COMMISSI GRAVITATE.

Scopus,

*Serium propositum ejusmodi peccati singulari  
studio devitandi.*

Punctum I.

Confidera I. Quantopere doleant varii Mortales, si per Febrim, aut alium morbum lecto affigantur, præcipue vero Legati Magnorum Principum, si a Legatione valde honorifica obeunda; Amici admodum se invicem amantes, si a mutua præsentia, & familiaritate: Aulici, si a servitio Regi suo exhibendo: Mercatores, si a lucro aliquo prægrandi obtinendo impediuntur.

Confidera II. Quanto magis Sacerdos dolore debeat, si per morbum aliquem spirituales a Legatione sua per-

perhonorifica, qua pro D.E.O ad animas fungitur: a Præsentia, & Familiaritate cum summo, & fidelissimo Amico D.E.O, & servitio Supremo Regi præstando: a lucro inestimabili meritorum cœlestium, & animarum impediatur.

Confidera III. Quam æquum proinde sit, ut, quis sit ejusmodi morbus spiritualis, cognoscere, & postquam eum cognoveris, omni conatu præcavere, aut certe, si jam incurreris, celerrime, efficaciterque curare studeas. Colloquium.

### Punctum II.

Confidera I. Quam merito peccatum veniale morbus spiritualis Animæ dicatur: ob tres præcipue causas. 1. Quia sicut morbi corporales vitam non omnino adimunt, sed tamen, nisi mature occurratur, ad mortem disponunt; ita peccatum veniale non quidem omnino tollit vitam Animæ, sed tamen paulatim ad mortale perducit, juxta illud Siracidis 19. c. *Qui spernit modica, paulatim decidet*. 2. Quia sicut morbus aufert pulchritudinem, hominemque minus amabilem, gratumque facit aliis; ita veniale peccatum Animam commaculat efficitque, ut minus a D.E.O æstimetur, & ametur. 3. Quia sicut morbus debilitat vires, nauseam creat ciborum, & varios corpori dolores affert, ac quietem impedit; ita per peccatum quoque veniale anima debilior efficitur ad operandum, amittit gustum ad spiritualia Exercitia, & graves Conscientiæ stimulos atque angustias patitur; graviores vero pœnas in altera vita timere debet, ac denique gaudio, & quiete, quæ ex bona conscientia oriri solet, privatur. Ex quibus omnibus concludunt Doctores, minimum quodvis peccatum veniale gravius esse malum, quam si quis omnes morbos aut tormenta excogitabilia simul pateretur; id quod ex ipsis etiam Purgatorii tormentis colligi potest, quorum minimum omnia hujus Mundi mala, quæ peccatum non sunt, longe superat.

Considera II. Quam cito, stultiosque ii, qui morbo aliquo corporali correpti sunt, se ab eo liberare studeant, quam prompte medicinas quantumvis amaras adhibeant; neque ipsas etiam incisiones, & adustiones refugiant; quanto celerius proinde, efficaciusque tu pro morbo hoc spirituali venialium peccatorum curando remedia indagare studiosque adhibere debeas.

Considera III. An hactenus hujusmodi curam spiritualibus his morbis pellendis, aut cavendis adhibueris, aut deinceps certe adhibere velis. Colloquium.

### Punctum III.

Considera I. Quæ plerumque remedia adhiberi soleant ad morbos corporales curandos; nimirum medicinz, balnea cauteria, incisiones putridarum partium, & quandoque etiam humani sanguinis potus, uti ab Epilepticis fieri solet.

Considera II. Quam præclara tibi occasio offeratur, similia etiam remedia pro spiritualibus tuis morbis curandis adhibendi; nam 1. *Medicinarum* vicem subeunt actus contritionis, vel attritionis, vel simpliciter, & siccis oculis (quo modo quasi pilulæ dici queunt) vel certe cum lacrymis (quo modo velut potus medicinales sumuntur) elicit. 2. Per *balnea* recte Confessio Sacramentalis intelligitur, utpote in qua Anima denudata per peccatorum manifestationem, a Sacerdote per Absolutionem a sordibus peccatorum purgatur, & abluitur. 3. *Cauteriorum* naturam poenitentia Sacramentalis, maxime si sit medicinalis, imitatur; per hanc enim sicut per cauteria putridus sanguis educitur, id est, amor inordinatus erga res aliquas illicite possessas vel amatas tollitur. 4. *Incisionibus* abscissio occasionum peccandi recte comparatur; quia per hujusmodi fugam res illæ, quæ nobis per illicitum amorem adhærebant, & ad peccatum incitabant, abscinduntur, & sic ulterius serpens gangræna cavetur. 5. Denique per *potum* humani sanguinis recte Sacramentum Eucharistiæ indicatur; hic enim Sanguis Christi acceptus multo efficacius

ani-

animam a relapsu custodit, quam sanguis humanus so-  
leat; nam, teste S. Bernardo ser. de Coena Domini,  
*Duo precipue hoc Sacramentum operatur in nobis, ut &  
sensum minuat in minimis, & in gravioribus peccatis  
tollat omnino consensum. Si quis vestrum non jam sape  
modo, non tam apertos sentit iracundiae motus, invidiae,  
luxuria, aut caterorum hujusmodi, gratias agat corpori,  
& sanguini Domini, quoniam virtus Sacramenti opere-  
tur in eo.*

Confidera II. Cum ratione Sacerdotii tibi præ aliis  
incumbat, & majorem puritatem procurare, & fre-  
quentior etiam occasio offeratur, omnia prædicta me-  
dia, præcipue SS. Eucharistiam adhibendi; quam gra-  
vis, & culpabilis tua negligentia sit futura, si ejusmodi  
media adhibere negligas. Colloquium.

Videri etiam potest Masenius med. 4. pro 2. die vel  
etiam solitudo Hag. med. 2. pro 2. die.

### Conclusiones.

I. Ergo, monente D. Chrysostomo in cap. 7. ad Rom.  
*Fugiamus modica mala, magna siquidem ab illis nascun-  
tur. Quisquis enim ad quodvis delictum dicere consuevit:  
Nihil ab hoc damni erit; paulatim omnia perdet. Istud  
quippe malitiam induxit, istud Latroni portas aperuit,  
istud civitatis muros dejecit. Hoc & in corporibus magni  
morbi contrahuntur, quando Medici contemnuntur.*

II. Ergo Ista levia, quæ diximus, noli contemnere: si  
contemnis; quando appendis; expavesce, quando nume-  
ras. Levia multa faciunt unum grande. Multa gutta re-  
plent flumen; multa grana faciunt massam. S. August.  
in Epist. Joann.

III. Ergo, Quando parvam animi perturbationem susce-  
peris, ne eam neglexeris, quod parva sit, sed considera,  
quanta mala pariat. Num si in domo parum aliquid stupæ  
accensum viderimus, conturbamur, & tumultum move-  
mus; non enim attendimus initium, sed ex initio finem  
considerantes movemur, & concurrimus, ut totum Ca-  
minum extinguamus. Hoc igne vehementius exedit animam

peccatum. S. Chryf. in Pl. 6. Legatur ex Thom. Kemp.  
l. i. c. 22. maxime §: 6.

## CONSIDERATIO PRO II. DIE.

### DE ACTIONIBUS QUOTIDIANIS IN GENERE RECTE OBEUNDIS.

#### Punctum I.

Ut recte cognoscās , quid ad Actiones has perfecte obeundas requiratur , imaginarie tibi vitam tuam Horologio similem esse , atque adeo sicut ad Horologium , ut bene ambulet , horasque indicet , tres partes requiruntur , ita idem quoque de vita , & actionibus tuis quotidianis esse sentiendum .

Et primo quidem sicut ad Horologium requiritur ; ut exterius circulum , & in eo Horas certo ordine non temere , sed juxta Solis cursum designatas habeat , & per Indicem demonstret ; ita ad vitam recte instituendam requiritur , ut quivis Ordinem sibi diurnum constituat ; in eoque , quid quavis hora aut tempore agendum sit , designatum habeat ; in hoc autem Ordine constituendo non tam quid proprius Amor dicet , quam quid Sol Justitiæ seu Divina voluntas requirat , solite attendat . Unde sicut varia sunt Horologia , quæ diversis modis designatas horas habent , ita Ordines quoque diurni , & rationes vivendi ob diversos Status , & Occupationes diversi sunt ; nec unus facile omnibus accommodari potest . Atque hinc exurgit prima Condicio ad actiones nostras quotidianas requisita , ut scilicet semper faciamus , *quæ DEO placent* , seu *quæ DEUS vult* , ut vere cum Christo dicere possimus : *Quæ placita sunt ei , facio semper* . Joan. 8.

Secundo . Sicut ad rectum Horologii cursum requiritur , ut & rotulæ internæ majores , & minores , & alia instrumenta iisdem conjuncta suum Officium perfecte faciant ; ita ad Actiones nostras requiritur , ut omnes nostras tam internas Potentias , puta Memoriam , Intelle-



tellektum, & Voluntatem; quam externas, videlicet Visum, Auditum, Gustum, Linguam, Manus, Pedes &c. legitime ad quamvis actionem perficiendam adhibeamus, sicque eam juxta Leges, & Modum nobis a DEO, vel Superioribus, vel propria Devotione præscriptum cum omni diligentia peragamus; sic enim secundam Conditionem implebimus, & omnia, *quomodo DEO placent*, seu *quomodo DEUS vult*, faciemus, & cum Veritate de nobis dici poterit illud Gen. I. *Vidit cuncta, quæ fecerat, & erant valde bona.*

Tertio. Sicut ut dicta Instrumenta Horologii officium suum recte, & ordinate peragant, geminum pondus, a quo trahantur, requiritur; ita ut tanto alacrius, & exactius actiones quotidianæ obeantur, geminum pondus duplicis Intentionis, Amoris scilicet erga DEUM, & Proximum adhibendum est, quorum alterum, quo magis descendit, id est, quo magis Amor Proximi ad obsequia Proximo exhibenda se demittit, tanto altius alterum pondus Amoris Divini ascendit. Hoc geminum pondus S. Augustinus nobis indicavit, dum dixit: Amor meus pondus meum: hoc feror quocumque feror. Atque hinc tertia exurgit actionum quotidianarum conditio, ut semper faciamus eas, quia *DEO placent*, seu *quia DEUS vult*, sicque impleamus præceptum diligendi ex toto corde per ultimam hanc conditionem; *tota anima, & viribus* per secundam; & *tota fortitudine* per primam; quæ omnia recte non nemo sequenti disticho complexus est.

*Omne tulit punctum, patitur qui semper agitque;  
Quæ vult, Quove modo vult DEUS, & quia vult.*

## Punctum II.

Ut autem tanto accuratius hic ordo, & conditiones observentur, valde proderit insignes fructus, qui ex illius accurata observatione oriuntur, bene ponderare, qui quidem triplices sunt, videlicet. I. Ut omnes actiones nostræ bene, ac perfecte fiant, sicque vera  
hujus

hujus vitæ perfectio obtineatur, cum juxta Ascetas summa hominis perfectio sit, *actiones suas quotidianas, & ordinarias perfecte obire*. II. Ut meritorie peragantur; qui fructus tanto pluri æstimandus, quanto præstantior est merces gratiæ, & gloriæ, quæ per singula opera sic patrata obtinetur; & quanto pauciores sunt, qui omnia sua opera dicto modo meritoria efficere student. III. Ut *quiete, & jucunde* transigantur: tum quia passiones, & curæ inordinatæ ut sic animum non abripiunt, & perturbant, cum sciat, quid quovis tempore agendum sit; tum quia spes beneplaciti Divini, & præmii æterni obtinendi omnem actionis difficultatem, & molestiam tollit.

### Punctum III.

Quemadmodum autem ut horologium in legitimo suo cursu conservetur, certæ quædam industriæ observandæ sunt; ita idem in actionibus quotidianis recte perficiendis fieri oportet.

Et I. Quidem sicut horologium diligenter clauditur, ne pulvis, aut humor extrinsecus rotulas aliaque instrumenta interiora inficiat, & a cursu impediat; ita accurata sensuum tam externorum, quam internorum custodia adhibenda est, illudque Salomonis Prov. c. 4. sæpe memoria volvendum: *Omni custodia serva cor tuum, quoniam ex ipso vita procedit*.

II. Sicut rotulæ, aliaque instrumenta, ut cursum suum rectius, & facilius peragant, oleo sæpius ununtur; ita potentiæ quoque, præsertim internæ, intellectus, & voluntas, oleo accuratæ meditationis diligenter suo tempore inungendæ, & ad novum fervorem excitandæ sunt.

III. Sicut director Horologii frequenter, imo quotidie semel iterumque visitat Horologium, & pondera quidem attrahit, reliquas vero partes, num rite se habeant, examinat; & si quæ violatæ sunt, mox reficit, aut refici curat; ita ad ordinem rite observandum nihil perinde conducit, ac frequens examen, & re-

col-

collectionum usus, per quæ, quid emendatione opus habeat, studiose inquiratur, &, quod rectum deprehenditur, in suo statu conservatur, aut amplius perficitur. Præcipue vero gemina pondera duplicis charitatis attrahuntur, id est, ad actus novo fervore eliciendos disponuntur. Vide ergo, quomodo hæc omnia hæcenus observaveris, & observare deinceps velis.

## MEDITATIO III.

Pro secunda Die.

DE VERA POENITENTIA ET CONVERSIONE  
SACERDOTIS.

Scopus.

*Sincera Vita Emendatio.*

Considera I. Quam pulchrum tibi sinceræ conversionis exemplar DEUS in primo Sacerdote S. Petro reliquerit; utpote in cuius lapsu, & conversione clare cognosci potest; quidquid ad perfectam vitæ emendationem requiritur. Quorum primum est *æstimatio peccati*, quæ quanto major erit, tanto major quoque contritio, & abominatio sequetur.

Considera ergo II. Unde Petrus magnitudinem sui peccati æstimavit, scilicet ex Magistri sui bonitate, qua illum vocavit ad Apostolatam, & Principem Apostolorum, ac Sacerdotum constituerat: qua illum tam fideliter hæcenus instruxerat, & omnium arcanarum suarum actionum socium assumpserrat: qua illum tam aperte de suo casu præmonuerat: qua pro ipso orabat, ne deficeret fides ejus: qua denique ipsum respexit, & ad poenitentiam invitavit; hæc enim omnia illis verbis: *Et conversus Dominus respexit Petrum*: indicaret; dum ideo faciem suam ostendit Christus, ut S. Petrus quasi sic loquentem imaginaretur. Vide & aspice, Petre, quem neges, ego te ex tot millionibus ho-

hominum in societatem meam assumpsi, & tu deseris me? Ego te tam solícite ut discipulum instruxi, & tu Magistrum me tuum negas? ego præ omnibus aliis Apostolis exaltavi te, & tu ita spernis me? Ego corpus, & sanguinem meum tradidi tibi, & tu Benefactorem tuum tantum non agnoscis? ego te Petram, & fundamentum Ecclesiæ constitui, & tu vacillas?

Confidera III. Quam efficax sit hoc remedium ad cor etiam lapideum molliendum; juvabit in hunc finem animo revolvere historiam, quæ in vitis PP. legitur de Sacerdote, qui, ut Filiam Ethnicæ Sacerdotis a Patre impetraret, DEUM ac Cœlites abnegarat; ubi tamen ab idolo, quod Sacerdos Ethnicus consulerat, num tradere ei Filiam deberet? responderi audivit: Noli eam dare, quia DEUS ipsum nondum deseruit: tantopere hac DEI bonitate perpensa motus est, ut mox resipuerit, ac peccata sua per arctissimam poenitentiam expiavit. Vide ergo, an non tu justissimas habeas simili modo ad poenitentiam te excitandi causas. Colloquium.

## Punctum II.

Confidera I. Quibus potissimum rebus in tam gravem lapsum præcipitatus sit D. Petrus (hoc enim alterum est caput ad perfectam conversionem requisitum, cognitio scilicet occasionum, in quibus lapsus est) nempe nimia de suis viribus presumptione (qua dixerat: *Et si omnes scandalizati fuerint in te; ego numquam scandalizabor*: Matth. 26.) amoris tepiditate, (hinc enim a longe tantum secutus cum fuerat, cum ab initio proxinus semper fuerit, & esse voluerit) & conversatione cum mulieribus ac famulis secularibus; nam ab his inductus est non ad negationem dumtaxat, sed etiam ad perjurium negationi superaddendum.

Confidera II. An non hæc eadem capita te quoque ad lapsum multiplicem hætenus impulerint? an non tu quoque sæpius tempore fervoris dixeris: *Et si oportuerit me mori tecum, non te negabo*: an non de te quoque dicere jure potuerit DEUS illud Apoc. 3. *Scio opera*

ra tua, quia neque frigidus es, neque calidus: utinam frigidus eises, aut calidus, sed quia tepidus es, incipiam te evomere ex ore meo? an non tu quoque ad vocem Ancillæ Ostiariæ, aut domesticæ expugnatus, eidem non ausus sis resistere, sicque Christum per peccatum luxuriæ negaris? aut certe cum frigidis sæcularibus ad prunas temporalium voluptatum sedentibus, & se per flammam inordinatæ concupiscentiæ calefacientibus commoratus, ad iterandam negationem impulsus sis?

Considera III. Quam proinde merito cautus esse debeas, illamque S. Pauli II. Rom. 10. sententiam in mente habere: *Tu autem fide stas; noli altum sapere, sed timere*; nam ut recte S. Bernardus dixit serm. 55. *In veritate didici, nil aque efficax esse ad gratiam promerendam, retinendam, recuperandam, quam si omni tempore coram DEO inveniaris non altum sapere, sed timere. Beatus homo, qui semper est pavidus. Time ergo, cum arripseris gratiam: time cum abieris: time, cum denuo revertetur, & hoc est semper pavidum esse.* Colloquium.

### Punctum I.

Considera I. Queis potissimum mediis usus sit S. Petrus ad suam conversionem; nimirum *fletu amaro*, & *fugiendo occasionem peccandi*, dum foras exivit; hæc enim duo ad actualementem conversionem requiruntur, & sufficiunt; de quorum primo testatur S. Ambrosius l. 2. de poen. dicens: *Dum dolemus admissa, admittenda excludimus, & fit quadam de condemnatione culpa displicentia innocentia.* De altero locutus est Servator, quando Marc. 9. dixit: *Si scandalizaveris te manus tua, abscinde illam &c.* quidni ergo potius de alia re minus juncta idem dicendum erit?

Considera III. Quænam res hætenus potissimum occasio, & radix fuerit tuorum lapsuum; nonne concupiscentia hujus vel illius rei? hanc ergo abscinde; nam, ut sapienter advertit Thom. Kemp. I. *juvat non qualibet res, adepta, vel multiplicata exterius, sed potius decisa ex corde radicitus; munit parum locus, si deest spiritus fervo-*

*servoris ; nec diu stabit pax illa quasita forinsecus , si vacat a vero fundamento status cordis , hoc est , nisi steteris in me , permutare te potes , sed non meliorare . Nam occasione accepta , & orta invenies , quod fugisti , & amplius . Colloquium .*

Vide etiam Masenium fol. 429. de Filio Prodigio . Item Hagiophilæ solitudinem med. 3. pro 2. die.

### Conclusiones .

I. Ergo age pœnitentiam , appropinquavit enim regnum cœlorum ; Pœnitentiam autem , ut S. Augustinus 5. 7. de tempore ait , certam non facit , nisi odium peccati , & amor DEI , quando sic pœnites , ut tibi amarum sapiat in animo , quod ante dulce fuit in vita .

II. Ergo Quam magna deliquimus , tam granditer defleamus , ut hortatur S. Cyprianus Ser. de lapsis : & ut S. Augustinus : Quantos impetus habebas ad mundum , tales habebas ad artificem mundi .

III. Ergo Tene breve , & consummatum verbum : Dimitte omnia , & invenies omnia ; relinque cupidinem , & reperies requiem . Th. Kemp. l. 3. c. 32. Quanto celerius hoc agis , tanto melius habebis , & quanto plenius , & sincerius , tanto tibi plus placebis , & amplius lucraberis . l. 3. c. 37.

Legatur etiam ex eodem libello c. 25. lib. 1.

### TERTIA DIES.

POSTquam pœnitens anima se perfecte ad DEUM convertere , & non præterita dumtaxat peccata cum sincero dolore & erubescencia detestari , sed futura etiam sollicitè præcavere statuit , merito de mediis ad hunc finem conducentibus cogitat ; inter quæ cum præcipuum fere sit novissimorum memoria juxta Siracidis notum testimonium : *In omnibus operibus tuis memorare novissima tua , & in aeternum non peccabis . Eccl. 7. recte post peccatorum considerationem meditationes aliquot de Novissimis saltem prioribus tribus , quæ timo-*  
rem

rem incutiunt, & ad peccati fugam impellunt, instituuntur, nam quarti, nempe æternæ felicitatis consideratio, quia ad gaudium, & spem ingeneranda tendit, rectius ad hebdomadam quartam differtur.

Tellera: *Statutum est omnibus hominibus semel mori, post hoc autem iudicium.* Heu quale! Hebr. 9.

## MEDITATIO I.

### DE MORTE SACERDOTIS.

#### Scopus.

*Solicita ad Mortem Preparatio.*

#### Punctum I.

Confidera I. Quid sit mors, nimirum separatio animæ a corpore, terminus merendi, extrema vitæ clausula, a qua dependet æterna vel felicitas, vel miseria; nam ut recte S. Augustinus dixit ep. 80. ad Hesygium: *In quo quemque invenerit suus novissimus dies, in hoc eum comprehendat mundi novissimus dies: quoniam qualis in die isto quisque moritur, talis in die illo iudicabitur:* Hinc breviter, & bene non nemo dixit: *Qualis mors, talis fors.*

Confidera II. Si tantam diligentiam in negotiis, a quibus aut honoris nostri, aut opum omnium, aut ipsius etiam vitæ temporalis conservatio pendet, perficiendis industriam ac conatum adhibemus; quantam sollicitudinem curamque felici morte, a qua æternæ vitæ, & felicitatis acquisitio pendet, procuranda.

Confidera III. Quomodo tu hactenus hoc negotium cordi habueris, aut certe deinceps habere velis. Colloquium.

#### Punctum II.

Confidera I. Quæ potissimum media conducant ad felici-

felicem mortem obtinendam. Varia a variis commendantur. Sed tria præcipue. Primum est *Humilis*, & *constans gratiæ hujus petitio*; cum enim hoc donum sit donorum omnium maximum, vel maxime etiam detursum descendere, ideoque a DEO per orationem propriam, aut Sanctorum, & præcipue B. Virginis intercessionem obtineri debet; quem in finem communiter suadetur ab Ascetis, ut certæ in hunc finem quotidie aut etiam quavis hora preces ad honorem Passionis, & mortis Christi, B. Virginis, & aliorum Sanctorum persolvantur. Secundum medium merito *Bona vita*, reputatur: Quia juxta commune adagium *sicut vita, mors ita*: neque *mala mors putanda est*, teste S. Augustino l. 1. de civit. *quam bona vita præcessit*; neque enim facit malam mortem, nisi quod sequitur ipsam mortem. Hinc & S. David Pl. 125. *Preţiosam in conspectu Domini mortem Sanctorum* esse ait; pretiosam sane, quia, ut S. Bernard. in epist. quadam loquitur, *Finis est laborum, victoria consummatio, vita janua, & perfecta securitatis ingressus*. Tertium sunt *Misericordiæ, & charitatis opera*, de quibus non vere minus, quam pie S. Hieronymus dixit: *Non memini me legisse, mala morte fuisse defunctum, qui libenter opera charitatis exercuit; habet enim multos intercessores; & impossibile est multorum preces non exaudiri*. Sed & ipse Christus aperte pronuntiavit: *Beati misericordes, quoniam misericordiam consequentur*. Matth. 6.

Confidera II. Quam efficacia sint hæc motiva ad prædictum finem obtinendum, quamque multiplicitatem experientia comprobata, uti passim in libris historicis videre est.

Confidera III. An & quomodo tu hactenus ea usurparis, aut usurpare certe deinceps velis. Colloquium.

### Punctum. III.

Confidera I. Quam copiosa tibi per statum sacerdotalem occasio offeratur felicem mortem obtinendi; utpote per quem, & ad frequentiores DEO Sanctisque preces



preces offerendas, ad Eucharisticum etiam panem (quem, qui manducat, vivet in æternum, teste Christo Jo. 6.) quotidie, si placet, sumendum; & ad vitam cum majori sanctitate transigendam: & ad præstantissimum misericordiæ spiritualis genus indefinenter exercendum, vel ipsa status suscepti Conditio, & obligatio te impellit.

Confidera ergo II. Quam merito sperare possis, te, si officio Sacerdotis probe functus fueris, in morte auditurum illa Apoc. 14. verba: *Beati mortui, qui in Domino moriuntur: Amodo jam dicit spiritus, ut requiescant a laboribus suis; opera enim illorum sequuntur illos.* Maxime si multos etiam moribundos ad mortem pie obeundam juveris, & animaris, tunc enim *qua mensura mensus fueris, eadem quoque tibi remerietur.*

Confidera III. Quam proinde gaudere ob statum hunc susceptum, atque ut digne ambules vocatione tua, omnem conatum diligentiamque adhibere debeas. Colloquium.

Vide etiam Masenium fol. 147. aut etiam Weyerum fol. 526.

### Conclusiones.

I. Ergo *Vigila, quia nescis diem, neque horam.* Matth. 25. *Beati servi illi, quos, cum venerit Dominus, inveneris vigilantes* Luc. 12.

II. Ergo *Memor esto, quoniam mors non tardat, & Testamentum Inferorum, quoniam monstratum est tibi.* Eccl. 12. *Non tardes converti ad Dominum, & ne differas de die in diem; subito enim venies hora illius, & in tempore vindictæ disperdet te.* cap. 5.

III. Ergo *Ante obitum operare iustitiam.* Non defrauderis a die bono; & particula boni doni non te prætereant. Eccl. 12. ut dicere possis cum S. Paulo 2. Timoth. 4. *Bonum certamen certavi, fidem servavi, in reliquo reposita est mihi corona gloria, quam reddet mihi Dominus in illa die iustus Iudex.*

Legatur etiam ex Thom. Kemp. l. 1. c. 23.

Y

ME-

## MEDITATIO III.

Pro tertia Die.

Scopus.

*Salutaris Judicii extremi Timor.*

Punctum I.

Confidera I. Quid fit extremum Judicium ; nempe exactio Rationis a Christo ab omnibus , & coronam omnibus hominibus reddenda. Tunc enim verificabitur illud Apoc. 20. *Et vidi thronum magnum candidum , & sedentem super eum , a cujus conspectu fugit terra , & cælum , et locus non est inventus eis , Et vidi mortuos magnos , et pusillos stantes in conspectu throni , et libri aperti sunt , et alius liber apertus est , qui est vita , et judicati sunt mortui ex his , quæ scripta erant in libro , secundum opera ipsorum .*

Confidera II. Quam terribile sit hoc judicium futurum , tum propter *judicem* ipsum , qui est infallibilis propter sapientiam , inflexibilis propter justitiam , inevitabilis propter potentiam : tum propter *personas* præsentantes ; Angelos scilicet & Sanctos assidentes , dæmones accusantes , homines alios spectantes & audientes singula , quæ agentur : tum propter *insolitum rigorem* judicii , utpote in quo *cuncta , quæ fiunt , DEUS adducet in judicium* . Eccles. 12. & etiam de verbo otioso , quod locuti fuerint homines , rationem reddent . Matt. 12. tum propter *sententiam* ferendam , quæ erit in omnem æternitatem irrevocabilis .

Confidera III. An non merito dixerit Propheta Joel. c. 2. *Magnus dies Domini , et terribilis valde ; et quis sustinebit eum ?* An non & tu merito cum S. Anselmo exclamare debeas : *O angustia ! hinc erunt accusantia peccata , inde terrens justitia ; subtus patens horridum ebas inferni , desuper iratus Judex , intus urens conscientia .*

*tia . Et si iustus vix salvabitur , peccator sic depressus , in quam partem se premet constrictus ? ubi latebo ? ubi apparebo ? latere erit impossibile , apparere intolerabile . Quid dormias , o anima tepida , et digna evomi ? qui non expergiscitur , qui non tremit ad tantum tonitruum , non dormit , sed mortuus est . Colloquium .*

## Punctum II.

Confidera I. Si juxta Servatoris sententiam : *Omni , cui multum datum est , multum quaretur ab eo : et cui commendaverunt multum , plus petent ab eo . Luc. 12.* Quam severa ratio exigenda sit a Sacerdote , cui DEUS non propriam dumtaxat animam , sed alias etiam regendas , & salvandas commisit ? nam , ut S. Chrysostomus hom. 3. in cap. 1. Act. Apost. loquitur : *Unius animæ perditio tantam habet jacturam , ut nulla ratio possit existimare . Etenim si unius animæ salus tanti est , ut ob hanc Filius DEI fieret homo , tantaque pateretur ; perditio , cogita , quantam conciliabit pœnam ? Quod si quis ob hominem in hac vita perditum morte dignus est , quanto magis ille , qui animas perdiderit ; unde merito S. Hieronymus l. 13. in cap. 43. Ezech. dixit : *Grandis dignitas Sacerdotum , sed grandis ruina , eorum , si peccent . Latemur ad ascensum , sed timeamus ad lapsum . Non est tanti gaudii excelsa tenuisse , quanti mœroris de sublimibus corruisse . Neque enim solum pro nostris delictis , reddimus rationem , sed pro omnibus , quorum abutimur donis , & nequaquam sumus de eorum salute solliciti .**

Confidera II. Quam justum hæc consideratio timorem tibi injicere debeat , ne & tu in tam severa exactione Rationis succumbas , & tot animarum reus condemnaris , si audieris vocem illam ; *Redde rationem vili-  
licationis tuæ . Luc. 16. an non cum Job. c. 31. dicturus sis : Quid faciam , cum surrexerit ad judicandum Dominus , & cum interrogaverit , quid respondebo illi ?*

Confidera III. Quam merito proin efficere debeas , ut illa vox : *Surgite mortui , venite ad judicium ; auri-*

bus tuis perinde, ac olim S. Hieronymo constanter infonet, sicque per eam ad vocationem tuam digne implendam exciteris. Colloquium.

### Punctum III.

Confidera I. Cum quanta Fiducia & desiderio compariturus sit tum in particulari, tum in universali iudicio Sacerdos, qui digne vocatione sua ambulavit, atque unice in maiorem DEI Gloriam, suamque ac proximi salutem procurandam incubuit. An non cum magno suo honore & solatio accedet ad Christum Iudicem, dicetque: *Domine duo talenta tradidisti mihi* (scil. naturales, & supernaturales vires, ac gratias) *ecce alia duo* (nempe meam, & proximi salutem) *superlucratus sum*: vicissimque audiet: *Enge serve bone & fidelis, quia super pauca fuisti fidelis, super multa te constituam, intra in gaudium Domini tui*. Matt. 25. An non cum inexplicabili lætitia audiet eundem Iudicem dicentem: *Venite benedicti Patris mei, possidete paratum vobis regnum a constitutione Mundi; esurivi enim, & dedistis mihi manducare &c.* Et quidem hæc omnia non corporaliter tantum, sed multo præstantius, spiritualiter nempe, per tot annos præstitistis. Si ille Sacerdos, qui pauperum confessiones præ aliis libenter audivit, ab iisdem postea de cælo descendentibus ad idem cælum cum gaudio deductus est (ut in spec. exempl. V. Confessio ex 18. videre est) quanto magis ab animabus curæ suæ commissis ad Iudicium deducetur ille Sacerdos, qui non confessiones dumtaxat earum libenter excepit, sed alia etiam quamplurima charitatis opera iisdem exhibuit?

Confidera II. Quam merito hæc consideratio sola sufficere possit, ut omni cum alacritate, industriaque officio tuo satisfacere studeas.

Confidera III. Quomodo nunc ad hoc Iudicium præparatus fores: & quomodo deinceps præparare te velis. Colloquium.

Vide

Vide etiam Masenium fol. 465. Aut lucem veritatis  
P. Santjure. fol. 97.

Conclusiones.

I. Ergo presentis temporis sic age latitiam, ut nunquam amaritudo sequentis iudicii recedat a memoria. S. Gregor.

II. Ergo S. Augustini sequere consilium & in Tribunal mentis ascende contra te, & reum te constitue ante te. Noli te ponere post te, ne DEUS te ponat ante te. Si enim nosmetipsos dijudicaremus, non utique iudicaremur, ait D. Paulus I. Cor. II.

III. Ergo praoccupemus faciem Iudicis in Confessione, ut, qui tentationi parentes manum non possumus effugere Iudicis: per Confessionem mundati clementiam experiamur misericordis. S. Gregor.

Legatur etiam ex lib. de imit. l. I. c. 24.

CONSIDERATIO PRO III. DIE.

DE ACTIONIBUS AD DEUM PERTINENTIBUS,

Punctum I.

Quidquid erga DEUM immediate præstandum est (de hoc solo enim reflexio fiet in hac consideratione) ad quinque virtutes revocari potest; nempe ad fidem, spem, charitatem, Religionem, & gratitudinem. Itaque ut cognoscas, num tuæ erga DEUM obligationi hætenus satisfeceris.

Examina I. An, quod Fidei officium est, universa, quæ DEUS revelavit per se vel Ecclesiam, corde seu cogitatione, verbo & opere confessus sis; ideoque vitam supernaturalibus veritatibus correspondentem duxeris?

II. An per spem supernaturalem speraveris te beatitudinem æternam consecuturum, atque ad hunc finem DEUM propter merita Christi te posse, scire, & vel-  
le juvare, ac omnia tam naturalia, quam supernaturalia media largiturum.

III. An per charitatem DEUM tam *affective* ( id est, gaudendo summe de ipsius existentia, & optando ardentissime, ut ab omnibus rebus conditis magis ac magis quotidie cognoscatur, & ametur, in qua cognitione, & amore ejus major gloria consistit ) quam *effesive* amaveris, id est, omnes tuas cogitationes, verba, & opera ad purum ejus beneplacitum direxeris, cogitando, loquendo, & agendo ac patiando, quæ, quomodo, & quia ei magis placent.

IV. An per Religionem debitum ei cultum exhibueris, ideoque exercitia tua spiritualia, puta meditationem, orationem vocalem, Sacrificium Missæ, Sacramentorum receptionem & administrationem, lectionem spiritualem, examina & recollectionem cum debita reverentia, & devotione, constantiaque peregeris?

V. An debitas pro acceptis beneficiis gratias per gratitudinis virtutem suo tempore diligenter egeris?

## Punctum II.

Ut autem hunc cultum deinceps DEO tanto promptius, accuratiusque exhibeas, plurimum juvabit, si debitam de ipsius potentia, sapientia, & bonitate æstimationem concipere studeas; si enim Aulici hujus sæculi tam prompte, & exacte imperata obsequia præstant Dominis suis terrenis, qui ejusdem cum illis quoad naturam conditionis sunt; quoad virtutem & gratiam vero sæpe deteriores existunt, & præterea tam exiguam, incertam, & perituram mercedem offerunt; quanto promptius, exactiusque obsequium præstabitur DEO, si firmiter credatur, cum dignitate, sapientia, & liberalitate omnibus hominibus infinities præstare? Si illi tam felices se reputant, si frequens iis cum Rege aut Principe suo agendi, & colloquendi facultas, & occasio offeratur, seque eadem charos & gratiosos esse advertant; quam beatum se putabit, qui DEO multum dilectum, & acceptum se esse sperare poterit? &, quoties libuerit, eum eo colloquendi & conversandi occasionem, & licentiam est nactus?

I. Ergo

I. Ergo accurate perpende , quantæ dignitatis & potentia sit hic Dominus , scilicet Rex Regum , & Dominus Dominantium . Apoc. 19. *Qui est terribilis , & magnus vehementer , & mirabilis potentia ipsius , teste Siracide c. 43. Qui tribus digitis appendit molem terra , juxta Isajam c. 40. de qua recte idem Ecclesiasticus c. 43. dixit : Glorificantes DEUM ; quantumcumque potueritis , supervalebit adhuc , & admirabilis magnificentia ejus . Benedicentes Dominum exaltate illum , quantum potestis , major est enim omni laude .*

II. Pariter sapientiam illius considera , qua solus seipsum comprehendit , & ideo omnia in se videt , & contemplatur : quam effudit super omnia opera sua . Eccl. 1. *qua omnia in numero , pondere , & mensura disposuit . Sap. 11. qua numerum stellarum numerat . Ps. 146. quam admirans D. Paulus recte Rom. 11. exclamavit : O altitudo divitiarum sapientia , & scientia DEI ! quam incomprehensibilia sunt judicia ejus , & investigabiles via ejus !*

III. Bonitatem quoque illius studiose meditare tum eam , quam habet in ordine ad se , & cum sanctitate conjunctam , ratione cujus merito dicitur , *Nemo bonus nisi solus DEUS . Luc. 18. & , Non est sanctus , ut est Dominus . 1. Reg. 2. tum ea , quam habet ad alios , & cum liberalitate conjunctam ; qua mensuram bonam , confertam , & coagitatam , & superfluentem dabit in sinum nostrum . Luc. 6. Quia præmium pro servitio sibi præstito offert infinitum in substantia , & duratione . Qua coronat nos in misericordia & miserationibus . Psal. 102. Qua dat omnibus affluenter ; & non improperat . Jac. 1. Qua postulat pro nobis gemitibus inenarrabilibus . Rom. 8. Qua , antequam clamemus , exaudit . Isa. 65. Qua manum suam aperit , & omne animal implet benedictione . Psal. 103.*

### Punctum III.

Præter hæc motiva , quæ voluntatem excitant ad descriptum DEI cultum , sequentia etiam media non parum in actuali servitio præstando juvabunt .

I. Si DEUM ubique spectantem, & præsentem tibi imaginæris, & cum S. Apostolo *invisibilem tamquam videns sustineas*. Hebr. 11. Hoc enim ipse DEUS Abrahamo Gen. 17. commendavit dicens: *Ego Dominus omnipotens, ambula coram me, & esto perfectus*. Certe si magna pars peccatorum tollitur, teste Seneca Ep. 11. si peccaturis testis assistat; facile sane omnia peccata excludet viva DEI præsentis memoria.

II. Si studeas actiones ex puro DEI placendi desiderio & amore peragere; sic enim dices cum S. David 1. par. c. ult. *Totis viribus preparavi impensas domus Domini* (aut hanc vel illam actionem peregi) *non enim homini preparatur*, sed DEO offertur hæc actio. Sicque præ illius amore videbuntur tibi dies & labores tui pauci ac faciles.

III. Si integros famulorum Aulicorum greges tibi ob oculos sistas, & quanto cum fervore ob vilem mercedem suis terrenis dominis serviant, attendens, illa olim S. Augustino exprobrata verba dici tibi e Religionis virtute existimes: Potuerunt isti & isti, & tu non poteris? vide proin, quomodo hæc media hætenus usurpaveris, & usurpare deinceps velis.

### MEDITATIO III.

Pro tertia Die.

#### DE PURGATORIO ET INFERNO.

Scopus.

*Odium Peccati, & zelus Animarum & gemina hujus pœna consideratione concepti.*

Punctum I.

Considera I. Quam gravis sit purgatorii pœna secundum S. Thomæ aliorumque sententiam, tanta nempe,



nempe, ut superet omnem pœnam, quam homo unquam passus est, aut pati potest, minimaque in illo loco pœna maximas pœnas hujus vitæ longe excedat.

Confidera II. Quam longe gravior sit ipsius Inferni pœna futura; si enim in viridi ligno hæc faciunt; in arido quid fiet? si DEUS amicorum culpas tam graviter castigat, quantis pœnis inimicorum offensas puniet? Hinc merito infernum breviter quispiam descripsit hoc modo: Est locus, in quo est *Omnis mali presentia*, qua pœna sensus indicatur: *omnis boni absentia*, qua pœna damni innuitur: & *omnis pœna indefinita*: qua duratio, & tremenda æternitatis exprimitur.

Confidera III. Si juxta Salomonem sap. 6. *Potenter potenter tormenta patientur: & fortioribus fortior inflat cruciatio*: quam inexplicabiles pœnas merito timere debeat Sacerdos, qui summam hac in vita dignitatem, potestatemque accepit, si hanc non secundum voluntatem DEI exercuerit, sed ad propriam libidinem explendam fuerit abusus. Colloquium.

### Punctum II.

Confidera I. Quem fructum in ordine ad se ex hac consideratione pœnarum capere debeat Sacerdos? geminum videlicet. Primus est, ut peccatorum tam venialium, quam mortalium gravitatem hinc æstimet, ideoque illa summa cum diligentia constantiaque devitare studeat. Quis enim non omni studio caveret quodcumque peccatum, si sciret, se ex illius patratione morbum, & graves dolores corporis contracturum; quanto magis nunc ergo illa vitaret, si, quantas pœnas iisdem decernat DEUS, accuratius ponderarit. Secundus est, ut malit hac in vita pro admissis peccatis castigari, quam in alteram puniendi differre; quis enim non obolo libenter solveret, quod alioqui talentis integrisolvere deberet? atqui vix obolo comparari possunt omnes pœnæ, & tribulationes hujus vitæ, si cum minima pœna vitæ

alterius conferantur. Cur ergo non æquissimo animo particulam dumtaxat similium tribulationum perferas, maxime si perpendas, pro his ipsis etiam cum patientia supportatis præmium, quod in cor hominis non ascendit, tibi offerri ac promitti?

Confidera II. Quam pretiosi sint hi fructus, dignique, ut propter eos frequenter vivus in infernum, ac purgatorium descendas, ne post mortem eo descendere cogaris.

Confidera III. An, & quoties hæc tormenta meditatus sis, & meditari deinceps velis? an non, & tu cum S. Francisco Borgia hunc Prodromum præmissurus sis ad omnia loca, in quibus Adversitas quæpiam te expectat, ut omnem sua præsentia modestiam tollat? Colloquium.

### Punctum III.

Confidera I. Quantopere hæc consideratio conducat non ad propriæ dumtaxat salutis curam excitandam, sed alienæ etiam promovendæ zelum accendendum; si enim, dum frater tuus, aut propinquus ob delictum aliquod gravementum detineretur, damnationisque sententiam ad mortem crudelissimam jam accepisset, nulum non lapidem moveres, nec ullis precibus, impensis ac laboribus, difficultatibusque parceres, ut eum ex hoc periculo liberares; quanto magis, si perpenderes quemvis peccatorem esse jam dæmonis captivum, ac, nisi resipiscat, æternæ damnationi obnoxium, omnem diligentiam adhibiturus esses, ad eundem ex tanto periculo eruendum, maxime cum Christus tale beneficium promiserit perinde se accepturum, ac si ipsum ex inferno, aut purgatorio liberasses, atque adeo passurus non sit, ut tu, qui toties eum in peccatoribus ab his flammis liberaisti, aut præservasti, in easdem ipse incidas, aut certe non diu ibidem te relicturus sit.

Confidera II. Quam familiaris tibi vel hoc etiam titulo esse debeat purgantium, aut infernalium flammarum consideratio, ut in meditatione tanta exardescat ignis,

ignis, & zelus animarum, cuius Sacerdoti curam aliorum gerenti tantopere necessarius.

Confidera III. An & quomodo hætenus hoc modo usus sis, aut certe deinceps uti velis ad zelum tuum exercitandum & augendum. Annon & tibi acerba illa S. Augustini querela conveniat: *Cadit Asinus, & omnes eum sublevare festinant: clamat porcus, & cum eo reliqui clamare non cessant: Clamat inter tormenta Fidelis (aut captivus peccator) & non est, qui adjuvet. Ecce vestra inhumanitas! cave ergo, ne aliquando cum Fratribus Josephi Gen. 42. & tu dicere cogaris. Merito hæc patimur, quia peccavimus in fratrem nostrum, videntes angustiam animæ illius, dum deprecaretur nos, & non audivimus: idcirco venit super nos ista tribulatio.* Colloquium.

Vide etiam Masenium fol. 169. aut Theophilum VVeyeri fol. 333.

### Conclusiones.

I. Ergo descende in Infernum vivens, ut S. David Ps. 54. hortatur, ne post mortem eo descendere cogaris; non enim sinet in gehennam incidere Gehennæ recordatio, S. Chrysostomo teste.

II. Ergo noli timere eos, qui occidunt Corpus, Animam autem non possunt occidere; sed potius time eum, qui potest & Animam & Corpus perdere in Gehennam. Matth. 10.

III. Ergo ut æterna futura supplicia possis evadere, mala præsentia studeas pro DEO æquanimiter tolerare. Thom. Kemp. l. 3. c. 11. Certe si futuras Interni poenas cordialiter perpenderes, credo, quod libenter laborem, & dolorem sustineres, & nihil rigoris formidares. lib. 1. c. 21.

Legatur etiam ex lib. 3. c. 12.

## QUARTA DIES.

**H**Ac die secunda inchoabitur Hebdomada, quæ ad illuminativam viam pertinet sic dictam, quia circa

ca Vitam Christi, qui est Lux vera illuminans omnes Homines venientes in hunc Mundum, considerandam potissimum occupatur, unde Scopus illius generalis est Imitatio Christi; specialis vero, ut ipsum in *Abstinendo* (quod Temperantia cum suis Virtutibus docet) *Patiendo* (ad quod Fortitudo cum Virtutibus connexis iuvat) & *Agendo* (prout *Prudentia* & *Iustitia* cum subiectis Virtutibus dicant) imitemur; hos enim tres Gradus Christus Matth. 16. indicavit, dum dixit: *Si quis vult venire post me, abneget semetipsum, tollat Crucem suam, & sequatur me.* Quia tamen Christus ultimo potissimum Vitæ suæ tempore manifestius Virtutes in *Patiendo* consistentes exercuit, ideo has specialiter quoque examinandas S. Ignatius in his Exercitiis assumpsit, & specialem illis Hebdomadam assignavit; reliquis vero Virtutibus in *Agendo*, & *Abstinendo* positis secundam hanc Hebdomadam attribuit, uti mox in progressu patebit.

Thessera.

Qui sequitur me, non ambulat in tenebris. Joan. 8.

## MEDITATIO I.

### DE DUOBUS VEXILLIS CHRISTI, ET LUCIFERI.

Scopus.

*Propositum serium, Christi vexillum sequendi.*

Punctum I.

Confidera I. Quam recte S. Job. cap. 7. dixerit, *Militiam* esse vitam Hominis super terram; cum enim Diabolus sciat, quantopere DEUS dilexerit Homines, ut scilicet Unigenitum suum in terras mitteret, qui eos e Potestate Dæmonis ereptos Cælo adscriberet ad Sedes lapsum Angelorum occupandas. hinc gemino er-

ga DEUM, & Homines odio invidiaque accensus, nihil aliud magis satagit ac molitur, quam, ut illum machinationibus suis, dolisque vincat, atque in extremam perniciem perducatur. Quia vero Hominem multis ad bene vivendum præfidiis a DEO vallatum advertit, ideo totum contra eum exercitum educit, quo eum oppugnet, & expugnet, si possit. Cui tamen Christus se cum alio Exercitu opponit, & propterea Hominem, ut tanto felicius pugnet, securiusque vincat, ad suum vexillum invitat.

Considera II. Quanta diversitas sit horum Ducum; nam Christus quidem est *Nobilissimus* (quia DEI Filius) *Fortissimus* (quia DEUS omnipotens) *Felicissimus* (quia vicit, quem nemo vincere poterat) *Amantissimus* suorum Militum, utpote quos proprio sanguine, vitæque redemit: & tandem *Liberalissimus*, utpote qui æternum Militibus suis præmium promittit, si fortiter demicent, & feliciter vincant: Omnia vero contraria in Lucifero reperiuntur, utpote qui simulato animo tibi falsas & apparentes voluptates & felicitatem promittit, ut æternum te perdat, & cruciet crudelissimis tormentis.

Considera III. An non summam stultitiam admissurus sis; si post cognitæ etiam fraudes, & odium illius adhuc tamen adhærere eidem, & sub vexillo ipsius potius, quam Christi militare statuas. Colloquium.

## Punctum II.

Considera I. Quibus potissimum armis utatur Hostis ad Christi Exercitum oppugnandum; nimirum non aliis, quam Gladio triplicis Concupiscentiæ, de qua S. Joannes I. c. 2. dixit, *quoniam omne, quod est in Mundo, Concupiscentia carnis est, & Concupiscentia oculorum, & superbia vitæ. Unde enim bella & lites in vobis?* inquit recte S. Jacobus c. 4. *Nonne hinc? Ex Concupiscentiis vestris, quæ militant in membris vestris.*

Considera II. Quibus econtra Armis Christus tum ipse usus sit, cum Militibus suis uti velit ad Hostium

arma infringenda; nimirum *Contemptum Honorum, Voluptatum, & Divitiarum propter DEUM*; hinc Gladio huic inscripta sunt hæc verba: *Quis tu DEUS?* quibus facile cum S. Michaelis Arma Hostium confringunt, & Concupiscentiam omnem inordinatam ex animo proferibunt.

Confidera III. Quam insignis iste fit Gladius, de quo tibi merito imaginari potes dici a Christo, quod olim Jeremias 2. Mach. 15. de Gladio a se porrecto dixit: *Accipe sanctum Gladium, munus a DEO, in quo dejicies Adversarios Populi mei Israel.* Responde proinde illi cum Davide 1. Reg. 21. *Non est huic alter similis, da mihi eum.* Colloquium.

### Punctum III.

Confidera I. Quantos Amicos ad certandum fortiter contra Hostem addere plerumque soleat, si quispiam advertit, tantam de fortitudine sua opinionem a Duce suo conceptam esse, ut ipsum non dubitarit, aliis militibus præficere, & Capitanei, vel alterius Officialis bellici titulo honoreque insignire; cum ut sic majoris Gloriæ, majorumque præmiorum ac spoliis obtinendorum occasionem habeat.

Confidera II. Quantopere tu quoque excitari debeas ad insignes de Hostibus tuis Victorias reportandas, si rarum Ducis tui erga te Favorem & Fiduciam, quam in Vocatione ad Statum Sacerdotalem ostendit, animo perpendere, multorumque tui similibus Sacerdotum nobiles de Hoste Triumphos oculis objicere velis. An non enim exclamabis cum Josepho & Azaria. 1. Mach. 5. & meliori, quam ipsi sensu dices: *Faciamus & ipsi nobis nomen, & eamus pugnare adversus Gentes, quæ in circuitu nostro sunt.*

Confidera III. Quam fidelis hætenus Duci tuo fueris; & vel nunc denuo veniam, præteritæ fœcordiæ, & perfidiæ demisse pete, ac novam Fidelitatem sincero animo promitte. Colloquium.

Vide etiam Masenium fol. 241. & Theophilum VVeyer. part. 2. fol. 52.

Con-

## Conclusiones.

I. Ergo exclama cum pio Asceta l. 3. c. 46. *Eja, Fratres, pergamus simul, Jesus erit nobiscum. Eris Adjutor noster, qui est Dux noster & Præcessor. En Rex noster ingreditur ante nos, qui pugnabit pro nobis. Sequamur viriliter, nemo metuat terrores; simus parati mori fortiter in bello, nec inferamus crimen gloria nostra, ut fugiamus a Cruce.*

II. Ergo audi S. Chrysostomum monentem, *Et exere vires, fortiter dimica, atrociter in hoc praelio concerta. Considera pactum, attende conditionem, militiam nosce. Pactum, quod spondidisti: Conditionem, qua accessisti: militiam, cui nomen dedisti.*

III. Ergo sustine cum Christo & pro Christo, si vis regnare cum Christo. lib. 2. c. 1.

Legatur etiam lib. 1. cap. 1.

## M E D I T A T I O II.

Pro quarta Die.

## DE INCARNATIONE, NATIVITATE, ET CIRCUMCISIONE CHRISTI.

Scopus.

*Æstimatio Sacerdotalis Dignitatis, & ejusdem dignis moribus conservanda studium.*

Punctum I.

Considera I. Quantum Beneficium B. Virgo Mundo exhibuerit, dum assensu suo per quinque illa verba, *Fiat mihi secundum verbum tuum*, præstito, effecit, ut Filius DEI humanam carnem admirando miraculo assumeret, sicque exoptatissimam tot Sæculis salutem humano Generi afferret. Quantam quoque ipsa per hunc assensum Dignitatem obtinuerit, ut scilicet Mater DEI  
dice-

diceretur, & esset, quo Honore majorem nec ab ipso DEO offerri posse, S. Thomas, & alii docent.

Confidera II. Quanto majus Beneficium censendum sit obtigisse Sacerdoti, qui quinque illis verbis: *Hoc est enim Corpus meum*: non tantum moraliter, ut B. Virgo, sed vere & effective Christum, non jam passibilem, sed gloriosum, cum tot miraculis, non semel, sed quotidie, si placet, sub speciebus Eucharisticis ponere, & sic iterum quodammodo incarnare potest, tantamque ex hac Potestate Dignitatem est consecutus, ut SS. Patres ex hoc Capite ipsi quoque B. Virgini eum præferre non dubitent, soloque Creatore suo inferiorem dicant.

Confidera III. Quam grato animo agnoscere debeas summum hunc Favorem, ac Beneficium, dareque operam, ut, sicut B. Virgo illum per voluntatis suæ cum Divina conformationem obtinuit, & conservavit; ita tu quoque sicut eundem per Assumptionem Sacerdotalis Status consecutus es, ita per voluntatis quoque Divinæ (quæ juxta S. Paulum I. Thess. 4. *est sanctificatio nostra*) perfectam adimpletionem conservare studeas. Colloquium.

## Punctum II.

Confidera I. Quam felicem, & merito quidem, B. Virginem putemus, dum ei concessum est, DEI Filium parere, amplecti, osculari, & pro libitu tractare. Si enim S. Franciscus & alii Sancti in hac etiamnum vita degentes, dum B. Virgo Filium suum ulnis eorum excipiendum obtulit, præ gaudio & voluptate prope modum se liquefactos fuisse, confessi sunt; quantis gaudiis & voluptatibus repletam fuisse credibile est B. Virginem, quæ per tot annos tam amabili Filii sui præsentia, & aspectu frui potuit.

Confidera II. Quam beatum tu quoque æstimare te debeas, cui quotidie hic ipse DEI Filius, licet speciebus Eucharisticis involutus, in manus datur, eumque pro libitu tractare conceditur per Sacerdotalem potestatem.



tem. Neque hoc tantum, sed alio quoque modo spirituali, Deoque longe gratissimo, & tibi utilissimo, ac honorificentissimo Eum in aliis Hominibus, scilicet Peccatoribus, cum S. Paulo; Gal. 4. parturiendi, donec formetur Christus in illis, occasio copiosa offertur; an non hoc gaudium tanto majus erit, quanto plures ejusmodi Christo pepereris, quantoque gratiorem hunc partum ipsi Christo sciveris esse?

Confidera III. An felicitatem hanc tuam hactenus, ut oportet, æstimaris? & quomodo deinceps illam tum per quotidianam, ac devotam Missæ Celebrationem; tum per ardentissimum zelum quamplurimos Peccatores convertendi conservare, & augere velis. Colloquium.

## Punctum III.

Confidera I. Quantus Honor, & Dignitas ipsi etiam Christo in Circumcisione sua obtigerit; dum Eidem nomen JESU, seu Salvatoris, nomen super omne nomen, in quo genua flectunt Cœlestes, Terrestris, & Inferi DEO jubente, Angelo indicante, S. Josepho exequente impositum est.

Confidera II. Cum idem tibi quoque per Sacerdotalem dignitatem, & Pastoralem curam, Officium Salvatoris sit commissum, summaque inde Dignitas obtigerit (nam, ut alibi dictum est, *Omnium Divinorum divinißimum est cooperari DEO in salutem Animarum*) an non tu quoque sume a DEO te honoratum æstimare, ac proinde studere debeas, ut, quemadmodum S. Ambrosius monet, *Quid sis Professione, Actione potius, quam Nomine demonstres, ut & Actio correspondeat Nomini, & Nomen cum Operibus coincadat.*

Confidera III. An & quomodo hactenus hoc Nomen, & Officium sustinere conatus sis, & sustinere deinceps velis, præcipue vero per Circumcisionem spirituales omnis carnalis Concupiscentiæ, & perfectam Legum etiam illarum, ad quas sub peccato non obligaris, Observantiam; quibus duobus capitibus Christus hoc Nomen consequi debeat. Colloquium.

Z

Vide

Vide etiam Masenium. fol. 206. & 215. Aut Theophilum VVeyeri Hebd. 2. fol. 33. 39. & 47.

### Conclusiones.

I. Ergo audi S. Gregorium Nyssenum monentem : *Quid proderit , Fratres mei , si Fidem ( & Sacerdotii Dignitatem ) quis dicat se habere , opera autem non habeat ? Christianismus est Imitatio Divinae Naturae . Si igitur Christianus es ( multo magis si Sacerdos obligatus ad alios verbo & exemplo instruendos ) Christum DEUM imitare : noli vacuum ferre nomen & inane , sed plenam tanti mensuram nominis imple ; imple , inquam , Operibus nomine dignis .*

II. Ergo quemadmodum idem Sanctus hortatur , *Simus ut Christus , quoniam Christus quoque sicut nos factus est : efficiamur Dei propter Ipsum , quoniam Ipse quoque propter nos Homo factus est .*

III. Ergo *Agnosce Dignitatem tuam , O Sacerdos , & Divinae consors factus Naturae , noli in veterem vilitatem degeneri conversatione redire . Memento , cujus Capituli , & cujus Corporis sis membrum .* S. Leo scr. 1. de Nativ.

Legatur etiam l. 2. c. 1. ex lib. de Imit.

## CONSIDERATIO PRO IV. DIE.

### DE ACTIONIBUS AD B. VIRGINIS , ET SANCTORUM CULTUM PERTINENTIBUS.

#### Punctum I.

Ad hunc Cultum præstandum duo præcipue spectant : legitima scilicet *Electio* Sanctorum in Patronos , & legitima *Veneratio* .

Priorem ut recte facias , more Ecclesiae omnes quidem Sanctos in Patronos eliges ; sed ita , ut in varias classes eisdem pro diversa tua erga illos obligatione , aut affectu divides . Et in prima quidem Classe solam B. Virginem collocabis , utpote quam solam

Eccle-

Ecclesia Cultu Hyperdulæ speciali honorari præcipit . In secunda S. Angelum tuum Custodem , aut alios tuos Tutelares Angelos , Sanctum , cuius nomen geris : Fundatorem tui Ordinis , aut Status ; SS. Petrum & Paulum velut communes totius Ecclesiæ Patronos & Principes . Vel si placet , etiam S. Josephum Christi Nutritium constitues . In tertia alios Patronos ; quibus ob specialem titulum vel affectum specialiter quoque te obligatum credis , ponas . In quarta Cœlites Menstruos , aut quovis die occurrentes : In quinta tandem & ultima omnes alios Cœlites collocabis .

Ad posteriorem vero hujus Cultus speciem , vel partem , ad legitimam scilicet venerationem spectat , ut tenerum erga illos amorem , & affectum semper geras , gratulando ipsis ex corde suam gloriam , optandoque , ut ea majus quotidie incrementum acquirat , atque ad hoc tuam etiam operam pollicendo , & exhibendo : deinde ut summa cum fiducia in omnibus tuis necessitatibus , & adversitatibus eorum opem , & auxilium , ac intercessionem exposcas : & tandem , ut omnia tua opera post DEI honorem ad cultum etiam horum Sanctorum eo Ordine , quo in Classibus diversis sunt collocati , dirigas , & hoc ipso etiam ex motivo ; singulari cum diligentia , & alacritate perficere studeas , qui sane cultus merito ipsis gratissimus censi potest , utpote *purissimus* ( id est , omni peccati nævo , saltem voluntario carens ) *amplissimus* ( quia universas vitæ actiones complectitur ) & *constantissimus* ( quia nunquam interruptitur ) ut merito quispiam cecinerit : *Sanctorum est cultus gratissimus , Optima Vita .*

## Punctum II.

Porro ad hunc cultum magno cum fervore exhibendum tria te motiva merito non modice impellere possunt .

Primum *ex parte DEI* offertur , quem cum tu plus utique , quam teipsum diligas , haud dubie etiam ob-

Z 2

sequia

ſequia Ipſi exhibita pluris facies , quam ſi tibi præſtitæ fuiſſent , cum ergo certum ſit , Sanctos omnes diu noctuque indefinenter in DEO amando , laudando , & honorando occupari , recte inferitur ; hæc obſequia pro majoribus a te beneficiis , & honoribus reputari debere , quam ſi tibi immediate fuiſſent exhibita ; atqui ſi tuam Perſonam tali honore , & laude proſequerentur , æquiſſimum judicares , ut tantos tuos Amicos ; tui tam amantes omni poſſibili cultu , & honore viciffim proſequereris ; multo magis ergo nunc , quando hæc omnia DEO præſtant ; ad mutuum illorum cultum , & amorem incitare debent .

Alterum motivum ex parte ipſorum Sanctorum offertur ; cum enim hi ſint excellenti *Sanctitate* , *Sapientia* , & *Dignitate* præditi , utpote Chariffimi DEI Amici , & ob hos titulos etiam in hac vita nos tam vehementer impelli nos ſentiamus ad ſingularem cultum illis exhibendum ; qui rara Sanctitate , Sapientia , aut Dignitate ſunt præditi , facile apparet , quantum cultum , & venerationem illis debeamus , qui omnes Homines hujusmodi in prædictis donis longiſſimo intervallo ſuperant .

Tertium motivum ex parte noſtra offertur , ingens ſcilicet fructus , & conſolatio , qui ex hac noſtra cum illis familiaritate nobis oritur ; ſi enim in hac vita tam jucundum nobis , & conſolatorium eſt , *ſpectatores* multos actionum noſtrarum potentes , & primarios habere : in petitionibus noſtris ſinceros , & eloquentes *Advocatos* : aut in periculis , & adverſitatibus *Protectores* robustos , & intrepidus ſcire , ad quos ſine ullius reſuſcitæ timore confugiamus ; quantam conſolationem oriri neceſſe erit in noſtro pectore , ſi omnes Cœli Incolas pro ſpectatoribus , Advocatis , & Protectoribus nos habere ſciamus , plenamque nobis facultatem fieri , arctiſſimam cum his omnibus familiaritatem , & amicitiam contrahendi ? Sane ſaxeus , aut ferreus ſit oportet , quem hæc motiva ad venerationem Sanctorum non movent .

## Punctum III.

Ex his , quæ de Sanctis Cœlitibus in genere dicta sunt , facile colliges , quanto potiori studio hæc omnia , & plura alia erga ipsam S. Cœli Reginam observanda sint , cum enim hæc juxta probabilem Theologorum sententiam omnes Sanctos etiam collective acceptos in Dignitate , Sanctitate , & Auctoritate apud DEUM longissime superet , ita ut merito de ea S. Anselmus dixerit : *Omne quod est , aut supra te , aut infra te est . Supra te solus DEUS est : infra te omne , quod DEUS non est ;* ideoque illud Prov. 31. a SS. PP. eidem applicatur : *Multa Filia congregaverunt Divitias , tu supergressa es universas ;* merito majorem quoque , quam omnes illi Amorem , Fiduciam , & Venerationem meretur , quod ut præstes , sequentia consulo . 1. In Matrem elige , & filialem erga eam affectum semper fove te stude . 2. Festa ipsius ab Ecclesia celebrari solita præcipuo studio observa , & obsequia nova quotidianis adde . 3. Rosarium , & Litanias Lauretanas quotidie , si potes , recita . 4. Etiam singulis horis eam cum Angelo salutare , cum potueris , non omitte . 5. Puritatem Corporis , & Animi , ipsius Amore , præcipuo studio procura , & contra tentationes , & pericula hanc infestantia , Matris hujus tuæ præsidio potissimum te defende . 6. Honorem illius , ubicumque potes , etiam apud alios promove , maxime per Congregationum Introductionem , & sedulam administrationem . 7. Quidquid ad hujus honorem agis , constanter , & ferventer exequere ; magis enim placent ei pauca obsequia constanter , & bene , quam multa tepide , & inconstanter exhibita . Atque hæc suo modo etiam aliorum Sanctorum cultui applicare poteris .

## MEDITATIO III.

Pro quarta Die.

DE RELIQUA CHRISTI VITA  
OCCULTA.

Scopus.

*Præcipuarum Virtutum ad Sacerdotem spectantium  
studium.*

Punctum I.

Considera I. Cur Christus in Templo offerri voluerit, & in eo postea per triduum amissus inveniri? nimirum ut exemplo suo doceret, cui Virtuti a Juventute assuescere, quamque per reliquam etiam ætatem præ reliquis exercere debeamus; *Devotionem* videlicet, & plenam sui ipsius ad obsequium Divinum *Oblationem*.

Considera II. Cur Christus hanc Orationis, ac Devotionis virtutem tantopere commendavit? quia videlicet teste S. Augustino, *Oratio est Anima sancta presidium, Angelo bono solatium, Diabolo supplicium, gratum DEO Obsequium, Religionis laus tota, perfecta Gloria, Spes certa, Sanitas incorrupta*. Et ut idem alibi dixit, *recte novit vivere, qui recte novit orare*.

Considera III. Si omnibus Hominibus Christus tantopere commendatum esse voluit Orationis studium; quanto magis illud a Sacerdotibus exigendum sit, qui Mediatores inter DEUM, & Homines constituti, atque ut ipsum Clerici Nomen præsefert, ad Divina Officia principaliter deputati sunt. Sed & donis, gratiisque supernaturalibus pluribus egent, atque adeo per crebram, & devotam orationem ea petere, & impetrare debent. Vide ergo, quomodo hactenus hoc orationis studium amaveris, & amare deinceps velis; atque ut tanto magis eandem æstimare discas, notatu dignissimam

nam S. Chrysostomi sententiam bene perpende : *Cum videro* , inquit I. 1. de orando DEO , *quempiam non amantem orandi studium* , *nec hujus rei fervida vebementique cura teneri* , continuo mihi palam est , cum nihil egregia dotis in animo possidere . Et quisquis non orat DEUM , nec Divino Colloquio cupit assidue frui , is mortuus est , vitæque carens , & expers sana mentis ; nam hoc ipsum evidentissimum est argumentum amentia , non intelligere magnitudinem hujus bonoris , nec amare deprecandi studium . Colloquium .

## Punctum II.

Confidera I. Cur Christus in Ægyptum fugere , ibique tot annos , inter barbaros Homines , cum tot incommodis habitare voluerit ? ut scilicet doceret Exemplo suo , quod non sufficiat dedicare se DEO per solam voluntatem , atque eidem suaviter per Orationem convivere velle , sed efficacia hujus Oblationis ipso etiam opere confirmanda sit ; atque adeo æque contentus esse quis debeat , sive duos , sive benignos habeat Superiores , in grato , vel ingrato loco , Amicis aut Inimicis , cum vel absque magnis commodis habitare jubeatur ; hoc enim plenam sui oblacionem veraciter factam esse arguit .

Confidera II. Quam æquum sit , ac necessarium , ut omnes quidem Homines , præcipue tamen Sacerdotes , ejusmodi Indifferentiam habere studeant ; si enim generosi Milites prædæ , aut Gloriæ intenti , aut Mercatores lucro pecuniæ inhiantes , nullum inter ejusmodi Loca , Personas , Commoda discrimen faciunt , sed eo Lati , & Alacres properant , quo Voluntas Ducis , & Gloriæ , prædæque aut lucri majoris spes vocat ; quidni , & Sacerdos , utpote verus Miles Christi , & Gloriæ Divinæ augmento , & lucro Animarum intentus , ibi potissimum , & cum illis vivere , agereque desideret , & apud quos majoris DEI Gloriæ , lucrique Animarum spes affulget ?

Confidera III. An tu hactenus ejusmodi Indifferentiam habueris, aut habere deinceps velis? Colloquium.

### Punctum III.

Confidera I. Cur Christus ab anno duodecimo usque ad trigefimum nihil aliud de se scribi voluerit, nisi quod subditus fuerit suis Parentibus, & per hoc ætate, Sapientia, & Gratia coram DEO, & hominibus creverit; nimirum ut iterum doceret Exemplo suo, quod si Homines perfectam sui Oblationem plenius demonstrare, ac confirmare cupiant, DEO non tantum in propria Persona; sed etiam per Homines velut Vicarios aut Ministros suos aliquid præcipienti parere debeant; quantoque id, DEI quidem, cujus Personam in Homine aspiciunt, & venerantur, beneplacito; suo vero, dum in Sapientia cœlesti, seu quod idem est, perfectione spirituali ac Gratia, & quæ inde nascitur, Gloria non modice crescent, emolumento ac lucro sint facturi.

Confidera II. Quam libenter, & prompte omnes quidem Homines propter hoc Exemplum subdicere debeant se suis Superioribus, sed præcipue Sacerdotes, ut qui non hoc tantum, sed aliud quoddam magis admirandum ejusdem Servatoris sui Exemplum propositum habent; dum scilicet ipse ad pauca cujuscunque Sacerdotis etiam pessimi ac flagitiosissimi verba de cœlo gloriosus descendit, & sub speciebus Panis, & Vini vilissimis se collocat, tractandumque pro Arbitrio relinquit.

Confidera III. An & quomodo tu hactenus similem obedientiam præstiteris, ac præstare deinceps velis?

Vide etiam Masenium fol. 226. & fol. 498.

### Conclusiones.

I. Ergo sis devotus, & manebit tecum JESUS. Thom. Kemp. l. 2. c. 8. Nam devotus Homo ubique fert secum Consolatorem JESUM, et dicit ei: Adesto mihi, Domine JESU,



**JESU**, in omni loco, et tempore. Hac mihi sit consolatio, libenter carere velle omni solatio humano. Et si mihi tua defuerit consolatio, sit mihi tua voluntas pro summo solatio. l. 3. c. 16.

II. Ergo non magni te reputes, aut specialiter dilectum aestimes, si in magna fueris devotione atque dulcedine, quia in illis non cognoscitur verus Amator Virtutis: nec in istis consistit profectus, ac perfectio Hominis, sed in offerendo te ex toto corde tuo voluntati Divinae, non quaerendo, qua tua sunt, nec in parvo, nec in magno, nec in tempore, nec in aternitate. Lib. 3. c. 25.

III. Ergo quando **DEUS** Omnipotens, & Altissimus, qui cuncta creavit ex nihilo, se homini propter te subiecit, disce obtemperare pulvis: disce voluntates tuas frangere, & ad omnem subjectionem te dare. Lib. 3. c. 13.

Legatur etiam l. 1. c. 9.

## QUINTA DIES.

Tessera.

**V**ivo autem, jam non ego: vivit vero in me Christus: Gal. 2.

## MEDITATIO I.

DE CHRISTI BAPTISMO, JEJUNIO, ET  
TENTATIONIBUS.

Scopus.

Mediorum a Sacerdote adhibendorum constans,  
& serius usus.

Punctum I.

Confidera I. Cur Christus eo tempore, quo cum Proximo agere, ejusque salutem procurare decreverat, prius baptizari a S. Joanne, & accipere Spiritum Sanctum

ctum, & audire vocem de cœlo dicentem: *Hic est Filius meus dilectus, in quo mihi bene complacui, ipsum audite*: voluerit? nimirum ut Exemplo suo primam dispositionem in Apostolo, & Pastore Animarum requisitam doceret, quæ est, ut ejusmodi Apostolus, aut Pastor prius suas infirmitates, & peccata agnoscat, seque ob eas ex corde despiciat, nec meliorem aliis Hominibus judicet; deinde ab omnibus suis sordibus, & peccatis per Baptismum Pœnitentiæ, & firmum propositum accuratissime ejusmodi sordes deinceps vitandi (ne, dum alios purgare cupit, maculet potius) & omnem Justitiam implendi mundare studeat; & præterea non prius istud officium, curamque suscipiat, quam legitime a DEO vocatus, ac per Superiores suos legitime approbatus, & expositus sit, sicque & ipse audire mereatur a DEO Patre: *Hic est Filius meus dilectus, in quo mihi bene complacui: ipsum audite*. Aut a Christo: *Non vos me elegistis, sed ego elegi vos, & posui, ut eatis, & fructum afferatis, & fructus vester maneat*.

Considera II. Quam æquum sit, ut ejusmodi dispositiones Apostolus aut Pastor Animarum habere studeat; si enim, teste S. Paul. Hebr. 5. *Nullus sibi assumit honorem, sed qui vocatur a DEO tamquam Aaron*; neque ullus etiam in hoc Mundo facile tam temerarius, & impudens reperitur, qui ultro se ad proximam dignitatem post Regem aut Principem non vocatus aut electus intrudere præsumat; quanto minus decebit Sacerdotalem, & Pastoralem dignitatem, quæ juxta S. Dionysium Divinorum Officiorum divinißimum est, sine legitima vocatione, & præparatione assumere?

Considera III. An tu cum tali dispositione accesseris ad hoc officium; & si quidem accessisse sic dispositum te advertas, gaude, & confirma, quod egisti; sin minus, corripce, & emenda, quod neglexisti. Colloquium.

### Punctum II.

Considera I. Cur Christus post Baptismum in Eremum  
secessit-

secesserit, ibique quadraginta dies in jejunio, & oratione consumpserit? nimirum ut iterum exemplo suo doceret Sacerdotes, & Pastores Animarum, quomodo se ad subsequendas in Officio Pastoralis tentationes præparare deberent. Si enim Siracides cuivis Servo DEI suaserit: *Fili, accedens ad servitutem DEI, sta in Justitia, & in timore, & præpara animum tuum ad tentationem*; quanto magis ejusmodi tentationes timere debet is, qui non solum ipse abrenuntiat Diabolo, & a Vexillo illius fugit, sed alios etiam ad similem fugam impellere conatur? nam, ut recte S. Gregorius l. 24. mor. c. 13. dicit, *Quanto magis eos sibi oppositos Diabolus conspicit, tanto amplius expugnare contendit.*

Considera II. Quibus potissimum armis seipsum instruxerit, & adversus incursum Hostis præpararit? iis videlicet, quæ ipsemet Marc. 9. indicavit dicens: *Hoc genus in nullo potest exire, nisi in oratione, & jejunio*: nam Oratio quidem ut S. Beda loquitur, *Dæmones fugat, ac Angelos ad adiutorium Salutis invitat: Scutum est in nocturnis terroribus, diurnorum requies laborum.* Jejunium vero, teste S. Maximo hom. 25. *Murus quidam, & Christiana, inexpugnabilis Diabolo, intransgressibilis Inimico.* Quis enim umquam Christianorum jejunavit, & captus est?

Considera III. An & quomodo tu hactenus his armis usus sis, & uti deinceps velis? Colloquium.

### Punctum III.

Considera I. Cur Christus antequam prædicare, & alia Officia ad salutem Proximi spectantia exercere inceperit, tentari a Diabolo, triplicemque ab eo Victoriæ reportare voluerit? nimirum ut omnes Pastores, & Apostoli discerent, nihil magis necessarium esse, ad hoc, ut sine damno suo invigilare salutem Proximi possint, quam ut prius triplicem victoriæ contra Mundum, Carnem, & Diabolum obtinere; seu, quod idem est, Divitiarum, Voluptatum carnalium, & Honoris, ac Gloriæ inordinatum appetitum vincere studeant, ut  
for-

formidabiles facti Hostibus tanto facilius, & audacius etiam alios contra ejusmodi Hostes educere, ac conciliare queant.

Considera II. Quibus armis præcipue Christus usus sit in tentationibus istis? nimirum gladio Spiritus, quod est Verbum DEI Eph. 6. dum eidem semper sententiam quamdam ex S. Scriptura, voluntatem DEI comprehendentem opposuit, eaque feliciter fugavit.

Considera III. Quam aptum sit hoc Instrumentum ad Hostes vincendos, idque ex S. Paulo ad Hebr. c. 4. discere: *Vivus est Sermo DEI, & efficax, & penetrabilior omni gladio ancipiti, & pertingens usque ad divisionem animæ, ac Spiritus.* Vide proin, quomodo tu hætenus eo usus fueris, & uti deinceps velis. Colloquium.

Vide etiam Masenium fol. 257. & 498. & Sacerd. Christianum Ludovici Abellii fol. 318. & seqq.

### Conclusiones.

I. Ergo noli securus esse, noli credere, licet in modum stagni fusum aquor arrideat, licet vix summa Elementi Spiritu terga crispentur: magnos hic campus montes habet, intus inclusum est periculum, intus est hostis. S. Hieron. Ep. 2. ad Heliod.

II. Ergo resistamus Diabolo, & fugiet a nobis, Jac. 4. nam in hoc bello, teste Gebbenensi Antistite, certi sumus de Victoria, dummodo contra Hostes pugnare, ipsorumque insultibus resistere velimus.

III. Ergo fuge Occasiones tentationum; Qui enim oramus, ne intremus in tentationem, sane tentationum occasiones querere non debemus, ait recte D. Chrysostomus hom. 13. in Matth. Quantum igitur possumus, a Lubrico recedamus, qui in sicco parum firmiter stamus. Senec. Epist. 117.

Legatur etiam ex lib. 1. de Imit. Christi c. 13.

## MEDITATIO II.

Pro quinta Die.

## DE VOCATIONE APOSTOLORUM.

Scopus.

*Imitatio Apostolorum in implenda Vocatione.*

Punctum I.

Confidera I. Quos elegerit Christus pro Apostolis suis ; nimirum , ut S. Paulus Epist. 1. ad Cor. cap. 1. loquitur , non Sapientes secundum carnem , non potentes , non nobiles , sed rudes , ignobiles , & pauperes Piscatores . Ad quem finem elegerit ; nempe ut essent Socii sui in perficiendo Redemptionis opere , summamque adeo post ipsum dignitatem obtinerent , uti S. David Ps. 72. prædixit dicens : *Mibi autem nimis honorificati sunt Amici tui DEUS : nimis confortatus est Principatus eorum .*

Confidera II. Cur tales potius viros quam alios in Apostolos elegerit ? nimirum ob causam ab eodem S. Paulo loc. cit. assignatam : *Quæ stulta sunt Mundi , elegit DEUS , ut confundat Sapientes : et infirma Mundi elegit DEUS , ut confundat fortia : et ignobilia Mundi , ac contemptibilia elegit DEUS , ut non gloriatur omnis caro in conspectu ejus .*

Confidera III. Quantus favor , & beneficium per hanc Vocationem Apostolis , & tibi obtigerit ; quamque adeo omnem conatum adhibere debeas , ut , sicut eodem cum illis te honore , & favore dignatus est Christus , ita tu quoque simili cum Apostolis celeritate , ac perfectione vocationem tuam adimplas . Vide proin , quomodo id hætenus feceris , & facere deinceps velis . Colloquium .

Pun.

## Punctum I I.

Confidera I. Quam prompte Apostoli Christum vocantem secuti sint; nimirum *relictis omnibus statim secuti sunt eum*. Luc. 5. nescit enim tarda molimina Spiritus Sancti gratia.

Confidera II. Cur tam celeriter eum secuti sint? quia videlicet interius illustrati non humanam in eo vocem, sed Divinam audire si credebant; atque adeo a quo, ad quem finem, & terminum vocarentur, perpendebant.

Confidera III. Quanto promptius perfectiusque tu ipsum sequi debeas, ut qui & clarius cognoscis, quis sit, qui te vocat; & quid sperare possis, si eum sequaris, nimirum id, quod Jo. 8. ipsemet promiserat dicens: *Qui sequitur me, non ambulat in tenebris*. Non in *tenebris ignorantia*, quia ipse est veritas, & vita; Non in *tenebris infamia*, quia nimis honorati sunt amici ejus: Non in *tenebris peccati*, quia qui cum ipso ambulat, in lume ambulat, atque adeo opera tenebrarum non amat. Resolve te igitur, & conclude, vel nunc cum Apostolis omnia impedimenta abjicere, ut tanto promptius ipsum sequi queas. Colloquium.

## Punctum III.

Confidera I. Quod non celeriter tantum secuti Christum sint Apostoli, sed etiam constanter ei adhæserint, atque in procuranda Divina Gloria, ac animarum salute insigniter eidem cooperati sint.

Confidera II. Quam æquum sit, ut tu quoque tanto ardentius, & efficacius DEO in lucrandis animabus tibi per vocationem beneficium collatum est, & quanto clarius tibi animarum talium pretium constat, utpote pro quibus nosti, ipsum DEI Filium non dubitasse, tot labores suscipere, tot cruciatus, & contumelias perferre, & ipsam denique vitam, sanguinemque profunderet. Unde merito quondam S. Ludgardi vulnæra ostendens dixit: Vide, filia, quomodo hæc vul-

vulnera clament, & efflagitent; ne finas ea frustra me pro peccatoribus obtulisse, sed lacrymis, & afflictionibus corporis offensum Patrem placere studeas. Hinc certe S. Paulus Rom. 9. de seipso fatebatur: *Tristitia mihi magna est, et continuus dolor cordi meo: Optabam enim ego ipse Anathema esse a Christo pro fratribus meis.* Et, ut Act. 20. dicebat, *Per triennium nocte, et die non cessavi cum lacrymis monens unumquemque vestrum.*

Considera III. Quid tu hac in parte egeris, aut etiam deinceps acturus sis; an non dices cum S. Paulo 2 Cor. 12. *Ego autem libentissime impendam, et super impendar ipse pro animabus vestris, licet plus vos diligens, minus diligar.* Colloquium ad Christum.

Vide Masenium fol. 509. aut Sacerdot. Christ. Med. 16. fol. 477.

### Conclusiones.

I. Ergo audi Christum illis Apostolis Ephes. 4. verbis monentem: *Obsecro vos, ut digne ambuletis vocatione, qua vocati estis, cum omni humilitate, & mansuetudine.* Et iterum cum D. Petro 2. c. 1. *Quapropter fratres, magis satagite, ut per bona opera certam vestram vocationem faciatis; sic enim abundanter ministrabitur vobis introitus in aeternum regnum Domini nostri.*

II. Ergo audi S. Franciscum suos monentem: *Magna fratres promissimus, maiora promissa sunt nobis: Noli ergo attendere, quod pondus feras in officio, sed quod præmium sperare possis in termino; sic enim omnes dies, & labores videbuntur pauci præ amoris, & spei magnitudine.*

III. Ergo toto pectore in lucrum animarum incumbe; *Huc enim magistra lex tendit, teste S. Gregorio Naz. huc inter Christum, & legem interfecti Prophetæ: huc spiritualis legis Perfector, & finis Christus: huc exinanita Deitas: huc assumpta caro: huc nova illa mixtio, DEUS, inquam, & homo. Atque hæc omnia propter omnia, & pro uno illo generis nostri Principe in unum conjerunt.*

Legatur etiam ex lib. 3. de imit. c. 59.

CON-

## CONSIDERATIO

Pro quinta Die.

DE ACTIONIBUS AD PROXIMUM  
SPECTANTIBUS.

## Punctum I.

Ante omnia da operam, ut bene intelligas, quanto-  
 pere ad dilectionem Proximi variis ex titulis obligeris.  
 1. Quia DEUS jubet, ut eum sicut teipsum diligas;  
 additque in hoc universam legem, & Prophetas pen-  
 dere: esse majus omnibus holocaustis, & sacri-  
 ficiis. 2. Pater æternus quid magis requirit, quam ut,  
 sicut omnes ejus Filii sumus, ita fraterno quoque af-  
 fectu invicem diligamus; hinc teste S. Joanne 1. c. 4.  
*Hoc mandatum habemus a DEO, ut qui diligit DEUM,*  
*diligit & fratrem suum.* 3. Filius DEI quantopere eam  
 requirat, ipse satis Joan. 13. indicavit dicens: *In hac*  
*cognoscent omnes, quia discipuli mei estis, si dilectionem*  
*habueritis ad invicem.* 4. Sed & Spiritus S. cum sit  
 anima corporis Christi, nihil magis desiderat, quam  
 ut membra omnia arctissime per caritatem invicem sint  
 conjuncta; hinc Eccl. 35. dicitur: *In tribus placitum est*  
*spiritui meo, quæ sunt probata coram DEO, & homini-*  
*bus. Concordia fratrum, et amor proximorum, et vir et*  
*mulier sibi bene consentientes.* 5. Quam S. DEI Mater,  
 & alii Cœlites eam desiderent, vel ex eo colligere li-  
 cet, quod, sicut illi arctissima inter se unione sunt  
 conjuncti, habentes cor unum, & animam unam; ita  
 eandem quoque caritatis unionem videre in nobis ge-  
 stiant, ut Jerosolyma hæc terrestris, cœlestis illius  
 quamdam imaginem referat, & Ecclesia militans trium-  
 phanti quoad hoc sit conformis. 6. Denique quanto-  
 pere ipsa tua tam supernaturalis, quam naturalis vitæ  
 ratio eam a te requirat, vel inde colligitur, quod  
 utroque modo spectati tu, & Proximus fratres sitis  
 ejul-



eiusdem Patris, eodem Christi sanguine redempti, & regenerati, eiusdem quoque Corporis mystici membra ad eandem regni cœlestis hæreditatem vocati. Vide ergo, quam potentes sint hi tituli ad fraternam dilectionem singulari studio exercendam, & fovendam.

Punctum II.

Incipe considerare, quid dilectio hæc a te requirat, & quomodo singula capita hæcenus observaris. Ut autem tanto ordinatius id agas, distinguere potes proximum tuum in tres classes, in Superiores scilicet, æquales, & inferiores, & singulas iterum in alias species subdividere hoc vel simili modo.

§. I.

*Observanda erga superiores Personas.*

I.

*Erga Ecclesiam.*

Insignis Honoratio

Per vitæ sanctitatem.

Filialis subiectio

Per officii Fidelitatem.

Fortis propugnatio

Per doctrinæ potestatem.

II.

*Erga Episcopos, aliosque Superiores.*

Summa reverentia,

Quia DEI Vicarii.

Charitas ingenua,

Quia Patres piissimi.

Obedientia promptissima,

Quia pastores optimi.

III.

*Erga Magnates.*

Honoris iusti oblatio,

Propter status eminentiam.

Favoris conservatio

Propter virium potentiam.

Locutionis cautio

Propter periculi præsentiam.

§. II.

*Observanda erga Aequales.*

I.

*Erga alios Sacerdotes.*

Concordia in affectu

Propter Vinculum Fraternitatis.

Reverentia in colloquio

Propter meritum dignitatis.

Promptitudo in obsequio

Propter titulum æqualitatis.

II.

*Erga Benefactores.*

Beneficii agnitio

Per dignam æstimatiõnem.

Gratiarum actio

Per crebram prædicationem.

Vicissitudinis exhibitio

Per obsequiorum delationem.

III.

*Erga Inimicos.*

Injuriz condonatio

Per Divinam dilectionem.

Orationis oblatio

Per ignorantiz prætensionem.

Amoris conciliatio

Per beneficiorum collationem.

IV.

*Erga Vicinos, & Amicos.*

Pacis constans dilectio

Propter communem consolationem.

Jurium conservatio

Propter Justitiz defensionem.

Auxilii oblatio

Propter Amoris obligationem.

V.

*Erga Mulieres.*

Rarissima Aspectio

Pro-

- Propter castimoniam conservationem.
- Brevissima collocutio
- Propter publicam ædificationem.
- Cautissima conversatio
- Propter lapsus devitationem.

**VI.**

*Erga Pauperes, & Miseros.*

- Suavis allocutio
- Ad causandam consolationem.
- Christiana Compassio
- Ad demonstrandam dilectionem.
- Amorosa subventio
- Ad faciendam sublevationem.

**VII.**

*Erga Hospites.*

- Benevola exceptio
- Propter hospitalitatem.
- Liberalis tractatio
- Propter Charitatem.
- Jucunda conversatio
- Propter hilaritatem.

**VIII.**

*Erga Defunctos.*

- Creberrima recordatio
- Propter gratiæ societatem.
- Tenerrima commiseratio
- Propter poenæ acerbiteriam.
- Celerrima subventio
- Propter auxilii necessitatem.

**§. III.**

*Observanda erga Inferiores.*

**1.**

*Erga Parochianos.*

- Amor universalis
- Propter causæ similitudinem.
- Zelus prudens
- Propter officii amplitudinem.
- Vita exemplaris
- Propter suasionis aptitudinem.

Impera discretè negotium

Propter infirmitatem.

Exige mansuete supplicium

Propter charitatem.

Redde fideliter præmium

Propter æquitatem.

### Punctum III.

Porro ad hæc caritatis fraternæ officia præstanda proderit frequenter unum, vel alterum ex sequentibus mediis adhibere.

I. Assuesce omnes proximos, cum quibus tibi agendum fuerit; ut imagines, & exemplaria DEI intueri; sic enim non modicum senties stimulum, & ad omnem proximi læsionem studiose cavendam; & ad omnem illi honorem, & reverentiam exhibendam; quem enim horrorem non sentis, si imaginem aliquam sacram ab irato aliquo homine ex indignatione lacerari, vel alio modo inhonorari vides? quanto magis horrebis tu ipse proximum offendere, si eundem ut vivam DEI imaginem contempleris.

II. Assuesce pariter, eundem proximum ut ipsum Christum intueri, illamque Christi sententiam firmiter menti imprimere: *Quantum fecistis uni ex his fratribus minimis meis, mihi fecistis*. Matth. 25. Quam enim promptitudinem, lætitiâ, & fervorem non in te experireris, si Christum alicubi vel ægrotantem, vel alia in miseria constitutum, & tuam opem petentem jaccare scires; quam grandem displicentiam ostenderes, imo etiam omni possibili modo dehortareris, & cohiberes, si quempiam male de eo loquentem, murmurantem, aut alio modo injuriantem aspiceres; quanto minus ipse hæc proximo tuo facere præsumes, si in eo Christum intueri studueris.

III. Assuesce proximum tuum ut fratrem non carnalem, sed spiritualem intueri; si enim fraternitas carnalis

nalis tantopere impellit ad mutuam caritatem ; & obsequia exhibenda, omniaque mala, quæ nocere fratri possunt, summo studio arcenda ; quanto magis fraternitas spiritualis, quæ ex novissimo Christi sanguine ortum trahit, & cohæredes regni cœlestis facit, similem affectum cordi ingenerabit, atque ad omnia bona proximo optanda, & procuranda impellet ; mala vero, quæ ei accidere possunt, omnia arcebit.

Vide ergo, quomodo hæc media hætenus adhibueris, aut adhibere deinceps velis.

Lege etiam, si placet, memoriale Sacerdotis a fol. 4. usque ad 13.

## MEDITATIO III.

Pro quinta Die :

*DE TRIENNIO ULTIMO CHRISTI ANTE PASSIONEM EXACTO.*

Scopus.

*Imitatio Christi in agendo cum Proximo :*

Punctum I.

Considera I. Quid Christus toto hoc triennio egerit ; nimirum id, quod ipsemet Luc. 12. dixit : *Ignem veni mittere in terram, & quid volo, nisi ut accendatur?*

Considera II. Quod iste ignis non sit alius, quam zelus ardentissimus majorem æterni Patris gloriam, & animarum salutem quærendi ; quem tribus potissimum instrumentis, seu mediis declaravit ; videlicet orationibus continuis, exhortationibus solidissimis, & beneficiis corporalibus, & spiritualibus ; hoc enim triplex illud est vinculum, quod difficulter rumpitur, & de quo ipse per Prophetam Oseam dicebat cap. II. *In funiculis Ada trabam eos, in funiculis charitatis.*

Considera III. Cum tu ob eundem finem ad statum

sacerdotalem, & curam animarum vocatus sis; quantopere deceat, ut eundem zeli ardentis ignem in te primum accendere, deinde vero etiam per supra dicta tria media declarare studeas. Examina proin, qualem in te hactenus zelum expertus sis, & quomodo deinceps saltem eum in te magis accendere, & fovere velis. Colloquium.

## Punctum II.

Considera I. Cur Christus ad zelum suum explicandum ignis similitudine sit usus, nimirum ut per hoc indicaret, tunc perfectum fore zelum nostrum, si ignis proprietates habuerit. Et I. quidem sicut ignis, dum alios calefacit, semper sursum tendit, ita & tu, dum cum aliis agis, mentem per bonam intentionem, & pias aspirationes semper ad cœlos erectam habeas. II. Sicut ignis, dum alias res accendit, nihil de calore suo proprio amittit, ita & tu diligenter caveas, ne, dum alios calefacere studes, ipse in propriæ perfectionis studio intepescas. III. Sicut ignis pauperem æque, ac divitem calefacit, ita & tu æqualem omnium curam suscipias, ubi æqualis est necessitas. IV. Sicut ignis magis propinquos vehementius, & citius accendit, ita & tu primam eorum curam habeas, qui ob maiorem necessitatem magis tibi propinqui sunt, magisque auxilium tuum exigere videbuntur. V. Sicut ignis cupit omnia in se convertere, ita & tu, quantum in te est, omnes caritate DEI, & proximi flagrantibus efficere studeas. VI. Sicut ignis prius exsiccat rem, quam accendere cupit, ita & tu peccatores prius a peccatis, & carnalibus desideriis liberes, quam eos ad varias virtutes exercendas hortaris, & instruas. VII. Sicut ignis non extinguitur, quamdiu lignum adest; ita & tu zelum tuum non prius extinguere sinas, quam vita te, virtusque, & occasio deficiant.

Considera II. Quam efficax hic modus, aptusque sit ad animas lucrandas; ut, qui, sicut ignis proprietates in se continet, ita maximam quoque, perinde ut ignis, efficaciam habet, ad animas amore DEI inflammandas,

das, & per hunc velut propriam DEI Filiorum. Telleram æternæ beatitudinis capaces reddendas.

Confidera III. An tu hactenus similem zelum habueris, & deinceps saltem procurare velis? Colloquium.

Punctum III.

Confidera I. Quibus motivis veluti lignis usus sit Christus ad hunc in te zelum excitandum, & fovendum; nimirum tribus præcipue. I. *Æstimatione Gloriæ Divinæ*: quam tanti sciebat esse faciendam, ut etiam infinitorum mundorum salus cum illa comparata nihili sit æstimanda, cum hæc limitata dumtaxat, & finita sit, illa autem omni limite, ac termino careat. II. *Æstimatione animarum*: quas sciebat, tanti a DEO Patre æstimatas, ut non dubitarit, ipsum Unigenitum suum mittere ad easdem ab interitu liberandas. III. *Æstimatione præmii pro ejusmodi zelo offerendi*: Si enim teste S. Chrysostomo, grätius DEO obsequium præstat, qui unicum peccatorem convertit, quam si immensas divitias in pauperes erogasset, facile apparet, quam ingens præmium a DEO omnem sperare possit, qui omnem, aut potiore certe vitæ suæ partem ejusmodi zelo exercendo impendit.

Confidera II. Quam efficacia sint hæc motiva ad tuum quoque animum ejusmodi zelo inflammandum; si enim dæmon ex odio Divinæ gloriæ, & hominum, majori, ut ipse quondam falsus est, impetu in perniciem animarum fertur, quam torrens rapidissimus ex altissimo monte in subjectam vallem ruit; quanto magis amor Divinæ gloriæ, & animarum simile in te desiderium easdem salvandi excitare poterit.

Confidera III. Quomodo tu hactenus istis motivis usus sis, & uti deinceps velis.

Vide etiam Masenium fol. 509. aut Sacerd. Christi p. 3. c. 11. & p. 5. med. 16.

Conclusiones.

I. Ergo talem habentes Dominum, tam misericordem,

Aa 4,

tam

tam benignum, tam mansuetum, tum nostri, tum fratrum nostrorum curam geramus; nam & hoc nostra salutis argumentum erit, & occasio, si non solum pro nobis ipsis solviti, sed & proximo utiles fuerimus, ipsum ad viam veritatis manducentes. S. Chrysostomus hom. 3. in Gen.

II. Ergo in quantum te profecisse pensas, etiam alios tecum trabe; in via Domini socios habere desidera: si ad DEUM tendis, cave, ne ad eum solus venias. Hinc in Apocalypsi c. 22. scriptum est: Qui audit, dicat: veni: ut qui jam in corde vocem superni amoris acceperit, foras etiam proximis vocem exhortationis reddat. S. Greg.

III. Ergo offer te DEO, & dic cum Isaia: Ecce, Domine, mitte me. Nam, ut bene S. Gregorius Theol. advertit, Nemo magis, & DEO, & sacrificio, & Pontifice dignus est, nisi qui prius seipsum DEO hostiam viventem, & sanctam exhibuerit, rationalemque cultum, gratum atque acceptum ostenderit,

Legatur etiam l. 2. c. 3. de imit.

## TERTIA HEBDOMAS.

Scopus hujus hebdomadis est, Christi virtutes in patientiando exercitas imitari, quæ uti specialem in se difficultatem, atque adeo etiam dignitatem, & excellentiam continent, ita specialem quoque considerationem merentur, pro qua proinde S. Ignatius integram tertiam hebdomadam assignavit.

## S E X T A D I E S.

Tessera:

**T**essera. Exemplum dedi vobis, ut, quemadmodum ego feci, ita & vos faciatis. Jo. 13.



# MEDITATIO I. DE LOTIONE PEDUM.

Scopus.

*Sacramenti Pœnitentiæ rite peragendi, & administrandi  
propositum.*

Punctum I.

Considera I. Cur Christus ante institutionem SS. Sacramenti Discipulis suis pedes lavare voluerit; ut scilicet suo exemplo doceret omnes futuros Sacerdotes, quanta cum puritate conscientiæ, & ipsi ad SS. Sacramentum Eucharistiæ accedere, & alios ad id suscipiendum præparare debeant.

Considera II. Quam iuste idem Christus ad sui Eucharisticam perceptionem, singularem puritatem exigat; si enim dum adhuc mortalis incarnari, & nasci voluit, non nisi purissimæ, & ab ipsa etiam originali macula immunis Virginis hospitium elegit; quanto magis nunc tam gloriosus summam ab iis, qui eum suscipere volunt, sanctitatem, & puritatem requiret.

Considera III. Si ab omnibus Christianis tanta puritas requiritur, quanto major ab ipso Sacerdote jure meritissimo exigatur, ut qui non simplici tantum modo eundem suscipit, ut alii Christiani, sed etiam consecrat, & per modum immaculati Sacrificii æterno Patri offert. Vide ergo qualem tu puritatem hæcenus attuleris, & afferre deinceps velis? Colloquium.

Punctum II.

Considera I. Quod Christus non quacumque cæremonia, sed specialiter hac externa, ac visibili lotionem puritatem hanc Sacerdotibus futuris commendare voluerit; ut hac ratione significaret, eos ordinarie non sola  
con-

contritione contentos esse, sed etiam ipsum visibile Sacramentum Confessionis, quoties fieri commode potest, præmittere, atque ad pedes Sacerdotis se abjicere debere.

Confidera II. Quam iustis de causis hoc quoque a te Christus exigit, nempe ut non modo certius, copiosiusque ob maiorem dispositionem, & dolorem, qui plerumque in Confessione elicitur, purificeris, sed etiam ob actus humilitatis aliarumque virtutum tanto dignior, aptiorque efficiaris ad hoc Sacramentum, fructusque illius suscipiendos; cum juxta capacitatem dispositionis præviæ subsequens Sacramentalis operationis effectus dispensetur. Si ergo, dum Princeps aliquis promitteret, se ad se accedentibus tanto liberalius sua dona communicaturum, quanto majora, & capaciora vasa allaturi essent; haud dubie quivis vas amplissimum, quod habere posset, afferret; quidni & tu tanto diligentius hanc industriam per Confessionem præmittendam observes, quanto præstantiora sunt dona, quæ tibi juxta capacitatem tuæ dispositionis offerenda promittuntur.

Confidera III. Quomodo hæctenus hac in parte te gesseris, & gerere deinceps velis? Colloquium.

### Punctum III.

Confidera I. Nec ipfas etiam Cæremonias in lotionepedum sine speciali mysterio fuisse adhibitas: indicare namque per eas voluit Christus, quid in aliis lavandis, seu Confessionibus audiendis observare specialiter debeant futuri Sacerdotes; nimirum 1. Linteo puritatis tam Animæ (propter reverentiam Sacramenti) quam corporis (per firmum Castitatis servandæ propositum, ne dum aliorum sordes audiunt, etiam ipsi maculentur) se cingendo. 2. Genua flectendo, tum per præviam petitionem gratiæ; tum per humilem sui sub omnium pedibus incurvationem, ne, dum aliorum nævos cognoscunt, iisdem meliores se reputantes extollantur. 3. Æquali cum charitate, & sollicitudine omni-

mnibus sine discrimine sordes peccatorum per absolutionem auferendo ; & lacrymarum reliquias per piam , & consolatoriam exhortationem abstergendo .

Confidera II. Quam solidus , & efficax sit hic modus , Confessiones cum magno incremento gloriæ Divinæ , cum ingenti tuo merito , & cum magno profectu , & solatio pœnitentium excipiendi ; quamque adeo merito de eo illud Christi dictum applicare tibi debeas : *Exemplum dedi vobis , ut , quemadmodum ego feci , ita & vos faciatis .*

Confidera III. Quomodo tu hætenus hunc modum observaris , aut certe deinceps observare velis ? Colloquium .

Videri etiam potest Ludovicus de Ponte med. 8. part. 4.

### Conclusiones .

I. Ergo vade & tu , & ostende te Sacerdoti ( per humilem Confessionem , ) & offer munus tuum per immaculati Agni oblationem .

II. Ergo scito, quod antiquus Inimicus omnino nitatur impedire desiderium tuum in bono , & ab omni devoto Exercitio evacuare . Displicet illi humilis Confessio , & , si posset , a Communionem cessare faceret . Non credas ei , neque cures illum , licet sæpius tibi deceptionis tetenderit laqueos . Thom. de Kemp. c. 6.

III. Ergo diligenter examina Conscientiam tuam , & pro posse tuo vera Contritione , & humili Confessione eam munda , & clarifica , ita ut nihil grave habeas , aut scias , quod te remordeat , & liberum accessum impediatur . Idem l. 4. c. 7. Quid prodest diu tardare Confessionem ? expurga te cumprimis , expue velociter venenum , festina accipere remedium , & senties melius , quam si diu distuleris . Ib. c. 10.

Legatur etiam lib. 4. c. 12.

## MEDITATIO II.

Pro sexta Die,

## DE SS. EUCHARISTIE INSTITUTIONE.

Scopus.

*Amor erga SS. Eucharistiam, & æstimatio.*

## Punctum I.

Confidera I. Primum finem hujus Institutionis ; scilicet ut esset memoriale infiniti Amoris in sancta Passione demonstrati ; hinc sicut in Cruce Corpus, & Animam, & omnes Sanguinis sui guttulas amore nostri tradidit, & profudit ; ita in hoc quoque SS. Sacramento omnia iterum communicare voluit, & etiamnum ardentissime largiri desiderat. Hinc S. Thomas vocat illud Sacramentum Amoris ; S. Bernardus Amorem Amorum ; & ipse Dæmon ex ore cujusdam obsessi coram S. Hostia confessus est, isthic pro nobis latere ignem Amoris, & pro illis ignem Justitiæ.

Confidera II. Si juxta Sapientes ingratus est, qui Amantem non amat, cum hic amato se totum tradat : quam ingratus tu futurus esses, si quotidie pignus hoc nobilissimum Amoris accipiens, & ad hunc ardentissimum Amoris focum accedens, tamen mutuo necdum Amore accendaris ; & non ardentissimum te eidem uniendi desiderium sentias.

Confidera III. Quomodo deinceps saltem Amoris hujus magnitudinem dignius æstimare, atque ut eidem mutuo Amore respondeas, omnes vires contendere velis. Colloquium.

## Punctum II.

Confidera I. Alterum finem hujus Institutionis ; scilicet  
ut esset

ut esset Convivium ex pretiosissimo ejus Corpore, & Sanguine ad nutriendas, impinguandas, & recreandas nostras Animas institutum.

Confidera II. Quam vere hoc Convivium per illud magnum Convivium, de quo Christus in Evangelio Luc. 14. sub nomine *Cœna magna* locutus est, indicatum fuerit, cum vere hoc Convivium sit magnum propter mysteria, & miracula intervenientia; magnum propter cibum, & potum, ex quibus constituitur; & magnum denique propter insignes fructus, qui ex illius sumptione percipiuntur.

Confidera III. Si magnam sibi Homines gratiam conferi censent, dum vel semel ad mensam suam a Rege quopiam, aut Principe invitantur; quam felicem tu te censere debeas, qui a tanto Rege ad tantum Convivium non semel, sed quotidie sumendum invitaris. Si Miphiboset Jonathæ Filius, postquam a Davide hæc verba, *Tu comedes panem in mensa mea semper*, audivit, præ stupore, & admiratione corruit in faciem suam, adoravitque Davidem, & dixit: *Quis ego sum servus tuus, quia respexisti super canem mortuum similem mei?* Si Jacob Patriarcha Gen. 28. dixit: *Si fuerit Dominus mecum, & dederit mihi panem ad vescendum, erit mihi Dominus in DEUM, cunctorumque, qua dederis mihi, decimas offeram tibi.* Quid te facere par erit, qui panem talem, panem Angelorum, omne delectamentum in se habentem, & omnis saporis suavitatem, in mensa tanti Regis quotidie sumere permitteris? Colloquium.

### Punctum III.

Confidera I. Tertium finem hujus institutionis, nempe ut esset Sacrificium incruentum novæ Legis omnium Sacrificiorum veteris Legis completivum, utpote omnem illorum perfectionem eminentissimo quodam modo continens; hinc est purissimum Holocaustum Sacrificium rememorativum; Eucharisticum, Propitiatorium, Pacificum; unde plus quoque placet unica hujus Sacrificii oblatio æterno Patri; quam omnia Sacrificia olim in veteri Lege oblata.

Con-

Confidera II. Si olim magna Gratia reputabatur, quando quis in Sacerdotem electus, DEO varias victimas, & Holocausta offerre poterat: Si & ipsam Christi Humanitatem ex ea parte felicissimam prædicamus, quod seipsam in Ara crucis in Holocaustum æterno Patri gratissimam semel dumtaxat pro salute totius Mundi offerre potuerit; quam felicem tu reputare te ipsum debeas, cui non victimam bestiarum, sed immaculatum Agnum; non crudeli, & cruento, sed incruento modo; non semel dumtaxat, sed quotidie, pro tua, & omnium Hominum salute offerre concessum est. Quam ingratus proinde futurus sis, si beneficium hoc non, ut par est, agnoscere, & Sacrificium hoc non, quoties potes, omni possibili affectu, ac reverentia tum in gratiarum actionem, tum in alios fines offerre studeas.

Confidera III. Quomodo hætenus tuæ obligationi satisfeceris, aut certe satisfacere deinceps velis? Colloquium.

Vide etiam Masenium fol. 289. aut solitud. Hagio-philæ ultimo die.

### Conclusiones.

I. Ergo audi S. Bernardum ser. 2. in Cœna, & hoc beneficium æstimare disce: *Potestne æstimari, inquit, quale vel quantum est hoc Sanctum Sanctorum, Sacramentum Sacramentorum, Amor Amorum, dulcedo omnium dulcedinum. Hæc sunt vere fercula vitalia Iustorum, et Sanctorum, hic bibuntur in loco uberi Torrentes lactis, flumina mellis, liquores balsami cœlestis. Hic efficitur una Caro Sponsa cum Sponso: unus Spiritus Sancta Anima cum Christo.*

II. Ergo accipe quotidie, quod quotidie tibi profit. Sic vive, ut quotidie merearis accipere; qui non meretur quotidie accipere, non meretur post annum accipere. S. Augustinus.

III. Ergo, ut idem monet, fias Corpus Christi, si vis vivere de Spiritu Christi. De Spiritu enim Christi non vi-  
vis

vis nisi Corpus Christi . Vis et tu vivere de Spiritu Christi , in corpore esto Christi . Sic enim ipsemet dixit Joan. 6. Qui manducat meam carnem , et bibit meum sanguinem , in me manet , et ego in eo ; et qui manducat me , ipse vivet propter me .

Legatur etiam lib. 4. de imit. c. 1.

## CONSIDERATIO PRO VIII. DIE.

### DE ACTIONIBUS AD OFFICIUM PASTORALE SPECTANTIBUS.

#### Punctum I.

Uti in priore Consideratione de Actionibus ad Proximum spectantibus in genere Examen institutum est , ita de iisdem hic in specie fiat reflexio ; scilicet quomodo ea , quæ ad Vocationem , & Officium Pastorale pertinent , observentur ; Id quod haud difficile erit , si quid circa singula tenendum sit , breviter indicetur .

#### I.

##### Erga Vocationem .

Magna Æstimatio

Propter Dignitatis Eminentiam .

Perfecta Cognitio

Propter Muneris Exigentiam .

Studioſa Executio

Propter Præmii Excellentiam .

#### II.

##### Erga Officium .

Exacta Diligentia

Ob Muneris Dignitatem .

Reflexa Experientia

Ob Operationis Facilitatem .

Inviſta Constantia

Ob Coronationis Neceſſitatem .

#### III. Erga

*Pura Intentio**Ad augendum meritum.**Studiosa Operatio**Ad implendum Officium.**Generosa Resignatio**Ad tranquillandum Animum.*

## IV.

*Erga Conversationem.**Sit sancta Conversatio,**Ut Clericus puteris.**Æqualis sit Dilectio,**Ut nullum asperneris.**Sit efficax Locutio,**Ut plurimos lucreris.*

## V.

*Erga Visitationem Ægrorum.**Hos visita velociter**Pro Obligatione.**Alloquere suaviter**Pro Consolatione.**Hortare efficaciter**Pro Confortatione.*

## VI.

*Erga Confessiones audiendas.**Exacta Audientia**De Peccatis admissis.**Severa Reticentia**De Secretis commissis.**Discreta Pœnitentia**De Delictis remissis.*

## VII.

*Erga Conciones.**Apposita sit, & solida**Quoad Materię Inventionem.**Excocta bene, & servida**Quoad Formę Dispositionem.**Décore multo prædita**Quoad*



Quoad ipsam Elocutionem.

## VIII.

*Erga Catechesin.*

Hanc magni semper æstima,

Ut par est æstimari.

Crebro tuis deprædica,

Ut par est commendari.

Summa cum cura explica,

Ut par est observari.

## Punctum I I.

Perpende, quantopere obligeris ad hæc Officia magno cum fervore, ac perfectione obeunda.

I. Quidem ob ingens Vocationis Beneficium; si enim etiam in hoc Mundo ii, qui ad excelsum aliquod, & quæstuosum Officium præ multis aliis Competitoribus eliguntur, tanto magis se obligatos sentiunt ad illud cum omni diligentia obeundum, quanto majori beneficio, ac favore ad illud sunt promoti; quid te facere par erit, qua nullo tuo merito, sola DEI benignissima dignatione ad Officium omnium Officiorum Divinissimum, & altissimum es promotus.

II. Ob gratiæ ad hoc collatæ amplitudinem; quæ quasi est talentum a DEO commissum, unde nisi cum eo opereris, verendum est, ne auferatur, & alteri detur, ut Christus Matth. 25. minatus est. Unde merito S. Paulus ad Corinth. 2. c.6. scripsit: *Adjuvantes autem exhortamur, ne in vacuum Gratiam DEI recipiatis. Ecce nunc tempus acceptabile (operandi) ecce nunc Dies salutis (nostræ & alienæ promovendæ) nemini dantes ullam offensionem (per negligentiam) ut non vituperetur Ministerium nostrum; sed in omnibus exhibeamus nos sicut DEI Ministros in multa patientia &c.*

III. Ob functionum excellentiam, & quæstum: non enim ex ordinatæ sunt ad quodcumque temporale lu-

B b

crum

crum faciendum, sed ad Animas omnibus rebus corporeis longe præstantiores, & infinito Sanguinis Christi pretio redemptas lucrandas; unde quanto amplius sperare poteris præmium, si munere tuo recte fungaris, tanto gravius timere debebis supplicium, si male illud administres. Certe si ullibi, hic locum habebit illud Sap. 6. *Potentes potenter tormenta patientur.*

### Punctum III.

Ut ergo tanto facilius accuratiusque hac in parte Officium tuum præstes, sequentia tria media adhibere stude.

I. Arctissimam cum DEO conjunctionem, tum per Charitatis virtutem, tum per familiarem in Exercitiis Spiritualibus Conversationem; sic enim ut Palmes tanto copiosiores feres fructus, quanto arctius viti veræ, id est, Christo, fueris conjunctus.

II. Da semper operam, ut Zelum Animarum, & vigentem retineas, & quotidiano nutrimento per considerationem motivorum ad eundem excitantium, & ferventem eiusdem a DEO postulationem, & actualement, ac sedulam Operationem conserves, & augeas; quo enim ardentior, & vivacior hic Zelus fuerit, tanto alacrius, & diligentius, & hoc ipso etiam plerumque fructuosius Muneris tui functiones persolves.

III. Mon tam ad labores, & difficultates, quas in Functionibus tuis pateris, quam ad fructum, & lucrum tuæ, & alienæ Salutis oculos reflecte; sic enim omnes dies, & labores videbuntur pauci, & breves præ amoris magnitudine, qua in DEUM, tuamque, & aliorum Animas flagrabis.

## MEDITATIO III.

Pro sexta Die.

DE AGONIA ET ORATIONE CHRISTI  
IN HORTO.

Scopus.

*Præparationis solida ad tribulationes excipiendas  
studium.*

Punctum I.

Confidera I. Cur Christus etiamſi ab ipſo jam Conceptionis ſuæ puncto clariffime cognoverit omnia tormenta, & dolores, qui in præſenti Agonia ipſi proponebantur, & ſanguineum ſudorem eliciebant, numquam tamen hanc conſiderationem ſerio, & cum triſtitia ſuſceperit, donec ipſum Paſſionis tempus appropinquavit; videlicet ut iterum ſuo exemplo nos doceret, ne de tribulationibus futuris ante tempus nimium ſoliciti, triſteſque eſſemus, ſed expectaremus, donec ipſum eandem ſuſtinendi tempus adveniat.

Confidera II. Quam prudens, & neceſſarium ſit hoc monitum omnibus in hac vita per multas tribulationes ad Patriam ſupernam tendentibus; ne ſcilicet ante tempus miſeri eſſe velint, & crucem gravioſiorem ſibi per antecedentem imaturum timorem efficiant; nam ut recte Th. de Kemp. l. 3. c. 30. Quid importat ſollicitudo de futuris contingentibus, niſi ut triſtitiam ſuper triſtitiam habeas? ſufficit diei malitia ſua. Vanum eſt, & inutile de futuris conturbari, quæ forte numquam evenient.

Confidera III. An non & tu hactenus ejuſmodi vanis timoribus ſubjectus fueris, & quomodo eoſdem deinceps devitare velis, totum te in ſinum ſuaviſſimæ DEI providentiæ conjiciendo, & cum Heſi dicendo:

B b 2

Domini

*Dominus est, quod bonum est in oculis suis, hoc faciat, Colloquium.*

### Punctum II.

Confidera I. Cur imminente Passione Christus in montem Oliveti exiverit, ibique assumptis tribus tantum Discipulis Petro, Jacobo, Joanne orationem, & quidem talem; *Pater si possibile est, transeat a me calix iste: verumtamen non sicut ego volo, sed sicut tu.* Matth. 26. peregerit? nimirum ut absolutissimum exemplar relinqueret, doceretque, quid appropinquante aliqua tribulatione agere debeamus; videlicet 1. Confugere ad Misericordiam DEI per montem Oliveti significatam 2. Exercere actus *Fidei*, qua credamus, hanc tribulationem a DEO singulari cum Providentia mitti: *Spei*, qua certo confidamus, ipsum non permissurum, ut supra id, quod possumus, tentemur, sed facturum etiam cum tentatione proventum: & *Charitatis*, qua nihil aliud, nisi solum DEI beneplacitum inquiramus; hæ enim virtutes per tres illos Discipulos sunt indicatæ. 3. Per humilem, & ferventem orationem, cum debita tamen Indifferentia factam, amotionem imminentis mali petere.

Confidera II. Quam solidus hic, & perfectus sit modus tribulationes imminentes excipiendi, ita ut nihil a prudentissimo quoque, perfectissimoque Homine requiri amplius possit.

Confidera III. Quomodo tu hætenus hunc modum observaveris, aut observare deinceps velis? Colloquium.

### Punctum III.

Confidera I. Quos effectus, & fructus Christus ex hac sua Oratione, & Fiducia ad Misericordiam Divinam, & æternum suum Patrem perceperit? nimirum tres sequentes. 1. Ut Angelus de Cælo missus eum consolaretur ostendendo ei, quanta in universum genus humanum commoda, quanta in ipsum Christum gloria, & qua-

& quatenus in Patrem æternum Honor redundaturus eſſet; ſi Calicem Paſſionis oblatum exhauriret. 2. Ut adeo confortaretur, atque ad exhauriendum Paſſionis calicem animaretur, ut non exiſpectans Hoſtium adventum ultro illis occurreret, atque ad Diſcipulos dixerit: Surgite eamus. 3. Ut admirandam ſemper Pacem, & animi æquitatem toto Paſſionis tempore retineret, neque ullum umquam aut commoti, aut triſtioris animi indicium amplius præſeferret.

Conſidera II. Quam præclari ſint hi fructus, & tibi etiam vel maxime optandi, ut qui ſicut Servatoris Officium in procuranda Proximi ſalute imitandum. iuſcepisti, ita merito nihil aliud, quam Cruces, & Tribulationes ſperare poſſis; ad quas proinde generoſo pectore ſupportandas prædictus modus non modicum tibi perinde ac Chriſto, robur ac ſtimulum addet.

Conſidera III. An tu ejuſmodi hætenus effectus expertus ſis, & quomodo deinceps ſaltem eodem per praxin ſedulam ſupradicti modi procurare velis? Colloquium.

Videri etiam poteſt Maſenius. fol. 301.

### Concluſiones.

I. Ergo in adverſis tuis memento Sententiæ 2. Par. 20. a Joſaphat prolatae, & dic cum ipſo: *DEUS noſter, in nobis non eſt tanta Fortitudo, ut poſſimus huic multitudini reſiſtere, qua irruit ſuper nos. Sed cum ignoremus, quid agere debeamus, hoc ſolum habemus reſidui, ut oculos noſtros dirigamus ad te.*

II. Ergo audi conſilium pii Aſcetæ l. 3. c. 30. in Perſona Chriſti ſic te adhortantis: Fili, ego Dominus confortans in die tribulationis. Venias ad me, cum tibi non fuerit bene. Hoc eſt, quod maxime Conſolationem impedit cœleſtem, quia tardius te convertis ad Orationem; nam antequam me intente roges, multa interim ſolatia quæris, & recreas te in externis, ideoque fit, ut parum omnia proſint, donec advertas, quia ego ſum, qui eruo ſperantes in me, nec eſt extra

me valens auxilium, neque utile consilium, sed neque durabile remedium.

III. Ergo adveniente tribulatione dic cum eodem Asceta l. 3. c. 29. Et nunc quid inter hoc dicam? Domine fiat voluntas tua. Ego bene n. erui tribulari, & gravari. Oportet utique, ut iustineam, & utinam patienter! donec transeat Tempestas, & melius fiat.

Legatur etiam lib. 3. de Imit. c. 50. & per tertium modum orandi percurratur.

## SEPTIMA DIES.

Tessera.

*Eamus & nos, & moriamur cum illo.* Joan. c. 11. v. 16.

## MEDITATIO I.

### DE PASSIONE CHRISTI.

Scopus.

*Propositum artis patiendi addiscenda.*

Punctum II.

Considera I. Quam graves tam corporis, quam Animi cruciatus toto Passionis suæ tempore passus sit Christus, sive extensive, sive intensive eisdem spectes; sive enim ipsam ejus Personam infinita dignitate, ac sanctitate præditam, sive Judæos, & Liectores homines vilissimos, ingratisissimos, & malitiosissimos: sive tormentorum varietatem, & crudelitatem; sive Præsidum, Judicumque Iniquitatem, & Odium; sive Solatii, & Auxilii omnis absentiam consideres, undique videbis ingens his cruciatibus pondus accessisse.

Considera II. Quanta cum Patientia, promptitudine, & alacritate hos omnes cruciatus sustinuerit; nam de primo quidem, nempe quod *patienter* eos sustinuerit, testatus est Isaias cap. 53. dicens: *Sicut Ovis, ad occisionem ducetur, & quasi Agnus coram tondente se obmutescet,*  
& non

*Et non aperiet os suum.* De altero testatus est idem I. c. dicens: *Oblatus est, quia ipse voluit, & colligitur ex eo, quod ultro occurrerit Inimicis, dixeritque Apostolis: Surgite eamus.* De tertio seu de alacritate, ac gaudio testimonium tulit S. David Ps. 18. dum dixit: *Exultavit ut Gigas ad currendam viam suam.* Imo & ipse idem confessus est. Lucæ cap. 12. *Baptismo habeo baptizari, et quomodo coarctor, donec perficiatur.*

Considera III. Quam longe tu adhuc remotus sis ab hac perfectione patientiæ, & quomodo deinceps saltem hanc artem a Christo addiscere velis. Colloquium.

## Punctum II.

Considera I. Quibus motivis se Christus excitaverit ad hanc Patientiæ Artem exercendam, & tantopere nobis commendandam. Nimirum 1. *Necessitate*: cum enim omnes nos per multas tribulationes oporteat introire in regnum DEI, necesse est utique, ut mature nos ad eas præparemus, ne damnum potius, quam commodum ex eis reportantes bis miseri efficiamur. 2. *Utilitate*: cum, teste S. Paulo 2. Cor. 4. *Id, quod leve, et momentaneam est tribulationis nostra, æternam gloriæ pondus operetur in nobis; & ut recte Thomas de Kemp. l. 2. c. 12. dixit, Si aliquid melius, & utilius salutis Hominum fuisset, quam pati, Christus utique verbo, & exemplo docuisset.* 3. *Dignitate*: cum per hanc ipse Christus obtinuerit Nomen super omne Nomen, idque omnes etiam alii obtenturi sint, qui cum ipso obediētes usque ad mortem crucis fuerint. 4. *Jucunditate*: cum secundum multitudinem dolorum in corde consolationes DEI latificent animas nostras, teste S. Davide Ps. 93. & expertus sit S. Paulus, *Repletus consolatione, et superabundans gaudio in omni tribulatione sua.* 5. *Facilitate*: quia licet per se difficile videatur adversa pati, hoc tamen respectu illorum dumtaxat verum est, ut bene advertit S. Bernhardus, qui crucem vident, & unctionem non experiuntur; secus vero de illis, qui gustant, quam suavis etiam in ipsis amaritudinibus sit Dominus.

Confidera II. Quam efficacia ſint hæc motiva , dignaque propter quæ omnes quidem Homines , ſed præcipue Sacerdotes , ad hanc Artem addiſcendam omni ſtudio incumbant ; ut , qui ſicut Nomen Domini coram Gentibus cum Paulo portare debent , ita cum eodem etiam illis oſtendatur , quanta oporteat eos pro hoc Nomine pati .

Confidera III. Quantum hætenus in hac Arte profeceris , et quomodo deinceps ſaltem eandem addiſcere velis ? Colloquium .

### Punctum III.

Confidera I. Quam multa , & efficacia ad hanc Artem addiſcendam Media tibi ſuppetant . Nam 1. ſi primus Ardor diſcendi eſt Nobilitas Magiſtri , quid nobilius DEI Filio . 2. Si Condiſcipulorum fervor , & alacritas non parvum diſcentibus ſtimulum addit ad ſimilem fervorem concipiendum , quis non ſumme excitetur ad hanc artem addiſcendam , ſi advertas , præſtantiffimos quoſque Sanctos omnem in ea exercenda operam , ſtadiumque poſuiſſe : Si præmi promiſſi magnitudo non modice etiam excitat ad fervorem diſcendi ; quis non ad hanc artem ſummo ſtudio feratur , cui novit ampliſſimum ſummæ Gloriæ præmium promiſſum ? id quod clare S. Ignatius teſtatus eſt , dicere interdum ad ſuos ſolitus : Si magnus fieri Sanctus deſideras , pete a DEO , ut multas tibi adverſitates immittat ; neque enim aliud aptius invenitur medium ad ejuſmodi Sanctitatem perveniendi , quam multarum tribulationum conſtans , & amorofa perpeſſio . 4. Si etæ Artes præ reliquis avide , & ſtudioſe addiſcuntur , quarum frequens , imo aſſiduus eſt uſus , & quidem cum magno emolumento conjunctus ; quis Artem patiendi non ante omnes addiſcere ſtudeat , cujus perpetuus uſus , & ampliſſimus fructus exiſtit ?

Confidera II. Quantas iterum gratias debeas Magiſtro tuo , quod non modo ad hanc artem addiſcendam te qua Verbis , qua Exemplo ſuo invitavit ; verum etiam  
tam



tam multa, tamque efficacia media suppeditavit ad eandem facilius addiscendam, & exercendam.

Considera III. Quomodo tu hactenus hæc media usurpaveris, & usurpare deinceps velis. Colloquium.

Videri potest etiam Masenius fol. 312. vel Sacerdos Christianus Med. 5. pars 5.

### Conclusiones.

I. Ergo exhibeamus nos sicut DEI Ministros in multa patientia in tribulationibus, in angustiis, in plagis, in carceribus, in seditionibus, in laboribus, in vigiliis, in jejuniis &c. per arma Justitiæ a dextris, & a sinistris, per gloriam, & ignobilitatem, per infamiam, & bonam famam. 1. Cor. 6.

II. Ergo gaudium existima, cum in varias tentationes, & tribulationes incideris, sciens, quod probatio Fidei patientiam operetur, patientia autem opus perfectum habet. Jac. 1.

III. Ergo doctrinam tuam patientia tua confirma; nam doctrina viri per Patientiam noscitur, teste Salomone Prov. 19. & ideo, ut bene dixit S. Gregor. hom. 35. super Evang. Tanto quisque ostenditur minus doctus, quanto convincitur minus patiens; nec enim potest veraciter bona docendo impendere, si vivendo æquanimiter nesciat mala tolerare.

Legatur etiam lib. 2. c. 12. ex imit. Christi.

## MEDITATIO II.

Pro septima Die.

### DE CRUCIFIXIONE ET MORTE CHRISTI

Scopus.

Crucifixionis, & mortis spiritualis ardens desiderium.

Punctum I.

Considera I. Qualem & quam dolorosam, ignominio-

niosam, & luctuosam mortem sustinuerit Christus; cum eo tempore tum ob præteritos dolores, & defatigationes; tum ob novam manuum pedumque perterebationem, tum ob multitudinem adstantium, mortique ejus consentientium, tum ob derelictionem non tantum ab hominibus solatium ferre, aut non volentibus, aut non valentibus, sed ab ipso etiam æterno Patre omnes tam corporis, quam Animi cruciatus haud dubie innumeris partibus sint aucti, ita ut tunc cum veritate dicere potuerit: *O vos omnes, qui transitis per viam, attendite, & videte, si est dolor, sicut dolor meus.* Thren. 1.

Considera II. Cur hanc tam acerbam mortem sustinere voluerit, cum tamen præcedentes dolores jam sufficientes fuissent ad totum Genus humanum redimendum; ob quatuor videlicet causas. 1. Ut excessum sui Amoris ostenderet, sicque facto ipso confirmaret, quod verbis prædixerat; Majorem caritatem nemo habet, quam ut Animam suam ponat pro Amicis suis. 2. Ut morte sua vitam nobis pareret, nec vivendi dumtaxat bene, sed etiam moriendi modum, & Artem doceret. 3. Ut mortis suæ acerbitate nostræ mortis amaritatem temperaret, & dulcoraret. 4. Ut ad mortem spiritualem ipsius amore suscipiendam nos excitaret.

Considera III. Quantas gratias Christo debeas ob singulas has causas, quamque adeo merito cum S. Bernard. exclamare debeas: *Nemo deinceps sibi vivat, sed ei, qui pro se mortuus est: cui enim justius vivam, quam ei, qui, si non moreretur, ego non viverem.* Colloquium.

## Punctum II.

Considera I. Quid sit Mors spiritualis, quam cum Christo obire debes; nimirum separatio moralis Animæ a Corpore, & traditio Spiritus in manus Cœlestis Patris, id est, ut non jam quæ corpus seu inferior Homo appetunt, desideres, & secteris, sed solum æterni Patris beneplacitum: sic enim Apostolus Rom. 12. hortatus est dicens: *Nolite conformari huic sæculo, sed resor-*

*reformamini in novitate sensus vestri, ut probetis, quæ sit Voluntas DEI bona, beneplacens, & perfecta. Sic enim cum veritate dicere poteris: Mibi Mundus crucifixus est, & ego Mundo.*

Confidera II. Quam libenter hanc mortem suscipere debeas; utpote de qua vere etiam sicut de morte Christi, dici queat, quod sit pretiosa in conspectu Domini: pretiosa ob difficultatem (quia, cum nemo seipsum odio habeat, difficile est, sibiipsi vim inferre) pretiosa ob diuturnitatem, quia non tribus dumtaxat horis, sed toto vitæ tempore durare debet: pretiosa propter utilitatem; quia ipsa est unicum medium ad veram Animæ vitam obtinendam, juxta notum axioma: *Tantum vivis DEO, quantum moreris tibi*: pretiosa propter jucunditatem, quia per eam vere pax, & tranquillitas Animæ obtinetur; cum nihil æque huic paci obstet, quam amor proprius, qui per hanc mortem penitus interimitur.

Confidera III. An hætenus sic spiritualiter mortuus fueris, aut mori deinceps velis? Colloquium.

### Punctum III.

Confidera I. Quibus potissimum Instrumentis aut Actionibus Mors Christo illata sit; nimirum clavorum, Malleorum, & Spinarum violentia; hi enim viam Sanguini, & per hunc ipsi etiam Animæ aperuerunt, ut ex corpore exire potuerit.

Confidera II. Quinam sint spirituales clavi, & mallei, quibus tu mortem spiritualement tibi inferre debeas, nempe assidui Actus Mortificationis, quibus violentiam Amori proprio, & Concupiscentiæ inordinatæ inferre conaberis, ut dicere cum S. David Ps. 43. possis: *Propter te mortificamur tota die: æstimati sumus sicut oves occisionis.*

Confidera III. Si Milites ad mortem damnati plerumque pro summa habent gratia, multoque libentius moriuntur, si ab aliquo dilecto amico mors ipsis inferri sinatur; quanto libentius tu mortem istam spiritua-

ritua-

ritualem sustinere debeas, dum tibi conceditur, ut a te ipso velut tibi Amicissimo illa infligi queat, summaque, quæ in hac vita optari potest, felicitas tibi per eam obtingat, cum vere de tali morte dici queat, quod Apoc. 14. DEUS ipse scribi iussit: *Beati mortui, qui in Domino moriuntur: Amodo jam dicit Spiritus, ut requiescant a laboribus suis; opera enim illorum sequuntur illos.* Exclama igitur cum Judæis, & fer sententiam de teipso dicendo: *Reus est mortis: Crucifigatur.* Colloquium.

Vide etiam Masenium fol. 324. Vel Theophilum Weyeri hebdom. 3. medit. de Christo Crucifixo.

### Conclusiones.

I. Ergo exclamantem audi S. Bernardum: *Exurgat DEUS, cadat armatus iste, cadat, & conteratur inimicus homo, Contemptor DEI: Amator sui, Amicus Mundi, servus Diaboli, quid tibi videtur? Certe si recte sentis, mecum dices: Reus est mortis: Crucifigatur, crucifigatur.*

II. Ergo dic cum S. Paulo: *Absit mihi gloriari, nisi in Cruce Domini mei JESU Christi, per quem mihi Mundus crucifixus est, & ego Mundo.* Gal. 6. v. 14.

III. Ergo crede tibi dictum a pio Asceta l. 2. c. 12. *Ecce in Cruce totum constat, & in moriendo totum jacet: & non est alia via ad vitam, & veram internam pacem, nisi via sanctæ Crucis, & Mortificationis.*

Legatur etiam ex lib. 2. c. 11.

## CONSIDERATIO PRO VII. DIE.

### DE ACTIONIBUS AD IPSUM SACERDOTEM SPECTANTIBUS.

#### Punctum I.

Hæ triplicis fere sunt generis, nam aliquæ quidem ad Animam, aliæ ad Corpus, aliæ ad res temporales,

&c

& œconomicas spectant. Quid circa singulas observandum sit, hoc loco erit examinandum juxta regulas mox subjungendas.

I.

*Erga Personam propriam.*

- Cura Oeconomizæ sobria
- Propter majorem ædificationem.
- Cura Corporis moderata
- Propter faciliorem Operationem.
- Cura Animæ præcipua
- Propter potiorem Æstimationem.

II.

*Erga Animam.*

- Malum vita solícite
- Ob grande nocumentum.
- Bonum age præservide
- Ob Gratizæ augmentum.
- Curas inanes abjice
- Ob Pacis incrementum.

III.

*Erga Corpus.*

- Corpus cibo refocilla,
- Ne fame contabescat.
- Justo labore occupa,
- Ne otio torpescat.
- Gratia quiete recrea,
- Ne obrutum languescat.

IV.

*Erga Mensam.*

- Præmitte Benedicite,
- Ut pius agnoscaris.
- Quod sumis, sume modice,
- Ut finem consequaris.
- Per solve grates impigre,
- Ut sæpius pascaris.

V.

*Erga Recreationem.*

- Post Mensam curas abjice,
- Ne cassa Mens gravetur.

Aptam Quietem elige,  
 Ne Corpus enervetur.  
 Honesta Verba loquere,  
 Ne Spiritus laxetur.

## VI.

*Erga Somnum*

Somni Quietem excipe,  
 Ut forte moriturus.  
 Arcana mentis discute,  
 Ut Judicem passurus.  
 DEI favores recale,  
 Ut plures percepturus.

## VII.

*Erga Reditus:*

Modarata Procuratio  
 Secundum Necessitatem.  
 Studioſa Converſatio  
 Secundum Aequitatem.  
 Recta Dispensatio  
 Secundum Pietatem.

## Punctum II.

Subinde accurate perpende motiva, quæ te ſpecialiter impellere debeant ad tui curam Omnibus aliis anteponendam; quorum

Primum eſt illa Servatoris Sententia Matth. 16. indicatum: *Quid prodeſt Homini, ſi Mundum univerſum lucretur, Animæ vero ſua Detrimentum patiatuſ? aut quam dabit Homo commutationem pro Anima ſua?* Unde Siracidas c. 29. monet: *Recupera Proximum ſecundum virtutem tuam, & attende tibi, ne incidas.* Atque hoc iplum confirmando S. Bernardus ſerm. 18. ſuper Cant. *Si ſapis, inquit, Concham te exhibebis, & non Canalem; hic ſiquidem pene ſimul & recipit, & refundit; illa vero, donec impleatur, expectat, & ſic quod ſuperabundat, ſine damno ſuo communicat.*

Secundum, quia ſicut S. Ignatius ſuos monere ſolitus eſt, perſuaſum ſibi habere debet, ſe in medio Na-

tio-

tionis pravæ atque perversæ, & non cum perfectis planeque Sapientibus Hominibus vivere, atque adeo, ne, ut Osee c. 4. dicitur, *fiat, sicut Populus, sic et Sacerdos*, & lucem peccati ab Infirmis, quibuscum agit, contrahat, salutaribus prius Antidotis, Orationis, Mortificationis, Humilitatis, aliarumque virtutum bene armandus est.

Tertium, quia hæc sui ipsius cura, & virtutis studium plus ad salutem Proximi promovendam conducit, quam Doctrina, & alia quæcumque dona naturalia vel humana; *illa enim*, ut S. Ignatius sapienter advertit, *interiora sunt; ex quibus efficaciam ad exteriora permanere ad finem nobis propositum oportet*; unde S. Paulus ad Corinthios I. c. 2. scripsit: *Sermo meus, & prædicatio mea non in persuasibilibus humana Sapientia verbis, sed in ostensione Spiritus, & virtutis, ut Fides vestra non sit in Sapientia verbi, ut non evacuetur Crux Christi.*

### Punctum III.

Ut ergo tanto facilius, & efficacius hanc tui ipsius curam suscipias, ante omnia commendatum tibi sit triplex medium; nimirum

Studium Orationis avidissimum

Ad obtinendam Gratiam.

Studium Mortificationis continuum

Ad purificandam Conscientiam.

Studium Humilitatis necessarium

Ad cavendam vanam Gloriam.

Quorum primum quidem requiritur, quia, *Qui recte novit orare, novit et recte vivere*, teste S. Augustino. Secundum, quia *Qui Christi sunt, carnem suam crucifixerunt cum Concupiscentiis suis*. Gal. 5. Tertium, quia *perit omne, quod agitur, si non in humilitate custoditur*, ut recte S. Gregor. dixit.

Deinde ne, dum amas pericula, pereas in illis, sequentia tria velut Syriæ Sacerdotum peculiari studio devota, & ideo

Degusta Vinum modice

Ob vitandum Scandalum.

Age

Age cum Feminis Angelice

Ob cavendum periculum.

Tracta pecuniam caute

Ob fugiendum vitium.

Denique frequenter te recollige, & renova; quia ut S. Gregorius recte monet, *Silassescere ab inchoatis bonis nolumus, valde necessarium est, ut inchoare nos quotidie credamus.* Hinc & Christus Apostolis Marc. 6. dixit: *Venite in desertum locum, et requiescite pusillum.*

### MEDITATIO III.

Pro septima Die.

#### DE CHRISTI SEPULTURA ET DESCENSU AD INFEROS.

Scopus.

*Charitatis erga Defunctos exercenda studium.*

#### Punctum I.

Confidera I. Quanta cum charitate, & reverentia Josephus ab Arimathæa, & Nicodemus Corpus Christi sepulturæ mandarint; utpote quod firmissime crediderunt, esse idipsum Corpus, quod ad exolvendum Redemptionis humanæ pretium æterno Patri oblatum fuit.

Confidera II. Quam gratum fuerit hoc obsequium Christo: si enim jam olim DEO tantopere placuit obsequium Tobie Senioris in mortuis clam noctu sepeliendis, ut illud ipse S. Angelus Raphael commendans dixerit: *Quando orabas cum lacrymis, et sepeliebas mortuos, et derelinquebas prandium tuum, et mortuos abscondebas in domo tua, et nocte sepeliebas eos, ego obtuli orationem tuam Domino.* Tob. 12. quanto magis placuisse credenda est Sepultura ipsi DEI Filio, eo tempore, quo aut ab omnibus derelictus, aut sepultura carere omnino, aut parum honorificam accipere debeat, cum tanta charitate, & liberalitate præstita.

Con-



Confidera III. Quam præclaram occasionem, hanc charitatem Christo exhibendi habeat quivis etiam Sacerdos Curam Animarum gerens, si cum debitis Cæremoniis, & sincero Miserationis affectu mortuos suos Parochianos ad Sepulturam deducat; quam longe præstantiorem Myrrham, & Aloe, Orationis videlicet, & Sacrificii, ipsi adhibeat, gratissimumque adeo non Defunctis modo, sed ipsi etiam Christo, qui tale obsequium perinde, ac si sibi factum esset, acceptat, exhibeat. Vide proin, quomodo hactenus te hac in parte gesseris, aut gerere deinceps velis? Colloquium.

## Punctum II.

Confidera I. Cur Christus ad Inferos post mortem descenderit; scilicet ut Diabolis quidem aliisque damnatis terrorem incutiens ostenderet, quem peccatis suis tam graviter offendissent, quamque spem Homines damnati habere potuissent Redemptionis, si per veram pœnitentiam ejusdem participes se facere voluissent; eos vero, qui in Limbo, & Purgatorio degebant, eductos, secum in Paradisum cœlestem deduceret, sicque etiam charitatis erga Defunctos exercendæ pulcherrimum exemplum requireret.

Confidera II. Quam copiosa omnibus quidem Homini- bus, sed præcipue Sacerdotibus suppetat occasio hanc Christi Charitatem imitandi, ut qui ex officio suo tenentur, & Sacrosanctum Missæ Sacrificium pro ipsis offerre, & Ecclesiasticam sepulturam præstare, & preces pro Defunctis ab Ecclesia præscriptas offerre, & præterea etiam per Exhortationem tam privatam, quam publicam alios ad similem charitatem exhibendam incitare possunt, sicque Misericordiam juxta mensuram maximam, scilicet bonam, confertam, coagitatam, & superfluentem, dispensare in sinum Defunctorum.

Confidera III. Quomodo hactenus hanc occasionem æstimaris, & arripueris, & deinceps quoque arripere velis. Colloquium.

## Punctum III.

Considera I. Quam multa potentiaque motiva habet Sacerdos ad hanc charitatem Defunctis præcipuo studio exhibendam ; nam si 1. se ut *Pastorem* consideret , earum Animarum , quæ forte ex ejus parochianis in Purgatorio hærent , an non æquissimum videtur , ut oves tam pretioso Sanguine Christi emptas , in gravissimum Purgatorii ignem delapsas ex tali incendio liberare studeat ? an non timebit S. Augustini increpationem dicentis . *Cadit Asinus , & omnes eum sublevare festinant : Clamat Porcus , & ceteri cum eo Porci clamare non cessant : Clamat inter tormenta Fidelis , & non est , qui eum eripiat . Ecce vestra inhumanitas .* 2. Si se , ut *Sacerdotem* spectet , qui potestatem accepit , panem , & vinum Eucharisticum offerendi ; an non ipsi potissimum conveniet Tobiz Senioris monitum . Tob. c. 4. *Panem tuum , & vinum tuum super sepulturam Justi constitue ?* 3. Denique si se ut *Legatum* a Christo ad Animas in cœlestem Patriam deducendas consideret , an non æquissimum iterum videbitur , ut sicut eos in vitæ itinere peragendo , tam solícite promovit , ita in termino jam prope constitutos non deserat , ne , ut P. Jacobus Laynes Soc. JESU Generalis dicere solebat , iusta sit illis causa , charitatem suorum Ductorum velut imperfectam , & mancā accusandi , & querendi , se extremo in itinere , eoque loco destitutos fuisse , ubi nullam omnino sibi ipsis opem afferre queant .

Considera II. Quam efficacia sint hæc motiva , & vel eo etiam ex capite æstimanda , quod , cum Sacerdos frequentiores peccandi occasiones habeat , ipsiusque peccata aliorum Hominum peccatis longe graviora sint , merito gravius etiam Purgatorium timere debeat , quam alii ; a quo tamen sese liberandi efficacissimum est remedium , si quam plurimas Animas ex hoc igne liberare studeat , tunc enim sperare potest impletum iri illud Christi : *Qua mensura mensi fueritis , eadem remittetur vobis .* Luc. 6. Et *Beati misericordes , quoniam misericordiam consequentur .* Matth. 5.

Con-

Confidera III. Quomodo hæc media hucusque adhibueris, & deinceps etiam adhibere velis? Colloquium.

Vide etiam Ludovicum de Ponte p. 5. Medit. I.

### Conclusiones.

I. Ergo audi Siracidem c. 22. monentem: *Supramortuum plora; defecit enim lux ejus*, seu occasio seipsum juvandi, & meritorie operandi.

II. Ergo exclama cum S. Maria Magdalena de Pazzis. O quantum, DEUS meus, tuam Majestatem orare debemus pro Animabus illis miseris, quæ ad te videndum, & fruendum anhelant! O pietatem! O pietatem! O misericordiam! O misericordiam! O Sanguis Christi descende, descende, & hæc Animas libera! O pauperculæ! quæ tantum patimini, & nihilominus estis ita hilares ac contentæ? Omnium Martyrum tolerata supplicia sunt ad instar amœnissimi viridarii respectu eorum, quæ in Purgatorio exantlantur.

III. Ergo audi, & S. Paulum hortantem I. Cor. 8. *Vestra abundantia illorum inopiam suppleat; et illorum abundantia sit vestra inopiæ supplementum*; si scilicet ad Cœlos venerint.

Legatur etiam lib. 3. c. 48.

### QUARTA HEBDOMAS.

**H**ujus hebdomadæ, quæ ad viam unitivam spectat, potissimus Scopus est, gaudiorum, & fructuum, qui ex perfecta cum DEO unione seu Amore oriuntur, magnitudinem considerare, & ex tali consideratione majus in se ejusdem Unionis seu Amoris desiderium excitare. Cum vero hæc magnitudo ex ipsius Christi velut Capitis nostri gloriosa Resurrectione, & Ascensione clarissime luceat, ideo merito de his Mysteriis Materia pro Meditationibus hujus Hebdomadæ præscribitur.

## MEDITATIO I.

Pro octava Die.

## DE RELIGIOSA CHRISTI RESURRECTIONE.

Scopus.

*Desiderium futura Resurrectionis.*

Tessera.

*Scio, quod Redemptor meus vivit, et in novissimo die de terra surrecturus sum. Et rursus circumdabor pelle mea, et in carne mea videbo DEUM Salvatorem meum.*  
Job. 19.

## Punctum I.

Confidera I. Quomodo contigerit hæc Resurrectio; scilicet per unionem Animæ Christi cum Corpore, & communicationem Beatitudinis ipsi Animæ, Dotum vero gloriosarum, puta Impassibilitatis, Agilitatis, Subtilitatis, ac Claritatis ipsi Corpori factam, & quidem in summo gradu, prout summa Christi Virtus, & Sanctitas merebantur.

Confidera II. Quantopere gaudere debeas ob hanc Resurrectionem Christi, tum propter ipsum tamquam Caput tuum ( si enim dum gloriatur unum membrum, congaudent omnia membra, quanto magis tam gloriose coronato capite tuo te eidem summe gratulari, & congaudere conveniet? ) tum propter tuum commodum; si enim, cum Hostis quispiam universali Patriæ debellatus est, commune quoque in omnibus Incolis gaudium, & jubilatio exoritur, quanto magis te exultare, & gaudere conveniet, quando Capitalem totius Humani Generis Hostem triumphatum a Christo fuisse audis?

Con-

Confidera III. Quantus tibi quoque hinc stimulus enafci debeat ad omnes tam Corporis, quam Animi moleftias fumma cum Alacritate, Conftantiaque perferendas, fi memineris, te, ficut Chrifto compaffurus es, ita conglorificatum quoque iri cum ipfo; & ficut Socius Paftionum fueris, ita & Gloriæ futurum. Vide proin, quomodo hoc ftimulo ufus hactenus fueris, & uti deinceps velis? Colloquium.

## Punctum II

Confidera I. Cur Chriftus poft refurrectionem fuam tam longo adhuc tempore in terris permanere, & cum Difcipulis converfari voluerit; nimirum ut non modo Refurrectionis noftre corporalis articulum fua præfentia magis confirmaret; fed etiam ad fpiritualem Refurrectionem fecum instituendam excitaret.

Confidera II. In quo confiftat hæc fpiritualem Refurrectio; fcilicet in hoc, ut veterem noftm Hominem fimul crucifigamus, & novum induamus idque per *Impaffibilitatem* (id eft, immunitatem ab omni peccato velut unico, & proprio malo) *agilitatem* feu promptitudinem ad obfequium Divinum, & Proximi noftri auxilium; *Subtilitatem* feu Efficaciam in penetrandis obftaculis perfectionis; & *Claritatem* fpiritualem boni Exempli, & folidæ doctrinæ demonftremus; ex his quippe indicis vera Refurrectio fpiritualem cognofcitur.

Confidera III. Quibus potiffimum mediis ad hanc Refurrectionem fpiritualem uti debeas; nimirum quod ficut Chriftus Virtute propria refurrexit; ita & tu tibi ipfi generofam violentiam inferre, teque non mortidumtaxat fpiritualem, id eft, peccata violenter eripere, fed etiam ad vitam fpiritualem deinceps instituendam excitare velis. Vide proin, quomodo id hactenus feceris, aut deinceps facturûs fis? Colloquium.

## Punctum III.

Considera I. Quod Christus post Resurrectionem suam variis etiam Personis, præsertim sanctissimæ Matri suæ, Apostolis, Discipulis, Mariæ Magdalenæ, aliisque Mulieribus apparuerit, ac singulare sua præsentia gaudium creaverit; quod quidem tanto majus extiterat, quanto majorem quævis ejusmodi Persona ex illius doloribus, & Passione tristitiam conceperat.

Considera II. Quomodo & tu, si spiritualiter, ut superiori puncto dictum est, surgere studeas, simile gaudium *Matri tuæ*, id est Ecclesiæ: *Fratribus tuis*; id est, aliis Parochis, & Operariis: *Discipulis tuis*, id est, Parochianis, & aliis Fidelibus Christianis creare possis juxta illud pii Ascetæ l. 1. c. 25. *Quam dulce, et jucundum est, videre fervidos, et devotos Fratres, bene morigeratos, et disciplinatos!*

Considera III. Quantopere vel hoc solum etiam motivum tibi sufficere debeat ad Resurrectionem spiritua-lem totis viribus procurandam; si enim tantopere desideras, alia illis temporalia gaudia, & recreationes convivii vel computationibus creare, quanto magis conari debebis, ut Resurrectione tua spirituali eos recrees, ex qua potissimum semper lucrum tu ipse potius, quam aspicientes reportabis. Inquire proin, quomodo hætenus hanc doctrinam cordi habueris, aut habere deinceps velis? Colloquium.

Vide etiam, si placet, Masenium . fol. 337. aut Theophilum VVeyeri. fol. 224.

## Conclusiones.

I. Ergo audi S. Paulum ad Rom. c. 6. hortantem: *Quomodo Christus surrexit a Mortuis per gloriam Patris, ita et nos in novitate vitæ ambulemus. Si enim complantati sumus similitudini mortis ejus, simul et Resurrectionis erimus,*

II. Ergo sequere ejusdem consilium ad Coloss. mon-

nem-

nentis: Si consurrexistis cum Christo, quæ sursum sunt querite, ubi Christus est in dextera DEI sedens, quæ sursum sunt sapite, non quæ super terram. Mortui enim estis, et vita vestra abscondita est cum Christo in DEO: Cum Christus apparuerit vita vestra, tunc et vos apparebitis cum ipso in gloria.

III. Ergo surge, qui dormis, et exurge a mortuis, et illuminabit te Christus. Eph. 5. communicans tibi claritatem suam, & implens illud, quod pius Aſteta l. 3. c. 43. in ejus Persona dixerat. Ego sum, qui humilem in puncto elevo mentem, ut plures æterna veritatis capiat rationes, quam si quis decem annis studuisset in scholis. Nam quidam amando me intime, didicit Divina, & loquebatur mirabilia.

Legatur etiam ex l. 3. c. 49.

## M E D I T A T I O II.

Pro octava Die.

### DE ASCENSIONE CHRISTI.

Scopus.

*Studium magna gloria comparanda.*

Punctum I.

Confidera I. Quanta cum gloria Christus a Patribus e limbo eductis in cœlum deductus, quanto cum Júbilo a SS. Angelis e cœlo obviantibus exceptus, & quanta cum exultatione a Patre æterno ad dextram gloriæ sit collocatus; si enim Romani olim tam gloriosos Triumphos suis Ducibus ob victorias obtentas adornarunt; quantum a Patre amantissimo, & potentissimo apparatus Filio suo Triumphum credemus, qui tantum Hostem, tam nobili, & generosa victoria devicit?

Confidera II. Si mortales tantopere exultant, ubi

primariam quamdam Urbem, e qua tamen sæpe non grande emolumentum expectant, expugnatam audiverunt, quantopere tu exultare debeas; dum a Christo cælum, in quo tibi, & aliis æterna, & omni felicitate referta mansio paratur, expugnatum, & apertum intelligis.

Considera III. An, & quomodo hæctenus gratum te ob hoc beneficium exhibueris, & exhibere deinceps velis? Colloquium.

### Punctum II.

Considera I. Qua de causa præcipue Christus a Patre suo cœlesti tantopere exaltatus, & ad dextram suam sit collocatus; nimirum quia, ut S. Paulus ad Philipp. 2. dixit, *Humiliavit semetipsum factus obediens usque ad mortem, mortem autem Crucis; propter quod exaltavit illum DEUS, & donavit illi Nomen quod est super omne Nomen; & multo magis gloriam super omnem gloriam) ut in Nomine JESU omne genu flectatur cœlestium, terrestrium, & Infernorum, & omnis lingua confiteatur, quia Dominus JESUS in Gloria est DEI Patris. Ipseque jure ad Apostolos dixerit Matth. 28. Data est mihi omnis Potestas in cælo, & in terra.*

Considera II. Quantopere tu quoque in amorem harum trium virtutum, humilitatis scilicet, obedientiæ, & patientiæ exardescere debeas, ut, quanto in illis similior Christo esse studueris in hac vita, tanto conformior quoque eidem olim in gloria sis futurus.

Considera III. Quam multas habeas, & præclaras occasiones harum trium virtutum exercendarum, quamque adeo cupide eas amplecti debeas, ut sicut Christi Personam potestate, & officio repræsentas, ita in moribus quoque eidem simillimus appareas. Colloquium.

### Punctum III.

Considera I. Etsi Christus de facto ad cœlos ascendit, nos tamen non omnino sic deseruisse, ut non etiam in terris nobiscum permaneat, cum signate Matth. 28. Apo-



28. Apostolis dixerit : *Ecce ego vobiscum sum usque ad consummationem sæculi.*

Considera II. Quomodo Christus nobiscum maneat ; nimirum quadruplici modo . 1. *Per realem existentiam in Eucharistia* : ob quam vere potest ad nos illa Levitic. c. 26. verba pronuntiare : *Ponam tabernaculum meum in medio vestri, & non abicies vos Anima mea. Ambulabo inter vos, & ero DEUS vester, vosque eritis Populus meus.* 2. *Pex cooperationem in laboribus, & operibus nostris* : sic enim ipsemet Joan. 15. indicavit dicens : *Ego sum Vitis vera, vos Palmites : Sicut Palmes non potest ferre fructum a semetipso, nisi manserit in Vite ; sic nec vos nisi in me manseritis.* 3. *Per protectionem*, uti S. Cyprianus testatur, dicens : *Qui pro nobis semel mortem vicit, semper vincit in nobis.* Hinc ipse quoque Joan. 16. c. dixit : *In Mundo pressuram habebitis : sed confidite ; ego vici Mundum.* Hac locutus sum vobis, *ut in me pacem habeatis.* 4. *Per Patrocinium* : ideo ipsemet Jo. 16. hortatus est : *Usque modo non petistis quidquam in Nomine meo : petite & accipietis.* Et ideo etiam vulnera sua retinuit, ut tanto efficacius pro nobis oraret, hinc & S. Joannes 1. Ep. c. 2. hortatur : *Si quis peccaverit, advocatum habemus apud Patrem, JESUM Christum justum, & ipse est Propitiatio pro peccatis nostris, non pro nostris autem tantum, sed etiam pro totius Mundi.*

Considera III. Quanta ex hac promissione Fiducia, & Solatium cuivis quidem Christiano, sed præcipue Sacerdoti oriri debeat, si meminerit, se Christum in laboribus socium, in periculis protectorem, in Orationibus Advocatum, & in languoribus consolatorem habere ? An non jure in quovis casu adverso, & necessitate sibi dicentem imaginabitur, quod aliquando Apostolis in tempestate constitutis dixit . *Ego sum, nolite timere.* Matth. 14.

Considera IV. An hætenus ejusmodi Fiduciam, & Solatium habueris, aut certe deinceps habere velis ? Colloquium .

Videri etiam potest Mascenius fol. 419.

Con-

## Conclusiones.

I. Ergo audi S. Cyprianum ser. 6. de Martyribus hortantem: *Dimiccate constanter, militate fortiter, scientes vos sub oculis Domini presentis dimicare; quia non sic est, ut servos suos tantum spectet, sed et ipse luctatur in nobis. Ipse concreditur, ipse in certamine agonis nostri, & coronat pariter, & coronatur.*

II. Ergo, ut monet D. Paulus ad Hebr. 6. *Fortissimum solatium babeamus, qui confugimus ad tenendam propositam spem, quam sicut Anchoram babeamus Animam tutam, & firmam, & incedentem usque ad interiora velaminis; ubi Praecursor pro nobis introivit JESUS secundum Ordinem Melchisedech Pontifex factus.*

III. Ergo Age quod agis; fideliter labora in vinea mea, ego ero merces tua (ait pius Auctor in Persona Christi l. 3. c. 47.) *Scribe, lege, canta, geme, tace, ora, sustine viriliter contraria: digna est bis omnibus, & majoribus praeliis vita aeterna. Veniet & pax in die una, quae nota est Domino, & erit non dies, neque nox, hujus scilicet temporis, sed lux perpetua, claritas infinita, pax firma, requies secunda.*

Legatur totum cit. caput 47. & illa verba bene perpendantur: O si vidiesses Sanctorum in coelo (& multo magis ipsius Christi) coronas perpetuas: quanta nunc quoque exultant gloria, qui huic mundo olim contemptibiles, & quasi vita ipsa indigni putabantur, profecto te statim humiliare usque ad terram, & affectare potius subesse, quam praesse.

## CONSIDERATIO PRO VIII. DIE.

DE NEGOTIATIONE SPIRITUALI  
SACERDOTIS.

Ut haec consideratio, quae quasi brevis Repetitio, & compendium priorum erit, cum optato fructu peragatur, aptissima erit negotiationis, quam Christus  
Luc.

Luc. 19. illis verbis: *Negotiamini, dum venio*; commendavit, similitudo, utpote in qua, quidquid ad vocationem Sacerdotis rite exequendam requiritur, aptissime indicatur. Quare, ut S. Gregorius Naz. monet, *imaginare tibi, vitam tuam præsentem Nundinas esse spirituales, in quibus amplissima tibi offeratur occasio emendi, quidquid pro æterna vita necessarium tibi fuerit, ideoque more Negotiatorum, & Mercatorum sequentes industrias observa.*

I. *Diligenter considera, quales, et quanta tibi merces sint necessaria*; Et qualitas quidem mercium a S. Joanne Apoc. 14. clare his verbis indicatur: *Beati mortui, qui in Domino moriuntur. Amodo jam dicit spiritus, ut requiescant a laboribus suis, opera enim illorum sequuntur illos.* Quantitatem vero ex illis Christi verbis Jo. 6. colligere licet: *Operamini non cibum, qui perit, sed qui permanet in vitam æternam.* Tantæ ergo merces emendæ tibi sunt, quantæ sufficiunt æternum victuro. Heu quantæ! Quare audi consilium Salomonis Ecclef. 9. & *quodcumque facere potest manus tua, instanter operare.* Ac quemadmodum olim Apelles quæsitus, cur picturas suas tam studiose elaboraret? respondit: quia pingo Æternitati; ita & tu opera tua, & labores cum omni diligentia, & perfectione absolute, quia laboras, & emis æternitati.

II. *Carve, ne falsas merces pro veris emas; sed optimas semper emere stude*: Falsæ merces sunt Divitiæ, Honores, voluptates, quatenus in iis præcise sistitur, de quarum falsitate testatus est Salomon Ecclef. 2. dicens: *Cumque me convertissem ad universa opera, quæ fecerant manus meæ, et ad labores, in quibus frustra sudaveram, vidi in omnibus vanitatem, et afflictionem animi, et nihil permanere sub sole.* Optimæ merces sunt virtutes, præcipue charitas DEI, & Proximi, patientia, humilitas, victoria, & mortificatio sui &c. de quibus S. Bernardus dixit: *Veræ opes non divitiæ sunt, sed virtutes, quas secum conscientia portat.* Itaque tibi dictum puta illud Apoc. 3. *Dicis, quod dives sum, et locupletatus, et nullius ego; et nescis, quia tu es mi-*

mi-

*miser, et miserabilis, et pauper, et caecus, et nudus. Suadeo tibi emere a me aurum ignitum probatum, ut locuples fias.*

III. *Da operam, ut mature, dum tempus est, emas: ita enim Servator suo Exemplo docuit, dum Jo. c. 9. dixit: Me oportet operari opera ejus, qui misit me, donec dies est: venit nox, quando nemo potest operari. Itaque audi S. Paulum Eph. 5. monentem: Videte itaque Fratres, quomodo caute ambuletis, non quasi insipientes, sed ut sapientes redimentes tempus, quoniam dies mali sunt. Non ergo defrauderis a die bono (vix tuæ) & particula boni doni (id est temporis) non te praterat.*

IV. *Stude pariter, ut levi pretio quam plurimas merces emas. Quid autem levius bona intentione? bonis desideriis? tui ipsius oblatione? atqui secundum horum quantitatem plures tibi vel pauciores merces offeruntur. Audi ergo in primis Apostolum 1. Cor. 10. monentem: Sive ergo manducatis, sive bibitis, sive aliud quid facitis, omnia in Gloriam DEI facite. Audi & S. Augustinum de spiritu, & anima sic hortantem: Ecce venale est regnum DEI, eme si vis. Nec multum existimes de re magna propter pretii magnitudinem. Tantum valet, quantum babes. Noli querere, quid babeas, sed qualis sis. Res ista valet tantum, quantum es tu: da, & habebis illud. Audi denique eundem super Ps. 103. loquentem: Coronat DEUS intus voluntatem, ubi non invenit facultatem. Nemo dicat: Non habeo. Charitas de saculo non erogatur.*

V. *Cura, ut conserves, qua emisisti, & tuto in patriam pramittas: Attende ergo, ut monet Christus Matth. 6. ne justitiam tuam facias coram hominibus, ut videaris ab eis: alioquin mercedem non habebis apud Patrem tuum, qui in cælis est. Sequere potius consilium S. Bernardi 1. 54. super Cant. dicentis: In veritate didici, nihil esse aequè efficax ad gratiam promerendam, retinendam, recuperandam, quam si omni tempore coram Deo inveniar non altum sapere, sed timere. Beatus homo, qui semper est parvidus, & Latrones timens, merces suas, quantum fieri*

fieri potest, ab eorum oculis occultat, & per manus Angelorum ad cœlos deportari curat.

VI. *Frequenter super Negotiationem tuam te reflecte, & lucrum cum damno considera, computaque*: Certe hæc inter potiores sedulorum mercatorum industrias non potestrema computatur; per hanc quippe errores deteguntur, damna præcaventur, desiderium lucri accenditur, industria acuitur, negotiatio prosperatur, & merces optatæ comparantur, & augentur. Unde merito summo opere semper a patribus spiritualibus hæc reflexio commendatur.

Ut ergo concludam denique & hanc, & reliquas omnes considerationes; illis te pii Ascetæ verbis l.1.c.23. ad extremum adhorror: *Age nunc, charissime, quidquid agere potes, quia nescis, quando morieris; nescis etiam, quid te post mortem sequetur. Dum tempus habes, congrega tibi divitias immortales. Præter salutem tuam nihil cogites: Solum, quæ DEI sunt, cures. Fac nunc tibi amicos, veneranda Dei Sanctos, & eorum ætus imitando, ut, cum defeceris in hac vita, illi te recipiant in æterna tabernacula. Serva te tamquam Peregrinum & Hospitem super terram, ad quem nihil spectat de mundi negotiis. Serva cor liberum, & ad DEUM sursum erectum; quia non habes hic manentem civitatem. Illuc preces & gemitus quotidianos cum lacrimis dirige, ut spiritus tuus mereatur ad Dominum post mortem feliciter transire. Amen.*

## MEDITATIO III.

Pro octava Die.

### DE MISSIONE SPIRITUS SANCTI.

Scopus.

*Ardens desiderium huius divinissimi Hospitis.*

Punctum I.

Confidera I. Quomodo Spiritus S. super Apostolos  
venit.

venerit, nempe *Factus est repente de cælo sonus tamquam advenientis spiritus vehementis, & replevit totam Domum, ubi erant sedentes. Et apparuerunt illis dispersa lingua, tamquam ignis, seditque supra singulos eorum, & repleti sunt omnes Spiritu Sancto, & cœperunt loqui variis linguis, prout Spiritus Sanctus dabat eloqui illis. Act. 2.*

Confidera II. Cur sub his potius formis, quam sub aliis apparuerit, & venerit super Apostolos; nimirum, ut ostenderet, se iis largitum fuisse tres dotes ad verum Apostolum singulariter requisitas, quas Christus jam olim illis Luc. 21. promiserat, dicens: *Ponite ergo in cordibus vestris non præmeditari, quemadmodum respondeatis, ego enim dabo vobis os (donum linguarum per linguas dispersitas significatum) et sapientiam (donum intellectus, sapientiæ, & scientiæ per ignem indicatum) cui non poterunt resistere, et contradicere omnes Adversarii vestri;* per quæ verba donum fortitudinis, & consilii per ventum vehementer spirantem significatum innuebatur.

Confidera III. Quam præclari, & Sacerdotibus maxime optandi sint hi effectus, & quomodo tu hactenus eosdem participaveris, aut deinceps te participem facere velis. Colloquium.

## Punctum II.

Confidera I. Quod Divinissimus hic Hospes Apostolos non tantum in ordine ad alios perficiendos instruxerit, sed vel maxime etiam necessariis ad propriam perfectionem mediis copiose ditavit, ideoque ardentissimum Dei amorem, qui per ignem præcipue significabatur, infuderit; hinc enim tantus postea Gloriæ Divinæ, & salutis animarum promovendæ zelus, tanta in adversitatibus perferendis constantia, & rara inter ipsas contumelias exultatio oriebatur, ita ut merito illa sponsæ Cant. 1. verba usurpare possent: *Introduxit me Rex in Cellam vinariam* (unde & musto pleni crede-

ban-

bantur ) *et ordinavit in me charitatem* ; ut scilicet prius eam erga me , postea erga alios ordinate ostenderem .

Confidera II. Quam nobilis , & Sacerdoti necessarius hic etiam sit effectus , ne , dum alios lucrari , & salvare cupit , ipsemet animæ suæ detrimentum patiatur . Propterea , ut S. Paulus ad Heb. 2. hortatur ; *abundantius observare oportet nos ea , quæ audivimus , ne forte pereffluamus* ; nam ut S. Bernardus s. 18. super Cantica bene advertit ; *Benigna prudensque charitas affluere consuevit , non effluere* . Hinc duas quoque dictus Sanctus operationes Spiritus Sancti ponit , quarum priorem vocat *Infusionem* , qua nos primo intus virtutibus solidat ad profectum ; alteram *Effusionem* appellat , qua foris quoque muneribus nos ornat ad lucrum .

Confidera III. An tu hactenus hunc ordinem charitatis observaris , & quomodo eum observare deinceps velis . Colloquium .

### Punctum III.

Confidera I. Quomodo se Apostoli disposuerint , & præpararint ad hunc optatissimum Hospitem , & ignem recipiendum ; nimirum per tria media . I. Per recessum ab omnibus creaturis , dum in domum aliquam privatam se abdiderunt . II. Per orationem ardentem , cui toto illo tempore studiosissime vacarunt . III. Per mutuam charitatem : qua unanimes , & conjuncti adventum promissi Spiritus expectarunt .

Confidera II. Quam sapienter hæc media exhibuerint Apostoli : *Orationem* quidem , quia cum omne donum optimum , & perfectum de sursum sit , haud dubie donum hoc omnium donorum præstantissimum non aliter magis , quam per orationem impetrandum erat : *Secesum* autem , quia cum Spiritus S. velut amor Divinus corrivalem non patiatuf , merito omnis prius amor inordinatus rerum creaturarum expellendus est , quemadmodum etiam lignum calorem , & ignem non recipit , nisi prius ab omni humore exsicceetur ; *fraternam* denique

que *charitatem*, quia indivisibilis est comes amoris Divini, cum hoc, teste S. Joanne 1. cap. 4. *babeamus mandatum a Deo, ut, qui diligit Deum, diligat & fratrem suum.*

Considera III. An, & quomodo tu hactenus has dispositiones habere studueris; & quomodo deinceps saltem eas tanto diligentius procurare velis, quanto magis opus habes hujus Sanctissimi Spiritus adventu, ac donis. Colloquium.

Vide etiam Theophilum VVeyeri Hebd. 2. fol. 230.

### Conclusiones.

I. Ergo clama assiduo cum Ecclesia: Veni S. Spiritus, reple tuorum corda fidelium, & tui amoris in eis ignem accende.

II. Ergo *ejice ancillam & Filium ejus* ( id est, omnem amorem proprium, & rerum creatarum ) *non enim erit heres* ( & possessor hujus Divinissimi doni ) *Filius Ancilla cum Filio Isaac* ( id est Divino amore ) Gen. 21.

III. Ergo audi pium Ascetam in persona Christi I. 3. c. 13. loquentem: *Fili, pretiosa est gratia mea* ( Spiritus S. adventus & infusio ) *non patitur se misceri extraneis rebus, nec consolationibus terrenis. Abjicere ergo oportet omnia impedimenta gratia, si optas ejus infusionem suscipere. Pete secretum tibi, ama solus habitare tecum, nullius require confabulationem; sed magis ad DEUM devotam effunde precem, ut compunctam teneas mentem, & puram conscientiam.*

Legatur etiam totum cit. caput, & attente perpendatur, praesertim ultimus paragraphus.



## MEDITATIO

Pro nona Die.

DE GRATITUDINE PRO ACCEPTIS  
IN SECESSU BENEFICIIS  
EXERCENDA.

**T**essera : *Quid retribuam Domino pro omnibus, quæ retribuit mihi? Vota mea Domino reddam in conspectu omnis populi. Psal. 115.*

## Punctum I.

Considera I. Quanta in hoc secessu beneficia a DEO acceperis : id facile deprehendes, si ex una parte perpendas, quod DEUS, dum tot Divinas illustrationes, & ardentia desideria optimaque propolita tibi communicavit, semen quasi in cor tuum seminaverit ; ex altera vero parte consideres, quam pretiosum, & fertile sit hoc semen, quantæque Gloriæ, & felicitatis tum in hac, tum in altera vita percipiendæ segetem inde sperare possis.

Considera II. Quantopere hoc beneficium crescat, si ipsum etiam seminandi modum, dum scilicet tot consolationes cœlestes, & gustus spirituales ultra omne tuum meritum submittere dignatus est, attendas ; tum enim clare deprehendes, ingentem prorsus fuisse DEI erga te liberalitatem, ac munificentiam, & in eas Psalmistæ voces erumpes Ps. 8. *Quid est homo, quod memor es ejus, aut Filius hominis ; quoniam visitas eum?*

Considera III. Quam æquum promde sit, ut tantum beneficium grata mente agnoscas, ore grato deprædices, & ipso etiam opere compensare studeas. Colloquium ad SS. Patronos, agendo gratias pro collatis in hoc secessu favoribus, & rogando, ut tua proposita Deo offerre, gratiamque ad ea exequenda uberem impetrare dignentur.

D d.

Pun-

## Punctum II.

Considera I. Quemadmodum terra pro accepto semine majores feminatori gratias referre non potest, nec aliæ etiam ab ea exiguntur, quam ut acceptum semen gremio suo foveat, fructumque ex eo trigessimum, aut centesimum progerminet; ita nec a te aliam gratiarum actionem magis requiri, quam proposita in hoc secessu concepta executioni serio mandes, & quod ore facturum te pollicitus es, opere ipso confirmes; hæc enim gratiarum actio uti solidior, diuturnior, Deoque honorificentior, & tibi utilior est, quam ea, quæ voce tantum præstatur, ita haud dubie etiam eidem Deo, celitibusque gratior existet.

Considera II. In quo consistat Summa propositorum tuorum, quæ executioni mandare debeas; videlicet ut totis viribus gratiæ vocationi respondeas, finemque Sacerdotibus propositum adipisci studeas, qui est

DEI honorem querere,  
 Ut magis dilatetur.  
 Scipsum non negligere,  
 Ut anima salvetur.  
 Et proximum perficere,  
 Ut charitas fervetur.

Considera III. Quam facilis tibi futura sit executio, si gratiam vocationis, magnitudinem præmii promissi, & tum aliorum Sacerdotum fervorem, tum sæcularium longe plura, & difficiliora pro vilissimo lucro, aut honore agentium exempla perpendas. Statue proin omni conatu in hanc executionem incumbere. Colloquium ad B. V. cum similibus effectibus, ut in priore puncto indicatum est.

## Punctum II.

Considera I. Quemadmodum ad hoc, ut terra fructificet, non satis est, ut semen gremio quasi suo recipiat,

cipiat, sed insuper requiritur, ut per occasionem ab avium insidiis defendatur, deinde per humorem seu cœlestem, seu terrestrem irrigetur, & per calorem solis calefiat, ac fertile reddatur; ita non satis esse ad profectum tuum, ut plurima bona proposita conceperis (*Non enim omnis, qui dicit mihi, Domine, Domine, intrabit in regnum cœlorum, sed qui facit voluntatem Patris mei, qui in cœlis est, ipse intrabit in Regnum cœlorum*, ait Christus Matth. 7.) sed insuper requiri, ut te I. bene contra tentationes, quæ te perinde ac Christum post secessum invadent, bene munias, & constantiam contra quoscumque insultus teneas. II. Ut humorem gratiæ cœlestis per crebram, & ferventem orationem, & Sacramentorum usum, ac frequentiam attrahere studeas. III. Ut hoc semen propositorum per diffidentiam humilem id viribus tuis, & firmam confidentiam in Divino auxilio, soli cœlesti, id est, Deo, qui teste D. Paulo, dat incrementum, exponas, & commendes.

IV. Ut tu quoque per tuam cooperationem, & mediorum, quæ per hos dies præscripta accepisti, sedulam, ac constantem praxin serio collabores, ut cum Apostolo Cor. 15. dicere possis: *Gratia autem Dei sum id, quod sum, & gratia ejus in me vacua non fuit, sed abundantius illis omnibus laboravi, non ego autem, sed gratia DEI mecum.*

Considera II. Quam efficacia sint hæc media ad optatam Propositorum executionem; & quam æquum sit, ut ea diligenter, & constanter adhibeas, illudque servorum Naaman 4. Reg. 5. dictum tibi frequenter applices: *Pater, & si rem grandem dixisset tibi Propbeta, certe facere debueras, quanto magis, quia nunc dixit tibi: hæc paucula.*

Considera III. Quomodo ea deinceps adhibere, sicque desideratum fructum ferendø, reipsa probare velis, jactum a DEO semen in terram fertilem, ac bonam cecidisse. Colloquium ad Christum cum intensissimis affectibus Gratitude, Amoris, Fiduciæ, Humilitatis &c.

Videri etiam potest Theophilus VVeyeri Hebd. 4.  
f. 199. & 304.

### Conclusiones.

I. Ergo audi devotum Ascetam l. 3. c. 9. in Persona Christi loquentem : *Nihil tibi de bono )* successu Exercitiorum ) *adscribere debes , nec alicui Homini virtutem attribuas , sed totum da DEO , sine quo nihil habet Homo . Ego totum dedi , ego totum habere volo , et cum magna districtione gratiarum actiones requiro . Ille sane major , et melior est , qui sibi minus adscribit ; et in regratiando humilior est atque devotior . l. 3. c. 23.*

II. Ergo Si spiritualis a DEO consolatio data est , cum gratiarum actione accipe illam , sed DEI munus intellige esse , non tuum meritum . Noli extolli , noli nimium gaudere , nec inaniter presumere : Sed esto humilior ex dono , cautior quoque , & timorator in cunctis actionibus tuis : quoniam transibit hora illa , et sequetur tentatio . l. 2. c. 9.

III. Ergo crede tibi a Christo repeti , quod olim Discipulis Joan. 15. Jam non dicam vos Servos , sed Amicos : omnia enim , quaecumque audiui a Patre meo , nota feci vobis . Cave ergo ne audire cogaris ab eodem , Luc. 12. Servus , qui cognovit voluntatem Domini sui , & non preparavit , & non fecit secundum voluntatem ejus , vapulabit multis :

Legatur etiam l. 2. de imit. c. 10.

## DIVISIO TERTIA

### Otiduanæ Recollectionis per Parabolarum Considerationem faciendæ.

#### P R O O E M I U M.

**Q**Uam frequenter Christus in suis Concionibus Parabolis seu similitudinibus ad corrigendos, & instruendos mortalium mores sit utilis, ex ipso Evangelicæ doctrinæ contextu Matth. 13. patet, ubi dicitur : *Hæc omnia locutus est JESUS in Parabolis, et sine Parabolis non loquebatur eis.* Cur autem hunc modum præ aliis adhibuerit, rationem hanc esse ajunt Interpretes S. Scripturæ ; quod cum per Parabolas alius nobis plerumque proponatur, eidem vitio, vel virtuti obnoxius ; sincerius de facti propositi honestate, vel turpitudine judicium feramus, & facta deinde ad nos reflexione, miserum, vel felicem Statum nostrum clarius cognoscamus, atque ad eundem vel detestandum, vel conservandum vehementius incitemur. Unde & Ascetæ etiam, qui de modo fructuose meditandi scribunt, hunc modum præ aliis commendant ; dum post discursum de aliqua virtute, aut vitio factum, similem casum formandum ajunt, quo quis seipsum hoc modo alloquatur. Quid si hoc aut illud agentem quempiam videres, quod judicium de illo ferres ? an non excandesceres in illum vehementer, aut summopere prædicares ? idem itaque erga te ipsum facito ; tu enim es ille vir, &c. Quare cum, ut varietas delectet alios etiam modos, secessum sacrum instituendi partim jam assignarim, partim adhuc assignaturus sim, placuit & hunc per Parabolas instituendum subministrare ; quod eo etiam ex capite libentius

D d 3<sup>o</sup>      facio,

facio, quod, cum Sacerdotes Evangelia, in quibus Parabolæ continentur, frequenter pro Concione explicare debeant, id ipsum facilius, & utilius præstare queant, si primo easdem meditando ruminarint; & in eadem meditatione ignis, seu Zelus, ac desiderium alienæ salutis promovendæ exarserit. Ne tamen a Scopo talibus exercitiis præfixo discederem, easdem Parabolas sic ordinare studui, ut & quatuor hebdomadarum distributio servaretur, & propriæ cuique hebdomadæ meditationes assignarentur, uti in progressu patebit.

## MEDITATIO PROOEMIALIS.

### Scopus.

### DESIDERIUM AD EXERCITIA FRUCTUOSE SUBEUNDA EXCITANDUM.

#### Punctum I.

**C**onsidera I. Cur Christus non modo ipse, antequam Prædicationis officium susciperet, in desertum per 40. dies secesserit, uti Matth. 4. legitur, sed etiam Discipulos suos ad similem solitudinem invitavit dicens Matth. 6. *Venite seorsum in desertum locum, & requiescite pusillum*. Nimirum causam esse, ut semoti a quotidianis curis, & hominum turbis seipsos inspicerent, & quid ad suam aliorumque salutem abundantius promovendam deesset, a Spiritu Sancto edocti intelligerent.

Considera II. Quantopere tu quoque opus habeas ejusmodi quiete, utpote qui toties hactenus expertus sis ab ordinariis tuis officiis, curis, desideriis, negotiis &c. Spiritum tuum propemodum oppressum esse, atque adeo nihil magis, quam liberam respirandi in Domino facultatem desiderare.

Considera III. Cum Christus ultro te, tamque benevole ad talem solitudinem, & quietem invitet, quam  
grato

grato animo tantum beneficium agnoscere, quamque adeo prompta voluntate eundem in desertum spirituale sequi, omnibusque in rebus, quas tibi ibidem aut omittendas, aut exequendas præscripserit, perfecte obsequi debeas, id quod facies, si Patris tui spiritualis ductum in omnibus accurate observes. Colloquium ad SS. Patronos, quos rogabis, ut felicem tibi secessus hujus successum suffragiis suis a DEO impetrare conentur.

## Punctum II.

Confidera I. Cum ex una parte noveris, ea potissimum de causa a Christo te in solitudinem duci, ut loquatur ad cor tuum, illudque emolliat, ac cum suo corde uniat, ut fias vir secundum cor DEI; ex altera vero parte iterum propria experientia didiceris, quam durum, ac difficulter flexibile sit cor tuum, utpote quod a tot tamque efficacibus Christi, Superiorumque ac Patrum spiritualium adhortationibus emollitum non fuerit, quantopere desiderare debeas, & vero etiam suppliciter a Christo rogare, ut in his exercitiis efficaciorum quemdam modum adhibeat, ad idem cor tuum expurgandum, & voluntatem tuam Sanctissimæ illius Voluntati perfecte aliquando subjiciendam.

Confidera II. Quod jam olim Christus nullum alium modum frequentius, quam per parabolas loquendi adhibuerit, idque duplici potissimum de causa, ut Scripturarii testantur, tum quia scilicet Parabolæ propter collationem sensibilibus cum spiritualibus miris modis affectus nostros concutiunt, voluntatemque nostram ad quodcumque volunt, promovent: uti Nathan in Davide expertus est; tum quia doctrinæ per parabolas tanquam sensibiles species propositæ firmiter memoriæ adherent, uti vel nos ipsi quotidie experimur.

Confidera III. Cum hunc ipsum modum Christus etiam in his exercitiis adhibiturus sit, quanto cum desiderio, & spe insignis alicujus fructus reportandi te ad illa accingere, & illud Samuelis assiduo ingeminare de-

beas : loquere Domine, quia audit servus tuus . Colloquium ad B. V. rogando, ut quemadmodum illa omnes Christi Parabolas, & alia verba diligentissime conservabat, conferens in corde suo, ita similem tibi quoque a Filio suo gratiam impetrare dignetur.

### Punctum III.

Considera I. Quid potissimum requiratur, aut con-ducatur, ut quis optatum ex tali solitudine, & conversatione cum Christo fructum reportet; nimirum duo hæc, ut omnia impedimenta, quæ obstare possent, quominus Christi vocem perfecte, facileque percipias, fortiter removeas, & ut copiosum lumen obtineas, quod doctrinam in parabolis proponendis contentam clare intelligas.

Considera II. Quænam illa sint impedimenta, quæ tibi potissimum obstare posse videntur; nimirum negotia, curæ, conversatio humana, & affectus quicumque inordinatus erga creaturas; vide proin, quomodo hæc remove, omnesque animi vires ad Christi vocem, & doctrinam excipiendam convertere velis.

Considera III. Unde lumen illud spirituale, quod secundo loco necessarium tibi esse dixi, petere debeas; videlicet ab eo igne, qui in die Pentecostes supra Apostolos descendit; imo & supra ipsum Christum, antequam in desertum secederet. Da operam proinde, ut ad Christi exemplum prius baptizeris aqua sinceræ contritionis, aut pœnitentiæ, ut tanto aptior fias ad hunc Divinissimum ignem digne suscipiendum. Colloquium ad Christum, in quo præter alios affectus illa sponsæ verba frequentius repetere proderit: *Sonet vox tua in auribus meis, vox enim tua dñe dulcis, et facies tua decora*. Aut certe illa Apostolorum: *Domine, quo ibimus?* verba vitæ æternæ habes. Subjunges insuper hymnum *Veni S. Spiritus*, eoque tam necessariam ejusdem Numinis assistentiam demisse petes.

Legatur ex lib. de imit. Christi l. 1. c. 20, & illa maxime



xime verba bene perpendantur : in silentio , & quiete proficit anima devota , & discit abscondita Scripturarum . Ibi invenit fluente lacrymarum , quibus singulis noctibus se lavet , & mundet , ut Conditori suo tanto familiarior fiat , quanto longius ab omni sæculari tumultu degit .

Pro prima Die.

## MEDITATIO I.

### DE FINE HOMINIS ET SACERDOTIS.

Scopus.

*Propositum* serium tam suam , quam proximi salutem studiosius deinceps procurandi.

Tessera.

*Domine patientiam habe in me , et omnia reddam tibi.*  
Matth. 18.

Punctum I.

Considera I. Parabolam de homine peregre proficiente , vocante servos suos , & varia talenta tradente , quam S. Matthæus c. 25. describit sequentibus verbis : *Homo proficiens vocavit servos suos , et tradidit illis bona sua . Et uni dedit quinque talenta , alii autem duo , alii vero unum , unicuique secundum propriam virtutem , et profectus est statim . Abiit autem , qui quinque talenta acceperat , & operatus est in eis , et lucratum est alia quinque . Similiter , et qui duo acceperat , lucratus est alia duo . Qui autem unum acceperat , abiens fodit in terram , et abscondit pecuniam Domini sui . Post multum vero temporis venit Dominus servorum illorum , et posuit rationem cum eis , et accedens , qui quinque talenta acceperat ,*

perat, obtulit alia quinque talenta, dicens: Domine, quinque talenta tradidisti mihi, ecce alia quinque super lucratus sum. At illi Dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium Domini tui. Accessit autem, & qui duo talenta acceperat, & ait: Domine duo talenta lucratus sum. At illi Dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium Domini tui. Accedens autem, & qui unum talentum acceperat: ait, Domine, scio, quia homo durus es, metis, ubi non seminasti; & congregas, ubi non sparsisti: & timens abii, & ascondi talentum tuum in terra, ecce babes, quod tuum est. Respondens autem Dominus ejus, dixit ei: Serve male, & piger, sciebas, quia meto, ubi non semino, & congrego, ubi non sparsi; oportuit ergo committere pecuniam meam Nummulariis, & veniens ego recepissem utique, quod meum est cum usura. Tollite itaque ab eo talentum, & date ei, qui habet decem talenta; Omni enim habenti dabitur, & abundabit: ei autem, qui non habet, & quod videtur habere, auferetur ab eo. Et inutilem servum ejicite in tenebras exteriores: illic eris fletus, & stridor dentium.

Confidera II. Qualem exitum habuerit negligentia servi, qui talentum suum abscondit; qualem e contrario illorum diligentia, qui totidem alia talenta lucrati sunt.

Confidera III. Si tibi optio daretur, alterutram horum servorum sortem eligendi, an non potius cum diligentibus operari, atque adeo simile a Domino præmium expectare, quam cum pigro illo servulo talentum defodere, & tam gravem tibi accerere pœnam malles? Vide ergo quid hactenus egeris, & deinceps saltem in meliorem partem te resolve. Colloquium ad SS. Patronos.

### Punctum II.

Confidera I. Qualia sint talenta, quæ tibi a Domino

no

no tuo concedita sunt ; nimirum omnia illa media , quæ tibi sunt in ordine ad tuam proximique salutem procurandam concessa , qualia sunt ex naturalibus quidem, ingenium, scientia, vires corporis, &c. ex supernaturalibus vero vocatio ad religionem, gratia vocationis, exercitia virtutum juxta instituti normam suscepta &c.

Confidera II. Quam præclara sint hæc talenta, siue dantis charitatem in vocatione, siue accipientis vilitatem, & ingratitude, siue ipsorum talentorum propriam excellentiam, & dignitatem; siue lucrum per illa faciendum, scilicet tuam, proximique salutem, siue denique præmium a Domino ob fidelem administrationem offerendum. confideres.

Confidera III. Si ab iis, qui tam exigua talenta acceperunt, tam severa ratio exigitur, e contrario autem tam amplum fidelis servitii præmium promittitur, quantum tu, si tam præclara talenta male impenderis, poenam, indignationemque timere; aut quantam, si bene collocaveris retributionem a DEO expectare possis; quamque adeo novos animos concipere debeas, ad eadem talenta, quam optime poteris, in tuam proximique salutem impendenda. Colloquium ad B. V.

### Punctum III.

Confidera I. Quis sit modus ille optimus prædicta talenta collocandi; nimirum si nihil aliud cogitaveris, locutus, aut operatus fueris, quam quod DEUS vult, quo modo vult, & quia vult; id est, si semper occupatus sis in iis rebus, quas obedientia præscribit; sed & modum, qui tibi vel a Superioribus, vel a regula præscribitur, sedulo observaveris; & nihil aliud in tali exercitio, quam solum DEI beneplacitum ultimatè quaesieris.

Confidera II. Quam facilis sit hic modus, siue illum in se, siue auxiliorum a DEO offerendorum copiam, & efficaciam, siue sociorum cooperantium exempla, siue præmii promissi magnitudinem confideres.

Con-

Considera III. Quid te potissimum ab hoc modo adhibendo hactenus impedierit, & quomodo vel nunc tale impedimentum toto animi conatu remove velis. Colloquium ad Christum repetendo assidue tum illud Davidis Psalm. 125. *Quid retribuam Domino pro omnibus, quæ retribuit mihi?* tum illud servi, Matth. 18. *Domine, patientiam habe in me, & omnia reddam tibi.* Vide, si placet, Ambrosii Spinolæ p. 2. Medit. 187. fol. 486.

Legatur ex lib. 1. de imit. c. 25. & illa maxime verba bene perpendantur: igitur ad profectum ferveas, quia mercedem laborum in brevi recipies, nec erit tunc amplius timor, aut dolor in finibus tuis? Modicum nunc laborabis, & magnam requiem, imo perpetuam lætitiā invenies.

Pro prima Die.

## M E D I T A T I O II.

Scopus.

*Seriæ detestatio peccatorum antiquorum, et vitæ nova inchoatio.*

Punctum I.

Considera I. Parabolam de filio prodigo, quam D. Lucas c. 15. sequentibus verbis describit: *Homo quidam habuit duos filios, et dixit adolescentior ex illis Patri: Pater, da mihi portionem substantiæ, quæ me contingit. Et divisit illis substantiam; Et non post multos dies congregatis omnibus adolescentior filius peregre profectus est in regionem longinquam; et ibi dissipavit substantiam suam vivendo luxuriose. Et postquam omnia consummasset, facta est fames valida in regione illa, et ipse cepit egere. Et abiit, et adbasit uni Civium regionis illius, et misit illum in villam suam, ut pasceret porcos. Et cupiebat implere ventrem suum de siliquis, quos porci manduca-*

ducabant ; et nemo illi dabat . In se autem reversus dixit : quanti mercenarii in domo Patris mei abundant panibus : ego autem hic fame pereo ! surgam , et ibo ad Patrem meum , et dicam ei : Pater peccavi in Cælum , et coram te : jam non sum dignus vocari filius tuus ; fac me sicut unum de mercenariis tuis . Et surgens venit ad Patrem suum . Cum autem adhuc longe esset , vidit illum Pater ipse , et misericordia motus est , et accurrens cecidit super collum ejus , et osculatus est eum . Dixitque ei Filius : Pater peccavi in Cælum , et coram te , jam non sum dignus vocari filius tuus : Dixit autem Pater ad servos suos : Cito proferte stolam primam , et induite illum , et date annulum in manum ejus , et calceamenta in pedes ejus : et adducite vitulum saginatum , et occidite , et manducemus , et epulemur : quia hic filius meus mortuus erat , et revixit ; perierat , et inventus est . Et cœperunt epulari . Erat autem filius ejus senior in agro , et cum veniret , et appropinquaret domui , audivit Symphoniam , et chorum : et vocavit unum de servis , et interrogavit , quid hæc essent ? Isque dixit illi : Frater tuus venit , et occidit Pater tuus vitulum saginatum , quia saluum illum recepit . Indignatus est autem , et volebat introire . Pater ergo illius egressus cœpit rogare illum . At ille respondens , dixit Patri suo : Ecce tot annis servio tibi , et numquam mandatum tuum præterivi , et numquam dedisti mihi bædum , ut cum amicis meis epularer : sed postquam filius tuus hic , qui devoravit substantiam etiam suam cum meretricibus , venit , occidisti illi vitulum saginatum . At ipse dixit illi : Fili tu semper mecum es , et omnia mea tua sunt : epulari autem , et gaudere oportebat , quia frater tuus hic mortuus erat , et revixit ; perierat , et inventus est .

Confidera II. Quam bene tota hæc Parabola tibi conveniat , imo quot partibus tua stultitia Parabolici hujus filii stultitiam exœdat , sive Patrem , quem reliquisti , consideres , sive substantiam , quam dissipasti , puta , inspirationes , auxilia supernaturalia , virtutes , gratiam , merita , &c. attendas ; sive meretrices , qui-

quibus adhæcisti, scilicet mundanas, & carnales cupiditates perpendas, siue ipsorum peccatorum, quæ toto discellus tui tempore commisisti, multitudinem, ac gravitatem spectes.

Considera III. Quem fructum dx omnibus hisce peccatis tuis reportaris, an non æqualem filio prodigo? ut scilicet perpetua fame, & concupiscentia turpium voluptatum cruciatus fueris, & his ipsis voluptatibus velut siliquis porcorum animum tuum pascere desideraris, nec tamen umquam per illas satiari potueris, sed exclamare cum Salomone coactus sis Eccl. 2. *Cumque convertissem me ad universa opera, quæ fecerunt manus meæ, & ad labores, in quibus frustra sudaveram, vidi in omnibus vanitatem, & afflictionem animi.* Vide ergo, an non æquum sit, ut cum filio prodigo in te reversus dicas: *Quanti mercenarii* ( id est, Religiosi aut Clerici DEO fideliter servientes ) *in domo Patris mei abundant panibus* ( id est, veris & solidis consolationibus ) *ego autem hic fame perreo. Surgam, & ibo ad Patrem meum, &c.* Colloquium ad SS. Patronos, ut facilem tibi ad Patrem accessum suis Suffragiis obtineant.

## Punctum II.

Considera I. Quanto cum gaudio, & charitate rediens filius prodigus a Patre suo exceptus sit, nam 1. Misericordia motus est. 2. Accurrit. 3. Cecidit super collum ejus. 4. Osculatus est eum. 5. Stulam, & calceamenta proferri iussit. 6. Convivio pingui eum adhibuit. 7. Symphoniam instrui præcepit. 8. Contra fratris invidiam, & murmurationem defendit, quæ omnia manifesta sunt indicia singularis lætitiæ ex tali reditu conceptæ.

Considera II. Quam multis partibus felicior reditus tuus sit futurus, maxime si stulam gratiæ, quam tibi circumdabit; convivium securæ mentis, aut etiam Eucharistiæ, ornamenta cœlestium donorum, quæ tibi paravit &c. perpendas; quanto majus item gaudium non

non tantum cœlesti Patri, & Christo, B. V. & Sanctis, sed etiam Domesticis, Externis, Defunctis, & tibi ipsi ex tali tua reversione sit exoriturum, ut vere applicari possit illud Luc. i. *Multi in nativitate ejus (& conversatione) gaudebunt.*

Considera III. Quantos stimulos hæc omnia tibi addere possint, & debeant ad hoc propositum tuum quam celerrime, perfectissimeque exequendum, ut, qui hætenus tantam, quantam in te erat, tristitiæ materiam Deo, SS. & proximo obtulisti, deinceps offensam talem multiplicato gaudio compenses. Colloquium ad B. V. illud S. Augustini cum lacrymis usurpando: *Per te accessum habeamus ad filium, o benedicta inventrix gratiæ, genitrix vitæ, mater salutis, ut per te nos suscipiat, qui per te datus est nobis. Excuset apud ipsum integritas tua culpam nostram corruptionis, & humilitas DEO grata nostra veniam impetret vagitati.*

### Punctum III.

Considera I. Quam grato animo Filius hic prodigus tantum Patris sui beneficium, & favorem agnoverit, quanta charitate deinceps eum persecutus sit; si enim juxta Christi sententiam Luc. c. 7. cui plus dimittitur, plus diligit, quantum diligere debebat, cui tam multum remissum est? quam cautus deinde fuerit in omnibus occasionibus vitandis, per quas prius seductus, & in tanta mala præcipitatus fuerat.

Considera II. Quanto magis tu hæc omnia præstare debeas, utpote qui, sicut plura longe, & graviora peccata commiseras, ita majus etiam in eorum remissione beneficium accepisti, atque adeo majorem quoque gratias agendi, & diligendi obligationem contraxisti.

Considera III. Quomodo huic tuæ obligationi satisfacere, & vel hinc occasionem, & causam perfectissimæ vitæ instituendæ sumere velis. Colloquium ad Christum, & æternum Patrem illud frequenter repetendo: *Pater, peccavi in cælum, & coram te, jam non sum dignus*

432 *Practica Exempla*  
*dignus vocari filius tuus*. Vide Spinolam p. 2. Med.  
163. fol. 420.

Legatur ex lib. 3. de Imit. c. 5. & illa verba maxime bene perpendantur: nihil sic timeas; sic vituperes, & fugias, sicut peccata tua, quæ magis displicere debent, quam quælibet rerum damna.

### MEDITATIO III.

Pro prima Die.

*Sen*

Si magis placet, Consideratio de Radice peccatorum;  
seu Concupiscentia.

Scopus.

#### CONCUPISCENTIÆ ERADICANDÆ PROPOSITUM.

Punctum I.

Confidera I. Parabolam de divite, horrea ædificante, quam S. Lucas c. 12. sequentibus verbis describit: *Homini cujusdam divitis uberes fructus agere attulit: et cogitabat intra se dicens: Quid faciam, quia non habeo, quo congregem fructus meos? et dixit: Hoc faciam, destruam horrea mea, et majora faciam: et illuc congregabo omnia, quæ nata sunt mihi, et bona mea, & dicam anima mea: Anima habes multa bona posita in annos plurimos, requiesce, comede, bibe, epulare. Dixit autem illi DEUS: Stulte hac nocte animam tuam repent a te: quæ autem parasti, cujus erunt?*

Confidera II. Quis sit Scopus per hanc parabolam a Christo intentus; videlicet, ut doceret, quam vana esset omnis temporalium bonorum concupiscentia, quamque adeo totis viribus e corde ejicienda, ideo enim

mox



mox post absolutam parabolam adjecit: sic est, qui sibi thesaurizat, & non est in Deum dives.

Confidera III. An non in te quoque fuerit similis hactenus concupiscentia, pro qua adimplenda tot inanes inutilesque sollicitudines gesseris; an non illis merito annumerari potueris, de quibus S. David Ps. 38. dixit, *Universa vanitas omnis homo vivens; in imagine pertransit homo, sed et frustra conturbatur; thesaurizat, et ignorat cui congregabit ea?* Colloquium ad SS. Patrones,

## Punctum II.

Confidera I. Quantorum malorum radix fuerit huic diviti concupiscentia, & abundantia bonorum, & voluptatum temporalium; nimirum omnium illorum vitiorum, quæ ex otio, conviviiis, nimio potu, & cibo oriri solent.

Confidera II. An non similes effectus in te quoque produxerit hujus vel illius rei, quam tam inordinate hactenus appetiisti, concupiscentia? an non omnium aut plerorumque vitiorum, & imperfectionum tuarum causa, & origo extiterit? Unde bella, et lites in vobis; nonne ex concupiscentiis vestris, quæ militant in membris vestris.

Confidera III. Neminem in domo tua patereris, qui pacem turbaret inter domesticos, varique & gravia tibi, ac illis damna crearet; an non æquissimum sit, ut tam noxiam tibi concupiscentiam ex animo tuo penitus ejicias, memor sapientissimæ illius doctrinæ ab Auctore lib. de imit. 3. c. 27. datæ his verbis. Juvat igitur, non quælibet res adepta, sed decisa ex corde radicitus. Crede ergo dictum tibi a DEO, quod olim Sara Gen. 21. Abrahamo dixit: Ejice ancillam hanc (concupiscentiam) & filium ejus (id est inordinatum amorem) Colloquium ad B. V.

## Punctum III.

Confidera I. Quo potissimum medio DEUS hunc  
E a divi-

divitem à concupiscentia sua avertere conatus sit, nimirum illis verbis, *Stulte hac nocte animam tuam repetent a te, & qua parasti, cujus erunt?* quasi diceret, Cur fili mi quæris vanitatem, & mendacium, & non potius desideras verum & æternum bonum, cur sit animæ tuæ extinguendæ eligis guttam modicam ex lacuna sordidarum voluptatum haustam, & non potius os animæ tuæ fonti vivo, & puteo aquarum viventium applicas? cur amas bona, quæ quotidie peribunt, & cum quibus & tu peribis millies; & non potius amas æternum bonum, ut æternum beate vivas, & interim bene vivas? Cur amas bona, quæ indigent bono, & non potius diligis bonum, quod affluit bonis? cur amas bona, quæ nolunt a te amari, & non potius amas eum, quem omnia volunt amare? Cur amas formas, quæ te deformant, & non potius amas eum, quem si amaveris, faciet te formosum? Cur amas bonum, quod si alius amet, invides, aut irascaris, & non potius amas bonum, quod, ut omnes ament, optabis, & gaudebis?

Considera II. Quam efficax sit hoc medium, uti præter alios multos expertus est Rollandus, qui postquam diem integrum in deliciis consumpsisset, tandem noctu ad se reversus cogitavit: & quid mihi relictum est ex his omnibus gaudiis, quæ hodie percepi? an non, quod de die hoc modo sentio, idem olim de tota vita judicaturus sum? Cur ergo, o anima, vagaris per creaturas, quærens bona animæ, & corporis? quære unum bonum, in quo est omne bonum, & sufficit; dixit, & sequenti die Religionem ingressus est.

Considera III. Quomodo tu quoque idem medium adhibere velis, & vel hodie ita omnibus renuntiare, ut cum sanctis Apostolis dicere possis illud Matth. 19. *Ecce nos reliquimus omnia etc.* Colloquium ad Christum frequenter illud S. Augustini l. 10. c. 27. repetendo, *Sero te amavi, pulchritudo tam antiqua, et bona, sero te amavi. Ecce tu intus eras, et ego foris, tecum eras, et tecum non eram.* Item illud S. Davidis Ps. 72. *Quid mihi est in cælo, et a te quid volui*  
*super*

*super terram, DEUS cordis mei, & pars mea DEUS in aeternum. Vide Spinolam p. 2. Medit. 153. fol. 392.*

*Legatur ex lib. de imit. 3. c. 32. & illa maxime verba bene perpendantur: Tene breve, & consummatum verbum: dimitte omnia, & invenies omnia; relinque cupidinem, & invenies requiem.*

Pro prima Die.

## MEDITATIO IV.

### DE MORTE JUSTORUM ET PECCATORUM.

Scopus.

*Propositum se bene praparandi ad mortem.*

Punctum I.

Confidera I. Parabolam de servo vigilante, & Domini sui a Nuptiis redeuntis adventum expectante, quam S. Lucas c. 12 sic describit: *Sint lumbi vestri praeincti, & lucerna ardentes in manibus vestris, & vos similes hominibus expectantibus Dominum suum, quando revertatur a nuptiis, ut, cum venerit, & pulsaverit, confestim aperiant ei. Beati servi illi, quos, cum venerit Dominus, invenerit vigilantes: Amen dico vobis, quod praeinget se, & faciat illos discumbere, & transiens ministrabit illis. Etsi venerit in secunda vigilia, et in tertia vigilia venerit, & ita invenerit, beati sunt servi illi. Hoc autem scitote, quoniam si sciret Paterfamilias, qua hora fur veniret, vigilaret utique, & non sineret perfodi domum suam. Ita & vos estote parati, quia qua hora non putatis, Filius hominis venies. Vide itaque, quis Scopus a Christo per hanc Parabolam intentus sit; scilicet ut nos adhortaretur, ad mortis horam semper ob oculos habendam, atque adeo*

omnia illa media adhibenda, quæ ad vitam sancte feliciterque claudendam conducere possunt.

Confidera II. Quidnam sit, quod potissimum in seruo Parabolico Christus requisivit, & laudavit; nimirum *vigilare*, id est, non somnolenter officia ad verum DEI servum, id est Sacerdotem, spectantia obire. 2. *Quoad lumbos succinctum stare*; id est, omnes carnis concupiscentias, quæ a perfectione potissimum impediunt, per mortificationem refrenare. 3. *Lucernas ardentes in manibus tenere*; id est, totam vitam suam sanctissimo DEI beneplacito (quod juxta Davidem Pl. 118. est lucerna pedibus nostris, & lumen semitis nostris, conformare.

Confidera III. Quomodo hæc omnia hactenus observaveris, & observare deinceps velis. Colloquium ad SS. Patronos.

## Punctum II.

Confidera I. Quale præmium Christus promiserit seruo vigilanti; nimirum quod beatus sit futurus, & super omnia bona constituendus.

Confidera II. Quænam sit illa beatitudo, quænam bona, super quæ constituetur talis servus; nimirum, illa, de quibus Apostolus 1. ad Cor. 21. dixit, Quod nec oculus ea viderit, nec auris audiverit, nec in cor hominis adscenderit. Illa item, de quibus S. David Pl. 16. dixit: *Satiabor, cum apparuerit gloria tua.*

Confidera III. Quam dignum sit hoc præmium, ut propter illud omnia supra dicta capita exactissime impleas, & observes; maxime si perpendas, quam multo difficiliora obsequia exhibeant filii hujus sæculi, ut præmium longe minus, & beatitudinem tantum apparentem, paucisque annis duraturam obtineant; an non vel horum exemplo ad fidelis servi officium perfecte præstandum te excitabis, illudque S. Augustini olim efficaciter propositum objicies: *Potuerunt isti, et ista, et ego non potero*; an non & illud Naamo a servis suis 4. Reg. 5. dictum applicabis, paucis mutatis, & dices: *Si rem grandem tibi dixisset DEUS, certe facere debue-*

debueras; quanto magis, quia nunc dixit tibi: Vigila, sint tui lumbi præcincti, & lucernæ ardentes in manibus tuis? Colloquium ad B. V.

Punctum III.

Confidera I. Quid in eadem Parabola Christus dixerit de servo, qui dicens in corde suo: Moram facit Dominus meus venire: cœpit percutere servos, & ancillas, & edere, & bibere, & inebriare &c. nimirum quod Dominus ejus in die, qua non sperat, & hora, qua nescit, veniet & dividet eum, partemque ejus cum infidelibus ponet.

Confidera II. Quam gravis pœna in dictis verbis comprehensa sit; quid enim est dividi a DEO, quam pœnam damni incurere, & a beatitudine summa separari? quid est partem cum Infidelibus accipere, nisi cum his pœnam sensus peccatis actualibus debitam sustinere?

Confidera III. Si pœna hæc tanto major est in illo servo, qui magis voluntatem Domini cognovit, frequentiusque a Domino ad vigilantiam excitatus est, pluribusque mediis ad tale officium præstandum instructus, majoribusque præmiis propositis animatus; quantam pœnam expectare, & timere debeat Sacerdos, qui tot inspirationes, tot auxilia, tot promissa eundem in finem accepit? an vere vapulabit multis, si vigilantiam negligat, & alia fidelis servi officia oscitanter persolvat? Vide ergo, quid hactenus egeris, & agere deinceps velis. Colloquium ad Christum cum convenientibus affectibus. Vide Spinolam p. 2. med. 156. fol. 400.

Legatur ex lib. 1. de imit. c. 23. & illa præcipue verba bene perpendantur: Beatus, qui horam mortis suæ semper ante oculos habet, & ad moriendum quotidie se disposuit. Stude nunc taliter vivere, ut in hora mortis valeas potius gaudere, quam timere.

Pro secunda Die.

## MEDITATIO I.

## DE JUDICIO EXTREMO.

Scopus.

*Propositum DEO satisfaciendi, antequam rationem ultimam exposcat.*

**T**essera: Domine patientiam habe in me, & omnia reddam tibi. Matth. 18.

Punctum I.

Confidera I. Parabolam Regis, qui voluit rationem ponere cum servis suis, quam S. Matthæus c. 18. sic describit: *Assimilatum est regnum cælorum homini Regi, qui voluit rationem ponere cum servis suis, & cum cepisset rationem ponere, oblatuſ est ei unus, qui debebat ei decem millia talenta. Cum autem non haberet, unde redderet, iussit eum Dominus ejus venditari, & uxorem ejus, & filios, & omnia, quæ habebat, et reddi. Procidens autem servus ille, orabat eum, dicens: Patientiam habere in me, & omnia reddam tibi. Misertus autem Dominus servi illius, dimisit eum, & debitum dimisit ei. Egredius autem servus ille invenit unum de conservis suis, qui debebat ei centum denarios, et tenens suffocabat eum, dicens: Redde quod debes. Et procidens conservus ejus rogabat eum, dicens: Patientiam habere in me, et omnia reddam tibi. Ille autem noluit: sed abiit, et misit eum in carcerem, donec redderet debitum. Videntes autem conservi ejus, quæ fiebant, contristati sunt valde, et venerunt, et narraverunt Domino suo omnia, quæ facta fuerant. Tunc vocavit illum Dominus suus: et ait illi: Serve nequam, omne debitum dimisi tibi, quoniam rogasti me. Nonne ergo oportuit et te misereri conservi tui, sicut*

*sicut et ego tui misertus sum ? Et iratus Dominus ejus tradidit eum tortoribus , quoadusque redderet universum debitum .* Considera , inquam , quis sit Scopus hujus Parabolæ ; scilicet , ut frequentius animo volvamus , quam severe olim ratio a nobis sit exigenda , atque adeo in hac vita mature DEO satisfacere studeamus .

Considera II. Quam timendus sit ille dies , in quo dicta ratio a nobis exigetur , sive Rex ipse rationem exigens spectetur , utpote , qui est infallibilis propter potentiam ; inflexibilis propter justitiam ; infugibilis propter potentiam , sive objectum , de quo exigetur ratio , consideretur , quod includit omnem cogitationem , verbum & opus : sive sententia attendatur , quæ est irrevocabilis , sive denique ipsa pœna per sententiam decreta perpendatur , quæ etiam pro levibus culpis inflicta superat omnem pœnarum , & tormentorum in hoc mundo infligi solitorum acerbiter .

Considera III. Si juxta Christi effatum apud S. Lucam cap. 12. omni , cui multum datum est , multum quæretur ab eo , & cui commendaverunt multum , plus petent ab eo , quam difficilem rationem sit habiturus , cui tam multa , ac singularia beneficia , tam pretiosa talenta , tam præclaræ ad sancte vivendum occasiones , tam multa ad proximo benefaciendum media a DEO sunt oblata . Vide proin , quam æquum sit , ut tu quoque salutarem hujus judicii timorem concipias ; & quidquid ad moderandum hunc timorem conducere potest , studiose adhibeas . Colloquium ad SS. PP. rogando , ut in illo potissimum rationis reddendæ actu tibi assistere dignentur .

## Punctum II.

Considera I. Quo potissimum medio servus iste Evangelicus remissionem sui debiti obtinuerit a Domino ; nimirum procidens dixit : Domine patientiam habe in me , & omnia reddam tibi .

Confidera II. Quo modo alterum quoque caput addere debuiffet fervus ifte ; videlicet ut & ipfe mifereretur confervi fui , & debitum remitteret , quod , quia non præftitit , iratus Dominus tradidit eum tortoribus , quoad ufque redderet univerfum debitum .

Confidera III. Quam apta fint hæc media ad ipf m etiam Deum placandum , quamque adeo fedulo illa a te adhiberi deinceps debeant . Colloquium ad B. V. illud præcipue ufurpando : Domina noftra , Mediatrix noftra , Advocata noftra : tuo Filio nos commenda , tuo Filio nos reconcilia , tuo Filio nos repræfenta .

### Punctum III.

Confidera I. Quid fit omnia reddere , uti ad exemplum servi in prioribus punctis facturum te propofuiffi ; nimirum præteritas negligentias novo fervore , & extraordinario perfectionis confequendæ ftudio compenfare .

Confidera II. Quantum gaudium per talem fervorem DEO , Sanctis , tibi , Religioni , aut Ecclefiæ , fratribus tuis , imo , & ipsis animabus purgatorii , pro quibus magnam operum tuorum partem a te offerri credo , creaturus fis ; quamque adeo potens motivum habeas ad hunc fervorem maximo quo poteris , animi conatu fufcipiendum , atque continuandum .

Confidera III. Quam præclaras item occafiones habeas , eundem hunc fervorem ipfo opere demonftrandi , hoc maxime tempore , quo & DEUS paratus eft efficaciora , & plura tibi auxilia elargiri , & domestici tui novum a te fervorem , & meliora vitæ sanctæ exempla exspectant . An non ergo dices cum S. Paulo ad Philipp. 3. *Fratres , ego me non arbitror comprehendiffe . Unum autem , quæ quidem retro sunt obliuifcens , ad ea vero , quæ sunt priora extendens me ipsum , ad destinatum persequor ad bravium fuperinvocationis DEI in Christo JESU* . Colloquium ad Christum illud cum Davide Pf. 142. affidue repetendo : *Domine non intres in iudicium cum servo tuo &c.* Item illud Pf. 78. *Domine*



ne memineris iniquitatum nostrarum antiquarum, cito anticipent nos misericordia tua, quia pauperes (& debitores) facti sumus nimis. Adjuva nos Deus salutaris noster, & propter gloria nominis tui Domine libera nos, & propitius esto peccatis nostris. Vid. Spinolam p. 2. med. 120. fol. 303. Legatur ex lib. 3. de imit. c. 14. & illa verba bene perpendantur. Sto attonitus, & considero, quia cœli non sunt mundi in conspectu tuo. Si in Angelis reperisti pravitatem, nec tamen pepercisti, quid fiet de me?

Pro Die secunda.

## MEDITATIO II. DE PURGATORIO.

Scopus.

**P**ROPOSITUM liberaliter succurrendi animabus defunctis, ut, qua mensura mensus fueris, eadem Deus remetiatur tibi.

Punctum I.

Confidera I. Parabolam de villico iniquitatis, quam Lucas c. 16. sic narrat. Homo quidam erat Dives, qui habebat villicum: & hic diffamatus est apud illum, quasi dissipasset bona ipsius, & vocavit illum, & ait illi: Quid hoc audio de te? redde rationem villicationis tue: jam enim non poteris villicare. Ait autem Villicus intra se: Quid faciam, quia Dominus meus auferet a me villicationem: fodere non valeo, mendicare erubesco. Scio quid faciam, ut, cum amotus fuero a villicatione, recipiant me in domos suas. Convocatis itaque singulis debitoribus Domini sui, dicebat primo: Quantum debes Domino meo? at ille dixit: centum cados olei. Dixitque illi: accipe cautionem tuam, & siede cito, scribe quinquaginta. Deinde alii dixit: Tu vero quantum debes? qui ait, Centum tritici coros. Ait illi: Accipe litteras tuas, & scribe octoginta. Confidera inquam, quis sit villicus iste

ille iniquitatis, nimirum homo, qui in administratione villicationis animæ suæ varias culpas veniales admisit, ideoque post mortem suam, quo tempore facultas villicandi, & merendi sublata est, rationem omnium suorum operum dare cogitur, & a villicatione amovetur.

Confidera II. Si etiam justus septies in die cadit, quoties credibile sit, te hæctenus lapsus fuisse in venialia saltem peccata, quamque adeo merito gravem pœnam timere possis in purgatorio subeundam.

Confidera III. Si minima etiam purgatorii pœna omnium tormentorum, quæ in hac vita infligi possunt, gravitatem longissime superat; quantum timorem te concipere par sit ob tot peccata venialia admissa, quibus unam ex majoribus ejusdem purgatorii pœnis es promeritus, quamque adeo solícite prospicere debeas de mediis, quibus tam gravi pœnæ, si non omnino, majori saltem ex parte eximere te possis. Colloquium ad SS. PP. eos denuo in amicos Patronos eligendo, ut, cum defeceris, recipiant te in æterna tabernacula.

## Punctum II.

Confidera I. Quo medio usus sit Parabolicus iste villicus, ut se pœnæ a Domino suo ob villicationem male gestam infligendæ subduceret; nimirum debitores sui Domini convocavit, eosque per expunctionem partes debiti amicos sibi fecit.

Confidera II. Quanto præclarior tibi occasio offeratur simile medium adhibendi, & amicos longe potentiores simili officio faciendi; scilicet animas defunctorum liberando a suis pœnis, ut illæ vicissim pro te intercedant, efficiantque, ut vel omnino liber existas a gravissimis illis pœnis purgatorii, vel certe non nisi brevissimo tempore ibidem crucieris.

Confidera III. Quam efficax semper hoc medium a piis, & religiosis personis sit habitum, quamque frequenti etiam experientia confirmatum, ita ut passim opinio jam invaluerit, vix ullum æque proficuum medium

dium esse ad poenas illas evitandas, quam misericordiam dictis animabus impensam, cum ipse Servator dixerit Lucæ 6. eadem mensura, qua mensi fuerimus, nobis remensum iri. Quanto proin studio deinceps illud adhibere & debeas, & velis. Colloquium ad B. V.

## Punctum III.

Considera I. Quomodo misericordiam erga animas potissimum demonstrare possis; scilicet si frequenter indulgentias, & sacrificia ipsis applices; si omnem vel potiorum operum tuorum fructum satisfactorium, aliis non obligatum, exemplo S. Gertrudis iisdem liberaliter transcribas; vel si exemplo pii cujusdam Religiosi omnia sacrificia, & preces post mortem pro te offerendas, quantum in te est, ipsis a Deo applicari humiliter petas.

Considera II. Si villicus iste parabolicus tantopere sibi obstrinxit Domini sui debitores, quando partem tam exiguam debiti eorum expungere eos jussit; quanto magis tu tibi animas defunctorum obstricturus sis, si per supradictos, aut alios similes modos non partem dumtaxat, sed totum debitum, & quidem tam grave, ipsisque tam onerosum expunxeris: quantam proinde benevolentiam & in hac, & in altera vita ab illis expectare possis.

Considera III. Quo modo hos modos, aut alios similes adhibueris, aut certe adhibere deinceps velis. Colloquium ad Christum cum protestatione, te ideo potissimum animabus illis succursurum, quod ab ipso didiceris, omnem charitatem, quæ uni ex minimis impensa fuerit, ipsi exhibitam censi. Vide Spinolam p. 2. medit. 165. fol. 425.

Legatur ex lib. de imit. 3. c. 12. & illa præcipue verba bene perpendantur: Si dixeris, te non posse multa pati, quomodo tunc sustinebis ignem purgatorii? de duobus malis minus est semper eligendum.

Pro secunda Die.

## MEDITATIO III.

## DE CUSTODIA SENSUUM.

Scopus.

*Perfecta sensuum externorum mortificatio.*

## Punctum I.

Confidera I. Egregiam illam parabolam, quam olim S. Franciscus proposuit, dum dixit, Virginem fuisse, quæ unicam hanuerit gemmam summo tamen pretio æstimatam, ad quam ab ipsa obtinendam primo pictor quispiam varias imagines; subinde Musicus suavem concentum; tum coquus sapidissimos cibos; post hunc Pharmacopola pretiosos suffitus & odores; & tandem formosissimus juvenis suos amplexus obtulerint; qui tamen omnes repulsam passi sint, utpote qui rem vanam, & vix momento duraturam in pretium sponderint. Verum cum post hos Rex aliquis potentissimus, sapientissimus, pulcherrimusque suas illi nuptias promitteret, si gemmam illi offerret; hunc enim verò dignissimum suæ gemmæ possessorem censuit, promptissimeque illi gemmam obtulit.

Confidera II. Quod judicium tulisses de hac Virgine, si ab ullo ex prioribus quinque Amasiis se persuaderi passa esset ad gemmam suam tam pretiosam pro tam vili munere offerendam: an non stultissimam judicasses?

Confidera III. An non tu hæcenus simile quid egeris? Quid aliud enim hæc Virgo, nisi animam tuam? quid aliud gemma, nisi voluntatem tuam, aut amorem? quid aliud quinque illi Amasii, nisi quinque sensus tuos repræsentant? vide ergo, a quo hæcenus, & quoties persuaderi te passus sis, ut voluntatem tuam,  
atque

atque consensum traderes, ne modica, quam ille offerebat, voluntate carere deberes; vel nunc ergo stultitiam tuam corrige, & deinceps blanditias sensuum tuorum contemnere discere. Colloquium ad SS. PP.

## Punctum II.

Considera I. Quam libenter renunciare debeas voluptatibus sensuum, utpote quæ viles, fluxæ, vanæ, & noxiæ sunt, quod pulchre videtur indicasse Thomas Kemp. lib. de imit. 1. c. 20. dum dixit: *Quid potes alibi videre, quod hic non vides? ecce cælum, & terram, & omnia elementa, nam ex istis omnia sunt facta.* Quasi diceret, quemadmodum partus ab ipsa Matre varias qualitates accipit, ita voluptates omnes ab elementis velut Matre varias itidem qualitates acceperunt; a terra quidem vilitatem, ab aqua fluibilitatem seu brevitatem, ab aere vanitatem, ab igne virtutem nocendi corpori, & animæ.

Considera II. Quam efficacia sint hæc motiva ad persuadendum quemvis, ut omnibus sensualibus voluptatibus renuntiet, omnemque suum amorem in Regem in Parabola supra posita descriptum transferat.

Considera III. Quomodo tu hactenus hac in parte te gesseris, & deinceps gerere velis. Colloquium ad B. V.

## Punctum III.

Considera I. Quis sit Rex ille, cui Virgo nostra Parabolica gemmam suam obtulit; nimirum Deus, qui omnes qualitates in Rege illo descriptas perfectissime continet, ita ut jure de illo usurpare possit illud Sap. c. 7. *Omnia bona venerunt mihi pariter cum illo, & innumerabilis honestas (atque voluptas) per manus illius.*

Considera II. Quam dignus sit Rex iste, ut gemmam voluptatis, aut amoris tui eidem offeras, cum in eo velut fonte reperias abundantissime id omne, quod  
a sen-

a sensibus tuis, & creaturis velut eorum objectis expectare poteras.

Confidera III. Quomodo proin Deum omnibus his sensualibus voluptatibus præponere, & in has, aut similes voces prorumpere in omni tentatione sensuali velis : *Quis ut Deus ? Deus meus et omnia , quid mihi est in celo , & a te quid volui super terram ?* Colloquium ad Christum cum convenientibus affectibus , maxime illud S. Bernardi assidue repetendo : *JESU dulcedo cordium , fons vivus , lumen mentium , excedens omne gaudium , & omne desiderium .*

Legatur ex lib. 3. de imit. 6. 21. & illa maxime verba bene perpendantur : Non potest cor meum veraciter requiescere, nec totaliter contentari, nisi in te requiescat, & omnia dona, omnemque creaturam transcendat. Item : Querant alii pro te aliud, quodcumque libuerit ; mihi aliud interim nil placet, nec placebit, nisi tu DEUS meus, spes mea, salus æterna.

Pro secunda Die .

## MEDITATIO IV.

### DE INFERNO.

Scopus .

*Horror peccati mortalis, & voluptatum cum zelo  
aliena Salutis .*

Punctum I.

Confidera I. Parabolam de divite Epulone, quam S. Lucas c. 16. sic describit : *Homo quidam erat dives , qui induebatur purpura , et bysso , et epulabatur quotidie splendide . Ecce erat quidam mœdicus , nomine Lazarus , qui jacebat ad januam ejus ulceribus plenus , cupiens saturari de micis , quæ cadebant de mensa divitis ; et nemo illi dabat : sed et canes veniebant , et lingeabant  
ulcera*

ulcera ejus. Factum est autem, ut moreretur mendicus, et portaretur ab Angelis in sinum Abrabæ. Mortuus est autem dives, & sepultus est inferno. Elevans autem oculos suos, cum esset in tormentis, vidit Abraham a longe, et Lazarum in sinu ejus: et ipse clamans dixit: Pater Abraham, miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili recordare, quia recepisti bona in vita tua, & Lazarus similiter mala: nunc autem hic consolatur, tu vero cruciaris: & in his omnibus, inter nos, & vos magnum chaos firmatum est: ut hi, qui volunt hinc transire ad vos, non possint, neque inde huc transire. Et ait: Rogo Pater, ut mittas eum in domum Patris mei, habeo enim quinque fratres, ut testetur illis, ne & ipsi veniant in hunc locum tormentorum. Et ait illi Abraham: Habent Moysen, & Prophetas; Audiant illos. At ille dixit: Non, Pater Abraham: sed si quis ex mortuis ierit ad eos, pœnitentiam agent. Ait autem illi: si Moysen, et Prophetas non audiunt, neque, si quis ex mortuis resurrexerit, credent. Considera, inquam, quantas hic Epulo pœnas illo in loco patiatur, quas breviter, sed nervosè descripsit, qui dixit, in inferno esse omni boni abscentiam, omnis mali præsentiā, omnis mali indefinentiam.

Considera II. Quas ob causas in tantum malum inciderit dictus æpulo; nimirum, quia bona recepit in vita, id est, quia illicitis voluptatibus fruendis vitam suam totam impendit.

Considera III. Quam stulta hæc fuerit mercatio, qua pro momentanea voluptate empta sunt tam gravia, æternaque mala; an non jure merito dives hic cum Jonatha; Reg 34. exclamare potuerit: Paululum gustavi mellis, & ecce morior; & quidem in æternum. Colloquium ad SS. PP.

### Punctum II.

Considera I. Si Epulonem hunc aliquis a pœna hac sua

sua inexplicabili liberasset, quanto amore in hunc suum Redemptorem rapiendus fuisset; ut si ei optio facta esset a DEO, vel in inferno manendi per æternitatem, vel redeundi ad nos, & centum annis in severissima, qualem nullus hominum in terris umquam fecit, poenitentia perseverandi, quam beatum se judicaturus, & quam prompto animo posteriorem hanc partem accepturus fuisset.

Considera II. Cum tu quoque toties Deum mortaliter forte offenderis toties infernum merueris, & tamen commeritas in inferno pœnas non luas, an non perinde hoc beneficium æstimare debeas, ac si reipsa in inferno positus ex eodem extractus fuisses? an non ergo vel ex hoc solo capite DEUM summe amare, omniaque adversa, & difficilia prompte, alacriterque in consideratione pœnæ hujus commeritæ, & condonatæ tolerare debeas?

Considera III. Quid potissimum tibi hætenus difficile acciderit; quid item Sacerdos aliquis damnatus, si liberationem sperare posset, de tua hac difficultate sentiret; quam levem eam duceret, etiamsi millies, & centies millies gravior, & diuturnior esset, adeoque ab alieno sapere, & aliena calamitate tuas ærumnas-leviter ferre discere. Colloquium ad B. V.

### Punctum . III.

Considera I. Quam sollicitus fuerit hic Epulo, ne fratres sui veniant in hunc locum tormentorum, quamque adeo suppliciter ab Abrahamo petierit, ut mitteret Lazarum in domum Patris sui.

Considera II. Si carnalis affectio, & propinquitatis tantum valuit, quantum in te efficere debeat spiritualis fraternitas, utpote qui eodem cum peccatoribus sanguine, Christi videlicet, es spiritualiter regeneratus; imo & ratione vocationis tuæ arctiorem ipsius etiam Paternitatis spiritualis conjunctionem es nactus.

Considera III. Si ipsi huic Epuloni concessa esset a DEO facultas ad suos remeandi, eosque alloquendi, &  
ju-



juvandi, quam potentibus argumentis eos ad odium peccati, & voluptatum, ad horrorem interni, ad amorem, & timorem Dei hortaturus; quam nulli labori parsurus fuisset in eorum salute promovenda &c. Quanto magis ergo hæc eadem tu præstare debeas, utpote cui non concessa dumtaxat facultas est, cognatos hos tuos, & filios spirituales alloquendi, & adjuvandi, sed etiam tam copiosa auxilia offeruntur, ut tale officium majori cum fructu iisdem exhibere possis. Colloquium ad Christum cum congruis affectibus. Vide Spinolam p. 2. Med. 167. fol. 429.

Legatur ex lib. 1. de imit. c. 24. & illa præcipue verba bene perpendantur: Disce nunc in modico pati, ut tunc valeas a gravioribus liberari. Hic primo proba, quid possis postea, si nunc tam parum valeas sustinere? si modo modica passio tam impatientem efficit, quid gehenna tunc faciet?

Pro tertia Die.

## MEDITATIO I. DE REGNO CHRISTI.

Scopus.

*Perfecta Christi Imitatio.*

**T**ESERA: Qui sequitur me, non ambulat in tenebris, sed habebit lumen vitæ. Joan. 8.

Punctum I.

Confidera I. Parabolam a S. Ignatio in lib. exercitiorum propositam de Rege, qui omnes suos subditos ad bellum contra hostes evocavit, ea tamen conditione, ut tempore quidem belli eodem victu, vestitu, aliisque rebus, quo ipse usus fuerat, utantur, sed in iisdem laboribus, & vigiliis, & casibus ceteris cum eodem persistant,

stant, post finitum vero belli tempus participes fiant victoriæ, & felicitatis, prout laborum, & molestiarum socius quisque extiterit, uti fufius in libello exercitiorum S. Ignatii legere est.

Considera II. Quid respondere debeant subditi tali Regi; an non æquissimum sit, ut quisque promptissimo animo ad ejus signa convolet, paratissimumque se ad omnem ejus voluntatem offerat?

Considera III. Quanto promptius tu sub vexillum Christi confugere debeas, siue Ducis tui præstantiam, & dignitatem; siue hostium, contra quos certandum est, erga te odium, & crudelitatem; siue victoriæ, quam sperare sub tanto Duce justissime potes, nobilitatem; siue præmii tandem, & prædæ, quam ex tali victoria referes, magnitudinem perpendas. Colloquium ad SS. PP. gratulando de tam insigni victoria sub tali Duce obtenta.

### Punctum II.

Considera I. Quænam sint potiores militis proprietates; nimirum deserere patriam, & amicos, indifferenter esse ad omnia loca, & officia; paratum esse ad omnia Ducis imperia exequenda, nulla inopia, difficultate, aut periculo terreri, contra hostes suos fortiter ac generose in conspectu Regis sui, & pro ejusdem gloria pugnare.

Considera II. Quam prompte ac perfecte hæc omnia milites hujus sæculi præstent; & quidem tam modico salario excitati, tam incerta spe prædæ, aut victoriæ allekti, tam infirmi ac humilis Ducis exemplo animati.

Considera III. Si isti talia poterant cum tam levibus auxiliis, & motivis, quanto facilius tu eadem exequi ac observare possis, tam potentis Regis præsentia animatus, tot auxiliis adjutus, & tantis præmiis excitatus. Vide ergo, quomodo hætenus has condiciones impleveris, aut certe deinceps implere velis. Colloquium ad B. V.

## Punctum. III.

Confidera I. Contra quem potissimum hostem militare sub Christi vexillo debeas; nimirum contra te ipsum ita enim ipse Dux tuus indicasse videtur, quando Math. 16. dixit? *Si quis vult post me venire, abneget semetipsum, & tollat crucem suam, & sequatur me.* Unde recte Thomas Kemp. lib. 1. c. 3. ait: *Hoc deberet esse negotium nostrum, vincere videlicet seipsum, & quotidie se ipso fortiozem fieri.* Et lib. 3. c. 53. *Si vere velis esse spiritualis, oportet eum renuntiare tam remotis, quam propinquis, & a nemine magis cavere, quam a seipso. Si te ipsum perfecte viceris, cetera facilius subjugabis. Perfecta victoria est, de semetipso triumphare.*

Confidera II. In quo consistat hæc victoria; scilicet ut perinde ac bello victi solent, totus secundum arbitrium victoris, id est, rationis tuæ, & DEI, vivas, quod præclare iterum indicavit Thomas Kemp. l. 3. cap. 53. cum in persona Christi dixit: *Qui semetipsum subiectum tenet, ut sensualitas rationi, et ratio, in cunctis obediat mihi, hic vere victor est sui, et Dominus mundi.*

Confidera III. Quomodo hanc victoriam obtinere possis; scilicet iis mediis, quibus victoriæ corporales obtineri plerumque solent, quorum tria sunt, potissima. Primum auxilium Divinum. Secundum Patrocinium certorum SS. maxime B. MARIE de Victoria. Tertium, generosa, & constans hostium aggressio, & persecutio, quam multum juvat Ducis præsentia repræsentata, memoria præmii victoribus promissi, consideratio infamiae, servitutis, & crudelitatis incurrendæ, & sustinendæ ab eo, qui hostibus suis in hoc certamine succubuerit. Vide itaque, quomodo tu hæc media arripueris, aut certe arripere deinceps velis. Colloquium ad Christum, eligendo eum in Ducem, & Sacramentum militare denuo dicendum.

Legatur ex l. 3. de Imit. c. 61. & illa præcipue verba bene perpendantur. Eia fratres pergamus simul, JESUS erit nobiscum. Erit Adjutor noster, qui est Dux no-

ster, & Præcessor. En Rex noster ingreditur ante nos, qui pugnabit pro nobis. Sequamur viriliter, nemo metuat terrores, simus parati fortiter in bello, nec inferamus crimen gloriæ nostræ, ut fugiamus a ciuce.

Pro tertîa Die.

## MEDITATIO II.

### DE ABNEGATIONE OMNIS AMORIS INORDINATI ERGA RESCREATAS.

Scopus.

*Studium dictæ Abnegationis:*

Punctum I.

Considera I. Parabolam de homine, qui volens turrim ædificare, non potuit perficere; quam sic S. Lucas. c. 14. describit. *Quis enim ex vobis volens turrim ædificare non prius sedens computat sumptus, qui necessarij sunt, si habeat ad perficiendum, ne posteaquam posuerit fundamentum, & non potuerit perficere, omnes, qui vident, incipiant illudere ei, dicentes, quia hic homo cepit ædificare, & non potuit consummare?* Considera ergo primo quam bene per hominem hunc Sacerdotes designentur, utpote qui vi status sui obligantur ad perfectionis turrim ædificandam.

Considera II. Quam præstans sit hæc turris Sacerdotalis perfectionis; sive illius altitudinem spectes, quæ merito dicitur pertingere usque ad cœlos; sive firmitatem consideres, quæ tanta est, ut portæ inferi non possint prævalere adversus eam; cum enim perfectus homo Deum pro muro suo habet, jure cum S. Davide Pl. 26. exclamare poterit: *Si consistant adversum me castra, non timebit cor meum*; sive candorem attendas, ob quem recte turris eburnea dici potest; sive denique In-

colas

colas ejusdem , & thesauros perpendas , nempe Deum cum gratia , & virtutibus , meritisque supernaturalibus , quæ in eadem velut tutissimo , & dignissimo habitaculo reconduntur .

Considera III. Quantum beneficium tibi a Deo per sacerdotii munus concessum sit ; dum per illud tibi tam copiosa media obtulit ad tam præclaram altamque turrim ædificandam , quamque adeo prompte hæc media arripere , & totis viribus te ad turrim hanc ædificandam accingere debeas. Colloquium ad SS. PP.

### Punctum II.

Considera I. Quodnam sit fundamentum ad ædificationem talis turris necessarium ; scilicet omnis amoris inordinati erga res creatas abnegatio ; ita enim Christus ipse in fine hujus parabolæ indicasse videtur , dum dixit : *Sic ergo omnis ex vobis , qui non renuntiat omnibus quæ sident , non potest meus esse Discipulus.*

Considera II. Quam convenienter hæc abnegatio fundamentum sacerdotalis perfectionis ponatur ; cum enim ex una parte perfectio sacerdotalis in perfecta charitate DEI consistat ; ex altera vero parte , ut Thomas Kemp , l. 2. c. 7. ait : *Dilectus tuus talis sit natura , ut alienum non velit admittere , sed solus velit cor tuum habere , & tamquam Rex in proprio throno sedere ;* facile patet , non posse Sacerdotem umquam ad perfectionem pervenire , nisi generose prius omnibus rebus creatis valedicat .

Considera III. Quomodo tu hætenus fundamentum hoc posueris , aut ponere certe deinceps velis. Colloquium ad B. Virg.

### Punctum III.

Considera I. Non satis esse ad turrim hanc ædifican-

candam, ut quis fundamentum posuerit; sed insuper requiri, ut tempus habeas ad perficiendum, id est, media convenientia eligat, & adhibeat, quorum auxilio reliquum perfectionis ædificium superexstruere, atque ad ipsum charitatis apicem perducere possit.

Considera II. Quæ sint illa media ad hunc finem tantopere necessaria; nimirum auxilii Divini humilis imploratio, B. V. & SS. Patronorum summa veneratio, seria DEO soli serviendi resolutio, profunda, sibi que semper diffidens demissio, & constans denique propositorum executio.

Considera III. Quam parum hætenus tu hos sumptus comparare studueris; & quam iuste ob eorum defectum illudere tibi non modo homines, sed & dæmones potuerint, ac dicere: *hic homo cepit ædificare, & non potuit consummare*. Vide ergo, quomodo deinceps saltem illos parare, atque ad dictum perfectionis ædificium erigendum novo animo te accingere velis. Colloquium ad Christum cum congruis affectibus.

Legatur ex lib. 3. c. 38. & illa præcipue verba bene perpendantur: si ad hunc apicem scandere gliscis, oportet viriliter incipere, & securim ad radicem ponere, ut evellas; & destruas occultam inordinatam inclinationem ad te ipsum, & ad omne privatum, & materiale bonum.

Pro tertia Die.

## MEDITATIO III.

### DE LINGUÆ CUSTODIA.

Scopus.

*Propositum linguæ refrenandæ.*

Punctum I.

Considera I. Parabolam de homine, qui iter summi  
mo

momenti peragere iussus, equo alicui indomito, & feroci se commisit, nec tamen ullum ori illius frænum circumdedit, unde per avia, & devia abreptus, & in obvios quosque irruens, sibi, & illis gravissima damna creavit. Considera, inquam, quale de tali homine iudicium ferre alii homines, imo quid tu ipse de eodem sentires? an non stultissimum judicares? an non indignum commiseratione ob damna, quæ ipsemet incurrit, dignum vero omnium aliorum, quos stultissimo hoc facto suo læsit, odio censes? Quod si verò, & ipse talia damna sæpius expertus, & ab aliis frequenter, ut tandem aliquando saperet, frænumque æquo induceret, admonitus esset, & tamen adhuc errorem non emendaret, an non gravissima insuper pœna, supplicioque dignum pronuntiaret?

Considera II. Quam convenienter per hunc hominem significantur ii, qui linguam suam refrænare negligunt. Quis enim nescit, quanta damna, & injuriæ DEO, nobis ipsis, & proximo nostro creentur, si frænum huic equo, id est, linguæ circumdare negligamus? ut merito S. Jacobus dixerit c. 3. omnem naturam bestiarum domitam esse a natura humana, linguam autem solam domari vix posse, utpote inquietum malum, & plenum veneneno mortifero.

Considera III. An non, & tu talia damna frequenter hactenus sis expertus, atque adeo iustissimas habeas causas audiendi, & sequendi consilium Ecclesiastici c. 4. *Aurum tuum, & argentum confra, & verbis tuis facito stateram, & franos ori tuo rectos, & attende, ne labaris in lingua tua.* Colloquium ad SS. PP.

## Punctum II.

Considera I. Quodnam sit illud frænum, quod linguæ inducere debes; nimirum firmissimum decretum non loquendi, nisi quando, & quantum necessitas, utilitas, aut charitas exigit, & serius conatus in hoc decreto executioni mandando; ut enim frænum duabus

partibus constat, ita & hoc spirituale frænum dictis duabus partibus absolvitur.

Considera II. Sicut quandoque non sufficit simplex frænum ad equum aliquem continendum, utpote magis ferocem, ideoque aliud mordacius frænum superaddendum est, ita & in lingua domanda, si quandoque prædictæ duæ industriæ non sufficiunt, tertiam superaddendam esse, scilicet voluntariam castigationem, quoties in lingua lapsus te adverteris.

Considera III. Quam efficacia sint hæc remedia, & quomodo tu hæcenus ea adhibueris, aut certe adhibere deinceps velis. Colloquium ad B. V.

### Punctum III.

Considera I. Quanta commoda tibi ex tali refrænatione secutura sint; nimirum similia iis, quæ aliquis ab equo bono, beneque refrænato sperare potest, quorum tria sunt potissimum. Primum est, ut iter suum sine gravi molestia pergat. Secundum, ut brevi tempore ad terminum sibi præfixum perveniat. Tertium, ut, si hostis immineat, facilius certiusque illum effugiat.

Considera II. Quam longe præstantius hæc commoda ex refrænatione linguæ sperare possint, nam 1. Quæ gravior in via spirituali molestia, aut quod gravius offendiculum reperitur, quam peccatum? atqui hoc sicut in multiloquio non deest, ita vel maxime abest a linguæ custodia; hinc S. Petrus 1. cap. 3. ait. *Qui vult vitam diligere, & dies videre bonos, coerceat linguam suam a malo.* 2. Brevi tempore ad perfectionem, quæ Sacerdotis terminus est, pervenit; nam teste S. Jacobo c. 3. *Si quis in sermone non labitur, hic perfectus est vir.* 3. Suorum hostium insidias facilius declinat, quia teste Salomone Prov. 10. *Qui moderatur labia sua, prudensissimus est;* quid mirum ergo, si facile se ab insidiis hostium expediat.

Considera III. Quam efficaciter hæc motiva persua-  
deant, ut omnem tuum conatum, & diligentiam adhi-  
beas



beas in lingua tua refrænanda, quantoque adeo studio deinceps in hanc curam incumbere velis. Colloquium ad Christum.

Legatur ex lib. 1. de imit. c. 10. & illa maxime verba bene considerentur: Vellem me pluries tacuisse, & inter homines non fuisse, Malus usus, & negligentia profectus nostri multum facit ad incustodiam oris nostri.

Pro tertia Die.

## MEDITATIO IV.

### DE FERVORE IN PERFECTIONIS STUDIO.

Scopus.

*Idem fervor excitandus,*

Punctum I.

Confidera I. Parabolam de Patrefamilias, qui variis horis exiit conducere Operarios, quam S. Matthæus c. 20. sic describit: *Simile est regnum Cælorum homini Patrifamilias, qui exiit primo mane conducere Operarios in Vineam suam. Conventionem autem facta cum Operariis ex denario diurno, misit eos in Vineam suam. Et egres- sus circa horam tertiam, vidit alios stantes in foro otiosos, & dixit illis: Ite & vos in Vineam meam, & quod ius- tum fuerit, dabo vobis. Illi autem abierunt. Iterum au- tem exiit circa sextam, & nonam horam, & fecit simili- ter. Circa undecimam vero exiit, & invenit alios stan- tes, & dicit illis: Quid hic statis tota die otiosi? dicunt ei: Quia nemo nos conduxit. Dicit illis: Ite et vos in Vi- neam meam. Cum sero autem factum esset, dicit Dominus Vineæ Procuratori suo: Voca Operarios, et redde illis mercedem, incipiens a novissimis usque ad primos. Cum venissent er-*

go, qui circa undecimam horam venerant; acceperunt singulos denarios. Venientes autem & primi arbitrati sunt, quod plus essent accepturi; acceperunt autem et ipsi singulos denarios. Et accipientes murmurabant adversus Patremfamilias, dicentes: Hi novissimi nostra hora fecerunt, & pares illos nobis fecisti, qui portavimus pondus diei, et æstus. At ille respondens uni eorum, dixit: Amice non facio tibi injuriam; nonne ex denario convenisti mecum? Tolle, quod tuum est, et vade: Volo autem, et huic novissimo dare, sicut et tibi. Aut non licet mihi, quod volo, facere? an oculus tuus nequam est, quia ego bonus sum? Considera, inquam, quis Scopus a Christo per istam Parabolam sit intentus; nimirum ut ostenderet, fieri posse, & vero etiam non infrequenter solere, ut ii, qui serius ad servitium Divinum accedunt, æquale aut etiam majus a DEO præmium accipiant, quam ii, qui maturius accesserunt, & totam vere vitam in Vinca Domini consumpserunt.

Considera II. Quam magnum ex hac doctrina solatium haurire possitis, & tu, & alii tui similes, qui aut serius sacerdotium aggressi estis, aut certe non nisi tepide ejusdem munera, & officia peregistis, quantosque adeo animos concipere debeatis, ad priorem negligentiam novo fervore compensandam.

Considera III. Quid tu hætenus hac in parte egeris, & quid deinceps agere velis. Colloquium ad SS. Patronos.

#### Punctum II.

Considera I. Quo potissimum medio priores negligentias, & jacturam meritorum compensare possis; nimirum si novo fervore perfectioni consequendæ studeas; ut enim aqua fervens majus spatium occupat, ita & animus fervore Spiritus accensus ad majora semper charitatis, perfectionisque spatia seu augmenta se dilatat.

Considera II. In quo potissimum consistat hic fervor; scilicet in hoc, ut omnium, quæ retro sunt, obli-

oblitus; ad anteriora te convertas, & singulari studio ad quotidiana tua opera perfecte obeunda incumbas; quæ quidem perfectio operum in hoc consistit, ut faciās ea semper, quæ DEO placent; & eo modo, quo ipsi placent; & quia ipsi placent.

Considera III. Quos fructus ex tali fervore sperare possis; nimirum illos, quos Thomas Kemp. lib. 1. c. 25. indicavit his verbis: *Si dederis te ad fervorem, invenies magnam pacem, et senties leviores labores propter Dei gratiam et virtutis amorem: Homo fervidus et diligens ad omnia est paratus, etc.* Unde S. Ignatius in Epist. 2. §. 3. suos ita hortatur: *Fovete semper in sinu cordis vestri vividum quemdam sanctumque fervorem ad quosvis pro virtute exercendos labores, quia rarum aliquod, et exiguum facinus sexcentis vulgaribus minutisque antecellit; ad quem enim virtutis gradum multis annis piger non potest adrepere, exigua temporis intercapidine diligens mirabiliter volat; etc.* Vide ergo, quomodo deinteps talem fervorem excitare velis. Colloquium ad B. V.

### Punctum III.

Considera I. Quibus mediis hunc in te fervorem promovere, & conservare possis: tria præcipue conducent. Primum est, ut sæpe consideres charitatem Dei, & beneficia tum generalia, tum particularia per vitam tibi collata, quæ totidem sane sunt prunæ ad fervorem excitandum. Secundum, ut frequenter animo volvas, quod hæc unica sit via ad summam felicitatem in hac, & altera vita obtinendam. Quem in finem proderit, tibi imaginari, idem nobis contigisse, quod homini illi, cui Rex thesaurum suum aperuisset, plenamque facultatem concessisset, unius diei intervallo, quantum vellet, & posset, auferendi. O quam ferventem se homo iste in tali labore ostenderet; quam nullum momentum elabi sineret, quod non in auferendis ex thesauro divitiis consumeret! an non & tu quoque illis Eccl. 15. c. 9. verbis te adhortaberis: *Quodcumque fa-*  
cere

*cere potest manus mea, instanter operare.* Tertium est, ut oculos convertas ad aulicos, milites, mercatores, & similes personas; & consideres, quanta illi faciant, & patiantur, ut hominis favorem sibi concilient, præmiaque, & lucra peritura obtineant; an non enim talibus exemplis motus exclamabis: Potuerunt isti, & isti, & ego non potero?

Considera II. Quam efficacia, multisque exemplis hætenus sint confirmata hæc motiva.

Considera III. Quomodo tu hætenus ea adhibueris, aut certe adhibere deinceps velis. Colloquium ad Christum. Vide Spinolam p. 2. Med. 171. fol. 444.

Legatur ex l. 1. de Imit. c. 25. & illa præcipue verba bene perpendantur: Igitur ad profectum serveas, quia mercedem laborum tuorum in brevi recipies, nec erit tunc amplius dolor aut timor in finibus tuis. Modicum nunc laborabis, & magnam requiem, imo perpetuam lætitiā invenies.

Pro quarta Die.

## MEDITATIO I.

### DE PAUPERTATE SPIRITUALI.

Scopus.

*Amor paupertatis augendus.*

Tessera.

*Vota mea Domino reddam coram omni populo ejus*  
Psal. 115.

Punctum I.

Considera I. Parabolam de thesauro abscondito in agro, quem, qui invenit homo, abscondit, & præ gaudio illius vadit, & vendit omnia, quæ habet, & emit agrum

agrum illum Matth. 13. Considera, inquam, quis sit thesaurus iste; nimirum ipse DEUS, qui in agro Status Religiosi, vel Ecclesiastici absconditus jacet; invenitur autem ab omnibus, qui talem Statum non modo amplectuntur, sed etiam veri Religiosi aut Sacerdotis officium implere pro viribus conantur.

Considera. II. Quam pretiosus sit iste thesaurus, sive antiquitatem spectes, quæ est æternitas; sive magnitudinem, quæ est infinita, & inexhaustibilis; sive tandem varietatem consideres, quæ est omnium bonorum perfecta congregatio, uti ipse DEUS Moyse Exod. 33. indicavit, dum dixit: *Ego ostendam omne bonum tibi.* Et expertus est S. Franciscus illud assiduo ingemilians: *DEUS meus, & omnia.*

Considera III. Quantum desiderium quivis merito concipere debeat thesauri hujus inveniendi, quamque adeo felicem te judicare debeas, quod aditus tibi a DEO apertus sit.

## Punctum II.

Considera I. Quid requiratur ad thesaurum istum obtinendum; nimirum, ut vendas vel opere, vel affectu saltem universa, quæ habes, & emas agrum talem, & cum eo etiam ipsius DEI tui fruitionem, non in altera dumtaxat, sed hac etiam vita, quantum mortali homini fas est, obtinendam.

Considera II. Quid sit vendere universa; scilicet per Paupertatem exuere omnem affectum erga Parentes, Consanguineos, divitias, & seipsum, ita ut non aliter ullam ex istis amemus, aut adhibeamus, quam ordinata erga DEUM, & nos ipsos charitas requirit, atque adeo quantum discretio patitur, vilissima quæque in cibo, potu, vestitu, habitatione, officiis, aliisque similibus rebus & optemus, & eligamus.

Considera III. Quam longe tu hactenus a tali paupertate abfueris, & quomodo deinceps saltem exercere eandem velis. Colloquium ad B. V.

## Punctum III.

Confidera I. Quod medium præcipue conducat ad dictam Spiritus paupertatem obtinendam; nimirum si frequenter ea, quæ relinquis, cum thesauro, quem emere statuisti, compares, certoque tibi persuadeas, omnia ea, quæ reliquisti, infinities præstantius te in hoc thesauro invenire, utpote de quo merito usurpare possis illud Sap. c. 7. *Venerunt mihi omnia bona pariter cum illo, et innumerabilis honestas per manus illius, et latatus sum in omnibus etc.*

Confidera II. Si Elcana 1. Reg. 1. uxori suæ ob sterilitatem flenti dicere ausus est: *Anna, cur fies, et quare non comedis, et quam ob rem affligitur cor tuum? numquid non ego melior tibi sum, quam decem filii?* Quanto magis tu tibi Deum repræsentare, & ob huius, vel illius rei creatæ derelictionem tristanti dicentem quasi audire debeas: Numquid ego melior tibi sum, quam ista, aut illa creatura? numquid ego sum fons ipse solidarum voluptatum, & deliciarum? cur ergo derelinquis fontem vivum, & fodis tibi cisternas dissipatas, quæ continere non valent aquas.

Confidera III. Quam efficax sit hoc medium, quamque adeo solícite, & efficaciter tu illud adhibere debeas, & velis. Colloquium ad Christum, illud S. Davidis Ps. 72. affectuose, & efficaciter pronuntiando: *Quid mihi est in cælo, et a te quid volui super terram, Deus cordis mei, et pars mea Deus in æternum, Vide Spinolam p. 2. Med. 90. pu. 1. f. 224.*

Legatur ex lib. 2. de imit. c. 11. & illa maxime verba probe considerentur: Tunc vere pauper, & nudus spiritu esse poteris, & cum Propheta dicere: Quia unicus, & pauper sum ego: nemo tamen isto ditior, nemo potentior, nemo liberior: qui se, & omnia relinquere scit, & ad infimum se ponere.

Pro quarta Die.

# MEDITATIO II

## DE CASTITATE.

Scopus.

*Amor ejusdem Virtutis augendus.*

Punctum I.

Confidera I. Parabolam de filia cujusdam Mendici, quæ ut fufius describit Joan. Nierembergius l. 1. de adorat. in Spiritu c. 6. a Rege fapientiffimo, potentiffimo, & pulcherrimo in Sponfam electa eft, & in Prætorium magnificum introducta, quod Rex mirifice adornavit undique fculpens fui imaginem, ut conciliaret fui amorem; fed & familiam, & fervos innumeros difpofuit, quia ipfemet ei variis. in obfequiis miniftravit, delicias fuas cum illa reputans. Insuper inftituit hæredem Regni fui, promiffis donis multo majoribus, fi fidem fervaret. Confidera, inquam, quis animus tali Virgini effe deberet; an non æquiffimum foret, ut omnem conatum adhiberet in tali Rege amando, fummamque illi fidelitatem exhiberet.

Confidera II. Si talis mulier follicicaret ad adulterium, contempto Rege, mancipia ftabulo infervientia, & hæc ipfa renitentia, fidemque Rēgi fervare cupientia cogeret ad adulterium, atque ut tanto liberius his amoribus vacare poffet, ipfum Sponfum hoftibus fuis occidendum offerret; qualem ftultitiam ab ea commiffam, & quam gravi infamia poenæque dignam judicares.

Confidera III. An non hoc ipfum faciat quævis anima per votum caftitatis DEO desponsata, fi fpretis Sponfi fui cœleftis amoribus ad carnales voluptates fe convertat, easque five cogitatu, five verbo, five opere  
 i plo

ipso prosequatur; Vide ergo, an non, & tu similem stultitiam amiseris, & quomodo vel deinceps errorem hunc corrigere velis, delibera. Colloquium ad SS. Patrones.

## Punctum II.

Confidera I. Si dicta Sponsa post turpe adeo facinus non modo a Sponso suo non puniretur, sed ultro ab eodem ad reconciliationem invitaretur cum plenissima veniæ concessione, imo & novorum donorum, & favorum promissione, quantopere hoc beneficium æstimare, & quanto amore denuo in Sponsum suum accendi deberet, novumque adeo propositum concipere, summa cum fidelitate eidem Sponso suo adhærendi.

Confidera II. An non tibi idem beneficium tanto perfectius sit exhibitum, quanto nobilior est Sponsus, quem offendisti, & quanto ignobilior eras, qui offendisti, & quanto denique frequentius hæc ipsa gratia post iteratum lapsum collata est.

Confidera III. Quam æquum proinde sit, ut singulari studio deinceps castitati studeas, et totum tuum amorem cælesti huic Sponso consecres, ut vel nunc tandem jure usurpare possis illud Cantic. 2. *Dilectus meus mihi, & ego illi*. Colloquium ad B. V. eam in testem fidei de novo datæ eligendo.

## Punctum III.

Confidera I. Quo medio eadem Sponsa uti debuisset, ut se a tam gravi, & probroso scelere contineret; videlicet oculos suos frequenter in Sponsum suum convertendo, ejusque pulchritudinem, & amabilitatem cum turpitudine stabulariorum, quos deperibat, conferendo; an non enim tunc cum S. Bernardo exclamasset: *JESUS sole serenior, & balsamo suavior, omni dulcore dulcior, & cunctis amabilior*; an non, & cum Sponsa dixisset: *Dilectus meus candidus, & rubicundus, electus ex millibus*.

CON-



Confidera II. Quantopere hoc medio Sponsum sibi devincire potuisset; si enim Sponsus in occulto vidisset a variis procis Sponsam suam ad adulterium sollicitari, eam vero constanter spurios suos hos amores rejicere, ac Sponsi sui pulchritudinem, debitamque illi fidelitatem objicere; an non putas, summe illum hoc facto recreandum, atque in sponsæ suæ amorem rapiendum fuisse? Atqui non minorem Christo Sponso suo recreationem faciet illa anima, quæ sensus suos ad adulterium spirituale incitantes constanter rejicit: an non ergo vel hoc solum motivum sufficiat, ad sensum accuratam custodiam adhibendam; omnemque carnalem voluptatem amore Sponsi sui fortiter, ac generose repudiandam?

Confidera III. Quomodo tu hactenus hoc medium adhibueris, aut adhibere deinceps velis. Colloquium ad Christum, novam ei fidelitatem promittendo. Legatur ex lib. 2. de Imit. c. 7. & illa præcipue verba bene perpendantur: Oportet, dilectum pro dilecto relinquere, quia JESUS vult solus super omnia amari. Dilectio creaturæ fallax, & instabilis: dilectio JESU fidelis, & perseverabilis.

Pro quarta Die.

### MEDITATIO III.

#### DE REGULARUM ET CONSTITUTIONUM ECCLESIASTICARUM ACCURATA OBSERVATIONE.

Scopus.

*Studium dictæ observationis augendum.*

#### Punctum I.

Confidera I. Parabolam de fideli dispensatore, quam S. Lucas c. 12. sic describit: *Quis putas, est fidelis dispensator, et prudens, quem constituit Dominus supra familiam suam,*

G B

*suam, ut det illis in tempore tritici mensuram? Beatus ille servus, quem, cum venerit Dominus, invenerit ita facientem. Vere dico vobis, quoniam super omnia, quae possidet, constituet illum. Quod si dixerit servus ille in cordo suo: Moram facit Dominus meus venire: & coeperit percutere servos, et ancillas, et edere, et bibere, et inebriari? Veniet Dominus servi illius in die, qua non sperat, et bora, qua nescit, et dividet eum, partemque ejus cum infidelibus ponet. Ille autem servus, qui cognovit voluntatem Domini sui, et non preparavit, et non fecit secundum voluntatem ejus, vapulabit multis: qui autem non cognovit, et facit digna plagis, vapulabit paucis. Considera, inquam, quam convenienter per hunc dispensatorem intelligatur is, qui super familiam suarum potentiarum constitutus, triticum voluntatis Divinae in tempore illis distribuit; id est, omni tempore potentias suas in executione voluntatis Divinae occupat.*

Considera II. Cum voluntatem DEI certissime manifestent Regulæ Ordinis tui, vel Ecclesiæ, quantam de illis æstimationem concipere, & quanto studio in exactam illarum observationem incumbere debeas.

Considera III. Quomodo hætenus in hac parte te gesseris; an non & tu secutus fueris Exemplum servi illius, de quo idem S. Lucas c. 12. loquitur, dixerisque cum eo: *Moram facit Dominus meus venire*: atque adeo libere regulas, vel constitutiones tuas, & voluntatem Dei transgressus sis, differens studium perfectionis in posteriores annos. Colloquium ad SS. Patronos.

## Punctum II.

Considera I. Quæ causa fuerit, cur hætenus minus fidelem Dispensatorem te in regularum, & constitutionum Ecclesiasticarum observatione ostenderis; an non fortassis exiguam nimis de regulis talibus æstimationem conceperis? an non easdem negligenter legeris, aut meditatus sis? an non per respectum humanum impedire te permiseris ab earum observatione? an non sinistro quodam judicio corruptus judicaveris, earum exercitium  
parum

parum prodesse ad perfectionem, neque etiam, si omittatur, multum eidem obesse posse? an non rem arduam nimis putaveris, curam tuam ad minimarum etiam legum observationem tam constanter convertere.

Confidera II. Quibus mediis occurrere velis his difficultatibus; nimirum 1. frequenti meditatione dictarum regularum. 2. Firma persuasione nihil perinde conducere ad finem, quem in ingressu Religionis vel suscepti Sacerdotii tibi præfixisti, consequendum, quam earumdem observationem; item nullo exercitio magis te placere DEO, aut Superioribus posse, quam si in regulis observandis fidelem te exhibueris; tum enim merito spes magna de te concipi poterit, etiam in majoribus negotiis, & officiis fidelem te fore juxta illud Christi Lucæ 16. *Qui fidelis est in minimo, & in majori fidelis est.* 3. Generoso contemptu respectuum humanorum ad exemplum S. Pauli ad Gal. c. 1. *Si adhuc hominibus placerem, Christi servus non essem.*

Confidera III. Quam efficacia sint hæc media, quamque adeo singulari studio illa deinceps adhibere, & debeas, & velis. Colloquium ad B. V.

### Punctum III.

Confidera I. Quale præmium Dominus in dicta Parabola collaturus dicatur fideli Dispensatori; nimirum super omnia, quæ possidet, constituet eum.

Confidera II. Quam præclarum hoc sit præmium, dignumque propter quod omni diligentia in Regularum observationem deinceps incumbas; quid enim est super omnia constituere, nisi in altera vita omnis boni possessorem efficere, & in hac vita in procuranda sui nominis gloria, & hominum salute præ aliis adhibere, copiosaque eum in finem auxilia conferre velle, ut adeo de tali Religioso, vel Sacerdote vel maxime verificetur illud S. Davidis Ps. 1. *Beatus vir, qui in lege Domini meditatur die et nocte; & erit tamquam lignum, quod plantatum est secus decursus aquarum, quod fructum suum dabit in tempore suo: & folium ejus*

non defluet, & omnia, quæcumque faciet, prospera-  
buntur.

Confidera III. Quam æquum sit, ut tu, qui specia-  
liter ad Divinam gloriam, tuamque, & proximi salu-  
tem procurandam vocatus es, a tali promissione præ-  
aliis etiam movearis ad Regularum observandarum stu-  
dium, ut per hoc medium tanto aptius fias instrumen-  
tum ad dictos fines procurandos. Colloquium ad Chri-  
stum.

Legatur ex lib. 3. de Imit. Christi c. 3. & illa præ-  
cipue verba bene perpendantur. Audi, fili, verba mea,  
verba suavissima, omnem Philosophorum, & sapientum  
hujus mundi scientiam excedentia. Verba mea spiri-  
tus, & vita sunt, nec humano sensu pensanda. Scribe  
verba mea in corde tuo, & pertracta diligenter.

Pro quarta Dic.

## MEDITATIO IV.

### DE OBEDIENTIA.

Scopus.

*Studium diſtæ virtutis augendum.*

Punctum I.

Confid. I. Parabolam de duobus filiis, quam S. Matth.  
c. 21. ſequentibus verbis narrat: *Habebat homo quidam  
duos filios, et accedens ad primum, dicit: Fili, vade bo-  
die, operare in Vineâ mea. Ille autem respondens, ait:  
Nolo; postea autem pœnitentia motus abiit. Accedens  
autem ad alterum, dixit similiter. At ille respondens  
ait: Eo, Domine; et non iit.* Confidera, inquam,  
quem Scopum Christus in hac Parabola sibi præfixerit;  
ſcilicet, ut ostenderet obedientiæ præſtantiam atque ef-  
ficaciam, utpote ex qua potissimum sanctitas, merita,  
& dignitas totius hominis sit æſtimanda; hinc citatæ  
Para-

Parabolæ statim subjunxit : *Amen dico vobis , quia publicani , et meretrices præcedent vos in regno DEI.*

Confidera II. Quam multis exemplis hæc doctrina hactenus sit probata ; ex multis duo sufficient ; Alterum Dosithei , qui quinque annorum obedientia magni Antonii gloriam comparavit ; alterum ipsius Christi , qui , quia usque ad mortem crucis obediens factus est , accepit nomen super omne nomen .

Confidera III. Cum tu ea potissimum de causa Religionem ingressus sis ; vel Sacerdotium assumpseris : ut ad perfectionem , veramque sanctitatem facilius , citiusque pervenires , quanto studio deinceps in hanc virtutem incumbere debeas , & velis . Colloquium ad SS. Patronos .

### Punctum II.

Confidera I. In quo consistat vera , & perfecta obedientia ; scilicet in hoc , ut non modo exequaris , quod Superiores præcipere , aut etiam optare duntaxat cognoveris , verum etiam optimum judices , ideoque cum magna promptitudine voluntatis suscipias ; ita enim Christum Magistrum exemplo suo docuisse , S. Matth. c. 11. testatur , qui illud hand dubie assidue usurpavit : *Ita Pater , quoniam sic placitum fuit ante te .*

Confidera II. Si Filii hujus sæculi hanc ipsam obedientiam tam perfecte exhibent propter levissimam mercedem , aut aliud humanum motivum , quanto perfectius , promptiusque tu obedientiam exercere debeas , ex qua summam DEO gloriam , tibi summam felicitatem in hac , & altera vita , proximo vero tuo summum auxilium , solatiumque oriri nosti .

Confidera III. Quomodo hactenus partes has obedientiæ impleveris , aut certe implere deinceps velis . Colloquium ad B. V. statuendo illud deinceps assiduo cum ipsa non tam verbis , quam opere pronuntiare : *Ecce mancipium Domini , fiat mihi secundum verbum tuum .*

## Punctum III.

Considera I. Quo potissimum medio uti debeas ad insignem aliquem in obedientia profectum faciendum; nimirum ut vocem Superioris in iis, quæ peccatum non involvunt, perinde ut vocem ipsius DEI excipias, maxime cum ita monuerit Servator tuus. Lucæ 10. dicens: *Qui vos audit, me audit.*

Considera II. Quam efficax, & suave sit hoc medium; si enim filii hujus sæculi tam libenter audiunt voces potentium, sapientium, & amantium, an non & tu cum gaudio excepturus esses vocem Superiorum tuorum, si crederes, eam esse vocem ipsius DEI potentissimi, sapientissimi, & summe amabilis? an non exclamares cum Apostolis Joan. 6. *Domine, ad quem ibimus, verba vitæ æterna habes?* aut cum Sponsa Cant. 2. *Sonet vox tua in auribus meis; vox enim tua dulcis, & facies tua decora?*

Considera III. Quomodo tu hoc medium hætenus adhibueris, aut certe adhibere deinceps velis. Colloquium ad Christum cum congruis affectibus, maxime illo, quem S. David Ps. 58. expressit, dum dixit: *Paratum cor meum DEUS, paratum cor meum.*

Legatur ex lib. 3. de Imit. c. 13. & illa præcipue verba bene ponderentur: Quid magnum, si tu, qui pulvis es, & nihil, propter DEUM, te homini subdis, quando ego Omnipotens, & Altissimus, qui cuncta creavi ex nihilo, me homini propter te humiliter subjeci?

Pro quinta Dic.

# M E D I T A T I O I.

## D E O R A T I O N E.

Scopus.

*Orationis desiderium , studiumque augendum.*

Tessera.

*Recte novit vivere , qui recte novit orare . S. Augustinus hom. 40.*

Punctum I.

Confidera I. Parabolam de Amico, quam sic S. Lucas describit : *Quis vestrum habebit amicum , & ibit ad illum media nocte , & dicit illi : Amice commoda mihi tres panes , quoniam amicus meus venit de via ad me , & non habeo , quod ponam ante illum , & ille deintus respondens dicat : Noli mihi molestus esse , jam ostium clausum est , & pueri mei mecum sunt in cubili , non possum surgere , et dare tibi . Et si ille perseveraverit pulsans : Dico vobis , etsi non dabit ille surgens , eo quod amicus ejus sit , propter improbitatem tamen ejus surget , et dabit illi , quotquot habet necessarios .* Confidera , inquam , Scopum in hac Parabola intentum ; scilicet , ut indicaret , quomodo oratio nostra constituta esse debeat , ut a DEO , quidquid petierit , impetret.

Confidera II. Quenam sint illarum proprietates , quas oratio fructuosa habere debet . Nimirum 1. Ut sit amicus , qui orat ; nam , ut Joan. c. 9. dicitur : *Peccatores DEUS non exaudit ; sed si quis DEI cultor est , et voluntatem ejus facit , hunc exaudit .* 2. Ut speret firmiter , se impetraturum , quod petit , quemadmodum amicus iste toties pulsans fecit ; ita monuit S. Jacobus c.

1. dicens: *Si quis vestrum indiget sapientia, postulet a DEO, qui dat omnibus affluenter; & non impropere, et dabitur ei. Postulet autem in fide nihil hesitans.* 3. Ut humiliet se, pulsetque, id est, humilitatem tam in situ, & gestu corporis, quam in ipsa verborum, & petitionum prolatione præferat, indigentiam suam simul, & indignitatem coram DEO profitendo; talis enim oratio penetrabit nubes, et donec propinquet, non consolabitur, et non discedet, donec altissimus aspiciat; quemadmodum Ecclesiasticus. c. 35. testatur. 4. Ut perseveret in oratione, sicut amicus iste in pulsu; nam, ut S. Aug. super Pl. 65. ait, *DEUS, quod concessurus est, etsi differt, non aufert, non levitate utitur, qui promisit; non facile de sententia movetur; quod promisit, est fixum; fallere non potest, habet unde faciat.* Imo ut S. Bernardus ait: *Postquam oratio egressa est ab ore nostro, ipse scribit eam in libro suo, et unum ex duobus indubitanter sperare possumus, quoniam aut dabit, quod petimus, aut quod novit utilis.*

Confidera III. Quomodo tu hæc conditiones observaveris, & deinceps observare velis. Colloquium ad SS. Patronos.

## Punctum II.

Confidera I. Quæ potissimum impedimenta te a tam salutari studio hæcenus impediverint; an non exigua nimis de oratione, ejusque fructibus æstimatio concepta sit; an non exigua cura, & præparatio ad eandem rite peragenda præmissa sit? an non inanes sollicitudines, curæque velut importunæ muscæ orationis tuæ suavitatem perdiderint? an non inordinatus quidam affectus erga res creatas a tam suavi, ac salutari cum DEO colloquio abstraxerit?

Confidera II. Quomodo hæc impedimenta remove possis; nimirum si certo tibi persuadeas, quod B. Aloysius dixit, Religionum, & Ecclesiæ tam miseræ facies ex una neglecta oratione provenire; illam esse compendiosam viam ad perfectionem, sine illa neminem se perfecte vincere posse. Imo S. Ignatius tanti faciebat

ora-



orationem, ut P. Natali suadenti longioris temporis pro oratione præscriptionem diceret, sufficere etiam unicum quadrantem quotidianæ orationis ad vitam perfecte instituendam, ut Lancizius Opusc. 2. n. 182. testatur? an non enim hac veritate bene perspecta omnem diligentiam in oratione adhibebis? an non curis tuis, & affectibus cum S. Bernardo aut Christo dices? *Manete hic, donec vadam illuc, et orem?* an non cum P. Suarezio fateberis, malle te omnem scientiam, aliaque dona naturalia perdere, quam unam orationis horam negligere?

Confidera III. Quomodo deinceps hæc media adhibere velis. Colloquium ad B. V.

### Punctum III.

Confidera I. Quæ potissimum industriæ conducant ad orationem fructuose peragendam; Præ omnibus efficacem fore puto, si frequenter ponderes amabilitatem, & dignitatem Dei, sicque in illius amore semper crescere studeas; si enim id hoc mundo homines, quanto vehementius se amant, tanto ardentius desiderant simul colloqui, omneque tempus in tali colloquio consumptum breve, & jucundum esse fatentur; quanto magis animæ DEUM amanti jucundum erit, quam frequentissime cum ipso conversari, & perinde ut Sponsa cum Sponso colloquens facere solet, omnes cogitationes, aut affectus importune se tali colloquio ingerentes fortiter rejiciet.

Confidera II. Quam efficax sit remedium istud, uti vel ex ipso Dæmonis conatu, quo orationem impedire studet, colligere potes; nimirum ut Patres Spirituales, cum advertunt aliquem inordinato amore cuiquam mulieri adhærere, suadent, ut omne cum ea colloquium, atque consortium fugiat, ne per talem familiaritatem majus augmentum capiat amor; ita & Dæmon, ne per familiaritatem cum DEO semper in illius amore proficiat homo, omni conatu ab orationis frequentia, & fervore abstrahere eum nititur.

Con-

Confidera III. Quomodo tu proinde hunc Dæmonis conatum eludere, & quam frequentissime deinceps, diligentissimeque orationi vacare velis. Colloquium ad Christum, illud assidue cum Apostolis rogando: *Domine, doce nos orare*. Vide Spinolam p. 2. Med. 150. pu. 1. fol. 384.

Legatur ex. lib. 1. de Imit. cap. 18. & illa præcipue verba cum rubore perpendantur: Per diem laborabant SS. Patres in eremo, & noctibus orationi Divinæ vacabant, quamquam laborando ab oratione mentali minime cessarent. Omnis hora ad vacandum DEO brevis videbatur, & præ magna dulcedine contemplationis, etiam oblivioni tradebatur necessitas corporalis.

Pro quinta Die.

### MEDITATIO III.

#### DE HUMILITATE.

Scopus.

*Amoris erga dictam virtutem augmentum.*

Punctum I.

Confidera I. Parabolam de Phariseo, & Publicano, quam in hæc verba S. Lucas c. 18. describit: *Duo homines ascenderunt in templum, ut orarent, unus Phariseus, et alter Publicanus. Phariseus stans, hæc apud se orabat: Deus gratias ago tibi, quia non sum sicut ceteri hominum, raptores, iniusti, adulteri, velut etiam hic Publicanus: Jejuo bis in Sabbato, decimas do omnium, quæ possideo. Et Publicanus a longe stans, nolebat nec oculos ad cælum levare, sed percutiebat pectus suum, dicens: DEUS propitius esto mihi peccatori.* Confidera inquam, quem scopum Christus per hanc Parabolam intenderit; scilicet ut nobis præstantiam, & effi-

& efficaciam humilitatis declararet, atque adeo ad illius amorem, & praxin excitaret.

Considera II. Quam bene iste Publicanus docuerit, in quo vera humilitas consistat; dum scilicet, non tantum se per intellectum despexit, sed etiam per voluntatem, adeoque utramque humilitatem, intellectus scilicet, & voluntatis conjunxit; nam ut S. Bernardus serm. 142. in Cant. ait, *Alia est humilitas, quam veritas parit; alia, quam charitas format.* Ad quam utramque hortatur Apostolus ad Eph. Kemp. c. 4. *Obsecro vos, ut digne ambuletis vocatione vestra cum omni humilitate.*

Considera III. Quid sit despiciere se ipsum; id te optime magister humilitatis docebit, de quo S. Paulus ad Philip. c. 2. dixit; *Qui cum in forma Dei esset, exinanivit semetipsum, formam servi accipiens;* unde ut servus nihil proprium habere voluit, sed omne lucrum DEO velut Domino obtulit; ipse ut servus omnia onera nostra in se suscepit; ipse vilissima in victu, habitatione, vestibus &c. elegit; ipse ut servus omni honore caruit, factus opprobrium hominum, & abjectio plebis. Aspice ergo, & examina, an hactenus secundum hoc exemplar humilitatem exercere studueris, & vel deinceps errorem tuum, & negligentiam emenda. Colloquium ad SS. PP.

## Punctum II.

Considera I. Quem fructum ex humilitate sua Publicanus iste retulerit; nempe descendit justificatus in domum suam, ut adeo vere in eo completum sit, quod Christus in fine Parabolæ dixit: *Qui se humiliat, exaltabitur;* quæ enim major exaltatio optari potest, quam ex mancipio diaboli filium, & hæredem Dei effici.

Considera II. Si parva ista humilitas tantopere exaltavit hunc Publicanum; quanto altius exaltatura sit Religiosum vel Sacerdotem, qui eidem perfectiori modo, scilicet ad exemplar Christi studuerit; nimirum efficiet, ut sicut Christus accepit nomen super omne  
nomen,

nomen, ita & ipse ante alios in perfectionis studio proficiat, atque adeo perfectus DEI amicus, & vir secundum cor Dei dici possit, quod nomen merito summum honorem, quem homo optare potest, continet, atque adeo super omne nomen æstimari debet. Hoc sane nomen accepit frater Urigman ex Dominicana Familia, qui, cum nullum sibi congruum locum reperire posset, nisi in profundo inferno sub ipsomet Lucifero, hanc de cælo audivit vocem: *Cito huc ascende ad thronum altissimum in cor Dei.*

Considera III. Quam pretiosus sit iste fructus, & quam vere per illum impleatur, quod Christus Matth. c. II. promisit, dum dixit: *Discite a me, quia mitis sum, et humilis corde, & invenietis requiem animabus vestris*; id est, in DEO per amorem perfectum quiescetis, hanc enim solam esse veram animæ quietem, S. Aug. l. I. conf. c. I. indicavit, dicens: *Fecisti nos, Domine, ad te, & inquietum est cor nostrum; donec requiescat in te*. Colloquidm ad B. Virg.

### Punctum III.

Considera I. Quibus mediis potissimum ad insignem aliquam humilitatem pervenire possis; nimirum duobus maxime, quorum prius est exemplum Christi; ut enim Rebecca Gen. 24. mox de camelo descendit, quando vidit Isaacum pedibus ambulantiem, ita & anima veri Religiosi, aut Sacerdotis mox de camelo superbix, aut propriæ æstimationis desiliet, si viderit Christum pro se tantopere humiliatum; unde S. Bernardus ait: *Exinanivit semetipsum Christus; ut prius præstaret exemplo, quod docetur verbo; et ut non opponat se ultra magnificare homo super terram; intolerabilis est enim impudentia, ubi se exinanivit majestas, vermiculus infletur, et tumescat.* Posterius medium est cognitio sui, & consideratio priorum vitiorum; ut enim pavo mox pennas expansas contrahit, ubi sordides pedes aspexit, ita, & homo facile de se conceptam opinionem dimittit, si quantis vitiis, & imperfectionibus abundet, accuratius perpendat.

Con-

Confidera II. Quam efficacia sint hæc media, multisque hactenus exemplis confirmata.

Confidera III. Quomodo & tu deinceps illa diligentius adhibere velis. Colloquium ad Christum. Vide Spinolam p. 2. med. 167. fol. 432.

Legatur ex lib. 3. de Imit. c. 8. & illa præcipue verba bene ponderentur: Merita non sunt ex hoc æstimanda, si quis plures visiones, aut consolationes habeat; vel si peritus sit in Scripturis, aut in altiori ponatur gradu, sed si vera fuerit humilitate fundatus, & Divina charitate repletus; si DEI honorem pure, & integre semper querat; si seipsum nihil reputet, & in veritate despiciat, atque ab aliis etiam despici, & humiliari magis gaudeat, quam honorari.

Pro quinta Die.

## M E D I T A T I O III.

### DE FREQUENTI RECOLLECTIONE SUI.

Scopus.

*Accuratus usus variorum Examinum.*

Punctum I.

Confidera I. Parabolam de muliere, quam sequentibus verbis S. Lucas c. 15. describit. *Mulier habens drachmas decem, si perdiderit drachmam unam, nonne accendit lucernam, & everrit domum, & querit diligenter, donec inveniat? & cum invenerit, convocat amicas, et vicinas, dicens: Congratulamini mihi, quia inveni drachmam, quam perdideram!* Confidera, inquam, quam bene hæc parabola Religiosis, & Sacerdotibus applicari possit, qui & ipsi Dei favorem, & amorem, item fervorem in Spiritu non quidem adhuc omnem, sed tamen ex parte per negligentiam suam, & teporem amiserunt.

Consi-

Confidera II. Si mulier ista drachmam unicam, rem levis adeo pretii, tam solícite quæsiuit; quantam tu diligentiam adhibere debeas in tua drachma quærenda, quæ tantopere tibi necessaria est ad gloriam DEI, tuamque, & proximi salutem cum summo tuo, & illius comodo procurandam.

Confidera III. Quomodo dictam drachmam quærere debeas; nimirum accendendo lumen, id est, per humilem orationem petendo a DEO illustrationem intellectus, & everrendo domum conscientiae per scopam accurati examinis, tum singulis mensibus, & hebdomadis paulo longius, tum quotidie circa vitia in genere, & circa unum in particulari instituti. Vide ergo, quomodo hactenus hanc diligentiam adhibueris, an cum veritate illud S. Davidis Ps. 76. dicere potueris: *Et meditatus sum nocte cum corde meo, & exercitabar, & scopebam spiritum meum.* Colloquium ad SS. PP.

## Punctum II.

Confidera I. Quem fructum hæc mulier tulerit ex tam solícita drachmæ quæstione; nimirum, & ipsam drachmam invenit, & singulare ex tali inventione gaudium percepit; unde convocans amicos, dixit? *Congratulamini, quia inveni drachmam, quam perdideram.*

Confidera II. Quanto mobilior sit fructus ille, quem tu ex frequenti recollectione colliges; nam præterquam quod fervorem tuum semper sis recuperaturus, & aucturus, atque adeo insignem etiam profectum in sanctitate, & meritis facturus, summum gaudium creabis in primis DEO, & SS. qui singulariter delectantur super uno peccatore poenitentiam agente; deinde domesticis, quia ut Thomas Kemp. l. I. c. 25. ait, Valde iucundum, & dulce est, videre fervidos, & devotos fratres, bene morigeratos, disciplinatos; animabus purgatorii, quæ tanto efficacius subsidium a te sperant, quanto magis in perfectione, & charitate proteceris; denique tibi .psi, quia si est gaudium in hoc mundo, hoc utique possidet puri cordis homo; & si ante mortem

tem tam magnum gaudium percipies, quale in ipsa morte, & post mortem experieris, quando audies a Christo: *Euge serve bone, et fidelis, quia super pauca fuisti fidelis, supra multa te constituam, intra in gaudium Domini tui*. Ut adeo merito exclamarit Thomas Kemp. l. 1. c. 11. *O si adverteres, quantam tibi pacem, et aliis latitiam faceres, te ipsum bene habendo, puto, quod sollicitior esses ad spirituales profectum*.

Confidera III. Quam digni sint fructus, propter quos omnem diligentiam in frequenti, imo assidua tui recollectione adhibeas. Colloquium ad B. V.

### Punctum III.

Confidera I. Quid potissimum te impediverit hactenus, quo minus optatum ex talibus recollectionibus fructum reportares; an non ex primariis impedimentis illa fuerint, quod non eam, quam par erat, æstimationem de iis habueris; quod ex tam frequenti inspectione tui ipsius tædium conceperis, atque adeo non nisi obiter eam peregeris? Quod in iis numquam tibi debitum scopum præfixeris, sed exteriorum duntaxat defectuum reformatione contentus, ad ipsam radicem excindendam animum non applicueris? quod a vehementia passionum, & frequenti in vita relapsu in desperationem actus, omnem de fructu secuturo spem abjeceris, ideoque dictas recollectiones frequenter neglexeris?

Confidera II. Quibus mediis talia impedimenta remove possis; nimirum certo tibi persuadendo, unum ex principalibus mediis ad perfectionem cito, facileque consequendam, esse frequentem tui inspectionem, & recollectionem: eam præterea esse officinam virtutum, in qua timor DEI, humilitas, cognitio sui, compunctio, perseverantia, fervor, prudentia &c. cuditur; id quod S. Ignatius præcipue expertus est, utpote cujus prudentia, & sanctitas singularis huic potissimum exercitio, & frequenti meditationi l. ult. i. p. hist. soc. adscribitur.

Con-

Confidera III. Quomodo deinceps in hoc negotio gerere te velis. Colloquium ad Christum.

Legatur ex lib. 1. de Imit. c. 19. & illa præcipue verba bene perpendantur: Secundum propositum nostrum, cursus profectus nostri; & multa diligentia opus est bene proficere volenti. Quod si fortiter proponens, sæpe deficit; quid ille, qui raro, aut minus fixe aliquid proponit.

Pro quinta Die.

## MEDITATIO IV.

### DE PURA INTENTIONE.

Scopus.

*Studium pura Intentionis.*

Punctum I.

Confidera I. Parabolam de fermento, quod acceptum mulier abscondit in farinæ sata tria, donec fermentaretur totum, uti S. Lucas c. 13. memorat. Confidera inquam I. quam bene per hanc mulierem significetur anima cuiusvis hominis, sed maxime Religiosi, aut Sacerdotis, qui intentionem puram velut fermentum tribus satis farinæ, id est, suis cogitationibus, verbis, & operibus miscet, ut sapidas, id est, DEO gratas omnes suas actiones efficiat.

Confidera II. Qualis debeat esse intentio Religiosi, aut Sacerdotis; nimirum, ut non tantum propter metum inferni, aut spem æternæ beatitudinis, sed ex solo DEUM glorificandi, eique bene placendi desiderio quasvis suas actiones suscipiat.

Confidera III. An tu quoque hactenus talem intentionem elicere conatus sis, aut certe deinceps omnibus tuis operibus præmittere velis. Colloquium ad SS. PP.

Pun-



## Punctum II.

Confidera I. Quas ob causas ſpecialiter ſtudere debeas ut in prædicto puræ intentionis exercitio, quam maxime proficias; præ multis ſufficere tibi poteſt, ſi ex una parte memineris vitam noſtram comœdiam eſſe, in qua quivis perſonam ſibi a DEO aſſignatam repræſentare debet: ex altera vero parte certo tibi perſuadeas, DEUM ſolum continere omnes proprietates perfectiſſime, quas in ſpectatore tuorum operum deſiderare poſſes; nam ſi ad ſpectaculum communiter ſpectatores ſapientes, multi, in magna dignitate conſtituti, munifici, & conſtanter perſeverantes requiruntur, ubi has conditiones magis, quam in Deo reperies, qui ſolus, uti infinita ſapientia præditus eſt, ſolusque cor, & intentionem hominum cognoscit, ita ſolus quoque ſincerum de tuis actionibus iudicium ferre poteſt; qui ſolus omnes tuas non actiones tantum, ſed etiam cogitationes ſpectat, verbaque ſingula audit; qui ſolus dignitate infinitos homines, & Angelos ſuperat, atque adeo eminenter majus theatrum conſtituit, quam ſi omnes tam Angelos, quam homines poſſibiles pro ſpectatoribus haberes; qui ſolus denique pro quovis motu, & actione majus tibi præmium promittit, quam ſi totus mundus, aut mille mundi in præmium offerrentur.

Confidera II. Si Actores in comœdiis tantopere excitantur ad perſonam ſuam quam convenientiſſime repræſentandam, omnemque laborem, & difficultatem, quem ſuſcipere debent, levem ducunt ſolius vanæ laudis, ut præmii parvi deſiderio, ac ſpe allæcti; quantas tibi vires, & alacritatem additura ſit cogitatio, qua tibi perſuaſeris, te pro omnium tuarum actionum ſpectatore Deum ipſum cum ſua tota cœleſti curia habere.

Confidera III. Si jam olim Democritus auſus eſt dicere: Unus mihi pro populo eſt, & populus pro uno; ſi Epicurus uni ex conſortibus ſtudioſorum ſcripſit, hæc ſe non multis, ſed ipſi ſcribere, ſatis enim magnum

alterum alteri theatrum esse ; quanto magis tu hoc ipsum de Deo dicere possis , ac debeas , atque adeo hoc unum deinceps pro spectatore desiderare , & eligere debeas . Colloquium ad B. V.

### Punctum III.

Confidera I. Quibus mediis dictam puritatem intentionis obtinere possis ; ex multis duo potissimum eligenda censeo , quorum primum est , ut sæpe volvas animo , quam falsa , vana , inconstans , & noxia tam animo , quam corpori sit laus humana , ut merito S. Augustinus in quad. Epist. dixerit : *Laudamus mendaciter , delectamur inaniter ; et vani sunt , qui laudantur , et mendaces , qui laudant* . Secundum est , ut bene perpendas , quid sit beneplacere D E O ; nimirum tanti hoc faciendum , ut ipsa etiam beatitudo beneplacito Dei sit postponenda , quemadmodum sancti Cœlites de facto faciunt , dum majus gaudium percipiunt ex eo , quod Dei beneplacitum in se , & ab aliis impleri cernunt , quam ex ipsa sua gloria capiant .

Confidera II. Quam efficacia sint hæc media ad dictum finem obtinendum , ut recte S. Basilii cap. 10. const. Monast. dixerit , Vanam gloriam esse dulce bonum , sed imperitis tantum : S. Ignatius vero dixerit , eam ex ignorantia , & cæco sui amore provenire ; unde ipse , postquam in meditatione frequentius circa hanc materiam se exercuit , falsus est , se nihil minus , quam vanam gloriam timere .

Confidera III. Quomodo tu dicta media hæc adhuc adhibueris , aut certe deinceps adhibere velis . Colloquium ad Christum cum congruis affectibus .

Legatur ex lib. 3. de Imit. cap. 9. & illa præcipue verba bene perpendantur : Fili , ego debeo esse finis tuus supremus , & ultimus , si vere desideras esse beatus ; ex hac intentione purificabitur affectus tuus sæpius ad te ipsum , & ad creaturas male incurvatus .

Pro sexta Die.

## MEDITATIO I.

## DE ZELO ANIMARUM.

Scopus.

*Idem Zelus magis accendendus.*

**T**essera : Diligamus nos invicem , quia charitas ex DEO est . I. Joan. 4.

Punctum I.

Confidera I. Parabolam de homine , qui incidit in latrones , quam sic S. Lucas c. 10. describit : *Homo quidam descendebat ab Jerusalem in Jericho , & incidit in latrones , qui etiam despoliaverunt eum , et plagis impositis abierunt , semivivo relicto . Accidit autem , ut Sacerdos quidam descenderet eadem via , & viso illo prateriit . Similiter et Levita , cum esset secus locum , & videret eum , pertransit : Samaritanus autem quidam iter faciens , venit secus viam : & videns eum , misericordius motus est . Et appropians alligavit vulnera ejus , infundens oleum , et vinum : et imponens illum in Jumentum suum , duxit ad stabulum , et curam ejus egit . Et altera die protulit duos denarios , & dedit stabulario , et ait : Curam illius habe , et quodcumque supererogaveris , ego cum rediero , reddam tibi .* Confidera , inquam , I. Scopum hujus Parabolæ a Christo intentum non alium fuisse , quam ut nos doceret , quomodo charitatem erga proximum exercere debeamus .

Confidera II. Quam pulchre per factum Samaritani hujus omnia charitatis fraternæ officia designentur ; per oleum quidem misericordia , quam in auferendis ab eo miseriis declarare debemus ; per vinum vero lætitia , quam per variorum beneficiorum collationem ei

H b 2

con-

conciliare oportet. His enim duobus actibus totum charitatis officium comprehenditur, ut jam olim duo illa axiomata indicarunt: *Quod ab alio oderis fieri tibi, vide, ne tu alteri feceris.* Tob. 5. & *Omnia, quaecumque vultis, ut faciant vobis homines, & vos facite illis.* Matth. 7.

Considera III. Quam longe tu hactenus abtueris a tali charitate, quam frequenter imitatus sis Sacerdotem, & Levitam, qui, ut hæc ipsa Parabola refert, viso proximo afflicto transierunt. Vide ergo, quid deinceps statuere hac in parte velis. Colloquium ad SS. Patronos.

## Punctum II.

Considera I. Quo potissimum motivo dictus Samaritanus excitatus fuerit ad tantam charitatem exhibendam; scilicet quia videbat esse hominem ejusdem secum naturæ, gravioribusque vulneribus affectum.

Considera II. Quanto promptius tu proximo tuo succurrere debeas, quem non natura dumtaxat tibi conjunctum, sed insuper propter arctissimam conjunctionem ex Sanguine Christi, quo uterque redemptus, & spiritualiter renatus est, provenientem novo, & singulari vinculo tibi obstrictum esse nosti; qui vulnera tanto graviora accepit, quanto gravius est peccatum, quam ulum vulnus corporis, & quanto gravius nocet mors animæ æterna, quam ea, qua vita corporalis auferitur.

Considera III. Quam potentia sint hæc motiva ad zelum animarum in te accendendum; maxime si præterea consideres præmii magnitudinem, quæ iis, qui charitati singulariter student, a Deo promissa est; si enim, teste S. Marco c. 12. *Diligere proximum tamquam se majus est omnibus holocaustis, & sacrificiis*; quis dubitet, præmium quoque majus, quam aliis operibus promissum fuerit, tanto operi responsurum; Colloquium ad B. V.

## Punctum III.

Considera I. Quid te potissimum hactenus impedierit, quo minus officio charitatis juxta vocationem tuam satisfaceres; an non fortassis causa fuit, quod charitatis præstantiam, & motivum non satis perpenderis? an non horror difficultatis, & laborum a talibus te officiis absterruit? an non amor solitudinis, & quieris, otiique spiritualis nauseam tibi officiorum ad proximi salutem pertinentium peperit?

Considera II. Quomodo dicta impedimenta remove possis; videlicet, si certo persuadeas, te in hoc maxime discipulum Christi declarare, si dilectionem ad proximum habueris; si item firmiter credideris, Deum omnia charitatis obsequia perinde accipere, ac remunerari, ac si ipsi immediate exhibita forent; & tandem si quanta Christus, & quo fervore, ac charitate pro salute hominum egerit, & passus sit, serio ac frequenter perpendas.

Considera III. Quam efficacia sint hæc motiva; quid enim non ageres, si Christum in terris degentem, afflictum, inopem, languentem, aspiceres? Quod ergo tunc ageres, deinceps præstare stude; ideoque in omni charitatis occasione a Christo dictum tibi puta: *Quamdiu fecistis uni de fratribus his minimis meis, mihi fecistis.* Matth. 25. Colloquium ad Christum. Vide Spinolam p. 2. Med. 141. fol. 259.

Legatur ex l. I. de Imit. c. 15. & illa præcipue verba bene ponderentur: Quidquid ex charitate agitur, quantumcumque etiam parum sit, & despectum, totum fructuosum efficitur.

Pro sexta Die.

## MEDITATIO II.

DE INDIFFERENTIA RELIGIOSI  
VEL SACERDOTIS.

Scopus.

*Studium ejusdem indifferentia.*

Punctum I.

Confidera I. Parabolam de Pastore, quam S. Joan. c. 10 sic refert: *Qui non intrat per ostium in ovile ovium, sed ascendit aliunde, ille fur est, & latro; qui autem intrat per ostium, pastor est ovium. Huic ostiarius aperit, & oves vocem ejus audiunt, et proprias oves vocat nominatim, et educit eas. Et cum proprias oves emisit, ante eas vadit: & oves illum sequuntur, quia sciunt vocem ejus. Alienum autem non sequuntur, sed fugiunt ab eo: quia non noverunt vocem alienorum.* Confidera, inquam, quid Christus per istam parabolam indicare voluerit; nimirum illum, qui pastoris boni officium implere cupit, ante omnia indifferentem esse debere ad quævis officia a Superioribus designanda, neque ad illud se intrudere debere, nisi quod ab illis oblatum est; cum enim Christus sit ostium, per quod intrare debemus ad oves pascendas, & custodiendas, Superiores autem Christi personam sustineant, merito Superiorum talium voluntas pro voluntate Christi, atque adeo pro ostio ad munus Apostolicum agnoscere debet.

Confidera II. Si ad pascendas oves irrationales nemo facile admittitur, nisi qui ab ipso Domino ovium approbatus est; quanto magis in ovibus rationalibus pretiosissimo Christi Sanguine emptis, & redemptis custodiendis talis sollicitudo sit adhibenda, quamque adeo periculosum sit, se ultro pro tali munere ingerere.

Con-

Confidera III. Quomodo tu hactenus hac in parte tē gelleris, aut gerere deinceps velis. Colloquium ad SS. PP.

### Punctum II.

Confidera I. Fructum, quem pastor iste parabolicus reportavit ex eo, quod per ostium intraverit; nimirum I. Oves vocem ejus audiverunt. II. Eum secutæ sunt. III. Copiosos ei fructus pepererunt. IV. Laudem, & mercedem condignam a Domino suo reportavit.

Confidera II. Quomodo hos ipsos etiam fructus Pastor spiritualis sperare possit, si non nisi per legitimam vocationem Pastoris officium susceperit, uti experientia ipsa tum in Apostolis, tum in aliis Apostolicis viris confirmat; **E** contrario vero, qui non per ostium intrat, sicuti fur est, & latro, dicente Christo Jo. 10. Ita merito etiam subtractionem auxiliorum Divinorum, & ex horum defectu malum suæ custodiæ successum, & quod consequens est, infamiam, & poenas furibus talibus convenientes incurreret. Unde P. Balthasar Alvarez dicere solitus erat: Quæ stultitia est, existimare te aliquid recte facturum, ad quod te non promoveat DEUS? Aut ipsum non fore voti compotem, cum aliquid in se recipit, etiamsi media, quibus illud intendit, tibi aliena, & disparata videantur.

Confidera III. Quam optandi sint hi fructus alicui viro Religioso, vel Sacerdoti, quamque adeo digni, propter quos coneris per verum ostium ad oves educendas semper intrare. Colloquium ad B. V.

### Punctum III.

Confidera I. Quid potissimum hactenus impedierit, quo minus ad omnia officia æqualiter indifferens esses; an non amor proprius, quo nimis inordinate labores averſabaris, e contrario vero sensuales, & vanas delectationes appetebas? an non appetitus honoris, & laudis te impellebat, ut concepto humilium officiorum tædio

ad altiora ; magisque honorifica aspirares , viamque tibi ad illa etiam illicitis mediis sternere ?

Considera II. Quo medio hæc impedimenta remove-  
re velis ; videlicet , si consideres , id quod in quovis officio a vero Religioso , aut Sacerdote quæri , & appeti debet , esse solum beneplacitum DEI ; quid enim hoc sine præfixo obstare tibi poterit , quo minus æqualiter omnia officia de manu Superiorum suscipias , & cum æquali alacritatē , ac diligentia administres ?

Considera III. Quomodo hactenus hoc medio usus sis , aut uti deinceps velis . Colloquium ad Christum . Vide Spinolam p. 2. med. 135. fol. 343.

Legatur ex lib. 3. de Imit. c. 11. & illa præcipue verba bene perpendantur : Desideria te sæpe accendunt , et vehementer impellunt ; sed considera , an propter honorem meum , an propter commodum tuum magis movearis .

Pro sexta Die .

### MEDITATIO III.

#### DE SEDULA ADMINISTRATIONE OFFICII.

Scopus .

*Accurata munerum Administratio .*

Punctum I.

Considera I. Parabolam de Negotiatore quærente bonas margaritas , qui inventa una bona margarita , abiit , & vendidit omnia , quæ habuit , & emit eam . Matth. 13. Considera , inquam , quam merito per hunc Negotiatorem intelligatur , quivis Religiosus , vel Sacerdos , qui non suam dumtaxat , sed alienam etiam salutem procurandam suscepit , atque ideo pretiosas margaritas animarum quærere statuit .

Con-



Confidera II. Quam pretioſæ ſint hæ margaritæ, ſive illas in ſe ſpectes, ſive pretium a Chriſto Negotiatore optimo pro illis oblatum attendas; ſive SS. de talibus margaritis iudicia conſideres; nam S. Catharina Senenſis, cum ſemel animæ pulchritudinem vidiffet, deinceps, quotieſcumque operarium Evangelicum tranſcuntem vidit, pedum ejus veſtigia oſculata eſt. S. Ignatius, ſi quando homines ipſi occurrerent, conſiderans animarum a Chriſto redemptarum ſplendorem, ac pretium, vix interdum lætitiæ æſtuantis vim, ne ſe extra effuſius proderet, temperabat. S. Franc. Xav. cum parvulum quemdam baptizatum ad cælos tranſmiſiſſet, faſſus eſt, ſufficiens ſibi hoc præmium itineris in Indiam ſuſcepti fore, etiamſi DEUS nullum aliud addere ſtatuiffet.

Confidera III. Qualem tu hactenus de margaritis hiſce æſtimationem habueris, aut certe deinceps habere velis. Colloquium ad SS. PP.

### Punctum II.

Confidera I. Quomodo has margaritas parabolicus iſte Negotiator obtinuerit; quod ſcilicet abierit, & vendiderit omnia, quæ habuit, & emerit eam.

Confidera II. Quomodo hanc ipſam induſtriam ſpiritualis Negotiator adhibere poſſit, & debeat; ſi videlicet & ipſe omnes alias curas ſeponens, totum ſe impendat officio ſuo, atque in eo recte, & fructuoſe adminiſtrando omnem diligentiam atque conatum adhibeat; id quod S. Ignatius indicare voluit, cum dixit, Finem Societatis eſſe, ut non ſolum ſaluti propriæ cum Divina gratia quiſque vacet, ſed cum eadem gratia etiam in ſalutem proximorum procurandam *impenſe* incumbat.

### Punctum III.

Confidera I. Quæ mediâ potiffimum conducant ad fructuoſam muneris adminiſtrationem: tria præcipue ſuaſerim. Primum eſt; ut puram intentionem tam in illo-

illorum susceptione, quam continuatione habere studeas; hoc enim est in nomine Domini laxare rete, & absque hac intentione sero olim quereris cum Apostolis, multis annis te in officio quopiam laborasse, sed nullum aut exiguum fructum cepisse. Secundum est, si quas habes regulas, aut directiones circa officium tuum a Superioribus præscriptas, eas exacte observes; sic enim sperare poteris verificatam iri de te, quod de viro legem Divinam observante S. David Ps. 1. dixit: *Et omnia, quaecumque faciet, semper prosperabuntur*. Tertium est, ut frequenter, & accurate te per examen circa officium tuum reflectes; id est, quid profuerit, aut obfuerit, attendas, sed & pericula, quæ occurrere in illius administratione possunt, prudenter prævidere, ac contra illa salubriter te communitare studeas; hoc enim medium præ aliis salutare S. Ignatius expertus est, unde tantam in rebus spiritualibus & animabus lucrandis dirigendisque peritiam, felicitatemque est consecutus.

Considera II. Quam efficacia simul, & facilia sint hæc media, quamque frequenti hætenus experientia, copiosissimoque fructu comprobata.

Considera III. An & quomodo tu hætenus ea adhibueris, & an non eorum illorum neglectus causa fuerit, quo minus optatum ex officiis tuis fructum reportares. Colloquium ad Christum. Vide Spinolam p. 2. Med. p. 2. fol. 224.

Legatur ex lib. 3. de Imit. c. 47. & illa præcipue verba sibi applicentur: Age, quod agis; fideliter labora in vinea mea; ego ero merces tua; veniet una hora, quando cessabit omnis labor, & tumultus.

Pro Sexta Die.

## MEDITATIO IV.

## DE CAUTELA OPERARII:

Scopus.

*Cognitio insidiarum Dæmonis, & Devitatio.*

Punctum I.

Confidera I. Parabolam de homine seminante, quam in hunc modum S. Matth. c. 13. describit: *Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? unde ergo habet zizania? Et ait illis: Inimicus homo hoc fecit, Servi autem dixerunt ei: Vis imus, et colligimus ea? et ait: Non: ne forte colligentes zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus: Colligite primum zizania, et alligate ea in fasciculos ad comburendum, triticum autem congregate in borrenum meum. Confidera, inquam, quam convenienter hæc Parabola cuivis Religioso, aut Sacerdoti in salute proximi procuranda occupato conveniat; quam bene labores illius tritico, vitia vero, imperfectiones, quas dictis laboribus ex impulsu dæmonis immiscet, zizaniis comparentur.*

Confidera II. Si quanto præstantius est triticum, tanto gravius est damnum, quod zizania tritico tali immixta creant; quantopere abominanda, & cavenda sint zizania, quæ fructum laborum nostrorum, puta  
Dei

Dei gloriam, nostramque, & proximi salutem impediunt.

Confidera III. An hactenus dignam de damno tali æstimationem conceperis; debitamque diligentiam in zizaniis spiritualibus præcavendis adhibueris. Colloquium ad SS. Patronos.

Punctum: I E.

Confidera I. Quænam sint illa zizania, quæ Diabolus non in medio dumtaxat, sed etiam in initio, & fine tui tritici, id est, laborum superfeminare conatur; nimirum primo in initio conatur malam intentionem immiscere, ut te ipsum potius, id est, laudem, honorem, vanam delectationem &c. quam Dei gloriam, aut proximi salutem quæras; quod quidem vel ex eo colliges, quod ad illa munera, in quibus talia commoda minus reperiuntur, non æque promptus sis, atque ad alia, quæ magis sunt honorifica, sensibusque jucunda. II. In medio laborum efficere conatur, ut vel cum tædio, vel cum negligentia, vel cum impatientia, vel cum inordinata complacentia, vel cum sensuali affectu actiones muneri tuo convenientes exerceas. III. In fine laborum studet, vel tristitiam inordinatam ex malo successu, vel vanam gloriam, & despicientiam aliorum ob felicem eventum, vel vanam jactantiam, & inordinatam lætitiā; aut nimiam tui æstimationem; & noxium altiorum munerum, operumque appetitum ingerere.

Confidera II. Si quodvis horum zizaniorum sufficeret ad triticum laborum tuorum, corrumpendum, quantum damnum creatura sint tam multa, tamque noxia zizania, si ea non studiose ab agro tuo, id est, animo avertas.

Confidera III. Quam diligentiam hactenus in iis, vel præcavendis, vel evellendæ adhibueris, aut quam deinceps adhibere velis. Colloquium ad SS. V.

## Punctum III.

Confidera I. Quæ potiffimum media conducant ad dicta zizania avertenda ; ea videlicet , quæ Christus Matth. 29. indicavit , dum dixit , *Vigilate & orate , ne intretis in tentationem.* Vere enim ex defectu horum mediorum omnes , aut pleræque tentationes , malique inde creata oriuntur , unde Christus in Parabola dixit , inimicum superseminasse zizania , cum dormirent homines :

Confidera II. Quid fit vigilare ; nimirum oculos mentis apertos habere ad fraudes dæmonis cognoscendas ; Item instructum esse armis , quibus repellas inimicum ab agro , qualia arma sunt studium puræ intentionis , imaginatio præsentis Dei , contemptus sui , & rerum terrenarum ; amor Dei &c. hæc enim remedia sunt iis vitiis , de quibus in priori puncto mentio facta est , profligendis , & cavendis aptissima , uti consideranti patebit.

Confidera III. Quomodo hæc media hætenus adhibueris , aut certe deinceps adhibere velis . Colloquium ad Christum . Vide Spinolam p. 2. med. 888. fol. 219.

Legatur ex lib. 3. de Imit. c. 6. & illa præcipue verba bene ponderentur : Scito , quod antiquus inimicus omnino nititur impedire desiderium tuum in bono , & ab omni devoto exercitio evacuare . Sit tibi in cautelam , & perpetuam humilitatem ruina hæc superborum de se stulte præsumantium .

Pro septima Die.

## MEDITATIO I.

## DE BENEFICIO REDEMPTIONIS.

Scopus.

*Amor et Imitatio Christi patientis.*

**T**essera: Mibi autem absit gloriari, nisi in cruce Domini nostri JESU Christi. Ad Galat. 6.

## Punctum I.

Confidera I. Parabolam de Pastore, quam his verbis S. Matth. c. 18. describit: *Quid vobis videtur? si fuerint alicui centum oves, et erraverit una ex eis, nonne relinquit nonaginta novem in montibus, et vadit quærere eam, quæ erravit? et si contigerit, ut inveniat eam; Amen dico vobis, quia gaudet super eam magis, quam super nonaginta novem, quæ non erraverunt.* Confidera, inquam, quanta charitas fuerit istius Pastoris erga hanc ovem, siue voluntas ipsa quærendi siue modus, & labor in quærendo adhibitus, siue gaudium post inventionem conceptum attendatur.

Confidera II. Quanto major fuerit charitas Christi erga te; utpote qui tot labores suscepit, tot contemptus sustinuit, tot dolores exantlavit, & ipsam denique tam acerbam, & ignominiosam mortem cum summa patientia, & charitate toleravit, & ita quidem, ut non minus pro te solo, quam pro omnibus hominibus simul Passionis suæ merita obtulerit.

Confidera III. An non cum S. Augustino iustissime exclamare possis: *Domine, qui tibi non servit, quia a te creatus est, infernum meruit; sed qui non servit tibi, quia redemptus est, meretur, ut novus pro ipso infernus fiat.* Colloquium ad SS. Patronos.

Pun-

## Punctum II.

Confidera I. Cum amor perfectius rependi non poffit, quam per amorem, quantopere conari debeas, ut, ficut Chriftus fumme amorem fuum erga te per Paflionem oftendit, ita tu quoque viciffim amorem tuum perfectiffime declares.

Confidera II. Qua potiffimum in re amorem tuum declarare poffis, & debeas; videlicet, ut tu quoque viciffim pro eo animam ponas, & cruci faltem fpirituali te affigas; ut enim ipfe Chriftus Joan. 15. dixit: *Majorem charitatem nemo habet, quam ut animam fuam ponat quis pro amicis fuis*: hinc S. Joan. 1. c. 4. In hoc ait, apparuit Charitas DEI in nobis, quoniam ille pro nobis animam fuam pofuit, & nos debemus pro fratribus animas ponere; quanto magis pro ipfo Chrifto.

Confidera III. Quam libenter hanc mortem fufcipere pro Chrifto debeas; maxime fi quoties hanc, & longe gravio rem fis promeritus perpendas; an non enim feres contra te ipfum fententiam, & dices: *Reus eft mortis: crucifigatur?* an non exclamabis cum Latrone Luc. 23. *Nos quidem iufte; nam digna faculis recipimus, ifte vero nihil mali geffit*. Colloquium ad B. V. illud cum affectu pronuntiando; *Eja Mater fons amoris, me sentire vim doloris, fac, ut tecum lugeam*. Item: *Sancta Mater iftud agas, crucifixi fige plagas, cordi meo valide*: *Tui Nati vulnerati tam dignati pro me pati, pœnas mecum divide*.

## Punctum III.

Confidera I. Quid fit fpiritualiter mori, & crucifigi cum Chrifto; nimirum, ut omni affectu inordinato erga creaturas exutus, per tres clavos, paupertatis, caftitatis, obedientiæ cruci, id eft, mandatorum, & Regularum, aut constitutionum tuarum obfervationi te affigas; nam, ut S. Maximus ait; *Tota vita Chriftiani ( utique etiam Religiofi, aut Sacerdotis ) fe-*  
cundum

cundum Evangelium vivat, crux est, atque Martyrium .  
 2. Ut omnem inopiam, contemptum, & dolorem ( qui ut P. Balthasar dicere solebat, erant tres comites Crucifixi Christi ) magna cum patientia, & alacritate sustineas . 3. Ut perinde ut crucifixus aliquis aut mortuus homo, totum te aliorum arbitrio, & directioni committas ; hoc enim est, obedientem esse usque ad mortem crucis .

Confidera II. Quam meritoria, & honorifica tibi apud DEUM, & homines mors hæc sit futura ; si enim Abraham tantopere placuit DEO, tantumque apud ipsum meruit, quia Filium suum voluit sacrificare, quanto plus tu mereberis, & placebis, si te ipsum, quem magis, quam ullus Pater filium suum diligit, amare debes, DEO per spiritualem crucifixionem sacrificabis ? an non pretiosa erit hæc mors in conspectu DEI ? an non cum Christo nomen super omne nomen accipies ? an non tanquam granum emortuum afferes multum fructum in salute Proximi ? an non mors hæc finiserit omnium malorum, atque adeo tu deinceps audacter dices cum S. Paulo ad Gal. 6. *De cetero nemo mihi molestus sit, ego enim stigmata Domini mei JESU in corpore meo porto.*

Confidera III. Quam libenter, & prompte ob hos fructus te ipsum crucifigere debeas, & velis . Colloquium ad Christum dicendo cum S. Bernardo : *Sequar te quocumque ieris ; mihi tolli non poteris, cum meum cor abstuleris, JESU laus nostri generis.* Vide Spinolam . p. 2. Med. 162. fol. 417.

Legatur ex lib. 2. de Imit. c. 11. & illa præcipue verba bene ponderentur : Habet JESUS nunc multos amatores regni cælestis ; sed paucos bajulatores suæ crucis. Unum tibi summe necessarium est, ut omnibus relictis te relinquas, & a te totaliter ex eas .



Pro septima Die.

## MEDITATIO II.

## DE FRUCTIBUS EX PASSIONIS DOMINICÆ CONSIDERATIONE REFERENDIS.

Scopus.

Idem, qui in titulo.

## Punctum I.

Confidera I. Parabolam de Patrefamilias, quam in hunc modum S. Matth. c. 21. commemorat: *Erat Paterfamilias, qui plantavit Vineam, & sepem circumdedit ei, & fodit in ea torcular, & adificavit turrim, & locavit eam Agricolis, & peregre profectus est. Cum autem tempus fructuum appropinquasset, misit servos suos ad Agricolas, ut acciperent fructus ejus. Et agricola apprehensis servis ejus alium ceciderunt, alium occiderunt, alium vero lapidaverunt. Iterum misit alios servos, plures prioribus, & fecerunt illis similiter. Novissime autem misit ad eos Filium suum, dicens: Verebuntur Filium meum. Agricola autem videntes Filium, dixerunt intra se: Hic est heres, venite, occidamus eum, & habebimus hereditatem ejus. Et apprehensum eum ejecerunt extra vineam, & occiderunt. Cum ergo venerit Dominus vineæ, quid faciet Agricolis illis? ajunt illi: Malos male perdet; & vineam suam locabit aliis Agricolis, qui reddant ei fructum temporibus suis.* Confidera, inquam, quanta fuerit ingratitude horum Agricolarum, & quanto gravior futura fuisset, si idem Filius Patrisfamilias semel iterumque Patri pro eorum delictis satisfecisset, omnemque eorum poenam in se transfuisset?

Confidera II. Quanta hactenus fuerit tua ingratitude,

I i

qui

qui vineam tam nobilem non modo neglexisti, nec tantum servos DEI, id est, Superiores, & Patres Spirituales, qui fructus a te DEI nomine exigebant, contempsisti; sed ipsum etiam DEI Filium tam gravibus, totiesque repetitis peccatorum vulneribus aut sauciasti, aut omnino interemisti.

Confidera III. Quanta sit bonitas DEI, qui non modo te pro meritis hactenus non punivit; sed ultro ad veniam invitat, vineamque etiam deinceps adhuc relinquere statuit, ut vel nunc tandem optatos fructus a te recipiat. Vide ergo, quomodo tantæ, & Patris, & Filii charitati respondeas. Colloquium ad SS. Patronos.

### Punctum II.

Confidera I. Quinam sint illi fructus, quos Christus a te Patris sui æterni, imò & suo nomine exigit; nimirum sequentes. Primus est, gratitudo pro collata vinea, id est, pro vocatione Religiosa, aut Sacerdotali, & pro beneficio Redemptionis, per quam tibi dicta Vocatio a Christo obtenta est. Secundus est, dolor de præterita ingratitude, negligentisque in vinea excolenda commissis, nec non de summa injuria, quam & Christo, & Patri ejus per peccata tam gravia, quibus passionis causa extiteras, intulisti. Tertius, fiducia, tum de bonitate DEI, tum de meritis Christi concepta. Quartus, Amor intentus erga tantos benefactores, quo nihil aliud desideres, aut agas alio fine, quam ut ipsis placeas, mutuumque erga illos amorem demonstres. Quintus, Patientia generosa, qua, & DEI, & Christi amore nihil laborum, aut miserationum refugas, sed omnia similia singulari cum alacritate suscipias, & sustineas.

Confidera II. Quam pretiosi sint hi fructus, & quam accepti tam Patri æterno, quam ipsi Christo; quam item tibi, & proximo salutares sint futuri.

Confidera III. Quomodo deinceps hos fructus diligentius ex vinea tua persolvere, atque adeo præteritas negligentias compensare velis. Colloquium ad B. V.

Pun-

## Punctum III.

Confidera I. Quo medio deinceps uti velis ad dictos fructus producendos ; ſcilicet frequenti , imo aſſidua Paſſionis Chriſti memoria , & meditatione ; nam ut S. Auguſtinus n. 119. in Joannem dixit, *Crux Chriſti non tantum eſt lectulus morientis , ſed etiam Cathedra docentis , in qua virtutes omnes non tam verbis , quam ipſo opere , atque adeo efficaciffime docentur.*

Confidera II. Quam multis hoc remedium ſingulariter profuerit ad dictos fructus obtinendos ; ut merito non tantum S. Auguſtinus dixerit , ſe in omnibus adverſitatibus non inveniffe tam efficax medium , quam Vulnere , & Paſſionem Salvatoris ; ſed vere etiam alij dicere poſſint , ſe nullum tam ſalutare medium ad virtutes plantandas , & perfectionis ſtudium promovendum fuiſſe expertos , quam ejusdem Paſſionis frequentem conſiderationem . Hinc S. Mariæ Magdalenz converſionem auſpiciant crux ab Angelo in ſpelunca eo artificio poſita eſt , ut quocumque ſe verteret , unum ex myſteriis Paſſionis illi objiceretur . Sed & S. Franciſcus Xaverius faſſus eſt , ſe ad omnem ſanctitatem præcipue crebra vitæ mortisque Domini noſtri meditatione accendi , ex qua exardeſcebat in illo humanæ ſalutis , & Martyrii cupido , totumque ſe ad illius imitationem pro gloria DEI , hominumque ſalute devovendi .

Confidera III. Quomodo tu hactenus hoc medio uſus fueris , aut deinceps uti velis . Colloquium ad Chriſtum cum congruis affectibus . Vide Spinolam p. 2. Medit. 180. f. 472.

Legatur ex lib. 2. de Imit. c. 1. & illa præcipue verba bene ponderentur : Si nescis ſpeculari alta , & celeſtia , requieſce in Paſſione Chriſti , & in ſacris Vulnerebus ejus libenter habita .

## MEDITATIO III.

## DE TRIBULATIONUM UTILITATE.

Scopus.

Studium Patientia.

Punctum I.

1. Considera I. Parabolam de homine seminante semen suum, quam sic S. Matthæus c. 13. memorat: *Exiit, qui seminat, seminare semen suum: Et dum seminat, quadam ceciderunt secus viam, & venerunt volucres cæli, & comederunt ea: alia autem ceciderunt in petrosa; ubi non habebant terram multam, & continuo exorta sunt, quia non habebant altitudinem terra. Sole autem orto assuaverunt: & quia non habebant radicem, aruerunt. Alia autem ceciderunt in spinas: & creverunt Spina, & suffocaverunt ea. Alia autem ceciderunt in terram bonam, & dabant fructum, aliud centesimum, aliud sexagesimum, aliud trigessimum.* Considera, inquam, quam convenienter per hoc semen non tantum Verbum DEI, ut Christus interpretatus est, sed etiam tribulationes, & quæcumque aliæ patiendi occasiones intelligantur; nam vere hæ sunt semen bonum, quod si in terram bonam cadat, centuplum, imo millecuplum feret fructum, cum teste S. Paulo ad Rom. 8. *Non sint condignæ passionēs ad futuram gloriam, quæ revelabitur in nobis.*

2. Considera II. Quam frequenter etiam hoc semen vel in spinas impatientiæ, & indignationis; vel in petram cordis indurati, & in malitia obstinati; vel secus viam cadat, id est, absque intentione bona, & ordinatione ad vitam æternam suscipiatur; dum scilicet vel ex sola necessitate, vel propter vanam gloriam, aliudve moti-

yum

vum humanum tribulationes quandoque gravissimæ perferuntur.

Confidera III. An non tu quoque hætenus dictum semen in spinas, aut petram, aut secus viam cadere passus sis, & quomodo deinceps saltem hunc errorem corrigere velis. Colloquium ad SS. Patronos.

Punctum II.

Confidera I. Quænam sit illa terra bona, in qua semen tribulationum fructum trigessimum, aut centesimum refert; nimirum terram bonam esse, animam in statu gratiæ constitutam, quæ si patienter ferat tribulationes, id est, æquo, & in Divinam voluntatem resignato animo, fructum trigessimum ex tribulationibus ducit; si vero etiam cum gaudio, & alacritate easdem suscipiat, & cum S. Francisco Xaverio amplius, amplius clamet, sexagesimum parere censenda est; si vero etiam constanter in simili statu perdurat, tunc centesimus fructus ab illa merito sperari potest, quem quidem Christus copiose retulit, utpote qui obediens factus est usque ad mortem crucis.

Confidera II. Si filii hujus sæculi desiderio lucri temporalis impulsu tantopere optant terram bonam, ex qua copiosam messem referant; sique tot ac tantas industrias, ac labores adhibent, ut terram suam bonam efficiant, quanto magis tu omnem industriam adhibere debeas, ut terram animæ tuæ ad excipiendum fructuose tribulationum semen, optimam, secundissimamque efficias.

Confidera III. Quomodo hac in parte te hætenus gesseris, & gerere deinceps velis. Colloquium ad B. V.

Punctum III.

Confidera I. Qua potissimum industria terram animæ secundam efficere, & supra dictas tres proprietates, scilicet patientiam, alacritatem, atque constantiam inter tribulationes obtinere possis; an non præ aliis placebit, & proderit, ut rivos sanguinis ex vulneribus Christi

profluentes in eandem animam tuam derives ? si enim aqua naturalis tantas vires habet ad agros naturales fecundandos , quanto magis virtus hæc sanctissimo Christi Sanguini respectu terræ spiritualis concedenda erit ? Certe S. Augustinus ser. 32. ad Fratres in eremo dicere ausus est , Nihil tam salutiferum esse , quam quotidie cogitare , quanta pro nobis pertulit DEUS & Homo .

Considera II. Quos per Canales derivare hos rivos in animam tuam debeas ; nimirum frequenti , & assidua meditatione , & applicatione ; ita enim Christus ipse quondam virum quemdam Religiosum docuit , dum gravissima desolatione oppresso dixit : Surge , & meam passionem devote pertracta , & in amaritudine dolorem tuum vinces ; quod ille faciens mox liberatus est . Sed & alias Florentiæ Virgini cūpiam , quæ in puteum se præcipitare statuerat , ne Sodalis suæ asperitatem diutius ferre cogeretur , idem Christus apparens , dixit : Redi a te mulier parvi animi , & cogitans , quos ego , quantosque cruciatus amore tui pertulerim , sororis tuæ voculas insuper habere disce .

Considera III. Quam efficax simul , & facilis sit hæc industria , & quomodo tu quoque deinceps eam diligentius adhibere velis . Colloquium ad Christum . Vide Spinolam p. 2. Medit. 186. & 187. fol. 214. & 217.

Legatur ex lib. 2. de Imit. c. 12. & illa præcipue verba bene perpendantur : Nihil DEO acceptius , nihil tibi salubrius in Mundo isto , quam libenter pati pro Christo ; si quidem aliquid melius , & utilius salutis hominum , quam pati fuisset , Christus utique verbo , & exemplo ostendisset .

Pro septima Die.

## MEDITATIO IV.

## DE CONSTANTIA INTER ADVERSA.

Scopus.

*Studium dictæ Constantiæ.*

Punctum I.

Confidera I. Parabolam de viro sapiente, qui ædificavit domum suam supra petram, quam S. Matth. c. 7. sic narrat: *Omnis ergo, qui audit verba mea, & facit ea, hic assimilabitur Viro sapienti, qui ædificavit domum suam supra petram, & descendit pluvia, & venerunt flumina, & flaverunt venti, & irruerunt in domum illam, & non cecidit: fundata enim erat super petram. Et omnis, qui audit verba mea hæc, & non facit ea, similis erit viro stulto, qui ædificavit domum suam super arenam, et descendit pluvia. et venerunt flumina, et flaverunt venti, et irruerunt in domum illam, et cecidit, et fuit ruina illius magna.* Confidera, inquam, quam convenienter per virum hunc sapientem intelligatur quivis quidem Christianus, sed maxime Religiosus, aut Sacerdos, qui domum suam, id est, studium perfectionis, posuit super petram, id est, super solidum fundamentum, cui tuto, quidquid voluerit, superædificare potest.

Confidera II. Quænam sit hæc petra; nimirum constantia inter adversa, quæ in eo consistit, ut per nullam difficultatem absterri se sinat a perfectionis studio continuando, sed potius, ut Thomas Kemp. l. 3. c. 25. ait, Una æquali facie in gratiarum actione permaneat inter adversa, & prospera, omnia æqua lance pensando.

Confidera III. An tu hæctenus super similem petram

ædificaveris domum tuam; an vero potius similis fueris viro stulto, qui domum suam ædificaverit super arenam ( ut eadem parabola loquitur ) in quam irruerunt venti, & cecidit, & fuit ruina ejus magna. Colloquium ad SS. Patronos.

### Punctum II.

Considera I. Quem fructum ex tali constantia sperare possis; scilicet, ut, licet descendat pluvia desolationum, & veniant flumina tribulationum, & flent venti persecutionum, non cadas animo, sed eodem tenore in virtutis, & perfectionis studio pergas.

Considera II. Quam præclarus, & quam optabilis sit iste fructus, maxime Religioso, aut Sacerdoti; si enim tanto pretiosus est ædificium, quanto gravior illius ruina est; adeoque magis optandum, ut firmissime consistat; quantopere tu optare, & conari debes, ut nobilissimum illud ædificium perfectionis, quod non tibi dumtaxat, sed DEO etiam ad solatium, & habitationem dignam præparatur, firmissimæ petræ innitatur.

Considera III. Quomodo tu his motivis excitatus deinceps gerere te, & vel nunc media ad constantiam talem acquirendam necessaria indagare, & studiose deinceps adhibere velis. Colloquium ad B. V.

### Punctum III.

Considera I. Quo potissimum medio uti deinceps debeas ad talem constantiam obtinendam; an non placebit illud, quod olim Christus S. Catharinam Senensem docuit, ut scilicet firmiter credas, Deum esse summe potentem, ut adeo nihil sine illius permissione tibi evenire possit; deinde ut pariter credas, esse summe sapientem, ut adeo omnia, quæ tibi quantumcumque adversa eveniunt, in summam tuam utilitatem convertere possit; tandem ut æque firmiter tibi persuadeas, etiam summe bonum esse, summeque tui amantem, ut adeo etiam velit omnia, quæ tibi accidunt, ad tuum commodum ordinare.

Con-



Confidera II. Quam efficax fit hoc remedium, quamque multorum Sanctorum, & præcipue ipsius Christi exemplo approbatum, & confirmatum; utpote qui adhibito hoc medio licet in gravissima agonia constitutus, adeo tamen roboratus est, ut ultro obviam processerit inimicis, atque in tota Passione sua summam semper constantiam præsetulerit.

Confidera III. Quomodo tu quoque deinceps hoc medio uti velis. Colloquium ad Christum. Vide Spinozam p. 2. Med. 172. pu. 3. fol. 128.

Legatur ex lib. 3. de Imit. c. 21. & illa præcipue verba bene ponderentur: Quanto melius ad patiendum te disponis; tanto sapientius agis, & amplius promereris; feres quoque levius animo, & usu ad hoc non segniter paratus.

Pro octava Die.

## M E D I T A T I O I.

### D E C Æ L E S T I G L O R I A.

Scopus.

*Desiderium Beatitudinis.*

Tessera.

*Unam petii a Domino, banc requiram, ut inhabitem in domo Domini omnibus diebus vita mea. Ps. 14.*

Punctum I.

Confidera I. Parabolam de cœna magna, quam sequentibus verbis S. Lucas c. 14. describit: *Homo quidam fecit Cœnam magnam, & vocavit multos, & misit servum suum hora Cœna dicere invitatis, ut venirent, quia jam parata sunt omnia. Et cœperunt simul omnes excusare. Primus dixit ei: Villam emi, & necesse habeo exire, & videre*

dere illam : rogo te , babe me excusatum . Et alter dixit ,  
 juga bonum emi quinque , & eo probare illa : rogo te babe  
 me excusatum . Et alius dixit : Uxorem duxi & ideo non  
 possum venire . Et reversus servus hac nuntiavit Domino  
 suo . Tunc iratus Paterfamilias , dixit servo suo : Exi cito  
 in plateas , et vicos Civitatis , et pauperes , ac debiles , et  
 Cacos , et Claudos introduc huc . Et ait servus : Domine  
 factum est , ut imperasti , et adhuc locus est . Et ait Do-  
 minus servo : Exi in vias , & sepes ; et compelle intrare ,  
 ut impleatur domus mea . Dico autem vobis , quod nemo  
 virorum illorum , qui vocati sunt , gustabit Cœnam meam .  
 Considera , inquam , quam bene æterna beatitudo cœnæ  
 comparetur ; utpote in qua reperiuntur perfectissime  
 omnia illa tria capita , quæ cœnam aliquam pretiosam  
 atque optabilem facere possunt ; nimirum singularis cha-  
 ritas , & benevolentia invitantis , jucundissima conviva-  
 rum societas , & summa multiplicis explicationis abundan-  
 tia , quam breviter , sed bene indicavit S. David Ps. 16.  
 dum dixit : Satiabor , cum apparuerit gloria tua !

Considera II. Si famelici hujus sæculi tantopere gau-  
 dent , si ad cœnam aliquam a Rege , aut alio Domino  
 terreno invitentur ; quantopere tu gaudere , & exultare  
 debeas , si animo revolvis , te ad illam cœnam , in qua  
 omnes inebriabuntur ab ubertate domus DEI , & tor-  
 rente voluptatis ejus potabuntur , & quidem per totam  
 æternitatem , invitatum esse .

Considera III. Quanto proinde desiderio ad dictam  
 cœnam anhelare , seduloque cavere debeas , ne ali-  
 quid committas , propter quod ab eadem cœna excludi  
 merearis . Colloquium ad SS. Patronos .

### Punctum I I.

Considera I. Quid potissimum eos , qui invitati sunt ,  
 impedierit , quo minus ad cœnam paratam venirent , ni-  
 mirum villa emptæ , juga bovm probanda , & uxor  
 ducta .

Considera II. Quam frequenter etiam similia impedi-  
 menta multos , qui ad cœnam cœlestem invitandi sunt ,  
 impe-

impediant ; nimirum concupiscentia carnis , divitiarum , & honorum , ita enim S. Jacobus c. 1. indicavit , dum dixit : *Unusquisque tentatur a concupiscentia sua abstractus , et illectus ; deinde dum concupiscentia conceperit , parit peccatum ; peccatum vero , cum consummatum fuerit , generat mortem ; atque adeo etiam a cœna ista excludit .*

Confidera III. An non tu quoque simile impedimentum hactenus expertus sis , ob quod , si non omnino animum , & voluntatem in illa cœna comparendi abjecisti , exiguum certe desiderium ad eandem conciperis . Colloquium ad B. V.

### Punctum III.

Confidera I. Quibus mediis hæc impedimenta facile fortiterque remove possis ; scilicet ipsa consideratione hujus cœnæ , qua frequenter menti tuæ repræsentantes gaudiorum in illa percipiendorum magnitudinem , varietatem , & durationem , ita ut , teste S. Paulo 1. Cor. 2. Nec oculus viderit , nec auris audiverit , nec in cor hominis ascenderit , quæ præparavit DEUS iis , qui diligunt illum .

Confidera II. Quam efficax sit hoc remedium ad omnem concupiscentiam ex animo ejiciendam ; si enim in hoc sæculo ii , qui ad cœnam opiparam invitati sunt , ultro , et libenter ad famem usque abstinere a vilioribus cibis , ut tanto majorem voluptatem ex ipsa cœna percipiant ; cur non libentius abstineat homo a voluptatibus , et honoribus terrenis , ut tanto abundantius hæc omnia in cœlis percipere mereatur ; certe S. Augustinus lib. de moribus dicere ausus est , Tantam esse jucunditatem lucis æternæ , id est , incommutabilis Sapientiæ , ut , etiamsi in ea non liceret amplius manere , quam unius diei mora , propter hoc solum innumerabiles anni hujus vitæ pleni deliciis , et circumfluentia bonorum temporalium recte meritoque contemnerentur .

Confidera III. Quomodo tu deinceps hoc medio uti velis ,

velis, & assiduo tibi occinere, *Sursum corda*. Aut cum S. Ignatio: *O quam sordet mihi terra, cum cælum aspicio, & confidero*. Colloquium ad Christum.

Legatur ex lib. 3. de Imit. c. 49. & illa præcipue verba bene perpendantur: *Pensa, fili, horum fructum laborum, celerem finem, atque præmium nimis magnum, & non habebis inde gravamen, sed fortissimum patientiæ tuæ solamen.*

Pro octava Die.

## M E D I T A T I O II.

### DE CULTU SANCTORUM PATRONORUM.

Scopus.

*Renovatio amoris erga dictos Sanctos.*

Punctum I.

Confidera I. Parabolam de grano Sinapis, quam S. Matth. cap. 13. sic narrat: *Simile est regnum Cælorum grano sinapis, quod accipiens homo seminavit in agro suo: quod minimum quidem est omnibus seminibus: cum autem creverit, majus est omnibus oleribus, et fit arbor, ita ut volucres Cæli veniant, et habitant in ramis ejus*. Confidera, inquam, quam convenienter huic sinapi regnum Cælorum, volucris vero in arbore hac habitantibus Beati comparentur, utpote de quibus S. David Ps. 83. dixit: *Beati, qui habitant in domo tua, Domine, in sæcula seculorum laudabunt te.*

Confidera II. Quam perfecta sit laus ista, siue suavitatem vocis, siue affectum mentis, siue virium intensiorem, siue durationis perpetuitatem consideres; quantus proinde ex tali laude in DEUM honor, & gloria; in Sanctos ipsos consolatio; in alios vero, qui audiunt, gaudium atque voluptas sit redundatura.

Confidera III. Si Principes hujus sæculi tantis impensis

penſis conducunt varios Muſicos, qui vocis amœnitate brevem illis voluptatem aurium concilient, ſique eos, quos in tali arte excellere advertunt, tantò favore, & benevolentia complectuntur, quanto magis tu colere, & amare debeas Sanctos, qui non tam te, quam DEUM, quem plus, quam te ipſum diligere te profiteris, tam ſuavi, & omnibus numeris abſoluta Muſica laudant. Vide ergo, an hactenus debitum honorem, & amorem illis exhibueris, & quid deinceps facere velis. Colloquium ad eoſdem SS Patronos, renovando formulam, qui eos in Patronos eligere conſueviſti.

## Punctum II.

Conſidera I. Quem potiſſimum honorem, & cultum a te requirant Sancti; an non putas idem tibi dicturos, quod olim S. Angelus Raphael Tobiz utrique dixit; qui cum peterent, ut pro beneficiis collatis dignaretur dimidiam partem eorum, quæ attulerant, accipere, reſpondit: *Benedicite DEUM cæli, et coram omnibus viventibus conſitemini ei, quia ſecus vobiscum miſericordiam ſuam.*

Conſidera II. Quo modo benedicere DEUM cum Sanctis debeas; videlicet bene ſemper agendo, id eſt, quotidiana tua opera perfecte obeundo; ita enim docuit S. Auguſtinus in Pf. 148. dum dixit: *Vis ſemper laudare DEUM? bene fac omnia, et ſemper laudaſti Deum.* Quam non tantum Deo honorificus, Sanctiſque acceptus, ſed tibi etiam proximoque ſalutaris ſit iſte modus colendi Sanctos, utpote qui nihil aliud ſit, quam optima vita; unde merito quidam cecinit:

*Sanctorum eſt cultus pulcherrimus optima vita.*

Quamque facilis, & jucundus ſit, & quam adeo prudenter facturſus ſis, ſi pleraſque tuas minores devotiones in hunc cultum, utpote longe ſolidiorem convertas. Colloquium ad Chriſtum, gratias agendo, quod & Sanctos tanta gloria beaverit, & tibi tam utilem, ſolidumque eos colendi modum ſuggeſſerit.

Pun-

## Punctum III.

Confidera I. Quos fructus ex tali cultu sperare possis; nimirum mutuum Sanctorum Patronorum erga te amorem, unde triplex tibi fructus orietur; videlicet continua tuarum actionum approbatio, & complacencia ab iisdem SS. Patronis tuis concipienda; efficax pro quavis re tibi impetranda concessio; & constans contra omnia aduersa, periculaque protectio.

Confidera II. Si tam iucundum est in hac vita habere amicum aliquem, qui sincere diligit, & a quo certana opem, & protectionem in quacumque necessitate, & periculo expectare possis; quanto iucundius tibi sit futurum habere tot tamque potentes, & fideles amicos in cælis, quorum auxilio non a temporalibus dumtaxat, sed æternis malis liberari; neque naturalem dumtaxat, & perituram felicitatem, sed æternam beatitudinem omnibus bonis affluentem consequi possis.

Confidera III. Si hæc motiva suadent omnes Sanctos speciali cultu venerandos esse, quanto maiori amore, & veneratione colere debeas ipsam Dei Genitricem, utpote quæ & plus amat Deum, & te, quam reliqui Sancti; & potentius suo patrocinio defendere potest; & efficacius suo patrocinio votorum, aut propositorum tuorum impletionem obtinere. Vide ergo, quomodo deinceps te erga hanc quoque gerere velis, & per ardens colloquium formulamque Sodalitatis tuum erga ipsam amorem restaura.

Legatur ex lib. 3. de Imit. cap. 58. & illa præcipue verba bene ponderentur: Ego laudandus sum in omnibus Sanctis meis; ego super omnia benedicendus sum, & honorandus in singulis, quos sic gloriose magnificavi, & prædestinavi, sine ullis præcedentibus meritis.

Pro octava Die.

## MEDITATIO III.

## DE ORDINE DIURNO ORDINANDO.

Scopus.

*Actiones quotidiana reformanda.*

## Punctum I.

Confidera I. Parabolam de fagena miffa in mare , & ex omni genere pifcium congregante , quam cum impleta effet , educentes , & fecus litus fedentes , elegerunt bonos in vafa , malos autem foras miferunt , uti S. Matth. c. 13. narrat. Confidera , inquam , quam convenienter per hanc fagenam non tantum regnum czlorum , fed etiam ordo diurnus quotidianarum actionum tuarum intelligatur ; nam & hic forte hactenus tam malas , quam bonas actiones congregabat .

Confidera II. Quodnam fit tuum hac in re officium ; nimirum ut tu quoque nunc fedeas , & bonas quidem actiones eligas , & retineas deinceps continuandas , & perficiendas , malas autem , & inordinatas foras mitas .

Confidera III. Quenam fint actiones bonæ , quæ malæ , id quod difcurrendo per fingulas totius dici actiones facile intelliges . Colloquium ad SS. Patrones .

## Punctum II.

Confidera I. Quem fructum ex tali reformatione actionum fperare poffis ; videlicet ut fingulas bene atque perfecte obire difcas .

Confidera II. Quam præclarus fit ifte fructus , & quantopere optandus Religiofo , aut Sacerdoti , utpote qui

qui huiusmodi statum aggressus est, ut perfectioni consequendæ omnem operam suam impenderet: cum autem arboris bonitas atque perfectio ex fructibus cognoscatur; consequens est, ut ille quoque Religiosus, aut Sacerdos perfectus censeatur, qui quotidianas actiones, quibus tota ipsius vita constat, perfecte exercere didicit; ad quam artem addiscendam cum summe conducatur. Ordinis diurni exacta observatio, merito maximi eandem facere, & in eo observando omnem diligentiam adhibere oportet.

Considera III. An non ob negligentiam in huius ordinis observatione commissam tu quoque hactenus minus profeceris in perfectione, & quomodo proinde vel deinceps accuratius eum observare velis. Colloq. ad B. V.

### Punctum III.

Considera I. Quæ media potissimum adhibere debeas ad exactam ordinis diurni observationem procurandam; tria præcipue suasero. Primum est, ut sæpius mediteris, beneque perpendas, quantum momenti positum sit in actionibus quotidianis perfecte obeundis. Secundum est, ut non modo examen particulare super singulas actiones, saltem potiores accurate instituas, sed etiam in generali examine diligenter inquiras impedimenta, quæ potissimum obstant, quo minus optatum in hoc exercitio profectum facias, eaque per convenientia remedia removeere studeas. Tertium est, ut brevem vitæ tuæ terminum tibi circumscribas, atque adeo de die in diem, de hora in horam vivas, dicasque cum S. David Ps. 60. *Psalmum dicam nomini tuo in saculum. faculi, et reddam vota mea de die in diem.*

Considera II. Quam efficacia sine hæc media ad dictum finem brevi tempore obtinendum, uti quotidiana experientia satis demonstrat.

Considera III. Quomodo tu hactenus media ista adhibueris, aut certe adhibere deinceps velis. Colloq. ad Christum cum congruis affectibus.

Legatur ex lib. 1. de Imit. c. 19. & illa præcipue verba bene



bene ponderentur : omni die renovare debemus propositum, & ad fervorem nos excitare, quasi hodie primum ad conversionem venissemus, atque dicere: Adjuva me Domine Deus in bono proposito, & sancto servitio tuo, & da mihi nunc hodie perfecte incipere, quia nihil est, quod hactenus feci.

Pro octava Die.

## MEDITATIO IV.

### DE AMORE DEI

Scopus.

*Augmentum dicti Amoris.*

Punctum I.

Confidera I. Parabolam de Rege faciente nuptias Filio suo quam S. Matth. c. 22. sic scribit : *Simile factum est regnum cœlorum homini Regi, qui fecit nuptias filio suo, & misit servos suos vocare invitatos ad nuptias, & nolabant venire. Iterum misit alios servos, dicens: dicite invitatis: Ecce prandium meum paravi, tauri mei, & altitia occisa sunt, & omnia parata sunt: venite ad nuptias; illi autem neglexerunt, & abierunt, alius in villam suam, alius vero ad negotiationem suam: reliqui vero tenuerunt servos ejus, & contumeliosius affectos occiderunt. Rex autem cum audisset, iratus est: & missis exercitibus suis perdidit homicidas illos, & civitatem illorum accendit. Tunc ait servis suis: Nuptia quidem parata sunt, sed qui invitati erant, non fuerunt digni. Ite ergo ad exitus viarum, & quoscunque inveneritis, vocate ad nuptias. Et egressi servi ejus in vias congregaverunt omnes, quos invenerunt, malos & bonos: et impleta sunt nuptia discumbentium. Intravit autem Rex, ut videret discumbentes, & vidit ibi hominem non vestitum veste nuptiali. Et ait illi: Amice, quomodo huc intrasti*

Kk non

*non habens vestem nuptialem? at ille obmutuit. Tunc dixit Rex ministris; ligatis manibus, et pedibus ejus mittite eum in tenebras exteriores: ibi erit fletus, et stridor dentium.* Considera, inquam, quam convenienter regnum cœlerum nuptiis comparetur; uti enim nuptiæ sunt contractus indissolubilis, per quem duæ personæ ad matrimonium habiles conjunguntur in ordine ad perpetuam cohabitationem, ita in cœlo conjungitur per visionem beatificam Anima cum Deo, eique vinculo indissolubili amoris connectitur, ut perpetuo cum illo habitet, & lætetur.

Considera II. Quam omni ex parte felices, & præstantes sint hæ nuptiæ; si enim sponsum consideres, omnia in eo summa sunt; si sponsam, & hæc pulchritudine sua, & ornamentis omnem humanam æstimationem superabit; si nuptiale convivium, tale erit, quod appetitum sine fastidio satiet; si amicos, omnes secundum cor facti; si thalamum, is erit, in quo solo quies suavissima, nec umquam interrompenda invenietur.

Considera III. Quam æquum sit, ut quivis summe desideret his nuptiis frui, adeoque veste nuptiali circumspiciat, ex cujus defectu parabolicum istum hospitem a nuptiis exclusum esse novimus. Colloquium ad SS. PP.

## Punctum II.

Considera I. Quænam sit ista vestis nuptialis, qua induti esse debent, qui ad nuptias istas admitti cupiunt; nimirum charitas, qua DEUS ex toto corde, totis viribus, & ex tota fortitudine diligitur.

Considera II. Quid sit ex toto corde diligere; nimirum multa agere, & pati pro DEO, id est, non alio fine, quam ut DEO placeas, tuumque erga illum amorem declares.

Considera III. Quanto dignior est nuptialis hospes, tanto elegantiorum quoque ac pretiosiorum vestem plerumque habere soleat; Sacerdotes autem omnes alios homines dignitate longe excellant; quantopere tu studere

dere debeas , ut non vulgarem dumtaxat charitatem , sed talem , quæ tantam deceat dignitatem , procures . Colloquium ad B. V.

## Punctum III.

Confidera I. Quibus mediis talem charitatem obtinere possis; præ reliquis efficacior fore iudico, si frequenter perpendas motiva amoris, certoque tibi persuadeas, ea in DEO infinitè perfectius, quam in creaturis reperiri.

Confidera II. Quænam motiva amoris communiter ab Ethicis, & Theologis assignari soleant; nimirum pulchritudo, bonitas, amor, similitudo. Compara ergo quoad hæc omnia Deum cum creaturis, & vide, quanto perfectius in DEO velut fonte, quam in creaturis reperiantur.

Confidera III. Quam facile simul, & efficax sit hoc remedium; quis enim sitibundus non malit ex ipso fonte, quam ex lacuna aut cisterna aquam haurire? quis famelicus non malit verum, sapidissimumque cibum, quam depictum fami satiandæ adhibere? quis pauper non malit thesaurum, quàm paucos nummos accipere? quæ Virgo non potius in Sponsum eligat formosissimum Juvenem, quam detormem, & leprosum Æthiopem? An non ergo & tu illa tibi S. Anselmi præclara verba applicabis: *Quid vagaris o Homuncio, quarens bona animæ, & corporis? quare unum bonum, in quo est omne bonum, & sufficit.* Colloquium ad Christum illa S. Bernardi verba cum affectu repetendo: *JESU summa benignitas, mira cordis jucunditas, incomprebensa bonitas, tua me stringat charitas.*

Legatur ex lib. 3. de Imitatione c. 5. & illa præcipue verba bene perpendantur: Amor volat, currit, & lætatur, liber est, & non tenetur: dat omnia pro omnibus, & habet omnia in omnibus, quia in uno summo super omnia quiescit, ex quo omne bonum fluit, & procedit.

## MEDITATIO Finalis.

## DE GRATIARUM ACTIONE PRO FELICI SUCCESSU EXERCITIORUM.

## Scopus.

*Fortis, & constans Propositorum Executio.*

## Punctum I.

Confidera I. Parabolam de arbore fici, quam S. Lucas cap. 13. sic narrat. *Arborem fici habebat quidam plantatam in vinea sua, & venit quarens fructum in illa, et non invenit. Dixit autem ad Cultorem vineæ: Ecce anni tres sunt, ex quo venio quarens fructum in ficulnea hac, et non invenio: succide ergo illam: ut quid etiam terram occupat? at ille respondens dicit illi: Domine, dimitte illam et hoc anno, usque dum fodiam circa illam, et mittam stercora: Et siquidem fecerit fructum: sin autem, in futurum succides eam.*

Confidera, inquam, quam bene tibi hæc parabola applicari queat, quam convenienter tu dicaris arbor illa, quam DEUS in vinea Ecclesiæ, vel Religionis plantaverat, sed pro dolor, fructum optatum in te hactenus non invenit.

Confidera II. Quanta sit bonitas DEI, qui, cum iustissime posset, succidi te non iussit, sed paratus adhuc est uno anno exspectare, ut tandem aliquando speratos fructus offeras, ideoque in his exercitiis denuo te fodit, & excolit, per tot, tamque salutares inspirationes, tam copiosas consolationes, & tot denique, tamque vehementes animi ad omne bonum commotiones.

Confidera III. Quam æquum sit, ut vel nunc tandem omnes vires contendas in perfectionis studio, tamque liberali, & beneficæ DEI culturæ aliquando respondeas. Colloquium ad SS. PP.

Pun-

## Punctum. II.

Considera I. Quem potissimum a te deinceps fructum exigat, & expectet DEUS; nimirum seriam, & constantem propositorum executionem; in hac enim totus exercitiorum, tuorum fructus consistit, ut merito de tuis propositis illud Christi dictum Luc. 10. *applicare* possis: *Hoc fac, et vires.*

Considera II. Quodnam sit breve tuorum propositorum compendium; scilicet, ut denuo singulari cum fervore omnium, quæ retro sunt, oblitus, ad anteriora te convertas, id est, ad destinatum perfectionis scopum, atque bravium contendas, adeoque omnibus, quæ te impedire poterant; relictis, serio atque constanter Christum per veram imitationem sequaris, mundoque, ac tibi crucifixus soli Deo vivas.

Considera III. Quam DEO gratus, tibi que, ac proximo salutaris, jucundusque futurus sit iste fructus; quam æquum proinde sit, ut omnem diligentiam adhibeas in fructu isto proferendo. Colloquium ad B. V. rogando, ut proposita tua suis purissimis manibus Christo offerre, & copiosam ad ea exequenda benedictionem impetrare dignetur.

## Punctum III.

Considera I. Quibus mediis dictam propositorum tuorum executionem promovere possis; an non tria hæc præ cæteris placebunt? Primum oratio frequens, per quam a Deo per SS. Patronos necessaria efficaxque ad talem executionem gratia petatur. Secundum frequens talium propositorum renovatio, maximè in quotidianis meditationibus, & examinibus, atque in hebdomadariis, mensurisque recollectionibus. Tertium generosa sui victoria in potissimo aliquo impedimento removendo; ita enim Thomas Kemp. l. 1. c. 25. indicavit dum dixit: *Enim vero illi maxime in virtutibus præ cæteris proficiunt, qui ea, quæ sibi magis gravia & contraria*

*sunt, virilius vincere nituntur; nam ibi homo plus proficit, et gratiam meretur ampliozem, ubi magis seipsum vanum est, et in spiritu mortificat.*

Considera II. Quam efficacia sint hæc motiva, & vel tua etiam experientia confirmata, ut qui maiorem tui profectus partem illis adscribere debeas.

Considera III. Quomodo deinceps illa adhibere velis. Colloquium ad Christum rogando, ut, sicut te in solitudinem hanc introduxit, ita etiam educere dignetur, sic tamen, ut prius benedictionem tibi copiosam largiatur, qua ad ipsius exemplum generose cum hostibus tuis congregi, feliciterque vincere possis.

Legatur ex lib. 2. de Imit. c. 10. & illa præcipue verba bene ponderentur: Qui gratiam DEI retinere desiderat, sit gratus pro gratia data, patiens pro ablata; oret, ut redeat; cautus sit, & humilis, ne amittat.

## C A P U T II.

### DE TRIDUANA RECOLLECTIONE A SACERDOTIBUS ET CLERICIS INSTITUENDA.

**C**Um non omnibus semper aut vacet, aut lubeat, octo dies in sacro secessu consumere; nihilominus autem valde expediat, ut aliquot saltem dies ejusmodi recollectioni impendant, ideo ut his quoque consuletur, placet materiam saltem pro triduana ejusmodi recollectione præscribere. Quia vero non omnes eundem scopum habent, sed aliqui quidem eo dumtaxat fine in secessum hunc abdere se desiderant, ut legitimam Electionem faciant, & numad statum Sacerdotalem vocati sint, clarius intelligant; alii vero post Electionem legitime factam, se ad ordines digne suscipiendos præparare cupiunt; alii denique post susceptos jam Ordines Spiritum, & fervorem per occasiones extrinsecas, & quotidianas fragilitates nonnihil debilitatum resuscitare volunt; ideo pro quovis ejusmodi fine separatam, & accommodatam materiam præscribam, ita tamen,  
ut

ut pro quovis die non nisi duæ meditationes sint faciendæ, tum ut plus temporis habeatur ad deliberationem instituendam, aut statum animæ inspiciendum; tum ut ejusmodi personæ Meditationis Exercitio non admodum assuetæ ex frequentiori Meditatione fastidium non capiant, atque adeo ad reliquas Exercitationes tanto promptiores, & alacriores se exhibeant. Quem ipsum ob finem etiam Lectionem Spiritualem valde moderatam esse convenit, ut potioribus functionibus, & proptius ad finem recollectionis accedentibus sit locus.

## PRIMUM EXEMPLAR.

### RECOLLECTIONIS TRIDUANÆ INSTITUENDÆ.

*Pro iis, qui vocationem suam ad Sacerdotium rite indagare, et legitimam Electionem facere cupiunt.*

**E**X quo titulo facile patet finis, & scopus hujus triduanæ Recollectionis; cum enim ipse Christus Luc. 14. sapienter monuerit, neminem turrim ædificare, qui non prius sedeat, & computet sumptus, an habeat ad perficiendum, ne postea quam posuerit fundamentum, & non potuerit perficere, homines illudere ei incipiant, dicentes: Hic homo cœpit ædificare, & non potuit consummare. Quod quidem consilium in turri Evangelicæ perfectionis ædificanda, id est, vocatione propria inquirenda, & exequenda tanto diligentius observandum est, quanto gravius plerumque damnum sequitur ex prævia computatione neglecta, non illusio videlicet, & contemptus dumtaxat hominum, sed vita etiam miseris, scrupulis, & anxietatibus referta, imo ipsa plerumque æterna damnatio. Certe Leonardus Lessius, Theophilus Bernardinus, & alii multi arbitrantur, multos ideo æternum damnari, quod vel omnino non, vel non debito modo deliberarint; eo quod ad statum vitæ recte instituendum magna haud dubiè gratia Dei sit necessaria; hanc autem merito sperare non possint,

qui cæco potius voluntatis propriæ, & passionum impetu abrepti, quam Divinæ vocationis impulsu permoti, statum elegerunt; unde audire tales tandem merentur, quod Salomon Prov. 2. in Persona Dei dixit; *Vocavi, & renuistis: extendi manum meam, & non fuit, qui aspiceret: despekistis consilium meum, & increpationes meas neglexistis: Ego quoque in interitu vestro ridebo, & subsannabo, cum id, quod timebatis, evenerit.* Unde merito S. Bernardus in serm. Ecce nos reliquimus. Noli, ait, precipitanter agere, diu considera, diligentius intueri; magnum est, quod proponis, & opus habens multa deliberatione. Experire, quid possis, amicos (Viros sapientes, & spirituales) consule, ne post factum pœnitere contingat.

## PRIMA DIES.

**S**Copus hujus diei est, ante omnia finem, propter quem creatus est homo, intelligere, & cum Deus ob altissimas, & sapientissimas causas homines diversis viis ad dictum finem perducere decreverit; non enim est hominis via ejus, ut ambulet, & dirigat gressus suos, teste Jeremia c. 10. indagare, qua potissimum via te ad eundem finem pervenire velit: unde hoc potissimum die dispositiones remotiores ad electionem status faciendæ; & quia inter eas potissima est status gratiæ, & amicitie cum DEO (juxta illud Christi Jo. 15. *Vos autem dixi amicos: quia omnia, quacumque audivi a Patre meo, nota feci vobis*; unde & Moyse ad Dei alloquium vocatus, prius solvere calceamenta jussus est (Exod. 3.) ideo laborandum præcipue erit, ut, siquidem in tali statu te non esse adverteris, ad eundem quamprimum per legitima media pervenire studeas; si vero eundem te habere probabiliter conjicias, media pariter ad eundem conservandum, & perficiendum indages.



## Tessera.

Domine quid me vis facere ? a&amp;t.

## MEDITATIO I.

## DE FINE HOMINIS.

Præludium I. est , imaginari , quemadmodum olim Adam in Paradiso creatus , & positus est , ut operaretur , & custodiret illum , mandatum scilicet Dei observando ; ita te quoque ob similem causam a DEO quoad animam creatum , & quoad corpus a Parentibus generatum fuisse .

Præludium II. Est , petere gratiam , ut finem , ob quem creatus es , clare cognoscere , & constanter , ac sedulo persequi possis .

## Punctum I.

Considera I. Quanti referat , ut finem ; propter quem a Deo creatus , & in hoc mundo positus es , rite cognoscas , & persequaris , cum plane in hoc fine animæ tuæ perfectio , & quies consistat ; perfectio quidem , quia sicut gladius non qui in aurea vel adamantina vagina reconditus est , sed qui bene secat , laudatur : & sicut equus non qui pulcher aspectu , & corpore obesus est , sed qui bene laborat , ambulat , & currit , æstimatur , & laudatur ; ita & homo , cum ratione præditus sit , non ex eo , quod dives , formosus , aut nobilis sit , sed quod finem suum assecutus , & rationis talento legitime usus sit , æstimandus atque laudandus est . Quies vero ejusmodi hominis in hoc ipso fine posita est , quia hic finis est quasi centrum hominis ; unde sicut elementa , & aliæ res creatæ non quiescunt , donec ad centrum suum pervenerint , ita nec homo quiescere umquam poterit , donec finem suum assecutus sit , unde recte S. Augustinus in lib. Confess. exclamat : *Fecisti nos , Domine , ad te , & inquietum est cor nostrum , donec requiescat in te .*

Con-

Confidera II. Quam æquum fit, ut vel nunc tandem finem hunc ſolicite indages; quid enim aliud hætenus per omnes tuos conatus, & labores quæſiſti, quam ut bene tibi eſſet, & quiete vivere poſſes? Si ergo per nullam aliam viam, quam finis tibi præfixi ſedulam proſecutionem eundem obtinere te poſſe agnoſcis, ara non vel maxime rationi conſonum putas, ut deſerta via, in qua fruſtra hætenus felicitatem, & quietem quæſiveras, eandem per meliorem, & certiorẽ viam quærere ſtatuas.

Confidera III. Quomodo hætenus hunc finem indagare, & perſequi ſtuduæris; an non potius falſam viam ad illum perveniendi ſectatus ſis, & illam Pſalmiſtæ increpationem merueris: *Filii hominum, uſque quo gravi corde? ut quid diligitis vanitatem, et quaritis mendacium?* An non ergo vel nunc errorem tuum fateberis, dicens, ſed, quia adhuc tempus corrigendi eſt ſalubrius, cum inſipientibus illis Sap. 5. *Ergo erravimus a via veritatis, et lumen juſtitia non luxit nobis, laſſati ſumus in via iniquitatis, et perditionis, et ambulavimus vias difficiles, viam autem Domini ignoravimus.* Colloquium ad SS. Patronos.

### Punctum II.

Confidera I. Ad quem proprie finem a DEO creatus ſis; ſcilicet, ut, quemadmodum S. Ignatius in libello Exercitiorum loquitur, *Dominum Deum tuum laudes* ( id eſt, magnificas, & omnibus aliis rebus præferas ) *reverearis* ( id eſt, nihil committas, quod eidem vel minime diſplicere valeat ) *eique ſerviens* ( id eſt voluntatem, & beneplacitum illius ſemper inquirens, & perficiens, *ſalvus ſias*; id eſt, præmium & felicitatem æternam conſequaris.

Confidera II. Quam ſublimis ſit hic finis; tam magnus ſcilicet, ut major excogitari nequeat, cum ipſe DEUS, Teſte D. Thoma, majorem felicitatem, quæ in viſione beatifica conſiſtit, excogitare, aut facere non queat. Quam dignitatem DEUS ipſe Gen. 1.  
indi-

indicavit, dum scilicet hominem ad imaginem, & similitudinem DEI creatum fuisse testatur, ut, quod ipse habet per essentiam, homo, si velit, per participationem accipiat.

Confidera III. An hunc finem, ut par est, cognoveris, æstimaris, & sectatus sis. An non potius de te verificetur illud Davidis Pl. 48. Vaticinium: *Homo, cum in honore esset, non intellexit; comparatus est jumentis insipientibus, & similis factus est illis.* Vide ergo, quomodo vel hodie errorem hunc corrigere velis.

Colloquium ad B. Virginem.

### Punctum III.

Confidera I. Quod DEUS non contentus tanto beneficio, totum insuper mundum quasi pro palatio, omnes creaturas pro famulis, omnes tuas potentias, & vires pro instrumentis assignavit, quibus finem tuum facilius, perfectiusque consequeretur; quod quidem beneficium tam magni a S. Davide æstimatum est, ut Pl. 8. cum admiratione exclamarit. *Quid est homo, quod memor es ejus, aut Filius hominis, quoniam visitas eum? gloria, et honore coronasti eum, et constituisti eum super omnia opera manuum tuarum.*

Confidera II. Quam æquum proin sit, ut rebus his creatis non aliter, quam quatenus ad supradictum finem conducunt, utaris; quid enim sentire de Amico illo, qui famulos a Rege sibi committit ad eundem graviter offendendum incitaret? qui pecunias a Domino concreditas ad suam potius recreationem, & voluptatem, quam Domini sui voluntatem implendam expenderet? qui instrumentis ad arcendos Domini hostes subministratis ad ipsum Dominum oppugnandum uteretur; atqui idem facit, qui rebus creatis alio modo, quam qui ad finem conducit, utitur; hinc recte S. Augustinus inquit; *Minus te Domine, amat, qui præter te aliquid amat, quod propter te non amat.*

Confidera III. Quomodo hætenus his creaturis usus sis, & uti deinceps velis. Alloquere ergo te illis S.

Augu-

Augustini verbis : *Quid vagaris , o anima , per mundum , quarens bona corporis , et anima ; quare unum bonum , in quo est omne bonum , et sufficit . Colloquium ad Christum .*

## MEDITATIO II.

### DE VOCATIONE COELESTI INQUIRENDA.

Præludium I. Est , Christum Apostolos vocantem tibi imaginari , teque cum illis ad se sequendum istis ad Apostolos dictis verbis invitare : *Venite post me , faciam vos Piscatores hominum .*

Præludium II. Est petere gratiam , ut vocationem tuam rite agnoscere , & dispositiones , quæ ad eandem requiruntur , studiose procurare possis .

#### Punctum I.

Considera I. Ad hoc , ut aliquis verus cuiusdam Regis , aut Principis famulus dicatur , non sufficere , ut Aulam illius vel domum ingrediatur , teque eidem ad servitium offerat , sed insuper requiri , ut inquireat , quid ab ipso fieri Rex , aut Dominus , & quo in munere ipsum servire velit ; atque adeo a te quoque , qui fidelis , & prudens Domini DEI tui servus esse desideras , ante omnia inquirendum esse , quo in statu , & munere a te occupari , debitumque sibi obsequium præstari cupiat ; ne , dum ultro se ad officium aliquod obtrudit , aut omnino a servitio repellatur , aut certe debitis ad illud rite præstandum mediis , & auxiliis privetur .

Considera II. Quam clare hujus doctrinæ veritatem Christus suo etiam exemplo probavit ; dum nullum ex Apostolis sequi se permisit , quem non ipse prius vocarit , unde Joan. 15. dixit : *Nen vos me elegistis , sed ego elegi vos ;* ut vel hoc facto ostenderet , quam necessaria sit vocationis Divinæ ( quæ nihil aliud est , quam dispositio providentiæ Divinæ , qua pro suo be-

nepla-

neplacito quosdam feligit, & segregat ad opus ministerii sui, ipsique gratias necessarias ad tale opus largitur ) inquisitio studiosa, & impletio perfecta; ut, quia sine ipso facere nihil possunt, per voluntatis ipsius sollicitam executionem in eodem manere, fructumque copiosum afferre mereantur.

Confidera III. Quam æquum proinde sit, imo necessarium, ut tu ad Sacerdotium te non intrudas, priusquam te legitime ad illud vocatum agnoscas; tum quia, teste S. Paulo ad Hebr. 5. *Nullus sibi sumit honorem (Sacerdotii) sed qui vocatur a Deo tamquam Aaron?* tum quia sic etiam gratiam vocationis ad tale munus, & hoc ipso etiam felicem successum, & præmium laborum tuorum sperare poteris; nam, ut idem Apostolus ad Rom. 8. dixit, *Quos vocavit, illos & justificavit*. Hinc & ipse Christus loco supra citato cum dixisset, *Ego elegi vos*: mox addidit: *et posui vos, ut eatis, et fructus vester maneat*. Colloquium ad SS. Patronos.

## Punctum II.

Confidera I. Quæ dispositiones requirantur ad vocationem talem inquirendam; tres nimirum. I. *Perfecta indifferentia*, seu æqualiter disposita, & parata voluntas ad omnem statum, ad quem DEUS vocaverit, amplectendum; quam dispositionem pulchre indicavit S. Climacus gradu 26. dicens: *In Divina voluntate indaganda necessarium est, ita nos comparatos esse, ut nostra omnis voluntas cesset, ac in neutram partem magis vergat. Nam cum ea ab omni affectu fuerit purgata, et nudata fuerit, apta erit ad DEI institutum percipiendum*. Unde errant, teste S. Ignatio in libello Exercit. qui uxorem ducere primitus, aut Ecclesiasticum beneficium adipisci statuunt, demum postea DEO inservire, utentes præpostere fine ac medio, nec ad DEUM tendentes recta, sed oblique ipsum ad perversa sua vota pertrahere conantes. II. *Sedula Divina revelationis petitio*, id est, ut per orationem humilem, & ferventem ad DEUM confugas, ab eoque suppliciter petas, ut quid, quando, & quatenus te facere velit, demonstrare dignetur; sic

sic enim S. Paulus suo exemplo docuit , dum ex equo dejectus mox clamavit : *Domine , quid me vis facere ? Cooperatio studiosa* , in eo consistens , ut cum DEUS non semper statim voluntatem suam per apertam revelationem , sed , ut obedientiam , & humilitatem nostram probet , per homines , & humana media manifestare velit ; talia media studiose adhibeamus , ut , quantum nos apposuerimus ad studium , tantum ille apponat ad adiutorium .

Confidera II. Quam solida , & efficacia sint hæc media ; cum plane DEUS ex tua parte nihil aliud requirere possit , atque adeo facienti , quod in se est , gratiam vocationis negare non possit , seque certo facturum sit cum servo suo secundum misericordiam , & justificationes suas docturus . Pl. 118.

Confidera III. Quomodo tu hactenus hæc media adhibueris , & adhibere deinceps velis . Colloquium ad Beatam Virginem .

### Punctum III.

Confidera I. Quæ potissimum media ad cooperationem tuam DEUS a te requirat ; duo videlicet . I. Ut turrim Evangelicæ perfectionis , quæ invocationis propriæ studiosa executione consistit , ædificaturus , prius sedeas , & computes , an habeas sumptus ad perficiendum ; id est diligenter indages qualitates , & dotes ad talem statum necessarias , & an easdem tu quoque vel jam actu habeas , vel habere facile possis , solícite inquiras . II. Ut , cum ipse Spiritus Sanctus per Salomonem monuerit , ne innitatur prudentiæ nostræ , & ut sapienter S. Gregorius p. 1. past. c. 9. advertit , *Sape sibi mens ipsa de se mentiatur , et fingat se de bono opere amare , quod non amat ; et de mundi gloria non amare , quod amat ;* aliorum quoque directionem , & consilium requiras , credasque te cum S. Paulo ad Ananiam mitti , ut ab illo tibi ostendatur , quid DEUS facere te velit , sicque tanto certius Divinam illustrationem sperare

rare possis, quanto longius a iudicio, & voluntate propria recessisti.

Confidera II. Quam, & hæc duo media sint idonea ad cooperationem tuam adimplendam, & vocationem intelligendam, cum experientia quotidiana doceat, eos, qui talia media adhibuerunt, felicem ordinarie successum suorum laborum sortitos esse; qui vero eadem neglexerunt, coactos fuisse cum Apostolis Luc. 5. dicere: *Præceptor, per totam noctem laborantes nihil cepimus.*

Confidera III. Quam æquum proinde sit, ut tu quoque illa studiose arripias, atque adeo vel nunc in hoc secessu sedeas, & ad sumptus computandos te accingas. Colloquium ad Christum, & æternum Patrem usurpando illa verba Salomonis cap. 9. *Mitte illam de cælis Sanctis tuis, et a sede magnitudinis tuæ, ut mecum sit, et mecum labores, ut sciam, quid acceptum sit coram te.*

## E X A M E N

*Per reliquum hujus Diei tempus instituendum.*

CUM duo præcipue capita ad Evangelicam perfectionem requirantur, scilicet fuga peccati, & virtutum amor, juxta S. Davidem Ps. 33. dicentem: *Quis est homo, qui vult vitam, diligit dies videre bonos: declina a malo, et fac bonum;* merito hæc duo a Sacerdotibus tanto perfectius sunt observanda, quanto major in illis ob excellentiam status perfectio requiritur. Unde recte hoc, & sequenti die, quomodo te circa hæc duo capita gesseris, & gerere deinceps velis, per accuratum Examen de hac materia institutum indagabis.

Post invocatam itaque Divinam gratiam considera I. Quid ad perfectam animi puritatem, adeoque, & primum hominis officium, quod est *declinare a malo*, requiratur; videlicet I. Ut omnem culpam mortalem cane pejus, & angue oderis, utpote per quam tota unio animæ

animæ cum DEO dissolvetur, & per consequens etiam fructus operationis non modice impeditur. Unde quod olim Blanca Regina Galliarum ad Filium Ludovicum dixisse dicitur, malle se scilicet, cum quocumque mortis genere defunctum, quam unico peccato mortali obnoxium intueri, id ipsum etiam Ecclesia respectu Sacerdotum multo potiori jure dicere creditur. II. Ut etiam omnia peccata venialia deliberate admitti solita, studiosissime devites, cum & hæc, sicut magnam cum morbis corporalibus similitudinem quoad affectus alios habent, ita perinde, ac illi vires animi ad operandum necessarias, non modice debilitent. III. Ut ipsas etiam fragilitates, seu peccata ex fragilitate commissa; item imperfectiones, & alias actiones levitatem vel minimam sapientes, quantum fieri potest, devites; & ubi commissæ fuerint, per dignam poenitentiam deleas, & emendes, memor semper sententiæ a S. Bernardo prolatae: *Nuga in ore secularis, nuga sunt: in ore Sacerdotis blasphemia*. Item alterius a S. Augustino pronunciatae: *In moribus vestris nihil reperiatur; quod cujusquam offendas aspectum, sed quod vestram deceat sanctitatem*. IV. Ut passiones tuas, & inordinatas affectiones; quæ sunt radix omnium peccatorum, fortiter & constanter refrænes, amorem maxime, & concupiscentiam, iram, odium, & tristitiam, quæ præ cæteris periculosa sunt Sacerdotibus, & in grandia sæpe scelera, scandalaque eos præcipitant. V. Ut occasiones quoque externas ad peccatum allicientes, quales præcipue sunt mulierum consortium, familiaritas cum externis; compositandi consuetudo, & similes, studiosè devites, ne, dum amas pericula, pereas in illis.

In his ergo omnibus primo quomodo te habeas, aut habueris hætenus, id est, quibus peccatis, levitatibus, passionibus, aut occasionibus extrinsecis peccandi obnoxius fueris, tarde & accurate te examina; deinde quam grandia mala ex iis orta tibi sint, aut oriri possint, sedulo perpende, & tandem quæ media ad evitanda talia peccata, vel passiones refræmandas adhibere possis, & velis, indaga.



Secundo postea considera, quot titulis tam magna conscientiae puritas a Sacerdote requiratur; nimirum I. *Ob ipsam magnitudinem beneficii vocationis*; quod sicut maximum est propter status, & muneris, ad quod vocatus es, summam dignitatem, & excellentiam, ita maximam quoque vicissitudinem, & amorem requirit, atque adeo vel maxime cavendum suadet, ne talis Benefactor offendatur; alioqui enim jure iterum Christus de Sacerdotibus quereretur, illaque Psalmi 54. verba repeteret; *Si inimicus meus maledixisset mihi, sustinuissem utique; tu vero homo unanimes dux meus, et notus meus, qui simul mecum dulces capiebas cibos. etc.* II. *Ob sacrificii offerendi munus*, quod quidem tantum est, ut merito Thomas Kemp. l. 4. c. 5. dixerit: *Si haberes Angelicam puritatem, et S. Joannis Baptista sanctitatem, non esses dignus hoc Sacrificium offerre.* Unde, cum S. Franciscus deliberasset, & a Deo intelligere petivisset, num Sacerdotii Ordinem suscipere deberet, Angelus illi chrysellinum speculum & purissimum quidem ostendit, simulque dixit, tantam puritatem requiri, ut quis Presbyterii Ordinem digne suscipiat, & administret; quo audito numquam induci Sanctus Franciscus potuit, ut Presbyter fieret. III. *Ob Confessarii, & Concionatoris munus*: quod utrumque magnam in dicendo, & corrigendo libertatem requirit; quomodo autem hæc obtineri poterit, nisi ipse Sacerdos liber sit a vitiis, a quibus alios absolvere, & abstrahere cupit, dicereque cum Christo possit; *quis arguet me de peccato*: certe, S. Gregorio teste p. 5. pastor. cap. 5. *Nullum majus præjudicium tolerat Deus, quam cum eos, quos ad aliorum correctionem posuit, dare de se exempla pravitatis cernit; quando ipsi peccamus, qui aliorum compescere peccata debui- mus; quando pereunti populo mortis Auctores sumus, cui ad vitam esse duces debui- mus.* Imo non Deus dumtaxat, sed ipsa etiam Ecclesia, & Religio nostra Catholica non leve detrimentum patitur, nam, ut idem S. loc. cit. ait: *Si quid in Sacerdote, vel Clerico juste reprehenditur, ejus ultio ipsa Religionis nostra æstimatio*

gravatur. Unde merito S. Paulus de Ministris Ecclesiæ ad Timotheum ep. 1. c. 3. scribens, *Hi autem, inquit, probentur primum, & sic ministrent, nullum crimen habentes.* IV. Ob propriam infamiam, & interitum carendum: cum enim Sacerdos ipso Clerici nomine, & veve profiteatur, se de sorte Domini, id est, totum Dei, & Ecclesiæ servitio consecratum esse, ita ut dicere possit cum Davide Ps. 15. *Dominus pars hereditatis meæ.* An non magnam apud Angelos, & homines infamiam contrahet, si turpissima defectione a Deo recedat, & qui prius cum infelici Juda Christum secutus fuerat, postea cum eodem pecuniis coacervandis, vel ateri cupiditati implendæ deserviat, ac denique eo delabatur, ut ipsum Christum, suamque salutem prodatur? an non de ipso verificabitur, quod Apostolus ad Hebr. 6. dixit: *Terra supervenientem habens imbrem, proferens autem spinas, & tribulos reproba est, & maledicto proxima, cujus consumptio in combustionem.* An non in ipso implebitur, quod alter Apostolorum Princeps 2. Petr. 2. dicit; *Sic enim refugientes coinquinationes mundi, in cognitione Domini nostri, & Salvatoris JESU Christi, bis rursum implicati superantur, facta sunt illis posteriora deteriora prioribus. Melius enim illis erat non cognoscere viam justitiæ, quam post agnitionem retrorsum converti ab eo, quod illis traditum est, sancto Mandato.* Hinc nempe non quarit diabolus, teste S. Hieronymo epist. 22. *homines infedele, & eos, qui foris sunt, & quorum carnes Rex Assyrius in olla succendit, de Ecclesia Christi rapere festinat, esca ejus secundum Abacuc selecta sunt, Job subvertere cupit, & devorato Juda ad cribrandos Apostolos expetit potestatem.*

Tertio demum considera, quæ media adhibere velis ad talem puritatem obtinendam; sequentia videlicet. I. *Orationem humilem;* qua diffidens de viribus propriis, obtinere posse hanc puritatem, frequenter ad Deum recurras, & clames cum S. Davide Ps. 50. *Cor mundum crea in me Deus, & spiritum rectum innova in visceribus meis.* Ita sane Salomon suo exemplo docuit, qui, ut Sap. c. 8. dicitur, sciens, quod non posset esse continens,

nens, adiit Dominum, & deprecatus est. II. *Immaculata Virginis ambrem, & venerationem*: hinc enim non levia duo præsidia accipies ad animi puritatem obtinendam; nam & exemplo illius permotus accenderis & ipse ad immaculatæ viſtæ ſtudium; & præterea per ipſius patiocinium ( quod numquam libentius, quam per conceptionem ſuam immaculatam rogata, & ad talem finem implorata præſtat ) gratiam efficaciter obtinebis ad idem ſtudium fructuoſe ſuſcipiendum, & continuandum: ut etiam de te ſuo modo dici queat: *Totus pulcher es, amice mi, & macula non eſt in te.* III. *Frequentem Agni immaculati oblationem*: Hinc enim eadem duo præſidia non modice augebantur; nam, ut S. Bernardus in ſerm. de coen. Dom. ait, *Duo hoc Sacramentum operatur in nobis; ut, & ſenſum minuat in minimis, & in gravioribus tollat omnino conſenſum*; ſed & ipſa memoria immaculatæ hoſtiæ quotidie, aut ſæpius ſaltem offerendæ non modicum addet ſtimulum ad cavendam omnem maculam, quæ minus acceptam reddere talem oblationem poſſet. IV. *Crebram peccatorum ſuorum Confeſſionem*: ſicut enim, quo vas aliquod crebrius eluitur, & purgatur, tanto purius efficitur; ita quo frequentius anima per Confeſſionem mundatur, tanto a peccatorum ſordibus liberior, mundiorque, ac ſanctior evadit. V. *Examen conſcientiæ quotidianum*: cum enim per hoc macula, ſordelque, ſi quæ ſorte contrahuntur, mox auferantur iterum, hoc ipſo Diabolus laqueos ſuos perinde nectere ceſſabit, ac araneæ rete ſuum expandere non facile ſolent in eo loco, in quo frequenter ſua retia ſcopis deſtructa fuiſſe comperiunt. VI. *Examen particulare ſuper illa vitia, quibus magis adhuc obnoxius es, inſtitutum*; cum enim per hoc examen uni præſertim vitio excindendo tota cura impendatur, merito vires collectæ fortiores cenſentur ad unum poſt alterum cito expugnandum; ſic enim pius Aſceta l. i. c. 11. dicere auſus eſt, cito nos perfectos evaſuros, ſi quovis anno unum dumtaxat vitium extirparemus; quanto magis purificabimur, ſi quovis circiter menſe unum vitium excinderemus. VII. *Caſtigationem voluntariam*

*susceptam*: sicut enim equus, qui post cespitationem admittam mox flagello aut calcari corripitur, cautior efficitur, rariusque labitur; ita etiam quisque facilius a erebriori lapsu sibi cavet, qui advertit, quemcumque mox præsenti poena castigandum esse. VIII. *Radice extirpationem*; ut enim lolia, & zizania non facile amplius succrescunt, si cum ipsa radice extirpantur; ita nec vitia repullulare facile poterunt, si ipsa eorum radix revelatur. Examina ergo, quomodo hæc media adhibueris hactenus, & adhibere deinceps velis, atque ad hoc ipsum gratiam a DEO, & Sanctis per breve colloquium pete.

### Materia Lectionis.

Ex libello Exercitiorum legi potest modus eligendi, regulæque pro eo præscriptæ. Ex Alcetis legi potest Leonardus Lessius, aut Theophilus, Bernardinus de statu vitæ eligendo. Aut libellus passim obviuus, & perutilis ad hunc finem, qui inscribitur *Metodus certi vitæ status deligendi practica*. Aut Ludovicus de Ponte in to. 2. de perfectione. Aut *Sacerdos Christianus, seu ad vitam Sacerdotalem pie instituendam manu ductio* a M. Ludovico Abellio Sacerdote Parisiensi conscripta.

### D I E S S E C U N D A.

**C**Um ad Electionem status tria plerumque bene considerata sint; videlicet I. Quæ dotes, ac qualitates ad eum requirantur. II. Quæ commoda, & fructus in eo obtineri possint. III. Quæ incommoda, & pericula in eodem statu occurrere queant; merito de his tribus hodierna, & crastina die meditationes consuetæ instituuntur. Ipsum tamen examen circa alterum Christianæ perfectionis officium, nempe virtutes instituetur, dum virtutes ad Sacerdotem necessarias clare intelliges, tanto facilius an sumptus ad Sacerdotium assumendum necessarios habeas, cognoscas. Ex quo facile patet, scopum hujus diei esse, dotes ad Sacerdotem necessarias, & in specie virtutes agnoscere, & ad easdem acquirendas ardens desiderium, firmumque propositum concipere.

Tcf-

Tessera.

Doce me, Domine, facere voluntatem tuam, quia  
DEUS meus es tu. Ps. 142.

M E D I T A T I O I.

DE DOTIBUS AD SACERDOTE  
NECESSARIIS.

Præludium I. Est, Apostolos in cœnaculo Jerosoly-  
mitano sedentes, & virtute ex alto per Spiritum San-  
ctum instructos intueri.

Præludium II. Est, gratiam petere a Deo, qua tres do-  
tes ad Sacerdotem requisitas, videlicet magnam scien-  
tiam, maiorem prudentiam, maximam sanctitatem rite  
cognoscere, & studiose sectari possis.

Punctum I.

Confidera I. Tres præcipue dotes ad Sacerdotem re-  
quiri; nempe *magnam scientiam, maiorem prudentiam, maximam sanctitatem*. Et in primis quidem *magnam*,  
id est, ad munia sua obeunda sufficientem, *scientiam*,  
in eo requiri, vel ex ipsa functionum ab eo perficien-  
darum natura patet; cum enim modo conciones ab eo  
habendæ, modo Fidei articuli rudibus explicandi, adul-  
tiores in iis roborandi, vel contra hæreticos propugnand-  
di: modo vitia extirpanda, & virtutes inferendæ sint;  
hæc omnia autem non vulgarem scientiam desiderent,  
merito ea a Sacerdotibus requiritur, ne audire alioqui  
a Deo illud Osee. c. 4. debeant: *Tu scientiam repulisti,*  
& ego repellam te, ne Sacerdotio fungaris mihi.

Confidera II. Qualis scientia requiratur in Sacerdote;  
triplex videlicet. I. *Theologica*, eaque triplex, *Moralis*,  
qua quidquid ad conscientiam, moresque dirigendos re-  
quiritur, noscat: *Polemica*, qua & potiores Hæreses,

LI 3 & mo-

& modum easdem impugnandi, aut se contra illas defendendi, intelligat; *Ascetica*, qua vitiorum, & virtutum naturam, mediaque ad illorum vel extirpationem, vel acquisitionem noverit. II. *Canonica*, qua, quid in Jure Canonico circa officii sui functiones, & objecta doceatur, cognoscat. III. *Ceremonialis*, qua & Rubricas pro officio Divino, & Missæ Sacrificio præscriptas, & ritus in administratione Sacramentorum, aliisque functionibus Parochialibus observandos sciat.

Considera III. An hæcenus hanc triplicem scientiam comparare studueris, aut certe deinceps procurare velis, triplex eum in finem medium anhibens; videlicet frequentem recursum ad Deum, ad studium privatum, ad Doctores tam mortuos (id est, libros) quam vivos. Colloquium ad SS. Patronos.

## Punctum II.

Considera I. Pro altera dote Sacerdotis merito *majorem prudentiam* requiri; cum enim ipse aliorum dux constitutus sit, eosque per viam multis periculis, & erroribus obnoxiam ducere debeat, bene oculatus sit oportet, viæque, per quam ducendi sunt, apprime gnarus; alioquin si cæcus cæcum ducat, ambo in foveam cadunt; hinc & ipse Christus Apostolos curam animarum auspicaturos Matth. 10. monuit: *Estote prudentes, sicut serpentes*; id est, semper attendentes, ut caput seu finis actionum vestrarum integer, illæsusque permaneat.

Considera II. Qualis sit hæc prudentia, quæ tanto pere Sacerdoti necessaria dicitur; quod nempe sit virtus, qua media ad finem propositum convenientia sagaciter investigantur, apposite seliguntur, & fortiter ac constanter adhibentur; unde tria plerumque hujus prudentiæ officia assignantur, videlicet bene consultare, bene judicare seu eligere, bene imperare seu exequi.

Considera III. An tu hæcenus huic virtuti studueris, & quomodo saltem deinceps majorem in ea acquirenda, vel augenda diligentiam adhibere, eumque in  
finem

finem triplex medium usurpare velis ; scilicet , ut eam juxta consilium S. Jacobi c. 1. postules a Deo , qui dat eam omnibus affluenter . Deinde cum prudentibus juxta monitum Salomonis Prov. 13. gradiaris : & tandem dictamina quædam prudentum colligas , eaque sedulo in memoria retinens , secundum illa te , aliosque dirigas . Colloquium ad B. Virginem .

### Punctum III.

Considera I. Tertiam dotem Sacerdotis merito *Sanctitatem maximam* appellari ; eo quod hæc functionibus sacerdotalibus *auctoritatem* ( nam Magisterii auctoritas constat ex vita ) *efficaciam* ( *qui enim manet in me, & ego in eo, hic fert fructum multum*, ait Christus Joan. 15. ) & *securitatem* conferat, defendens contra vanam gloriam, & inconstantiam, quæ actionibus ipsius plurimum insidiantur.

Considera II. In quo consistat hæc sanctitas ; scilicet ut & a vitiis, & affectionibus inordinatis liber sis, & virtutum, quæ statum, & vocationem tuam præcipue decent, studiose excellens.

Considera III. An talem in te sanctitatem deprehendas, & quomodo deinceps saltem eam sectari velis, duplex potissimum medium adhibendo, *Orationem* scilicet ( nam recte novit vivere, qui recte novit orare, S. Augustino teste ) et *mortificationem assiduam* ; tantum enim proficies, quantum tibi vim intuleris, ut sæpius ex Thoma Kempensi dictum est ; cum imminutio cupiditatis sit augmentum charitatis, juxta S. Augustinum. Colloquium ad Christum.

## MEDITATIO II

### DE FRUCTIBUS ET COMMODIS STATUS SACERDOTALIS.

Præludium 1. Est, imaginari tibi Sacerdotes nunc in templis Divina officia, et ministeria peragentes ; nunc

domi sibi ; suæque saluti vacantes ; nunc in domibus alienis ægrorum , ac moribundorum visitationi , ac consolationi invigilantes.

- Præludium II. Est , petere a DEO gratiam , ut comoda & fructus , quos status Sacerdotalis affert , rite cognoscere ; eorumque ardens desiderium , & studium concipere possis.

### Punctum I.

- Considera I. Qui fructus ex Sacerdotali statu in cœlestem curiam redundant. Quam præclaram in primis occasionem habeat Sacerdos , gloriæ Divinæ augmentum procurandi ; cum enim gloria Dei in hoc consistat , ut ab hominibus magis , & magis semper cognoscatur , laudetur , & ametur , quis meliorem habet occasionem , hanc cognitionem , & amorem mentibus hominum ingenerandi , quam Sacerdos , cujus pleræque functiones , puta Conciones , Catechizationes , administrationes Sacramentorum , Missæ celebrationes , conversationes privatæ &c. ad hunc finem ordinantur ? Ob quam eandem causam etiam cultum B. Virginis , & reliquorum Sanctorum promovendi optimam habet occasionem , maxime si eorum Festa reverenter , ac devote celebrari , eorum imagines , & reliquias pie , ac solícite proponi , asservari , ac honorari faciat : eorum Congregationes fructuose administret , & in pietate augeri curet : illorum gesta , & laudes populo pro Concione proponat , & ad eorum cultum potenter alliciat.

- Considera II. Quam pretiosus sit hic fructus ; dignusque propter quem Sacerdotii status ( si Deus ad hunc vacare dignabitur ) avidissime eligatur , & suscipiatur ; si enim , ut unanimiter Ascetæ docent , gloriæ Dei plurius est facienda , quam si infinitos mundos converteres , & lucrareris ; an non merito felicissimus tibi status ille videbitur , qui tam præclarum fructum , gloriæ scilicet Divinæ copiosum augmentum affert ?

- Considera III. Quam æquum proin sit , ut vel ob hunc solum fructum non modo statum Sacerdotalem vehem-



vehementer desideres, sed etiam, ubi eum susceperis, illud Apostoli. 1. Cor. 10. monitum in mente semper habeas: *Sive manducatis, sive bibitis, sive aliud quid facitis, omnia in gloriam Dei facite.* Colloquium ad SS. Patronos.

## Punctum II.

Confidera I. Quam copiosus etiam fructus in militantem Ecclesiam, id est, homines in terris viventes ex Sacerdotali statu oriatur; nam in primis ipsa Ecclesia Catholica per Sacerdotes potissimum protegitur, conservatur, & dilatatur, ita ut ipsis jure merito applicetur illud Cant. 3. *Lectulum Salomonis sexaginta fortes ambiunt ex fortissimis Israel, omnes tementes gladios, & ad bella doctissimi.* Nec minorem fructum ipsa Respublica Christiana a Sacerdotibus refert; tum quia suis orationibus eandem conservant, & protegunt, tum quia veræ religionis, & cultus Divini, a quo salus Reipublicæ potissimum pendet, incrementum, & conservationem procurant. Quantus denique in ipsos Parochianos Sacerdotis curæ commissos, eosque tam defunctos, quam viventes oriatur, ex eo facile patet, quod totum ipsius Pastorale munus eo præcipue tendat, ut ovium suarum salutem, & incolumitatem procuret, easque secum olim in cœleste ovile ducere queat.

Confidera II. Quam hi quoque pretiosi sint fructus, utpote non in paucas dumtaxat Personas, sed in totas Respublicas, earumque non temporalem tantum, sed æternam quoque felicitatem promovendam tendentes.

Confidera III. Quam libenti, gratoque animo accipere debeas Sacerdotium, si te ad illud vocatum adverteris. Iterum ergo exclama cum S. Davide Ps. 107. *Paratum cor meum, Deus, paratum cor meum.* Colloquium ad B. Virginem.

## Punctum III.

Confidera I. Quam copiosos ipsi Sacerdoti fructus afferat Sacerdotii status ; videlicet ut & in hac vita necessariam sustentationem facilius obtineat ; ( si enim regnum Dei quærentibus Christus omnia ad victum , & vestitum necessaria liberaliter subministratum iri promissit , quanto magis Sacerdotibus tam studiose procurantibus , ut Deus non tantum in ipsis , sed etiam in aliis regnet , nihil deesse patietur ( & in altera vita beatitudinem æternam *certius* , *citius* , & *copiosius* , consequatur ; cum hoc ipso , quod alios tam sollicitè ab æternis inferni , & temporalibus Purgatorii pœnis liberare , & ad æternam felicitatem cito perducere studuerit , Deus mensura pari remensurus tantam charitatem , atque adeo beatitudinem citius , & copiosius sit largiturus ; maxime cum ipsæ animæ per Sacerdotem salvatæ , aut liberatæ Deum pro ipso assidue rogaturæ sint , ut gloriæ , quam ipsis Sacerdos obtinuit , ipsum quoque participem facere dignetur .

Confidera II. Quam & hic fructus optandus sit , dignusque , ob quem Sacerdotii status cum maxima alacritate suscipiatur ; cum enim in talis beatitudinis fruitione finis hominis ultimus consistat , Sacerdotium autem , ut ostensum est , optimam occasionem offerat , talem beatitudinem certius , citius , & copiosius obtinendi ; facile apparet , pro maximo favore , & beneficio habendum esse , si Deus te per hanc certio rem , securiorem , & brevior em viam ad memoratam beatitudinem perducere velit .

Confidera III. Quomodo tantum beneficium excipere , & qua ratione te ad illud disponere velis . Colloquium ad Christum .

E X A M E N

*Per reliquum hunc Diem instituendum.*

**H**OC Examen recte de virtutibus ad Sacerdotem præcipue requisitis instituetur ; ad quem finem quatuor , & potissimum bene nosse , & apprehendere debes ; nimirum I. Quid in genere requiratur ad veram , solidamque virtutem . II. Quæ virtutes in specie ad Sacerdotem requirantur . III. Quantopere ejusmodi virtutes necessariae sint . IV. Quibus mediis easdem acquirere possis , & debeas ; quæ omnia tempore illo , quod inter duas meditationes intermedium habes , suaviter considerare oportebit .

Primum igitur quod attinet , virtus vera , & solida nihil aliud est , quam habitus supernaturalis , quo ad actiones rationi conformes , Deoque beneplacentes eliciendas inclinamur . Ex qua descriptione facile colliges , tres ad solidam , veramque virtutem proprietates seu conditiones requiri . I. Ut veram honestatem seu conformitatem cum ratione contineat , eaque reipsa per voluntatem appetatur ; alioqui enim hoc ipso , quod libere non eliciatur actio , virtuosa formaliter non erit . II. Ut discretionē exerceatur , id est , ut neque per excessum , neque per defectum aliquid rationi contrarium in virtute tali elicienda committatur , sed medium rationis , velut cynosura , fixum semper teneatur : nam , ut recte S. Bernardus serm. 19. in Cant. ait , Deus vult se amari , non tantum dulciter , sed etiam sapienter ; hinc S. 49. in Cant. de discretionē loquens , Tolle hanc , inquit , & virtus non virtus , sed vitium erit . III. Ut constanter etiam inter adversa eliciatur ; hoc enim discrimen est inter veram , & fucatam virtutem , quod inter faciem naturali pulchritudine præditam , & fucatam seu adscriptitiis coloribus exornatam ; ut enim hæc , si calidam aquam superfundas , mox evanescet , fraudemque detegit , illa vero augebitur potius , quam minuetur per similem infusionem ; ita simili modo sc res habet cum vera , & fucata

vir-

virtute, unde merito Petrus Gerlacus dixit, tunc possideri solidam virtutem, si stantem te quasi quadratum lapidem omnis casus, & eventus inveniat.

Secundum caput, quod sciendum est; requirens, ut sciatur, quæ virtutes in specie ad Sacerdotem requirantur, per ipsam enarrationem præcipuarum virtutum resolvendum est.

Prima igitur virtus Sacerdoti perquam necessaria Fides est, quæ, ut S. Chrysostomus S. de fide, spe &c. loquitur, *Est origo iustitiæ; sanctitatis caput, devotionis principium, Religionis fundamentum, sine qua nullus umquam Deum promeruit, nullus fastigium perfectionis ascendit; sine qua, teste Apostolo, impossibile est placere Deo; hæc requirit, ut non modo ipse Sacerdos firmissime omnibus Fidei articulis assentiatur, sed ad idem faciendum alios etiam instruat, & hortetur; e contrario vero Hæreticis eam oppugnantibus fortiter se opponat.*

Altera virtus Theologica, videlicet Spes, quæ juxta S. Chrysostomum loc. ante cit. *est futura pollicitationis religiosus assensus, promissæ gloriæ devota intentio, Sanctorum destinata sublimitas, bonorum expectatio futurorum*, duo præcipue requirit officia a Sacerdote; scilicet. I. Ut, quemadmodum S. Paulus 2. Cor. 1. Non sit fidens in semetipso, sed in Deo; neque enim sufficientes sumus cogitare aliquid ex nobis, sed sufficientia nostra ex Deo est; unde in omnibus suis functionibus cum magna fiducia ad ipsum recurrere, firmissimeque sibi persuadere debet, quod, sicut ipsum ad Sacerdotium vocare dignatus est, ita gratiam quoque vocationis necessariam abunde sit largiturus. Unde suo modo Sacerdos cum S. Bernardo l. 3. de octo p. dicere debet. *Tria considero, in quibus tota spes mea consistit, charitatem adoptionis (& vocationis) veritatem promissionis, potestatem redditionis.* II. Ut pariter certo sibi persuadeat, præmium meritis proportionatum certo responsurum; hoc epim illa Christi Matth. 25. verba indicant: *Euge serve bone, & fidelis; quia super parva fuisti fidelis, supra multa te constituam; intra in gaudium Domini tui.* Unde merito hortatur

Apo-

Apostolus ad Hebr. c. 10. *Nolite amittere confidentiam, quæ magnam habet remunerationem.*

Tertia virtus Theologica *Charitas* est, quæ juxta Sanctum Prosperum lib. 3. de vit. contempl. c. 13. dicitur, *Recta voluntas ab omnibus terrenis, & presentibus prorsus aversa, juncta Deo inseparabiliter, & unita, ac igne quodam Sancti Spiritus; a quo est, & ad quem refertur, incensa;* vel, ut S. Basilus in Reg. brev. q. 211. definit, *Est assidua, & ultra vires, animi ad exequendam Dei voluntatem contentio, cum proposito, ac desiderio gloria ipsius.* Unde tria requirit hæc virtus a Sacerdote. Primum est, ut nihil aliud in suis actionibus quærat, quam gloriam, & beneplacitum Dei; nam, ut recte S. Augustinus l. de moribus Eccles. c. 8. dixit, *Eo est omnino tenendum, ad id omnia nostra consilia referenda; bonorum summa nobis Deus est, Deus est nobis summum bonum; neque infra remanendum est nobis, neque ultra quarendum: alterum enim periculosum, alterum nullum.* Secundum est, ut omne, quod Deo displicet, studiose devitet; nec ab alicujus rei creatæ amore, aut odio ad tale quid agendum perducere sinat, ut cum veritate illud S. Pauli ad Rom. 8. usurpare possit: *Quis nos separabit a Charitate Christi?* Tertium est, ut, quod Deo magis placet, solerter indaget, & fortiter exequatur, gaudeatque, si quam plurima dura, & adversa pro amore ipsius sustinere possit; nam, ut S. Chrysostomus homil. 3. in epist. ad Philem. recte dixit, *Ea est amantium lex, ut se tum demum felices putent, cum adversa pro bis, quos diligunt, sustinent;* unde licet ii, qui vera charitate DEUM diligunt, suavitatem Divini amoris non negligant, illius tamen suavitati ærumnarum tolerantiam anteponunt.

Quarta virtus dilectio proximi est, in eo consistens, ut proximum sicut se ipsum propter Deum diligat Sacerdos, atque adeo omnia mala, quæ ipse nollet pati, a Proximo quoque efficaciter avertere conetur; bona vero, quæ sibi optaret, liberaliter illi communicare, vel procurare studeat. Unde sequentes actus ad hanc charitatem requiruntur. Primus est, ut propter Deum diligat proximum; *Si enim quis quemlibet amat,*  
sed

*sed propter Deum non amat, charitatem non habet, sed habere se putat, teste S. Gregorio homil. 8. in Evang. Secundus est, ut omni conatu ipsum ad æternam beatitudinem perducere conetur; nam, ut sapienter advertit S. Augustinus l. c. Non diligis eum tamquam teipsum, si non ad id bonum, ad quod ipse tendis, adducere satagis. Tertium est, ut juxta S. Tobie Senioris consilium, quo modo potuerit, tam erga Defunctos, quam erga Viventes sit misericors; & si multum sibi fuerit, abundanter tribuat; si exiguum sibi fuerit, etiam exiguum libenter impertiri studeat; memor, quod DEUS compenset voluntatem, ubi non invenit facultatem. Ut autem hæc tria tanto alacrius exequatur, sequentes duas sententias bene ponderare debet, quarum primam pronunciavit Petrus Bleffensis sic Sacerdotem alloquens: Sine charitate nihil es, sine charitate Sacerdos dici potes, esse non potes. In hoc enim juxta Christi effatum, cognoscent omnes, quod Discipuli Christi sint Sacerdotes, si dilectionem habuerint ad invicem. Secunda S. Bernardi est in declam. super ecce nos sic loquentis: Patrimonia Pauperum sunt facultates Ecclesiarum, & sacrilega eis crudelitate surripitur; quidquid sibi Ministri, & Dispensatores, non utique Domini, & Possessores ultra victum accipiunt, aut vestitum.*

Quinta virtus castitas est, quam quidem Angelicam oportet esse in Sacerdote, qui Angelus Dei vocatur, & Angelorum in dirigendo homine participat officium; unde sicut de Angelis ne suspicio quidem ullius peccati contra hanc virtutem admitti habetur, ita nec de Sacerdote haberi debet. Ut autem hanc virtutem obtineat, sequentia tria media sedulo observare debet. Et primo quidem, cum nemo, teste Salomone sap. 8. possit esse continens, nisi DEUS det, ac, ut monet Cassianus l. 6. Instit. impossibile sit hominem suis, ut ita dicam, penis ad præcelsæ hujus virtutis præmium evolare, nisi eum gratia Divina de terræ cæno evexerit; adeat Dominum, & ex totis præcordiis pro hac virtute deprecetur. Secundo ut, quemadmodum S. Cyprianus S. de jejun. & tentat. monet, Primis diaboli temptationibus obviet,

obviet, nec colubrum foveat, donec in serpentem formetur; maxime cum ejusmodi occultæ cogitationes nonnumquam animum gravius saucient, & periculosiores sint iis, quæ in manifesto admittuntur, ut Concilium Tridentinum sess. 14. c. 5. advertit. Tertio ut, quoniam S. Carolus Borromæus in epist. quadam sapienter monuit, hanc virtutem numquam acquirere quem posse, nisi se carnis maceratione afflictaverit, sensus omnes compresserit, otium ut pestem fugerit, & omnem animi ac mentis suæ vim in hujus virtutis pulchritudinem intenderit; hæc omnia sedulo observet, sicque cum S. Paulo 1. Tim. 5. dicere queat: *Castigo corpus meum, & in servitutem redigo, ne forte cum aliis predicavero, ipse reprobus efficiar.*

Sexta virtus *Modestia* seu morum gravitas est; cum enim ipsi perinde ac Apostolis dictum sit: *Vos estis lux mundi*; merito honestæ vitæ exemplo aliis prælucere debet, & ut Concilium Trident. sess. 22. cap. 1. de reform. loquitur, sic vitam, moresque suos omnes componere, ut habitu, gestu, incessu, aliisque omnibus rebus nihil nisi grave, moderatum, ac Religione plenum præferant; ob oculos semper habens Apostolicum istud monitum: *Gaudete in Domino semper, iterum dico gaudete: modestia vestra nota sit omnibus hominibus*; cum vere Sacerdos Christum præcipue sequi, & imitari debeat; ubi autem Christus est, ibi modestia quoque sit, teste S. Gregorio Nazianz. ep. 193.

Septima virtus *Manfuetudo* est, cujus officium est, iracundiæ, & asperitatis inordinatos motus reprimere, & ut clarius S. Cyprianus f. de Cœn. Dom. explicat, *Incredulos suadendo ad finem flectere, obsequio ingratos fovere, contradicentibus leniter respondere, superbos clementer sustinere, humiliter persequentibus cedere*; ac proinde tanto majori studio exercenda est, quanto aptior est ad animos hominum lucrandos, sic certe Moyses, teste S. Ambrosio 1. 2. offic. c. 7. totius plebis sibi mentes devinxerat, ut plus eum pro mansuetudine diligerent, quam pro factis admirarentur. Hinc & ipse Christus Matth. 11. Apostolis hanc virtutem præcipue com-

commendavit dicens: *Discite a me, quia mitis sum, et humilis corde, & invenietis requiem animabus vestris*; non propriæ dumtaxat, sed etiam aliorum curæ vestræ commissorum; ut merito S. Franciscus Salesius part. 3. Philoth. cap. 8. mansuetudinem hanc *florem* charitatis dixerit, & tunc demum perfectam esse Charitatem asseruerit, cum non tantum patiens, sed etiam mitis, & benigna est, unde quod S. Paulus ad Gal. 6. de correptione dixit: *Fratres, etsi praecipuus fuerit homo in aliquo delicto, vos, qui spirituales estis, huiusmodi instruete in spiritu lenitatis*: de omnibus aliis actionibus cum Proximo suscipiendis observare debet.

Octava virtus *Patientia* tanto magis necessaria est Sacerdoti, quanto magis furorem Dæmonum, & malorum hominum in se concitabit, si vocationi suæ satisfacere voluerit; nam, ut Apostolus 2. ad Timoth. c. 3. monet, *Omnes, qui pie volunt vivere in Christo Jesu, persecutionem patientur*. Unde, & ipse Christus Apostolos Joan. 15. monuit: *Non est servus major Domino suo; si me persecuti sunt, & vos persequentur*; additque fructum Luc. 21. dicens: *In patientia vestra possidebitis animas vestras*; quantoque perfectior erit patientia, tanto perfectior quoque possessio animarum erit. Quare merito seipsum Sacerdotes illis Apostoli 2. Cor. 6. verbis hortari ad hanc virtutem debent, & dicere: *In omnibus exhibeamus nos metipsos sicut Dei ministros, in multa patientia, in tribulationibus, in necessitatibus, in angustiis, in plagis &c.*

Nona virtus *Humilitas* est, qua Sacerdos sibi verissima sui cognitione vilescit, & cum Christo contemni, hominumque fieri opprobrium gestit; atque adeo tanto magis iterum necessaria est Sacerdoti, quanto majus ædificare desiderat; cum, ut recte S. Augustinus S. 10. de verb. Dom. dicit, *Qui cogitat magnam fabricam exstruere celsitudinis, de fundamento prius cogitare debeat humilitatis*. Unde hanc quoque præcipue cum mansuetudine a se discendam Christus monuit: *Discite, quia mitis sum, & humilis corde*. Matth. 11.

Decima virtus *Paupertas Spiritus* est, qua videlicet mun-



mundo hoc utatur, tamquam non utatur; & habens victum, & amictum, & habitationem congruam his contentus sit, nec divitias in animo; nec animum in divitiis habens, ut S. Franciscus Sales. p. 3. Philoth. c. 4. loquitur; cum enim Sacerdos in sortem Domini assumptus sit, atque adeo cum S. Davide Psal. 15. dicere debeat: *Dominus pars hereditatis meæ*; merito opibus terrenis inhiare non debet (*quid enim ultra quærat, cui omnia sunt Conditor sit*, ait recte S. Hieronymus lib. 2. de vit. act. c. 16.) sed illas divitias ambire; quæ nos ornare pariter possint, & munire; quas nec acquirere inviti, nec perdere valeamus; quas contra hostiles impetus armant, a mundo determinant, Deo commendant, animas nostras ditant, atque nobilitant, nobiscum sunt, intra nos sunt, & nobiscum auferre possumus. Quare monitum saluberrimum S. Bernardi in epist. 103. ob oculos semper habeat sic loquentis: *Quare, o homo Dei, hac fuge, si sapi; si habes cor, desine ea sequi, quæ & assequi miserum est: beatus utique qui post illa non abiit, quæ possessa onerant, amata inquinant, amissa cruciant.*

Undecima virtus *Obedientia* tanto magis Sacerdoti necessaria est, quanto præstantius corpus est Ecclesiastica Hierarchia; atque adeo ad illius regimen necessarium est, ut inferiora membra capiti subjecta sint. Hinc merito Apostolus ad Hebr. 13. dicit: *Obedite Præpositis vestris, & subjacete eis, ipsi enim (velut caput) pervigilant quasi rationem pro animabus vestris reddituri, ut cum gaudio hoc faciant, & non gementes*; gemitus siquidem iste, quavis ultione durior est, inquit S. Chrysostomus in cit. locum.

Duodecima virtus *Devotio* est, quæ nihil aliud est, quam prompta voluntas ad omnia obsequia Divinæ Majestati exhibenda; tantoque magis Sacerdoti necessaria est, quanto magis ipsi convenit, ut sedulum se in Divinis muneribus ministrum exhibeat, *ut qui ex hominibus assumptus pro hominibus constituitur in iis, quæ ad Deum sunt*, ut Apostolus ad Hebr. c. 5. loquitur. Unde merito Sacerdos operam dare debet, ut in omnibus

functionibus ad Deum pertinentibus , & specialiter in SS. Missæ Sacrificio , & horis Canonicis peragendis , juxta monitum S. Bernardi S. 1. in Cant. jungat sensum verbis , affectum sensui , exultationem affectui , gravitatem exultationi.

Tertium caput de virtutibus sciendum , est digna æstimatione illarum , quæ quidem non melius concipi poterit , quam si certissimo tibi persuadeas virtutem esse potissimum instrumentum Sacerdotis , ex quo efficaciam omnem , sive ad beneplacitum Dei , gloriamque promovendam ; & ad salutem proximi copiose , & secure procurandam ; sive ad salutem propriam certius assecurandam , & abundantius obtinendam promovere oportet ; ut merito S. Paulus ad Timotheum 1. cap. 4. scribens , dixerit : *Exerce teipsum ad pietatem seu virtutem ; nam exercitatio corporalis ad modicum utilis est , pietas autem ad omnia utilis est , promissionem habens vite , quæ nunc est , & futura ;* atque adeo jure de hac virtute Sacerdos sibi factam Siracidis Eccl. 6. adhortationem credat : *Quasi is , qui arat , & qui seminat , accede ad illam , & sustine ( id est , expecta ) bonos fructus illius ; in opere enim ipsius exiguum laborabis , & cito edes de generationibus illius ;* ita ut dicere cum eo possis : *Videte oculis vestris , quia modicum laboravi , & inveni mihi magnam requiem .* Ecclesiast. cap. 51.

Quarum denique caput , scilicet media ad virtutem acquirendam , præcipue conducentia , quod attinet , multa quidem ab Ascetis præscribuntur , sed quæ ad tria maxime reduci queant ; videlicet I. *Ad ardens desiderium ;* nam de virtute idem quod de sapientia , dici potest , quod scilicet *facile videatur ab his , qui diligunt eam ; & inveniatur ab his , qui querunt illam ; præoccupet , qui se concupiscunt , ut illis se prior ostendat .* II. *Ad Divinum adjutorium ;* Quod proinde assiduo cum magna fiducia implorandum est : & III. *Ad constans exercitium ,* unde Apostolus Timotheo dixit : *Exerce te ad pietatem ;* id est , naturam illius bene cognoscere stude , occasiones illius exercendæ solícite indaga , & eandem

easdem auide arripe; hæc enim tria ad perfectum exercitium requiruntur.

## DIES TERTIA.

**S**Copus hujus diei est, ut, cum pleraque ad statum Sacerdotalem pertinentia jam consideraveris, vel certe in prima hujus diei meditatione adhuc consideraturus sis; dispicias tandem, an sumptus habeas sufficientes ad perficiendum, atque adeo electionem status tandem concludas, & prout ultima meditatio docebit, fortiter exequaris, quæ decrevistî.

### Tessera.

Domine, ostende, quem elegeris (statum videlicet) Act. cap. I.

## MEDITATIO I.

### DE INCOMMODIS ET PERICULIS STATUS SACERDOTALIS.

Præludium I. Est, imaginari Sacerdotem in bivio, arctæ scilicet, & latæ viæ constitutum, & ad illam quidem a Christo, ad hanc vero a Dæmone invitatum.

Præludium II. Est, petere gratiam, ut non tantum incommoda, & pericula status Sacerdotalis bene cognoscere, sed etiam adjumenta, quæ ad illa seu lenienda, seu devitanda a Deo, & ipso statu offeruntur, recte intelligere queas.

### Punctum I.

Confidera I. Quam gravium laborum, molestiarum, & fastidiorum occasionem pene assiduam offerat Sacerdotalis status. Et I. quidem per ipsas functiones curæ

animarum proprias, puta Conciones habendas, Confessiones excipiendas, administrationem Sacramentorum diu, noctuque, in quacumque tempestate, per longa sæpe, & fastidiosa itinera pedibus conficienda suscipiendam, & non raro cum periculo gravis morbi contrahendi, aut ipsius viræ amittendæ conjunctam. II. Per curas œconomicas, quæ tanto vehementius distrahant, & lancinant animum, quanto pauciores sunt redditus ad sustentationem necessarij, quantoque pluribus periculis amissionis, sive per tempestatem, sive per fures, sive per infidos domesticos incurrendæ sunt subiecti. III. Per cognatorum vexationem, qui veluti sanguisugæ opem assiduo flagitant, opibus inhiant, non satiati murmurant, & exigua grati animi signa ostendunt. IV. Per mores, & crassam Indolem tum Parochianorum, tum Domesticorum, maxime si vitiis etiam gravioribus sint subiecti, nec emendari queant.

Considera II. Quanta e contrario pro his fastidiis, & molestiis, aut omnino tollendis, aut alleviandis certe adjumenta idem Sacerdotalis status offerat; nam in primis ipsa gratia vocationis facit, ut omnia possimus in eo, qui confortat. Deinde Zelus gloriæ Divinæ, & amor ovium sibi commissarum omnia levia facit; si enim Jacobo Patriarchæ omnes anni in gravissimis laboribus, & molestiis exacti breves sunt visi, quia per eodem Rachelem a se tantopere dilectam lucraturum se sperabat, quanto magis Sacerdoti omnes labores, quos pro gloria Dei, pro animarum, quæ infinities pulchriores sunt Rachele, lucro, imo & pro ipsa Deitate olim fruenda, suscepturus est, breve, & leves, imo & delectabiles occurrent. Accedit ipsa Christi promissio, qua regnum Dei quærentibus (uti præcipue faciunt Sacerdotes) omnia necessaria adjectum iri promisit; & vero si Domini terrestres Pastoribus ovium materialium tam solícite necessariam sustentationem subministrant, an Christum Sacerdotibus, quibus oves pretioso suo sanguine redemptas custodiendas commisit, deesse aliquid passurum credemus? an non Apostoli eidem Christo Luc. 22. cap. quærenti: *Quando vobis-*

cum eram, numquid aliquid defuit vobis? Nihil, responderunt? Ut vero nec propinquorum sollicitatio, aut amor inordinatus, nec subditorum corrupti, & asperi mores perturbent, ipse amor Dei, & illustratio cœlestis efficiet, ut qui & aptum propinquos amandi, & juvandi Ordinem, limitemque præscribet; & mores subditorum asperos perinde supportare faciet, ac matres filiorum suorum defectus per amorem tegunt, ac dissimulant, ita ut jure merito fateri queat in se impletum esse, quod Sponsa Cant. cap, 2. expertam se fuisse confitetur: *Introduxit me Rex in cellam vinariam, & ordinavit in me charitatem.*

Considera III. Quam præclara sint hæc adjumenta, & quam merito in eorum præsentia omnia supra enarrata incommoda evanescere, & contemni debeant. Colloquium ad SS. Patronos.

## Punctum II.

Considera I. Quæ pericula animæ in statu Sacerdotali reperiuntur; eadem nempe, quæ Navarchis (quales utique etiam sunt Sacerdotes, animarum, quas per periculosum hujus mundi mare ad æternæ felicitatis portum perducere debent, curam gerentes) per mare navigantibus occurrere solent. I. Nempe *Syrenes* suaviter canentes, &, ut navim submergere possint, obdormiscere, per quas mulierum inordinatus amor, & consortium recte intelligitur, quæ pro dolor! jam multos Sacerdotes in barathrum æternæ damnationis præcipitarunt. II. *Scopuli*, per quos negotia, & curæ, conversationesque recte intelliguntur; in quos, uti quotidiana iterum experientia testatur, non pauci impeerunt Sacerdotes, naufragiumque animæ sunt passi. III. *Piratae*, per quos dæmones Sacerdotibus, ut quos copiosa meritum propriorum, & animarum lucra facere norunt, præcipue per varia tentationum, & persecutionum genera insidantes intelliguntur.

Considera II. Qualia vicissim ad hæc pericula devi-

tanda a statu Sacerdotali adjumenta offerantur . Nam in primis ad Syrenes evitandas ipsa primum *voti castitatis obligatio* , deinde vero *quotidiana pro Corporis Christi sumptio* , quæ in se quodam modo carnem Sacerdotis commutat : & ipsa tandem *vocationis gratia liberat* , quæ quidem tanta est , ut , si ex obedientiæ dumtaxat , & charitatis ordinariæ impulsu cum Feminis agere debeat , perinde ac Babylonici Juvenes , in hoc igne illæsus sit custodiendus . Deinde vero pro scopulis sæcularium curarum ; & conversationum devitandis offertur ipsi assidua cum Deo , & Sanctis per Orationes , lectiones sacras , aliasque functiones spirituales communicatio , quæ nisi ipse obstet , facile efficiet , ut fordescere ipsi incipiat omnis humana conversatio , nec sine magna necessitate , aut utilitate suscipiatur ; quo tamen in casu , sicut ex voluntate Dei aditur hoc periculum , ita ad eundem pertinet , ut ex illo incolumen , & illæsum educat , ut dicere cum Juditha cap. 13. possit : *Vixit Dominus , quoniam custodivit me Angelus ejus , & hinc euntem , & ibi commorantem , & inde revertentem , & non permisit Ancillam suam ( aut famulum ) inquinari* . Denique contra ipsos etiam Dæmones non levia præsidia offert ; nempe I. *Insignem cum Christo vocante conjunctionem* , ob quam merito dicere potest : *Si DEUS pro nobis , quis contra nos ?* II. *Orationis frequentiam* ; quam ipse Christus velut fortissimum contra Adversarios scutum suasit , dum Matth. 26. dixit . *Vigilate , & orate , ne intretis in tentationem* . III. *Generosam resistantiam* ; cum enim ipse alios assiduo hortari debeat ad resistendum tentationibus maligni hostis , inculcans illud S. Jacobi c. 4. monitum : *Resistite Diabolo , & fugiet a vobis* ; hoc ipso etiam ipsemet non modice incitabitur ad similem resistantiam , ne , dum aliis ad victoriam Auctor est , ipsemet turpiter succumbat .

Considera III. Quam efficacia & hæc sint adjumenta ad omnem animo timorem periculorum supra indicatorum eximendum , atque adeo statum Sacerdotalem , si DEUS voluerit , alacriter , & intrepide suscipiendum . Colloquium ad B. Virginem .

Pun-

## Punctum II.

Confidera I. Quam gravem rationis olim DEO reddendæ obligationem, atque adeo salutis propriæ perpendendæ periculum post se trahat Sacerdotalis status; si enim, cui multum datum est, multum exigetur ab eo, quam severam DEUS rationem exiget a Sacerdote, cui animas velut thesaurum suum præstantissimum, dilectissimumque commisit? certe S. Chrysostomus hoc. 5. in Acta Apost. hoc periculum considerans, dicere ausus est: *Non arbitror inter Sacerdotes multos esse, qui salvi fiant, sed multo magis, qui pereant, non tam propriis peccatis, quam alienis, quæ non curaverunt.*

Confidera II. Qualia adjumenta pro hoc quoque periculo evitando offerat status Sacerdotalis; cum in primis gratia vocationis offeratur a Deo ad munus suum rite administrandum, atque adeo in sua potestate sit facere id, quod ab eo requirit DEUS; hoc autem si faciat, nihil ipsi imputandum ad culpam, vel pœnam sit, cum curam dumtaxat, non curationem jure DEUS exigere possit. Deinde vero ipsa charitas, & misericordia assiduo pro salute Sacerdotis precabuntur, ne excidat illius felicitatis participatione, ad quam ipse alios tam solícite perducere conatus est; unde si S. Hieronymus alicui dicere ausus est: *Non memini me legisse, mala morte fuisse defunctum, qui libenter opera charitatis exercuit; habet enim multos Intercessores, & impossibile est, multorum preces non exaudiri; multo magis hoc de Sacerdotibus, qui præstantiora longe opera misericordiæ, spiritualia videlicet, tam frequenter exhibere solent, dici poterit.*

Confidera III. Quam apta, & efficacia sint hæc duo media ad rationis reddendæ timorem moderandum; & animos potius addendos, ut statum Sacerdotalem tam multis adjumentis, & præfidiis instructum libenter amplectaris, si ad eundem te vocatum deprehenderis. Colloquium ad Christum.

## M E D I T A T I O II.

## DE EXECUTIONE VOCATIONIS.

Præludium I. Est, imaginari Apostolos a Christo vocatos, & mox omnibus relictis eum secutos.

Præludium II. Est, petere gratiam, ut tu quoque, sicuti simili modo cum Apostolis vocatum te credis, ita pari quoque cum celeritate, & perfectione respondere vocationi possis.

## Punctum I.

Considera I. Quam magnum beneficium tibi collatum sit per vocationem ad Sacerdotalem statum; si enim merito maximum favorem collatum esse crederes ei, qui e vilitissimo statu ad regiam, vel imperatoriam dignitatem evectus esset; quanto majus æstimare debes tibi a DEO beneficium exhibitum, dum te ad Sacerdotalem dignitatem, juxta unanimem SS. Patrum sensum ipsa dignitate longe excellentiorem, vocare, & evehere dignatus est, ita ut merito de te pariter, & Apostolis dici queat: *Mibi autem nimis honorificati sunt Amici tui DEUS, nimis confortatus est principatus eorum.* Ps. 138.

Considera II. Quantopere beneficii hujus magnitudo augeatur, si circumstantias, quas involvit, paulo melius consideres, videlicet. I. *Infinitam charitatem vocantis DEI* tantopere, & toties a te offensi, tamen tam extraordinarium favorem conferentis. II. *Summam vilitatem, & indignitatem vocati*, nihil, per quod mereri talem favorem potuisset, habentis; plurimas vero causas, ob quas ei negari talis gratia meruisset, offerentis, uti nulli magis, quam tibi præteritam vitam relegenti constabit, ut adeo merito cum S. Davide Ps. 8. exclamare possis: *Domine, quid est homo, quod memor es ejus, aut Filius hominis, quoniam visitas eum? minuisti eum paulo minus ab Angelis* (imo majorem



rem ei potestatem tribuere constituisti ) gloria, & bonore coronasti eum. III. Innumeram multitudinem hominum in sæculari statu relictorum, præ quibus tu ad hanc dignitatem evectus es, etsi innumeri sint, qui milles gratiores se exhibuissent, & beneficio tali perfectius usi fuissent.

Considera III. Quam æquum proinde sit, ut, sicut beneficium hoc maximum est, ita maximas quoque pro eodem gratias Benefactori tanto persolvas; &, cum gratiorem te illi exhibere non possis, quam si vocationi tuæ omni conatu respondeas, jam nunc modum istum respondendi solícite indagare, & studiose adhibere velis. Colloquium ad SS. Patronos.

Punctum II.

Considera I. Quis sit modus optimus, Deoque gratissimus respondendi vocationi; si videlicet sequentia præstes. Et I. quidem jam nunc mundo, & rebus terrenis penitus renunties, memor sententiæ a Christo Luc. 14. prolatae: *Qui non renuntiat omnibus, quæ possidet, non potest meus esse discipulus*; & S. Pauli exemplum ob oculos propones, qui de seipso ad Galatas ca. 1. scribit: *Cum autem placuit ei, qui me segregavit ex utero matris meæ, & vocavit per gratiam suam, ut revelaret Filium suum in me, ut Evangelizarem illum in Gentibus, continuo non acquievi carni, & sanguini*. II. Ut dotes, quas ad Sacerdotem requiri cognovisti, magnam videlicet scientiam; majorem prudentiam, & maximam Sanctitatem omni studio procurare, & magis in dies perficere, & augere coneris; si enim ii, qui ad terrena officia eliguntur, vel opificia certa exercere studuerunt, mox de optimis sibi instrumentis prospiciunt; quanto magis hanc industriam te adhibere convenit, qui ad officium spirituale, idque Divinissimum te vocatum agnoscis. III. Ut, ubi tempus sacrorum Ordinum suscipiendorum advenisse compereris, non differas susceptionem, sed mox cum Apostolis omnia alia negotia relinquens, Christum cum purissima intentione gloriæ Divinæ augendæ,

tua-

tuzque, ac alienæ salutis asscurandæ sequaris; *Nescit enim tarda molimina Spiritus S. gratia*, teste S. Ambrosio. Unde proderit adhortationem S. Bernardi epist. 100. sibi applicare, dum sic ad aliquem annuas inducias pro vocationis executione postulantes scribit: *Obsecro, redi ad cor, & adverte hunc annum terminum, quem tu tibi indulxisti, esse injuriam Dei non esse annum placabilem Domino, sed discordiæ seminarium, ira fomitem, nutrimentum Apostasia, qui spiritum extinguat, gratiam intercludat, teporem afferat illum, qui Deo solet vomitum procreare.*

Confidera II. Quam solida sint hæc tria documenta, aptaque ad perfectam vocationis executionem, atque adeo tanto diligentius observanda, quanto majus tibi per eandem vocationem beneficium collatum esse cognoscis.

Confidera III. Si illis, qui vel nuptias celebrare, vel sæculare aliquod officium valde honorificum, & pingue sescipere decreverunt, omnis mora longa videtur, donec optatus nuptiarum, vel officii suscipiendi dies adveniat; quanto magis tu cum ardenti desiderio expectare debeas, diem Sacerdotio, & ut ita dicam, cœlestibus cum Spiritu Sancto nuptiis celebrandis destinatum. Colloquium ad B. Virginem.

### Punctum III.

Confidera I. Quos fructus sperare possis ex ista tam celeri, & perfecta executione vocationis; tres videlicet in genere, qui innumeros alios particulares involvunt. Primus est, *copiosa gratia* ad omnes vocationis tuæ functiones cum maximo incremento tum gloriæ Divinæ, tum meriti proprii, & alieni peragendas; hunc enim fructum Christus promisit, dum Joan. 15. dixit: *Qui manet in me, & ego in eo* (quod utique nemo melius præstat, quam qui vocanti Christo paret) *hic fert fructum multum.* Unde dicere jure merito cum Apostolo 1. Cor. 15. poterit: *Gratia autem Dei sum id quod sum, & gratia ejus in me vacua non fuit, sed abundan-*

tius illis omnibus laboravi, non ego autem, sed gratia Dei mecum. Secundus est singularis anima quies, & iolatum ob vocationis impletionem; cum enim nulli rei melius sit, quam in centro, & fine, ad quem a natura destinata est, nec homo profecto etiam alibi reperire quietem poterit, quam in fine, ad quem a DEO vocatus est; unde merito in illo verificabitur illud Salomonis oraculum 16. Prov. *Secura mens* ( id est, Dei nutui obtemperans ) *quasi iuge convivium*; atque hæc videlicet causa est, cur Christus Matth. 11. ad jugum suum tollendum invitans mox addiderit, *jugum enim meum suave est, & onus meum leve*; quidquid enim tali acciderit, qui sincero corde Divinam voluntatem sequitur, eidem in bonum, id est, æternam gloriam cooperatur; nec aberrare potest a scopo, quamdiu hunc Duce[m] sequitur, quantumvis per aspera præeuntem. Tertius est *ingens fiducia, & spes æterna salutis obtinenda*; cum enim Christus ipse Joan. 10. dixerit: *Omnes mea vocem meam audiunt, & ego cognosco eas, & sequuntur me, et ego vitam æternam do eis, & non peribunt in æternum, et non rapiet eas quisquam de manu mea*; merito spem firmissimam concipere æternæ prædestinationis poteris, si vocem vocantis Christi te audivisse sciveris. Quantum autem tibi per spem hanc robur ad omnes officii tui molestias cum gaudio perferendas addendum sit, tibi ipsi perpendendum relinquo.

Considera II. Quam pretiosus, & vere optabilis sit triplex hic fructus, dignissimisque, propter quem participandum vocationem tuam cum maxima celeritate, ac contentione exequaris.

Considera III. Quomodo deinceps hunc triplicem fructum ob oculos semper habere, & per eisdem te ad dictam executionem excitare velis. Colloquium ad Christum.

## E X A M E N

*Reliquo hujus Diei tempore instituendum.*

**E**Xamen hoc de ipsa vocatione hodie recte instituetur; ut intelligas nempe, an a DEO ad Sacerdotalem statum vocatus sis, cumque tandem eligere decernas; ut autem hanc electionem rite instituas, aliqua quidem ante, alia in alia post illam observabis.

## Observanda.

*Ante Electionem.*

I. Ante omnia memento nos in hac vita velut in via ad Patriam constitutos esse; & non habere hic manentem civitatem; sed futuram inquirere, ut Apostolus c. 13. ad Hebr. ait.

II. Certo tibi persuade, nullam ad hanc Patriam securiorem esse viam, quam illam, qua Deus nos ad illam perducere conatur, ut qui solus scit, quid unicuique maxime ad salutem expediat, quique tam sincere nos amat, ut, quantum in ipso est, omnes homines salvos fieri velit.

III. Pariter certum habeo, maximum & singulare Dei beneficium esse, si suam cuiquam voluntatem circa diligendum vitæ statum significare dignetur; vere enim *beati sumus, si qua Deo placent, manifesta sunt nobis*, Baruch. 4. hæc namque voluntatis Divinæ significatio est amica invitatio, profecta ex amore, quo nos ad se trahere, & æternum felices reddere cupit, juxta illud Jerem. 31. *In charitate perpetua dilexi te, ideo attraxi te miserans tui.*

IV. Cum omne datum optimum, & omne donum perfectum desursum sit, descendens a Patre luminum; beneficium hoc assiduo a Deo petendum esse scito; nec dubita, quin obtenturus sis; si enim inter homines ne-

mo tam inhumanus est, quem crebræ, ac supplices preces filiorum non moveant, quanto magis cœlestis Pater preces tuas non negliget, sed spiritum, & instinctum bonum petenti tibi largietur.

V. Etsi Deus paratus sit suam voluntatem nobis manifestare, id tamen non eodem modo exequi; nam quosdam quidem potenter rapit, quosdam leniter ducit, quosdam peculiaribus motibus instigat, atque impellit, alios sua sponte magis ferri, & seipsos agere permittit. Unde cooperatio hominis necessaria est, illudque Jeremiæ c. 6. consilium sequendum: *State super vias, & videte, & interrogate de semitis antiquis, quæ sit via bona, & ambulate in ea, & invenietis refrigerium animabus vestris.*

VI. Ut hanc viam bonam tanto facilius eligere possis, scire debes ulterius, & velut certum supponere, quemadmodum duæ sunt animi partes, intellectus, & voluntas; ita duplex quoque vocationis esse genus; unum *voluntatis*, quando scilicet ita ad certum vitæ genus movetur, ut eodem etiam intellectum rapiat, & assensum quasi extorqueat, & sic quidam a teneris annis ad certum vitæ statum quasi manu ducuntur a DEO; alterum genus vocationis, intellectus videlicet tunc intervenit, quando voluntas nullos peculiares instinctus experitur, aut tales certe, quos merito suspectos habet, atque adeo ratiocinio intellectus vocatio Divina indaganda est; in quo tamen summo opere cavendum est, ne humanis artibus, aut persuasionibus abduci te a meliori consilio patiaris; onus enim, quod assumis, solus feres; male proin agis, tibi que consulis, nisi sic agas, tu de te idem, quod de populo Israelitico desertum transeunte Deuter. 32. scriptum legitur, dici queat: *Dominus solus Dux ejus fuit.*

## Observanda.

*In ipsa Electione.*

I. Antequam ipsam electionem auspiceris, fufis ad DEUM ardentibus precibus, quibus vitæ genus ab æterno tibi decretum ostendi suppliciter petas; & explicato desiderio agnoscendæ, atque explendæ illius voluntatis, statum sæcularem, & Clericalem in medio statue, & primo quidem inquire, an non vocationem voluntatis ad statum Clericalem senseris, id est, an non a puero, & maxime tempore orationis, aut Eucharistiæ perceptæ, aut sacræ electionis, aut concionis, ejusmodi instinctum senseris? & quomodo in iis acquiescas? an vires ad exequenda status hujus munia tibi quasi promitti sentias, aut ipse polliceri audeas? an difficultatum, quæ occurrere possunt, magnitudine non terrearis? an si ad sæcularem statum applicare velis animum, hic renitatur, turbetur, tenebris offundatur? hæc enim indicia si occurrant, non obscura Divinæ vocationis sunt signa, cum DEUS tali potissimum tempore, & per tales internas voces illabi in animum soleat.

II. Quia tamen juxta commune proverbium, *abundans cautela non nocet*; Ideo consultum est, ut alter etiam modus, per intellectum videlicet vocationem indagandi, adhibeatur. Itaque gemino statu sæculari, & Ecclesiastico ante oculos constituto, considera I. Quis ex istis statibus te commodius, certius, securius ad finem tuum, id est, felicitatem æternam perducatur? II. In quo peccata, & graves lapsus certius, & facilius devitentur? III. Quis ad virtutem solidius instruat, & compendiosius ducat? IV. Ubi corporis, & animi talenta melius impendere, & perficere possis? V. Quis naturæ convenientior? quis ad perseverantiam aptior? VI. In quo imminente morte vixisse malles? VII. In quo facilius DEO rationem reddere queas? VIII. Quem ex illis alteri per omnia tibi simili, & æqualiter amato coram DEO suaderes? IX. In quo Christo similior fieri, teque DEO perfectius consecrare queas?

III. His

III. His ergo coram DEO consideratis, vide, pro quo statu plures, & meliores rationes ( hæ enim sunt quasi Consiliarii votum seu suffragium pro tali statu ferentes ) tibi occurrant, & juxta eas sic pro illo statu electionem concludere, ut tamen iterum prius hoc negotium DEO commendes, & postea memor, quid DEUS S. Paulo dicenti, *Domine, quid me vis facere?* responderit; scilicet: *Surge, & ingredere civitatem, & ibi dicetur tibi, quid te oporteat facere.* Idem tibi dictum credas, atque adeo Confessario tuo, aut alteri viro prudenti, & zeloso tuas has rationes, & electionem aperias, illiusque super iis iudicium requiras, ut, quanto minus tibi ipsi confisus fueris, tanto securius procedas, & eligas.

### Observanda

#### Post Electionem.

I. Post electionem dicto modo conclusam prima tua cura esse jure merito debet, ut debitas DEO pro tam insigni beneficio gratias liberalissime persolvas, & confirmationem hujus voluntatis frequenter, & suppliciter petas, Davidicum illud Ps. 67. usurpando: *Confirma hoc, DEUS, quod operatus es in nobis;* aut illud Ps. 50. *Redde mihi letitiam salutaris tui, & spiritu principali confirma me;* aut illud Ps. 19. *Tribue mihi, Domine ( gratiam videlicet ) secundum cor tuum ( id est, voluntatem, et beneplacitum tuum ) & omne consilium meum confirma.* Quod si quandoque languere te sentias in vocationis executione, iterum Davidicum Ps. 118. versus usurpare poteris, et dicere: *Dormitavit anima mea præ tadio: confirma me in verbis tuis.*

II. Ut tanto facilius prædictam confirmationem obtineas, proderit unum, aut alterum Patronum Spiritu Ecclesiastico, et Clericali præ cæteris imbutum, et Sacerdotum bonorum efficiendorum, dum adhuc viveret, præcipue studiosum, eligere, et quotidiano aliquo obsequio aut orationum venerari, quales sunt S. Chrysostomus.

solitimus, S. Carolus Borromæus, S. Franciscus Salesius, S. Ignatius Lojola, S. Philippus Neri, et similes. Fortassis non parum prodesset, si parvas tibi Litanias conficeres, quibus et talium Sanctorum Patrocinium implorares, et eas dotes, quæ ad Sacerdotes pertinent, per eorum merita, et intercessionem a DEO peteres in hunc, et similem modum.

**K**Yrie eleison.  
Christe eleison.

KYrie eleison.

Christe audi nos.

Christe exaudi nos.

Pater de cælis DEUS, Miserere nobis.

Fili Redemptor mundi DEUS, Miserere nobis.

Spiritus Sancte DEUS, Miserere nobis.

Sancta Trinitas unus DEUS, Miserere nobis.

S. MARIA Patrona Sacerdotum, ora.

S. Michael protector Ecclesiæ, ora.

S. Angele Custos, ora.

Omnes Sacerdotum Custodes Angeli, orate.

Sancte Petre, ora.

Sancte Paule, ora.

Sancte Joannes, ora.

Sancte Chrysostome, ora.

Sancte Carole Borromæe, ora.

Sancte Philippe Neri, ora.

Sancte Ignati Loiola, ora.

Sancte Franciscæ Salesi, ora.

Omnes Sancti Sacerdotes, et Levitæ. erate.

Omnes Sancti, & Sanctæ DEI, intercedite

pro nobis.

Propitius esto, Parce nobis Domine.

Ab omni peccato, Libera nos Domine.

A Spiritu fornicationis, Libera.

A Spiritu Avaritiæ, Libera.

A Spiritu intemperantiæ, Libera.

Ab omni inconstantia, Libera.

Per merita, & intercessionem omnium sanctorum Sa-

cerdotum, Libera.

Per



Per Immaculatam Conceptionem SS. Virginis MA-  
RIÆ, Libera.

Per æternum Sacerdotium tuum, Libera.

Per cruentum, & incruentum sacrificium tuum, Libera.

Peccatores, Te rogamus audi nos.

Ut Ecclesiam tuam sanctam regere, & conservare di-  
gneris, Te rogamus.

Ut inimicos sanctæ Ecclesiæ humiliare digneris,  
Te rogamus.

Ut nosmetipsos in sancto proposito conservare digne-  
ris, Te rogamus.

Ut duplicem spiritum scientiæ, & virtutis largiri di-  
gneris, Te rogamus.

Ut verum Zelum animarum in me accendere digneris,  
Te rogamus.

Ut omnibus Sacerdotibus verum Spiritum Ecclesiasti-  
cum inspirare digneris, Te rogamus.

Ut animabus omnium defunctorum Sacerdotum re-  
quiem æternam largiri digneris, Te rog.

Ut nos exaudire digneris, Te rogamus.

Agnus Dei, qui tollis peccata mundi, Parce nobis  
Domine.

Agnus Dei, qui tollis peccata mundi, Exaudi nos  
Domine.

Agnus Dei, qui tollis peccata mundi, Miserere  
nobis.

ψ. Cor mundum crea in nobis, DEUS.

℞. Et spiritum rectum innova in visceribus meis.

ψ. Ne projicias me a facie tua.

℞. Et Spiritum Sanctum tuum ne auferas a me.

ψ. Redde mihi lætitiā salutaris tui.

℞. Et spiritu principali confirma me.

ψ. Sacerdotes tui induantur justitiā.

℞. Et Sancti tui exultent.

ψ. Domine exaudi orationem meam,

℞. Et clamor meus ad te veniat.

Oremus.

**A**ctiones nostras, quæsumus, Domine, aspirando præveni, & adjuvando prosequere, ut cuncta nostra oratio, & operatio a te semper incipiat, & per te cœpta finiatur.

**D E U S**, qui corda Apostolorum Spiritus Sancti illustratione docuisti, da nobis in eodem Spiritu recta sapere, & de ejus semper consolatione gaudere.

Illo nos, igne, quæsumus Domine, Spiritus sanctus inflamment, quem Dominus noster **J E S U S** Christus misit in terram, & voluit vehementer accendi.

**D E U S** tuorum gloria Sacerdotum, præsta quæsumus, ut Sanctorum tuorum, quorum patrocinium invocamus, sentiamus auxilium.

Excita Domine in Ecclesia Spiritum, cui Sacerdotes tui Sancti servierunt, ut eodem nos repleti studeamus amare, quod amaverunt; & opere exercere, quod docuerunt. Per Christum Dominum nostrum, Amen.

III. Valde necesse erit, ut ab hoc tempore studeas singularem morum gravitatem, & decentiam ostendere, aliisque in virtutibus ad Sacerdotem, ut supra ostensum est, pertinentibus exercere. Quem in finem ob oculos semper habenda erit præclara S. Ambrosii lib. 1. epist. 6. sententia, dicentis: *Dederat ( D E U S ) præceptum eidem Moyse, ut montem cum Sacerdotibus ascenderet, Populus autem deorsum flaret. Separavit igitur Sacerdotes a Populo, & præcepit Moyse, ut nubem intraret. Vides a Sacerdote nihil plebejū requiri, nihil populare, nihil commune cum studio, atque usu, & moribus multitudinis, sobriam a turbis gravitatem, seriā vitam, singulare pondus dignitas sibi vindicat Sacerdotalis. Quomodo enim potest observari a Populo, qui nihil habet separatū a Populo, dispar a multitudine? Quid enim in te miretur, si tua in se recognoscat, si nihil in te aspiciat, quod ultro in se non inveniat; si*  
qui

*qua in se erubescit, in te, quem reverendum arbitratur, inveniat.*

IV. Sedulo cave, ne abreptus communi, sed vituperabili prorsus errore quorundam sub titulo, & specie valedicendi Mundo, plus tibi licentiæ ad peccandum, & tuis cupiditatibus indulgendum concedas; per hunc quippe errorem habitus mali, & difficultas vocationis exequendæ augentur, tentationibus validioribus locus præbetur, Divina gratia subtrahitur, & manifesto periculo vocatio, salusque exponitur; insanissimæ quippe stultitiæ est, tot, tamque noxias benevolentiae significationes edere erga insidiantem Mundum, & Diabolum, quem deserere cogitas, & tot injurias illi, cui te mancipare in totam deinceps ætatem decrevisti, inferre; quis enim non stultissimum, summeque detestandum diceret facinus illius, qui Regis cujuscpiam servitio se mancipaturus sic eum alloqueretur: Decrevi omnino tibi servire, O Rex, & pro magna gratia habeo, si me inter servos tuos annumerare dignaberis; sed prius per aliquod tempus hosti tuo capitalissimo me associabo, teque strenue oppugnabo, variisque injuriis afficiam? an non hoc ipso facto mereretur, nunquam inter Famulos Regios admitti? Atqui idem facit, qui modo supra indicato, Mundo valedicere decrevit.

V. Denique memor doctrine Eccl. 2. datæ: *Fili accedens ad servitutem DEI, sit in timore, et præpara animam tuam ad tentationem*: singulari studio te arma ad tentationes a Vocationis executione absterrentes, quales verb. grat. esse possunt inordinatus affectus ad aliquas Personas, desideria, & voluptates carnales, horror difficultatis, &c. quas S. Augustinus Conc. 1. in Psalm. 36. fictos amicos vocat, dicens: *Ad quamcunque professionem te converteris, para te, pati fictos* (tibi nempe clam adversantes) *alioquin si te non paraveris, invenies, quod non sperabas, et deficies, aut perturbaberis.*

VI. Pro Coronide hujus triduanæ collectionis, lege, si placet, ex libello de imitatione Christi lib. 3.

cap. 10. & quæ ibi de religioso statu dicuntur, Ecclesiastico applica.

## SECUNDUM EXEMPLAR TRIDUANÆ RECOLLECTIONIS,

*Pro iis, qui ad primum Sacrum rite præparare se cupiunt.*

**S**Copus hujus recollectionis est; ut ex ipso titulo patet, præparare se ad primam DEO Hostiam cum debita reverentia, & dispositione offerendam; si enim S. David pro ipso templo Jerosolymitano totis viribus impensas præparavit, eo quod non homini, sed DEO præparabatur habitatio, & si Siracides tam solícite monuit, ut ante orationem anima præparetur, quanto magis ad Sacrificium omni templo, & Oratione infinitis præstantius digne offerendum omnis sollicitudo, & præparatio adhibenda est. Merito ergo si integrum octiduum spirituali recollectioni impendi non potest, tridua saltem instituitur, pro qua proinde aptas, utilesque Meditationes, & Examina Status, ut vocant, in hoc secundo Exemplari suggerentur, ut vel hoc brevi tempore dignam de Sacerdotio, functionibusque illi annexis æstimationem concipiat futurus Sacerdos, simulque utilem etiam praxim addiscat, easdem functiones cum debita decencia, fructuque peragendi,

### D I E S P R I M A,

Tessera.

Nimis honorificati sunt Amici tui DÉUS, nimis confortatus est principatus eorum. Psal. 138.

ME.

# MEDITATIO I.

## DE OFFICIO ET DIGNITATE SACERDOTIS.

Præludium I. Est, imaginari tibi, quod coram Christo in coelis sedente; & Pontificiis vestibus induto flectens, vestes Sacerdotales, & cum iisdem etiam omnem potestatem Sacerdotibus convenientem accipias, ita ut dicere cum eodem Christo possis: *Data est mihi omnis potestas, in cælo* ( ut inde Christum ad Altare advocem ) *& in terra*, ut homines spiritualiter ligare, & solvere possim.

Præludium II. Est, petere gratiam, ut officium, & dignitatem Sacerdotum vere cognoscere, & pro tanto beneficio debitas gratias, ut oportet, persolvere queas.

### Punctum I.

Confidera I. Quod, sicut DEUS olim in Mundo naturali duo luminaria creavit; majus unum, videlicet Solem, ut præesset diei; alterum minus, nempe Lunam, ut præesset nocti; ita in Mundo quoque politico duo luminaria, scilicet *Sacerdotes*, qui præessent diei; id est, spiritualium, & ad DEI cultum pertinentium rerum curam gererent, & *Reges*, ac Magistratum sæcularem, qui nocti præessent, id est, quoad temporalia bona Populos sibi subiectos dirigerent, constituit, ut Hugo de S. Victore in c. i. Gen. notat.

Confidera II. Quænam sint ista spiritualia, ad quæ administranda Sacerdotes sunt constituti; scilicet ut Sacrificium DEO sacrificent, thymiana Orationis publicæ, seu Horarum Canoniarum pro Populo offerant, & Sacramenta, ipsumque Verbum Divinum administrent.

Confidera III. Quanta hinc dignitas Sacerdotali Statui oriatur; tanta scilicet, ut omnis Regum terrenorum

rum, aliorumque Dominorum dignitas tantum Sacerdotum excellentiæ, & dignitati cedat, quantum spiritualia corporalibus, & cœlestia terrenis antecellunt, ita ut Valquez non sine fundamento ex ipsa S. Thomæ doctrina petito docere ausus sit, posse virtutis habitum ab Observantia communi distinctum circa cultum Sacerdotum constitui, eo quod in illis specialis quædam dignitas longe excellentior civili reperiatur, meritoque adeo S. Ignatius in Epist. ad Smyrn. dixerit, *Sacerdotium esse summam bonorum omnium, quæ in hominibus consistunt*. Vide proin, an dignam hætenus de tali statu æstimationem conceperis, aut certe concipere deinceps velis. Colloquium ad SS. Patronos.

### Punctum II.

Confidera I. Quantum beneficium DEUS tibi concessit, dum te præ tot millionibus aliorum hominum ad Statum tam excelsum vocare dignatus est, de quo Callianus in Catal. gloriæ merito dixerit: *Sacerdos DEI altissimi, si omnium Dominorum sublimitatem contempleris, sublimior es: solo Creatore tuo inferior es*. An non præ admiratione in illas Davidis Ps. 112. voces erumpes: *Quis sicut Dominus DEUS noster, qui in altis habitat, et humilia respicit in cœlo, & in terra? Suscitans a terra inopem, & de stercore erigens pauperem, ut collocet eum cum Principibus, cum Principibus populi sui*.

Confidera II. Si S. Bernardus s. 52. de Christianis dicere ausus est, nihil ita displicere DEO, præsertim in filiis gratiæ, quam ingratitude; eo quod scilicet, sicut plura beneficia, quam Ethnici, & Infideles acceperunt, ita magis quoque eadem agnoscere, & DEUM pro illorum collatione laudare, gratiasque debitas agere debuissent; quanto magis DEO displiciturum esset, si tu, cui beneficium tam grande per Sacerdotis collationem exhibitum est, illud non, ut oportet, gratissimo animo agnoscere, proque eodem, optimo, quo poteris, modo gratum te exhibere studes.

Con-

Confidera III. Quis fit optimus, & DEO acceptissimus gratitudinis modus; si scilicet finem illum, propter quem tibi hoc beneficium contulit, perfectissimo modo obtinere studeas, atque adeo omnes functiones Sacerdotales, ea intentione, & accuratione, quam ipsa earundem functionum natura, & dignitas requirit, perficere coneris. Statue proip, hac ipsa in collectione functionum harum naturam, & praxim sedulo indagare, & studiose deinceps adhibere. Colloquium ad B.V.

### Punctum III.

Confidera I. Si quotidiana docet experientia, quanto major est hominis cujusque dignitas, tanto maiorem quoque in eo gravitatem, integritatemque morum requiri; quantam a te velut Sacerdote ad summam dignitatem evecto DEUS, & Homines, sanctitatem, & gravitatem in omnibus tuis actionibus desideraturi sint. Id sane apposite expressit pius Auctor. l. 4. de Imit. Christi c. 5. dum dixit: *Attende tibi, & vide, cujus ministerium tibi traditum est per impositionem manus Episcopi. Non alleviasti onus tuum, sed arctiori jam alligatus es vinculo disciplina, & ad maiorem teneris perfectionem sanctitatis. Sacerdos omnibus virtutibus debet esse ornatus, & aliis bonæ vitæ exemplum præbere. Ejus conversatio non cum Popularibus, & communibus hominum viis, sed cum Angelis in cælo, aut cum perfectis viris in terra.*

Confidera II. Quantopere gaudere, & vel hoc ipso etiam ex titulo gratulari tibi debeas ob Sacerdotii ordinem susceptum, eo quod tam potens tibi per eum stimulus offeratur, ad omnem sanctitatem, virtutumque altissimarum studium sectandum, ut, quod es professione, actione potius, quam nomine demonstres; ut actio respondeat nomini, & nomen cum operibus incidat, quemadmodum S. Ambrosius hortatur.

Confidera III. Quomodo tu hætenus similem sanctitatem obtinere studueris, & sectari deinceps velis, maxime cum, teste Concilio Tridentino Sess. 22. c. 1.

nihil sit, quod alios magis ad pietatem, & DEI cultum assidue instruat, quam eorum vita, & exemplum, qui se Divino ministerio dedicarunt; cum a rebus sæculi in altiore locum sublatis conspiciantur, in eos tamquam speculum reliqui oculos conjiciunt, ex iisque sumunt, quod imitentur. Colloquium ad Christum.

## MEDITATIO II.

### DE PRIMO SACERDOTIS OFFICIO SEU MISSÆ SACRIFICIO OFFERENDO.

Præludium I. Est, imaginari Christum in Altari Hostiam, & Calicem de manu Sacerdotis accipientem, & æterno suo Patri offerentem, cum vere principalis offerens in Missæ Sacrificio sit ipse Christus, Sacerdotes vero Vicarii, & Ministri duntaxat.

Præludium II. Petere gratiam, ut & dignitatem ac fructus hujus Sacrificii rite cognoscere, & ad illud debita cum reverentia celebrandum convenienter te disponere possis.

### Punctum I

Considera I. Quam præstans, DEOque gratum sit hoc Sacrificium, cum & ipsa res oblata, & ipse offerens principalis sit infinitæ dignitatis, ut adeo merito hoc Sacrificium dignitate sua excedere dicatur quæcumque Sacrificia veteris Testamenti, etiam collective accepta, & propterea magis DEO placeat, quam si quis omnes victimas possibiles Deo offerret, aut omnes actus virtutum excogitabiles eliceret; nam, ut recte dixit Bellarminus l. I. de Missa c. I. Missæ Sacrificium non est opus nostrum, sed Christi; ipse enim est primarius, & sempiternus Sacerdos, qui seipsum per Eucharistiam Patri obtulit in Sacra Cœna, & quotidie per Ministros suos se offert in Sacrificium.

Con-



Considera II. Quam multiplex ex hoc Sacrificio fructus oriatur; is nempe, quem Thomas Kempensis l. 4. de Imit. c. 5. breviter sequentibus verbis indicavit dicens: *Quando Sacerdos celebrat, Deum honorat* ( per hoc locaustum perfectissimum ) *Angelos laetificat* ( nam & hi adstant velut mensæ hujus Ministri, teste S. Chrysostomo hom. 3. in epist. ad Ephes. ) *Ecclesiam adificat* ( cujus nomine hoc Sacrificium offert, ut eodem placatus DEUS ipsam regere, & conservare, & augere dignetur ( *Vivos adjuvat* ) utpote pro quibus fructum potioem hujus Sacrificii plerumque offert ( *Defunctis requiem præstat* ) cum ad hujus oblationem animæ illæ perinde ut scintillæ de fornace proflire ex purgatorio sint visæ ) & sese omnium bonorum participem facit ) propter meritorium, satisfactorium, & impetratorium fructum copiosum sane ex hoc Sacrificio ipsi obvenientem.

Considera III. Quam recte proin Concilium Tridentinum Sess. 22. sic concludat: *Si necessario fatendum est, nullum inter Fideles haberi opus sanctius aut Divinius, quam tremendum hoc Sacrificium, in quo vivens illa bestia, qua nos DEO Patri reconciliavit, quotidie in altaribus manibus Sacerdotum immolatur, fatendum etiam est, omnem ad hoc diligentiam adhibendam, & omni contentione elaborandum, ut quam maxima fieri potest, puritate animi, & devotione exteriori perficiatur.* Colloquium ad SS. Patronos.

## Punctum II.

Considera I. Si Siracides cap. 18. de Oratione dixit: *Ante orationem præpara animam tuam*: & si David totis viribus præparavit impensas domus Domini pro Sacrificiis tantum corporalibus immolandis deputatæ; quanto majorem præparationem ad hoc Sacrificium omni oratione, & Sacrificio veteris Testamenti infinities perfectiis rite offerendum, sit adhibenda; ut adeo merito Sanctus Chrysostomus homilia in Encæniiis dixerit: *Accedentes ad Eucharistiam,*  
ne pñ-

ne putetis, quod accipiatis Divinum corpus ab homine, sed ex ipsius Seraphim forcipe ignem, quem scilicet Isaïas vidit, vos accipere. Cogitate sanguinem illum salutarem, et Divino illo, et impolluto latere finire, atque adeo vos omni reverentia ad illum accedentes labiis illum sanctis excipite.

Confidera II. Qualis præparatio ad hoc Sacrificium digne offerendum sit adhibenda; duplex videlicet, remota, & proxima. Remota consistit 1. In assiduo conatu proficiendi in vitæ puritate, & sanctitate. 2. In piissimo, & sublimissimo sensu, & devotione erga hoc SS. Sacramentum acquirenda. 3. In congruis gratiæ auxiliis ad hoc SS. Sacramentum sancte tractandum frequenter implorandis. Proxima consistit. 1. In puritate corporis per jejunium, & manuum, orisque ablutionem; & animæ munditiæ per Confessionem vel contritionem præviam procuranda. 2. In optimæ intentionis formatione, fervorisque ac propositi sancta sancte tractandi instauratione. 3. In certis, & ad hunc finem accommodatis precibus devote recitandis, qualis præ cæteris censeri debet sequens oratio, cui Gregorius XII. indulgentias 50. annorum annexuit: *Ego volo celebrare Missam, & conficere Corpus, & Sanguinem Domini nostri JESU Christi, juxta Ritus S. Romanæ Ecclesiæ, ad laudem Omnipotentis DEI, totiusque Curia triumphantis; ad utilitatem quoque meam, totiusque Ecclesiæ militantis, pro omnibus, qui se commendaverunt Orationibus meis in genere, & in specie, & pro felici statu S. Romanæ Ecclesiæ, Amen. Gaudium cum pace, emendationem vitæ, gratiam, et consolationem S. Spiritus, perseverantiam in bonis operibus tribuat nobis omnipotens, et misericors Dominus. Amen.*

Confidera III. Quam solida sit hæc præparatio, quamque adeo a te tanto ferventius adhibenda, quanto certius tibi constat, juxta mensuram hujus præparationis ipsam tibi Sacramentalem gratiam esse conferendam. Colloquium ad B. Virginem.

## Punctum II.

Confidera I. Non fatis eſſe , ut ad tale Sacrificium digne offerendum rite te præpares , ſed inſuper requiri , ut ſimilem diligentiam ipſo ſſ. Sacrificio offerendo , & gratiis poſt illud agendis adhibeas . Si enim Ethnici olim ante Sacrificiorum tuorum oblationem clamare Præconem jubebant : *Age quod agis* : quanto magis idem dicendum erit Sacerdoti hoc Diviniſſimum Sacrificium oblaturus .

Confidera II. Quid præcipue requiratur ad actualem celebrationem ; videlicet ſequentia tria . 1. Ut pronuntiatio , & quæcumque actio exterior , non minus ædificationi aliorum , quam propriæ devotioni ſerviat . 2. Ut affectus , & virtutes in Orationibus Miſſæ præſcriptis ſtudioſe eliciantur . 3. Ut Rubricæ , & Ceremoniæ in Miſſali præſcriptæ accurate obſerventur , ita ut jure cum Chriſto poſt finitam Miſſam dicere queas : *Conſummatum eſt !* id eſt , quidquid ad hoc Sacrificium offerendum a Chriſto , vel Eccleſia præſcriptum fuit , impletum eſt .

Confidera III. Qualis gratiarum actio poſt Sacrificium a te requiratur ; ſcilicet talis , qualis tantum beneficium decet , ampliſſima , & optimis affectibus plena , quæ quidem ſic inſtitui poſſet , ut poſt lotionem manuum , in genua provolutus Chriſtum intra te latentem his , aut ſimilibus verbis alloquaris :

*O utinam , JESU mi amantiſſime , ſic agere tecum nunc poſſem , quemadmodum egit tecum Sanctiſſima Mater tua , aut ullus unquam Sanctorum ! ſed quoniam id non poſſum , conabor ſaltem , quantum mihi cum Divino tuo auxilio licuerit .*

*Quemadmodum ergo firmiſſime credo , te Dominum meum , ac DEUM meum vere corporaliter mihi præſentem eſſe , ita me tibi ſummè , qua poſſum , demiffione ſubjicio , te adoro , veneror , & omni poſſibili affectu laudo , & glorifico , gratiasque ago ampliſſimas Divinae Majeſtati tuae pro omnibus beneficiis tuae ſſ. Humanitati , ſſ.*

tua Matri, omnibus Sanctis, omnibus Defunctis, et Viventibus, & mihi umquam exhibitis, precipue vero pro institutione hujus Venerabilis Sacramenti, pro vocatione ad Sacerdotium, & pro SS. Corpore, & Sanguine tuo iterum mihi communicato.

Ia gratiarum proinde actionem offero tibi DEO meo omnia quidem merita SS. Vita, Passionis, et mortis tua, et omnium Sanctorum, speciatim vero omnia Sacrificia, et Communiones umquam peractas, aut peragendas, rogoque suppliciter, ut hanc oblationem benigno vultu suscipere, gratamque habere digneris; si enim pretiosius quid haberem, idipsum tibi offerrem; sed gaudeo, quod nihil pretiosius reperiatur, quam tu amantissimus Deus meus, quem sicut omnibus rebus creatis longissime praefero, ita ardentius quoque, quam omnes eas diligo, ideoque summo, quo possum amoris affectu renuntio omni in primis peccato, et occasionibus peccandi, et protestor, me milles cum Divina gratia moriturum, quam te DEUM meum vel minimo peccato veniali voluntarie offendam. Renuntio quoque concupiscentiae omnium rerum creatarum, et protestor, me omnium illarum loco te DEUM meum habiturum, et ex toto corde dilecturum. Renuntio denique, omni iudicio, et voluntati, et amoris proprio, eaque perfectissima tua sanctissima voluntati, et amoris subicio, id unum suppliciter rogans, ut quoniam ex me nihil scio, et possum, tu, sicut velle misericorditer concessisti, ita posse quoque pro tua immensitate largiaris, sed et me, aliosque tam viventes, quam defunctos tum in sacro hoc, tum alias tibi, & nunc maxime commendatos non modo in SS. tua vulnera suscipias, verum etiam ab omni malo custoditos omnium bonorum juxta sanctissimum tuum beneplacitum participes efficias, ut, quem nunc velatum suscepimus, & adoravimus in terris, de facie in faciem in caelis videre olim mereamur. Quia vero, mi amantissime JESU, placere tibi scio, ut specialia quaequam beneficia a te velut omnem bonorum fonte verissime mihi praesente petam, ideo summa, qua possum, fiducia ac demissione rogo, concede mihi misericors DEUS &c. perge in oratione S. Thomae, vel propriis verbis speciales tuas necessitas.

fitates expone ; & si placet , ex Missali vel Diurnali orationem : *Gratias tibi ago omnipotens &c.* subjunge. Hunc ergo tum devote celebrandi , tum gratias agendi modum , aut alium similem quomodo deinceps observare velis ; conclude , & , quod semel decreveris , fortiter & constanter exequere . Colloquium ad Christum cum congruis affectibus.

## OCCUPATIONES

*Per reliquum tempus.*

Reliquum hujus primæ diei tempus in tribus potissimum functionibus infumetur , quarum prima erit generalis Confessionis scriptio ; etsi enim nemo cogi debeat ad similem Confessionem faciendam , si tamen ullum tempus in vita idoneum esse , aut incitare potest ad illam faciendam , hoc profecto , quod primam Hostiæ oblationem præcedit , tale cenieri debet ; nunc enim Sacerdoti præcipue dicitur a Christo , quod olim Sacerdotibus veteris Testamenti dicebatur : *Sancti estote , quia ego sanctus sum.* Levit. 11. & illud Isaïæ 52. c. *Recedite* ( a Mundo , & peccatoribus ) *recedite , exite inde , pollutum nolite tangere , exite de medio ejus , mundamini , qui fertis vasa Domini .* Si enim jam olim Judæorum Pontifici Deut. 18. dicebatur : *Perfectus eris , & absque macula cum Domino Deo tuo .* Ideoque Judas Machabæus 1. Mach. c. 4. *elegit Sacerdotes sine macula ; voluntatem habentes in lege Domini ;* quanto magis a Sacerdotibus Novi Testamenti Sacerdotium incomparabiliter dignius possidentibus exigetur , ut sint sine macula , atque adeo de illis verificabitur , quod Lev. 21. dicitur : *Omnis , qui habuerit maculam de semine Aaron Sacerdotis , non accedet offerre hostias Domino , nec panes DEO suo .* Cum ergo ad has maculas tollendas Confessio generalis præcipue conducat , utpotè quæ & majori cum sollicitudine indagat peccata , & magis intenso cum dolore eadem detestatur , & cum perfectiori integritate confitetur ,

fitetur, facile apparet, eam saltem ab ultima generali Confessione faciendam jure merito suaderi.

Altera occupatio consistat in Examine circa ea puncta, quæ ad conscientiam purificandam maxime conducunt. Hinc

1. Examinabis teipsum, quibus peccatis hactenus magis subiectus fueris, DEUM que, ac Proximum offenderis?

2. Quibus Passionibus maxime obnoxius sis, & quomodo deinceps easdem moderari velis.

3. An, & quas occasiones extrinsecas habeas, aut habiturus sis ad peccandum; & quomodo easdem declinare velis.

4. Qua diligentia, & fructu Examen generale, & particulare velut potissima fere ad peccatorum extirpationem media usurpare soleas.

5. Quomodo Pœnitentiæ Sacramentum ad hunc finem præcipue institutum usurpare consueveris?

6. Quomodo mortificationi sensuum tam internorum, quam externorum studueris?

7. Quas pœnitentias, seu castigationes corporis, & quo fructu peragere velis, ut dicere possis cum S. Paulo 1. Cor. 9. *Castigo corpus meum, & in servitutem redigo, ne, dum aliis prædicavero, ipse reprobus efficiar.*

8. Quomodo Recollectiones hebdomadarias, menstruas, annuas, quæ & ipse non minimum sunt ad conscientiam purificandam medium, deinceps instituere velis.

Hæc, inquam, omnia sic inquire, ut tamen semper memineris, pios affectus doloris, verecundiæ, propositi, petitionis veniæ &c. inserere.

Tertia tandem occupatio erit Lectio libellorum piorum, & ad propositum Scopum præcipue servientium, qualis exempli gratia esse possunt, in primis Libellus de Imitatione Christi, ex quo hodie l. 4. c. 7. de discussione propriæ conscientiæ, & emendationis proposito legi potest. Deinde vero aliquot capita de industria selecta, vel ex Ludovico de Ponte to. 4. de perfect. Vel ex Sacerdote Christiano M. Ludovici Abeli, vel Manuali

nuali Parochorum P. Caroli Musarti: vel ex earum Instructionum parte tertia, & quarta, in quibus, quidquid ad Sacerdotem requiritur, succincte, & ordinate proponitur.

## DIES SECUNDA.

Tessera.

**I**N omnibus exhibeamus nos sicut DEI ministros, nemini dantes ullam offensionem, ut non vituperetur Ministerium. 2. Cor. 6.

### MEDITATIO I.

DE SECUNDO SACERDOTIS OFFICIO, SEU HONORARUM CANONICARUM DEVOTA RECITATIONE.

Præludium I. Est, imaginari S. Davidem cum cythara in manibus, coram DEO flectentem, & dicentem: In conspectu Angelorum psallam tibi, adorabo ad templum sanctum tuum, & confitebor Nomini tuo.

Præludium II. Est, petere gratiam, ut dignam de hoc officio æstimationum concipere, & illud, ut oportet, implere valeas.

#### Punctum I.

Considera I. Quod sit secundum Sacerdotis officium, scilicet ut sit Mediator, & Legatus Ecclesiæ ad DEUM; ita enim S. Paulus 2. Cor. 5. insinuavit, dicens: *Posuit in nobis verbum reconciliationis, pro isto ergo Legatione fungimur.* Unde Sacerdos, quemadmodum S. Joannes Chrysostomus ait, *Medius stat inter DEUM, & naturam humanam, illinc venientia beneficia ad nos deferens, nostras petitiones illuc perferens, & Dominum iratum reconcilians.*

Considera II. Quam honorifica, summiq; merito æsti-

æstimanda sit hæc Legatio, sive primo cum, ad quem velut Legatus mitteris, ipsum scilicet Omnipotentem DEUM consideres; sive Personas, a quibus mitteris, videlicet Ecclesiam Catholicam, & Naturam humanam, attendas: sive negotium, ob quod legaris, spectes, nempe laudandum DEUM, & Sanctos, eosque placandos, atque ad varia dona conferenda, malaque avertenda propitios reddendos.

Confidera III. Quam aptum ad hanc Legationem rite, & decenter obeundam adjumentum Ecclesia tibi obtulerit, dum te ad Horas Canonicas persolvendas compellit; cum enim hæc Horæ ab ipsa Ecclesia, dictante Spiritu Sancto sint compositæ, merito sperari potest, nulla alia ratione melius Sacerdotem Legatione sua fungi posse, quam si has Horas cum debita reverentia, & devotione persolvere conabitur. Vide proin, quomodo hactenus hac Legatione functus sis, & deinceps fungi velis, ne, si, quod absit, eam negligenter, inhoneste, vel tepide expleveris, in sententiam, qua dicitur maledictus homo, qui opus DEI facit negligenter, miserabiliter delabaris, ut Concilium Aquisgranense cap. 130. loquitur. Colloquium ad SS. Patronos.

### Punctum II.

Confidera I. Quid requiratur ad hoc officium rite persolvendum; eadem scilicet conditiones, quæ a Legato coram Rege, ad quem mittitur, peroraturum observantur; nempe 1. Ut convenientem corporis situm adhibeat, & vel ipsa corporis dispositione Majestatem Regis confiteatur, & revereatur. 2. Ut omnia verba integre, distincte, & cum debita gravitate proferat. 3. Ut diligenter ad id, quod loquitur, attendat, petitionesque suas cum convenienti ardore proponens, finem Legationi suæ præfixum obtinere studeat.

Confidera II. Quanto æquius sit, ut ut has conditiones cum potentissimo, & supremo Domino ac DEO locuturus observes, atque adeo horas Canonicas cum exteriori, & interiori reverentia, atque decencia recitare



tare studeas; si enim, ut recte discurret Cassianus col-  
lat. 23. c. 7. cum sublimi alicui homini, non dicam pro  
vita aut salute nostra, sed etiam pro alicujus lucri com-  
modo supplicamus, totam in eum & mentis, & cor-  
poris aciem defigentes, de nutu ejus trepida expecta-  
tione pendemus; quanto magis, cum illi omnium oc-  
cultorum cognitori supplicamus, intenta atque solici-  
ta oratione ipsius clementia imploranda est; nec enim  
exiguam committit irreverentiam, qui precem Domino  
fundens, subito a conspectu ejus, quasi ab oculis non  
videntis, nec audientis improbæ cogitationis, securus  
abscellerit. *Quid enim est voce psallere, mentem au-  
tem domum aut forum circumire, nisi homines falle-  
re, et DEUM irridere?* ait Concilium Trevirense  
secundum.

Considera III. Quomodo has conditiones hætenus  
observaveris; an quoad corpus reverenter, quoad vo-  
cem integre, & distincte, quoad memoriam attente,  
quoad intellectum prudenter (id est, convenienter ad  
ad finem orationis obtinendum) quoad voluntatem ar-  
denter (id est, congruos affectus eliciendo, maxime  
gratulationis, laudis, amoris, timoris, & doloris ob  
peccata commissa, fiduciæ, humilitatis, & desiderii  
rerum cœlestium) horas tuas Canonicas recitare stu-  
dueris, aut saltem deinceps studere velis, consilium S.  
Augustini sequens in Ps. 30. sic loquentis: *Si psalmus  
orat, orare: si gemit, gemere; si gratulatur, gaudere: si  
sperat, sperare: si timet, timere oportet.* Colloquium ad  
B. Virginem.

### Punctum III.

Considera I. Quas industrias, & media adhibere de-  
beas ad hanc Legationem rite, decenterque obeundum,  
nempe 1. Ut dignam de utilitate, & dignitate tantæ  
Legationis æstimationem concipiens, ante quam ora-  
tionem auspiceris, DEI, cum quo locuturus es, sum-  
mam Majestatem, omniumque Angelorum præsentiam  
imagineris, sicque te ad debitam reverentiam, & atten-  
tionem excites, dicens: *In conspectu Angelorum psallam ti-  
bi, DEUS meus, adorabo ad templum sanctum tuum, & con-*

*fitebor nomini tuo.* 2. Ut, sicut Legati omnes Famulos suos foris relinquunt, sed & omnes alias distractionum occasiones solícite vitant; ita & tu curis, & affectibus tuis dicas cum Christo: *Sedete hic, et requiescite, donec vadam illuc, & orem*; omnesque sensus tuos, oculos præcipue ab omni curioso aspectu studiose cohibeas, memor communis doctrinæ Ascetarum dicentium, custodiam oculorum esse Matrem devotionis. 3. Ut in amore DEI, & Sancturum crescere studeas; cum enim amantes nihil magis desiderant, quam ut simul esse, & colloqui queant, totisque viribus repellant omnia impedimenta, quæ tale colloquium dissolvere, & impedire volunt; ita idipsum multo magis de anima DEUM sincere amante cogitandum est.

Considera II. Quam solida, & efficacia sint hæc media, utpote directe ad magnam menti reverentiam, & attentionem conciliandam ordinata; quam item facilia, ut quæ a Sæcularibus Legatis sine omni difficultate observantur.

Considera III. Quomodo tu hætenus easdem observaveris, aut observare deinceps velis; semper in mente habens præclaram S. Cypriani adhortationem serm. de orat. Dom. sic loquentis: *Cum adstamus ad orationem, vigilare, & incumbere ad preces toto corde debemus; cogitatio tunc omnis secularis, & carnalis abscedat, nec quidquam tunc animus, quam id solum cogitet, quod precatur; quæ autem segnities est, alienari, & capi ineptis cogitationibus, & profanis, cum Dominum deprecari? quasi sit aliud, quod magis debeas cogitare, quam quod cum DEO loqueris? quomodo te a DEO audiri postulas, cum te ipse non audias? vis esse DEUM memorem tui, quando tu ipse memor tui non sis?* Colloquium ad Christum.

## MEDITATIO II.

DE TERTIO SACERDOTIS OFFICIO, VIDELICET  
ADMINISTRATIONE SACRAMENTORUM,  
ET VERBI DIVINI.

Præludium I. Est, imaginari Christum, nunc Verbum DEI prædicantem, nunc vicos circumeuntem, & varia beneficia corporibus, animisque conferentem.

Præludium II. Est, petere gratiam, ut tertium hoc Sacerdotis officium rite cognoscere, & fructuose administrare possis.

## Punctum I.

Considera I. Quod sit tertium Sacerdotis officium, scilicet Sacramentorum, & Verbi DEI, ac doctrinæ Christianæ fructuosa tractatio; hoc enim est, quod Apostolus 1. Cor. 4. ait: *Sic nos existimet homo, ut Ministros Christi, & dispensatores mysteriorum DEI.*

Considera II. Cum Ecclesiæ Sacramenta, ut Concilium Tridentinum Sess. 7. in procem. loquitur, sint ea, per quæ omnis vera iustitia vel incipit, vel cœpta augetur, vel amissa reparatur, ac proinde ex illis tamquam fontibus haurianda sit aqua illa viva, quam qui biberit, in æternum non sitiat, sed fiat in eo fons aquæ salientis in vitam æternam; quam magnum tibi beneficium a DEO collatum sit, dum te præ tot aliis Ministrum horum Sacramentorum constituit, tamque amplam ea administrandi facultatem, & occasionem obtulit. Ut merito tibi perinde ac Sponsio Cant. 3. applicari possit, dicique, quod manustuz tornatiles aureæ, & plenæ hyacinthis sint Fidelium, utilitati dispensandis. An non proinde jure quoque illud S. Pauli 1. c. repetatur: *Hic jam queritur inter Dispensatores, ut fidelis quis inveniatur.*

Considera III. Quid fidelitas ista in administrandis Sacramentis a te requirat; nimirum 1. Ut pure, fan-

ſte, & religioſe eadem adminiſtres, ne, ut S. Gregorius hom. de cura paſtor. loquitur, ſimilis ſias aquæ baptiſmali, quæ peccata baptizatorum diluens, illos ad cœleſte regnum mittit, & ipſa poſtea in Cloacam deſcendit. 2. Ut receptos ac approbatos Eccleſiæ ritus ſedulo adhibeas, ipſumque etiam Populum ad ritus hos magnificiendos, & recte intelligendos, quantum neceſſe eſt, aut expedit, inſtruas, & horteris. 3. Ut magna cum promptitudine, & abſque ulla ſuſpicionem avaritiæ illa adminiſtres; hilarem namque datorem, ſi in ulla actione, in hoc ſane diligit DEUS. Vide ergo, quomodo has tres induſtrias deinceps obſervare velis. Colloquium ad SS. Patronos.

## Punctum II.

Conſidera I. Quam magnum iterum beneficium tibi collatum ſit, dum Verbi Divini Miniſtrum te conſtituit DEUS; id ex ſequentibus S. Auguſtini in ſerm. quotid. verbis colligere poteſ. *Quid vobis plus eſſe videtur, Verbum DEI, an corpus Chriſti? ſi vultis reſpondere, hoc utique dicere debetis, quod non ſit minus Verbum DEI, quam Corpus Chriſti, & ideo non minus reus ſit, qui Verbum DEI negligenter audiverit (vel tractaverit, vel prædicaverit) quam ille, qui Corpus Chriſti in terra negligentia ſua cadere permiferit.* S. Cyprianus vero ſerm. de orat. Domin. ait: *Evangelii præcepta Fratres chariſſimi, nihil ſunt aliud, quam Magiſteria Divina, fundamenta ædificanda Spei, firmamenta corroboranda Fidei, munimenta fovendi cordis, gubernacula dirigendi itineris, præſidia obtinenda ſalutis.*

Conſidera II. Quomodo hoc verbum DEI fructuoſe tractari, & prædicari debeat; ſcilicet ſicut cibus corporeus præparari, & apponi ſolet (non enim in ſolo pane vivit homo, teſte Chriſto Matth. 4. ſed in omni verbo, quod exit de ore DEI; hinc ſicut per os in alimoniam cibus corporis ſummimus, ita per cor æli vivificandam animam reſcas doctrina cœleſtis accipimus, quemadmodum S. Hilarius in Pfalm. 118. loquitur, atque adeo ſicut x.

Ci-

Cibus quoad substantiam bonus, eique, qui sumit, conveniens esse debet, ita materiam seu doctrinam, & argumenta Concionis optima, id est, ex S. Scriptura, SS. Patribus, aliisque probatis Auctoribus desumpta, & Auditoribus accommodata esse oportet; nam; ut S. Gregorius l. 20. mor. c. 1. recte pronunciavit, *Debet Prædicator perspicere, ne plus prædicet, quam ab audiente capi possit; ne, dum parvis sublimia, & non profutura prædicat, se magis curet ostendere, quam Auditoribus prodesse.* 2. Sicut cibus bene excoctus esse debet, ita & Concio per accuratum studium bene præparata, ne alioqui verificetur commune proverbium: *Qui ascendit Cathedram sine labore, descendit e Cathedra sine honore;* & plerumque etiam sine fructu in se, & Auditoribus reportato. 3. Sicut cibus sale, pipere, aliisque aromatis herbisque bene condiendus est, ita & Concio sale discretionis, pipere reprehensionis moderatæ, melle mansuetudinis, & charitatis, & herbis exemplorum, & similitudinum, & parabolarum idonearum grata Auditoribus reddenda. 4. Sicut cibus in patinis mundis per fideles, & sedulos, ac mundos Ministros apponendus, ita in Concione quoque verba quidem bona, & vernaculo sermoni congrua; non tamen nimis exquisita, aut affectata (nam *prudens viris non placent phalerata, sed fortia, quando non res pro verbis, sed pro rebus enumerandis verba sunt instituta*, ut recte S. Prosper l. 3. de vit. contr. c. ult. advertit; & ideo S. Paulus 1. Cor. 2. sermonem suum, & prædicationem non in persuasibilibus humanæ sapientiæ verbis, sed in ostensione spiritus consistere dixit) per fidelem memoriam, & per gratam vocis, & actionis moderationem proponi.

Confidera III. Quæ media adhibere debeas ad Verbum DEI fideliter, & fructuose administrandum; videlicet 1. *Orationis studium*; nam, ut S. Chrysostomus hom. 3. de incomp. natur. Div. sapienter dixit, *Nihil aut parum fructus capi ex humilitate potest, nisi oratio adjungatur.* Cujus veritatis rationem reddens S. Bernardus ep. 101. Nunc, ait, *manent tria hæc, Verbum,*

*exemplum, oratio; major autem bonum oratio, ea namque operi, & voci gratiam, & efficaciam promeretur. Hinc Apostoli Act. c. 6. ubi alios pro externis negotiis constituerunt, dicebant: Nos vero orationi, et ministerio verbi instantes erimus. 2. Sedula meditatio: Sicut enim rhus, inquit S. Augustinus in spec. peccat, non redolet, nisi ponatur in igne; nec virgus sinapis sentitur, nisi conteratur in lapide, ita nulla S. Scriptura sententia vim suam declarat, nisi cocta in corde. Hinc S. Isidorus l. 1. de summo bono ait, Quanto magis quisque in sacris eloquiis assiduus fuerit, tanto ex eis uberiores intelligentiam capit. 3. Conscientiæ puritas, & vita exemplaris; quid enim lingua aurea, & cor ferreum? certe cuius vita despicitur, restat, ut etiam prædicatio contemnatur; Ut ergo prædicandi veritas servetur, vivendi altitudo teneatur, ut recte S. Gregorius ho. 11. in Ezech. dixit; nam lucere tantum, vanum est, teste S. Bernardo, tantum ardere, parum: ardere, & lucere perfectum. Vide ergo, quomodo hæc tria deinceps observare velis. Colloquium ad B. Virginem.*

### Punctum III.

Confidera I. Quam præclarum quoque censeretur debeat Catechismi docendi munus, utpote per quod summa in triumphantem, & militantem Ecclesiam fructus redundat; cum enim solida instructio in doctrina Christiana sit fundamentum Christianæ perfectionis, ab hac vero gloria DEI, & Sanctorum, augmentum, & decus Ecclesiæ, salus denique reipublicæ, & cuiusvis animæ particularis dependeat; facile apparet, quam magna ex hoc munere rite obito utilitas sperari possit, quamque adeo recte Joannes Gerson Cancellarius Parisiensis dixerit, nescire se, in ullo alio munere, quam in hoc utilius, & honestius occupari quis possit.

Confidera II. Quomodo hoc officium utiliter obire possis; videlicet I. ut materiam valde bene præpares, & parvulis accommodes illud S. Pauli 1. Cor. 3. usurpans: *Tamquam parvulis in Christo lac vobis potum dedi,*

*di, non escam solidæ, & altioris doctrinæ: nondum enim poteratis capere, & concoquere. II. Ut bene valde, id est, cum simplicitate, & mansuetudine proponas doctrinas, quas præparavisti; ut dicere cum S. Paulo possis: Omnis omnia factus, ut omnes lucrifaciam. III. Ut parvulos ad aptam receptionem doctrinæ Catechetice disponere coneris, efficiendo, ut modesti, attenti, & alacres sint ad excipienda, & retinenda ea, quæ dicuntur, quod quidem facilius bonis verbis, & munuiculis, laudibusque, quam asperis increpationibus, & minis obtinebit.*

Confidera III. Quæ media adhibere debeas ad hoc officium alacriter, & fructuose obeundum; videlicet I. Ut magnam de tali munere æstimationem concipias, frequenter perpendendo, quam magnam Ecclesiæ, & reipublicæ Christianæ utilitatem asserre, tibi que grandem coronam præparare queas. II. Si Christi ad Apostolos dicentis: *Sinite parvulos venire ad me: & aliorum zelosissimorum virorum cum magna alacritate hoc munus obeuntium exempla frequenter ob oculos ponas. III. Si magna cum patientia fructum exspectes salubrem S. Jacobi cap. 5. doctrinam alte pectori inscribens: Ecce Agricola exspectat pretiosum fructum terra, patienter ferens, donec accipiat temporaneum, & ærotinum: Patientes igitur estote & vos, & confirmate corda vestra. Vide ergo, quam efficacia, & solida sint hæc media, & quomodo ea deinceps adhibere velis. Colloquium ad Christum.*

## OCCUPATIONES

*Per reliquum hujus diei tempus.*

I. Et hodie iterum tres occupationes, præter binas meditationes, magno cum fervore suscipiendas suadeo. Prima est, ut Ordinem tibi diurnum conficias, quem per totam vitam, quantum fieri potest, studiose observes. Ad hunc autem rite faciendum tria præcipue observabis. I. Magnam de tempore æstimationem concipies;

pies ; quem in Finem tibi gemina S. Bernardi serm. 4. post Dom. quadr. c. 4. sententia serviet : *Vide , peccator , temporis pretiositatem , quia modico tempore potest homo lucrari veniam , gratiam , et gloriam . Et iterum : Tempus tantum valet , quantum DEUS : quippe in tempore bene consumpto comparatur DEUS .* Unde ut redimas præteritum tempus , & futurum bene colloques , sequere exemplum S. Bernardi S. 20. in Cantica sic DEUM alloquentis : *De mea misera vita sume obsecro residuum annorum meorum ; pro his vero , quos vivendo perdidisti , quia perdidisti vixisti , cor contritum , et humiliatum non despicias .* II. Ut certa tibi somni , & quietis tempora definias , & studiose observes ; alioqui enim pigritia , & torpor magnam sibi , non temporis dumtaxat , sed vitæ etiam partem auferet , & ad reliquias diei actiones non parum ineptum efficient . III. Ut firmiter tibi persuadeas , vitam nostram mercatum esse , cujus dies cum abierit , tempus non erit emendi , quæ velis ; itaque consilium Siracidis Eccl. c. 14. sequere : *Ne defrauderis a die bono ; et particula boni doni non te prætereant .* Dic proinde cum S. Chrysologo S. 12. *Vivamus DEO paululum , qui sæculo viximus totum : dedimus corpori annum , demus animæ paucos dies : tempus est , ut aliquando provideas domui tuæ .*

II. Secunda occupatio est , ut singulas actiones ad DEUM , & teipsum pertinentes ( nam eas , quæ ad proximum spectant , pro sequenti die servabis ) percurras ; & , quem deinceps in illis peragendis modum , & praxin observare velis , studiose indages , & definias .

I. Itaque considera , quomodo te in actionibus spiritualibus , puta Meditatione , SS. Missæ , recitatione horarum Canoniarum , lectione spirituali , Examinibus conscientiæ , exercere ; quas preces mane , & vesperi ante , & post mensam , ad pulsus ternum Salutationis Angelicæ , ad sonitum horæ , vel interdiu recitare ; quos item Sanctos in speciales Patronos eligere , quibusve obsequiis eos venerari , & demereri velis .

II. Quomodo intentionem bonis operibus , solam scilicet



licet gloriam Divinam, & beneplacitum præfigere, & quoties, ac qua ratione illam repetere velis.

III. Quomodo virtutum Sacerdoti convenientium, præcipue fidei, spei, charitatis, religionis, humilitatis, mortificationis, castitatis, modestiæ, patientiæ, & obedientiæ studio te impendere velis, & quas occasiones habeas ad illas exercendas.

IV. Quomodo te in mensa gerere? quas recreationes, quomodo, & cum quibus usurpare velis.

V. Cui studio te impendere, aut qua alia occupatione sive corporali, sive spiritali tempus, quod tibi ab actionibus reliquis superest, impendere velis, ut contra otium velut omnium malorum originem te potenter tuearis. Quæ omnia, cum mature consideraveris, & quæ optima tibi videbuntur, elegeris, id unum superesse existima, ut clavum constantiæ, quo omnia tua decreta, & proposita confirmentur, & stabiliantur, adjicias.

III. Tertia occupatio erit sacra iterum lectio, in primis quidem capituli 25. ex lib. 1. de Imitatione Christi; deinde vero unius vel plurium paginarum ex alio libro ascetico, quem vel ipse tibi velut proposito scopo convenientissimum elegisti, vel ab alio electum accepisti.

## D I E S T E R T I A.

*Tessera.*

**R**edde mihi lætitiā salutaris tui, & Spiritu principali confirma me. Ps. 50.

## M E D I T A T I O I.

### DE TRIPLICI ZELO SACERDOTIS.

Prælude I. Est, imaginari Apostolos in cœnaculo Jerosolymitano sciescentes, & virtute ex alto, id est, Spiritu Sancto in specie ignis apparente instructos; per hunc quippe ignem, qui, & sursum flammæ ejaculatur,

latur, & non in seipso duntaxat calidissimus est, sed alios etiam calefacit, recte triplex Zelus, gloriæ DEI, propriæ, & alienæ salutis indicatur.

Prælium II. Est, petere gratiam, ut naturam, & motiva hujus Zeli bene cognoscere, & eundem vehementer in corde tuo accendere possis.

### Punctum I.

Considera I. Quid sit Zelus gloriæ Divinæ, nempe nihil aliud, quam vehemens desiderium, ut DEUS ab hominibus magis, & magis semper cognoscatur, super omnia æstimeretur, & ametur; cum enim gloria in genere nihil aliud sit, quam *clara cum iande notitia*, merito, si gloriam DEI vere desideras, optare quoque debes, ut infinita ejus bonitas cognoscatur, & quod inde per se sequitur, cognoscentes in ejus admirationem, laudem, amorem raptantur.

Considera II. Quomodo constitutis debeat esse hic Zelus; quod scilicet tres debeat habere conditiones. Et I. quidem esse *universalis*, id est, ad universum vitæ statum, & omnes ac singulas vitæ actiones se extendens, sicque doctrinas S. Pauli observetur. I. Cor. 10. *momentis: Sive manducatis, sive bibitis, sive aliud quid facitis, omnia in gloriam DEI facite; Ut in omnibus glorificetur DEUS.* II. *Purissimus*, id est, nullam aliam secundariam intentionem cujusvis alterius boni, puta delectationis, honoris, beatitudinis, admixtam habens, quam non propter gloriam Divinam ultimate intentionem elicias; hic enim vere locum habet illud S. Augustini: *Minus te ( & gloriam tuam ) amat, Domine, qui præter te, ( & gloriam tuam ) aliquid amat, quod propter te ( & gloriam tuam ) non amat.* III. *Liberalissimus*, id est, non simpliciter gloriam DEI, sed *majo rem* semper affectans, atque adeo ea semper media eligens, quæ ad majorem DEI gloriam sive *intensivè* per opera majorem difficultatem continentia, & intensiorem amorem declarantia ( qualia sunt generosus contemptus honorum, & voluptatum, nec non magnanima fortitudo in-

ter

ter adversa ) sive *extensive* , incitando scilicet , & juvando alios , ut simili modo gloriam DEI quærant , quo modo S. Ignatius omnia ad majorem gloriam operari solebat .

Considera III. Motiva , quæ ad majorem DEI gloriam quærendam impellere te possint . Primum est , quod finis iste adeo sit excellens , ut ipse DEUS , & Christus omnia , quæ operati sunt , creationem scilicet , & recreationem , seu redemptionem humani generis , Angelorum , & totius mundi non aliam ob causam , quam propter gloriam suam fecerit ; *universa* enim propter se operatus est Dominus , teste S. Scriptura Prov. 16. & ipse Christus Jo. 8. de se falsus est , se non propriam , sed Patris cœlestis gloriam quærere ; unde merito de tali intentione exclamans S. Bernardus S. de dilig. DEO , *O amator Sanctus* , inquit , *& castus ! o amor dulcis , et suavis affectio ! o pura , & desœcata intentio voluntatis , eo certe desœcator , & purior , quo in ea de proprio nihil admixtum relinquitur , quo totum Divinum est , quod sentitur , sic affici , Desficari est .* Secundum est , quod infinita beneficia DEI exigant , ut , sicut ille bonum nostrum tam solícite quæsit ; & sic amorem erga nos suum demonstravit ; ita nos quoque amorem mutuum erga ipsum ostendere , atque adeo bonum ipsius pro viribus procuremus ; bonum autem DEUS , qui seipso plenus , bonorum nostrorum non eget , aliud participare non possit , quam extrinsecum hoc , id est , gloriam suam ; quæ certe singularis est naturæ humanæ dignitas , ut ad idem bonum DEO tribuendum efficaciter concurrat , quod sibi DEUS tam admirandis modis in hac vita procurat , & in æternum a suis accipiet . Tertium est , quod ex hoc bono , ejusque intentione omnia nostra bona permanent ; sicut namq; ex eo , quod DEUS hoc sibi bonum , id est , gloriam suam velit , nobis & naturam , & gratiam & gloriam suam communicat ; ita nos ex eo , quod ei bonum hoc volumus , bona omnia necessaria naturæ , & gratiæ , & gloriæ efficaciter comparamus , etsi de nobis non cogitemus . Vi-  
de ergo , quam efficacia sint hæc motiva , & quomo-

do tu deinceps excitare in te ardentissimum Divinæ gloriæ Zelum velis . Colloquium ad Christum .

## Punctum II.

Confidera I. Quid secundus Zelus , propriæ scilicet salutis a te requirat ; nempe ut omne verum malum , quale est unicum , & solum peccatum , a te efficaciter avertes ; & omne verum bonum , quale est sola , & unica virtus , DEUM velut summum bonum possidens , pari efficacia , & sollicitudine tibi procures , uti Psalmista Pl. 33. indicavit , dicens : *Quis est homo , qui vult vitam , diligit dies videre bonos ? declina a malo , et fac bonum .*

Confidera II. Quales condiciones requirat hic Zelus ; videlicet sequentes tres . I. Ut sit *appretiatus* , id est , suam salutem omni alienæ præferens . *Quid enim prodest homini , si universum mundum lucretur , anima vero sua detrimentum patiatur* , inquit Christus Matth. 26. II. Ut sit *prudens* , id est , apta media ad finem sibi propositum eligens , mercatorum more , qui varias industrias excogitant , adhibentque , ad merces , & lucra optima facienda . III. Ut sit *efficax* , non in puris desideriis consistens , sed manum operi admovens , illudque Siracidis Eccl. cap. 9. semper in mente habens : *Quodcumque potest facere manus tua , instanter operare .*

Confidera III. Quam ob causam hunc Zelum speciali studio in te suscitare debeas ; nempe quia animam tuam unicam habes , atque adeo si hanc perdas , omnia perdidisti , & miser , & miserabilis es . Hinc Ecclesiasticus tam solícite monet cap. 30. *Miserere anima tua placens DEO* : & S. David Pl. 118. falsus est : *Anima mea in manibus meis semper* ; quia ut bene notat S. Bernardus , *Sicut , quod in manibus tenemus , non facile obliviscimur , sic numquam oblivisci debemus negotium animarum nostrarum , ei illa cura vigeat principaliter in cordibus nostris .* Vide ergo , quomodo hunc Zelum hætenus foveris , aut deinceps saltem excitare velis , memoran-

randam D. Eucherii in epist. parcen. sententiam in mente semper habens : *Primas apud nos curas , quæ prima habetur , obtineat , summasque sibi sollicitudinis partes salus , quæ summa est , vendicat ; hæc nos occupet in praesidium ac tutelam sui , jam non plane prima , sed sola . Omnia vincat eo studio , quo præcedit omnia .* Colloquium ad B. Virginem .

Punctum III.

Confidera I. Quid tertius Zelus salutis alienæ a te exigat ; scilicet ut eandem sicut tuam procures , atque adeo pariter ad peccatorum fugam , & bonorum operum seu virtutum exercitium alios quoque impellas curæ tuæ commissos ; hoc enim mandatum illud DEI : *Diliges proximum tuum , sicut te ipsum .*

Confidera II. Quas condiciones a te hic Zelus tuus exigat ; videlicet sequentes tres . I. Ut sit *Ordinatus* , id est , ut Ordo , quem DEUS in servando proximo observari voluit , diligenter observetur ; nempe ut non alia ex causa , quam propter DEUM diligatur ; nec ita salutis alienæ cura suscipiatur , ut propria detrimentum accipiat . II. Ut *Universalis* sit , id est , ad pauperes æque , ac divites , deformes æque , ac formosos , nobiles æque , ac ignobiles se extendens , cum imago , ac voluntas DEI ad talem dilectionem impellens in omnibus æqualiter eluceat . III. Ut *suavis* , & *mansuetus* sit ; sic enim Christus Matth. II. docuit , dicens : *Discite a me , quia mitis sum , et humilis corde , et invenietis requiem animabus vestris ;* non propriis dumtaxat , sed alienis etiam curæ vestræ commissis ; nam ut S. Chrysostomus hom. de mansuet. recte dixit : *Nihil ita conciliat Domino Familiæ , ut quod videant illum tranquillum se offerre , ac mansuetudine jucundum , nam & talem majoris faciunt , habentque pro Patre , & non Domino . Gratus est videntibus , gratus & bis , quibus tantum nomine notus est . Neque facile ullum invenies , qui audiens laudari hominem mansuetum , illum videre , & osculari non desideret , & non habeat in aliquanta lucræ parte , ejus majus amicitia posse frui .*

Con-

Confidera III. Quibus motivis excitare hunc Zelum debeas; videlicet I. exemplo Christi in hunc mundum descendentis, ut animarum salutem quæreretur, suoque exemplo ad similem Zelum accenderet. Hinc tibi pariter, ac S. Petro olim dixerat, dicit; *Si diligis me, pascere oves meas*, II. Dignitate animarum; nam, ut S. Gregorius Nyssenus ait hom. 4. in Eccl. *Qui humanam novit naturam, nec totum quidem mundum dixit satis justum pretium, quod detur pro anima hominis*; hinc alter S. Gregorius, Magnus videlicet I. 1. hom. 12. in Ezech. ait, *Nullum omnipotenti DEO tale esse Sacrificium, quale est Zelus animarum*. S. Chrysostomus vero hom. 3. in 1. Corinth, et si, inquit, *immensas pecunias pauperibus eroges, plus tamen effeceris, si unam converteris animam*. III. Proprie salutis studio: ad quam certius, & abundantius obtinendam efficacissimum medium est hic Zelus, nam, ut S. Chrysostomus sapienter pronuntiavit ho. 3. super Gen. *Hoc nostræ salutis argumentum erit, & occasio, si non solum pro nobis ipsis solliciti, sed & proximo utiles fuerimus, ipsum ad viam veritatis manducentes*. Imo non communis dumtaxat, sed magnæ etiam gloriæ argumentum esse hunc Zelum, Christus ipse Matth. 5. testatus est, dum dixit: *Qui fecerit, & docuerit, hic magnus vocabitur in regno cælorum*. Vide ergo, quomodo per hæc motiva hunc quoque Zelum in te excitare, & constanter fovere velis. Colloquium ad Christum.

## MEDITATIO II.

### DE MEDIIS AD SACERDOTIS OFFICIUM RITE OBEUNDUM NECESSARIIS.

Præludium I. Est, imaginari, te coram Christo in oratione constitutum, & , ut media tibi ad vocationis executionem necessaria suggerere dignetur, rogantem, lorica seu æs triplex circa pectus accipere, quo contra omnia impedimenta, quæ te a dicta executione impedire possunt, efficaciter removeas.

Præ-

Præludium II. Est, petere gratiam, ut talia remedia clare cognoscere, & constanter adhibere valeas.

Punctum I.

Confidera I. Quod sit primum medium ad Sacerdotis officium rite obeundum; scilicet *studium orationis continuum*; quod in tribus potissimum occasionibus ostendi debet. I. In Exercitiis spiritualibus quotidianis, puta SS. Missæ Sacrificio, officio Divino, lectione spirituali, Examine conscientiæ &c. cum omni diligentia obeundis. II. In recurſu ad DEUM, quando vel negotium aliquod suscipiendum; vel aliquid pro se, aliisve impetrandum; vel periculum aliquod vel tribulatio superanda est. III. In reliquis suis functionibus, ut scilicet, & in his mentem ad DEUM attollere, easque ad DEUM referre assueſcat; quam quidem consuetudinem S. Ignatius hominibus pie occupatis magis expeditam, & necessariam dicebat esse, ideoque vehementer operariis commendabat.

Confidera II. Quam necessarium sit hoc medium ob triplicem causam. I. Ut gratiam pro functionibus necessariam obtineat, cum omne datum optimum, & donum perfectum desursum sit descendens a Patre lumen, teste S. Jacobo, ideoque, ut recte S. Augustinus l. 4. de doctr. Christ. c. 15. dixit, munus suum ut præſtet, magis sit opus orationis, quam Oratoris facultate. II. Ut efficaciam obtineat suis functionibus, cum ipse quidem plantare, & rigare possit, incrementum autem dare solius DEI sit; unde præclare S. Bernardus ep. 101. *Nunc autem, inquit, manent tria hæc, verbum, exemplum, oratio, major autem horum oratio, ea namque operi, & voci efficaciam, & gratiam promeretur.* III. Ob propriam consolationem; ut scilicet in se experiatur, quod Christus Matth. 11. dixit: *Venite ad me omnes, qui laboratis, & onerati estis, et ego reficiam vos*; ideoque, & ipse cum S. David. Pl. 118. dicere possit: *Os meum aperui, et attraxi spiritum.*

Confidera III. Quam efficaces sint hæc rationes, quam-

quamque adeo merito impellere te debeant, ad continuum orationis studium modo supra dicto exercendum; cum vere Sacerdoti convenire videatur illud S. Augustini ho. 40. *Qui recte novit orare*. Colloquium ad SS. Patronos.

## Punctum II.

Confidera I. Quod secundum medium ad finem supra dictum merito *mortificationis studium continuum* censeatur in eo præcipue consistens, ut omnem inprimis inordinatam concupiscentiam cujuscumque rei inordinatæ solícite devitet ( quæ mortificatio *interna* vocatur ) & ipsam etiam carnem jejuniis, ciliciis, flagellis, aliisque similibus asperitatibus sponte susceptis, aut a DEO immisissis castiget, quæ mortificatio *externa* appellatur.

Confidera II. Quod & hoc medium triplicem ob causam summopere sit necessarium Sacerdoti. I. Ut *fructuose* munere suo fungatur; cum, sicut palmes non bene putatus parum fructificat, ita Sacerdos quoque non bene mortificatus exiguum fructum afferat: unde merito Christus Luc. 14. dixit Apostolis: *Qui non renuntiat omnibus, non potest meus esse Discipulus*. Et S. Paulus ad Galat. 5. pronunciavit: *Qui Christi sunt* ( id est, eidem tamquam viti veræ uniti ) *carnem suam crucifixerunt cum concupiscentiis suis*. II. Ut *secure* fungatur suo munere; cum *in medio civitatum, nationisve prava, fera illa* ( id est passionis animi ) *multo plus babeant ad delinquendum exorbitandumve ab aquo nutrimenti*, ut S. Chrysostomus l. de Sacerd. ostendit, atque adeo fræno mortificationis vehementer opus habeant. III. Ut *libere* eodem munere fungatur, cum nemo alium efficaciter corrigere, & curare possit, nisi ipse a vitiis, & inordinatis concupiscentiis sit liber, sed merito commune illud adagium, *Medice, cura te ipsum*, audire debeat.

Confidera III. Quam & hæ rationes efficaces admodum sint ad mortificationis studium continuum tibi persuadendum; & quomodo tu hæc illud susceperis, & susci-



& suscipere deinceps velis. Colloquium ad B. Virg-  
nem.

Punctum III.

Considera I. Quod tertium medium ad Sacerdotis officium rite obeundum merito *studium humilitatis perpetuum* reputetur; quæ humilitas in eo consistit, ut vere ex animo se despiciat, & servum inutilem, id est, ex se nihil efficere potentem existimet; atque ab aliis etiam despici potius, & injuriis magis affici, quam honorari cupiat, sicque Christo Redemptori suo similior evadat; nihil autem umquam gloriæ de quocumque opere, & effectu adscribat, sed illud Davidicum semper in mente habeat: *Non nobis, Domine, non nobis, sed Nomini tuo da gloriam.*

Considera II. Quam multi, & præclari fructus per hoc humilitatis studium tibi obventuri sint; nam I. ad officium, & functiones tuas optime te disponet, cum humilia, & contemptibilia eligere soleat DEUS, ut confundat fortia. II. Miræ te reprobabit adversus respectus humanos, qui non modice impediunt fructum animarum, cum ut sic dicturus sis cum S. Paulo ad Gal. I. *Si hominibus placerem, Christi servus non essem.* III. Post functiones potenter te contra vanam gloriam defendet; uti satis clare S. Augustinus insinuavit, dum dixit: *Nisi humilitas omnia, quacumque benefacimus & præstet, & comitetur, & subsecuta fuerit, jam nobis de facto aliquo bono gaudentibus totum de manu extorquet superbia.*

Considera III. Quam pretiosi sint hi fructus, dignique, ut propter eos singulare hujus virtutis desiderium, studiumque suscipias; & quomodo id suscipere velis. Colloquium ad Christum.

## OCCUPATIONES

## Reliquæ Diei.

I. Præter assignatas duas meditationes, tres alias occupationes suscipies; quarum prima est, ut consideres, quomodo erga varias Personas te gerere debeas.

Et I. Quidem erga Superiores tuos, puta Episcopum, Vicarium generalem, Decanum tuum, quibus merito summam *reverentiam*, ut DEI Vicariis: *charitatem* ingenuam, ut Patribus Spiritualibus; & *obedientiam* promptissimam, ut optimis Pastoribus debeas.

II. Erga Parochianos tuos, quos *amore universali* amplecti ( id est, pauperum æque ac ignobilium, quam divitum & nobilium curam æqualem gerere ) *Zelo prudente* ( id est, ad finem intentum, nempe lucrum animarum, idoneo ) *pascere* ( videlicet verbum DEI prædicare, Sacramenta administrare, & in rebus ad Fidem, & statum pertinentibus instruere ) & *vita* denique *exemplari* ædificare, seu ad perfectionem Christianam excitare debes.

III. Erga *Domesticos*, quibus necessaria alimenta subministrare, onera servitii moderate imponere, orrores suaviter corrigere, & debitam mercedem fideliter solvere oportet.

IV. Erga *vicinos, aliosque non subiectos*, cum quibus oportet *pacificè vivere* ( id est, nullum quacumque ratione lædere ) *prompte*, ubi necessitas aut charitas exigit, *subvenire*, & *honorem* cujusque statui convenientem *exhibere*.

V. Erga *Hospites, & peregrinos*, quos *benevole excipere, liberaliter tractare, & jucunde cum iis conversari* debes.

VI. Erga Pauperes, quos *suaviter alloqui, iisdem sincere compati, & pro modulo subvenire* decet.

VII. Erga Defunctos, quibus crebram recordationem, teneram commiserationem, celerem, & copiosam subventionem impendere debes. Vide ergo, quomodo

modo hæc omnia hæctenus præstiteris, & præstare deinceps velis.

. II. Secunda occupatio consistet in specialibus officiis seu functionibus ad Proximum pertinentibus considerandis; quomodo scilicet rite, & fructuose obiri debeant.

I. Itaque considera, quid in SS. Eucharistia, Sacramento illo pretioso, admirando, salutifero, & omni suavitate repleto, in quo Christus Dominus divitias sui amoris erga homines effudit, memoriam faciens suorum mirabilium, ut Concilium Tridentinum sess. 13. c. 2. loquitur, administrando observare debeas; videlicet, ut I. Illud in Ecclesia convenienter, & decenter asservari cures. II. Ut fidelibus rite dispositis prompte, & reverenter illud ministres. III. Ut indignis ejusdem participationem constanter deneges; eumque in finem memorandam S. Chrysostomi ho. 88. in Matth. sententiam in mente habeas, qua sic loquitur: *Ad vos o ministrantes, sermonem convertere necessarium est, ut multo cum studio hæc dona distribuatis: non parva etenim imminet vobis ultio, si quemquam ullius culpæ conscium, hujus mensæ participem esse concedatis: sanguis ejus de manibus vestris exquiretur. Sive quis Dux militia sit, sive Præfæctus, sive Princeps diademate coronatus, indigne autem accedat, prohibe, majorem illo potestatem habes. Propterea vos DEUS tali insignivit honore, ut talia discernatis: hæc vestra dignitas, hæc securitas, hæc omnis corona, non ut albam, & splendidam tunicam circummeatis induiti.*

II. Quid in Sacramento Baptismi observari oporteat, videlicet I. Ut quoniam hoc Sacramentum est janua ad Ecclesiam, ipsamque æternam vitam, nullus infans, aut adultus absque hoc Sacramento decedere ex hac vita finatur. II. Ut Cæremoniæ in Rituali præscriptæ accurate observentur, nisi necessitas aliud suadeat. III. Ut Parochiani, ac præcipue obstetrices tam de necessitate hujus Sacramenti, quam de modo illud administrandi bene informentur, ideoque in concionibus occasio sumatur talia explicandi.

III. Quid in administratione Sacramenti Pœnitentiæ observare debeas ; videlicet ut I. memineris te *Judicis* officium in hoc Sacramento exercere , atque adeo studiose procures , ut omnia , quæ ad legitimam absolutionem , sive ex parte Confessarii , sive ex parte pœnitentis requiruntur , accurate præstentur . II. Ut *Medicum* quoque Pœnitentis esse te memineris ; ideoque non morbos dumtaxat animæ , id est , peccata tollat , sed salutaria etiam contra relapsum remedia præteribas . III. Ut *Doctorem* etiam pœnitentis esse te memineris ; ideoque tum in iis , quæ ad Sacramentum hoc rite suscipiendum pertinent , tum in aliis capitibus ad statum cujusque spectantibus solide instruere illum studeas .

IV. Quid in Sacramento extremæ Unctionis observare debeas ; videlicet 1. Ut , quantum erit in te , neminem adultum , & capacem sine hoc Sacramento discedere sinas ; nam , ut sapienter Episcopus Tritariensis in direct. Eccl. disc. ait , quo magis languescit humanæ infirmitatis virtus , & unusquisque moriens ad ignotas sibi futuri sæculi vias ingrediendas , ob peccatorum suorum conscientiam , & abyssum judiciorum DEI magis timet , magisque horret , eo magis sollicita esse debet Pastorum , et Sacerdotum charitas , ut Christianus quilibet in extremo illo agone contra omnes satanæ insultus bene armatus sit , et in spem misericordiæ Divinæ bene erectus . 2. Ut non essentialia dumtaxat hujus Sacramenti , sed ipsos etiam ritus in Rituali præscriptos studiose observes . 3. Ut de utilitate hujus Sacramenti bene Fideles edoceas , vanamque illam persuasionem , qua persuadent sibi , perceptionem hujus Sacramenti esse accelerationem ad mortem , efficaciter eripere studeas .

V. Quid in Sacramento Matrimonii administrando sit observandum ; scilicet 1. Ut , quo plures ob pravitatem hominum irrepserunt abusus , eo diligentior cura adhibeatur , ut omnia , quæ sive sacri Canonis , sive Ritualia circa hoc Sacramentum præscribunt , accurate observentur . 2. Ut diligenter Parochianos tuos instruas , qua intentione , reverentia , ac puritate hoc  
Sacra-

Sacramentum suscipere debeant. 3. Ut, ubi casus matrimoniales occurrerint, diligenter eos examines, nec tibi soli fidens, alios etiam in consilium advoces.

VI. Quid in *Verbi Divini predicatione* observandum sit; videlicet 1. Ut materia sit selecta, & auditoribus bene accommodata. 2. Ut ipsa quoque dispositio, & elocutio non obiter, & perfunctorie, sed magno studio, & labore perfecta, ne alioqui, sicut sine labore ascendis Cathedram, ita sine honore descendas. 3. Ut finis præcipuus Concionis, qui est docere, & movere, ob oculos semper habeatur, atque adeo ad eundem acquirendum omnes vires convertantur, & ipse etiam populus modum utiliter audiendi verbum Divinum doceatur.

VII. Quid in *Catechesi* tradenda observandum sit; videlicet. I. Ut hoc munus unum ex præcipuis esse tibi persuadeas, ideoque diebus præscriptis magna cum diligentia, & alacritate obeas. 2. Ut varios modos excogites, quibus doctrinæ Catechetice instillari, & inculcari possint. 3. Ut in ipsis etiam Concionibus apud Rusticos, vel alios plebejos habendis nonnumquam doctrinas ejusmodi Catecheticas immisceas, atque ad illas liberis instillandas Parentes horteris.

VIII. Quid in *Ægrorum visitatione* observandum sit; videlicet I. Ut diligenter, cum charitas aut necessitas suadet, visitentur. II. Ut ad dolores, & molestias infirmitatis æquo animo tolerandas efficaciter excitentur. III. Ut ad Sacramentorum susceptionem, aliaque officia ad mortis articulum pertinentia rite, & alacriter præstanda disponantur.

IX. Denique, quid in conversatione privata cum hominibus sanis observandum sit; scilicet 1. Ut *rara* sit, ne cum in multiloquio non desit peccatum, experiaris, quod nonnemo conquestus est: *Quoties inter homines fui, minor homo redii*. 2. Ut *Jana* sit, id est, bono fine suscepta, & ad sanitatem vitæ persuadendam, remote saltem ordinata. 3. Ut sit *suavis* simul, & *gravis*; hæc enim et gratam præ cæteris, et efficacem faciunt conversationem.

III. Tertia tandem occupatio iterum lectio spiritualis erit, tum libri ascetici præscripti; tum ex libello de Imitatione cap. 10. l. 4. ut ex illius lectione ad sacrum quotidie deinceps legendum accendaris. Proderit etiam pro coronide hujus recollectionis triduanæ breviter se reflectere, & in compendium quasi redigere potiora proposita, & decreta, quæ fecisti hoc triduo, & pro iisdem debitas DEO gratias persolvere, ac gratiam ad eorum executionem necessariam efflagitare.

## TERTIUM EXEMPLAR

### . TRIDUANÆ RECOLLECTIONIS

*Pro iis, qui post curam Animarum aliquamdiu exercitam recolligere se desiderant.*

**Q**uantopere hæc recollectio necessaria sit iis, qui curam animarum susceperunt, Servator ipse Merc. 6. indicavit, dum ad Apostolos suos velut primos Pastores animarum dixit: *Venite seorsum in desertum locum, & requiescite pauxillum*. Quis vero tali recollectioni scopus præfixus esse debeat, sat clare DEUS Osee c. 2. insinuavit, dum de anima peccatrice post amatores eunte, & DEI obliviscente dixit: *Propter hoc ecce ego lachabo eam, & ducam in solitudinem, & loquar ad cor ejus*; his namque verbis quid aliud significare voluit, nisi quod, quemadmodum perfectio Christiana in dilectione DEI consistit, dilectio vero a corde originem trahit, ita potissima hominis cura in eo consistere debeat, ut cor ipsius recte se habeat, id est, omnem suum amorem in DEUM, propter quem creatus est, transferat; hinc juxta Psalmistam Ps. 32. sigillatim DEUS fecit corda eorum, id est, cum ea figura, & situ creavit, ut ex ipsa dispositione moneretur homo, quod cor ipsius ad ipsum diligendum factum sit; hinc enim I. Superiori sua parte, quæ aperta est, cœlum respicit, ut intelligat homo, nemini per amorem cor apertum esse debere, nisi soli DEO; nam, ut bene pius

ne pius Auctor. l. 2. c. 7. dixit, *Dilectus tuus talis est natura, ut alienum non velis admittere, sed solus vult cor tuum habere, & tamquam Rex in proprio throno possidere.* Ob eundem finem etiam 2. In inferiori parte clausum; & acuminatum est; ut cognoscat homo, se terram, & terrestria tantum in puncto quodam attingere debere, quantum scilicet præcise ad finem suum ultimum obtinendum necessarium est, ut sic cum veritate de eo dici possit, quod Apostolus 1. Cor. c. 7. dixit, quod scilicet utatur hoc mundo tamquam non utatur. Sed & 3. triangulari cum figura creavit, ut, quemadmodum vas triangulare a nullo globo, sed sola substantia triangulari impleri potest, ita certo quoque sibi persuadeat homo, se, etiamsi totum mundum in cor suum admitteret, satiari non posse, sed a sola Trinitate hoc præstari debere. Præcipue vero 4. duos motus systole, & diastole vocatos, per quos putridus aer expellitur, & recens attrahitur, eidem cordi indidit, ut meminerit homo, se quoque omnes creaturas, quas inordinate amaverat, repellere per contemptum, ipsum vero DEUM per amorem attrahere debere, & ex hoc gemino motu perinde, ac ex pulsû arteriarum colligi statum animæ posse. Atque hæc videlicet causa est, cur DEUS Prov. c. 13. ante omnia cor petierit, dicens: *Præbe, fili, cor tuum mihi*; & dæmon quoque, ut Philippus Diez in suis Concionibus refert, Eremitæ scire cupienti, quod gratissimum DEO munus esset, in specie Angeli apparens dixerit, nihil gratius ipsum DEO offerre posse, quam si mediam lunam, rotunditatem Solis, & quartam partem rotæ offerret; quod, cum Eremita non intelligeret, atque adeo explanationem a DEO instanter peteret, per alium, eumque verum Angelum ipsi significatum est, per mediam lunam litteram C. per rotunditatem solis litteram O, per quartam vero partem Rotæ primam litteram R. in verbo *Rota* comprehensam intelligi, & quia ex his trius litteris junctis nomen COR efficitur, hoc ipsum esse donum gratissimum, quod DEO offerri possit.

Ex quibus omnibus facile nunc colligitur; renovationem hominis in eo potissimum consistere, ut, si quidem cor suum per vitæ teporem, & inordinatum ad creaturas amorem inveteratum, & detortum fuerit, per novi fervoris concepti remedium iterum innovetur, & rectificetur. Unde merito quisque renovationem ejusmodi instituere cupiens, illa Prophetæ Davidis Psal. 94. verba sibi dicta credere debet: *Quadrageinta annis proximus fui generationi huic, & dixi semper: hi errant corde. Hodie ergo, si vocem ejus audieritis, nolite obdurare corda vestra.* Et, ut per Ezechielem cap. 18. monet: *Projicite a vobis omnes pravaricationes vestras, in quibus pravaricati estis, & facite vobis cor novum, & spiritum novum.* Quia autem lex præcipue proprietates S. Scriptura in corde requirit, & prædicat, scilicet cor novum, mundum, rectum, ardens, carneum seu molle, & altum; hinc de his quoque totidem meditationes præscribentur, aliæque occupationes eundem in finem tendentes suggerentur.

## PRIMA DIES.

### Tessera.

**F**ilii hominum, usquequo gravi corde, ut quid diligitis vanitatem, & quæritis mendacium? Ps. 4.

## MEDITATIO I.

### DE CORDE NOVO PROCURANDO.

Præludium I. Est, imaginari, Christum juxta fornacem Fabri ferrarii stantem, & cor tuum forcipe apprehensum, igni excitato applicantem, & dicentem: *Ecce nova facio omnia.*

Præludium 2. Est, petere gratiam, ut causas, & modum novi cordis procurandi, id est, renovationis instituendæ rite cognoscere, seduloque adhibere possis.

Pun-



## Punctum I.

Considera I. Quid sit cor novum, & quomodo constitutum esse debeat; id ex S. Pauli doctrina discas c.4. ad Ephs. sic loquentis: *Hoc igitur dico, & testificor in Domino, ut jam non ambuletis, sicut & Gentes ambulantes, in vanitate sensus sui, tenebris obscuratum habentes intellectum, alienati a vita DEI, per ignorantiam, qua est in illis, propter cecitatem cordis ipsorum. Vos autem non ita didicistis Christum, sic tamen illum audistis, & in ipso edocti sicut est veritas in JESU, depone re vos secundum pristinam conversationem veterem hominem, qui corrumpitur secundum desideria erroris; renouamini autem Spiritu mentis vestrae, & induite novum hominem, qui secundum DEUM creatus est, in justitia, & sanctitate veritatis.*

Considera II. An non in te quoque vetus homo per cor inveteratum, & teporem vitæ vixerit; id colligere poteris ex sequentibus indiciis, quæ P. Claudius Aquaviva Societatis JESU Generalis in sua Epistola de renovatione Spiritus ad Socios suos scripta indicavit. 1. Orare & Meditari sine sensu, & fructu. 2. Ægre se colligere, & ad cor redire. 3. Cogitata, dicta, factaque sua sine pudore, & emendationis seriæ proposito cursim examinare. 4. In res extraneas libenter effundi, non proximi juvandi, sed tædii vitandi, & solatii sensualis emendicandi causa. 5. Liberius obloqui, & aliorum dicta, factaque sine respectu carpere. 6. In animarum Zelo languere, laboresque earum causa suscipiendos, qui dulces olim erant, acerbos ducere. 7. Ægre, & tarde Superioribus, aut aliis salubria consilia, & præcepta suggerentibus obtemperare. 8. Honorifice ab omnibus æstimari, & tractari velle; hæc enim omnia, cum recte rationi, fini ultimo, exemplo Christi penitus difformia sint, clare arguunt, non eum hominem, qui ad justitiam exercendam & Sanctitatem veritatis obtinendam creatus est, sed veterem secundum desideria erroris ambulantem in te vivere.

Con-

Confidera III. An non hæc indicia in te quoque hætenus copioſeprehenderis , atque adeo juſtas , ac multiplices cordis novi procurandi , renovationiſque inſtituendæ cauſas habeas .

Colloquium ad SS. Patronos .

## Punctum II.

Confidera I. Quantopere tibi hæc renovatio neceſſaria ſit , ſive propriam , ſive alienam ſalutem , quæ utraque tibi ſumme cordi eſſe debet , conſideres ; ſi enim 1. propriam ſalutem conſideres , undique te ab hoſtibus eidem inſidantibus obſeſſum vides ; intus quidem a propriis paſſionibus , & pravis habitibus , de quibus merito illud Chriſti Matth. x. uſurpatur : *Inimici hominis domeſtici ejus* ; foris vero a Dæmonibus , qui , præterquam quod inviſibiles ſunt , & hoc nomine Superiores , caliditate tantum valent , ut etiam cum fortiſſimis Athletis Chriſti congreſſi sæpe evaſerint ; ſed & viribus tantopere pollent , ut quaſi paleas ferrum , & quaſi lignum putridum eos exiſtimant ; vigilantiam vero tam ſolicitam adhibent , ut non unum , alterumve menſem , aut annum , ſed vitam plane univerſam obſideant , & oppugnent ; & odio denique tam inſatiabili , erga eos maxime , quos ſibi magis contradicentes , & alios quoque a ſe , ſuoque ſervitio avertentes vident , exardeſcunt , ut nullis eorum malis exſatientur . Si vero 2. alienam ſalutem conſideres , & ex una parte quam gravis tibi obligatio per Paſtoris officium ſuſceptum incumbat ; ex altera vero parte , quam noxius ſit omnis in hoc officio languor , & negligentia , perpendas , merito ſane imperfectum tuum deſlere , cavereque deinceps ſaltem debebis , ne per tuam culpam converſio , & ſalus multorum pereclitetur , atque adeo ſevera tibi olim coram DEO reddenda ratio incumbat .

Confidera II. Quam ſolidæ , & efficaces ſint hæ rationes , ad quemvis perſuadendum , ut ſeriam renovationem inſtituat , & , quo ſuam , & alienam ſalutem ſecurius , & abundantius procurare poſſit , ſolidas vir-  
tu-

tutes, & sanctitatem, velut aptissima instrumenta comparare studeat.

Considera III. An tu hætenus has rationes perpenderis, iisque te ad vitæ veteris emendationem, novæque studium excitare conatus fueris, & vero etiam deinceps velis. Colloquium ad B. Virginem.

### Punctum III.

Considera I. Quæ media adhibere ad simile cor novum procurandum debeas; sequentia videlicet. 1. Ut Christo illud demisse offeras, suppliciterque petas, ut illud per gratiam, & exemplum suum ob oculos tuos efficaciter propositum renovare dignetur; non enim *cor Regis* dumtaxat ut Salomon Prov. v. 21. ait, sed *Operatorum* etiam, & *Pastorum* Oves sibi commissas regentium, *in manu Domini est; quocumque voluerit, inclinabit illud*. 2. Ut omnia, quæ retro sunt obliviscens, totum te ad anteriora convertas, dicasque cum S. Davide Psal. 76. *Dixi, nunc cæpi*. Quod quidem medium jam pridem suavit S. Antonius, dum, ut in vita ipsius. S. Athanasius refert, Fratrum cœtu aliquod ab ipso Spirituale monitum petente, sic exorsus est: *Hæc sit primum cunctis in commune mandatum; nullum in arrepti propositi vigore lassescere, sed quasi incipientem augere semper debere, quod cæperis*. 3. Ut beneficia tum generalia, puta Creationis, Justificationis, Redemptionis, Vocationis, & Prædestinationis; tum specialia Personam tuam solam concernentia, qualia haud dubie multa deprehendes, animo volvas, eorumque magnitudine perpensa, velut totidem prunis fervorem accendas, atque ad perfectam vocationis tuæ executionem te extimules. 4. Ut doctrinam a libello de Imitatione l. 1. cap. 15. traditam observes, quæ ait: *Duo specialiter ad magnam emendationem juvant, videlicet subtrahere se violenter, ad quod Natura vitiose inclinatur; & ferventer instare pro bono, quo amplius quis indiget*.

Considera II. Quam solida, & efficacia sint hæc media

dia ad novum cor procurandum, veramque renovationem instituendam; utpote quæ a Sapientissimis expertissimisque Magistris præscripta, & multiplici experientia abunde sunt confirmata.

Confidera III. An tu ea hæcenus adhibueris; aut quomodo deinceps saltem adhibere velis. Colloquium ad Christum. Repetendo frequenter illud Davidis Ps. 56. *Paratum cor meum, DEUS; paratum cor meum.*

## M E M B R U M II.

### DE CORDE MUNDO PROCURANDO.

Præludium I. Est, imaginari Christum antea te stantem, & cor tuum per peccata tua valde deturpatum e corpore tuo extrahentem, & Sanguine suo, lacrymisque tuis inter se commistis abluentem.

Præludium II. Est, petere gratiam, ut peccatorum hæcenus a te commissorum multitudinem rite cognoscere, & serio detestari, & emendare possis.

### Punctum I.

Confidera I. Qualem Munditiam in corde tuo a te requirat DEUS; scilicet ut non tantum ab omni peccato mortali, sed veniali etiam, quantum per DEI gratiam fieri potest, liberum, & immune sit, ita ut mortem millies obire malles, quam unico, eoque minimo peccato veniali DEUM deliberate offendere.

Confidera II. Quot titulis talis a te Mundities exigatur; tribus videlicet, triplici Officio tuo respondentibus, SS. Missæ Sacrificio offerendo, Officiò Divino recitando, & Sacramentis administrandis; si enim jam olim DEUS a Sacerdotibus veteris Testamenti Sacrificia vel Sacramenta imperfecta, quæ figura dumtaxat erant Sacrificii nostri oblaturis, vel administraturis, exigebat, ut essent sine macula; si Moyse ad Colloquium admittendo præcipiebat, ut calceamenta de pedibus tolleret, quanto magis a te, aliisque Sacerdotibus Sa-  
crifi-

crificium infinities perfectius oblaturis , & Sacramenta longe nobiliora administraturis , ac ad familiare colloquium nomine Ecclesiæ quotidie admittendis similem imo maiorem munditiem requiret ?

Considera II. An hæctenus talem Munditiem habueris ; aut certe deinceps procurare velis . Colloquium ad SS. Patronos .

## Punctum II.

Considera I. Quibus potissimum mediis uti debeas ad prædictam cordis munditiem obtinendam ; videlicet balneo pœnitentiæ , & confessionis cum magna præparatione , & contritione peractæ ; hoc enim medium iussit S. Joannes 1. cap. 1. dicens : *Si confiteamur peccata nostra , DEUS fidelis est , & iustus , ut remittat nobis peccata nostra , & emundet , nos ab omni iniquitate ; cessat namque vindicta Divina , si confessio præcurrat humana , ut recte S. Ambrosius super Psal. Beati immaculati notavit .*

Considera II. Quam idoneum , & efficax sit hoc balneum ad peccatorum sordes abstergendas , utpote ex pretioso Christi sanguine , qui ad totius Mundi peccata tollenda sufficiebat ; & tuis lacrymis , quæ ex contrito pectore fluunt , compositum , quamque adeo merito de hoc balneo dicere queas cum Psalmista Psal. 50. *Asperges me byssopo , & mundabor , lavabis me , & super nivem dealbabor .*

Considera III. Cum aqua plerumque tanto sit ad maculas corporis abluendas aptior , quanto magis calida fuerit , idemque multo magis in aqua tua , & balneo spirituali , id est , Sacramento Pœnitentiæ locum habeat , quod tanto plenius remittit peccata , eorumque pœnam , quanto majori cum dolore , & integritate fuerit peractum ; quam æquum sit , ut omnes partes hujus Sacramenti cum singulari ardore , & perfectione implere studeas , dicasque cum S. Gregorio in Psal. 2. pœnit. *Præoccupemus faciem Judicis in confessione , ut quæ tentationi parenter , manum non possumus effugere judi-*

judicis per confessionem mundati clementiam experiamur misericordis. Colloquium ad B. V.

### Punctum III.

Considera I. Ad cor mundum non sufficere, ut semel, iterumque mundatum sit, sed ut constanter Mundum permaneat, atque adeo efficacia media adhibeantur, per quæ a sordibus deinceps contrahendis defendatur; sicque tu illa Sponsæ Cant. 5. verba usurpare possis; *Explicavi me tunica mea* ( id est, pravis desideriis ) *quomodo induar illa? lavas pedes meos* ( & cor meum a peccatorum sordibus ) *quomodo inquinabo illos?*

Considera II. Quænam potissimum media ad arcendas ejusmodi sordes, & maculas adhibere debeas; videlicet 1. Considerationem pessimorum fructuum, quos peccata hætenus a te commissa reliquerunt, applicando tibi verba illa S. Pauli ad Rom. c. 6. *Quem ergo fructum habuistis in illis, in quibus nunc erubescitis, & doletis ob damna sublecuta; nam finis illorum mors est, aut certe, si venialia dumtaxat sunt peccata, morbus Spiritualis animæ graviora afferens damna, quam omnia hujus mundi mala a peccato distincto inferre possint; si ergo vel ipsa bruta non facile redeunt ad locum, in quo graviter vapularunt, aut ceciderunt; qui fieri posset, ut tu ad eadem peccata perpetranda redires, si damna per peccatum accepta rite perpenderes. O utinam sapieres aliquando, & novissima provideres, & frequenter animo volveres, profecto in æternum deliberata voluntate non peccares. 2. Radicis extirpationem, quæ est opinio falsa bonitatis sub rebus a nobis inordinate concupitis latentis; ex hac enim opinione nascitur concupiscentia, quæ, cum conceperit, id est, in pectus admissa, & per consensum ac delectationem approbata fuerit, parit peccatum; hæc ergo opinio tollenda est per certissimam persuasionem, quod nullum esse possit verum animæ bonum, nisi quoad ultimum finem consequendum juvat; nullum vero e contrario malum, nisi quod ab hoc fine impedit, vel abducit; hæc namque*

que persuasio si semel animum occupaverit, facile eundem ab amore illicitorum objectorum abducet, utpote quæ non nisi falsa, fluxa, vana, turpia, noxiaque bona esse ostendet. 3. *Amoris Divini Augmentum*: nam ut recte SS. Patres dixerunt, *Augmentum charitatis est diminutio cupiditatis*; cum enim Bonitas Divina semel gustatur, facile terrestria desipiunt, illæque S. Ignatii voces audiuntur: O quam sordet mihi terra, cum cælum aspicio!

Considera III. Quam efficacia sint hæc media utpote tam multis exemplis comprobata, maxime S. Augustini de seipso fatentis: *O quam suave mihi subito factum est carere suavitatibus nugarum; & quas amittere metus fuerat, jam dimittere gaudium erat; ejiciebas enim eas tu vera & summa suavisitas*. Vide proin, quomodo deinceps eadem adhibere velis. Colloquium ad Christum illud S. Davidis Ps. 50. usurpando: *Cor mundum crea in me DEUS, & Spiritum rectum innova in visceribus meis*.

## OCCUPATIONES.

### *Reliquæ hujus Diei.*

I. Præter binas Meditationes supra assignatas, & consuetas preces, & conscientiæ examina, tres præcipue occupationes aliæ suscipiendæ erunt. Quarum prima est præparatio ad generalem Confessionem ab ultima saltem generali Confessione faciendam; per hanc quippe cum peccatorum plerorumque cumulus ob oculos ponatur, hoc ipso clarior sui ipsius notitia, vehementior dolor, & erubescencia, & acrior denique ad amandum DEUM stimulus comparatur, ut, ubi abundavit delictum, ibi abundet & charitas; & præterita negligentia posteriori fervore compensetur.

II. Secunda Occupatio erit accuratum Examen circa ea, quæ propriam tuam personam concernunt, & insequentibus ferme quæstionibus consistunt.

Quibus vitiis potissimum hætenus subjectus fueris?  
quæ

quæ talium vitiorum origo? quibus mediis excindenda?

Quibus Passionibus adhuc magis obnoxius sis, odio videlicet, an amoris? gaudiis an tristitiæ? concupiscentiæ, vel iræ? & quomodo deinceps moderandæ?

Quomodo te in custodia sensuum externorum, puta Visus, auditus, gustus, odoratus, tactus; & internorum, puta memoriæ, intellectus, & voluntatis gesseris?

Quas corporis castigationes, & quo fructu susceperis?

Quomodo duplici examine conscientiæ, generali scilicet, & particulari, ac poenitentiæ Sacramento, vel præcipuis ad peccata extirpanda, mediis usus fueris?

Qua diligentia, & intentione actiones tuas quotidianas peregeris? an ordinem diurnum pro iisdem præscriptum diligenter observaveris?

Quo fervore, & constantia virtutum ad te ipsum pertinentium studium susceperis? quibus mediis ad eandem animo tuo inferendas sis usus.

Quomodo in humilitate proficere studueris? an teipsum ex animo despicias? an ab aliis quoque despici exoptes, & gaudeas, ut Servatori tuo similior fias?

Quomodo temperantiam in cibo, & potu observaveris? an non præpropere, laute, nimis, ardentem, studiose comederis, vel biberis? quam mensuram deinceps observare velis.

Quomodo paupertatem Spiritus observaveris? an non inordinato, & nimio appetitu divitias appetieris, aut quæsieris? an victu, & amictu contentus vixeris?

Quomodo castitatis virtutem Sacerdotibus tantopere necessariam exercueris? an nihil contra eam opere, verbo, aut cogitatione peccatum? an omnes occasiones ejusdem violandæ studiose declinatæ?

Quomodo Modestiae studueris? an manus, lingua, facies ab omni decencia custoditæ? an nugæ, quæ in ore Sacerdotibus sunt blasphemiarum, teste S. Bernardo, sollicitè sint devitatæ?

Quam patienter adversos casus, & tribulationes occurrentes exceperis?



III. Tertia occupatio erit Spiritualis libri lectio, in primis quidem duorum capitum ex libello de Imit. Christi l. 1. c. 1. & l. 2. c. 6. Deinde vero vel Ludovici de Ponte to. 4. de perfectione; vel Ludovici Abellii de Sacerdote Christiano; vel Jacobi Marchanti in virga Aaron; vel Manualis Parochorum Caroli Musarti; vel Instructionis meæ tertix de conversatione Apostolica; vel quartæ de Pastorum Officio.

## DIES SECUNDA.

### Tessera.

Inclinavi cor meum ad faciendas justificationes tuas in æternum propter retributionem. Ps. 118.

## MEDITATIO I.

### DE CORDE RECTO PROCURANDO.

Præludium I. Est, imaginari Christum cor tuum, quod inversum erat, terramque superiori parte respiciebat invertentem, & in recto, ac naturali suo statu collocantem.

Præludium 2. Est, petere gratiam, ut, quæ corde tuo rectitudo competat, clare cognoscere, eamque studiose procurare possis.

### Punctum I.

Considera I. Qualem rectitudinem a te in corde tuo DEUS requirat; videlicet ut sursum semper apertum sit, cœlumque, & DEUM per intentionem semper respiciat, nihil aliud desiderando, & quærendo, quam ut DEI Sanctissimum beneplacitum semper perfectissimo modo adimpleatur, sicque salubre S. Pauli consilium 1. Cor. 10. observetur: *Sive manducatis, sive bibitis, sive aliud quid facitis, omnia ad Dei gloriam facite.* Hoc sane Sponsus Cant. 8, Sponsæ suæ suavit, dum dixit: *Pone me ut*

Q q

signa-

*signaculum super cor tuum, ut signaculum super brachium tuum.*

Confidera II. An talem rectitudinem in corde tuo hactenus habere studueris, id colliges ex sequentibus indiciis. I. Si non ægre feras, cum opera tua absque tua culpa male succedunt, & non laudantur. Si, cum sapit, quod agis, æque magnam diligentiam, ac cum desipit, adhibeas: III. Si cum alii præclara patrant opera, æque magnam percipias voluptatem, ac si patrales. IV. Si ad honorifica officia æque, ac humilia paratus sis; parumque cures, an multos vel paucos Auditores, Discipulos, Filios Confessionis habeas. V. Si in occulto æque, ac publico opera tua ferventer, ac studiose peragas. Ob quæ indicia, quia apud paucos reperiuntur, recte S. Hieronymus in epist. ad Lucif. dixit: *Conveniat unusquisque cor suum, et in omni vita inveniet, quam rarum sit fidelem animam reperiri, ut nihil ob gloria cupiditatem, nihil ob rumusculos hominum faciat. Neque enim statim, qui jejunit, Deo jejunit: aut extendens pauperi manum, Deo facerit. Vicina sunt vitia virtutibus; difficile est, Deo iudice esse contentum.*

Confidera III. An tu hæc indicia hactenus in teprehenderis; & si minus reperiās, saltem deinceps, ut habeas, cura, dicereque cum Esther c. 14. possis: *Tu scis, Domine, quod numquam latata sit ancilla tua, ex quo huc translata sum, usque in presentem diem; nisi in te, Domine.* Colloquium ad SS. Patronos.

### Punctum III.

Confidera I. Quam æquum sit, ut hanc rectitudinem cordis tui totis viribus procures, cum plane ea sit optimum, & efficacissimum instrumentum ad triplicem finem tibi præfixum obtinendum. Nam I. Quomodo gloriam divinam magis augere, & procurare potes, quam si eandem omnibus tuis cogitationibus, verbis, & operibus velut ultimam meam constituas; & sicut Deus omnia creavit propter semetipsum, sic nec tu aliquid fuisse, vel esse velis nisi propter ipsum, ob solam scilicet

licet illius voluntatem, non tuam voluptatem. Sed & II, ad salutem propriam certius, & abundantius procurandam optimum est instrumentum, cum hæc intentio sit oculus actionum nostrarum, atque adeo si oculus hic lucidus seu bonus fuerit, totum corpus, id est, actio lucida, & meritoria sit futura, ut præclare S. Gregorius l. 28. mor. c. 6. indicavit, dum dixit: *Quid per oculum exprimitur, nisi opus suum præveniens cordis intentio, quæ, priusquam se in actione exercent, hoc jam, quod appetit, contemplatur; & quid appellatione corporis designatur, nisi unaquæque actio, quæ intentionem suam, quasi intuentem oculum sequitur? Lucerna itaque corporis est oculus, quia per bonæ intentionis radium merita illustrantur actionis.* Quod vero non minus etiam ad proximi salutem procurandam efficax sit instrumentum, ex eo colligitur, quod, quo magis operarius Apostolicus cum Christo velut vite conjungitur, tanto majorem fructum faciat; conjungi autem melius non possit, quam si purissima intentione, quæ est perfectissimus actus amoris, omnia sua opera faciat; hinc Christus Joan. 8. dixit: *Et non reliquit me solum (operari) quia quæ placita sunt ei, facio semper.*

Considera II. Quam amplius, & multiplex tibi præter tres assignatos hinc fructus ex hac rectitudine intentionis sit oriturus; nam in primis perfectissimam ad quævis opera, & officia indifferentiam generabit, cum per omnia æqualiter te Deo placere posse scias, utpote qui non tam attendit, quantum, quam, & quanto affectu quis agat. Deinde vero ad summam in operibus tuis diligentiam adhibendam te excitabit, utpote quæ scias non homini, sed DEO velut supremo Domino offerri. Denique singularem, & constantem lætitiâ animo conciliabit, cum summum operibus tuis singulis præmium, nempe beneplacitum DEI propositum esse scias, ut adeo vere in te implendum sit illud Ps. 31. *Letamini in Domino, & exultate justi, & gloriamini omnes recti corde.*

Considera III. Quam efficacia sint hæc motiva, di-

gnaque , ut propter ea omnem conatum in rectitudine hac cordis procuranda adhibeas . Colloquium ad B. Virginem .

### Punctum III:

Confidera I. Quæ media adhibere debeas ad istam rectitudinem procurandam ; videlicet sequentia tria . I. Ut dignam de hac rectitudine intentionis æstimationem concipias , certoque tibi persuadeas , non posse majus pro tuis operibus præmium aut excogitari , aut appeti , quam beneplacitum divinum , uti præclare indicavit S Chrysostomus l. 2. de compunct. cordis , sic loquens : *Si omnino dignus fueris agere aliquid , quod Deo placuerit , aliam ne require mercedem , præter hoc ipsum ; quod placere meruisti . Si enim aliam requiris mercedem , vere ignoras , quantum bonum sit placere DEO ; si enim scires , numquam aliquid aliud extrinsecum mercedis aut muneris expeteres .* II. Ut , quantum fieri potest , tua opera , maxime si præclara sint , & insignes victorias tui ipsius contineant , libenter in occulto facias ; sic enim assuesces humanam laudem , & æstimationem non appetere , sed solo DEI beneplacito contentus esse , dicesque cum Epicteto . *Hac ago non multis , sed tibi ; sua magnum enim alter alteri theatrum sumus .* Quod si vero opus occultari non possit , juxta consilium S. Gregorii ho. 21. in Evang. *Sic sit opus in publico , quatenus intentio maneat in occulto , ut & de bono opere proximis præbeamus exemplum , & tamen per intentionem , qua soli DEO placere quarimus , semper optemus secretam .* III. Ut non contentus generali matutina intentione , specialem singulis tuis actionibus præfigere studeas , prisci illius Ascetæ , de quo P. Drexelius in amussi l. 1. c. 1. §. 2. meminit , exemplum secutus , qui , cum opus aliquod aggressurus subsisteret cogitanti similis , ab alio postea , cur hoc ageret , interrogatus , respondit , se amore eorum , qui sagittas ad metam jaculantur , prius opera sua ad DEI beneplacitum dirigere , eo quod talia opera ex se nul-

la & informia sint, nisi sincero fine, rectaque intentione vestiantur.

Considera II. Quam efficacia simul, & facilia sint hæc media, ac multorum ferventissimorum Operariorum exemplis comprobata, præcipue SS. Thomæ Aquinatis, & Ignatii Lojolæ, quorum ille laudatus a DEO, quod bene de se scripserit, ideoque, quam mercedem peteret, rogatus; *Non aliam nisi te; Domine*, respondit; iste vero pro symbolo suo familiari habuit: *Omnia ad majorem DEI gloriam*; ut adeo merito S. Chrysostomus ho. 21. in Matth. illum in se ipsum crudelem Tyrannum esse dixerit, qui potest alio contentus esse præmio, quam DEO.

Considera III. An hactenus observaris, aut certe quomodo deinceps hæc media observare velis, Legatorum Romanorum morem aliquo modo secutus, qui ad Principem quempiam missi, in reditu sua munera in Gazophilazio deponebant, ne munerum causa ivisse crederentur; sic ergo & tu alia motiva sepone, eumque in finem memorandum S. Augustini in Ps. 58. sententiam in mente habe: *Psallite ergo non nomini vestro, sed Nomini Domini DEI vestri. Vos psallite, ille laudetur: vos bene vivite, ille glorificetur. Vox enim hujus cantoris, ut idem S. 256. de temp. ait: est fervor sancti amoris. Amemus, gratis amemus; Dominum enim amamus, quo nihil melius invenimus. Ipsum amemus propter ipsum, et nos in ipso, tamen propter ipsum. Colloquium ad Christum illud S. Davidis Ps. 113. identidem repetendo: Non nobis, Domine, non nobis, sed Nomini tuo da gloriam.*

## MEDITATIO II

### DE CORDE ARDENTE PROCURANDO.

Prælude I. Est, imaginari Christum cor tuum fornicari ardenti applicantem, & idem pariter ardens efficientem.

Prælude II. Est, petere gratiam, in quo ardor iste

consistat; ut rite cognoscere, & per convenientia media solcite procurare possis.

### Punctum I.

Confidera I. Quid sit cor *ardens*, quod DEUS a te petit; nempe cor vehementi desiderio, & studio divinam gloriam, tuamque, & proximi salutem procurandi accensum.

Confidera II. Ex quibus indiciis colligi possit talis ardor; ex illis nempe effectibus, quos in aqua ferventeprehendimus: ut enim hæc I. majus longe, quam prius habebat, spatium occupat, ita ardor quoque cordis amore accensi majora semper & perfectiora opera pro DEI gloria, & proximi salute patrare cupit, uti præclare S. Gregorius advertit, dicens: *Amor operatur magna, si est; aut si operari renuit, amor non est.* II. Sicut aqua fervens magno cum impetu, & vehementia ebullit; ita cor ardens etiam magna cum alacritate & celeritate opera ad DEI gloriam, & animarum salutem spectantia arripit, operatur. *Nescit enim tarda molimina Spiritus Sancti gratia*, teste S. Ambrosio. III. Sicut aqua fervens se effundit, & calore suo omnia adjacentia calefacit, & fervere pariter facit; ita cor ardens non contentum est, quod ipsum sit accensum, sed alios quoque simili ardore accendere cupit, uti recte S. Gregorius ostendit, dicens: *In quantum vos profecisse pensatis, etiam vobiscum alios trahite: in via Domini socios habere desiderate; si ad DEUM tenditis, curate, ne ad eum soli veniatis.* IV. Sicut aqua fervens contra naturam sursum ascendit, & sic violentiam patitur, ita cor ardens assiduo sibi violentiam facit, sive negando concupita, sive sustinendo contraria; hinc SS. Ignatius, & Franciscus Xaverius ferventissimi Operarii pro familiari axiomate habebant: *Vince te ipsum.*

Confidera III. An tu similes affectus hætenus in te expertus sis: aut certe deinceps procurare velis? Colloquium ad SS. Patronos.

## Punctum II.

Considera I. Præclaros, & multiplices fructus, quos cor tali modo ardens producit; quorum primus & summe optandus est, quod a DEO specialiter diligatur, & favores quoque particulares accipere mereatur; uti pulchre S. Bernardus S. 23. in Cant. indicavit, dicens; *Qua amat ardentius, currit velocius, & citius perveniens non dico repulsionem, sed nec cunctationem patitur; sine mora aperitur ei tamquam domestica, tamquam carissima, tamquam specialiter dilecta, & singulariter grata.* Secundus est, quod ad proximi salutem procurandam specialiter conducat; tum quia, ut Cæsius ho. ad Monach. bene advertit, *Ubi viderit DEUS Devotionem animi, ardentiorē insinuabit affectum, & quantum nos apposerimus ad studium, tantum ille apponet ad adiutorium;* tum quia amor nobilis, ardens teste Thoma Kemp. l. 3. c. 5. *valet ad omnia, & multa implet, & effectui mancipat, ubi non amans deficit, & jacet.* Tertius est, quod, ut S. Ignatius in epist. de perfect. ait, rarum aliquod, & eximium facinus antecellat sexcentis vulgaribus, & minutis, atque adeo præmium etiam majus mereatur a DEO, qui magis pensat, ex quanto quis agit, quam opus, quod facit. Quartus est, quod ad omnia dure, & difficilia levius portanda plurimum proficit, uti recte Thomas Kemp. l. 1. c. 25. advertit, dicens: *Si dederis te ad fervorem, invenies magnam pacem, & sentiens leviorē laborem propter DEI gratiam, & virtutis amorem.*

Considera II. Quam pretiosi sint hi fructus, dignique, propter quos cum Sponsa Cant. L. dicas: *Ascendam in palmam* ( id est, mihi ipsi vim inferam ) *& apprehendam fructus illius.*

Considera III. Quomodo deinceps hos fructus procurare, atque adeo, ut S. Ignatius l. c. hortatur, in sinu cordis tui, vividum quemdam, sanctumque fervorem ad quovis pro DEI gloria, & animarum salute exarandos labores concipere velis. Colloquium ad B. V.

## Punctum III.

Confidera I. Quæ media adhibere debeas ad simile cor ardens procurandum, ſequentia videlicet. I. Ut fructus in priori puncto explicatos bene apprehendere, & æſtimare diſcas; per illos enim velut totidem ligna non modice accendetur hic ignis fervoris. II. *Ut vitæ brevitatē* ſæpius animo volvas, ſimulque certo tibi perſuadeas, quod perfectionis & gratiæ non compararis in vita, id te numquam alias comparaturum, ut ſapienter Siracides monuit, cap. 9. dicens: *Quodcumque facere poteſt manus tua, inſtanter operare; quia nec opus, nec ratio, nec ſapientia, nec ſcientia erunt apud inferos, quo tu properas.* Unde hoc medium ſuaſit pius Auctor l. 1. cap. 25. dum dixit: *Si frequentius de morte tua, quam longitudine vitæ cogitares, non dubium, quin ferventius te emendares.* III. Ut ſæcularium divitias, & honores quærentium fervorem animo objicias, dicæque: *Potuerunt iſti, et iſta, et tu non poteris; Hoc medium ſuaſit S. Ignatius in cit. epiſt. ſic loquens: Nolite pati, ut bujus ſæculi homines plus laborum, et moleſtiarum ſuſcipiant, in conquirendis ſtudioſe voluptatibus ac rebus caducis, quam vos in cæleſtibus, ac divinis comparandis: pudeat, illos majori opera eniti ad aucupandam gratiam Principis, quam vos laboretis ad amicitiam cum aeterno Rege comparandam.*

Confidera II. Quam efficacia ſunt hæc media, utpote a tam expertis Magiſtris præſcripta, & ſæpius non ſine magno profectu adhibita.

Confidera III. An, & quomodo tu ea hactenus adhibueris, aut adhibere deinceps velis, obſervans conſilium Siracidis c. 33. monentis: *In omnibus operibus tuis præcellens eſto; nec des maculam in gloria tua.* Sicque experiaris, quod Jeremias de ſe c. 20. teſtatur: *Et factus eſt (Zelus) in corde meo, ſicut ignis exaſtuans, clauſusque in offibus meis, et defeci ferre non ſuſtinens; ſed & dicæ cum Davide Pfalm. 118. Tabefcere me fecit Zelus meus.* Collo-



loquium ad Christum rogando, ut nunc tandem implere dignetur, quod Luc. 12. dixit: *Ignem veni mittere in terram, et quid volo, nisi ut accendatur?* Certe in hoc colloquio, si usquam alibi experire, quod Discipuli in Emaus Luc. 24. sunt fassi: *Nonne cor nostrum ardens erat, quando loquebatur nobis in via?*

## OCCUPATIONES

### *Reliquae Diei.*

I. Prima occupatio erit examinare te circa ea, quæ proximum tuum concernunt. Itaque examina teipsum

Quomodo te erga Superiores tuos hætenus habueris? an in eisdem Dei magis, quam hominis Personam confitearis? an filiali amore eisdem amplexus sis? an debitam reverentiam iis exhibueris? an perfectam illis obedientiam præstiteris, non tantum integre, ac celeriter eorum mandato exequendo, sed iudicium etiam, & voluntatem propriam eorum iudicio, & voluntati subijciendo? an eisdem contra alios murmurantes defende-  
ris, sicque Filios Noe Sem, & Japhet imitatus nuditatem Patrum tuorum texeris, veramque ab eis benedictionem obtinere merueris?

Quomodo te erga Parochianos tuos gesseris? an omnes universali amore sis complexus? an Sacramenta legitimo modo administraris, & verbum divinum fructuose prædicaveris? an pro iisdem, ut oportuit, frequenter, & ardentè oraveris? an ægros suo tempore diligenter visitaveris, & piis, idoneisve alloquiis recrearis? an Juventutis sedulam curam gesseris, & in doctrina Christiana suo tempore diligenter instruxeris? an etiam defunctis debitam charitatem, & auxilium precibus, & operibus ferventibus exhibueris?

Quomodo erga Domesticos tuos te gesseris? an salutem ipsorum cordi, ut decebat, habueris, atque ad peccatorum fugam,

fugam, virtutumque exercitium verbis, & exemplis excitaris? an laborem, & imperia discrete, & efficaciter correxeris? an debitum victum, & salarium fideliter porrexeris?

Quomodo erga alios tuæ curæ non subiectos charitatem tuam exercueris? an quod tibi fieri non velles, etiam illis non feceris, atque adeo nec cogitatione (puta suspicionibus, iudiciis temerariis, contemptibus) nec verbo (puta murmurationibus, detractationibus, mordacibus dictis, aut agnominibus) nec opere (puta debitum honorem, necessarium auxilium, petatum obsequium denegando; aut famam, opes, corpus lædendo) eisdem læseris? an quod tibi fieri velles, illis liberaliter præstiteris, atque adeo precibus, eleemosynis, obsequiis charitatem tuam demonstraris?

Quomodo te erga Inimicos tuos habueris? an iisdem offensas ex Christiana charitate remiseris? an juxta exemplum Christi pro illis ferventer oraveris? an varia charitatis officia exhibendo studueris carbones congerere super capita eorum?

Quibus motivis in charitate proximo exhibenda sis usus? an sincere propter Deum, an vero propter causam aliquam, aut dotem naturalem eundem dilexeris?

Quibus rationibus Zelum alienæ salutis in te excitare studueris, aut excitare deinceps velis?

Quæ media ad Proximi salutem procurandam hactenus adhibueris, aut adhibere deinceps velis?

Quæ impedimenta tibi in cura animarum obstiterint, quo minus optatum fructum referres, & quomodo remove eadem velis?

II. Secunda occupatio erit Lectio spiritualis ordinarii libri Ascetici, & ex libello de Imitatione Christi l. 1. c. 15. & l. 2. c. 4.

## . DIES TERTIA.

## Tertiera.

**Q**uid mihi est in cælo, & a te quid volui super terram? defecit cor meum, & caro mea, Deus cordis mei, & pars mea Deus in æternum. Pl. 72.

## MEDITATIO I.

## DE CORDE CARNEO PROCURANDO.

Præludium I. Est, imaginari Christum cor tuum durum eripientem, & aliud molle substituentem, prout per Ezechielem cap. 36. promisit, dicens: *Auferam cor lapideum de carne vestra, & dabo vobis cor carneum.*

Præludium II. Est, petere gratiam, ut, quale cor carneum a te requirat Deus, rite cognoscere, &, ubi cognoveris, studiose procurare possis.

## Punctum I.

Considera I. Quod triplici in sensu Deus a te cor carneum requirat. I. Ut idem significet carneum ac molle, & tractabile, uti Deus ipse loc. citat. insinuavit, dum dixit: *Dabo vobis cor carneum, & spiritum meum ponam in medio vestri, & faciam, ut ambuletis in præceptis meis, & judicia mea custodiat, & operemini.* Unde per hunc sensum cor carneum idem significat ac perfectam obedientiam, ac subjectionem, quam Deo, & Superioribus tuis exhibere debes.

Considera II. In quo consistat ista subjectio; in sequentibus, nempe I. Ut non aliud beneficium, nec alios subditos habere velis, quam quos Deus, & Superiores ipsi assignaverint. II.\* Ut eos, quos regendos susceperis, non aliter, quam juxta Dei, & Superiorum voluntatem per constitutiones Ecclesiasticas, & Ritualia in-

indicatam gubernare velis. III. Ut directionem, & correctionem Superiorum promptissima voluntate suscipias, & serio errorem commissum emendare studeas.

Confidera III. Quam æquum sit, ut hanc subjectionem Deo, & Superioribus perfectissime exhibeas; cum ex te palmes prorsus infructuosus sis, atque adeo merito Christo (& Superioribus locum Christi tenentibus) velut viti conjungi debeas, quod per obedientiam obtinebis; sine qua vere timere potes, ne illud Aggæi c. i. tibi obijci queat. *Ponite corda vestra super vias vestras: seminastis multum, et intulistis parum. Respexistis ad amplius, et factum est minus: et intulistis in domum, et exsufflavi illud. Quam ob causam dicit Dominus exercituum? Quia domus, (& voluntas) mea deserta est, et vos festinatis unusquisque in domum, (& voluntatem) suam. Propter hoc super vos prohibiti sunt cæli, ne darent rorem suum. Vide ergo, quomodo hactenus te hac in parte gesseris, & deinceps gerere velis. Colloquium ad SS. Patronos.*

## Punctum II.

Confidera I. Quod etiam in alio sensu Deus cor carneum a te requirat; ita videlicet, ut idem sit, ac cor humanum, & mite per efficacem mansuetudinem, qualem Christus Matth. ii. Apostolis suis commendavit, dicens: *Discite a me, quia mitis sum, & humilis oorde, & invenietis requiem animabus vestris.*

Confidera II. In quo consistat hæc mansuetudo; in sequentibus videlicet. I. Ut sinceram in omnibus functionibus, quas cum Proximo suscipis, dilectionem semper præferas; ita enim & vicissim amaberis, & quidquid volueris, facile impetrabis, ut S. Augustinus notavit, dicens tr. 7. in epist. S. Joann. *Dilige, & fac, quod voles.* II. Ut sermonis affabilitate, & dulcedine animos tibi conciliare studeas, sicque cum veritate ad eos, quibuscum tibi agendum est, sequentia Siracidis c. 24. verba usurpare possis: *Transite ad me omnes, qui concupiscitis me, & a generationibus meis adimplemini;*  
spiri-

*Spiritus enim meus super mel dulcis, & hereditas mea super mel & favum.* III. Ut, ubi correctio adhibenda est, S. Leonis Papæ doctrinam observes, & odio peccata habeas, non homines; & quod severius castigare necesse est, non sævientis plectas animo, sed medentis; nam ut S. Prosper l. 2. de vit. contempl. recte pronuntiavit, *Leniter castigatus exhibet reverentiam castiganti; asperitate autem nimia increpationis offensus, nec increpationem recipit, nec salutem.*

Confidera III. Quam necessaria tibi, & omni studio procuranda sit hæc mansuetudo, utpote efficacissimum ad animas lucrandas instrumentum; Nihil enim, teste S. Chrysostomo ho. de mansu. ita conciliat Domino Familiare, ut quod illum videant tranquillum se offerre, et mansuetudine jucundum; nam et talem majoris faciunt, habentque pro Patre, et non pro Domino. Gratus et amabilis est videntibus, gratus item et his, quibus tantum nomine notus est, neque facile ullum invenies, qui audiens laudari hominem mansuetum, illum videre, et exoculari non desideret, et non habeat in aliquanta lucri parte, ejus amicitia diu posse frui. Vide ergo, quomodo deinceps ejusmodi cor carneum & mite procurare velis. Colloquium ad Christum.

## MEDITATIO II.

### DE CORDE ALTO PROCURANDO.

Prælude I. Est, imaginari, quod Christus in cælo consistens cor tuum suo cordi uniat, sicque efficiat, ut nihil amplius in terris formides, juxta illud Psalmi 63. *Accedet homo ad cor altum, & exaltabitur DEUS.* Sagittæ parvulorum factæ sunt plaga eorum, et infirmatæ sunt contra eos lingua eorum.

Prælude II. Est, petere gratiam, ut in quo altitudo ista cordis consistat, vere cognoscere, illamque totis viribus sectari queas.

## Punctum I.

Confidera I. Qualem altitudinem cordis a te requirat DEUS; ut scilicet, sicut ii, qui supra montem Olympi ascenderunt, nullos ventos, nullas tempestates experiuntur, sed perpetuam serenitatem habent; ita & tu sic providentiæ, & voluntati divinæ totum te committas, & conformes, ut nullus te cælus adversus turbare, & affligere possit.

Confidera II. In quibus specialiter occasionibus hanc conformitatem ostendere debeas; in sequentibus videlicet I. Ut non alios Superiores, locum, officium, subditos, victum &c. habere velis, quam quos sapientissima DEI providentia tibi submisit. 2. Ut quocumque successu, & fructu laborum tuorum contentus existas, modo, quod in te erat, feceris. 3. Ut quemcumque casum adversum tranquillo, ac læto animo excipias, usurpans perpetuo unum ex sequentibus suspiriis: *Sicut Domino placuit, ita factum est: sit nomen Domini benedictum.* Vel: *Dominus est, quod bonum est in oculis suis, hoc faciat.* Vel: *Obmutui, & non aperui os meum, quoniam tu fecisti.* Vel: *Dominus precipit ei, ut malediceret mihi, & quis est, qui contradicat?*

Confidera III. Quam necessaria tibi sit hæc altitudo, utpote cui, sicut cum Paulo vas electum es, ut portes nomen Domini coram Gentibus, & Regibus, ita ostendetur pariter, quid te oporteat pro nomine ejus pati; ut adeo merito cum eodem sancto 1. Cor. 16. dicere queas: *Ostium mihi apertum est, magnum & evidens, & Adversarii multi.* Statue proin hanc altitudinem cordis totis viribus procurare. Colloquium ad SS. Patrones.

## Punctum II.

Confidera I. Quomodo ad hanc altitudinem cordis pervenire possis; nempe si, ut Christus ipse quondam S. Catharinam Senensem docuit, hæc tria firmissime credas.

das. 1. DEUM summe potentem esse, sine cujus voluntate nec stilus capitis tibi commoveri, aut eripi possit, ut adeo merito Siracides c. 11. dixerit: *Bona & mala, vita, et mors a Domino sunt*. 2. Eundem DEUM etiam summe sapientem esse, ita ut omnia mala, quæ ab aliis parata sunt, sciat in summum nostrum bonum convertere, uti in exemplo Josephi Patriarchæ Proregis Ægyptiaci clarissime videre est. 3. Denique etiam summe bonum esse, ut nihil nisi, quod nobis optimum esse cognovit, permissurus sit, ut adeo merito S. Paulus ad Rom. 8. dixerit, Diligentibus DEUM omnia in bonum cooperari.

Confidera II. Quam efficax sit hoc medium, ad dictam altitudinem obtinendam; cum, ut sapienter jam olim Epictetus c. 10. Enchiridii dixit, *Homines non perturbentur rebus, sed iis, quas de rebus habent, opinionibus*; hæc autem opinio efficaciter corrigatur, si juxta priorem doctrinam firmiter nobis persuadeamus, omnia, quæ sunt, a sapientissima, nostrique amantissima DEI providentia permitti, & in summum nostrum bonum ordinari, ita ut si ipsismet nobis electio relinqueretur, nihil melius, quam quod DEUS ordinavit, eligere possemus.

Confidera III. An hactenus hoc medio usus sis, & uti deinceps velis. Colloquium ad B. V.

### Punctum III.

Confidera I. Fructus præclaros hujus altitudinis, quos clare indicavit DEUS Pl. 88. dum dicit: *Inveni David servum meum? oleo sancto meo unxi eum, manus enim mea auxiliabitur ei, & brachium meum confortabit eum*. Quibus verbis tres præclaros fructus insinuavit; videlicet I. *Summam et perpetuam lætitiā*, quæ omnia alia gaudia perinde superat, ac oleum reliquis liquoribus supernatat; nam sicut præclare quidam SS. PP. dixit, *Si mens in DEUM forti intentione dirigetur, quidquid sibi in hac vita amarum evenit, dulce æstimat: omne, quod affligit, requiem putat: transire & per*

*Et per mortem appetit, ut obtinere plenius vitam possit.* Sicque verificatur Salomonis effatum Prov. 16. quo dixerit : *Secura mens est quasi jube convivium.* 2. *Summam prosperitatem successus in laboribus, Et officiis :* si enim non digitus dumtaxat, sed tota manus (per quem modum loquendi abundantia, & efficacia auxilii denotatur) auxiliabitur tali homini, quis de optimo successu dubitare poterit? Implebitur sane in servis talibus, quod S. David Ps. 1. prædixit, dum virum, cujus in lege Domini voluntas est fixa, similem ait fore ligno plantato secus decursus aquarum, & fructum daturum in tempore suo, & quod omnia, quæcumque faciet, prosperabuntur. III. *Summam protectionem a malis,* quam per vocem *brachium* indicavit, & si in ullo alio, in Davide sane ostendit, idemque faciet omnibus, qui viri secundum cor illius esse, atque ad altum cor accedere studuerint; si enim Prov. 4. omni custodia servandum cor esse dixit, quidni & ipse virum secundum cor suum omni custodia protecturus credatur.

Considera II. Quam pretiosi sint hi fructus, & tibi maxime optandi, ut & Proximi salutem juxta vocationem tuam efficacius procurare, & inter tot labores, ac difficultates constantem animi tranquillitatem, ac lætitiā retinere valeas.

Considera III. Quomodo vel hoc etiam titulo descriptam hætenus altitudinem cordis sectari, cumque in finem præclaram S. Augustini sententiam in animo semper habere velis : *Quid times homo in sinu DEI positus? tu de sinu ipsius noli cadere; Et quidquid tibi evenerit, in bonum cedit.* Colloquium ad Christum.

## OCCUPATIONES

### Reliqua Diei.

I. Prima occupatio erit exan̄ten circa ea, quæ ad DEI, & Cælitum cultum spectant; itaque examina te metipsum:

Quo-



Quomodo te erga DEUM ipsum habeas , an debitum ei timorem , amorem , honorem exhibueris ?

Qua diligentia , & fructu exercitia spiritualia , puta orationem mentalem , & vocalem , Sacrificium Missæ , lectionem spiritualem peregeris ? an desolationes potius , quam ariditates sub iisdem experiaris ? quæ distractionum , & ariditatis causæ ? quomodo submovendæ ?

Quomodo in cultu SS. Passionis Christi , Eucharistiæ , B. Virginis , S. Angeli Custodis , aliorumque SS. Patronorum te gesseris ? an quæ ad eorum honorem facere decrevisti , constanter impleveris ?

An , & quas preces jaculatorias usurpare interdum soleas , & quo fructu ?

An , & quoties de die bonam intentionem tuis actionibus præfigere , & quoties renovare soleas ?

An pro acceptis beneficiis gratias debitas persolvere studueris ; & quoties in die ?

An etiam adversa de illius manu cum hilaritate , & æquanimitate acceperis ?

Quomodo in servitio Dei , & perfectione proficere studueris ? quod desiderium proficiendi in te sentias ? quibus ad hunc finem mediis utaris ?

Quomodo ad mortem , si hodie obeunda esset , paratus fores ? quid te in tali casu magis angeret , vel solaretur ?

II. Secunda occupatio erit lectio ordinarii libri , & duorum capitum ex lib. de Imitatione Christi , nempe l. 1. c. 9. & lib. 3. c. 25.

## QUARTUM EXEMPLAR TRIDUANÆ RE- COLLECTIONIS.

*Pro Sacerdote seriam Pœnitentiam facere volente .*

**C**Um contingat interdum , ut Sacerdos aliquis pluribus vitiis , malisque consuetudinibus immerfus , aut sponte resipiscat , & recollectionem quamdam spiritualem instituere decernat , aut certe ad eandem faciendam

R r      supe-

superiorum imperio adigatur, ideo ut talis quoque Sacerdos materiam ad finem sibi præfixum obtinendum idoneam pro triduana saltem collectione inveniat, placeat eandem hoc loco assignare, succinctius tamen, quam in prioribus fecerim, ut ipse tanto plus spatii habeat ad peccatorum suorum gravitatem, & multitudinem perpendendam, motivaque, & media ad seriam emendationem conducentia excogitandi.

Quia vero, ut alibi monui, ad optatum ex tali collectione fructum non parum conducit, si Patronus quispiam eligatur, qui in simili olim statu constitutus, miseriam ipsius clarius per experientiam propriam cognoverit, atque adeo patrocínio suo libentius auxiliaturus credatur; ideo & pro collectione S. Petrum Ecclesiæ Principem, & omnium Sacerdotum Patriarcham, Patronum singularem in auxilium specialiter vocandum, & velut pulcherrimum Pœnitentiæ exemplum ob oculos habendum censeo, de quo proinde & ipsæ meditationes potissimum instituantur.

## D I E S P R I M A.

### Tessera.

**D**omine, ne memineris iniquitatum mearum antiquarum, sed cito anticipent me misericordiæ tuæ, quia pauper factus sum nimis. Ps. 78.

## M E D I T A T I O I.

### DE PETRO DELINQUENTE.

**S**Copus hujus meditationis erit delictorum tuorum gravitatem cognoscere; ad quod non parum conducet, si ex una parte peccati a S. Petro commissi gravitatem consideres: ex altera vero parte, tua peccata cum peccato illius compares. Præmissis ergo orationibus consuetis, & præludiis ordinariis, quæ semper a te debito modo facta deinceps supponam.

In

In puncto primo considera, quam magna beneficia S. Petrus a Christo acceperit, tum per vocationem ad Apostolatam; tum per tam salutarem instructionem verbo, & exemplo factam; tum per Sacerdotii collationem; tum per SS. corpus, & sanguinem paulo ante porrectum; tum per confidentiam ad ipsum habitam, dum ipsum cum SS. Joanne, & Jacobo transfigurationis, & agoniz sue, aliorumque arcanorum suorum testes esse voluit; & ex horum beneficiorum magnitudine collige, an non æquissimum fuerit, ut S. Petrus pro tot favoribus gratissimum se exhiberet, & præ reliquis Discipulis vehementius Christum amaret, & firmitus ei adhæreret? Reflecte te postea ad tua quoque beneficia accepta a DEO, & vide, an non sicut similes favores accepisti, ita similes quoque causas habueris, Deum ferventius amandi.

In secundo Puncto considera qualitatem, & gravitatem peccati a S. Petro commissi; quod scilicet summum suum Benefactorem, Magistrum, Patrem tam amabilem nosse se negarit, idque jurejurando confirmarit; cum ergo, teste S. Bernardo, nihil perinde displiceat DEO præsertim in Filiis gratiæ, sicut ingratitude, perpende, quantopere hæc negatio Christo doluisse, & displicuisse debeat; utpote quæ summam ingraticudinem involverit. Cum autem tu quoque per peccata tua similem negationem non tam verbis, quam operibus ipsis admiseris, an non dolorem, & offensam tanto majorem Christo creaveris, quanto frequentius similia beneficia, maxime SS. Corporis, & Sanguinis communicationem repetivit.

In tertio Puncto considera, quod etiam ex repetitione negationis a S. Petro factæ non modicum pondus tali peccato accesserit; cum non ex fragilitate dumtaxat, sed deliberata voluntate ortum se sumpsisse arguerit, atque adeo merito Christo tanto magis displicuerit, quanto minus post tot causas amandi S. Petro datas tam subitam aversionem expectarat, ita ut merito ad eundem dicere potuerit, quod Cæsar Imperator Romanus ad Brutum optimum amicum suum dixerat,

dum ad eundem occisoribus Cælaris se sociantem dixit : Et tu Brute? conclude itaque, cum tu non ter dumtaxat, sed centies forte, milliesque eundem Christum negaris, quantam per tot peccata displicentiam, & dolorem Christo creaveris, & quam iustas adeo seriæ pœnitentiæ agendæ causas habeas. Resolve te itaque ad talem pœnitentiam, tibi que dictum a S. Joanne Bapt. credito? *Pœnitentiam age, quoniam appropinquavit regnum cælorum.* Si autem, venio tibi Apoc. 2. *Memore esto, unde excideris, & age pœnitentiam, & prima opera fac: sin autem, venio tibi, & movebo candelabrum tuum de loco suo, nisi pœnitentiam egeris.*

## MEDITATIO II.

### DE PETRO PŒNITENTE.

**S**Copus hujus meditationis est, cognoscere, qua ratione S. Petrus de peccatis suis pœnitentiam egerit; pulchrumque adeo tibi similis pœnitentiæ agendæ exemplum reliquerit.

In primo Puncto considera, quod S. Petrus non quamcumque pœnitentiam egerit, sed seriam valde, & magnam; id verba Evangelistæ Matth. c. 26. testantur: *Egressus foras flevit amare.* Quia scilicet illorum verborum Jer. 2. meminerat, & quasi a Christo sibi dicta credebatur: *Scito, & vide, quia malum, & amarum est, reliquisse te Dominum Deum tuum; & non esse timorem (& amorem) mei apud te.* Vide ergo, an non similes flendi causas habeas, tibi que illa Jeremiæ cap. 9. verba appropriandi: *Quis dabit capiti meo aquam, & oculis meis fontes lacrymarum? & plorabo die ac nocte.*

In secundo Puncto considera, quod S. Petrus non contentus fuerit, semel diflevisse peccatum suum, sed per totam vitam usque adeo deploravit, ut, teste S. Silvestro Papa, lacrymæ genas ejus excavaverint, & oculos quasi sanguinantes fecerint, quia videlicet sciebat dictum a Siracide Eccl. 5. *De propitiato peccato noli esse sine mentis.* Quam efficaces vero fuerint hæ lacrymæ, testatur S. Leo

S. Leo S. 9. de Passione, dicens: *Sancte Apostole, lacrymæ tua ad diluendam culpam negationis, virtutem habere sacri Baptismatis.* Vide ergo & tu, quam multo graviore habes causas ob tot, tantaque peccata tua semper adhuc plangendi, & cavendi, ne novis peccatis cumulum peccatorum, & causas plangendi multiplices; cum, teste S. Gregorio in Pastor. *unius cujusque mens tantum pœnitendo compunctionis suæ bibat lacrymas, quantum se a Deo meminist amisisse per culpas.* Itaque dictum S. Ambrosii ad Theodosium tibi quoque applica, & quod ille de Davide dixit, hoc tu de Petro intellige: *Si secutus es errantem, sequere et pœnitentem.*

In tertio Puncto considera, quod nec hac pœnitentia contentus Petrus, aliam quoque satisfaciendi rationem longe perfectiorem adhibuerit; dum alios quoque quam plurimos a peccatis abstraxit, & ad similem pœnitentiam perduxit, ut, cum Christus, quod uni ex minimis suis factum est, sibi factum reputet, tanto facilius ab eodem delictorum suorum veniam impetraret, quanto sæpius ipsi hoc beneficium in peccatoribus conversis præstitisset; unde merito S. Jacobus c. 5. dixit: *Fratres mei, si quis ex vobis erraverit a veritate, et converterit quis eum, scire debet, quoniam, qui converti fecerit peccatorem ab errore via sua, salvabit animam ejus a morte, et operiet multitudinem peccatorum.* Cum ergo & tu non minus Christum te offendisse agnoscas, & ex altera parte tam bonam occasionem habeas, hoc tertium satisfaciendi genus usurpandi, vide, an non æquissimum sit, ut vel hoc titulo ad animarum salutem strenue incumbas, & quam plurimos peccatores ad veram pœnitentiam perducere studeas.

## DIES SECUNDA.

Tessera.

**M**iserere mei DEUS secundum magnam misericordiam tuam: & secundum multitudinem miserationum tuarum dele iniquitatem meam. Ps. 50.

## MEDITATIO I.

DE PETRO RESPECTO A CHRISTO;

Sen

DE ADJUMENTIS AD VERAM POENITENTIAM AGENDAM.

**S**Copus hujus meditationis est, videre, quo potissimum medio S. Petrus ad poenitentiam tantam permotus sit, & quomodo tu quoque illud adhibere debeas.

In primo ergo puncto considera, quando, & quomodo S. Petrus ad tantas lacrymas, & poenitentiam permotus sit; scilicet tunc, quando, teste S. Luca c. 22. *conversus Dominus respexit Petrum*; hic enim aspectus Christi Petro pectus, velut acutissimus gladius transverberavit, & ut loco sanguinis copiosæ lacrymæ fluxerint, effecit. Ex quo primum, idque summe necessarium conversionis, & poenitentiae adjumentum colligere potes, quod est miseratio Dei ad poenitentiam moventis. *Moyse enim dicit, Teste S. Paulo ad Rom. cap. 9. Miserebor, cujus misereor: & misericordiam prestabo, cujus misereor. Igitur non volentis, neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi te, ut ostendam in te virtutem meam, & ut annuntietur nomen meum in universa terra. Ergo cujus vult, miseretur, & quem vult, indurat. An non ergo merito pro hac misericordia supplicas*

cas

cas Deo , clamasque cum S. Davide Psa: 50. *Miserere mei Deus , secundum magnam misericordiam tuam ?*

In puncto secundo considera , quod respectus iste , quo Christus Petrum respexit , non nuda misratio fuerit , sed etiam illustratio copiosa , qua DEUS bonitatem suam infinitam , tam multis argumentis antehac Petro demonstratam ipsi in mentem revocavit , & illam quasi querelam Jerem. 2. iterum repetivit : *Obstupefcite cæli super hoc , & portæ ejus desolamini vehementer , dicit Dominus : Duo enim mala fecit Petrus , ( & Discipulus ) meus : Me dereliquerunt fontem aquæ vivæ , & foderunt sibi cisternas , cisternas dissipatas , quæ continere non valent aquas.* Hac namque illustratione errorem suum , & stultitiam suam clarissime agnovit Petrus , atque ad eundem detestandum , & corrigendum tantopere commotus est . Vide ergo , quomodo tu quoque , cum Christus simili modo respicere te paratus sit , hanc illustrationem pariter admittere , & consideratione tantæ bonitatis tam turpiter a te desertæ cum Anna Tobia uxore c. 10. flere irremediabilibus lacrymis , dicereque velis : *Hæc , Deus meus , omnia in te uno habens , non te debebam dimittere a me.*

In tertio Puncto considera , quod S. Petrus non contentus adjumento hoc ex parte Dei præstito , etiam ipse ex sua parte cooperatus sit , & aliud adjumentum non minus efficax , & necessarium adhibuerit , occasionis scilicet , in qua lapsus est , fugam ; nam egressus foras est , teste Evangelista , sicque homines , qui ei peccati , & lapsus occasio fuerant , declinavit ; novit quippe suspectum esse dolorem , qui non sufficienter inducit ad relinquendas occasiones peccati ; & qui amat periculum , perire in illo . Vide ergo & tu , quæ tibi hætenus occasio petra scandali fuerit , & memor doctrinæ a Christo Marc. 9. datæ : *Si manus tua scandalizaverit te , abscinde eam , & projice abs te : occasionem talem penitus relinque ; Jurat enim non qualibet res adepta , vel multiplicata exterius , sed potius decisa ex corde radicitus.* Hinc S. Augustinus ad rite agendam poenitentiam lib. 2. Conf. c. 12. primo loco petebat occasionis subtractionem ,

deinde primum resistendi virtutem, & affectionis sanitatem; quia non ignorabat videlicet, quod, sicut in pestilentibus locis sensim attractus aer latentem corporibus morbum injicit, ita in prava consuetudine, ac conversatione maxima mala hauriantur, etiamsi incommodum non sentiatur.

## MEDITATIO II.

### DE PETRO VINCENTE;

Sen

#### DE IMPEDIMENTIS POENITENTIAE REMOVENDIS.

**S**Copus hujus meditationis est cognoscere, quænam impedimenta præcipue S. Petro obstiterint, aut certe obstare potuerint ad poenitentiam agendam, & quam efficaciter fortiterque ea removerit; tibi que iterum in ordine ad eundem finem, pulchrum imitationis exemplum reliquerit.

In primo itaque puncto primum impedimentum poenitentia, quod S. Petro obstiterat, considera, difficultatis scilicet horrorem; hunc enim maxime obstare poenitentia, sat clare Thomas Kemp. l. 1. cap. 25. insinuat, dum dixit: *Unum est, quod multos a profectu, et ferventi emendatione retrahit, horror difficultatis seu labor certaminis.* Sed hoc impedimentum fortiter vicit D. Petrus, dum non tam ad difficultatem hanc, quam paratum Dei auxilium respexit. Meminit namque, quod Servator Matth. 11. dixerit: *Tollite jugum meum super vos; jugum enim meum suave est, et onus meum leve;* propter gratia scilicet actualis conferenda copiam. Vide ergo, an non & tibi hoc impedimentum hæcenus obstiterit, & eodem, quo D. Petrus, modo vincere stude. Eum in finem revolve, quid Angelus custos quondam Clienti suo dixerit, simile impedimentum habenti; cum

erim



enim huic Juveni ingens gigas apparuisset, & ipse ad certamen ab eo vocatus, congregi horreret, Angelus ei assistens hortatus est, ut tantum animose invaderet illum; mox enim se auxilium præstiturum; quod cum fecisset, absque difficultate gigantem superavit. Idem ergo & a tuo Custode Angelo, ipsoque Deo fieri puta, ideoque generose aggredere difficultatem, & mox auxilium experire, nam ut idem pius Auctor l. c. dixit: *Illi maxime præ ceteris in virtutibus proficiunt, qui ea, quæ sibi magis gravia, et contraria sunt, viriliter vincere nituntur; nam ibi homo plus proficit, et gratiam meretur ampliore, ubi magis seipsum vincit, et in spiritu mortificat.*

In secundo Puncto secundum impedimentum considera, quod est falsa persuasio, qua homines peccatores sibi persuadent, nimis triste, & melancholicum esse, poenitentiam agere; cum talis poenitens illud S. Bernardi dictum (quod Mathias Faber in conc. 4. de S. Magd, refert) usurpare debeat: *Firmum est mihi propositum, numquam ridendi, quousque audiam ex ore DEI illa verba: Venite benedicti, neque a fletu desinam, donec liber sim ab illa sententia: Ite maledicti in ignem æternum.* Sed & hoc impedimentum facile rejecit D. Petrus, quia jugum Domini suave esse, non modo firmissime credidit, sed propria etiam experientia didicit, unde & ipse in prima sua Epistola c. 1. Christianos ad ejusmodi tentationem vincendam proposita lætitia secutura hortatur, dicens: *In quo exultabitis modicum nunc, si oportet contristari in variis tentationibus.* Quanta autem sit hæc lætitia futura, paulo post innuat his verbis: *Credentes autem exultabitis lætitia inenarrabili, et glorificata, reportantes finem fidei vestra salutem animarum.* Vide ergo & tu, an non tibi quoque hoc impedimentum hæcenus obstiterit, & falsam tuam opinionem corrige, certo tibi persuadens, majores te solidioresque consolationes, reperturum in poenitentia, quam inter mundanas consolationes, cum, si gaudium est in hoc Mundo, hoc utique possideat pura conscientia, teste pio Auctore l. 2. c. 6. hujus autem certissimum testimonium

nium sint lacrymæ pœnitentis, ut quæ, teste S. Augustino s. 11. ad Fratres, *sunt aqua salutaris, per quam omne peccatum destruitur*. Unde merito S. Chrysostomus hom. 12. in Epist. ad Coloss. ait, *Nihil esse his lacrymis jucundius, & quovis risu illas esse jucundiores. Sciunt, qui lugent, quantam hac res habeat voluptatem. Illam videlicet, de qua Servator Matth. 5. dixit: Beati, qui lugent, quoniam consolabuntur,*

In tertio puncto considera tertium impedimentum, quod est respectus hominum, a quo, sicut S. Petrus ad peccatum se inductum fuisse cognovit, ita, ne deinceps amplius a pœnitentia impediret, sedulo cavet; unde in sua Epist. 1. c. 3. alios quoque ad eundem respectum, & timorem hominum vitandum solícite hortatur, dum ait: *Et quis est, qui nobis noceat, si boni emulatores fueritis? sed & si quid patimini propter justitiam beati. Timorem autem eorum ne timueritis, & non conturbemini, Dominum autem Christum sanctificate in cordibus vestris. Considera ergo, an non & tibi respectus iste non modicum ad pœnitentiam obstaculum objecerit? an non apud te quoque, in animo saltem, auditum sit vulgare illud: Quid dicent homines? quare vel deinceps corrige timorem istum, serio conferens causas, ob quas DEUM magis respicere, & timere, quam homines debeas, cum horum favor sit vanus, instabilis, infirmus, & parvus; divinus autem favor solidus, constans, liberalis, potentissimus, atque adeo plus appetendus, quam omnium hominum maximus favor. Dic ergo & tu, si homines absterre a pœnitentia volunt, cum S. Petro: Obedire (& respicere ac placere) oportet DEO magis, quam hominibus; si enim hominibus placerem, Christi servus non essem. Oculi ergo mei deinceps semper ad Dominum erunt directi.*

DIES TERTIA.

Tessera.

**D**omine patientiam habe in me, & omnia reddam tibi. Matth. 18.

MEDITATIO I.

DE FERVENTE PETRO.

**S**Copus hujus Meditationis est, cognoscere fructus pœnitentiæ, quos S. Petrus ex sua conversione retulit, ut & tu per illos ad similem pœnitentiam exciteris.

In primo Puncto considera primum fructum pœnitentiæ, qui in ipsum DEUM redundabat, amor scilicet vehementissimus, quo D. Petrus in DEUM rapiebatur ex consideratione præteriti peccati, cum enim ipse Christus Luc.c.7. dixerit; eum, cui plus, dimittitur, plus diligere, æquissimum merito agnoscebat, ut, quoniam tam gravem culpam sibi tam benigne remiseraat Christus, ardentius quoque ipsum diligeret; hinc Jo. 21. rogatus a Christo, an ipsum plus his (cæteris scilicet Apostolis) diligeret, intrepide respondit: *Tu scis, Domine, quia amo te.* Cum ergo & tibi non unum duntaxat, sed tot, tamque gravia peccata, & quidem toties remissa esse agnoscas, vide nunc, quam efficacem stimulum ad similem, imo vehementiorem amorem eliciendum, atque adeo primum hunc fructum participandum habeas, ut de te quoque suo modo dici queat, quod Christus S. Magdalene, licet in alio sensu dixerat: *Remissa sunt ei peccata multa, quoniam (aut potius ideo) dilexit multum.*

In secundo puncto secundum pœnitentiæ fructum, qui in proximum redundabat, considera; scilicet commiserationem insignem cum aliis in peccata lapsis; hinc tam suaviter eos ad pœnitentiam, & sanctitatem vitæ hortatur, dicens: *Charissimi, obsecro vos, tamquam ad-*  
*venas,*

*venas, & peregrinos abstinere vos a carnalibus desideriis; erat enim sicut oves errantes, sed conversi estis nunc ad Pastorem, & Episcopum animarum vestrarum. Hunc ergo fructum & tu sane abundanter participabis, si per poenitentiam propria tua peccata frequenter oculis objicias; tunc enim illis pii Ascetæ verbis l. i. c. 16. te ipsum excitabis ad commiserationem, dicesque: Stude patiens esse in tolerando aliorum defectus, quia & tu multa habes, quæ ab aliis oportet tolerari. Si non potes te talem facere, qualem vis, quomodo poteris alium habere ad beneplacitum? si tu cum tot auxiliis toties, & tam graviter lapsus es, quid mirum, si alii tantis subsidiis carentes interdum cadant? Nunc autem sic DEUS ordinavit, ut nemo sit sine defectu, nemo sine onere, & sic discamus alter alterius onera portare.*

In tertio puncto considera tertium fructum poenitentiae, qui in ipsam S. Petri Personam redundabat, eratque eximius fervor, quo præteritam vitam corrigere, & neglectum meritorum cœlestium lucrum resarcire studebat, quem quidem fervorem in tribus præcipue occasionibus ostendebat. 1. In vehementi odio, & fuga omnis peccati, & concupiscentiae ad peccatum inducentis. 2. In vehementi studio omnes actiones, sive in occulto, sive publico susceptas cum magna diligentia, & perfectione obcundi. 3. In vehementi desiderio multa pro DEO, graviæque patiendi. Quæ omnia tum ex Actis Apostolorum, tum ex vita ipsius passim ab Auctoribus descripta patent. Aspice ergo & tu, & imitare hoc exemplar, tantoque fervorem majorem ostendere stude, quanto gravius te, sæpiusque deliquisse, adeoque & jacturam meritorum grandiore fuisse passum cognoscis. Sequere consilium S. Pauli ad Ephes. 5. c. dicentis: *Videte, Fratres, quomodo caute ambuletis, non quasi insipientes, sed quasi sapientes, redimentes tempus*; tunc autem juxta S. Thomam in loc. cit. redimitur tempus, quando quis tanto magis vacat bonis operibus, quanto prius institit malis; nam, ut S. Hieronymus ad Paulinum scripsit, *Subitus calor longum teporem vincit*; & acceleratus equi cursus omnem priorem tarditatem compensat.

MEDI-

MEDITATIO II.  
DE PETRO CONSTANTE.

Id est,

*Perseverantia pœnitentia procuranda.*

**S**Copus hujus Meditationis ex ipso titulo facile patet, quod nempe alius non sit, quam constantia in suscepto Pœnitentiæ exercitio, ut, si cum D. Petro male coepisti, saltem cum eodem finias bene.

In primo puncto considera, multis quidem ex capitibus laudabilem fuisse D. Petri pœnitentiam, sed eo maxime, quod eandem in finem usque continuerit, & operi laudabiliter incepto gloriosam coronidem imposuerit; dum generosam de Tyranno victoriam reportans, cruci affixus inter ardentissima amoris ad Magistri sui conspectum anhelantis suspiria vitam finivit; hinc alios etiam Christianos tam efficacibus verbis ad similem perseverantiâ hortatus est in c. 2. ep. 2. dicens: *Si enim resugientes coinquinationes Mundi in cognitione Domini nostri, & Salvatoris JESU Christi, his rursus implicati superantur, facta sunt eis posteriora deteriora prioribus; melius enim erat illis, non cognoscere viam justitiæ, quam post agnitionem retrorsum converti ab eo, quod illis traditum est, sancto mandato; contigit enim eis illud veri proverbii: Canis reversus ad suum vomitum, & sus lota in volutabro luti.* Vide ergo & tu, quomodo illius exemplo excitatus, similem deinceps in tua pœnitentia perseverantiam obtinere velis.

In secundo Puncto considera, quibus motivis se ad talem perseverantiam D. Petrus excitaverit; tribus videlicet. 1. Per exemplum Christi, qui obediens fuit usque ad mortem, ita ut jure merito ante obitum dicere potuerit: *Consummatum est.* 2. Per DEI constantiam in beneficiis ipsi Petro non solum in hac vita collatis, sed etiam per totam æternitatem conferendis; quidni enim æquissimum putaret esse, ut ipse vicissim constanter tantum Benefactorem diligeret, & modico saltem tempore, quamdiu scilicet vita præsens duraret, gratum se exhiberet? 3. Per necessitatem hujus perseverantiæ; sciebat nam-

namque dictum a Magistro suo Matt. 10. *Qui perseveraverit usque in finem, hic salvus erit.* Et Iterum Luc. 9. *Nemo mittens manum ad aratrum, & respiciens retro aptus est regno DEI.* Sed & meminerat, quam amice illos olim sequentibus verbis sit allocutus: *Vos estis, qui permansistis mecum in tentationibus meis, & ego dispono vobis, sicut disposuit mihi Pater meus, regnum: ut edatis, & bibatis super mensam meam in regno meo.* Perpende itaque quam efficaciam sint hæc motiva ad te quoque excitandum, ut in pœnitentia nunc proposita, & inchoata ad finem usque vitæ perleveres; confidens cum S. Paulo in hoc ipsum, quia, qui cœpit in te opus bonum pœnitentiæ, etiam perficiet usque in diem JESU Christi; illudque DEI dictum Apoc. 2. tibi applicans: *Eso fidelis usque ad mortem, & dabo tibi coronam vitæ.* Certe spes omnes nostræ in consummatione consistunt, teste Eusebio hom. 5. & ideo Jacob Patriarcha olim vidit DEUM in summitate, & sine scalæ, non medio vel principio stantem, ut indicaret, non sufficere bene cœpisse, nisi consummatio accedat; unde nemo coronabitur, nisi qui legitime certaverit, ut recte S. Apostolus 2. ad Cor. 2. dixit.

In tertio Puncto considera, quem fructum S. Petrus ex hac sua perseverantia retulerit; videlicet ut perinde ac S. Paulus 2. ad Timoth. c. 4. dicere potuerit: *Bonum certamen certavi, cursum consummavi, fidem servavi, de reliquo reposita est mihi corona justitiæ, quam reddet mihi Dominus in illa die justus Judex.* Vide ergo, & bene perpende, quam pretiosus, & optabilis sit hic fructus, dignusque, ob quem magna cum alacritate pœnitentiam etiam durissimam suscipias, & ad finem vitæ usque continues; si enim Dæmon, ut in spec. Exempl. dist. 9. ex. 63. refertur, aliquando fateri ausus est, se omnes omnium damnatorum pœnas usque ad extremum judicii diem libenter toleraturus, modo DEUM vel unico momento aspiceret; quanto magis tu amarissimam quantumvis pœnitentiam tantum usque ad finem vitæ, qui forte brevi aderit, suscipere, & continuare debes, ut DEUM per totam æternitatem aspiciere queas. Unde merito S. Hieronymus cuidam ob difficultates, & molestias in eremo tolerandas terrore hoc

re me-

remedium sua sit, dicens: *Infinita eremi vastitas te terret? in Paradisum mente deambula. Quotiescumque illud cogitatione conscenderis, toties in eremo non eris.* Quare audi consilium S. Pauli 1. ad Cor. 15. monentis, audi: *Fratres mei dilecti, stabiles estote, & immobiles, abundantes in omni opere Domini* ( quale utique præ reliquis est vera pœnitentia, & emendatio vitæ ) *semper scientes, quod labor vester non est inanis in Domino.*

## OCCUPATIONES

*Reliquæ pro hoc triduo.*

I. Præter has sex Meditationes, reliquum tempus partim in Confessione generali facienda; partim in inspicendo animæ statu ad similem aliquem modum, qualis in prioribus tribus exemplaribus assignatus est; partim in lectione spirituali libelli alicujus pii, & ad propositum tuum idonei consumes: Ejusmodi autem libelli exempli gratia esse possunt, Claudii Viexmontii Libellus de pœnitentia agenda. Ludovici Granatensis Dux Peccatorum. Hieremiæ Drexelii Æternitas, vel Tribunal sacrum. Item vitæ aliquæ Sanctorum, qui veram, & rigidam pœnitentiam egerunt, ex Petro Ribadeneira, vel alio simili libro selectæ. Nec ipse etiam libellus de Imitatione Christi omitti debet, ex quo lib. 1. c. 25. 18. & 21. hoc triduo legi possunt. Quod si vero occasionem habueris, etiam pœnitentias aliquas externas v. g. flagellationem, cilicii gestationem, jejunium, humicationem suscipiendi, istas quoque perutiliter assumes, nec modicum ad propositum finem subsidium experieris.

II. Si autem hæ Meditationes minus tibi arrideant, poteris sex alias Meditationes pro eodem tuo fine conducentes, vel ex Sacerdote Christiano, vel Exercitiis P. Jacobi Masenii assumere. Ex priore quidem libello servire præcipue poterunt pro prima Meditationes tres fol. 58. 61. 61. de beneficio, & scopo Vocationis ad sacerdotalem Statum, donisque & gratiis eximiis huic Statui annexis, quæ proinde tres Meditationes in unam conjungi poterunt.

runt. Pro secunda accipi poterit quarta Meditatio ibidem assignata de gravitate peccatorum, quæ a Sacerdotibus committuntur. fol. 65. Pro tertia sumi posset quinta ordine, de morte eorum, qui in sacris Monasteriis vitam traduxerunt. fol. 68. Pro quarta serviet. sexta, de ultimo examine, & iudicio Sacerdotum. fol. 70. Pro quinta Meditatio septima de luctuosissimo Statu Sacerdotum damnatorum. fol. 73. Pro sexta serviet octava de cœlestis gloriæ mercede piis Sacerdotibus præparata. fol. 76. cui etiam nonna, de cœlestis patriæ bonis a Sacerdote toto affectu extendendis jungi poterit. Pro lectione vero servire possunt reliqua capita, quæ toto illo libello continentur. Ex Mase-nii vero Exercitiis assumi possunt a fol. 447. illæ, quæ ibidem ex instituto pro personis Ecclesiasticis sunt composi-tæ. Prima, de fine, & vocatione Ecclesiasticorum l. c. Secunda, de peccatis Ecclesiasticorum solícite vitandis. fol. 457. Tertia, de gravi iudicio DEI Ecclesiasticis improbis imminente. fol. 465. Quarta, de sanctimonia Mi-nistrorum Ecclesiæ, vi ordinationis, requisita. fol. 476. Quinta, de doctrina, & virtute Ministrorum Ecclesiæ 487. Sexta, de obedientia, castitate, & paupertate eorundem Ministrorum. fol. 498. quibus lectionis spiritualis loco jungi possunt etiam septima, de charitate, Zelo, & patientia. fol. 409. Et octava, de perfectione, & conjunctione cum DEO Sacerdotibus necessaria. fol. 517.

II. Ut ergo totum hunc tractatum de Theologia Mysti-ca seu sacro secessu rite instituendo concludam, sic tibi eorum, quæ in eodem dicta sunt, usum sedulum, & cre-brum commendo, ut merito cum S. Davide Ps. 76. dicere possis: *Memor fui DEI, & delectatus sum, & excitatus sum, & defecit Spiritus meus. Cogitavi dies antiquos, & annos æternos in mente habui. Et meditatus sum nocte cum corde meo, et exercitabar, et scopebam Spiritum meum. Numquid in æternum projiciet DEUS, aut continebit in ira misericordias suas? Et dixi, nunc capsi, hac mutatio dextera excelsi.*

FINIS.



1776 2010861



